



323 I
TEOLOGIA

IXII
63.

Theol 323

VN

QV

IN G

Iusta

Plura
diffi
ulqu
etor

Auth
Val
Dod
ver
ne
fin
din

Stampe

M

BREVIS
VNIVERSÆ THEOLOGICÆ
TAM MORALIS
QVAM SCOLASTICÆ
CURSUS.

IN GRATIAM STUDENTIUM EDITUS.

*Juxta inconcussa, tutissimaque Doctoris angelici
D. Thomæ dogmata.*

Plura nova, & singularia in hoc opere continentur, circa
difficultates, quæ uel nondum expositæ fuerant, uel huc-
usque (ut videtur) remanserant insolutæ: quæ omnia Le-
ctoris beneuoli examini, & iudicio submittuntur.

*Authore R. P. LUDOVICO BANCEL Delphinatæ
Valentino, Ordinis Prædicatorum, Sacræ Theologiæ
Doctore Aggregato, ejusdemque Professore in Uni-
uersitate, Examinatore Synodali pro Diocesi, & Be-
neficiali pro Legatione Auenionensi, necnon Exdif-
finitore Generali Provincia Tholosana ejusdem Or-
dinis.*

TOMUS TERTIUS.

Eminent. Cardinali CYBO Dicatus.

M. Martini Oslinsk.
A VEN I O N E,

Sumptibus PETRI OFFRAY, Tipographi & Bibliopos-
itæ, in Foro S. Desiderij Sub signo Bibliothecæ

M. DC. LXXXIV.

Cum Superiorum permisso.

THEOLOGY
TAM MORALIS
QUAM SCOLASTICA
CURSUS

IN CHRISTIANISMO
A. J. 1700

PER
A. J. 1700

PER
A. J. 1700



LIBRARY OF THE

W. H. R. 1700

VENTURE

THEOLOGY
TAM MORALIS
QUAM SCOLASTICA

A. J. 1700

PER



PRÆFATIO.



N hoc etiam altero tomo
te præmonitum de quibus-
dam volo, amice lector.

1. Non debeo referre lau-
des, quas primo meæ Theo-
logiæ tomo tribuerunt plures doctissi-
mi viri; Ne tamen sim omnino ingra-
tus, fateor, quòd hæc tantorum viror-
um approbatio mirum in modum ex-
citavit animum meum ad perficiendum
opus inchoatum, dum spero quòd non
erit inutile.

2. Dominus Rimbaud mihi amicissi-
mus, sacra Theologiæ à pluribus annis
Professor in Congregatione Missiona-
riorum SS. Sacramenti, videns initio
tractatus de Trinitate, quòd sequebar
opinionem, quam aliqui ex celeberrimi-
s Thomistis, & præsertim Cardina-
lis noster Cajetanus tenuerunt, quòd
Angelus in cognitione suæ propriæ

P R Æ F A T I O .

substantiæ non format verbum , sed ipsa
famer substantia supplet vices verbi ,
monuit me hanc opinionem esse contra
D. Thomam : & occasionem mihi
dedit , considerandi cum maxima
qua potui attentione , ea quæ idem angelicus
Doctor circa istam difficultatem dicebat : & cum invenerim , prædictam
opinionem esse revera ipsius menti
contrariam , protinùs eam libentissimè
retractavi in tractatu de Angelis , ut
videre poterit lector , in indice , & corpore
illius tractatus.

3. Protestor omnibus , quòd ex nunc
pro tunc similiter retracto , quidquid
contigerit me scribere contra mentem
nostri Sancti Doctoris : Et quisquis
mihi hoc indicabit , maximum præstabit
beneficium. Cæterum hoc fortassè
contingeret ex ignorantia mea , sed
ut gratiæ Dei confido , numquam ex
industria. Tantâ enim veneratione nostri
Præceptoris angelici doctrinam colo ;
ut cum aliis in omnibus cedere debeam ,
nulli hac in parte inferior esse volo.
Adhæreat lingua mea faucibus meis ,
& calamus digitis meis , si non
meminero tui ô D. Thoma , & si mihi

PRÆFATIO.

non propolvero doctrinam tuam in principio cujuscunque difficultatis.

4. Sincerè tecum agere debeo, amice lector, & idcirco fateor, quòd licèt in primo tomo sæpiùs dixerim, me hunc brevem Theologiæ cursum componere in præludium cursus majoris; nunc tamen cogor mentem, & voluntatem mutare. Quamvis enim totam Theologiæ tam moralis quàm scholasticæ materiam præparatam habeam, prout eam per triginta annos in universitate dictavi, nihilominus dum manum ultimam apponere volui, prout exigit librorum editio, tot & tantas difficultates inveni, ut mihi plusquàm sufficiat, si Deo favente cursum istum absolvere possim. Quòd si divina ejus bonitas mihi postea vitam, & vires concedere dignetur, eas insumam in aliis operibus minùs laboriosis.

5. Tomum istum tertium in Lucem edidi, ante secundum: quia plures difficillimæ, & intricatissimæ materiæ in secundo tomo sunt exponendæ, pro quibus resolvendis optabam aliquos videre libros, quos nondum recupera-

PRÆFATIO.

re potueram, nunc autem totum illum aggredior.

6. Quamvis plura dicam, quæ mihi videntur nova, & singularia, nolo tamen ut ea mihi adscribas, amice lector, sed SS. Patribus, & Doctoribus: sicut enim communi fertur proverbio, facile est inventis addere; unde mihi facillimum fuit, ipsorum libros assidue per annos triginta revolvendo, plura nova, & etiam singularia invenire.

LICENTIAE
ET APPROBATIONES.

IMPRIMATUR,

HIACINTHVS LIBELLYS

Arch. Aven. Publicatur Aven. die 22. Aug. 1684.

Fr. H. DE PERUSSIS Inquis. Generalis.

Approbatio Doctorum Universitatis.

NOs infra scripti Doctores aggregati sacrae facultatis Theologiae Civitatis Avenionensis tertium tomum operis legimus cui titulus est, (*Brevis universae Theologiae cursus* &c.) à R. P. LUDOVICO BANGEL ordinis Praedicatorum ejusdem facultatis Doctore aggregato, & publico Professore conscripti: In quo nihil quod fidei catholicae, vel morum disciplinae repugnare videatur; nihil quod non Authoris eximia pietati, & profunda eruditioni respondeat, animadvertimus: Ideoque tomum supra dictum prae lo dignum, & publica Luce, magnoque usui futurum esse censemus. Datum Avenione sexto Kalendas Septembris anno 1684.

PRIVAT Doctores.

ROBERT Doctores.

F. FLOREN Augustinianus Doctores facultatis
Parisiensis.

F. RICHARDS DE MAY Ordinis Praedicatorum, Doctores.

L I C E N T I Æ

*RR. Patrum Magistrorum ordinis,
& R. admodum Patris nostri Pro-
vincialis habentur initio primi tomi.*

A P P R O B A T I O N E S Professorum Ordinis.

HUNC cursus Theologiæ moralis & schola-
sticæ Tomum à R. Patre LUDOVICO BAN-
CEL Ordinis Prædicatorum alumno, necnon
sacrae Theologiæ in Universitate Avenionensi Do-
ctore aggregato & professore compositum, in quo
agit de Deo Trino, & Angelis, quâ potui diligentia
evolui. Opus inveni pietatem, & doctrinam authoris
in omnibus redolens: in quo præter non vulgarem
styli puritatem, singulare tanti viri in eruendis sacrae
Doctrinæ arcanis ingenium miratus sum. Emicat enim
ubique solida Doctrina principiis fidei, mentique
D. Thomæ consentanea: & ita dilucidè gravissimas
Theologiæ difficultates enodat; ut in profundissima
fidei nostræ mysteria lectorem manuducere videatur.
Quapropter typis mandandum censeo. Avenione die
23. Augusti anni 1684.

*F. PETRVS MOISSET Theologia Professor
necnon Conventus Aven. FF. Prædic. humilis
Prior.*

APPROBATIO.

AUGUSTISSIMUM Sanctissimæ Trinitatis mysterium, profunditate obscurissimum, hæreticorum telis, & hæreseon maximè veterum scopulis pervium, cognitu difficillimum, & tamen creditu maximè necessarium, illum expositorem fortiri decebat, qui profunda sublimi, difficilia certo & facili, vetera novo, obscura claro, omnia denique ornatissimo modo interpretaretur. Hunc talem, ac tantum virum, qui hoc præstiterit, post sanctos Athanasium, Hilarium, Ambrosium, Augustinum, & Thomam, R. adm. P. F. LUDOVICUM BANCEL hujus tractatus authorem, ut merito discipulorum fidelem gratulator, ita salam gratulabundus prædicarem; nisi & elogia rejiceret, & majora his nossent omnes, quibus datum est ab annis triginta & uno eura habuisse Magistrum. Unum igitur, quod pro pietate eximia quodambitosius, ed sanctius cupit, quodque pro veritate, & veracitate maximè promeretur, accipiat hoc testimonium. In hoc tractatu maximè catholicus est, & Thomista.

Quod autem spectat ad tractatum de Angelis, huic in hoc tomo usque ad quaestionem quintam annexum, ut in eo, quædam Authorem dissidia benignè composita, quædam humiliter & solidius retractata, plura subtiliter solidèque digesta, ordinataque, quamplurima ex Conciliis, & SS. Patribus tum circa pietatem tum circa theoriâ abundantius sunt explicata; ita nihil aut quod fidem laderet, aut bonos mores offenderet, legenti diligenter occurrit. Datum Avenione die 26. Augusti 1684.

F. JOSEPHVS PATIN Ordinis Prædicatorum sacra Theologia Professor.



INDEX

TOMI TERTII DE DEO TRINO, ET ANGELIS.

TRACTATUS.

De ineffabili mysterio Sanctissimæ
Trinitatis.

QUÆSTIO I. De existentia seu veritate my-
sterii SS. Trinitatis. pag. 2.

ARTIC. I. De veritate mysterii SS. Trini-
tatis contra Iudæos, 3.

§. I. Quædam ex præcipuis locis veteris testamenti
pro mysterio SS. Trinitatis juxta SS. Patrum
expositionem. ibidem

§. II. Optima methodus ad Iudæos efficaciter refu-
tandos. Testimonia pro SS. Trinitate iuxta ex-
positionem Rabbiorum, qui Christianos præ-
cesseunt. 5.

§. III. Iudæi corruerunt translationem Chaldaï-
cam Ionathæ. Refelluntur efficaciter. 9.

ARTIC. II. Probatur mysterium SS. Trinitatis
contra hæreticos. 12.

§. I. Vera intelligentia huius loci, Ioan. 10. Ego
& Pater unum sumus, juxta sanctos patres con-
tra hæreticos. 13.

INDEX.

§. II. Alia scriptura sacra loca.	19
§. III. Solidissimus discursus Ioannis à S. Thoma, quo praecluduntur omnia haeticorum subter- fugia, tam modernorum quam antiquorum.	24.
§. IV. Praecluduntur alia haeticorum subterfu- gia ex eodem Ioanne à S. Thoma.	27
§. V. De spiritu sancto.	31
§. VI. Nova difficultas circa vocabulum illud, quod est.	32
ARTIC. III. Contra mahumetanos.	34
ARTIC. IV. Contra gentiles ex propriis eorum principiis.	35
§. I. Nova & singularis ratio, qua complectitur ea fere omnia, qua concernunt mysterium SS. Trinitatis. Doctrina D. Thoma notatu digni- ssima.	ibidem
§. II. Alia egregia rationes afferuntur ex angeli- co Doctore.	42
ARTIC. III. Solvuntur objectiones.	49
§. II. Exponuntur auctoritates scripturae sacrae. ibidem.	
§. II. Solvuntur objectiones ex rationibus petita 54.	
QUÆST. II. De processionibus divinis.	59
ARTIC. I. Virum processiones sint vera, & pro- pia actiones.	ibidem
ARTIC. II. Virum processiones sint actiones di- stinctæ ab actibus intelligendi, & volendi.	60.
ARTIC. III. De principio, & termino proces- sionum.	62
§. I. Suppositum constituens personas est princi- pium quod, & terminus quæ divinarum pro- cessionum. Essentia divina nec generat, nec generatur; nec spirat, nec spiratur.	ibid.
§. II. Quare principium quo est aliquid absolu- tum ut connotat relatiuum.	65
ARTIC. IV. An natura divina sit principium quo immediatum, vel terminus divinarum processionum; vel mediante intellectu, & ve-	

INDEX.

tantate.	66
§. I. <i>Authoritas scriptura, Conciliorum, & patrum.</i>	67
§. II. <i>Triplex evidens argumentum ad hominem contra Durandum.</i>	72
§. III. <i>Quid dicendum sit de aliis rationibus quae communiter afferuntur.</i>	75
§. IV. <i>Soluntur objectiones.</i>	76
ARTIC. V. <i>Cur una processio est generatio, non autem altera.</i>	79
§. I. <i>Sola processio verbi est generatio, non autem processio Spiritus sancti.</i>	80
§. II. <i>In quo sensu dixerunt patres, & Doctores mysterium istud probari non posse.</i>	81
§. III. <i>Novus & facilis modus resolvendi difficultatem iuxta omnium principia.</i>	83
§. IV. <i>Exponuntur aliae rationes.</i>	86
§. V. <i>Modus clarus & facilis solvendi objectiones.</i>	89.
§. VI. <i>Utrum intelligere in divinis sit idem virtualiter cum esse: & utrum sit constitutum nature divinae: & quomodo D. Thomas ex hoc quod in Deo idem est intelligere & esse, probat, quod processio verbi est generatio.</i>	94
QUÆST. III. <i>De Relationibus divinis.</i>	100
ARTIC. I. <i>De identitate & distinctione essentiae divinae & relationum.</i>	101
§. I. <i>Novum & singulare fundamentum pro stabilienda omnimoda identitate relationum cum divina essentia, ex D. Thoma depromptum.</i>	ibid.
§. II. <i>Referuntur opiniones de distinctione essentiae divinae, & relationum.</i>	106
§. III. <i>Supposito nostro fundamento facile ostenditur, non dari distinctionem formalem ex natura rei inter essentiam, & relationes divinas.</i>	ibid.
§. IV. <i>Objectiones facile soluntur ex dictis.</i>	113.
§. V. <i>Specialis difficultas de distinctione formali circa processiones divinas solvitur juxta principia tam Scotistis quam Thomistis communia.</i>	115

§. VI.
ma.
§. VII.
§. VI.
§. IX.
§. X.
Egregi
§. XI.
Mira
§. XII.
§. XII.
Ere
dion
Thor
§. XIV
D. T
ARTI
vina
§. I. V
tion
§. II.
solu
Eligit
doct
§. III.
nx
proco
QUÆST
ARTI
nis p
§. I. Q
sonis
§. II.
fint
Mira D
tia.
§. III.
§. IV.
mun
Ecce

INDEX.

§. VI. Confirmantur prædicta omnia ex D. Thoma.	119
§. VII. Soluuntur obiectiones.	121
§. VIII. Vera mens Conciliorum; & Patrum.	125
§. IX. De opinione Durandi.	134
§. X. De errore Gilberti.	135
Egregia contra ipsum D. Bernardi testimonia.	
§. XI. De errore Abbatis Ioachim.	140
Mira Ecclesia benignitas erga filios suos.	144
§. XII. De opinione Nominalium.	146
§. XIII. De virtuali distinctione essentia divina, & relationum à parte rei, & ipsarum distinctione formali per intellectum juxta sententiam Thomistarum.	151
§. XIV. Reflexio notatu dignissima pro doctrina D. Thomae.	152
ARTIC. II. De aliis difficultatibus relationes divinas concernentibus.	152
§. I. Vtrum essentia divina sit de conceptu relationum, & e converso.	ibid.
§. II. In divinis non sunt relationes reales nisi solius originis.	
Eligitur facilius modus exponendi hanc D. Thomae doctrinam.	159
§. III. Quatuor sunt in divinis relationes originis, scilicet Paternitas, filiatio, spiratio, & processio.	164
QUEST. IV. De divinis personis.	
ARTIC. I. De ratione persona, & quomodo divinis personis conveniat.	165
§. I. Quomodo definitio persona conveniat personis divinis.	166
§. II. An sicut tres sunt persona, ita etiam tres sint hypostases in divinis.	ibidem
Mira D. Hieronimi erga sanctam sedem observantia.	168
§. III. An persona divina dici possint simpliciter, & sine addito tres substantia.	170
§. IV. Quam individuationem, & quam incommunicabilitatem impertent divina persona.	
Et earum pluralitas nullatenus obstat divinae	

INDEX.

- simplicitate, in eo nullam prorsus compositionem facit. 172
- §. V. Quomodo persona divina conveniunt, & quomodo differunt in ipsa natura, & in sua personalitate. 174
- §. VI. Regula generales circa modum loquendi de Myſterio SS. Trinitatis. 177
- ARTIC. II. De existentia, subsistentia, & perfectione divinarum personarum. 187
- §. I. Vtrum persona divina prater existentiam absolutam importent tres existentias relativas, ibidem.
- §. II. Argumentum ex autoritate D. Thome notatu dignum. 191
- §. III. Vtrum persona divina prater tres subsistentias relativas dicant unam absolutam. 197
- §. IV. Exponuntur varia authoritates D. Thome valde difficiles & intricata. 208
- §. V. Non sunt in divinis quatuor distincta existentia, uel subsistentia. 217
- §. VI. Quomodo in divinis verificentur hac communia axiomata: actiones sunt suppositorum: & opera trinitatis ad extra sunt indivisa. 218
- §. VII. Vtrum persona divina prater perfectionem absolutam dicant etiam relativam: ita ut relationes earum constitutiva nedum perfectionem importent secundum suum esse in, sed etiam illam expriment secundum suum esse ad. 221
- §. VIII. Egregia doctrina de omnimoda personarum divinarum aequalitate. Ingens & perpetuum miraculum pro confirmatione huius myſterii. 232
- §. IX. De Circuminſeſſione divinarum personarum. 238
- ARTIC. III. De his qua sunt appropriata divinis personis. 240
- §. I. De his qua appropriantur tribus personis. ibid.
- §. II. De nomine Patris prout est Patris aeterno proprium, & appropriatum. 245
- §. III. De his qua appropriantur filio. 247
- §. IV. De his qua appropriantur Spiritui sancto. 250

INDEX.

ARTIC. IV. De variis Spiritus sancti figuris & apparitionibus. 257

§. I. Cur sub specie & figura columba Spiritus sanctus apparuerit? 258

§. II. Cur aqua figuram spiritus sanctus assumpsit. 263

§. III. Cur sub ignis specie Spiritus sanctus apparere voluerit? 266

§. IV. Cur Spiritus sanctus in forma venti seu Spiritus vehementis advenit? 271

§. V. Cur Spiritus sanctus sub figura lingua ignea super Apostolorum capita descendit? 274

ARTIC. V. De illis qua sunt propria divinis personis. 274

§. I. Quam prioritatem, uel posterioritatem admittere debemus inter divinas personas, aut excludere. Egregia exempla ex D. Ambrosio, & Augustino. ibid.

§. II. De constitutivo divinarum personarum, & in particulari de constitutivo patris. 281

§. III. Verus modus solvendi obiectiones ex D. Thoma, & Thomistis. 285

§. IV. De constitutivo aliarum personarum. 290

§. V. Ex cuius obiecti cognitione, & amore procedant verbum & Spiritus sanctus. 291

§. VI. obiectionum solutiones, quarum aliqua sunt notatu digna. 298

§. VII. Doctores Latini non attribuunt rationem verbi nisi soli filio: Doctores autem Graci attribuunt eam ipsi etiam spiritui sancto. 313

§. VIII. Doctores Latini attribuunt rationem imaginis soli filio: Doctores autem Graci attribuunt eam ipsi quoque spiritui sancto. Nova huius difficultatis resolutio. 315

ARTIC. I. De his qua in particulari concernunt Spiritum sanctum. 322

§. I. Verum Spiritus sanctus procedat a filio Gracorum error refellitur ex scriptura sacra. ibid.

§. II. Duplex argumentum notatu dignissimum ex generalibus Conciliis. 293

§. III. Testimonia Patrum praesertim Gracorum. 331

INDEX.

§. IV. Rationes D. Thoma.	331
§. IV. Gracorum punitio. Revelatio S. Brigitta notatu dignissima.	335
§. V. Egregia Doctoris Angelici Doctrina, qua solvitur precipuum gracorum argumentum, & contra ipsos retorquetur.	338
§. VI. Solvuntur, & similiter retorquentur alia Gracorum obiectiones.	346
Authoritatis D. Damasceni valde difficilis vera interpretatio.	
§. VII. An si Spiritus Sanctus non procederet à filio, adhuc distingueretur ab illo.	343
§. VIII. Argumentum ex Conciliis de promi solutum novo modo exponitur.	
Suaque integritati restituitur locus Concilij Florentini communiter antea male citatus: & vera ipsius intelligentia traditur.	351
§. IX. Argumentum ex testimoniis patrum. Et quomodo intelligi debeat illud tritum axioma, in divinis omnia sunt unum, ubi non obviat relationis oppositio.	357
§. X. Exponitur ratio D. Thoma.	
§. XI. Autoritas D. Anselmi exponitur. Egregia Regula generalis pro conciliandis Patrum testimoniis ex Cardinali Bessarione.	360
§. XII. Solvuntur alia obiectiones.	362
§. XIII. Pater, & Filius sunt unum principium Spiritus Sancti, & unus spirator, licet sint duo spirantes.	364
§. XIV. An Spiritus Sanctus per se postulet procedere à duabus personis.	368
QUÆST. V. De Notionibus divinis.	370
ARTIC. I. Quor & quæ sint notionες divinæ.	372
ARTIC. II. Quid, & quot sunt actus notionales. Quodnam eorum principium, & quinam terminus. Et utrum sint voluntarii.	377
§. Vauicus. Difficilis Authoritatis D. Augustini vera expositio ex D. Thoma.	381
ARTIC. III. De nominibus notionalibus, sive propriis divinarum personarum.	384
ARTIC. IV. Quomodo essentialia, & notionalia	

INDEX.

de se invicem predicari possint. Et utrum in eis locum habeat Syllogismus expositivus.	387
QUÆST. VI. De Missionibus divinis.	387
ARTIC. I. Quid sit missio, & quibus personis conveniat.	390
ARTIC. II. De variis missionum modis. ibidem	
ARTIC. III. Vtrum in missione invisibili, qua fit ratione gratia, & charitatis, Deus nectum sua dona conferat, sed etiam det semetipsum; itaut tota SS. Trinitas inhabitet substantialiter, & personaliter animam hominis iusti.	396
§. I. Prob. Cōcl. authorit. scriptura & Patrum.	397.
§. II. Mira D. Thoma doctrina, quod ita SS. Tri- nitas seipsam dat homini iusto, ut potestatem habeat ea liberè fruendi.	403
§. III. Si per impossibile Deus non foret ubique per immensitatem suam, sed tantum in calo, & homo iustus in terra, necesse foret, uel quod Deus iustum è terra elevaret ad calum, uel quod ipse è calo ad terram descenderet, ut unirentur in- vicem.	405
§. IV. Nova difficultas circa illam D. Thoma Do- ctrinam, quod Deus est in homine iusto sicut cog- nitum in cognoscente. Quid sit experimentalis notitia, per quam homo iustus cognoscit Deum in seipso inhabitantem.	407
§. V. Aliæ speciales difficultates solvuntur.	412
§. VI. Solvantur obiectiones communes.	415
§. VII. Referuntur integra autoritates D. Tho- ma, quæ difficultatem parere possunt, eoquod diminuitur citantur.	417
§. VIII. Quomodo per augmentum gratia & cha- ritatis fit maior Spiritus Sancti missio, & abun- dantior SS. Trinitatis inhabitatio.	420
§. IX. Dissensio concionatorum circa propositionem istam: Spiritus Sanctus personaliter super Apo- stolos descendit in die Pentecostes.	423
QUÆST. Ultima. De cognoscibilitate mysterij SS. Trinitatis.	425
ARTIC. I. Vtrum SS. Trinitatis mysterium lu-	

INDEX.

mine naturali cognosci possit.	ibidem
ARTIC. II. Egregia, & singularis ratio, propter quam imago SS. Trinitatis relucet in solis intellectualibus creaturis; in aliis autem non apparet nisi eius vestigium.	431
ARTIC. III. Deus in omnibus suis operibus, vel SS. Trinitatis imaginem insculpsit, vel saltem ipsius vestigium impressit.	434
Conclusio Totius tractatus.	435
TRACT. De Angelis.	437
QUÆST. I. De Angelorum existentia, essentia, & creatione.	438
ARTIC. I. Primum principium, ex quo inferri debet omnes fere conclusiones, quas de Angelis expl.aturi sumus.	ibidem
ARTIC. II. De Angelorum existentia.	441
ARTIC. III. De Angelorum essentia.	443
§. I. Egregium D. Thoma argumentum ex scriptura sacra pro totali spiritualitate Angelorum.	ibidem.
§. II. Authoritas Patrum, & etiam eorum qui nobis obiciuntur.	
Regula generales notatu dignissima ad eos intelligendos.	446
§. III. Refertur exactè authoritas Concilii Nican. Et ex eodem Concilio desumitur nostra conclusio confirmatio, ex qua sumi solet contra ipsam obiectio.	451
§. IV. Ponderatur authoritas Concilii Lateranensis 4. ubi etiam notatur altera deceptio plurium authorum circa Concilium Lateranense.	452
§. V. An conclusio nostra sit de fide. Nouum argumentum de apparenti contradictione D. Thoma, quod non videtur solui posse, nisi ope probabilitatis.	454
§. VI. Probatur Conclusio rationibus D. Thoma.	456
§. VII. Brevis obiectio solutionis.	458
§. VIII. Egregia, & singularis Doctrina de admirabili multitudine Angelorum, qua maximam affert consolationem.	460
§. IX. Admirabilis Angelorum varietas in tanta	

INDEX.

- eorum multitudine insinuantur obiter aliqua
notatu dignissima pro via spirituali. 469
- §. X. Vtrum Angeli saltem de potentia dei abso-
luta intra eandem speciem solo numero mul-
tiplicari possint. Traditur clarior, & facilius ex-
plicandi modus, 478
- §. XI. Soluuntur obiectiones praesertim illa qua
sumuntur ex auctoritatibus. D. Augustini, &
D. Thoma, qua communiter uel non proponuntur,
uel non satis exponuntur. 484
- §. XII. Vtrum Angeli sint ex natura sua incorrup-
tibilis, & immortales. Vera Conciliorum intel-
ligentia, quorum communis expositio non vi-
detur plene satisfacere. Auctoritas D. Thoma
notatu dignissima. 489
- ARTIC. III. De Angelorum creatione. 499
- §. I. Vtrum Angeli fuerint creati ante mundum
corporeum. Apparens D. Thoma contrarietas
tollitur ope probabilitatis. ibidem
- §. II. In quo loco Angeli creati sint. Piar reflexio D.
Bernardi. 504
- QUEST. II. De comparatione angelorum ad cor-
pora. 506
- ARTIC. I. De assumptione qua Angeli assumunt
corpora. 506
- §. I. Unicus. Egregia omnino rationes, quibus D. Tho-
mas probat conveniens esse, ut Angeli vera quan-
doque assumant corpora: & propter quas facilius
creduntur ea, qua de apparitionibus Angelorum
narrantur in vitis sanctorum. 507
- ARTIC. II. De loco Angelorum. 509
- §. I. Vtrum Angeli sint in loco per operationem. 510
- §. II. Corollaria praecedentis Doctrina. 518
- ARTIC. III. De motu locali Angelorum. 523
- §. I. Breviter explicantur plura ad motum localem
Angelorum spectantia. Misrantur Sancti Patres
velocitatem Angelorum. Ibid.
- §. II. Vtrum Angelus possit transire de uno loco ad
aliu non transeundo per medium. Exemplum
notatu dignissimum ex augustissimo eucharistia.

INDEX.

sacramento.	528
§. III. Vtrum Angelus possit movere se localiter in infinitum Sincategorematicè.	530
QUEST. III. De cognitione, & dilectione angelica.	531
ARTIC. I. De speciebus angelicis.	532
§. I. Nouus & facilis modus resolvendi difficultates, qua concernunt species angelicas, juxta communia Thomistarum principia.	533
§. II. Vtrum omnes Angeli in ipso sua creationis instanti receperint species impressas, & representativas illarum omnium rerum, quas cognoscere possunt.	535
§. III. Soluuntur obiectiones.	540
§. IV. Vtrum superiores Angeli intelligant per species magis universales, quàm inferiores. Mirum quòd Philosophus hanc veritatem agnoverit, & ex nostro primo principio intulerit.	543
§. V. Singularis doctrina de memoria angelica.	547
§. VI. Difficultas non mediocris circa testimonia D. Thomæ, qua non videtur satis explicari ab Authoribus.	550
ARTIC. II. De objecto cognitionis angelica.	554
§. I. Vtrum Angelus cognoscat seipsum per suam substantiam, nedum tamquam per speciem impressam, sed etiam expressam, seu verbum. Author retractat sententiam, quam hucusque docuerat.	ibidem
§. II. Quanam objecta comprehendant Angeli, & utrum inferiores comprehendant superiores.	562
§. III. De cognitione Angelorum circa præterita, presentia, & futura.	565
§. IV. Vtrum Angeli penetrare valeant secreta cordium.	568
ARTIC. III. De modo cognitionis angelica.	574
§. I. Vtrum Angelus possit simul ac semel intelligere plura ut plura.	ibid.
§. II. Vtrum in Angelis sit discursus.	575
§. III. De cognitione matutina & vespertina Angelorum.	577
ARTIC. III. De dilectione angelica.	579

INDEX:

- §. I. Vtrum Angeli semper felici necessitate se ipsos naturaliter contemplantur, & diligant, & Deum in se ipsis. ibid.
- §. II. Insinuatur egregia D. Thoma doctrina quod Angeli semper naturaliter diligant Deum plusquam seipsos & super omnia. 584
- ARTIC. IV. De Angelorum gratia. 590
- §. I. Vtrum omnes Angeli fuerint in gratia sanctificante creati. ibidem
- §. II. Vtrum omnes Angeli gratiam sanctificantem receperint per propriam dispositionem, siue per actum charitatis, quem omnes statim cum summo fervore iuxta capacitatem suam exercuerunt. 593
- §. III. Angeli non meruerunt gratiam; bene tamen gloriam. 596
- §. IV. Quomodo Angeli cognoverunt mysteria gratia. ibidem
- §. V. Vtrum gratuita fuerint Angelis concessa iuxta proportionem perfectionum naturalium. 598
- ARTIC. III. De aeo, tempore, & instantibus angelicis. 601
- §. I. De aeo angelico. ibidem
- §. II. De tempore Angelico. 603
- §. III. De instantibus angelicis. Omnium angelorum via tribus instantibus fuit completa. 605
- §. IV. Exponitur difficilis authoritas D. Thoma. 608
- QUEST. V. De culpa, & poena Daemonum. Tentativa authoris circa intricatissimas hujus questionis difficultates, quas in favorem studentium novo & singulari modo exponit. 610
- ARTIC. I. De privilegiis innocentia angelica. ibid.
- ARTIC. II. De angelorum impeccabilitate. 611
- §. Egregium principium pra clara, & facili resolutione sequentium difficultatum, quod nempe si Deus non potest de potentia ordinaria permittere peccatum, nequit etiam illud permittere de potentia extraordinaria, & absoluta. 612
- §. II. Si Angeli fuissent in puris naturalibus creati, forent impeccabiles. 614
- §. III. Angeli modo non possunt peccare circa et

INDEX

- denem naturalem, directe, & per se sed tantum
indirecte, & per accidens.* 617
- §. IV. *Utrum Angeli fuerint impeccabiles, in pri-
mo sua creationis instanti.* 619
- §. V. *Ratio D. Thoma cum egregia expositione om-
nium facillima & clarissima ex archipresule de
Marino;* 621
- §. VI. *Objectionis difficilima nova & facilis so-
lutio.* 624
- §. VII. *Alterius non minus difficilis objectionis
nova etiam & facilis solutio. Insinuatur con-
cordia libertatis & impeccabilitatis angelica.*
625.

FINIS.

TRAC.



cogno-
trino.
fidei
alia
nunt.
Alii
ita su-
nullo
clesia
etiam
tum no-
vel M
ne in
lamin
altius
nullum
tione
Augu-
riculo
quid
tur.
It
nes.

TRACTATUS VI.

De ineffabili Mystério sanctissimæ Trinitatis.



INEFFABILE mysterium 'SS. Tri-
nitatis primum est Religionis nostræ
Mysterium, & basis ac fundamen-
tum omnium aliorum. Primum qui-
dem, quia ea quæ dicuntur de Deo
ut uno, naturali lumine rationis
cognosci possunt; ea verò quæ traduntur de Deo ut
trino, cognosci non possunt nisi supernaturali lumine
fidei: basim autem ac fundamentum aliorum, quia
alia Mysteria illud vel important, vel saltem suppo-
nunt, & ab ipso dependent.

Aliunde Mysterium est ita difficile & abstrusum,
ita supra omnem rationem elevatum, quamvis in
nullo sit contra rationem, ut ab initio nascentis Ec-
clesiæ usque nunc, nedum Gentiles, & Judæi, sed
etiam Mahumerani, & varij hæretici, tum antiqui
tum novi, cum tantum splendorem ferre non possent,
vel Mysterium omnino negaverint, vel ipsius occasio-
ne in plures errores inciderint. Catholici verò ducti
lumine fidei, sicut nullum agnoscunt Mysterium
altius, cum nihil SS. Trinitati comparari possit, ita
nullum magis admirantur, & de ipsius contempla-
tione maximam consolationem percipiunt: unde D.
Augustinus lib. 1. de Trinitate, cap. 3. ait: *Nec pe-
riculosius alicubi erratur, nec laboriosius ali-
quid, quaritur, nec fructuosius aliquid inveniri-
tur.*

Illum autem tractatum dividemus in sex quæstio-
nes. In prima agemus de existentia seu veritate My-

² *Quæstio 1. De existentia*
sterij Trinitatis. In 2. De processionibus divinis. In
3. De relationibus. In 4. De personis. In 5. De no-
tionibus. In 6. De missionibus. Et in 7. De mysterij
cognoscibilitate.

Quia supposita semel hujus Mysterij existentia, non
explicatur ejus essentia nisi per processionibus divina-
rum personarum: & quia hujusmodi processionibus
fundant relationes divinas, & relationes constituunt
personas, idcirco consequenter agendum est de rela-
tionibus & de Personis: ac postmodum de notioni-
bus, quibus personæ dignoscuntur, & de missioni-
bus, quibus per ordinem ad effectus suos cognoscun-
tur; nec non de totius Mysterij cognoscibilitate,
qualis haberi potest per creaturas.



Q U Æ S T I O I.

De existentia seu veritate Mysterij
SS. Trinitatis.

Hujus Mysterij veritas probanda nobis est con-
tra Gentiles, Judæos, Mahumetanos, &
hæreticos. Contra Gentiles, qui scripturas
non recipiunt, agendum est rationibus, quibus osten-
datur Mysterij convenientia, & demonstretur ejus
existentia, non quidem positivè, sic enim fidei My-
steria demonstrari nequeunt, ut dicemus in tractatu
de fide, sed negativè, idest soluendo evidentè eorum
objectiones. Contra Judæos agendum est autoritate
veteris testamenti, quod solum recipiunt. Contra
hæreticos autoritate etiam novi testamenti, quod
ipsi non rejiciunt. Et contra Mahumetanos uti possumus
utroque testamento, eo modo quo explicabi-

ARTICULUS I.

*De veritate Mysterij Trinitatis contra
Iudaos.*

Quamvis hoc Mysterium in veteri testamento non fuerit clarè & expressè revelatum nisi majoribus eorum sive Patriarchis, Prophetis, & insignioribus legis Doctoribus, sive Rabbiniis; minoribus autem sive populo non fuerit nisi obscurè propositum, ac veluti figuratum & adumbratum: eoquod erat populus ita rudis, & carnalis, & ad idololatriam pronus, ut si audissent dari tres personas in divinis, eas tanquam tres Deos adorassent: non desunt tamen plura veteris testamenti loca, ex quibus Mysterij veritas evidenter inferitur, nedum juxta expositionem SS. Patrum, sed etiam ipsorum Rabbīnorum, quæ Christianos præcesserunt.

5. I.

*Quædam ex præcipuis locis veteris testamenti pro
Mysterio Trinitatis juxta SS. Patrum
expositionem.*

Ex pluribus & præcipuis veteris testamenti locis, quibus ostenditur dari SS. Trinitatem, quædam eligimus, quibus ipsi sancti Patres usi sunt; eoquod Spiritus sancti lumine imbuti veram Scripturæ sacræ intelligentiam nobis tradiderunt. Igitur.

Prob. I. Ex illo. *Genesis ij. Venite descendamus, & confundamus ibi linguam eorum.* Quem locum ad probandum hoc Mysterium affert S. Chrysostomus in sermone de SS. Trinitate, ubi sic habet. *Dicendo, venite, pares honore exhortando vocat: neque enim si Angelis imperasset, dicere debuit, venite, sed imperando, etc. Vide autem obsecro, quomodo Patris vox filium, & Spiritum sanctum vocet: nam si ad unum solus id dictum esset, de*

4 *Quaestio I. De existentia*
debat dicere, *veni, & descendamus: quia au-*
tem dixit, venite, unius est vox ad duos honore
aequales.

Item Genesis 18. Apparuit autem ei Dominus
in conualle Mambre sedenti in ostio tabernaculi
sui in ipso fervore diei. Cumque eleuasset oculos,
apparuerunt ei tres viri stantes propè eum: quos
cum vidisset, cucurrit in occursum eorum de
ostio tabernaculi sui, & adorauit in terra, &
dixit: Domine, si inveni gratiam in oculis tuis
&c. Quem locum D. Augustinus fusè ad propositum
exponit lib. 3. contra Maximinum Arrianorum Episcopus
cap. 26. ubi inter alia sic habet. Visum esse
Deum Abrahae negare non possumus. Scriptura
quippe fidelissima apertissime hoc loquitur, di-
cens: visus est autem illi Deus ad quercum Mam-
bre. Sed neque sic expressum est, utrum Pater, an
filius. Cum autem narraret scriptura, quomodo
ei visus sit Deus, tres viros illi apparuisse de-
clarat, in quibus magna ipsa Trinitas, qua
unus est Deus, intelligi potest. Denique tres vi-
det, & non Dominos, sed Dominum appellat;
quoniam Trinitas tres quidem personae sunt, sed
unus Dominus Deus.

Psal. 32. Verbo Domini caeli firmati sunt, &
spiritu oris eius omnis virtus eorum. Ubi D. Hiero-
nymus. Trinitatis Maiestas manifestissime de-
claratur, Dominus, verbum, Spiritus Domini.
Et psal. 66. Benedicat nos Deus, Deus noster,
benedicat nos Deus. Ubi idem Hieronymus. Bene-
dicat nos Deus Pater, Deus noster Filius; ipse
enim Deus noster, & vocabis, inquit Isaias, no-
men ejus Emanuel, id est nobiscum Deus. Benedi-
cat nos Deus Spiritus sanctus. Videre Mysterium
Trinitatis in uno versiculo comprehensum.

Isaia 6. Dicitur de Seraphim: Et clamabant alter
ad alterum, & dicebant: Sanctus, sanctus,
sanctus, Dominus Deus exercituum. Quem locum
expendit D. Ambrosius lib. 2. de fide ad Gratianum
Augustinum cap. 4. His verbis. Quid sibi vult sub
una nomine sanctitatis trina repetitio? si trina

Mysterij Trinitatis.

repetitio, cur una laudatio; si una laudatio, cur trina repetitio? Trina repetitio cur, nisi quia Pater, & Filius, & Spiritus sanctus sanctitate unum sunt? Non dixit semel, ne filium sequeretur: non bis, ne spiritum prateriret: non quater, ne creaturas coniungeret. Et ut ostenderet Trinitatis unam esse Deitatem, cum tertio dixisset, Sanctus, sanctus, sanctus, addidit singulater, Dominus Deus Sabaoth. Sanctus igitur Pater, sanctus Filius, sanctus & Dei Spiritus. Adoratur igitur Trinitas, non adoratur, laudatur non laudatur. Ego malo sicut Seraphim credere; & sicut omnes potestates, virtutesque caelestes adorare.

D. Damascenus in glossa ordinaria relatus sic habet lib. 3. cap. 9. Testatur totus divino numine afflatus Patrum chorus, quod sancta illa Seraphim per triplicem illam sanctitatem, tres superessentialis Divinitatis personas nobis subindiceret; per unam autem Dominationem, unam divina Trinitatis substantiam imperiumque declarent. Quin etiam narrat Ecclesiastica historia, cum plebs Constantinopolitana, ob minas quasdam divinitus intentatas, supplex Deo preces adhiberet, puerum quendam e plebe in sublime raptum fuisse, atque Angelis quibusdam Magistris ter sanctum hunc hymnum didicisse: Sanctus Deus, sanctus fortis, sanctus immortalis miserere nobis.

§. II.

Optima methodus ad Judaeos efficaciter refutandos. Testimonia pro Trinitate juxta expositionem Rabbiorum, qui Christianos praecesserunt.

Quae diximus in praecedenti §. Sufficiunt pro consolatione Catholicorum: sed quia Judaei non recipiunt auctoritatem Patrum, aliter cum ipsis agendum est. Contuli saepius cum Rabbi Moyse de controversiis inter nos agitatjs; & cum sit peritissimus

6 *Quæstio I. De existentia*

subter fugiorum, quibus argumenta nostra eludere conantur, nullam meliorem methodum invenire potui ad ipsum convincendum quam istam.

Dicebam illi, constat inter vos Judæos & nos Christianos, quod talis vel talis locus in Scriptura sacra contineatur: tota difficultas est de vera ipsius intelligentia. Non debemus stare judicio vestro; estis enim partes; & propter odium Religionis Christianæ & obstinationem in Religione vestra, omnia testimonia, quæ nobis favent & vobis adversantur, in alienum & prævum sensum detorquetis. Nolo etiam vos acquiescere judicio Doctorum nostrorum: Similiter enim dicere potestis, nos quoque esse partes, & pro nostra Religione contra vestram præoccupatos. Recurramus omnes ad illos Doctores vestros sive Rabbinos, qui Christum & Christianos sicut & vos precefferunt: quique proinde nulla passione vel præoccupatione præveniri potuerunt, sive pro vobis sive pro nobis: & ad eos solos tanquam ad legitimos judices appellamus, qui fuerunt & adhuc sunt apud vos tantæ authoritatis, ut nullus unquam eis contradicere ausus sit. Invenimus eos intelligere scripturas sicuti nos. Ergo signum est manifestissimum, quod nostra Doctrina est pura veritas.

Quemcunque locum ipsi allegare possem, pluribus tum subterfugiis eludere conabatur: sed ad illud argumentum nihil aliud respondere potuit, nisi quod illi quidem Rabbini sunt magnæ authoritatis, sed & textus scripturæ est authoritatis adhuc majoris. Instabam ego, benè est. Quis dubitat, quin scripturæ textus sit authoritatis omnium maximæ? Sed difficultas est, quisnam sit verus illius sensus: & dicimus standum esse judicio illorum antiquissimorum Rabbiorum, qui ab omni passione & præoccupatione exempti jure optimo præsumuntur ex ipsa revelatione divina, & solo veritatis amore fuisse locuti. Ad hoc argumentum, nullum aliud responsum elicere potui quam præcedens.

Urgeo magis argumentum. Si illi Rabbini tantæ erant authoritatis, ut non liceret eis contradicere; & tamen, falsum esset ac fictitium id quod dixerunt de

Mysteriis SS. Trinitatis, Incarnationis, & aliis, sequeretur maximum inconveniens, quod Deus non sufficienter providisset Synagogæ, sed omnes in ea degentes exprovisset manifestissimæ ruinæ salutis suæ. Permisisset enim Pseudo Prophetas, & Pseudo Doctores, qui annunciasent mendacium: & nullum suscitasset verum Doctorem & Prophetam, qui veritatem docuisset, & alios de falsitate & mendacio redarguisset. Atque ita cum modò Judæi existiment fidem prædictorum Mysteriorum omnino contrariam esse salutem eorum, tunc omnes inducti fuissent in viam damnationis, nec ullus eis ostendisset viam salutis. Imò cum Mysteria Trinitatis, & Incarnationis sint omnium capitalia, vera fides extincta fuisset in tota veteri Synagoga: quod ipsi Judæi minimè concedunt: & revera nihil absurdius dici potest, nihilque magis indignum singulari illa providentia, bonitate, & misericordia, qua Deus veterem illam Synagogam est complexus. Hoc principio supposito.

Probari posset 2. mysterium SS. Trinitatis pluribus testimoniis huiusmodi antiquissimorum Rabbiorum testamentum vetus exponentium, quæ refert Galatinus ordinis minorum in illo egregio opere, cui titulus est, de arcanis catholicæ veritatis, toto libro secundo: sed hæc pauca sufficiant ex eodem lib. cap. 1. ubi super hæc verba Deuteronomij 6. *Audi Israël, Dominus Deus noster, Deus unus est*, vel ut habetur in textu hebræo, qui adhuc magis veritatem contra hebræos exprimit, *audi Israël, Deus, Deus noster, Deus unus est*. dicit quod in his verbis per triplicatum Dei nomen tres divinæ designantur personæ cum unitate essentiae. Hoc, inquit, Judæi minimè negare possunt, cum Rabbi Simeon Johai filius, in libro qui Zohar dicitur, super textum hunc ita dicat: ait R. Ibba, *Audi Israël, Deus, Qui est principium omnium rerum, antiquus est antiquorum, hortus radicum, & omnium rerum perfectio, & dicitur Pater: Deus noster, profundus fluminum, & fons scientiarum, qua procedunt ab illo Patre, & filius vocatur: Deus, hic est spiritus Sanctus, qui a duobus procedit, & vo-*

atur mensura vocis : unus est, & unum cum alto
concludat, & colligat : neque enim unus ab alio
dividi potest. Et propterea ait : congrega Israel
hunc Patrem, & Filium, & Spiritum Sanctum,
eamque fac unam essentiam, unamque substan-
tiam, quia quidquid est in uno est in alio. Totus
fuit, & totus est, totusque erit. Ait idem R. Si-
meon ibidem : hoc arcanum filii non revelabitur
unicuique, quousque venerit Messias. Quia tunc,
ut dicit Isaias, repleta erit terra scientia Dei, sicut
aquae mare operientes. Ideirco autem mysterium
istud reservabitur in futurum per Messiam revelan-
dum : quia, ut supra diximus, in veteri testamento
Iudaei erant rudes & carnales, & ad idololatriam
proni, ideoque concipere non potuissent, quomodo
tres personae sint unus Deus ; easque quasi tres Deos
adorassent : unde divina providentia factum est quod
tantum mysterium eis non explicite sed tantum im-
plicitè traderetur, ne daretur eis occasio idololatriae :
sed Messias debebat idololatriam penitus eradicare, &
universum orbem ad unius Dei cultum reducere ; un-
de conveniens fuit, ut Trinitatis mysterium ipsis tem-
pore explicite atque aperte doceretur : cum aliunde
Christiani sint ita spirituales, & capaces illud myste-
rium concipiendi, ut nullum prorsus sit periculum
quod tres personas adorent quasi tres Deos, aut in-
ullam incidant idololatriam : & revera ab adventu
Christi nedum populus Christianus, sed quod mirum
est nequidem populus iudaicus, qui antea ad crimen
illud ita erat pronus, illud unquam commisit.

Idem Galatinus ibidem ad illud Isaia 6. Sanctus,
Sanctus, Sanctus, Dominus Deus exercituum, ait,
in eo quod ter dicit Sanctus, tres divinas personas
designari : sicut in eo quod semel ponitur nomen Dei,
ostenditur eorum unitas in essentia. Quod, inquit,
per R. Simeonem Iohai filium, & per R. Ionatham
Vzielis filium, super hunc textum aperte proba-
tur. Nam R. quidem Simeon sic hebraice ait. Sanctus,
Hic est Pater : Sanctus, hic est filius : Sanctus, hic
est Spiritus Sanctus. R. verò Ionathas ita chaldaice
inquit : Sanctus Pater, Sanctus Filius, Sanctus
Spiritus Sanctus.

Mysterij Trinitatis.

Certe hæc testimonia sunt admiratione dignissima; enim Sancti Patres & catholici Doctores non possunt clarioribus verbis exprimere mysterium SS. Trinitatis. Nec minori admiratione dignum est, id quod Galatinus subdit ibidem, ut sciamus divinam providentiâ factum esse, ut Iudæi Sanctissimam Trinitatem adoraverint etiam nescientes: eas ob res, inquit Gasatinus, veteres illi Talmudistæ, qui huius arcani non omnino ignari erant, statuerunt, quod tam illa Isaia verba, quàm illa Deuteronomij, *Audite Israël, Deus, Deus noster, Deus unus est*: ab unoquoque Iudæorum bis saltem in die, mane scilicet & vespere, dicerentur. Quod apud eos hucusque servatur. Ut dum Iudæi ipsi hæc eadem verba ore pronunciant, & divinarum personarum Trinitatem, & divinæ essentiae unitatem sicut verba illa designant, ita se corde quoque credere protestentur.

§. III.

Iudæi corruerunt translationem Chaldaicam Ionathæ. Reselluntur efficaciter.

Doctissimus Lyranus, qui ut testatur Bellarminus in libro de scriptoribus Ecclesiasticis, ex iudaismo ad Christianismum conversus est, & ordine minorum assumpto edidit commentarium in universam scripturam sacram, quod est opus notissimum: exponens illud ps. 109. *Dixit Dominus Domino meo*: dicit, quod Ionathas tantæ semper fuit & adhuc est authoritatis apud Iudæos, ut nullus translationi ejus Chaldaicæ contradicere ausus sit.

Quid ergo fecerunt novi Iudæi, cum non auderent negare authoritatem jam relatum ex illa translatione Chaldaica Ionathæ & aliunde viderent se per eam omnino convictos esse, deleverunt in novis impressionibus verba Patris, Filij, & Spiritus sancti: alij negaverunt translationem Chaldaicam esse Ionathæ: denique alij novam translationem chaldaicam sub alterius Rabbi nomine divulgaverunt. Similiter cum viderent se convinci de divinitate Messie sive Christi

At Domini ex prædicto Psalmistæ loco juxta eandem Chaldaicam translationem Ionathæ, quæ ut refert Lyranus ibidem sic habet: *Dixit Dominus verbo suo*, vel ut refert Galatinus *dixit Deus verbo suo*, corruerunt eum, addendo unicam quidem particulam, sed quæ totum sensum immutat: sic enim transferunt: *Dixit Dominus in verbo suo*.

Sed refelluntur, ex Galatino loco citato, ubi sic habet. Iudæorum juniores hîc dicerent, hoc minime in Ionathæ haberi. Verum quidem est, in his Ionathæ libris, quos nunc ipsi frequentius præ manibus habent, hoc non haberi; cum illud inde majores eorum deleverint, eoque in loco ita scripserint, uti libri quos postmodum scribi contigit, continent. In verustissimis tamen libris, qui rarissimi sunt, ita prorsus habetur, ut ego retuli: *Quorum ipse unum vidi, cum essent lici, quæ tempestate Iudæi ex toto regno neapolitano, iussu Regis Catholici expellerentur. Et ille quidem hoc loco sic omnino habebat, uti ipse retuli.*

2. Lyranus, qui fuit judæus, & ut ex ejus operibus constat, in eorum libris versatissimus, probe sciebat discernere veros à falsis, & apocryphis: ipse autem loco citato refert tanquam indubitatam translationem chaldaicam ipsius Ionathæ, in qua continetur, *Dixit Dominus verbo suo*, & ex ipsa aliorumque Rabbiorum testimonis probat optimè divinitatem Messie sive Christi Domini, ut videbimus in sequ. artic. §. 2.

3. Divinâ providentiâ factum est, ut quamvis translationem Chaldaicam Ionathæ vel suppresserint vel corruerint, nihilominus testimonium veritatis reliquerint in aliis libris, præsertim in libro collectionum sententiarum scilicet sapientum: ubi translatio Chaldaica attribuitur Ionathæ, & prædictus psalmi versus eodem modo refertur, ac eum retulit Lyranus, & ad idem propositum explicatur. Dum enim ibi probatur, quoddam Messias sit ille, quem David dixit sessurum ad dexteram suam, dicitur quoddam hoc patet de consensu Rabbiorum ex illo psal. 109. *Dixit Deus Domino meo: sede ad dexteram meam.*

& ita subditur : Quod Targum , idest Chaldaica translatio Ionathæ ben Uziel sic exponit: *Dixit Deus verbo suo, sede ad dexteram meam.* Hactenus traditio.

4. Principaliter refelluntur. Quia licet translatio- nem illam Chaldaicam Ionathæ negent; attamen negare non possunt testimonia aliorum Rabbiorum: & quamvis modò eorum authoritati non deferant, sed potius contradicant; semper tamen manet inuincibile argumentum. Non enim debemus stare nisi iudicio illorum Rabbiorum, qui scripturam exposuerunt antequam Christiani forent in mundo, de illis enim jure optimo præsumimus, quòd non sunt locuti ex aliqua passione uel præoccupatione, sed ea inspiratione divina, ut jam diximus: sed antequam Christiani forent in mundo, plures ex Rabbiniis docuerunt mysterium SS. Trinitatis sicuti nos illud docemus; nec ullus fuit Rabbi toto illo tempore, qui eis contradixerit, aut eos de mendacio redarguerit: ergo omnes ita credebant. Uel igitur tota Synagoga toto illo tempore in errore fuit, & quidem omnium maximo, qualis est error circa notitiam Dei in seipso considerati; quod omnes nedum Iudæi sed etiam nos Christiani dicimus impossibile; quia tunc populus judæicus erat verus Dei populus: uel mysterium Trinitatis est pura veritas, & apud Iudæos, quamdiu fuerunt verus Dei populus, fuit perpetua traditio, quæ ab omnibus credebatur, à majoribus quidem explicite, à minoribus verò implicite.

Si dicas, quòd alij sufficienter contradicebant asserendo non dari nisi unum Deum; modò enim Iudæi concipere nequeunt quomodo dari possint in diuinis tres personæ, & non sint tres Dij: evidens est instantia, quia non erat difficultas an sit unus solus Deus; omnes enim unanimi consensu hoc asseriebant: sed tota difficultas erat, utrum detur in illo uno Deo, Pater, Filius, & Spiritus Sanctus, quod fieri nequit nisi tres personæ sint unus Deus, ut ostendemus in art. sequenti contra hæreticos Sabellianos: Rabbin, quos retulimus, & plures alij quos refert Galatinus, hoc asseriebant, & docebant dari Patrem, Filium, &

Spiritum Sanctum, & eos esse unum Deum: nullus refertur qui hoc negaret, qui oppositum assereret, quique diceret falsum esse dari Patrem in divinis, vel Filium, vel Spiritum Sanctum. Ergo mysterium SS. Trinitatis erat tunc omnium Iudaeorum fides.

ARTICULUS II.

Probatur mysterium Trinitatis contra hereticos.

Præcipuæ hæreses circa hoc mysterium fuere Arrianorum, & Sabellianorum: Arrius, ut salvaret distinctionem Personarum, destruebat unitatem essentia; dicebat enim solum Patrem esse Deum, Filium verò & Spiritum Sanctum esse creaturas: unde negabat filium esse consubstantialiẽ Patri, & multò minus Spiritum Sanctum. Sabellius econtra, ut salvaret unitatem essentia, distinctionem personarum evertebat: asseribat enim non esse in Deo nisi unicam personam, quæ propter diversitatem officiorum & effectuum diversis nominibus significabatur, & dicebatur Pater quatenus est creator omnium, filius prout est incarnatus, & Spiritus Sanctus quatenus est animarum sanctificator.

Extinctam Arrianorum hæresim resuscitarunt nostris temporibus Lutherus, Calvinus, alique hæresiarchæ: de quo videri possunt Doctores Catholici, & præsertim Valentia Societatis Jesu, controversista Doctissimus & accuratissimus, ex quo plura desumemus in decursu hujus nostræ Theologiæ, quando agemus contra hereticos, videri autem potest to. I. disput. 2. qu. I. puncto I.

§. I.

Vera intelligentia huius loci, Ioan. 10. Ego & Pater unum sumus, iuxta Sanctos Patres contra hæreticos.

Diximus semel & iterum, quòd quando aliqua scripturæ sacre expositio communis est inter Sanctos Patres, maximi momenti est illam defendere: quia communis ille Patrum consensus est unum ex præcipuis fundamentis, quibus Ecclesia innititur ad stabilendos fidei nostræ articulos, & hæreses refellendas. Unde cum omnes Sancti Patres, qui scripserunt contra Arrianos aliosque hæreticos negantes mysterium SS. Trinitatis, usi sint prædicto Ioannis testimonio ad probandam contra ipsos consubstantialitatem filij cum Patre suo, & nedum Arriani sed etiam huius temporis hæretici contendant, illum locum intelligendum esse non de unitate substantiæ, sed de unionem sive concordia voluntatis ac præsertim Calvinus qui in huius loci commentario expressè asserit, quòd antiqui Doctores valde abusi sunt hoc testimonio, ad probandum quòd Christus Jesus est ejusdem essentiæ cum suo Patre; cum non loquatur Christus de unitate substantiæ, sed de consensu voluntatis cum Patre: propterea demonstrandum nobis est, Sanctorum Patrum intelligentiam esse verissimam, & prædictos hæreticos fuisse deceptos.

Inprimis D. Augustinus tract. 36. in ca. 8. Ioan. eleganter ait: *Audi ipsum filium: ego & Pater unum sumus. Non dixit, Pater ego sum, aut ego & Pater unus est. sed cum dicit, ego & Pater unum sumus: utrumque audi, & unum, & sumus & a Charybdi, & a Scylla liberaberis in duobus istis verbis: quod dixit, unum, liberat te ab Arrio: quod dixit, sumus, liberat te à Sabellio, & sermone 56. de verbis Domini sic habet: Quod ait, unum, audiant Arriani: quod ait, sumus, audiant Sabelliani: & nec illi aequaltem, nec isti alterum negando, sint vani.*

2. Christus in hoc testimonio seipsum prius nominat quam suum Patrem, ut nempe ostenderet omnimodam aequalitatem suam cum Patre; atque ita everteret haereses, quas praevidebat in Ecclesia futuras contra ejus divinitatem: aliter certè hoc fuisset inurbanitas maxima, si Christus non esset nisi creatura: sicut foret intoleranda rusticitas, si subditus alicujus Regis diceret, ego & Rex fuimus in tali loco, uel fecimus hoc & illud: maximè cum creatura magis infinitum distet à Deo, quam subditus à Rege suo. Unde D. Ambrosius lib. 3. de Spiritu Sancto. cap. 18. ait. *Haeticam iugulat scaritatem: sabellianorum, quia unum dixit sumus, non unus sumus: Arrianorum, quia ego & Pater, non Pater & ego dixit: quod utique non contumacia, sed pietatis & praescientiae fuit, ne nos errorem in ordine putaremus: nescit enim unitas ordinem, gradum nescit aequalitas.*

3. Ut argumentatur D. Thomas in huius loci commentario, manifestum est, quod unum dicitur eo modo quo dicitur ens: Aliquid autem non dicitur ens simpliciter, & sine ullo addito, nisi quoad substantiam: ut docent omnes Philosophi in metaphysica. Ergo non dicitur unum simpliciter & sine ullo addito nisi propter unitatem substantiae. Propterea nunquam in scriptura Deus & creatura dicuntur absolute loquendo unum, sed semper cum aliquo addito, ut 1. Cor. 6. *Qui adharet Deo, unus spiritus est.* Christus ergo dicitur unum cum Patre non tanquam creatura, sed ut verus Deus ipsi consubstantialis.

4. Sic argumentatur D. Athanasius serm. 4. contra Arrianos, si hoc testimonium intelligeretur de sola concordia voluntatis, eadem ratione etiam Angeli & homines Sancti, qui per omnia concordant cum divina voluntate, essent similiter atque filius unum cum Deo Patre: *& tamen nemo eorum, inquit D. Athanasius, ausus est unquam dicere: ego & Pater unum sumus; aut ego in Patre, & Pater in me est: sed omnes dicunt: Quis similis tibi in Diis Domine, aut quis aequabitur Domino in filiis Dei, Michæ* cap. 7.

5. Prohatur ex antecedentibus. Dixerat enim Christus de ovibus suis loquens : *Et non rapiet eas quisquam de manu mea. Pater meus quod dedit mihi majus omnibus est ; Et nemo potest rapere de manu Patris mei : & statim subdit : Ego & Pater unum sumus.* Quasi diceret : impossibile est , quod aliquis eas rapiat de manu mea , quia quod dedit mihi Pater majus omnibus est , cum sit ipsamet Divinitas , ratione cujus sum ipsi coequalis , & consubstantialis : unde sicut impossibile est , quod aliquis eas rapiat de manu Patris mei , ita & quod eas rapiat de manu mea : cum enim unum simus , una est eademque manus nostra , sive potentia : si autem eadem est potentia , eadem quoque est natura ; cum in divinis natura , & potentia non distinguantur. Hoc est egregium D. Hilarij argumentum lib. 7. de Trinitate circa medium , ubi sic loquitur. *De manu sua nemo rapit , quia à Patre , quod est omnibus majus accepit. Quid sibi vult tam diversa professio , ut rursum de manu Patris sui nemo rapiat ? Filij manus est , qua accepit à Patre ; Patris manus est qua dedit filio : Et quomodo quod non rapitur de manu Filij , non rapitur de manu Patris ? Quomodo si quæris , intellige ; Ego & Pater unum sumus. Manus Filij manus Patris est.*

6. Probat ex sequentibus. Quia Christus ita locutus est , ut Judæi planè intellexerint , eum dicere se esse unum cum Patre , proindeque Deum : nec tamen Christus , aut Evangelista eorum opinionem quasi falsam correxit. *Sustulerunt ergo , inquit Evangelista , lapides Judæi , ut lapidarent eum.* Et paulò rost : *de bono opere non lapidamus te , sed de blasphemia ; quia tu , cum homo sis , facis te ipsum Deum.* Ecce , inquit D. Augustinus tract. 48. in Joan. *Judæi intellexerunt , quod non intelligunt Ariani : ideo enim irati sunt , quoniam intellexerunt non posse dici : Ego & Pater unum sumus , nisi ubi aequalitas est Patris & Filij.* Et D. Chrysostomus homil. 60. in caput. 10. Joannis sic habet. *Si minor erat , nimis temerarium verbum esset : nihil enim aliud quam potentia*

paritatem signat: Quod Judæi intelligentes, lapides in eum jecerunt: non tamen hanc Jesu abtulit suspicionem, quæ si falsa fuisset, corrigenda fuisset, & dicendum: cur hoc facitis? non parem meam dico, & Patris potestatem ita intelligo. Sed nunc totum contrarium, eam confirmat, & maxime cum exasperarentur: neque accusat, ac si malè dixissent, sed illos reprehendit, ac si malam habeant de se opinionem.

7. Christus ipse sua verba declarat, inquiens: quia dixi, *Filius Dei sum*. Sed esse unum cum alio per concordiam, non est idem ac esse ipsius filium: cum scire aliquis sit ejus filius, cum quo non concordat; & contra concordet cum eo, cuius non est filius. Non igitur hanc unitatem concordia Christus illis verbis significavit; sed unitatem naturæ, quæ est propria Patris & Filij.

8. Christus etiam ad confirmandum utrumque, scilicet se esse unum cum Patre, & esse ipsius filium, ait: *si non facio opera Patris mei, nolite credere: si autem facio; & si mihi non vultis credere, operibus credite*. Eadem est ergo potentia operativa Patris & Filij. Ergo & eadem natura.

9. Christus exponit idem esse quod dixerat, *ego & Pater unum sumus*, ac se esse in Patre, & Patrem in ipso: *operibus credite, ut cognoscatis, & credatis, quia Pater in me est, & ego in Patre*. At certè concordare cum altero non est propriè esse in illo. Quare Pater & Filius non solâ concordia unum sunt, sed essentia veritate.

10. Ipsi etiam Judæi adeò intellexerunt Christum argumento ex operibus ducto confirmare voluisse, se esse unum naturâ cum Patre, & propterea esse in seipsis invicem, ut rursus voluerint in illum manus injicere; quia nimirum pergeret asserere se esse Deum. Subjungit enim Evangelista continuò post illam Christi argumentationem: *Quarebant ergo eum apprehendere: & exivit de manibus eorum*.

Obijciunt hæretici tam novi quàm antiqui. Christus ibidem explicuit, in quo sensu diceret se esse Deum, & Filium Dei: *Nonne, inquit, scriptum est in*

est in lege vestra: quia ego dixi Diſ estis? si illos dixit Deos, ad quos sermo Dei factus est, & non potest solui scriptura: quem pater sanctificavit, & misit in mundum, vos dicitis, quia blasphemias, quia dixi: Filius Dei sum? Vult ergo se esse Deum, & Filium Dei, non per naturam, sed per gratiam; nec per filiationem naturalem, sed per adoptivam, sicut sunt alij homines sancti.

Resp. nego consequentiam. Argumentum enim Christi non est à simili, sed à minori ad majus, ut optime notavit D. Augustinus. Ut enim ostenderet se non per participationem ut alios homines sanctos, sed per essentiam esse Deum; mox intulit argumentum de divinis operibus, quæ ipse similiter facit: sicut Pater, ut jam diximus: unde constat, quod si non est blasphemia, alios vocare Deos; multo magis blasphemia non est, quod Christus dicatur Deus. Si sermo Dei, inquit D. Augustinus tract. 48. in Joannem, factus est ad homines ut dicerentur Diſ, ipsum Verbum Dei, quod est apud Deum, quomodo non est Deus? Si per sermonem Dei sunt homines Diſ, si participando sunt Diſ, unde participant non est Deus? si calefacti quodammodo igne salutari Diſ efficiuntur, unde calefunt non est Deus? si lumina illuminata Dei sunt, lumina quod illuminat non est Deus.

Obijciunt 2. Prædicta verba, quem Pater sanctificavit, & misit in mundum, vos dicitis quia blasphemias, quia dixi, Filius Dei sum? Ex quo patet Christum dixisse se esse Filium Dei per gratiam sanctificantem, proindeque filium adoptivum, & non naturalem.

Resp. dist. Consequentiam: per gratiam sanctificantem, & accidentalem tantum, ne. Et etiam substantialem, conc. Nam ut videbimus in tract. de Incarnatione, Christus Dominus est sanctus, per utramque gratiam sanctificantem; nimirum per gratiam accidentalem, quæ subiectatur in ipsius anima, sicut gratia aliorum sanctorum; & per gratiam substantialem, quæ est ipsi soli propria, cum sit ipsa persona Verbi ut unita humanitati, siue gratia unio-

nis hypostaticæ : per illam tamen gratiam accidentalem non redditur Filius Dei adoptivus sicut alij sancti : quia per gratiam substantialem est Filius Dei naturalis ; & dum aliquis fit adoptivus , supponitur quod non sit naturalis Filius , ut explicabimus magis in tract. citato. Notat autem D. Hilarius lib. 7. de Trinitate post medium , quod hujus sanctificationis Christi mentionem fecit Apostolus ad Roma. 1. dicens de Christo , *Qui predestinatus est Filius Dei in virtute secundum spiritum sanctificationis.* Ubi omnino ad propositum Doctor Angelicus sic habet. *Ne hoc referatur ad filiationem adoptionis, additur, in virtute: quasi diceret, predestinatus est, ut sit talis filius, ut habeat equalem, imò eandem virtutem cum Deo Patre: quia ut dicitur Apocal. 5. Dignus est agnus, qui oculus est, accipere virtutem, & divinitatem. Quin imò ipse Christus est Dei virtus, secundum illud 1. ad Corinth. 1. Christum Dei virtutem, & Dei sapientiam: unde Joannis 5. Quæcunque Pater facit, hæc & Filius similiter facit.*

Idecirco autem Christus Dominus gratiam unionis hypostaticæ, suamque Divinitatem nomine sanctificationis in hoc loco exprirere voluit, ut Judæorum non solum contumeliam, sed etiam argumentum uno illo verbo confutaret: nam illi probabant Christum blasphemare, quia cum homo esset, faciebat seipsum Deum: quasi dixissent, impossibile est quod sis Deus, quia es homo, & aliquis nequit simul esse homo & Deus: Christus verò insinuat id omnino fieri potuisse per talem naturæ humanæ sanctificationem, ut cum persona Verbi Divini hypostaticè uniretur, idemque esset homo simul & Deus.

Obijciunt 3. Illud Joan. 17. *Ut sint unum, sicut & nos unum sumus.* Cum igitur non velit Christus, quod sui Discipuli sint unum unitate naturæ, sed tantum concordie, supponit quod etiam ipse & Pater non sint unum nisi tali unitate concordie, non autem naturæ.

Respondet optimè, & doctissimè D. Athanasius serm. 4. contra Arianos, quod scriptura solet ex naturalibus exempla sumere pro moralibus: unde ysa-

Christus, quod sicut ipse & Pater per naturam habent, quod sint in voluntate concordēs, ita sui discipuli similem concordiam habeant per gratiam. *Mos est*, inquit, *scriptura divina, res naturales hominibus in similitudinem, & exemplum proponere.* Id autem facit, ut ex illis naturalibus motus ac mares hominum, seu mali, seu boni, qui ultrò voluntate suscipiuntur, magis appareant: in malis quidem moribus, ut cum dicit psal. 31. Ne sitis sicut equus & mulus &c. In bonis, ut cum dicit Math. 10. Sitis prudentes sicut serpentes, & simplices sicut columbæ: qua quidem verba ideo locutus est, non ut naturaliter nos etiam serpentes atque columbæ fieremus &c. sed ut iumentorum impetus atque motus irrationales effugeremus serpentisque prudentiam, & ex columbæ mansuetudinem mutuaremur. Ex rebus etiam divinis similitudinem hominibus decerpens saluator ait, Matth. 7. Sitis misericordes, ut Pater vester misericors est, & Perfecti estote, ut Pater vester cælestis perfectus est, &c. Non ut essemus tale aliquid quale Pater est: quod fieri nequit, cum creatura simus &c. Sic igitur non ut nos essemus, quale est ipse, dictum est à Christo: ut sint unum, quemadmodum & nos sumus, &c. Sed pro nostra natura & quatenus fieri potest: ut inde formulam similitudinemque mutuemur, &c. Ille quidem ex natura, & ex vero unum est cum suo Patre: nos autem unum inter nos affectu & animo effici-mur, habentes pro archetypo exemplari naturalem unitatem Filij cum Patre.

§. II.

Alia Scripturæ sacra loca.

Innumeris alijs Scripturæ sacrae locis probari potest consubstantialitas Filij cum Patre, sive ipsius divinitas, sicut & consubstantialitas ac Divinitas Spiritus sancti, sequentia sufficient.

1. Ipsemet Christus Dominus Matth. 22. suam Divinitatem probat ex Pl. 109. *Congregatis autem*

Pharisaeis, inquit Evangelista, interrogavit eos: Iesus, dicens: Quid vobis videtur de Christo? cuius Filius est? dicunt ei David. Ait illis: Quomodo ergo David in spiritu vocat eum Dominum, dicens: Dixit Dominus Domino meo: sede a dextris meis, donec ponam inimicos tuos scabellum pedum tuorum. Si ergo David vocat eum Dominum, quomodo filius eius est. Et nemo poterat ei respondere Verbum.

Ubi notandum imprimis cum Tostato, alijsque interpretibus, quod nullus Judaeorum illius temporis potuit respondere Verbum: quia omnes unanimi consensu tenebant Psalmum illum à Davide fuisse compositum, & in praedictis Verbis sermonem esse de Messia sive Christo: sed postea Judaei, ut eluderent vim argumenti, dixerunt Psalmum illum non fuisse à Davide compositum, sed alteri attribunt, quamvis non convenient quinam sit author ipsius: similiter dicunt verba praedicta non esse intelligenda de Messia & Christo: sed vel de Abrahamo, vel de Davide, aut de Ezechia.

Sed urgetur argumentum supra factum contra Judaeos: quod nempe dum aliqua difficultas occurrit circa Scripturae sacrae intelligentiam, non est standum iudicio modernorum Rabbiorum, qui in odium Christianorum Scripturas pervertunt, sed illorum Antiquorum, qui Christianos praecesserunt, & sine passione locuti sunt: Illi autem antiqui Rabbini docuerunt & Psalmum illum à Davide fuisse compositum, & verba praedicta intelligenda esse de Messia, ut vidimus in praecedenti artic. §. 3.

Sumitur ergo argumentum evidens ex hoc loco. Messias sive Christus est Filius David, ut patet ex varijs Scripturae locis, & praesertim ex libro generationis ejus Matth. 1. Et tamen David vocat eum Dominum suum. Ergo non est purus homo, sed etiam verus Deus: & inquantum Deus est Dominus Davidis, & inquantum homo est filius ejus.

Et ne haeretici ex hoc quod filius sedet ad dexteram Patris, inferrent quamdam superioritatem in Patre respectu filii; sicut eam ostendit Rex, cum sit

filium, aut Principem ad dexteram suam collocat; ut hoc excludat, & indicet omnimodam aequalitatem inter Patrem aeternum, & filium, postea subiungit Psalmista: *Dominus à dextris tuis*, ut adverteremus utrique esse aequalem honoris gradum: unde egregie omnino D. Chrysologus serm. 58. dixit: *Ordo ibi divinus est non humanus: sic à dextris sedet filius, ut Pater non sedeat à sinistris: unica & singularis est divina confessio, ubi supernae virtus recipit nihil sinistrum.*

2. D. Joannes intendens probare Divinitatem Verbi Incarnati, ut asserunt D. Hieronymus in prologo super ejus Evangelium, & communiter sancti Patres, sic exorditur: *In principio erat Verbum: & Verbum erat apud Deum: & Deus erat Verbum.* hoc erat in principio apud Deum. Quem locum explicans D. Ambrosius lib. 1. de fide cap. 5. sic habet: *Erat, inquit, apud Deum, erat, erat, erat: ecce quater erat. Vbi impius invenit, quod non erat? Alibi quoque Joannes in Epistola sua dixit, quod erat in principio. Indefinite tenditur erat: quidquid excogitaveris, erat filius. Omnes autem haereses hoc capitulo brevi piscator noster exclusit. Quod enim erat in principio, non includitur tempore, non principio praevenitur. Ergo Arius conticescat. Quod autem erat apud Deum, non commixtione confunditur, sed manentis Verbi apud Patrem solida perfectione distinguitur, ut sabellius obnutescat. Et Deus erat Verbum: Non ergo in prolatione sermonis hoc Verbum est, sed in celestis designatione virtutis, ut confutetur Icolinus. Quod verò erat in principio apud Deum, sempiternae Divinitatis in Patre & Filio inseparabilis unitas edocetur, ut erubescat Eudoxus, & Eunemius.*

3. Joan. 5. dicitur. *Tres sunt qui testimonium dant in caelo, Pater, Verbum, & Spiritus sanctus, & hi tres unum sunt.* Jam ostendimus quod aliqua non dicuntur unum simpliciter & absolute nisi sint unum in substantia. Ergo tres divinae Personae sunt unius substantiae.

Respondabant haeretici quod Evangelista subiungit: *Et tres sunt qui testimonium dant in terra, spiritus, & aqua, & sanguis: & hi tres unum sunt*: unde vult quod sicut haec tria non sunt unum nisi unitate conspirationis, ut ita loquar, quatenus conspirant in unum idemque testimonium de Christo, ita similiter tres illae personae.

Sed contra 1. Quia multa exemplaria latina non habent illa Verba de Spiritu, aqua, & sanguine: *Et hi tres unum sunt*. Quindecim enim manuscripti codices antiqui à lovanienfibus Theologis in ejus loci margine citati sunt, qui illis Verbis carent. Et quod mirum est D. Thomas opusc. 24. Ubi exponit secundam decretalem sic expresse habet: *In quibusdam libris additur, & hi tres unum sunt. Sed hoc in veris exemplaribus non habetur: sed in quibusdam libris dicitur esse appositum, ab haeticis Ariianis, ad pervertendum intellectum sanum auctoritatis praemissa de unitate essentiali trium personarum.*

2. In codicibus graecis, ubi illa sententia de spiritu, aqua, & sanguine habetur, non dicitur, *& hi tres unum sunt*, ut dicitur de Patre, Verbo, & Spiritu sancto: sed, *hi tres in unum sunt*, idest de eadem re testantur, ut denotetur, quod est unitas valde diversa, quatenus divinae personae revera sunt unum unitate substantiae, spiritus verò, aqua, & sanguis non sunt unum nisi unitate ordinis, quatenus ad eundem finem ordinantur. Unde juxta haeticos modernos argumentum nullam vim habet, quia ipsi volunt, quod standum est potius editioni graecae quam latinae, quando inter eas est diversitas: quod tamen esse falsum constabit ex tract. de fide.

3. Vidimus in parag. praeced. quomodo D. Athanasius probat varijs scripturae locis esse consuetudinem scripturae, ut per naturalia explicentur moralia; unde unitas divinarum Personarum non debet comparari unitati spiritus, aquae, & sanguinis; sed potius econtra unitas istorum unitati illarum; itaut sensus sit, quod sicut divinae Personae sunt unum in natura, & ideo in omnibus consentiunt, proindeque etiam in

perhi
guini
tione
stimo
loqu

4.
à S. T.
nostra
unum
vulgar
absolu
ritus
Christi
clama
xerun
substa
nenda
simili
nent a
quia d

Pro
illis
expo
ulla
tiffin
rum.

1.
vidi
Ec.
audie
nem,
sus,
exerci
D. Pa
locuta
popul
non i
perp
Qu
litta
pitem

perhibendo testimonio, ita spiritus, aqua, & sanguis sunt unum unitate ordinis, quatenus ex institutione divina ordinantur ad perhibendum similiter testimonium de Christo, & ideo etiam in hoc ut ita loquar consentiunt.

4. Sed mihi maximè placet interpretatio Joannis à S. Thoma, qui loco citato artic. 3. ait, quòd cum nostra vulgata editio non habeat illam particulam, in unum sunt, sed simpliciter dicat, unum sunt: & hæc vulgata defendi debeat, exponi debet locus ille sic absolute prolatus. Sensus ergo planus est, quòd spiritus, aqua, & sanguis, quæ tempore passionis Christi testificata sunt de ipso, spiritus quidem cum clamando expiravit, aqua verò & sanguis, quia fluxerunt de latere ejus, hæc tria unum sunt etiam in substantia, quia pertinent, & concurrunt ad componendam unam substantiam humanam in Christo: & similiter Pater, Verbum, & Spiritus sanctus pertinent ad unam substantiam, non quidem compositam, quia divina est, sed summè unam, & simplicem.

Probaturs specialiter Divinitas Spiritus sancti ex illis locis, ubi scriptura ipsa tanquam sui interpretes exponit, loqui de Spiritu sancto quædam, quæ sine ulla controversia loquuntur de vero Deo. Unde certissime patet, Spiritum sanctum esse ipsum Deum verum.

1. Isaïas de vero Deo loquitur, cum dicit cap. 6. *vidi Dominum sedentem super solium excelsum, &c. & dixit: vade, & disc populo huic, audire audientes. & nolite intelligere, & videre visum, & nolite cognoscere, excaca cor populi hujus, &c.* Hunc autem Deum verum, ac Dominum exercituum esse Spiritum Sanctum interpretatus est D. Paulus Act. 28. *Benè, inquit, Spiritus Sanctus locutus est per Isaïam Prophetam dicens: vade ad populum istum, & dic ad eos: aure audietis, & non intelligetis, & videntes videbitis, & non perspicietis, &c.*

Quod idem Isaïæ testimonium D. Joannes Evangelista cap. 12. de filio interpretatur, quia nimirum idem Deus est Pater, Filius, & Spiritus Sanctus

Quod Cherubini etiam testati sunt in illo loco apud Itaiam, dicentes, Sanctus, Sanctus, Sanctus Dominus Deus Sabaoth, ut supra ostendimus contra Iudaeos: unde D. Basilius lib. 5. de spiritu Sancto contra Eunomium egregie dixit: *Propheta Patris, in quo Iudaei credebant, personam inducit: Evangelista filii: Paulus Spiritus Sancti, unum Dominum Sabaoth eum qui visus fuit communiter nominantes. Ita cum de uno Deo in ipsis indistincta maneat opinio, ratio ipsis de hypostasi distincta est.*

2. Deus verus est, qui locutus est olim, per os sanctorum, qui a saeculo sunt Prophetarum eius, ut Zacharias Lucae 1. testatur. Sed Spiritum Sanctum esse illum, qui per Prophetas in scripturis Sanctis locutus est, affirmat Christus Marci 12. ipse, inquit, David in Spiritu Sancto dicit: *Dixit Dominus Domino meo, &c.* & D. Petrus 2. epist. cap. 1. Spiritu Sancto inspirati locuti sunt Sancti Dei homines.

3. Item Deus verus est ille, qui levit. cap. 16. Locutus est ad Moysen, & praecepit ei dicens: loquere ad Aaron fratrem tuum, ne omni tempore ingrediatur Sanctuarium, quod est intra velum aëram propitiatorio, quo tegitur arca, ut non moriatur. Hunc autem qui sic praecepit, fuisse ipsum Spiritum Sanctum interpretatus est D. Paulus ad Hebr. 9. Nam ubi praeceptum id commemoravit, confestim subiungit, quid per illud volverit significare Spiritus Sanctus; hoc inquit, *Significante Spiritu Sancto, nondum propalatum esse Sanctorum vitam, adhuc priore tabernaculo habente statum.*

§. III.

Solidissimus discursus Ioannis à S. Thoma, quo praecluduntur omnia haeticorum subterfugia, tam modernorum, quam antiquorum.

Nihil solidius afferri potest ad praecludenda haeticorum

ticorum subterfugia, quam quod habet noster Joannes à S. Thoma qu. 27. de sacro Trinitatis mysterio disp. 12. a. 2. & ferè ad verbum transcribo: maxime quia ex scriptura sacra probat ea ferè omnia quæ concernunt istud mysterium.

Cùm scriptura ipso personæ nomine non utatur, quando distinctionem in Deo ponit, posset hæreticus subterfugere, & dicere. Primò, quòd ista distinctio non probatur esse de rebus intra Deum procedentibus, & distinctis, sed distinctionis numerum ponit ratione alicuius rei creatæ adjunctæ. Secundò, quòd ista distinctio non est personarum, uel relationum, sed attributorum seu virtutum, quæ solâ ratione in Deo distinguuntur; sed explicantur apud nos modo nostro, sicut si verè distinguerentur, quia diversos producant effectus: unde, ut vidimus in tract. de attributis agendo de simplicitate Dei, hujusmodi attributa dicuntur virtualiter distincta; quia tantam virtutem habent ad producendos effectus diversos, ac si realiter distinguerentur. Tertio, quòd illa distinctio est personarum, non entitative & realiter, sed secundum diversa officia sive munera, pro quibus diversas gerit personas: & quia propter infinitam Dei eminentiam una persona in sua entitate simplex potest illa omnia præstare, quæ possent apud nos plures personæ; ideo quamvis una sit persona, nominantur tamen ac si revera plures forent personæ.

Hæc subterfugia præcluduntur à D. Thoma 4. contra gentes cap. 5. scriptura enim ponit in Deo verum filium, & non solum metaphoricum 1. Ioan. ult. *ut simus in vero filio eius Iesu Christo*. Propria autem & vera filiatio non dicitur nisi de supposito & persona: non enim pes, uel manus, & multò minus accidens, ut color uel calor dicitur filius alterius: sed ille solummodo dicitur filius, qui est persona realiter procedens ab altera in similitudinem naturæ ipsius.

2. Distinctio ponitur in divinis cum processione unius ab alio: & cum illis expressionibus, quæ non significant nisi personas, sicut pronomina, *ego; ille;* & similia, non nisi personas & supposita demonstrant: non enim pes uel manus, sapientia uel bonitas dicere

potest, ego feci hoc uel illud : Christus autem de seipso ait Ioan. 8. *Ego ex Deo processi* : & de Spiritu Sancto Ioan. 16. *Ille me clarificabit, quia de meo accipiet* : Cum igitur nulla persona realiter procedat, uel aliquid recipiat à seipsa sed ab altera, constat in divinis distinctas esse personas.

3. Unus eorum dicitur esse *cum alio, apud alium, in alio*, quæ nonnisi de personis distinctis dici possunt, Ioan. 1. *In principio erat verbum, & verbum erat apud Deum*. Ibidem : *unigenitus filius, qui est in sinu Patris*. Prou. 8. *cum eo eram cuncta componens*.

Nec possunt prædicta verificari propter diversa attributa, quæ sola ratione differunt : quia sic non esset vera & realis generatio & processio, sed ficta & chimerica. Neque per solam connotationem diversorum effectuum, siue creaturarum, sicut dicebat Sabellius, ut jam notauimus, quod Deus dicitur Pater propter creationem, filius propter incarnationem, & Spiritus Sanctus propter justificationem : tum quia hæc dicuntur esse in divinis ante incarnationem, & hominum justificationem, ac cuiuscumque rei creationem, sicut dicitur quod in principio verbum erat apud Deum, & psal. 109. *Ante luciferum genui te* : tum quia ponuntur distinctæ personæ, & non una tantum, etiam quando dicuntur habere eisdem effectus, & non distinctos, Ioan. 5. *Non potest filius à se facere quidquam, nisi quod uiderit Patrem facientem : quacumque enim ille fecerit, hæc & filius similiter facit*. Hoc autem foret evidentissime falsum, si Deus non diceretur filius, nisi quatenus faceret aliquid diversum ab eo, quod faceret in quantum diceretur Pater. Tum quia loquendo de diversis personis benè dicimus, v. g. quod Paulus non facit nisi id quod uidet Petrum facientem, dum ipsum in omnibus imitari conatur : sed quamvis Paulus ut est animal, & ut est rationalis, longè diversos habeat effectus ; quia tamen est una eademque persona, omnino ridiculum foret dicere, Petrus ut rationalis non facit nisi quod uidet seipsum facientem ut est animal ; imò nihil facit ut rationalis ex his quæ facit

Mysteriū Trinitatis.

ut animal, sed totum diversum: ita Deus ut filius nihil faceret ex his quæ faceret ut Pater, sed eorum opera forent totaliter diversa.

Tandem recurri non potest ad diversas dignitates, vel officia, aut munera unius ejusdemque personæ: nam eadem persona est v. g. filius Regis nostri Christianissimi, & Princeps Delphinatus; & tamen ineptissima foret locutio, si quis diceret: Delphinus est apud filium Regis Christianissimi; in ipsius sinu requiescit; & de omnibus negotiis cum ipso tractat; nullus enim ita loquitur nisi de diversis personis. Ergo.

Uno igitur verbo, sicut scriptura sacra, juxta regulam ab omnibus acceptatam, sese accommodat nostro modo concipiendi, ita etiam & nostro modo loquendi: unde cum juxta communem, & usitatum loquendi modum prædicta scripturæ testimonia verificari non possint, nisi de personis realiter distinctis: ipsâ luce meridiana clarius est, quod Pater, Filius, & Spiritus Sanctus sunt tres Personæ realiter distinctæ.

§. 4.

Præcluduntur alia hæreticorum subterfugia et eodem Ioanne à S. Thoma.

Probavimus realem distinctionem personarum divinarum in §. præced. nunc probare debemus eam consubstantialitatem, & alia hæreticorum subterfugia præcludere.

Totum novum testamentum ad hoc ordinatur, ut Christi Divinitas probetur. Inprimis ex illo Ioan. I. *Et Deus erat verbum*: ubi non solum dicitur quod verbum erat Deus, sed etiam quod Deus ipse erat verbum. Nam si Ioannes dixisset, quod verbum erat Deus, potuisset hæreticus subterfugere, & dicere quod est Deus non verè sed participativè propter abundantissimam gratiam, quia gratia est naturæ divinæ participatio: sed dicendo, quod Deus erat verbum, nulla superest evasio: quia Deus ille apud quem est verbum, est Deus Pater, de quo nullus dubitat,

quin sit verus & summus Deus ; unde D. Augustinus lib. 2. de Trinitate cap. 13. ait : *Pater Deus est, sicut etiam omnes hæretici concedunt* : si igitur ipse Deus pater est verbum , manifestè sequitur , quod Divinitas quæ verbo convenit , est vera & summa Divinitas , & talis ac tanta qualis quantaque est Divinitas Patris æterni.

2. Dicitur 1. Ioan. 5. *ut simus in vero filio eius, hic est verus Deus, & vita æterna*, quod profecto testimonium in disputatione D. Athanasij cum Arrio merito dicitur esse scripta demonstratio : sicut enim Ioan. 17. ipse Christus de suo Patre dixit : *Hac est vita æterna, ut cognoscant te solum verum Deum* ; ita hîc de filio Ioannes dicit : *hic est verus Deus, & vita æterna*.

• Et confirmatur , quia ibidem immediatè antea dicit Ioannes : *Et scimus, quoniam filius Dei venit & dedit nobis sensum, ut cognoscamus Deum verum*, & subdit : *Et simus in vero filio eius*, &c. idest, inquit D. Thomas in expositione illius loci, ut cognoscamus Deum Patrem per fidem, & si us in vero filio eius per charitatem : filius ergo dicitur & est verus Deus, & vita æterna sicut Pater, proindeque ipsi æqualis : dicitur autem verus filius, inquit idem angelicus Doctor, ad differentiam aliorum, qui non sunt nisi filij adoptivi : & dicitur verus Deus per essentiam, vita æterna per causam : Unde egregiè D. Cyrillus lib. 12. Thesauri, cap. 13. dixit. *Si Christus verus Deus est, substantialiter non participatione hoc ipsum est, sicut creatura : quod autem verus Deus est, natura Deus est.*

Erasmus Arrianis favens, ut eludat vim huius argumenti, dicit : quod in illa Ioannis sententia illud, *hic est verus Deus*, non refertur ad filium, sed ad Patrem. Sed omnes Patres, & interpretes hoc intelligunt de filio : & quod ita sit intelligendum, patet ; quia pronomen substantivum, *hic*, ad illam personam referri debet, quæ vocabulo substantivo immediatè antea significata erat, nempe filius.

3. Ille est æqualis alteri, in quo totum quod in alio est, plene invenitur : sic enim nihil minus est in isto

quidm
riale.
etia
in De
omni
tura
de fili
habitu
idest
denta
que h
turar
omni
ipfis
ex ip
D. A
Neg
defer
habet
natu
dicit
cipit
4.
hac &
tur :
princ
strum
nem e
strum
valde
ter : n
lis. E
virtus
quatu
Eteni
ret d
suffi
ta :
foret
ctus
autem

quàm in illo, quod est ipsi esse æquale, & consubstantialiale. Sed quidquid est in Deo Patre, hoc totum est etiam in filio. Ergo. Prob. mi. nihil concipi potest in Deo Patre, nisi omnis plenitudo Divinitatis, & omnia quæ sua sunt, & propria ipsius essentia, & natura, quæ respectu cujuscunque rei est maximè sua. Sed de filio sive Christo dicitur ad Coloss. 2. *In ipso inhabitat omnis plenitudo Divinitatis corporaliter*, idest verè & substantialiter, non umbraticè aut accidentaliter: & ipsemet Ioan. 16. ait: *Omnia quacunque habet Pater, mea sunt*, habet ergo eandem naturam divinam cum ipso: aliter nedum non haberet omnia quæ habet Pater: sed potius e contra nihil ex ipsis haberet, cum hæc omnia virtualiter dimanent ex ipsa natura divina Patris. Hoc argumento usus est D. Ambrosius lib. 3. de fide cap. 7. ubi sic loquitur. *Nega ergo Deum, si non omnia filio quæ Dei sunt, deferuntur. Cum enim dixerit, omnia quæ Pater habet, mea sunt, cur tu non omnia quæ divina natura sunt, etiam in filio confiteris. Nam qui dicit, omnia quæ pater habet, mea sunt, quid exipit quod non habet?*

4. Ioan. 5. Christus ait: *quacunque ille fecerit, hac & filius similiter facit*, Hoc Arriani fatebantur: sed dicebant Patrem facere omnia ut causam principalem, filium verò ut nobilissimum ipsius instrumentum. Sed Angelicus Doctor hanc responsionem egregiè refellit 4. contra gentes cap. 7. quia instrumentum non agit similiter ut causa principalis, sed valde dissimiliter: filius autem agit similiter ac Pater: non ergo ut instrumentum sed ut causa principalis. Ex quo sequitur quòd una, & eadem debet esse virtus Patris, & filij, & cum virtus naturam rei sequatur, debet esse una, & eadem utriusque natura. Etenim si virtus per quam Pater producit omnia, foret distincta à virtute filij, uel esset sufficiens, uel insufficiens: non potest dici insufficiens, cum sit infinita: non posset etiam dici sufficiens; aliter virtus filij foret superflua; cum sine ipsa æquè benè totus effectus produci posset, ac simul cum ipsa: Imaginari autem quòd Deus ad omnia sua opera adhibeat virtu-

rem superfluum est absurdissimum. Quod autem instrumentum non sit superfluum, provenit ex hoc quod effectus sit ab instrumento dissimiliter, sive alio diverso modo, ac sit à causa principali. Hoc patet in exemplo: nam si adhibentur duo homines ad trahendum navim, hoc est quia virtus cujuslibet eorum est insufficientis ad hunc effectum; nam si unus aequè facile posset navim trahere ac iunctus cum altero, iste foret superfluum. Ex hoc igitur quod filius facit omnia, & similiter sicut Pater, sequitur quod ejus virtus, proindeque etiam natura non est distincta à virtute, & natura patris.

Denique figmentum illud Arrianorum, qui ut jam notavimus, dicebant Patrem esse Deum, filium esse nobilissimam creaturam à Patre productam, & Spiritum Sanctum esse etiam creaturam productam ab utroque, refellitur ex eodem D. Thoma ibidem, vel enim filius simul cum Patre seipsum creavit, vel non: dicere quod seipsum creaverit, est contra omnem Philosophiam, & ipsum sensum communem: si dicatur quod non creavit semetipsum: ergo si foret creatura falsum esset, quod ait Apostolus ad Coloss. 1. *Omnia per ipsum, & in ipso creata sunt*, quia ipse foret una ex rebus creatis, & tamen non esset creatus per seipsum. Propterea Apostolus ut significaret eum esse Deum, subdit: *Et ipse est ante omnes; & omnia in ipso constant*; idest, inquit ibidem angelicus Doctor, ipse est ante omnes, & duratione quia est ab aeterno, & dignitate quia est Deus: & ideo omnia in ipso constant, sive ab ipso conservantur.

Ex hoc loco patet, quantum hallucinentur novi haeretici Transylvani, qui omnem Christi Domini operationem restringunt ad Ecclesiae restorationem, & hominum redemptionem, & negant ipsam se extendere ad rerum omnium creationem. Etenim Apostolus oppositum expressè asserit, & similiter Ioannes Evangelista cap. 1. *Omnia per ipsum facta sunt, & sine ipso factum est nihil*. Ubi ly, *omnia*, comprehendit universalissimè quidquid creatum est, sive sit, aut factibile est à Deo, siquidem quod sine ipso factum est, nihil est.

Argumentum urget maximè in doctrina D. Thomæ, cuius proprium est funditus subvertere omnes hæreses. Sicut enim vidimus tomo 1. qu. ult. art. 1. creatura assumi nequit ad creandum nequidem ut instrumentum : cùm igitur constet, quòd filius ad creationem concurrat, manifeste sequitur, quòd non est creatura, sed Deus.

§. V.

De Spiritu Sancto.

Addo unum verbum de Spiritu Sancto, circa quem specialis fuit hæresis Macedonianorum : etenim fatebatur quidem Macedonius Patrem, & filium esse Deum, sed dicebat Spiritum Sanctum esse creaturam. Et quod omnino sturendum est, permisit Deus, quòd Diabolus novos in Transilvania, & alibi suscitaverit hæreticos, qui prædictas hæreses Arrij, Sabellij, & Macedonij à tot sæculis extinctas revivificescere fecerunt. Adeo expedit accuratissimè, quantum fieri potest, hæreses refellere, ut numquam amplius repulserint.

In primis. quòd Spiritus Sanctus sit persona realiter distincta à Patre, & filio patet. Idcirco enim filius distinguitur à Patre, quia ab illo procedit, & naturam recipit, & exprimitur pronomine demonstrativo personæ, ut ostendimus supra. Sed idem est de Spiritu Sancto. Ergo. Ioan. 15. Christus eum vocat, *Spiritum veritatis, qui à Patre procedit* : Et cap. sequ. ait : *Ille me clarificabit, qui de meo accipiet.*

Quòd autem non sit creatura, sed verus Deus, fuse probat D. Thomas 4. contra gentes cap. 17. & ostendimus supra. Verùm quia novi hæretici Transilvani dicunt nunquam Spiritum Sanctum formaliter & expressè vocari Deum in scriptura idcirco debemus ostendere hoc esse falsissimum. Nam 1. sic habetur Art. 5. Dixit autem Petrus ad *Ananiam* : *Anania, cur tentavit Satanæ cor tuum mentiri te Spiritui Sancto, &c.* Non es mentitus hominibus, sed Deo.

Ergo Spiritus Sanctus est Deus, ut ex hoc loco communiter probant Sancti Patres. 2. dicitur 1. ad Corinth. 6. *an nescitis, quoniam membra vestra templum sunt Spiritus Sancti, qui in vobis est?* & mox subiungit: *Glorificate, & portate Deum in corpore vestro.* Quem Deum inquit D. Augustinus epist. 66. *Nisi Spiritum Sanctum, cuius corpora nostra dixerat esse templum.* 3. Christus Dominus Ioan. 4. ait: *Spiritus est Deus: quem locum ita convincentem agnoverunt veteres Arriani, ut ipsum de sacris codicibus deleverint, ut testatur D. Ambrosius lib. 3. de Spiritu Sancto cap. 11. qui egregie contra ipsos ait: Litteras quidem tuistis abolere, sed fidem non potuistis auferre. Plus vos illa litura prodebat; plus vos illa litura damnabat. Neque enim vos poteratis oblinire veritatem: sed illa litura de libro vite nomina vestra radebat.*

§. VI.

Nova difficultas circa vocabulum illud,

ομολογια.

Patres concilij Nicæni consubstantialitatem Patris & filij rectissime explicaverunt in symbolo suæ fidei, vocando filium *ομολογια* Patri, idest ejusdem essentia cum illo: quia ut notat Valentia loco supra citato §. 16. *ομολογια* dicuntur ea, quæ ita habent eandem essentiam, ut alterum tamen acceperit illam ab altero, ut notant D. Athanasius in libro de synodis Arimini, Seldacizæ, & D. Basilus in epistola quadam ad Dei ancillas. Ita fit ut hac una voce damnetur simul & Arrianorum impietas, qui negabant consubstantialitatem personarum, & Sabellianorum quoque perfidia, qui negabant distinctionem personarum secundum originem, secundum quam filius naturam divinam recipit à suo Patre. Unde universalis Ecclesia symbolum fidei ab eodem concilio Nicæno editum recitat in Missa, dicens de filio, *genitum non factum, consubstantialem Patri.*

Subdit ibidem Valentia. Non obstat, quòd voca-

bulum, homoufios, in quadam Synodo Antiochena contra Paulum Samosatenum, ante hæresim Arrianam, rejectum est, cum Paulus ille filium Patri homoufion diceret. Ut enim notat D. Athanasius, alio sensu in Synodo rejectum est id vocabulum, & alio in Concilio Nicæno receptum. Paulus enim Samosatenus filium dicebat homoufion, idest ejusdem substantiæ cum Patre, tantummodo secundum speciem, non secundum numerum, quod erat delirium non conveniens cum sua ipsius hæresi, qua ratione rectè in Synodo Antiochena vocabulum illud repudiatum fuit. In Concilio verò Nicæno, rectissime econtra assertum est, alia ratione, filium esse Patri homoufion, nempe secundum eandem numero essentiam. Unde etiam D. Hilarius in libro de Synodis adversus Arrianos sub finem ait: *Malè intelligitur homoufion, quid ad me bene intelligentem? Malè homoufion Samosatens Confessus est, Sed nunquid melius Arriani negaverunt? Octoginta Episcopi olim respuerunt, sed trecenti decem & octo nuper receperunt, &c. Illi contra hæreticum improbarunt. Nunquid & isti non adversum hæreticum probaverunt? Gravis auctoritas est veterum. Nunquid & horum levis sanctitas est? Si contraria invicem senserunt, debemus quasi iudices probare meliora. Si verò & probando, & improbando, unum utrique statuerunt, quid bene statuta convellimus.*

Sed cum voluerim videre Concilia in fonte in illa ultima, & accuratissima editione facta Parisiis à Patribus societatis Jesu, tantum abest quoddam in prima & secunda Synodo Antiochena, quæ contra prædictum Paulum Samosatenum celebratæ fuerunt, vocabulum illud fuerit repudiatum; quin potius fuit acceptatum tanquam jam antea à sanctis Patribus traditum. Etenim in illa prima Synodo acceptata fuit epistola Dionysij Alexandrini contra Paulum illum Samosatensem, in qua sic expressè de Christo habetur: *Quem sancti Patres homoufion Patri vocaverant.* Ubi ad marginem sic habetur: *En Verbum homoufion apud Patres ante Concilium Nicænum.* Ex quo

etiam patet, verbum esse antiquissimum : cum Synodus illa celebrata fuerit in tertio saeculo circa annum 266. Sub Papa Dionysio.

Aliunde cum ex eadem Synodo constet, Paulum illum asservisse Christum esse purum hominem, quomodo potuisset ipsum dicere homoousion Patri : cum nemo imaginari possit, quod purus homo sit ejusdem substantiae cum Deo sive numero, sive specie.

Quapropter mihi videtur, quod sicut Arriani ita fuerunt perversi, & temerarii : ut ipsam etiam Scripturam falsificaverint, sicut retulimus ex D. Ambrosio in fine Paragraphi praeced. sic credibile est, quod falsificaverint acta alicujus Synodi Antiochenae ; & quod per haec acta falsa, & supposititia decepti sunt in quaestione facti & D. Athanasius, & D. Hilarius, existimantes vocabulum praedictum fuisse quandoque repudiatum, cum tamen econtra fuerit semper acceptatum : nunquam tamen haereticos potuisse sanctos illos Patres decipere in quaestione juris : semper enim contra ipsos defenderunt fidem orthodoxam de consubstantialitate Patris, & filij : & explicuerunt optime, in quo sensu vocabulum homoousion potest, & debet, vel acceptari, vel reiri. Si quis meliorem invenerit solutionem, quaeso ut eam mihi suppeditare dignetur.

ARTICULUS III.

Contra Mahumetanos.

Mahumetes in suo Alcorano millies, ut ita loquar, repetit, *non sunt plures Dij : non sunt tres Dij* : Ex quibus verbis patet, quod ex pura ignorantia crassa Mysterium Trinitatis negavit : quia nempe concipere non potuit, quomodo tres essent Personae, & tamen non essent plures Dij, sed unus Deus : unde ad ipsum refellendum sufficit, mysterium istud sicut oportet exponere.

Deinde in pluribus ejusdem Alcorani locis fatetur, quod & Judaei vetus testamentum, & Christiani no-

uum per inspirationem divinam receperunt : unde
sufficit , quòd Mysterium Trinitatis ex utroque testa-
mento demonstravimus. Nec refert , quòd addit Ma-
hometes , & Judæos , & Christianos falsificasse veras
illas scripturas , quas divinitus receperant , inferen-
do ipsis prædictum Mysterium Trinitatis , hoc enim
esse omnino falsum , & ridiculum , ostendimus in
tractatu de fide.

ARTICULUS IV.

Contra gentiles ex propriis eorum principiis.

Contra Gentiles agemus rationibus , quæ simul
probant unitatem essentiae , & Trinitatem Persona-
rum , quantumvis hujusmodi unitas & Trinitas op-
poni videantur. Et quod mirum est , rationes illæ
procedunt juxta propria gentilium Philosophorum
principia.

§. I.

*Nova , & singularis ratio , quæ complectitur ca-
tere omnia , quæ concernunt Mysterium SS.
Trinitatis. Doctrina D. Thomæ notatis
dignissima.*

Hæc ratio sic formatur. Ens omnimodè infinitum
debet esse unum in essentia , & trinum in Personis. Sed
Deus est ens omnimodè infinitum. Ergo est unus in
essentia , & trinus in Personis. Mi. pater ex dictis de
infinitate Dei in tract. de attributis. Ma. Prob. ens
omnimodè infinitum debet importare , & sibi realiter
identificare omnem possibilem , & excogitabilem en-
titatem , ut constat ex dictis ibidem. Sed hoc fieri ne-
quit , nisi sit unum in essentia , & trinum in Perso-
nis. Ergo. Prob. Mi. Inter entia possibilea , quædam
sunt absoluta , & quædam relativa : igitur ens infini-

tum debet imp. rre ens absolutum, & ens relativum. Et quia juxta omnes Philosophos nihil refertur ad seipsum, sed ad alterum, debet etiam importare correlativum, ut utrumque ad invicem mutuo referatur: istud autem relativum, & ipsius correlativum, quia habent ad invicem oppositionem relativam, realiter ab invicem distinguuntur: sed quia nullam habent oppositionem cum absoluto, realiter cum ipso identificantur. Habemus ergo in divinis relativa, quæ realiter ab invicem distinguuntur, & realiter cum absolutis identificantur.

Hæc relativa cum non sint accidentia, sed substantiæ, eo quod quidquid accidentale est, imperfectiorem involuit, quæ in Deo referri non potest; & juxta omnes Philosophos substantia in seipsa subsistat: aliunde propter oppositionem relativam nequeant invicem communicari: inde fit, quod subsistant incommunicabiliter, proindeque constituunt personas. Econtra quia absoluta nullam oppositionem habent cum relativis, ea sibi realiter identificant, & ita sunt ipsis communia: unde non constituunt personas, quæ incommunicabilitatem important, sed essentiam & naturam quæ communicabilis est. Sic igitur habemus plures personas, unius essentia & naturæ.

Quod verò personæ illæ debeant esse tres, probatur; quia non quæcunque oppositio relativa reperitur in divinis, sed oppositio quæ originem importat, sive oppositio principij, & termini: & quia terminus producit per actionem, & duæ sunt actiones immanentes in divinis, scilicet intellectio, & amor; ideoque duæ sunt productiones, & processiones, proindeque tres personæ; scilicet Pater producens filium per viam intellectus, & Pater & Filius Spirantes Spiritum Sanctum per viam voluntatis.

Explicatur magis hæc ratio ex nostro Doctore verè angelico, qui qu. 7. de potentia, art. 8. ad 4. sic habet. *Oppositio relationis in duobus differt ab aliis oppositionibus: quorum primum est, quod in aliis oppositis unum dicitur alteri opponi inquantum ipsum removel. Negatio enim removel affir-*

Mysteri Trinitatis.

negationem, & secundum hoc ei opponitur: oppositio vero privationis, & habitus, & contrarietatis includunt oppositionem contradictionis, ut 4. Metaph. dicitur. Non autem est hoc in relativis: non enim per hoc opponitur filius Patri, quod ipsum removeat, sed propter rationem habitudinis ad ipsum. Et ex hoc causatur secunda differentia; quia in aliis oppositis semper alterum est imperfectum, quod accipit ratione negationis, quae includitur in privatione, & altero contrariorum: hoc autem in relativis non oportet; imo utrumque considerari potest ut perfectum, sicut patet maxime in relativis equiparantia, & in relativis originis, ut aequale, simile, Pater & filius. Et ideo relatio potest attribui Deo magis quam alia oppositiones.

Igitur secundum omnes Philosophos quadruplex est genus oppositionis, alia scilicet oppositio contradictoria, privativa, contraria, & relativa: inter oppositionem autem relativam & tres alias hoc est discrimen, quod in aliis oppositionibus unum extremum excludit, & destruit aliud, & sic imperfectiorem involuit saltem negativam, siue carentiam extremi quod destruit: sic in oppositione contradictoria affirmatio destruit negationem, & contra negatio affirmationem, homo enim v. g. negationem hominis excludit, & negatio hominis excludit ejus affirmationem: in oppositione privativa privatio excludit formam, & forma privationem, sic tenebrae lucem expellunt, & lux tenebras: in oppositione contraria unum similiter expellit aliud, sic calor expellit frigus, & frigus calorem: sed in oppositione relativa tantum abest, quod unum extremum expellat aliud, ipsumque destruat, quin potius ipsius coexistentiam ita exigit, ut sine ipso subsistere nequeat: unde commune est Philosophorum axioma, quod relativa sunt simul definitione, & natura; sic v. g. Pater referri nequit ut Pater nisi correspondeat ei filius ad quem referatur, & ita relativum nihil dimittit de perfectione sui correlativi, sed ad eam potius contribuit: quatenus juxta definitionem ab omnibus

Philosophis acceptatam, relativum est illud cuius totum esse est ad aliud se habere, proindeque essentialiter exigit, ut similiter suum correlativum secundum totum suum esse subsistat. Igitur ens omnimodè infinitum, qualis est Deus, cum nullum ens nullamque perfectionem debeat negare, excludere, aut destruere; sed omne potius ens omnemque perfectionem includere, sibi que identificare, & conservare, alias quidem oppositiones compati non potest; sed oppositionem relativam nedum compatitur, sed etiam essentialiter exigit, ut ipsius beneficio omne genus entis & perfectionis includat.

Nihilominus distinguenda est duplex oppositio contradictoria: una praecedens oppositionem relativam, altera eam subsequens: contradictio praecedens foret in absolutis, & necessario aliquid ens, & aliquam perfectionem excluderet, & destrueret, quia si unum absolutum negat id quod aliud affirmat, nequeunt simul in eodem subiecto reperiri, sic divina iustitia si negaret id quod affirmat misericordia, non possent simul esse in divinis: quia ex hoc realiter distinguerentur, & non se invicem respicerent, cum forent absoluta ideoque in nullo identificarentur; Unde in tract. de attributis, agendo de simplicitate Dei ostendimus, quod in Deo ut uno praescindendo ab ipso ut trino, nulla datur oppositio contradictoria. Sed contradictio consequens non est nisi in relatiuis, quatenus unum relativum negat id quod ejus correlativum affirmat, eoquod realiter ab invicem distinguuntur, sicut Pater dicit negationem relationis, quae est in filio: quia tamen ad invicem correferuntur, & oppositionem non habent cum absolutis, ideo nedum sese compatiuntur in eodem subiecto, sed in ipso etiam realiter identificantur, scilicet in ipsa divina essentia, ut explicabimus magis impugnando iterum distinctionem formalem Scoticam. Unde Sanctus Doctor 1. sent. dist. 26. qu. 2. art. 2. in fine corporis ait: *Quamvis una relatio habeat annexam negationem alterius relationis in eodem supposito, non tamen ista negatio importat aliquem defectum quia defectus non est nisi secundum aliquid, quod in aliquo*

natum est esse: unde cum id quod habet oppositione relativam ad ipsum, secundum rationem oppositionis, non ponat aliquid sed ad aliquid, non sequitur imperfectio vel defectus: Et ideo solatilis oppositio convenit distinctioni personarum.

Explicatur adhuc magis, quomodo Deus est ens omnimodo infinitum, habendo relationes, quæ constituunt tres divinas personas, non autem si illis careret. Quia si illis careret, non haberet nisi entia absoluta, & non relativa: quia ut mox dicemus ex D. Thoma, non possunt dari in divinis nisi relationes quæ fundantur in actionibus immanentibus, scilicet intellectus & voluntatis, per quas procedunt filius, & Spiritus Sanctus; Sic igitur non haberet Deus omnigenus entium, proindeque non foret omnimodè infinitus. Ponendo verò prædictas relationes, per quas constituuntur tres personæ ponitur in Deo omne genus entitatis, & perfectionis possibilis & excogitabilis eo modo quo fieri potest: cum enim omnes illæ relationes virtualiter dimanent ab essentia tanquam à prima radice, continentur in ipsa radicaliter: & cum unam personam constituendo eam referant ad alteram, ad quam terminantur; ita sunt in una constitutivè, ut sint in altera terminativè. Sic igitur quidquid est in Patre quatenus est persona, totum hoc est in essentia divina radicaliter, in ipso Patre constitutivè, & in filio terminativè, & quidquid est in filio totum est in ipso constitutivè, in Patre terminativè, in essentia radicaliter. Et idem est de Patre & filio respectu Spiritus Sancti. Et insuper qualibet ex personis habet in se radicaliter quidquid est in aliis quatenus in sua personalitate importat, sibi que realiter identificat divinam essentiam, quæ radicaliter continet omnia quæ sunt in divinis. Sic fit, nec potest fieri, aut excogitari aliter, quod omnis possibilis entitas & perfectio reperitur in divinis.

Quamvis igitur v. g. Pater dicat realiter negationem relationis quæ est in filio, uel Spiritu Sancto: eâ tamen non caret totaliter, sed ipsam habet in essentia divina radicaliter, & in seipso terminativè. Unde patet quod oppositio contradictoria, quæ substa-

quitur oppositionem relativam, nullam inducit imperfectionem: sicut faceret illa quæ antecederet, sed potius omnimodam perfectionem supponit. Sicut etiam, ut dicemus ex D. Thoma, impugnando iterum distinctionem formalem Scoti, talis oppositio contradictoria nullam distinctionem facit, sed eam solummodo supponit, quam facit oppositio relativa.

Tandem non possunt in divinis dari relationes disparatæ; quia respectu entis omnimodè infiniti nihil potest esse disparatum; cum essentialiter exigit omne ens includere, sibi quæ realiter identificare. Ex alijs etiam relationibus nullæ possunt esse in divinis, nisi illæ quæ fundantur in actionibus immanentibus, ut explicabimus postea agendo de relationibus divinis, & expressè asserit angelicus Doctor 1. p. qu. 28. art. 4. in cor. ubi sic habet: *Relationes reales in Deo non possunt accipi nisi secundum actiones, secundum quas est processio in Deo intra, sed non extra. Huiusmodi autem processionem sunt duæ tantum: quarum una accipitur secundum actionem intellectus, quæ est processio verbi: alia secundum actionem voluntatis, quæ est processio amoris, sive Spiritus Sancti.*

Ex his sequitur, quòd in divinis est Pater, Filius, & Spiritus Sanctus: quòd processio filij est generatio non autem Spiritus Sancti: quòd sunt duæ processionem, & quatuor relationes: quòd Spiritus Sanctus procedit à filio, & quòd si ab ipso non procederet, non distingueretur: ac uno verbo sequuntur ea ferè omnia quæ concernunt mysterium istud SS. Trinitatis, ut patebit in decursu tractatus,

Dices, 1. Philosophus gentilis respondere posset, non dari in divinis aliquid relativum formaliter, sed tantum eminenter; quatenus entitas ejus absoluta eminenter continet quidquid est relativum in creaturis.

Sed contra. Dari debet in divinis id sine quo non foret in ipso omnimoda perfectio. Sed etiam si Deus eminenter contineret, quidquid est relativum in creaturis, si tamen intra ipsum non poneretur relativum formaliter suum habens correlativum, non daretur in ipso

ipso
nega
foret
mon
contr
qui d
ligion
negat
Rel
conve
ita ad
si Phi
forma
in cre
convin
catho
esse ni
tum:
oppor
prop
non
retur
quod
rentu
relativ
posse
Et
rata,
distinc
sive se
te tam
Sanctu
lativa
tua,
tantu
ducit
Philo
parat
incipit
Et

ipso omnimoda perfectio, ut ex dictis patet. Ergo negari non potest.

Dices 2. Si hæc omnia convincerent, nostra ratio foret naturalis demonstratio, per quam positivè demonstraretur mysterium SS. Trinitatis. Sed hoc est contra omnes Theologos tam Thomistas quàm alios, qui dicunt, quòd mysterium istud, sicut & alia religionis nostræ mysteria, non possunt demonstrari nisi negativè, solvendo objectiones. Ergo.

Respondeo, quòd ratio nostra est quidem optima convenientia, non est tamen demonstratio; quamvis ita ad ipsam accedat, ut demonstratio videatur. Quia si Philosophus gentilis diceret, quòd ens relativum formaliter non datur, nec est possibile nec in Deo, nec in creaturis, non posset naturaliter demonstrativè convinci: non quidem in creaturis, quia etiam plures catholici Doctores tenent, relationes in creaturis non esse nisi aliquid absolutum ut connotat aliud absolutum: neque in divinis, quia etiam Scotistæ admittunt oppositionem relativam disparatam in rebus divinis, propter quam volunt, quòd etiam si Spiritus Sanctus non procederet à filio, nihilominus realiter distingueretur ab ipso: unde si Philosophus gentilis diceret, quòd si relativa ponerentur in divinis, distinguerentur realiter ab absolutis propter oppositionem relativam disparatam, quam haberent cum ipsis, non posset evidenter convinci.

Et quamvis Scotistæ dicant, quòd oppositio disparata, quam admittunt in divinis, non inducit realem distinctionem, nisi quando est mutua, & adæquata; sive se tenet ex utraque parte; sicut se teneret ex parte tam filij quàm Spiritus Sancti: etiam si Spiritus Sanctus non procederet à filio: & quia oppositio relativa disparata inter relativa & absoluta non est mutua, & adæquata, quia se tenet ex parte relativorum tantum, & non ex parte absolutorum; ideo non inducit distinctionem realem inter ipsa; attamen si Philosophus gentilis assereret, quòd oppositio disparata etiam inadæquata, & non mutua inducit distinctionem realem, non posset convinci.

Et quamvis si Thomistæ urgerent, quòd ens om-

nimodè infinitum, qualis est Deus, nihil habet disparatum, sicut jam diximus: si tamen Philosophus ille gentilis diceret: quòd nihil habet disparatum, si fuerit ens absolutum; benè tamen si fuerit aliquid relativum: & sustineret quòd absoluta, & relativa sunt ex naturâ suâ disparata; & quidem ita disparata, ut non possint realiter identificari, sed omnino necesse sit ea distingui, non posset naturaliter evidenter convinci: & tamen constat, quòd cum tali distinctione reali absolutorum, & relativorum non posset subsistere mysterium SS. Trinitatis.

Semper tamen duo manent, & inferuntur ex prædictis. Alterum, quòd si aliquis non sit omnino obstinatus, etiamsi abstrahamus à fide, & procedamus juxta solum naturale lumen rationis fatebitur quòd mysterium Sanctissimæ Trinitatis est omnino conveniens, & rationi conforme. Alterum, quòd juxta doctrinam angelici nostri Præceptoris, qui ponit relationes formales tam in rebus creatis quam divinis, quique omnem oppositionem disparatam à rebus divinis excludit, melius & efficacius stabilitur summus ille articulus nostræ fidei de SS. Trinitate, & omnes ipsi oppositæ hæreses funditus evertuntur, quàm juxta doctrinam quoruncunque aliorum Doctorum: sicut jam sæpe diximus, & millies iterum dicemus, quando agemus de aliis fidei nostræ articulis, aliisque hæresibus quæ ipsis opponuntur.

§. II.

Alia egregia rationes afferuntur ex angelico Doctore.

Secunda ratio sumitur ex D. Thoma 1. p. qu. 27. a 1. & alibi, & sic formatur. Omnis intelligens hoc ipso quòd intelligit, producit intra se terminum intellectus sui, qui dicitur verbum mentis; & omnis amans hoc ipso quòd amat, producit intra se terminum amoris sui, qui non habet in creaturis speciale nomen. Sed Deus est perfectissimè intelligens, & perfectissimè amans. Ergo producit intra se terminum intellectus, & amoris; nimirum Pater æternus, cog-

scendo se producit verbum : & Pater , & Filius diligendo se spirant Spiritum Sanctum.

Contra rationem istam plures sunt instantiæ, quas variis modis solvunt Thomistæ. Eligo faciliorem modum explicandi. Sic igitur instatur 1. Filius & Spiritus Sanctus sunt perfectissimè intelligentes sicut Pater ; & tamen nullum formant verbum : & Spiritus Sanctus est perfectissimè volens non minus quàm Pater , & filius ; & tamen non producit nec seipsum, nec alium Spiritum Sanctum. Ergo falsum est quòd omnis intelligens , & volens producat actionis suæ terminum.

2. Beati vident, & amant Deum prout est in se ; & tamen non producant verbum , ut diximus in tractatu de visione Dei ; neque producant ullum amoris sui terminum.

3. Angeli intelligendo , & diligendo semetipsos nullum formant verbum nec amoris sui terminum ; sed propria eorum substantia tenet locum utriusque , ut dicemus in tract. de Angelis. Ergo.

4. Quamvis concederetur , quòd per omnem intelligentem producytur terminus intellectus, seu verbum , non sequitur idem de omni amante : imò nullus est amoris terminus : quia secundum Philosophos, hoc est discrimen inter modum operandi intellectus, & voluntatis, quòd intellectus intelligendo trahit res ad se, & ideo intra se producit verbum , quod est representationem rei cognitæ : sed voluntas amando fertur ad ipsas res , ideoque non habet alium amoris sui terminum quàm ipsam rem amatam.

Hoc probatur ex ipso met D. Thoma, etenim qu. 4. de veritate, artic. 2. ad 7. ait. *Hac est differentia inter intellectum, & voluntatem, quòd operatio voluntatis terminatur ad res, in quibus est bonum, & malum : sed operatio intellectus terminatur in mente, in qua est verum, & falsum, ut dicitur in 6. metaphysic. Et ideo voluntas non habet aliquid progrediens ab ipsa, quòd in ea sit, nisi per modum operationis ; sed intellectus habet in seipso aliquid progrediens ab eo, non solum per modum operationis, sed etiam per modum rei ope-*

44. *Questio 7. de existentia*
rata: Et ideo verbum significatur ut res proce-
dens; sed amor ut operatio procedens.

Respondeo, quod axioma illud assumptum à D. Thoma debet intelligi cum triplici modificatione, & limitatione. Prima est, quod intelligens intelligendo producit verbum, & similiter amans producit amoris terminum, si non supponat ipsum jam productum per eandem intellectionem, & amorem. Sed si productum supponit, uel necesse non est, quod producat per eandem actionem alterum terminum; uel est etiam impossibile, quando terminus implet totam vim productivam: quia igitur Pater æternus intelligendo se non supponit verbum productum, idcirco ipsum producit: sed quia filius, & Spiritus Sanctus intelligunt per eandem intellectionem Patris, & supponunt verbum ab ipsa productum, idcirco illud non producant; imò nec producere possunt: quia verbum à Patre productum totam implet virtutem productivam intellectionis divinæ. Similiter Pater, & Filius amando se non supponunt Spiritum Sanctum, ideoque ipsum producant: sed ipse Spiritus Sanctus non potest seipsum producere, neque etiam alium Spiritum Sanctum; cum ipse repleat totam vim productivam divini amoris, ut explicabimus magis postea.

2. Intelligi debet axioma, quando intellectio, & amor versantur circa objectum connaturale, & proportionatum ipsi cognoscenti & diligenti; nam si fuerit objectum supernaturale, & superexcedens, non est mirum si cognoscent, & diligens non possit circa ipsum formare verbum, neque amoris terminum: Unde cum Deus prout est in se sit objectum supernaturale, & superexcedens respectu Beatorum, non producant verbum in visione beatifica, neque terminum in amore beatifico; sed ipse Deus supplet vices utriusque, ut explicuimus in tract. de visione Dei. Sed quia Deus cognoscit & diligit seipsum tanquam objectum sibi maximè connaturale, & proportionatum, ideo producit verbum, & amoris sui terminum, sive Spiritum Sanctum.

3. Non intelligitur quando verbum, & terminus amoris producantur ex necessitate, & indigentia;

sed solummodo quando producuntur ex fecunditate, & abundantia : Unde quia in creaturis , v. g. in Angelis producuntur ex necessitate, & indigentia, scilicet ad supplendum alterutrum defectum objecti, uel sufficientis presentiae, uel sufficientis spiritualitatis; ideoque quando objectum est sufficienter praesens, & spirituale, non producit terminus intellectionis, aut amoris, sed objectum gerit vices, & praestat munus utriusque termini : & cum propria cujuslibet Angeli substantia sit sufficienter ipsi praesens, & sufficienter spiritualis, ad hoc ut immediate per seipsam intelligatur, ideo Angelus cognoscendo se non format verbum, sed ejus substantia tenet locum verbi : & idem est de amore, ut explicabimus magis in tract. de Angelis. Sed quia Deus intelligendo, & amando seipsum, non format verbum, nec producit amoris terminum ex ulla necessitate, aut indigentia, quia haec imperfectionem involuit; sed ex summa fecunditate, & abundantia, quae omnimodam perfectionem importat : ideo quamvis objectum sit ipsi maxime praesens, & maxime spirituale, cum sit ipsemet Deus, non desinit in ejus cognitione, & amore producere verbum, & amoris terminum, siue Spiritum Sanctum.

Ad quartam instantiam dico, quod ex illo diverso modo operandi intellectus, & amoris, non sequitur quod per cognitionem producat terminus, & non per amorem; sed quod producit diversimodè; scilicet per cognitionem producit terminus per modum verbi mentis, in quo tanquam in spiritali speculo intellectus res cognita contemplatur; per amorem verò producit terminus, per quem tanquam per pondus, & inclinationem voluntas fertur ad res amatas, ut explicabimus magis agendo de Spiritu Sancto.

Quantum ad D. Thomam Resp. quod expressè docet, non minus per amorem produci terminum intra voluntatem, qui se habet veluti pondus inclinans ipsam ad res amatas, quam per cognitionem producat verbum intra ipsum intelligentem : sic enim habet 1. p. q. 37. a. 1. in corp. *Sicut enim ex hoc quod aliquis rem aliquam intelligit, provenit*

quadam actualis cōceptio rei intellecta in intelligente, quæ dicitur verbum; ita ex hoc quod aliquis rem aliquam amat, provenit quædam impressio (ut ita loquar) rei amata in affectu amanti secundum quam amatum dicitur esse in amante, sicut & intellectum in intelligente.

Quæ doctrina conformis est huic sententiæ D. Augustini 13. Confess. ca. 9. *Pondus meum amor meus: eo feror quocumque feror.*

Ad authoritatem ejusdem angelici Doctoris, quæ in contrarium obijcitur; Resp. ex Cajetano 1. p. qu. 27. in comment. artic. 3. Quod revera S. Doctor admittit terminum productum tam per amorem quam per cognitionem, ut satis patet ex authoritate jam relata, sed inter utrumque terminum statuit hoc discrimen: quod terminus per cognitionem productus nedom habet entitatem termini, sed etiam vocabulum & modum; quatenus cognitio in productione entitatis ipsius terminatur; & quatenus dicitur verbum, quod est vocabulum specialiter institutum ad significandum hujusmodi terminum, & non ipsum actum cognitionis; & intellectus in eodem verbo quiescit, quod est se habere ad modum termini, agens enim sistit in termino dum ad ipsum pervenit: sed terminus per amorem productus licet habeat entitatem termini, non habet tamen vocabulum, neque modum ipsius, sed operationis; habet quidem entitatem, quatenus amor in productione entitatis ipsius terminatur; sed non habet vocabulum, quia nullum adhuc speciale nomen inventum est ad significandum illum terminum, sed ipsi attribuitur nomen operationis, & dicitur amor sicut ipsemet actus amoris, per quem producitur: non se habet etiam ad modum termini, sed operationis; quia agens in operatione non quiescit, sed per eam tendit ulterius ad productionem termini, & similiter voluntas non quiescit in termino per amorem producto, sed per ipsum tanquam per pondus, & inclinationem fertur ad ipsas res amatas.

Si quis tamen negare vellet, quod in divinis producatur verbum, & terminus amoris etiam ex fecunditate, & abundantia, non posset demonstrativè convinci.

Tertia ratio sumitur ex eodem S. Doctore qu. 9. de potentia , art. 9. in 2. argum. Sed contra , ubi sic habet. *Ad perfectionem divina bonitatis , felicitatis , & gloria , requiritur quod sit in Deo vera , & perfecta charitas* : nihil enim est charitate melius , nihil charitate perfectius , ut dicit Richard. in 3. de Trinit. felicitas autem absque iucunditate non est , quæ maximè per charitatem habetur ; enim in eodem libro dicitur ; nihil charitate dulcius , nihil charitate iucundius , charitatis delicijs rationalis vita nihil dulcius experitur , nulla delectatione delectabilius fruitur. Perfectio etiam gloria in quâdam magnificentia perfecta communicationis consistit , quam charitas facit. Vera autem & perfecta charitas requirit in divinis ternarium numerum Personarum. Amor enim , quo aliquis se tantum diligit , est amor privatus , & non charitas vera : Alium autem summè Deus diligere non potest , qui non sit summè diligibilis : nec summè diligibilis est nisi sit summè bonus. Unde patet , quod vera charitas in Deo summa esse non potest , si sit ibi una tantum Persona : nec etiam perfecta , si sint due tantum : quia ad perfectionem charitatis requiritur , quod amans velit id quod ab eo amatur , etiam æque ab alio diligi : indicium namque magnæ infirmitatis est , non posse pati i consortium amoris ; posse vero pati , signum magnæ perfectionis. Magis gratanter suscipere , maximi est desiderio requirere , ut dicit Richard. in eodem libro. Oportet ergo si sit in Deo perfectio bonitatis , felicitatis , & gloria , quod sit in divinis ternarius Personarum numerus.

Quarta ratio habetur ibidem. Cum bonum , inquit S. Doctor , sit communicativum sui , perfectio divina bonitatis requirit , quod Deus summè sua communicet. Si autem esset una tantum Persona in divinis , non summè communicaret suam bonitatem. Creaturis enim non summè communicat. Si vero essent solum due Persona , non communicarentur perfecta delicia mutua charitatis. Oportet ergo esse secundam Personam , cui perfecte com-

*Quaestio I. de existentia
munificetur divina bonitas: & tertiam, cui per-
fecte communicentur charitatis delicia*

Quinta ratio est. Quod ad felicitatem requiritur societas: Unde angelicus Doctor super cap. 10. epist. 1. ad Corinth. loquens de multiplici societate ait: *Est ergo societas bona. Prima personarum divinarum, de qua I. Ioan. 1. Ut societatem habeamus cum Deo: & societas nostra sit cum Patre, & cum filio eius Iesu Christo. Et hoc exigit summa incunditas: quia nullius rei sine socio incunda est possessio.*

Quamvis autē per beneficia gratiæ, quæ est naturæ divinæ participatio, habeamus societatem cum Deo latè sumptam; non esset tamen in Deo societas strictè sumpta, si non esset personarum pluralitas, etc. nim idem sanctus Doctor ait 1. p. qu. 31. art. 3. ad 1. *Dicendum quod licet Angeli, & anima sancta semper sint cum Deo; tamen si non esset pluralitas personarum in divinis, sequeretur quod Deus esset solus, vel solitarius. Non enim tollitur solitudo per associationem alicuius quod est extraneæ naturæ: Dicitur enim aliquis esse solus in horto, quamvis sint ibi multa planta, & animalia. Et similiter diceretur Deus solus, vel solitarius, Angelis, & hominibus cum eo existentibus, si non essent in divinis personæ plures.*

Hæ tamen rationes, si abstractionem faciamus à fide, sunt quidem optimæ congruentiæ, sed non demonstrationes: quia si quis diceret, quod etiam si Deus foret unus tam in persona quàm in natura, esset tamen beatus contemplando & amando seipsum propter suam perfectionem omnimodam: & quod non potest dari in divinis prædicta charitas, communicatio, & societas; eo quod relativa quæ deberent constitutere personas, non possunt realiter identificari cum absolutis quæ pertinent ad essentiam; atque ita non possunt dari plures personæ, quæ sint ejusdem essentia, talis inquam non posset naturaliter demonstrativè convinci.

ARTICULUS III.

Soluntur objectiones.

Objectiones quæ sunt ex scriptura sacra à Judaicis & bellianis, & aliis, nullius sunt momenti: opponunt enim ea omnia loca, in quibus dicitur, quod Deus est unus, quod est solus, & similia. Nos enim asserimus, quod cum personarum Trinitate subsistit optimè unitas divinæ essentiae: Unde Pater, Filius, & Spiritus Sanctus sunt unus Deus, & unus solus Deus, ita ut non sint plures Dij, quod patebit magis, quando explicabimus in quo sensu nomen illud adjectivum solus convenit Deo.

Quantum verò ad objectiones, quæ ex rationibus ab ipsis fieri possunt, aliqualem continent difficultatem: Unde eas solvemus postea. Sed prius solvendæ sunt autoritates, quas opponunt Arriani, alique similes hæretici, quarum quædam sunt valde difficiles,

§. I.

Exponuntur autoritates scripturæ sacræ.

Ob. 1. Christus Ioan. 14. ait. *Pater major me est.* Ergo ipse est minor, proindeque non est Deus, sed creatura.

Resp. 1. retorquendo argumentum. Nam etiam filius dicitur equalis Patri, ut patet ex locis præ nostrâ conclusione relatis, & ex illo ad Philipp. 2. *Non rapinam arbitratus est, esse se equalem Deo.* Ergo distinctione opus est, ut hæc testimonia conciliari possint. Unde D. Augustinus lib. 1. de Trinit. cap. 17. ait. *Non immerito scriptura utrumque dicit, & equalem Patri Filium, & Patrem maiorem filio: illud enim propter formam Dei, hoc autem propter formam servi, sine ulla confusione intelligitur.*

Resp. 2. ex D. Thoma in expositione illius loci, quod si Arriani bene attendissent ad verba Christi

Domini, veram intelligentiam percipere potuissent. Sic enim loquitur: *Si diligeretis me, gauderetis mihi; quia vado ad Patrem; quia Pater maior me est.* In eodem igitur sensu sumitur illud, *Pater maior me est*, quo illud aliud, *vado ad Patrem*: Unde sicut Christus non vadit ad Patrem secundum suam naturam divinam, secundum quam semper est cum illo, sed tantum secundum naturam humanam: ita Pater non est maior ipso secundum naturam divinam considerato, sed solummodo secundum humanam. Et haec est regula generalis juxta omnes sanctos Patres, ut quidquid in scriptura dicitur de Christo, quod non potest convenire nisi Deo, totum hoc verificetur de illo secundum Divinitatem: quidquid verò dicitur de illo, quod non potest cadere nisi in creaturam, verificetur de illo secundum humanitatem: Unde egregie D. Athanasius serm. 2. contra Arrianos dixit: *Reddite quae sunt hominis homini, & quae sunt Dei Deo.*

Obiic. 2. Ioannes Baptista, ut habetur Ioan. 1. dicebat, loquens de Christo: *Qui post me venturus est, ante me factus est.* Sed, inquebant Arriani, haec verba, *ante me factus est*, non possunt intelligi de Christo secundum naturam humanam: quia juxta sermonem Angelici ad virginem Mariam, Christus fuit conceptus sex mensibus post Ioannem Baptistam. Ergo intelliguntur de Christo quantum ad ipsius personam, quae est ipsamet persona verbi: proindeque verbum ut pote factum non est Deus, sed creatura. Unde praedicti haeretici dicebant, quod haec verba, *qui post me venturus est*, intelligebantur de Christo secundum naturam humanam; ista verò, *ante me factus est*, intelligebantur de ipso secundum personam.

Resp. 1. cum angelico nostro Doctore in expositione illius loci, haec verba non esse intelligenda de prioritate, vel posterioritate temporis, sed dignitatis. Non esse quidem intelligenda quoad tempus: tunc quia non diceret; post me venturus est, sed post me venit: cum Christus jamdiu fuisset conceptus & natus: Unde D. Chrysostomus in hunc locum ait: *Si de generatione dixisset, non praesenti, sed pra-*

Mysteriū Trinitatis.

terito usus esset tempore: natus namque erat Christus, cum ita locutus est Ioannes. Tum quia immodiatè subdit, quia prior me erat: Quæ locutio superflua foret, & inepta: superflua quidem, quia nemo dubitare potest, quin sit prior, si est factus antea: inepta verò, quia potius econtra dicendum fuisset, prior me erat, quia ante me factus est: quod enim aliquis sit factus ante alium, causa est quod sit prior illo: sed quod sit prior illo, non est causa quod sit factus: Deus enim est prior creaturis, & propterea non est factus. Superflue adderetur, inquit idem D. Chrysostomus, quia prior me erat. Quis enim adeo stolidus, adeo insanus est: ut qui ante eum factus est, illum eodem tempore priorem non intelligat. Et paulò post. Hoc absurdum est, & causa frustra adicitur. Contrarium enim, hoc significare voluisset, dicere oportuit, videlicet, qui post me venturus est, prior me erat, quia ante me factus est. Huic enim particula, prior me erat, non immerito posset hac afferri causa, quia ante me factus est: huic autem, ante me factus est, quia prior me erat, non est causa.

Sermo igitur est de dignitate, & verus sensus, iuxta eundem D. Chrysostomum, hic est: qui post me venturus est, idest prædicaturus, ante me factus est, idest mihi præpositus est, & maiorem obtinuit dignitatem: Quia prior me erat, cum fuerit ab æterno.

Resp. 2. cum eodem angelico Præceptore; quod etiam si gratis concederemus, hæc verba intelligi quantum ad tempus, adhuc verificarentur de Christo non quantum ad personam, sed quantum ad naturam humanam. Quamvis enim Christus sex mensibus post Ioannem Baptistam fuerit conceptus: quia tamen in ipso primo instanti suæ conceptionis habuit plenissimum rationis usum, ut explicabitur in tract. de incarnatione, & sic ipsum habuit antequam Ioannes talem usum receperit: ideo factus fuit ex parte animæ vir perfectus ante Ioannem.

Obiic. 3. Apostolus 1. ad Corinth. 15. ait. cū noscum subiecta fuerint illi omnia, tunc & ipse si-

32 *Quaestio 1. De existentia*

ius subiectus erit ei, qui subiecit sibi omnia.
Quodd certè non potest intelligi de natura humana assumpta: nam in illa multò magis Christus fuit subiectus ante glorificationem suam quàm post ipsam. Ergo intelligitur de persona.

Resp. ex nostro sancto Doctore in expositione ejusdem loci, & 4. contra gent. cap. 8. Apostolum loqui de Christo secundum naturam humanam, ut patet ex verbis antecedentibus, in quibus loquitur Apostolus de resurrectione Christi, quæ nam convenit ei nisi secundum humanitatem? *Nunc autem*, inquit, *Christus resurrexit a mortuis primitiæ dormientium.* loquitur etiam de regno, quod convenit ipsi ut homini: *Oportet autem illum regnare, donec ponat omnes inimicos sub pedibus eius.* Tunc autem erit subiectus secundum humanitatem: Et quamvis Christus ante glorificationem magis esset subditus Deo quantum ad passionem, non tamen quantum ad operationem, neque etiam quantum ad huiusmodi subjectionis manifestationem: etenim post generalem corporum resurrectionem, & completam omnium Prædestinatorum glorificationem, tanta apparebit claritas in humanitate Christi; quòd tunc maxime omnes agnoscent eam esse instrumentum Dei ad illam operationem, qua sibi omnia subiecit, juxta illud Apostoli ad Philipp. 3. *Qui reformabit corpus humilitatis nostræ configuratum corpori claritatis suæ, secundum operationem, qua possit sibi subire omnia.*

Si autem tunc multò magis cognoscitur humanitas Christi ut instrumentum Dei: ergo etiam ut multò magis subdita ipsi tanquam causæ principali. Plures aliæ expositiones ejusdem loci videri possunt apud valentiam loco supra citato.

Ob, 4. Sapientia, quæ est ipse filius, ipsumque verbum, de seipsa dicit: *ab initio, & ante sæcula creata sum.* Ergo est creatura.

Resp. semper ex D. Thoma, quòd etiam ipsa ibidem de seipsa dicit: *Ego ex ore Altissimi prodinæ primogenita ante omnem creaturam.* Ejus ergo productio non est creatio, sed vera generatio: nec p-

Non est creatura, sed Deus omnem creaturam præcedens. Igitur ad hæc testimonia concilianda dicendum est, quod processio verbi modò creatio dicitur, modò generatio, ut ipsi attribuamus quidquid in illis perfectionis est, & remoueamus quidquid est imperfectionis: Ex hoc, inquit angelicus Doctor 4. contra gen. cap. 8. Quod sapientia & creata, & genita nuncupatur, modus diuina generationis nobis insinuatur. In generatione enim quod generatur, accipit naturam generantis, quod perfectionis est: sed in generationibus, quæ sunt apud nos, generans ipse mutatur, quod imperfectionis est: in creatione verò creans non mutatur, sed creatura non recipit naturam creantis. Dicitur ergo simul filius creatus & genitus, ut ex creatione accipiat immutabilitas Patris, ex generatione unitas nature in Patre, & Filio. Et sic huiusmodi scriptura intellectum Synodus exposuit, ut per hilariū patet.

Obiit. 5. Apostolus ad Rom. 8. de Spiritu Sancto ait; Ipse spiritus postulat pro nobis gemitibus inenarrabilibus. Ergo est inferior patre, & filio, proindeque creatura: Postulare enim non est nisi inferioris.

Respondeo hunc locum intelligendum esse, non in sensu formali, sed causali: itaut in se ipso Spiritus Sanctus non postulet, sed faciat nos postulare: Unde optimè Doctor angelicus ait ibidem lect. 5. Quod quidem videtur suffragari errori Arrii, & Macedoni, qui posuerunt Spiritum Sanctum esse creaturam, & minorem Patre, & filio; postulare enim est minoris. Sed si ex eo, quod dicit eum postulare, intelligamus eum esse passibilem creaturam, & Patre minorem; consequens est etiam, quod ex eo quod dicit gentibus postulare, intelligamus eum esse passibilem creaturam beatitudine carentem, quod nullus unquam hæreticus dixit nam gemitus ex dolore est, qui ad miseriam pertinet. Et ideo exponendum est, postulat, id est, postulantes nos facit: sicut & gen. 22. Nunc cognoui, quod timeas Dominum, id est cognoscere feci.

Denique regula generalis Patrum, & expositōrum
 est, ut quando aliquid in scriptura dicitur, quod so-
 i Deo convenire potest, hoc intelligatur de Spiritu
 Sancto: quando verò dicitur aliquid, quod non po-
 test convenire nisi creaturæ, hoc intelligatur vel de
 vento, qui etiam spiritus appellatur, exodi 15. *Fla-
 vit spiritus tuus, & operuit eos mare*: Vel de do-
 nis gratiæ, & virtutum, quæ vocantur spiritus Dei,
 Ioëlis 2. *effundam de spiritu meo*: vel de animabus
 nostris, aut Angelis bonis, vel malis; qui sunt spiri-
 tuales creaturæ, & dicuntur puri spiritus.

§. II.

Soluntur obiectiones ex rationibus petita.

Obiic. 6. Illud vulgatissimum axioma Philosophi-
 cum, *quæ sunt idem unitertio, sunt idem inter
 se*. Sed (subsumebant Sabelliani, alique similes hære-
 tici) Pater, Filius, & Spiritus Sanctus sunt idem uni-
 tertio, nimirum essentiæ. Ergo sunt idem inter se;
 atque ita non sunt tres, sed unica persona. Econtra
 Arriani, alique similes hæretici subsumebant. Sed
 Pater, Filius, & Spiritus Sanctus non sunt idem inter
 se. Ergo nec unitertio, sive essentiæ; atque ita cum
 non sint eiusdem, sed diversæ essentiæ, Pater solus
 est Deus, filius vero, & Spiritus Sanctus sunt crea-
 turæ.

Resp. omissis variis solutionibus tam Thomista-
 rum, quam aliorum, exponendo illud axioma cum
 distinctione: Quæ sunt idem unitertio, sunt idem
 inter se, distingo: in rebus creatis, conc. in rebus di-
 vinis, subdist. Quantum ad omnia, quæ spectant ad
 Deum ut unum, conc. Quantum ad ea, quæ spectant
 ad ipsum ut trinum, nego. De rebus creatis nemo
 dubitat quin in eis valeat illud axioma. De rebus
 divinis quoad omnia quæ spectant ad Deum ut unum,
 etiam patet: substitit enim hoc argumentum, v. g.
 Quæ sunt idem unitertio sunt idem inter se. Sed ju-
 stitia, & misericordia sunt idem unitertio, sive essen-
 tiæ. Ergo sunt idem inter se. Sed non valet axioma in

his, quæ concernunt Deum ut trinum : quia , ut jam diximus , & explicabimus adhuc magis in decursu tractatus , tres personæ divinæ realiter distinguuntur , propter oppositionem relativam quam habent ad invicem ; & tamen realiter identificantur cum essentia , cum quam nullam oppositionem habent. Hæc solutio facilis est , & fundamentum evidens habet in eo , quod axioma illud desumptum est ex Aristotele 3. *Physic.* textu 20. ut notat D. Thomas 1. p. qu. 28. a. 3. & videri potest P. Nicolai ibidem ad marginem : Unde non debet se extendere , nisi ad ea , quorum Philosophus ipse notitiam habuit ; & quia lumine fidei constitutus mysterium SS. Trinitatis ignoravit , & solummodo creaturarum , & unius Dei notitiam habuit ; ideo non est mirum , quod axioma illud non se extendat nisi ad creaturas , & Deum ut unum , non autem ad ipsum ut trinum.

Obiic. 7. Non potest dari mysterium SS. Trinitatis , nisi dentur plures personæ , quarum una procedat ex alia ; Filius nempe procedat à Patre , & Spiritus Sanctus ab utroque. Sed hoc implicat in terminis. Ergo & illud mysterium. Major patet ex dictis. Mi prob. Nec filius , nec Spiritus Sanctus ita procedentes essent Deus. Etenim Deus est ens à se : Imò Aseitas omnimoda est proprium constitutum essentiae , naturæ , & quidditatis Dei , ut explicuimus initio tractatus de attributis. Sed neque filius , neque Spiritus Sanctus essent ens à se , saltem omnimoda Aseitate , quia uterque procederet ab alio tanquam à principio : Ergo neuter foret Deus , sed solus Pater Deus esset.

Resp. Distinguendo hanc propositionem. Deus est ens à se. Per exclusionem causæ , conc. per exclusionem principij , ne. Id est , ut aliquis sit verus Deus , necesse est quod ejus esse non dependeat ab extrinseco , sive ab aliqua causa extrinseca , quæ ipsum producat ; eo modo quo esse creaturarum dependet ab extrinseco , scilicet ab ipso Deo , qui earum esse producit : sed non impeditur , quin Filius , & Spiritus Sanctus sint verus Deus , quamvis eorum esse procedat ab intrinseco , sive producatur à principio intrinseco cum

Quaestio I. de existentia

ipsis realiter in ipsa essentia identificato; sicut Pater operatur ad intra, quando generat filium, & Pater, & filius, quando spirant spiritum sanctum; & omnes simul in eadem natura realiter identificantur.

Sed ut tollatur omnis æquivocatio: notandum est, quod natura divina dupliciter considerari potest: uel secundum se, uel prout est in filio, & idem est de Spiritu sancto. Natura divina secundum se considerata est ens à se omnimoda aseitare; itaut non sit ab alio, neque tanquam à causa, neque tanquam à principio, sed nequidem tanquam à radice virtuali: imò ipsa est virtualiter radix omnium attributorum, omniumque relationum diuinarum. Sed eadem natura divina prout est in filio, siue Deus filius est quidem ens à se per exclusionem causæ, sed non per exclusionem principij: quia est à Patre tanquam principio: Pater enim naturam divinam communicat filio, quem producit, ut explicabimus magis in sequ. quaestionibus. Sufficit in proposito dicere, quod filius recipiens naturam divinam sibi à Patre communicatam est uerissimè, ac propriissimè Deus de Deo, cum uterque per naturam divinam constituatur Deus, & unus eam ab altero recipiat: Unde maximè temerarius fuit Calvinus, qui in libro contra valentinum gentilem dixit, impropriam esse, atque duram orationem illam, quam concilium nicænum posuit in symbolo fidei, *Deum de Deo*, cum tamen universalis Ecclesia eam usurpet, recitando symbolum illud in sacrificio Missæ.

Notandum quoque, quod Pater, Filius, & Spiritus Sanctus, quatenus sunt Deus præcisè, siue ut dicunt naturam divinam præcisè, sunt ens à se omnimoda Aseitare, abstrahunt enim ab hoc quod sint, uel non sint à principio: sed Deus Pater quatenus dicit naturam divinam ut sua paternitate modificatam, est ens sine principio: filius autem, & Spiritus Sanctus quatenus dicunt eam ut modificatam relationibus suis, sunt ens sed ab alio, ut à principio procedens.

Ob. 8. & replicatur contra præcedentem solutionem. Si Pater dat naturam divinam, & filius eam recipit, & similiter Spiritus Sanctus, sequitur quod

Mysterij Trinitatis.

Pater est beatior filio, & Spiritu Sancto, Christus enim dixit, *beatius est magis dare quam accipere*, ut testatur D. Paulus act. ca. 20. Ergo filius, & Spiritus Sanctus non sunt aequales Patri, proindeque non sunt Deus.

Resp. Illud axioma sic esse intelligendum: *beatius est magis dare quam accipere*, quando esse dantis diversum est ab esse recipientis, ut in omnibus causis efficientibus respectu suorum effectuum: sed non quando unum idemque est esse dantis, & recipientis, sicut in divinis: cum enim beatitudo dantis in ipso esse fundetur, sicut est idem esse recipientis, ita eadem quoque est beatitudo: & sic una eademque est Patris, filij, & Spiritus Sancti natura divina, & eadem beatitudo in ejus contemplatione, & amore fundata.

Obiic. 9. & urgetur contra praeced. solutionem. Receptio supponit imperfectionem, nempe carentiam, & indigentiam in eo qui recipit aliquid. Ergo non potest in divinis esse aliqua persona recipiens, cum in divinis nulla sit imperfectio. prob. antec. Ille qui dat, se habet ut agens, qui ut docent omnes Philosophi, non agit nisi quatenus est in actu, sic aliquis non dat aliquid nisi sit in actu. sive illud actualiter habeat: ille vero qui recipit, se habet ut pateriens, qui intantum patitur in quantum est in potentia, sive aliquid actualiter non habet, sed potest illud recipere. Ergo recipiens supponitur carere, & indigere eo quod recipit. Unde licet mundus fuisset ab aeterno creatus, fuisset tamen productus ex nihilo, quatenus prius virtualiter supponeretur caruisse, & indiguisset existentia, quam ipsam à Deo recepisset, ut explicant Philosophi.

Resp. dist. antec. receptio dicit imperfectionem nempe carentiam, & indigentiam, si non sit perpetua, & necessaria, conc. si sit talis, ne. Idcirco enim creaturae supponuntur caruisse & indiguisset existentia, quia eam non receperunt ab aeterno, sed in tempore: & quamvis si mundus fuisset ab aeterno creatus, receptio existentiae fuisset perpetua, non tamen necessaria; Deus enim liberè ipsum creasset, & potuisset non creare: Unde quamvis nullum fuisset instans reale in

quo mundus non existeret, in ipso tamen aternitate conciperetur duo instantia virtualiter distincta, in quorum priori supponeretur carere existentia, ipsaque indigere, & in posteriori conciperetur existentiam à Deo recipere, & sic conciperetur productus ex nihilo. Sed recertio filij, & Spiritus Sancti est perpetua, & necessaria, semper enim naturam divinam receperunt, & nunquam fieri potuit, quod eam non reciperent: Unde nullum fuit instans nec realiter nec virtualiter prius, in quo cum fundamento in re, concipi potuerint carere, & indigere natura divina, sed eam semper habuerunt, sicut semper receperunt.

Et quamvis in quantum recipientes sint in potentia, non tamen sicut creatura: quia creaturae uel sunt, uel esse possunt in potentia sine actu, idest uel carent, uel possunt carere existentia quam recipiunt: sed filius & Spiritus Sanctus sunt in potentia semper, & necessariò actui conjuncta: semper enim habent naturam divinam, quam recipiunt; nec unquam fieri potuit, quod ipsa carerent, uel carere possent.

Hoc explicat optimè Doctor angelicus ad Hebræ. 1. lect. 3. exponens illud psal. 2. *Ego hodie genui te.* Illud, inquit, quod sit, quia nondum est, incompletum per consequens est: quod autem factum est, completum est & ita perfectum: ideo non dicit, genero te, sed genui, quia perfectus est. Sed tamen ne putetur esse generatio eius in præteritione, & per consequens in defectu; addit hodie, & coniungit præteritum, scilicet hodie & genui, ut scias generationem eius semper esse, & perfectum esse: & sic in hodie permanentia, in genui vero perfectio designatur: ut sit sensus, perfectus es fili, & tamen generatio tua aeterna est, & semper à me generaris: sicut lumen in aere perfectum, & tamen semper procedit à sole.

QUESTIO II.

De Processionibus divinis.

SICUT duplex est divinarum actionum genus, aliud immanentium, aliud transeuntium: per illas Deus ad intra agit, per istas aliquid operatur ad extra: ita & à Theologis duæ distinguuntur divinarum processionum species, ad intra videlicet & ad extra, immanentium & transeuntium: per illas una persona divina ab alia procedit; per istas verò creaturæ à Deo tanquam à primo principio, & prima causa emanant. De primis solum hîc agimus. Constat autem ex dictis in qu. præced. quòd sicut sunt duæ actiones immanentes in divinis, ita & duæ processionis, nec plures, nec pauciores, altera est processio filij per viam intellectus, & altera Spiritus Sancti per viam voluntatis. Superest explicare alia, quæ ipsas concernunt.

ARTICULUS I.

Utrum Processiones sint vera, & propria actiones.

Sermo est de processionibus activè sumptis, & præbit satis ex resolutione difficultatis quid sint processionis passivè sumptæ: nimirum eadem actiones, quæ prout sunt in personis producentibus, sunt processionis activè sumptæ, prout sunt in personis productis, sunt processionis sumptæ passivè: sic intellectio in Patre est processio verbi activè sumpta, & in filio sumpta passivè; & similiter amor in Patre, & in filio sumitur activè ut processio Spiritus Sancti, & in eodem spiritu sancto sumitur passivè.

Communis sententia Thomistarum, & aliorum D^o.

Quaestio 1. de existentia

Quorum est, processiones esse actiones immanentes intellectus, & voluntatis, ut jam diximus. Aliqui volunt eas non esse nisi simplices emanationes. Sed quia non est quaestio nisi de terminis, eam uno verbo expedio.

Dico igitur, quod sunt verae actiones. Quia debemus Deo attribuire, quidquid perfectionis est in creaturis, seclusis omnibus imperfectionibus: actiones autem immanentes intellectus, & voluntatis perfectionem importare possunt ab omni imperfectione deputatam: tum quia de ratione actionis solummodo est, quod sit ultima agentis actualitas, ratione, cujus terminus a suo principio procedit, in quo nulla est imperfectio: Tum quia omnes admittunt in Deo veras, & proprias actiones ad extra respectu creaturarum, quae nullam imperfectionem dicunt: ergo & sine ulla imperfectione admitti debent ad intra, respectu divinarum personarum.

Nec refert, Quod aliquando processiones divinae dicantur emanationes: hoc enim non impedit, quia sint etiam actiones, per quas termini a suis principiis procedunt: Neque etiam quod actio distingui debeat ab agente; non enim necesse est, quod ab ipso distinguatur realiter, sicut in rebus creatis; sed sufficit quod distinguatur virtualiter, quae virtualis distinctio ab omnibus admittitur in divinis. Et similiter responderi facile potest, quantum ad omnes alias imperfectiones, quas aliquis in actionibus illis fingere posset.

ARTICULUS II.

Utrum processiones sint actiones distinctae ab actibus intelligendi, & volendi

Una sententia, quae attribuitur Scoto, est quod prima processio consistit in actione, quae vocatur distinctio, seu verbi divini expressio, secunda vero in actione altera, quae vocatur inspiratio, seu Spiritus Sancti

Mysterii Trinitatis.

productio : & vult quod dictio illa , & spiratio sine actione formaliter ex natura rei distincta ab intellectione , & volitione . Thomistae omnes , & communiter alij Doctores dicunt oppositum , & volunt huiusmodi actiones non esse distinctas ab invicem nisi virtualiter .

Inter alias rationes , quibus nostra sententia probari solet , una est facilis , & convincens . Vel enim dictio , & spiratio superaddant intellectioni , & volitioni aliquid relativum , vel aliquid absolutum : si relativum , hoc est quod volumus , quod dictio est intellectio divina ut modificata per relationem Paternitatis , per quam actionem Pater aeternus dicit , seu exprimit , & producit suum verbum divinum : Et spiratio est volitio divina , ut modificata per relationes Patris , & Filij , per quam actionem ipsi producant , & spirant Spiritum Sanctum . Non potest autem dici quod superaddant aliquid absolutum : tum quia in absolutis nulla datur distinctio formalis ex natura rei , ut satis superque demonstravimus in tract. de attributis , agendo de simplicitate Dei : tum quia non evitaretur inconveniens , quod evitare Scotus intendit , quod intellectio , & volitio sunt actus communes toti Trinitati sicut ipsa divina essentia , & idcirco dicuntur actus essentiales ; dictio vero est propria Patris , & spiratio propria Patris , & Filij , & idcirco dicuntur actus notionales , ut explicabimus magis agendo de notionibus . Illud autem absolutum foret toti Trinitati commune : cum enim nihil sit absolutum : quod habeat oppositionem cum relativis , quibus tres divinae Personae constituentur , nihil quoque est quod ab ipsis distinguatur : sed omnia absoluta realiter identificantur cum omnibus relativis & in omnibus personis reperiuntur . Tum quia non sunt multiplicanda entia sine necessitate : nulla autem necessitas est ponendi duas actiones absolutas in divinis ex aequo distinctas , quarum altera sit intellectio & altera dictio , altera volitio & altera spiratio : cum sufficiat ponere intellectiorem & volitionem ut relationibus modificatas , sicut jam explicuimus .

Dices haec convincere contra Scotum , sed non con-

tra quosdam antiquos, ut Richardum & alios, qui distinguebant duplicem actionem: unam absolutam, & toti Trinitati communem, & hæc est intellectio: alteram relativam, & soli Patri propriam, & hæc est dictio. Et idem est de volitione, & spiratione.

Sed hæc opinio nunc jure optimo ab omnibus reijcitur: sicut enim nullus est, qui unquam imaginatus sit dari duplicem intellectum in divinis unum absolutum, & alterum relativum; ita nec duplicem illam actionem debemus admittere, cum omnis actio debeat habere potentiam sibi correspondentem. Maxime quia relatio non habet ex natura sua quoddam sit actio, sed terminus, ut docent omnes Philosophi: Unde in divinis relationes naturam divinam terminant; & ex speciali ratione, quia sunt substantiales, habent quoddam divinas personas constituent, ut explicabimus magis agendo de iisdem personis.

Semper igitur manet, quoddam dictio, seu productio verbi nihil aliud est quam intellectio divina ut modificatur relatione propria Patris: & Spiratio, seu productio Spiritus Sancti nihil aliud est quam volitio ut modificatur relationibus propriis Patris, & Filij; & addere aliquid amplius, est sine necessitate entia multiplicare.

Quæres unde provenit, quoddam intellectio prout est dictio, modificetur per relationem Patris: & volitio prout est spiratio, per relationes Patris, & Filij.

Resp. hoc provenire ex eo quoddam, ut explicuimus in qu. præced. Solus Pater producit verbum; Filius autem, & Spiritus Sanctus non possunt ipsum producere, quia supponunt jam productum: Unde intellectio divina prout est in filio & Spiritu Sancto nequit esse productio verbi, nec proinde dictio; sed solummodo prout est in Patre, proindeque ut modificatur per relationem propriam ipsius Personæ Patris constitutivam. Similiter Pater, & Filius spirant Spiritum Sanctum; sed ipse Spiritus Sanctus nequit spirare sive seipsum, sive alium: unde volitio prout est in Spiritu Sancto nequit esse spiratio, sive productio Spiritus sancti; sed solummodo prout est in Patre & filio; proindeque ut modificatur per relationes proprias, quæ constituent eorum personas.

ARTICULUS III.

De principio, & termino proceſſionum.

Duplex ſolet à Philoſophis diſtingui principium alicujus operationis: unum quod vocant *principium quod*; & eſt illud quod operatur: alterum, quod appellant *principium quo*; & eſt illud quo mediante, ſive ratione cuius operatur.

Similiter diſtingui ſolet duplex terminus: alter vocatur *terminus qui*; & eſt ille, qui terminat operationem: alter dicitur *terminus quo*; & eſt ille quo mediante, ſive ratione cuius fit talis terminatio. Agimus hic de utroque principio, & termino divinarum proceſſionum.

§. I.

Suppoſitum conſtituens Perſonas eſt principium quod, & terminus qui divinarum proceſſionum.

Effentia divina nec generat, nec generatur, nec ſpirat, nec ſpiratur.

Ita ſentiant omnes catholici Doctores: & eſt articulus fidei. Nam in Concilio Lateranenſi ſub Innocentio 3. cap. *firmiter*, de fide catholica ſic expreſſè habetur. Nos autem, ſacro & uni-verſali concilio approbante, credimus, & conſitemur cum Petro (ſcilicet Magiſtro ſententiarum contra Abbatem Ioa-chim) *Quod unaquodam ſumma res eſt, &c. Et illa res* (ſcilicet ſubſtantia, eſſentia, vel natura divina) *Non eſt generans, neque genita, nec procedens: ſed eſt Pater qui generat, filius qui gignitur, & Spiritus Sanctus qui procedit: ut diſtinctiones ſint in Perſonis, & unitas in natura.*

Ratio ſumitur ex illo communi Philoſophorum axiomatico, *actiones ſunt ſuppoſitorum, ſcilicet*

Quæstio II.

ut quoddam proindeque suppositum est principium quoddam operatur. Nec refert, quoddam scotistæ dicunt, axioma illud sic esse intelligendum, ut actiones sint suppositorum denominativè, non autem effectivè: nam existimant, quoddam effectivè natura est principium quoddam operatur, & terminus qui operationem terminat: & quia suppositum naturam sustentat, ideo denominatur & operans, & terminans.

Etenim loquuntur de creaturis. Sed quidquid sit de illis, omnes aliter Philosophantur de Deo. Non enim potest effectivè natura divina, necesse generans tanquam principium quoddam generat; sed hoc convenit soli Patri: nec esse genita tanquam terminus qui gignitur; sed hoc convenit soli filio: neque spirans tanquam principium quoddam spirat; sed hoc convenit Patri, & filio: neque procedens tanquam terminus qui procedit; sed hoc convenit Spiritui sancto.

Ratio quam insinuat Concilium, est omnino convincens: ut distinctiones sint in Personis, & unitas in natura. Etenim sicut secundum omnes nihil potest realiter producere seipsum; sed omnino necesse est, ut producat alterum: ita nihil potest seipsum generare; vel spirare; sed omnino necesse est, quoddam inter principium quoddam generat, & terminum qui gignitur, inter illum qui spirat, & illum qui spiratur, detur realis distinctio: unde cum in divinis sit unitas in natura, & distinctio in Personis: manifestum est, quoddam natura nequit esse neque generans tanquam principium quoddam, sed hoc tam effectivè, quam denominativè convenit soli supposito, & Personæ Patris; neque genita, tanquam terminus qui, sed hoc convenit filio; neque spirans, sed hoc convenit Patri, & filio: neque spirata, sed hoc convenit Spiritui sancto. Eadem veritas expressè traditur in Concilio florentino sessi. 18. & 19.

Interim patet, quod semper notandum est, Doctrinam Thomistarum magis favere articulis fidei, quam doctrinam aliorum: evidentius enim est, quoddam axioma prædictum, sicut explicatum est, valere in divinis, si ut docent Thomistæ, & communiter alij contra Scotistas, valet etiam in ipsis creaturis. Objectiones
guardam

quædam fieri possunt contra illam veritatem catholicam, quæ facile solvuntur: eas autem proponemus, quando agemus ex professo de actibus notionalibus: quia ipsos specialiter concernunt.

§. II.

Quare principium quo est aliquid absolutum non connotat relativum.

Aliqui ex antiquis dixerunt, principium quo divinarum processionum esse præcisè aliquid absolutum: alij econtra esse aliquid relativum: Alij esse absolutum, & relativum æqualiter sumptum: nunc Theologi communiter, & præsertim Thomistæ docent, esse absolutum principaliter, & in recto importatum, & relativum minus principaliter, sive in obliquo, & de connotato. Et quia hæc dissensio non est in substantia Doctrinæ, sed tantum in modo explicandi: Idcirco uno verbo dico, quod illud principium quo est aliquid absolutum ut connotans relativum.

Quia juxta commune axioma ab omnibus Philosophis receptum, omne agens intendit producere sibi simile: unde cum Personæ divinæ assimilari non possint in relativis, in quibus opponuntur, & realiter ab invicem distinguuntur: sed tantum in absolutis, in quibus non opponuntur, sed potius realiter identificantur: proindeque assimilari nequeant in principio quod sive supposito, ut pote per aliquid relativum constituto: superest ut assimilentur in principio quo: & sic illud principium quo, debet principaliter, & in recto importare aliquid absolutum. Sed quia principium quo divinarum processionum non est in omnibus personis: principium enim quo generationis verbi non est nisi in patre generante: & principium quo productionis Spiritus sancti in Patre, & Filio in sum spirantibus: ideo principium quo, si formaliter & reduplicativè sumatur, debet connotare aliquid relativum, scilicet principium quod ipsi correspondens: & hoc est suppositum Patris respectu processio- nis

Verbi, & suppositum Patris, & Filij respectu processionis Spiritus sancti.

Quodnam autem sit illud absolutum, quod est principium quo divinarum processionum, patebit ex articulo sequenti.

ARTICULUS IV.

An natura divina sit principium quo immediata, vel terminus divinarum processionum; vel mediante intellectu, & voluntate.

Quod natura divina, licet non sit principium quod, vel terminus qui divinarum processionum, ut diximus in §. preced. Nihilominus sit principium, & terminus quo, fatentur omnes. Est enim id quo mediante, sive ratione cuius suppositum est principium quod operatur, & terminus qui operationem terminat: unde sicut est axioma commune, quod actiones sunt suppositorum ut quod, ita etiam quod sunt naturarum ut quo; sive quod natura est id ratione cuius suppositum operatur.

Unde in divinis, Pater ratione naturae divinae generat, & filius ratione ipsius gignitur: Pater enim instantum generat, inquantum naturam divinam communicat: & filius instantum gignitur, inquantum eam recipit. Et idem est de Patre, & Filio respectu Spiritus Sancti servata proportione.

Difficultas solummodo est, utrum natura divina sit principium quo immediatum, itaut immediate ab ipsa processionem emanent: vel sit principium mediatum tantum, itaut sit principium radicale, & remotum huiusmodi processionum, intellectus autem & voluntas sint principium earum formale, proximum, & immediatum.

Durandus enim tenuit, quod processionem divinam sunt ab ipsa natura immediate: itaut si per imposs.

bile, non esset intelligens, neque volens, adhuc proper infinitam ipsius fecunditatem duæ processiones divinæ ab ipsa dimanarent.

Sed nullus est modo Theologus, qui opinionem Durandi non rejiciat: Imò plures ex ipsa eam varijs censuris afficiunt: Et quidem jure optimo. Faves enim hæreticis, ut optimè notat Joannes à S. Thoma, & mox videbimus. Imò est error in fide juxta D. Thomam, qui 1. p. qu. 27. art. 1. Postquam dixit processionem in divinis non esse accipiendam secundum actionem transeuntem, subdit: *Sed secundum emanationem intelligibilem, ut pote verbi intelligibilis à dicente, quod manet in ipso. Et sic fides Catholica ponit processionem in divinis.* Et idcirco accuratissime refellenda est hæc Durandi opinio.

Conclusio. Processiones divinæ non sunt immediate ab ipsa natura divina, sed mediantibus intellectu, & voluntate: unde natura divina est principium earum radicale, remotum, & mediatum; intellectus autem & voluntas principium formale, proximum, & immediatum.

§. I.

*Authoritas scriptura, Conciliorum,
& Patrum.*

Prob. I. Autoritate Scripturæ sacræ. Joan. 1. In principio erat Verbum, & Verbum erat apud Deum, & Deus erat Verbum. Et ibidem subditur. Et Verbum caro factum est, & habitavit in nobis: & vidimus gloriam eus gloriam quasi unigeniti à Patre. Ubi filius Dei unigenitus dicitur Verbum. Similiter 1. Joan. 4. dicitur: *Charissimi diligamus nos invicem, quia charitas ex Deo est:* & postea subjungitur: *Et omnis qui diligit, ex Deo natus est, & cognoscit Deum. Qui non diligit, non novit Deum, quoniam Deus charitas est.* Quem locum explicans D. Augustinus lib. 15. de Trinitate, cap. 17. ait: *hic manifestavit eam se dixit de dilectionem Deum, quam dixit ex Deo. Deus ergo ex Deo est dilectio.* Igitur Spiritus sanctus

est amor. Et alia plura loca ad propositum aſerui
poſſunt, quæ retulimus in qu. præc. contra hæreti-
cos. Sed verbum, & amor non procedunt immediate
à natura, ſed mediante intellectu, & voluntate, ut
ſatentur omnes. Ergo proceſſiones filij, & Spiritus
Sancti non ſunt à natura niſi mediantibus intellectu,
& voluntate.

Reſpondetur ex Durando, filium non dici verbum,
neque Spiritum ſanctum amorem per proprietatem,
ſed per appropriationem: Quia proceſſio filij eſt
prior, quam proceſſio Spiritus ſancti: & ideo illa
dicitur eſſe per intellectum, hæc per voluntatem:
quia operatio intellectus ex natura ſua prior eſt, &
operatio voluntatis poſterior. Sicut ex communi
Doctrina Theologorum, omnipotentia, ſapientia,
& bonitas non ſunt propriæ aliquibus perſonis, ſed
communes toti Trinitati: & tamen omnipotentia
appropriatur Patri, & ſapientia filio, & bonitas
Spiritui ſancto, propter quamdam convenientiam, &
ſimilitudinem quam habent cum huiusmodi Perſonis,
ut explicabimus quando agemus de illis, quæ ſunt
propria, & appropriata Perſonis divinis.

Sed hæc reſponſio multipliciter reſellitur. Nam in-
primis favet hæreticis tam ſabellianis, quam Arria-
nis. Illa enim quæ non ſunt propria, ſed ſolummodo
appropriata Perſonis, ſunt communia toti Trinitati,
& aliquibus perſonis ſolummodo adaptantur, prop-
ter ſpecialem quamdam convenientiam cum iſtis,
ut patet in exemplo allato. Nam omnipotentia, ſa-
pientia, & bonitas ſunt attributa communia omnibus
Perſonis: ſed omnipotentia attribuitur Patri, quia
ſicut omnipotentia ad extra, ita Pater æternus ad
intra eſt primum principium omnium; ſapientia
attribuitur filio, quia pertinet ad intellectum, per
quem procedit filius; & bonitas ad voluntatem per
quam procedit Spiritus Sanctus. Sic igitur Verbum
divinum, ſi non eſſet filius niſi per appropriationem,
eſſet idem realiter cum Patre; & non perſona diſtin-
cta, quod volebant ſabelliani: & filius non eſſet hu-
iusmodi Verbum divinum ſecundum proprietatem,
quod volebant Arriani dicentes filium non eſſe Deum,

sed creaturam. Unde angelicus Doctor I. p. qu. 34. a. 1. ad 1. ait. *Dicendum quod Ariani, quorum fors origenes invenitur, posuerunt filium aliam a Patre esse in diversitate substantiae: unde conati sunt, cum Filius Dei Verbum dicitur, astruere non esse proprie dictum, ne sub ratione verbi procedentis cogerentur. fateri Filium Dei non esse extra substantiam Patris: nam verbum interius sic a dicente procedit, quod in ipso manet.*

Non sequitur tamen ex opinione Durandi, ut communiter existimatur, quod filius non sit verbum in sensu proprio, sed tantum in sensu metaphorico: nam sicut Pater non est omnipotens secundum proprietatem, sed tantum secundum appropriationem, & tamen non dicitur omnipotens in sensu tantum metaphorico, sed vero, & proprio; ita similiter posset filius dici verbum in vero sensu, licet nomen verbi foret ipsi solummodo appropriatum; sed semper subsisteret, quod opinio illa haereticis faveret propter rationem jam allatam.

2. Id quod non est proprium, sed solummodo appropriatum, est commune toti Trinitati: ut patet ex exemplo allato. Sed verbum, & Amor ita dicuntur de filio, & Spiritu sancto, ut non possint esse communia toti Trinitati, sed sint propria filio, & Spiritui sancto. Ergo dicantur de illis secundum proprietatem, & non secundum solam appropriationem. Mi. prob. Nam loco citato Joannis dicitur: *Verbum erat apud Deum*, scilicet Patrem: quod non potest dici nisi de Persona, quae realiter ab altera distinguitur, & apud ipsam conversatur, ut ostendimus contra haereticos in qu. preced. Deinde si verbum esset commune toti Trinitati, & solummodo appropriatum secundae Personae, sequeretur quod quando subditur *Verbum caro factum est*, tres divinae Personae forent incarnatae, licet incarnatio appropriaretur soli filio, quod esse contra fidem nemo nescit: sicut quia omnipotentia non est propria sed appropriata Patri, tres divinae Personae dicuntur, & sunt omnipotentes, licet Pater dicatur omnipotens propter specialem convenientiam omnipotentiae cum ipsius Persona: & simili-

ter licet per appropriationem Pater dicatur creator ; omnes tamen Personae ad creationem concurrunt, juxta illud commune axioma , opera Trinitatis ad extra sunt indivisa. Præterea sicut filius dicitur verbum, ita etiam dicitur unigenitus : unde si Durandus potest sic interpretari scripturam , ut filius non sit verbum per proprietatem , sed tantum per appropriationem ; poterit similiter quilibet alius asserere , quod dum in scriptura de secunda persona dicitur , quod est unigenitus , hoc non intelligi debet propriè , sed tantum appropriativè ; & sic tota Scriptura sacra , & fides Catholica subverteretur.

3. Concilia ita loquuntur de Verbo divino , prout convenit filio , & de amore ut convenit Spiritui sancto , ut nequeant esse aliquid commune , & solummodo appropriatum , sed necessariò debeant esse aliquid ipsis maximè proprium. Etenim Concilium Ephesinum 3. Generale ac oecumenicum in oratione secunda de recta fide ex D. Cyrillo Alexandrino deprompta , paragr. 56. Sic expressè habet: *Dei verbum Sc. Vivit autem propter Patrem, quia ex vivente Patre genitum est.* Cùm certissimum sit , quod nihil potest generare seipsum , ex hoc quod verbum est à Patre genitum , manifestè sequitur , quod est ab ipso realiter distinctum , proindeque non est aliquid commune tam Patri quàm alijs Personis , & solummodo appropriatum filio ; sed ipsi maximè proprium. Cùmque ut urgebamus contra hæreticos in qu. præcedenti , generari non pertineat nisi ad personas ; & ab Ecclesia fuerit definitum , ut retulimus in art. 1. Hujus quaest. quod sicut solus Pater generat , ita solus filius generatur , luce meridiana clarius est , quod verbum illud divinum à Patre genitum est secundum totam rei proprietatem in se filius : & similiter Spiritus sanctus est Persona à Patre, filioque distincta.

Concilium Toletanum ij. Quod à S. Pontifice Innocentio in Epistola ad Petrum Compostellanum vocatur authenticum , ut notant collectores Conciliorum ultimæ editionis Parisiensis , illud inquam Concilium sic in expositione fidei loquitur de Spiritu sancto : *Qui tamen nec Patris tantum , sed Patris*

De processionibus divinis.

72

¶ Filij Spiritu dicuntur. Nec enim de Patre procedit in filium, vel de filio procedit ad sanctificationem creaturam: sed simul ab utrisque processisse monstratur. Quia (vel ut in nova editione habetur in margine, qui) charitas, sive sanctitas amorum agnoscitur. Certè si charitas, sive amor non esset nisi appropriatus Spiritui sancto, non propterea diceretur amor Patris, & filij; sicut licet omnipotentia sit appropriata Patri, non propterea dicitur omnipotentia filij, & Spiritus sancti: intantum igitur Spiritus sanctus dicitur amor utriusque, inquantum amor est in se proprius prout ab utroque procedit. Maxime quia Concilia loquuntur secundum proprietatem rerum, ut suar decisiones sint ita evidentes, quod hæretici eas subterfugere minimè possint.

Salmanticensis referunt etiam Concilium Constantinopolitanum 5. quod in expositione fidei sic loquitur: *Unus Deus Pater verbi viventis, sapientie subsistentie, &c. unus Dominus, solus ex solo, Deus ex Deo, character, & imago Deitatis, verbum operatum sapientie consistentie omnium comprehensum.*

Cum autoritas huiusmodi conciliorum sufficiat ad stabiliendum articulum fidei, iure optimo D. Thomas jam relatus dixit, quod fides catholica docet, processionem divinas esse accipiendas secundum actiones immanentes intellectus, & voluntatis. Nec aliter excusari potest Durandus, quam dicendo, quod hæc aliaque similia concilia non vidit; saltem de ijs mentionem non facit.

4. Omnes Sancti Patres loca Scripturæ Sacre, in quibus filius dicitur verbum, & Spiritus Sanctus amor, sumunt secundum proprietatem, & non solam appropriationem: ita ut expressè afferant, ideo filium dici verbum, quia procedit per intellectum; & Spiritum Sanctum dici amorem, quia procedit per voluntatem. D. Basilus in sermone super illud Ioan. 1. *In principio erat verbum*, post medium ait: *Cur verbum? Ut quod ex mente procedat, ostendatur.* D. Cyrillus Alexandrinus lib. 1. in Ioannem cap. 5. *Filius*, inquit, *appellatur verbum, ac sapientia,*

quoniam ex intellectu immediate atque indivisibiliter est.

Simili quoque modo loquuntur SS. Patres de Spiritu Sancto sicut de filio : unde D. Augustinus lib. 9. de Trinit. cap. 12. ait. *Sicut Dei verbum filium esse, nullus Christianus dubitat, ita charitatem esse Spiritum Sanctum.* Idem sentiunt omnes alij Sancti Patres : & ideo temeritas est aliter scripturam sacram interpretari.

§. II.

Triplex evidens argumentum ad hominem. contra Durandum.

Durandus in 1. sent. dist. 6. qu. 2. sic discurret. *Non potest dici, quod intelligere, & velle sint activa productiones personarum, propter tria. Primum est, quia productiones Personarum secundum omnes sunt actus notionales, & non essentielles. Sed intelligere, & velle sunt actus essentielles, & non notionales. Ergo non sunt ipsae productiones. Secundo quia cuicumque convenit actus, per quam Persona producit, sibi competit producere personam, ad quam actus terminatur: sicut cui competit generare, competit producere filium. Sed intelligere, & velle competunt omnibus Personis in divinis. Ergo si isti actus essent productiones Personarum, cuilibet Persona competeret producere Filium, & Spiritum Sanctum, quod est falsum. Tertio quia productiones Personarum differunt realiter. Sed intelligere, & velle non differunt aliquo modo, realiter, necre absoluta, nec relativa. Ergo non sunt productiones. Et paulo post ibidem subdit. *Exclusis a Deo per intellectum intellectum, & voluntate cum omnibus actibus suis, adhuc esset in divinis generatio filii, & spiratio Spiritus Sancti: ita quod hac sunt in divinis ex fecunditate natura radicaliter, quam fecunditatem habet ex sua infinitate, & non ex hac quod est intelligens, & volens.**

Hac

Hæc omnia retorquentur contra suum Authorem
1. Principium fecundum, sive Personarum produ-
ctivum debet esse notionale, & non essentialis. Sed
natura divina ut infinita non est notionalis, sed essen-
tialis, ut fatentur omnes. Ergo ut infinita non est
fecunda. Vel si natura quamvis sit maximè essentialis,
& nullatenus notionalis potest esse fecunda, &
productiva Personarum: poterunt similiter intelligen-
re, & velle esse activæ productiones Personarum;
quamvis non sint actus notionales, sed essentielles.

2. Cui competit principium fecundum, sive pro-
ductivum Personæ, ipsi competit Personæ produ-
ctio. Sed natura divina ut infinita, sub qua ratio-
ne est fecunda, & productiva Personarum divinarum,
competit omnibus personis, ut nemo dubitat. Ergo
cuiuslibet personæ competit producere filium. & Spi-
ritum sanctum. Vel si qualibet persona potest habere
naturam fecundam, & tamen qualibet non producit
filium, vel Spiritum sanctum: ita poterit qualibet ha-
bere actiones productivas huiusmodi Personarum, &
tamen eas non producere.

3. Natura divina ut infinita, est una realiter. Ergo
ratione infinitatis suæ non potest talem habere fec-
unditatem, ut sit productiva duarum Personarum,
quæ realiter distinguuntur, sicut Filius, & Spiritus
Sanctus. Vel si ad hoc sufficit, quod licet sit unicum
principium realiter, est tamen duplex virtualiter, ita
latis erit quod intelligere, & velle, licet sint unica
actio realiter, sunt tamen duplex virtualiter.

Si dicas Durandum satis insinuare in verbis relatis,
quod licet natura divina sit principium quo imme-
diatum divinarum Personarum, sicut hæc opinio ip-
si communiter attribuitur, attamen divinæ Personæ
non procedunt ab ipsa nisi radicaliter, & non imme-
diatè. sed mediantibus productionibus Personarum,
scilicet generatione & spiratione, quæ sunt productio-
nes realiter distinctæ.

Contra est, quod semper remanet tota difficultas
etiam juxta propria Durandi principia. Vel enim
huiusmodi productiones sunt relativæ, uel absolutæ.
Non possunt dici relativæ: quia contra naturam re-
lationis est, quod sit productio alicujus rei, ut patet

in rebus creatis : unde relatio definitur id cuius totum esse est ad aliud se habere, idest nihil aliud habet quam referre, non autem quidquam producere : sicut ergo ex hoc quod Durandus existimat, quod intelligere, & velle nihil producant in creaturis, infert loco citato, contra huiusmodi actionum naturam esse, quod aliquid producant, & propterea non posse Personas divinas producere : multo magis ex ejus principiis sequitur, quod relationes in divinis non possunt esse Personarum productiones. Si autem dicatur, quod productiones illae sunt absolutae, sequitur quod non sunt notionales, sed essentiales : Quod sunt toti Trinitati communes : & quod non distinguuntur realiter : omnia enim absoluta in divinis consequuntur essentiam, & in omnibus Personis reperiuntur, & cum ipsis realiter identificantur, ut omnes docent nullo excepto. Et sic redeunt omnia inconvenientia, quae Durandus evitare praetendit : & redeunt omnia argumenta, quae iam contra ipsum fecimus : & praesertim, quod omnes Personae producerent filium, & Spiritum Sanctum. cui enim competit productio Personae, ipse Personam producit, ut per se patet, productiones autem Filij, & Spiritus Sancti omnibus Personis convenirent : unde omnes utrumque producerent.

Si respondeas, quod productiones illae sunt absolutae, sed ut modificatae relationibus, hoc est quod volumus. Dicimus enim quod intelligere est absolutum, & essentiale ; sed non est dictio, sive productio verbi nisi quatenus est modificatum relatione Patris : & velle est etiam absolutum, & essentiale, sed non est spiratio, sive productio Spiritus Sancti nisi ut modificatum relationibus Patris, & Filij. Atque ita ratione actionis sunt essentiales, sed ratione modificationis sunt notionales : sunt in omnibus Personis secundum actionem, sed non secundum modificationem ; & sic omnes Personae non sunt productivae : sunt realiter idem ex parte actionis, sed realiter distinguuntur ex parte modificationis, & sic producant Personas realiter distinctas.

S. III.

Quid dicendum ſit de alijs rationibus, qua communiter afferuntur.

Tres rationes communiter afferuntur contra Durandum. Prima, quòd juxta ipſius opinionem nulla eſſet ratio, cur una ex proceſſionibus foret Prior, & altera poſterior. Sed hæc ratio non eſt evidenter convincens. Poſſet enim Durandus reſpondere: Quòd ſicut ex natura ſua intellectio eſt prior, & volitio poſterior; ita ex natura rei provenit, quòd proceſſio filij eſt prima, & proceſſio Spiritus Sancti ſecunda.

Altera ratio eſt, quòd non deberet eſſe niſi una proceſſio: uel ſi poſſent eſſe plures, non eſſet ratio, cur eſſent duæ, & non tres, uel quatuor, aut etiam infinitæ. Hæc ratio efficax eſt: uel enim infinita naturæ divinæ fecunditas exhauriretur per proceſſionem unius perſonæ utpote infinitæ; uel non exhauriretur: ſi exhauriretur, non eſſet niſi unica perſona procedens, ut per ſe patet: ſi non exhauriretur per unam perſonam, ergo neque per duas, aut tres vel quatuor, ſed deberent dari infinitæ.

Nec valet, quod Durandus reſpondet, Quòd ſicut anima noſtra habet ex natura ſua, quòd ſit principium tot potentiarum, & non plurium, uel pauciorum; ita natura divina habet ex propria ratione ſua, quòd ſit principium duarum Perſonarum, & non plurium, uel pauciorum.

Nam contra eſt, quòd cum anima noſtra ſit finita, non eſt mirum, ſi numerus potentiarum ab ea dimanantium ſit finitus: ſed cum naturæ divinæ fecunditas proveniat juxta Durandum ex eo quòd eſt infinita, & illimitata, tantum abeſt ut ex propria ipſius ratione proveniret, quòd numerus perſonarum ab ipſa procedentium deberet eſſe finitus, & determinatus, quin potius deberet eſſe infinitus, & illimitatus. Sicut oſtendimus initio tract. de Attrib. agendo de unitate Dei, quòd ſi ſemel poſſibiles eſſent plures Dij, darentur de facte infinitis infiniti.

Ratio hujus est, quia natura in processionibus divinis agit naturaliter, & necessarid, ut fatetur etiam Durandus, & docent omnes: de ratione autem agentis naturalis, & necessarij est, ut agat quantum potest juxta totam virtutis suae latitudinem, ut patet in igne, qui tantum calefacit, quantum capax est calefaciendi: unde natura divina totam suam fecunditatem exerceret in processionibus divinis; & cum fecunditas illa foret infinita, numerus quoque Personarum procedentium foret infinitus. Quod ergo non sint de facto nisi duae personae procedentes, hoc provenit, ut initio quaest. explicuimus, ex eo quod processiones non sunt immediatae a natura, sed mediantebus actionibus immanentibus, quae cum non sint nisi duae, scilicet intellectus, & voluntatis, non sunt etiam nisi duae Personae procedentes, altera per intellectum, & altera per voluntatem.

Tertia ratio est, quod non posset explicari cur prima processio esset generatio potius quam secunda. Ex primo quod Durandus non berè soluit hoc argumentum; ipsius tamen solutionem non impugno; nec rationem illam defendo: Quia non videtur mihi absolute loquendo convincens. Etenim ostendimus in articulo sequenti, quod etiam si per impossibile processiones divinae non essent per intellectum, & voluntatem; nihilominus prima foret generatio, & non secunda, ex hoc precise quod illa est prima & ista secunda.

§. III.

Soluntur objectiones.

Obje. I. Filius dicitur Deus de Deo, ut supra regulimus ex Symbolo Concilij Nicani, scilicet Deus genitus de Deo generante: & tamen Deus non dicit aliquid proprium; imò nec appropriatum ipsi filio; sed est nomen commune toti SS. Trinitati. Similiter sicut filius dicitur verbum genitum, ita etiam dicitur sapientia genita ut patet ex autoritatibus pro nostra conclusione relatis: & tamen sapientia non est pro-

ria verbi, sed solummodo ipsi appropriata, ut iam diximus, & docent omnes. Ergo ex hoc quod dicitur verbum genitum, non sequitur, quod sit ipsi proprium, sed ad summum quod sit appropriatum. Ee idem est de Spiritu sancto, prout dicitur amor procedens: amor enim mutus convenit Patri, & filio, licet approprietur Spiritui sancto.

Resp. dist. Deus dicit aliquid commune, prout est Deus præcisè, conc. prout est genitus, ne. Cum enim solus filius sit genitus, ut diximus in 1. artic. ex Concilio lateran. Neceffe est, quod Deus reduplicativè ut genitus dicat aliquid proprium filij, sive quod supponat pro ipsius persona. Similiter sapientia, licet ut sapientia non sit nisi appropriata filio; attamen ut dicitur genita, ita est ipsi propria, ut non possit supponere nisi pro ipsius Persona. Ita similiter dicimus, quod sive verbum sit nomen commune, sive appropriatum filio; attamen ex hoc quod dicitur genitum, est ipsi proprium, & pro ipsius Persona supponit. Similiter quamvis amor præcisè ut amor conveniat toti Trinitati, & Spiritui sancto approprietur; attamen formaliter, & reduplicativè ut est amor procedens, est omnino proprius Spiritus Sancti: quia solus Spiritus Sanctus dicitur procedens, ut diximus ex eodem Concilio Lateran. & dicemus in artic. sequenti ex Symbolo D. Athanasij.

Notandum tamen, quod verbum in hoc differt à sapientia, & amore, quod sapientia, & amor sumuntur & essentialiter, & notionaliter: essentialiter quidem prout dicunt æstum ipsum sapientiæ, & amoris; Notionaliter verò prout dicunt terminum ab eis productum. Sed quamvis verbum absolute loquendo, sumi quoque possit & essentialiter, & notionaliter, sicut diximus in tract. de visione Dei, dum ostendimus essentiam divinam habere rationem verbi respectu beatorum; attamen nec in sanctis Patribus, nec etiam in ipsi Scriptura sacra verbum sumi solet nisi notionaliter: Quia Patres voluerunt differre ab hæreticis nomen illud usurpantibus quoad essentialiter tantum: & ipsa Scriptura sacra voluit hujusmodi hæreses prævenire: unde nunquam in Scriptura Pater, aut Spiritus

rus sanctus dicuntur verbum, sed solus filius. Sed hæc omnia magis explicabimus agendo de actibus notionalibus.

Objectiones, quæ supersunt ex Durando, solvuntur facillimè. Opponitur enim 1. Quod servata proportionem debet dari in divinis productio Personarum, sicut datur in creaturis productio rerum. Sed in creaturis productio rerum non est per intellectum, & voluntatem, sed per naturam. Ergo & in divinis. 2. Intelligere, & velle in creaturis nihil producit; imò eorum natura repugnat fecunditati. Ergo nihil etiam producit in divinis. 3. Natura creata præter seipsam exigit aliud principium proximum ad operandum, quia est finita, & limitata: sic homo ad generandum hominem opus habet naturâ suâ, & insuper potentiâ generativâ. Ergo econtra cum natura divina sit infinita, & illimitata, nullo eget altero principio præter seipsam, & sic immediatè per ipsam produciuntur Personæ divinae.

Resp. ad 1. ne. Ma. Ut enim optimè notat Joannes à S. Thoma, productio rerum in creaturis fit per actiones transeuntes, quæ operantur ad extra, & produciunt effectus realiter in natura sua distinctos à suis causis: & hoc propter imperfectionem creaturarum: At verò in divinis propter summam perfectionem productio Personarum est per actiones immanentes, quæ operantur ad intra, & produciunt terminos realiter in natura sua cum suis principiis identificados: & quia in rebus purè spiritualibus, quales sunt Deus, & Angeli, nullæ sunt aliæ actiones immanentes præter intelligere, & velle, debent per huiusmodi actiones produci divinæ Personæ: unde quantum ad hoc nulla esse potest inter Deum, & creaturas comparatio, vel proportio.

Ad 2. Ne. antec. Nam ut diximus in qu. præc. Explicando rationes D. Thomæ pro Mysterio SS. Trinitatis, in ipsis etiam creaturis intelligere producit terminum, qui dicitur verbum; & velle producit quoque terminum, qui dicitur amor, sicut ipsa actio per quam produciuntur: Quod si in creaturis illi termini non sunt personæ, hoc provenit ex creaturarum

imperfectiōne, propter quam huiusmodi termini non sunt accidentia, sicut actiones per quas producantur. Sed in divinis termini per intelligere, & velle producti sunt substantiales, sicut actiones per quas producantur: unde in seipsis subsistunt: & cum aliunde propter oppositionem relativam sint invicem incommunicabiles, subsistunt incommunicabiliter, atque ita sunt Personæ, ut explicabimus magis agendo de ipsis divinis Personis,

Ad 3. dist. consequ. Non debet habere aliud principium realiter à seipsa distinctum, conc. Hoc enim est imperfectio creaturarum: non debet habere aliud principium realiter secum identificatum, & solummodo virtualiter distinctum, ne. hoc enim est perfectio: unde sicut natura divina est principium radicale, quod habet intellectum, & voluntatem tanquam duo principia proxima ad intelligendum, & volendum; Ita similiter est radicale principium, quod habet easdem potentias tanquam principia proxima ad producendum divinas Personas.

ARTICULUS V.

*Cur una processio est generatio, non
autem altera.*

Hæc difficultas est celeberrima, Quamvis autem Doctores eam varijs modis exponant: quia tamen agitur de articulo fidei, nolo aliorum opiniones refellere, sed vellem potius eas confirmare, ut melius stabiliretur fides. Præsertim quia potest unusquisque in proposito suam defendere sententiam absque alterius præiudicio. Poterit tamen videre Gonetum, qui voluerit.

Sola processio verbi est generatio, non autem processio Spiritus sancti.

Est de fide. Sic enim habetur expressè in scriptura Sacra, Ioan. 1. *Vidimus gloriam eius, gloriam, quasi unigeniti à Patre*: & Paulò post subditur *Unigenitus filius, qui est in sinu Patris*. Si autem Spiritus Sanctus esset filius Dei, proindeque ipsius processio esset generatio, tunc Christus non esset unigenitus Filius Dei, sed darentur plures filij in divinis ergo.

Ita etiam definitum fuit in Concilio Nicæno, in cuius Symbolo, quod ab universali Ecclesia recitatur in Missa, de Christo dicitur: *Et in unum Dominum Iesum Christum filium Dei unigenitum*: & de Spiritu Sancto additur, *qui ex Patre, filioque procedit*: & in Symbolo D. Athanasij, quod ab universali etiam Ecclesia recitatur in officio Primæ diebus dominicis, sic habetur: *Filius à Patre solo est, non factus, nec creatus, sed genitus. Spiritus Sanctus à Patre, & Filio, non factus, nec creatus, nec genitus, sed procedens*. Omitto alia scriptura, & Conciliorum loca, quia nullus ex illis, qui SS. Trinitatis mysterium admittunt, hanc veritatem negat.

Nec refert, quòd Apostolus ad Hebræos 1. Christum vocat primogenitum: regula enim generalis pro illo, & similibus testimoniis desumitur ex Concilio Ephesino cap. 4. uel etiam cap. 26. ut referunt Serra, & Donetus, ubi sic dicitur: *Filius Dei nuncupatus est primogenitus, & unigenitus*; primogenitus comparatione ad filios adoptivos; & unigenitus per exclusionem alterius filij naturalis. Et D. Augustinus in lib. de fide, & Symbolo, cap. 4. sic habet. *Quapropter secundum id quod unigenitus est, non habet fratres: secundum id autem quod primogenitus est, fratres vocare dignatus est, omnes qui post eius & per eius primatum in Dei gratiam renascuntur per adoptionem filiorum, sicut Apostolica doctrina commendat.*

§. II.

In quo sensu dixerunt Patres, & Doctores mysterium istud probari non posse.

D. Damascenus lib. 1. fidei orthodoxæ cap. 2 ita loquitur: *Quoniam quidem est differentia generationis, & processionis didicimus: Quis vero sit modus hujus differentie, nequaquam. Quamvis autem ista intelligere non possumus tamen ita esse veraciter constitemur, & credimus.* D. Athanasius ser. 3. contra Arrianos inquit: *neque propterea sacris scripturis diffidendum est, quia huiusmodi questionem satis explicare non possumus.* D. Ambrosius lib. 1. de fide, ca. 5. mihi, inquit, *impossibile est generationis scire secretum. Mens deficit, vox silet & non mea tantum, sed & Angelorum. Supra potestates, supra Angelos, supra Cherubim, supra Seraphim, supra omnem sensum est: Quia scriptum est: Pax autem Christi, quæ est supra omnem sensum. Si pax Christi supra omnem sensum est, quemadmodum non est supra omnem sensum tanta generatio. Tu quoque manum ore admove, scrutari non licet superna mysteria. Licet scire quod natus sit; non licet discutere, quemadmodum natus sit. Illud negare mihi non licet, hoc querere metus est. Nam si Paulus ea quæ audivit raptus in tertium calum, ineffabilia dicit, quomodo nos exprimere possumus paternam generationis arcanum, quod nec sentire possumus, nec audire, D. August. lib. 3. contra Maximinum: Distinguere inter illam generationem, & hanc processionem nescio, non valeo, non sufficio. At per hoc quia illa, & ista est ineffabilis: sicut Propheta de filio loquens ait: generationem eius quis enarrabit: Ita de Spiritu Sancto veraciter dicitur: Processionem ejus quis enarrabit? D. Bernardus serm. 1. Pentecostes: Processio a Patre, & filio posuit tenebras Latibulum suum. Magister sentent. in 1. dist. 13. lit. c. Inter generationem*

verò filii, & processionem Spiritus Sancti, dum hic vivimus, distinguere non sufficimus.

Hæc aliaque similia Patrum, & Doctorum testimonia in triplici sensu intelligi possunt.

1. Ut velint, nos quidem explicare posse mysterium istud quoad *an* est, sive quòd ita esse debet, sicut fides docet; non tamen comprehendere quoad *quid* est, sive penetrare modum discriminis inter utramque processionem, cum talis modus sit ineffabilis: Unde D. Thomas ibidem in exposit. textus ejusdem Magistri sentent. ait: *Primo, determinat questionem quantum ad id quod scire possumus, scilicet, quod Spiritus Sanctus procedit. & non gignitur. secundo, quantum ad id quod scire perficere non possumus, qualiter scilicet differant processio, & generatio; quia cum utrumque sit ineffabile, utriusque modum plenè comprehendere non valeamus.*

2. Ut sensus sit, quòd non possumus positivè naturaliter mysterium istud demonstrare, sicut nec alia fidei nostræ mysteria; quamvis possimus & illud & alia per congruentias probare, & quòd evidenter credibilia sint, ostendere: Ea quoque demonstrare negativè, solvendo evidenter argumenta, quæ obiici possunt, ut explicabimus fusè in tract. de fide: unde idem angelicus Doctor ibidem exponens prædicta D. Augustini verba, sic ait: *nescio, scilicet per artem acquisitam: non valeo, per naturalem virtutem vel industriam: non sufficio, per defectum usus, vel exercitii.*

3. Quia Patres, & Doctores plus dicunt de hoc mysterio quàm de aliis: & sensus specialis est, quòd volunt alia mysteria nedum haberi ex ipsa scriptura; sed etiam ex eadem scriptura desumi plura testimonia, quibus demonstrantur positivè contra hæreticos, ut patet ex omnibus ferè argumentis quæ contra hæreticos fecimus, ad probandum quòd datur mysterium SS. Trinitatis: sed quantum ad istud mysterium, purè ac præcisè habemus ex scriptura sacra, quòd datur; sed ex ipsa nihil habemus, per quod probare possumus, cur potius processio verbi sit generatio, quàm processio Spiritus Sancti: sed ad assignandum hujus-

modi discrimen cogimur recurrere ad rationes naturales, sicut fecerunt ipsi Patres, & Doctores. Nam quamvis D. Augustinus loco cit. dixerit, se rationem aescire hujus mysterij, scilicet, quam ex ipsa scriptura Sacra depromere possit; attamen ex ipso lumine naturali rationem tradit lib. 15. de Trinitate cap. 27. ut postea referemus & similiter Magister sentent. loco citato, ut mox explicabimus.

In aliquo, uel etiam in quolibet ex hoc triplici sensu exponi facile possunt prædicta testimonia, ut sint totidem regulæ generales, prout consideranti patebit.

S. III.

*Novus, & facilis modus resolvendi difficultatem
iuxta omnium principia.*

Suppono 1. definitionem generationis ab omnibus acceptatam, est origo viventis à vivente conjuncto in similitudinem naturæ; idest origo suppositi viventis ab altero supposito similiter vivente, & conjuncto quatenus generans suam substantiam confert genito mediante virtute generativa, in similitudinem naturæ saltem specificæ: Dixi saltem specificæ, quia quod similitudo sit in natura etiam numerica, hoc non impedit veram rationem generationis: sed e contra ad majorem ipsius perfectionem conducit: unde in divinis perfectissima est generatio, ubi tanta est similitudo naturæ in Persona generante, & genita, ut sit omnino eadem numero. Non sufficit autem similitudo in natura communi tantum, & generica: unde vermes, qui formantur ex corpore hominis, non sunt propriè loquendo geniti, nec ullatenus dicuntur hominis filij, quia non sunt ei similes in propria, & specificæ naturæ hominis, sed tantum in natura communi, & generica animalis.

Sed quod in proposito notandum est, & quod à nemine negari potest, requiritur ad veram, perfectamque generationem, quæ sola reperitur in Deo, quod origo sive productio sit naturæ communicativa

ex sua propria, & specifica ratione, & non tantum ex communi, & generica: non enim est potior ratio, cur requiratur similitudo in natura saltem specifica, & non requiratur similiter quod virtus illius naturae communicativa conveniat origini ex sua ratione saltem specifica.

Supp. 2. quod etiam omnes docent, processionem verbi, & processionem Spiritus Sancti convenire in ratione communi, & quasi generica processionis, quatenus utraque est processio divina; sed differre in sua ratione propria, & quasi specifica, quatenus processio verbi fit per viam intellectus, & ipsam cognitionem, processio vero Spiritus Sancti fit per viam voluntatis, & ipsum amorem: Unde sicut intellectus, & voluntas sunt potentiae, & cognitio & amor sunt actiones immanentes quasi specificè differentes; ita etiam huiusmodi processionem.

Imò in Doctrina Thomistica etiam si processionem illam non fierent per illas actiones immanentes intellectus, & voluntatis, sed ab ipsa natura divina immediate provenirent, ut volebat Durandus, adhuc quasi specie distinguerentur. Quia in divinis nulla dari potest distinctio purè numerica: eo quod, ut explicabimus in tract. de angelis, talis distinctio provenit à materia, quae nequit dari in Deo.

Dixi autem quasi genericè, & quasi specificè: quia propriè loquendo, nec genus, nec species dantur in divinis, ut notavimus in tract. de attributis, agendo de simplicitate Dei; sed huiusmodi processionem à nobis concipiuntur quasi genericè convenirent, quatenus sunt divinae, & specificè different, quatenus una est per cognitionem, & altera per amorem. His suppositis.

Facilis est resolutio difficultatis per hanc rationem. Generatio est origo viventis à vivente conjuncto in similitudinem naturae ex propria, & specifica ratione ipsius originis. Sed processio verbi talis est ex sua propria, & quasi specifica ratione; non autem processio Spiritus sancti. Ergo illa est generatio, & non ista. Major patet ex jam dictis. Mi. probatur. Et quidem quod verbum sit vivens, & procedat à Patre vivente.

Ipsi intimè conjuncto, & maxime simili per omnimodam identitatem in natura divina, non est dubium; & que similiter, quòd Spiritus sanctus procedat ut ens à Patre Filioque viventibus, ipsique maxime conjunctis, & simillimis in natura. Sed quòd processio verbi sit communicativa naturæ ex propria, & quasi specifica ratione sua, non autem processio Spiritus sancti, in quo est tota difficultas, probatur. Processio verbi est prima, & processio Spiritus sancti secunda, ut fatentur omnes. Ergo illa & non ista est communicativa naturæ, ex propria sua, & quasi specifica ratione. prob. consequentia. Hoc ipso quòd processio verbi habet ex propria & quasi specifica ratione quòd sit prima, sicut ipsa cognitio, qua mediante fit, est prima ex duabus operationibus immanentibus quæ sunt in Deo, debet esse communicativa, quòd est primum inter omnia, quæ in Deo sunt communicabilia, itaut hoc sit quasi proprium eius specificativum. Sed natura divina est id quod primum locum tenet inter omnia communicabilia, & quòd est virtualiter radix omnium aliorum, ut docent omnes. Ergo processio verbi ex propria, & quasi specifica ratione est naturæ divinæ communicativa. Et certè primum communicabile existit primum communicari, proindeque per primam processionem, ut ex ipsis terminis, patet. Processio verò Spiritus sancti ex propria, & quasi specifica ratione habet, quòd sit secunda, sicut amor per se mediante fit, est secunda operatio: & cum aliunde non sit eadem cum processione verbi, sed ab ea quasi specie differat; non potest habere idem quasi specificativum, sed necesse est, ut habeat diversum: cum sit proprium specificativum processionis verbi sit natura ut communicata tanquam primum communicabile per primam communicationem; superest ut primum quasi specificativum processionis Spiritus sancti: aliquid distinctum à natura, & ipsam virtualiter consequens, & posteriorem tenens locum inter communicabilia; hoc autem nulli magis convenit quam patri, qui pertinet ad voluntatem, per quam procedit Spiritus sanctus. Sic ergo ex ratione sua quasi,

specifica processio verbi est origo viventis à vivente con-
iuncto in similitudinem naturæ, non autem pro-
cessio Spiritus sancti. Ergo illa est generatio, & non
illa.

Dices, definitionibus rerum nihil est superaddendum, sed ut jacent sunt accipiendæ: cum igitur in
definitione generationis non ponantur istæ particulae,
ex propria, & specifica ratione originis; non sunt
ipsi addendæ, ut Spiritus sancti processio à ratione
generationis excludatur.

Sed contra, sicut in eadem generationis definitione
ponitur præcisè, *in similitudinem naturæ*, & non
additur, *saltem specifica*; & tamen hoc ab omnibus
subintelligitur: ita quamvis non ponatur; *ex pro-
pria, & quasi specifica ratione originis*; hoc ta-
men ab omnibus subintelligi debet: cum, ut jam di-
cebamus, non sit potior ratio de uno quàm de altero.
Hoc autem non est definitionibus addere, sed quid
in eis subintelligatur exponere.

Hanc rationem insinuat angelicus Doctor qu. 10.
de potentia, artic. 2. ad 1j. Ubi inter alias rationes,
propter quas processio verbi est generatio, non autem
processio Spiritus Sancti, assignat istam: *Sicut pro-
cessio, quæ est per modum naturæ, non præexigit
aliam processionem, ita nec processio, quæ est per
modum intellectus: processio autem quæ est per
modum voluntatis, de necessitate præexigit pro-
cessionem, quæ est per modum intellectus*. Quasi
diceret S. Doctor, quòd quia processio per intelle-
ctum est prima nullam aliam præsupponens, ideo est
naturæ communicatio; non autem processio per vo-
luntatem, eoquòd est secunda aliam præsuppo-
nens.

§. IV.

Exponuntur alie rationes.

Secunda ratio, propter quam processio verbi est ge-
neratio, non autem processio Spiritus Sancti, sumi-
tur ex D. Thoma 1. p. qu. 27. artic. 4. & aliis plu-

tribus locis, & sic formari potest. Perfectissima generatio, qualis est in divinis, debet esse perfectissima assimilatio in natura.

Sed processio verbi talis est ex sua propria, & quasi specifica ratione; non autem processio Spiritus Sancti. Ergo &c. ma. patet, nam generatio ut sic est assimilatio in natura. Ergo perfectissima generatio est perfectissima assimilatio. Mi. prob. Nam, ut ostendimus in tract. de visione Dei, quando explicuimus, quomodo beati sunt idem cum ipso Deo in esse intelligibili, intellectus est assimilativus in natura ipsius intelligentis cum ipsa re intellecta; unde commune est Philosophorum axioma, *Intellectus intelligendo fit omnia*: huiusmodi autem assimilatio fit quantum fieri potest juxta proportionem intellectionis: unde in creaturis, cum sint imperfectæ, assimilatio est etiam imperfecta, proindeque in solo esse intelligibili, & non in esse entitativo, quia talis assimilatio in creaturis est impossibilis: sed in divinis, cum intellectio sit perfectissima, assimilatio quoque perfectissima est, proindeque tam in esse entitativo quam in esse intelligibili ipsius naturæ divinæ; cum hoc modo fieri possit, imò non possit aliter fieri. Voluntas autem, cum habeat modum operandi specie diversum à modo operandi ipsius intellectus, requirit esse assimilativa in natura, sed est unitiva in affectu quantum fieri potest; unde cum in creaturis amor sit imperfectus, & nequeat facere unionem entitativam facit similitudo unionem affectivam; ut voluntates sint entitative distinctæ, sint tamen ejusdem concordia, quantum creaturæ conditio pati potest; sed in divinis, cum amor sit perfectissimus, est etiam perfectissime in sua linea unitivus, ita ut sit una, eademque voluntas nedum affectivè, sed etiam entitative. Processio igitur Spiritus Sancti non habet ex ratione sua quod sit assimilatio in natura sicut processio filii; proindeque non est generatio.

Hanc rationem tradit angelicus Doctor loco citato qu. 10. de potentia artic. 2. his verbis. *Sicut natura producit aliquid in similitudinem sui, ita & intellectus tam intra quam extra: intra quidem si-*

aut verbum est similitudo rei intellecta, & intellectus intelligentis seipsum: extra autem sicut forma intellecta inducitur in artificiatum. Voluntas autem non producit suam similitudinem nec intra, nec extra: intra quidem non, quia amor qui est intranea processio voluntatis, non est similitudo aliqua voluntatis, vel voliti: sed quadam impressio relicta ex voluntate in volito, aut quadam unio unius ad alterum: extra autem non, quia voluntas imprimit in artificiatum formam intellectam prius quam volitam secundum ordinem rationis: unde principaliter est similitudo intellectus, licet secundario voluntatis.

Eandem rationem insinuavit D. Augustinus lib. 15. de Trinitate, cap. 27. ubi sic habet. Ipsa (scilicet lux divina) ostendit tibi verbum verum esse in te, quando de scientia tua gignitur, &c. sique in actus cogitantis imago similissima cogitationis eius, quam memoria continebat: ista duo velut parentem, & prolem, tertiâ voluntate, sive dilectione iungente: quam quidem voluntatem de cogitatione procedere, non tamen esse cogitationis imaginem: & ideo quamdam hac in re intelligibili naturitatis, & processionis insinuari distantiam. Quoniam non hoc est cogitatione conspiciere, quod appetere, vel etiam perficere voluntate.

Ubi D. Augustinus infert verbum esse prolem, & genitum, non verò voluntatem, seu (quod in idem quoad propositum redit) terminum illius, quoniam non est idem cogitatione conspiciere, & appetere: ac proinde rationem huius discriminis reducit ad diversum modum procedendi per cogitationem, & per appetitum, seu per intellectum, & voluntatem.

Tertia ratio traditur ab eodem S. Doctore ibidem: Processio, inquit, natura est tantum ab uno sicut ab agente, si sit perfectum agens. Nec obstat, quod in animalibus generatur aliquid ex duobus, scilicet ex patre, & matre nam solus pater est agens in generatione, mater verò patiens. Similiter autem processio intellectus est ab uno solo: scilicet a unitate, qua est amor mutuus, procedit ex duobus
ad

ad invicem se amantibus.

Ad hanc rationem reduci potest illa, quam tradidit D. Augustinus lib. 15. de Trinitate, cap. 27. his verbis. *Hic utrumque etiam illud intelligitur, quantum à talibus quales nos sumus intelligi potest, cur non dicatur natus esse, sed potius procedere Spiritus Sanctus; quoniam si & ipse filius diceretur, amborum utique filius diceretur, quod absurdissimum est. Filius quippe nullus est duorum, nisi patris, & matris: absit autem ut inter Deum Patrem, & Deum filium aliquid tale suspicemur.*

Rationes tamen allatæ non sunt demonstrationes sed congruentiæ. Si quis enim sustinere vellet, quòd duæ processionès ex hoc purè, ac præcisè distinguuntur quasi specificè, quòd una essentialiter exigit, ut sit unius ab uno, altera verò ut sit unius à duobus: & tamen quòd utraque habet, ut sit assimilatio in natura, ex propria, & quasi specifica ratione sua: atque ita sicut processio verbi est generatio, sic etiam processio Spiritus Sancti; & sicut verbum est filius Patris, sic etiam Spiritus Sanctus est filius Patris, & filij: si quis, inquam, hoc sustineret, talis non posset naturaliter demonstrativè convinci.

S. V.

Modus clarus, & facilis solvendi objectiones.

Ut objectiones clarè ac facilè solui possint, advertendum est, quòd ut patet ex dictis, processio Spiritus Sancti dupliciter considerari potest: vel secundum rationem communem, & quasi genericam, prout est processio divina: vel secundum rationem propriam, & quasi specificam, prout est processio per amorem: si consideretur ut divina, tunc est communicativa naturæ divinæ, & omnium quæ in Deo communicabilia sunt; nedum materialiter, & identicè, ut vulgò dicitur, sed etiam formaliter ex vi processionis; quia ratio entis divini transcendentaliter imbibitur in omnibus quæ sunt in Deo, eaque omnia

importat in suo formali conceptu, ut explicuimus initio tract. de attributis, agendo de essentia Dei. Sed hoc minimè sufficit ad rationem generationis, ut jam ostendimus: si sumatur ut est processio per anorem, tunc non est communicativa formaliter & ex vi processionis ipsius naturæ divinæ; quod tamen foret ad generationem requisitum; sed tantum eorum quæ pertinent ad lineam voluntatis. In quo differt à processione verbi, quæ tam ex propria & quasi specifica ratione sua, quàm ex communi & quasi generica, sive tam ut est processio per intellectum, quàm ut est processio divina, est formaliter ex vi processionis communicativa naturæ, sive per se primò instituta ad faciendam communicationem, & assimilationem in naturā.

Hanc distinctionem insinuat Doctor noster angelicus qu. 10. de poten. artic. 2. ad 22. Ubi sic loquitur. *Eicendum, quod processio Spiritus sancti est processio amoris: per processionem autem amoris non producit aliquid ut recipiens formam eius a quo procedit, sive naturam: Et ideo processio amoris non habet rationem generationis, vel naturæ. Sed quod Spiritus sanctus naturam & formam Dei Patris recipiat sua processione, hoc habet inquantum est amor Dei, in quo non est aliquid quod non sit natura ipsius.* Hoc prænotato.

Obije. 1. Generatio est origo viventis à vivente conjuncto in similitudinem naturæ, formaliter, & ex vi originis, ut loquuntur Thomistæ. Sed processio Spiritus sancti talis est: nam Spiritus sanctus ex vi & ratione formali suæ processionis habet, quodd sit vivens, & procedat à Patre filioque viventibus, ipsique conjunctis, & identificatis, in simili imò etiā eadem naturā divinā. Ergo est generatio.

Resp. ad ma. Generatio est origo viventis à vivente in similitudinem naturæ, formaliter & ex vi originis, dist. secundum solam rationem communem, & genericam, ne secundum rationem ejus propriam, & specificam, conc. Et similiter distinguenda est Mi. Nam processio Spiritus sancti est in similitudinem

naturæ, formaliter & ex vi suæ processionis, secundum rationem communem, & quasi genericam, processionis, prout nimirum est divina; sed non secundum rationem ejus propriam, & quasi specificam, prout est processio per amorem.

Replicabis. 1. Saltem processio Spiritus sancti etiam prout est per amorem, est in similitudinem naturæ materialiter, & identicè, ut loquuntur etiam Thomistæ; quatenus natura divina realiter identificatur cum amore, ita ut non possit communicari amor, quin simul ac semel communicetur natura. Sed hoc sufficit: quia in definitione generationis ponitur præcisè quòd sit in similitudinem naturæ: unde quovis modo fiat talis assimilatio, sive formaliter, & ex vi processionis, sive materialiter tantum, & identicè, hoc sufficit ad generationem. Ergo.

Resp. ne. Majorem: nam ex hoc quòd natura divina, & amor realiter identificantur, ita ut non possit communicari amor, quin communicetur etiam natura; non sequitur quòd processio Spiritus sancti prout est per amorem, debeat esse communicativa naturæ, nequidem materialiter, & identicè: sed solummodo quòd non potest communicare amorem, quin simul, ac semel prout est divina, communicet ipsam naturam.

Replicabis 2. Spiritus sanctus recipit naturam divinam, formaliter, & ex vi processionis suæ, nedum ut est processio divina, sed etiam ut est processio per amorem. Ergo est vera generatio. Consequentia patet ex nostris principiis. Antec. prob. 1. Spiritus sanctus procedit ut Deus spiratus. Ergo ut habens naturam divinam per spirationem, sive amorem. 2. Procedit ut persona subsistens, & existens in natura; non creata; ergo divina. 3. Procedit ut tertia ex divinis personis realiter distincta à Patre, & filio. Sed non distinguitur ab utroque per suam processionem ut est divina, sed ut est per amorem. Ergo.

Resp. ne. antec. Ad cuius 1. Probationem nego antec. Nam Spiritus sanctus per suam quidem processionem prout est amor, procedit ut spiratus, sed non

procedit ut Deus, nisi per processionem suam ut est divina.

Similiter ad 2. Probationem dico, quod Spiritus sanctus per suam processionem ut est divina, procedit ut persona subsistens, & existens in natura divina: sed per ipsam ut est amor, non procedit nisi ut persona subsistens, & existens in amore. Ad 3. quoque dico, quod Spiritus sanctus per suam processionem ut est amor, procedit ut tertia persona SS. Trinitatis, realiter à Patre, filioque distincta: sed per ipsam ut est divina, non procedit nisi ut persona conveniens cum utroque in ratione Personæ divinæ, eo modo quo ratio illa personæ est communis tribus divinis Personis, ut explicabimus magis postea.

Ob. 2. Vel processio verbi est generatio, prout est intellectio; vel prout est divina: non ut intellectio, aliter omnis intellectio foret generatio, quod patet esse falsum in creaturis: neque etiam ut divina, aliter cum processio Spiritus sancti sit etiam divina, foret quoque generatio.

Resp. Quod processio verbi est generatio, non præcisè ut intellectio, neque præcisè ut divina; sed ut considerata utroque modo; sive ut perfectissima in sua linea intellectionis, ex hoc ipso quod est divina. Intellectio enim ut sic communissimè sumpta, est assimilatio in natura: sed in creaturis est assimilatio imperfecta, quæ usque ad rationem generationis pertingere nequit: in divinis autem est assimilatio perfectissima, quæ perfectissimam rationem generationis importat. Amor verò divinus, quamvis ut divinus sit assimilativus in natura: non tamen ut amor etiam si consideretur ut perfectissimus in sua linea amoris: sed est solummodo perfectissimè unitivus in affectu, seu voluntate: & sic non est generatio.

Inst. amor divinus non potest esse perfectissimè unitivus, nisi faciat unionem in natura: nam juxta nostram concipiendi modum, perfectior est unio in natura, quæ est virtualiter radix omnium proprietatum: quam in voluntate, quæ non est nisi una ex proprietatibus. Ergo talem unionem facere debet.

Resp. dist. antec. Nisi faciat unionem in natura divina, prout est amor præcisè, ne. Prout est divinus, conc. Amor enim divinus potest considerari ut perfectissimus dupliciter: vel ut perfectissimus in ratione entis divini; & sic facit unionem, in idētētatem in omnibus, quæ communicari possunt, proindeque tam in natura divina, quàm in ejus proprietatibus, quia ratio entis divini transcendentaliter imbibitur in omnibus lineis, & quasi ordinibus divinarum perfectionum: vel ut perfectissimus intra lineam amoris; & sic non facit unionem, & idētētatem nisi in illis præcisè, quæ ad hujusmodi lineam pertinent, sive in affectu, & voluntate: sicut enim ipsamet divina voluntas quamvis perfectissima, non dicit nisi perfectionem, quæ pertinet ad suam propriam lineam; non autem eam, quæ pertinet ad lineam intellectus, aut aliorum attributorum, à quibus virtualiter distinguitur: ita amor divinus quamvis perfectissimus, non facit nisi unionem in illis, quæ pertinent ad suam propriam lineam; non autem in illis, quæ pertinent ad lineam naturæ, à qua virtualiter distinguitur.

Dices, prius virtualiter fit unio in natura quàm in voluntate: cū voluntas sit proprietas, quæ virtualiter naturam supponit, & in ea fundatur. Ergo si amor divinus ut amor perfectissimus facit unionem in affectu, & voluntate, prius eam facit in natura divina.

Resp. ne. conseq. Licet enim unio in natura sit prior quàm unio in affectu, & voluntate: illa tamen unio in natura non fit per processionem Spiritus sancti prout est amor, sed per ipsam prout est divina. Nam sicut juxta nostrum concipiendi modum in creaturis prior est ratio communis, & generica, quàm ratio propria, & specifica cujuslibet rei; sicut in homine prius est animal, quàm rationale: eo quod ratio propria, & specifica supponit rationem communem, & genericam. eique superadditur: ita in divinis prior est ratio communis, & quasi generica processionis divine, quæ convenit utrique processioni Filij, & Spiritus sancti: quàm ratio propria, & quasi specifi-

ca, five processionis per intellectiōem, quæ convenit verbo, five processionis per voluntatem, quæ convenit Spiritui sancto, Sic ergo processio Spiritus sancti prout est divina, facit unionem in natura divina prius virtualiter, quam ut amor faciat unionem in affectu, & voluntate.

§. VI.

Utrum intelligere in divinis sit idem virtualiter cum esse: & utrum sit constitutivum naturæ divinæ: & quomodo D. Thomas ex hoc quod in Deo idem est intelligere & esse, probat, quod processio verbi est generatio.

Unus ex patribus nostris doctissimus, & in Theologia Scholastica versatissimus, videns ea quæ initio tractatus de attributis dixi de constitutivo naturæ divinæ, voluisset, quod retulissem argumenta, quibus impugnare soleo sententiam modò valde communem inter Thomistas, quod illud constitutivum sit intelligere, quod proinde volunt esse idem virtualiter cum esse: & existimant, quod D. Thomas 1. 1. qu. 27. a. 2. Ex hoc quod esse, & intelligere sunt ita virtualiter idem, probat quod processio verbi est generatio. Sumo hic occasionem hæc argumenta referendi, ut videat lector, quod non sine legitimo fundamento à communibus opinionibus recedo.

Et quia omnes adversarii fatentur, quod intelligere non constituit naturam divinam, sed eam supponit constitutam, si distinguitur virtualiter ab esse: ex quo etiam sequitur, quod D. Thomas est aliter intelligendus, ideo sufficit huiusmodi distinctionem probare: unde fit.

Conc. Esse, & intelligere in divinis distinguuntur virtualiter.

Prob. 1. Ex D. Thoma 1. ad hanniab. dist. 35. qu. unica, art. 2. ad 3. Ubi cum sibi objecisset, *quod si essentia Dei est idem quod eius intelligere, parè ratione erit idem quod eius velle.* Sed quacumque

uni & eidem sunt eadem sibi invicem sunt eadem. Ergo Deo esset idem velle, & intelligere. Ita respondet. Dicendum quòd sicut intelligere est idem re cum essentia divina, differens ratione, ita & velle: & ex hac parte qua ab essentia differunt, etiam ab invicem distinguuntur.

Ex hac autoritate formatur hoc argumentum. Essentia distinguitur ab intelligere, sicut à velle. Sed fatentur omnes quòd distinguitur virtualiter à velle. Ergo distinguitur etiam virtualiter ab intelligere.

Resp. 1. Ibi fieri comparationem quantum ad genus distinctionis, scilicet quòd intelligere, & velle non distinguantur realiter ab essentia, sed ratione tantum: non fieri autem comparationem quantum ad distinctionis modum, quia velle distinguitur ab essentia ratione ratiocinata, quæ fundatur in distinctione virtuali, sed intelligere distinguitur ab essentia ratione tantum ratiocinante, quæ non fundatur in virtuali distinctione.

Sed contra Doctor angelicus concedit id quod sibi objecit, quòd si essentia Dei est idem quod ejus intelligere, pari ratione erit idem quod ejus velle; & solummodo sic exponit, sicut intelligere est idem re cum essentia divina, differens ratione, ita & velle. Sed non essent pari ratione idem cum essentia, sed ratione longè dispari; si velle distingueretur ab essentia virtualiter, & ratione ratiocinata; intelligere verò non distingueretur ab ipsa nec virtualiter, nec ratione ratiocinata, sed tantum ratiocinante; hæc enim valde differunt, ut per se patet. Ergo dicendum quòd utriusque distinctio ab essentia est distinctio virtualis, & rationis ratiocinatae.

[Resp. 2. Essentiam ibi sumi in ratione entis divini omnia quæ sunt in Deo transcendentis, & non in ratione essentia: ut virtualiter ab attributis distincta: sic autem verum est quòd intelligere, & velle æqualiter distinguuntur ab essentia sic sumpta, quia neutrum est transcendens sicut ipsum ens divinum.

Sed contra. D. Thomas ait: quòd intelligere, & velle ex hac parte qua ab essentia differunt, etiam ab invicem distinguuntur. Sed non distinguuntur ab

invicem ex hac parte qua importantur in ente divi-
no, sed in eo potius identificantur; nec transcendentia
entis divini facit distinctionem virtualem, ut per se
patet. Ergo cum secundum omnes intelligere, &
velle distinguantur ab invicem, dicendum est D.
Thomam velle, quod ex hac parte qua ab essentia
virtualiter differunt, simili modo virtualiter etiam
ab invicem distinguuntur.

Prob. 2. Ex sancto Doctore 1. p. qu. 26. a. 2.
Ubi in corp. articuli sic ait: *in Deo non est aliud
esse, & intelligere secundum rem, sed tantum
secundum intelligentiam rationem.*

Resp. 1. sermonem ibi esse de intelligere scientifico,
non autem de intelligere essentiali.

Sed hæc responsio non satisfacit: quia sermo ibi
est de intelligere, quo Deus est beatus: nemo autem
dubitatur, quin Deus sit beatus per intelligere essen-
tiale, sive per illud intelligere, quo Deus suam divi-
nam intelligit essentiam. Ergo sermo est de illo.

Resp. 2. sermonem esse de distinctione solius ratio-
nis ratiocinantis, quæ non supponit, neque fundatur
in distinctione virtuali.

Hæc etiam responsio non satisfacit: Etenim D.
Thomas iisdem verbis exprimit distinctionem essen-
tialē, & relationis divinæ in ead. 1. par. qu. 28. a. 2.
ubi in corp. artic. ait: *manifestum est, quod re-
latio realiter existens in Deo, est idem essentia
secundum rem, & non differt nisi secundum in-
telligentiam rationem.* Sed fatentur omnes, quod
hic modus loquendi designat distinctionem rationis
ratiocinatæ, quæ supponit, & fundatur in distin-
ctione virtuali essentiali, & relationis divinæ. Ergo
fatendum est etiam, quod aliud omnino similis
modus loquendi denotat distinctionem rationis inter
esse, & intelligere, quæ est ratiocinata, & di-
stinctionem quoque virtualem supponit, ac in ea
fundatur.

Resp. 3. Esse ibi sumi transcendentaliter, prout
dicit ens divinum importans omnia, quæ sunt in Deo;
non autem prout dicit essentiam virtualiter ab attri-
butis distinctam.

De processionibus divinis.

97

Sed contra, quia ibidem ad 1. D. Thomas sic loquitur: *Dicendum quod ex illa ratione probatur, quod Deus sit beatus secundum suam essentiam; non autem quod beatitudo ei conveniat secundum rationem essentia, sed magis secundum rationem intellectus.*

Quamvis autem essentia sumi possit ut ens divinum, attamen certum est, quod non sumitur sub ratione essentiae nisi ut distinguitur virtualiter ab attributis; quia non exercet munus essentiae nisi ut est virtualiter radix attributorum. Ergo D. Thomas loquitur de ea sic sumpta: & vult quod beatitudo Dei ad ipsam non pertinet, sed ad intellectum. Certè si intelligere constitueret divinam essentiam, luce clarius est, quod beatitudo conveniret Deo tam secundum ipsam rationem essentiae, quam secundum intelligere. Unde doctissimus P. Nicolaï ibidem ad marginem sic habet: *An vero actualis intellectio sit essentia ipsa Dei, vel essentia constitutiva formaliter, ex mente S. Thomae, sicut aliqui fingunt? Et sic tamen distinguat intellectum ab essentia ratione? legant, & intelligant.*

Prob. 3. ratione. Esse respicit ens, & intelligere respicit verum, quasi proprium suum specificativum. Ergo distinguuntur virtualiter. Prob. conseq. Ens, & verum virtualiter distinguuntur. Ergo etiam esse, & intelligere, conseq. patet. Quia specificata eo modo distinguuntur, quo specificativa. Antec. prob. ens & verum se habent ad invicem sicut essentia & proprietas, ut docent omnes Metaphysici. Sed essentia, & proprietas distinguuntur virtualiter, ut docent etiam omnes. Ergo ens & verum virtualiter distinguuntur.

Confir. Ideo esse & velle distinguuntur virtualiter in divinis, quia esse respicit ens, & velle bonum: ens autem & bonum virtualiter distinguuntur. Ergo cum esse & intelligere respiciant ens & verum, quae simili modo distinguuntur virtualiter; debent ipsa quoque virtualiter distingui. Imò magis dist ngui debent esse & intelligere, quam intelligere & velle, de quibus tamen nemo dubitat, quin virtualiter distinguantur;

Questio 11.

quia intelligere & velle respiciunt verum & bonum, quæ saltem in hoc conveniunt, quodd utrumque est proprietas, esse autem & intelligere respiciunt ens & verum, quæ differunt in hoc quod ens est essentia, & verum proprietas.

Resp. ens & verum in creaturis quidem virtualiter distingui, sed non in divinis.

Sed contra, quodd convenit enti & vero ut sic, convenit eis ubicunque ponantur, juxta regulam ab omnibus Philosophis acceptatam. Sed enti & vero ut sic prout communissimè sumuntur, convenit distingui virtualiter tanquam essentiam, & proprietatem, ut docent etiam omnes Philosophi. Ergo hoc eis convenit tam in Deo quàm in creaturis.

Dices, ens & verum ut sic, & similiter esse & intelligere, prout universalissimè sumuntur, & analogicè conveniunt Deo, & creaturis, non importare positivè distinctionem virtualem, sed ad eam se habere permissivè tantum: unde in creaturis propter earum imperfectionem, distinguuntur virtualiter sicut essentia, & proprietas: sed in Deo propter ejus perfectionem non distinguuntur nequidem virtualiter.

Sed contra, similiter dicit aliquis, quodd ens & bonum, esse & velle important distinctionem virtualem in creaturis, sicut essentia & proprietas, non autem in Deo: non enim imperfectionem importat distinctio virtualis inter ens & verum, esse & intelligere in divinis, sicut nec inter ens & bonum, esse & velle, ut constabit ex solutionibus objectionum. Hoc autem est contra omnes. Ergo.

Ob. 1. D. Thomas 1. p. qu. 14. artic. 2. ait: *Cum Deus nihil potentialitatis habeat, sed sit actus purus, oportet quodd in eo intellectus & intellectum sint idem omnibus modis.* Sed objectum quodd ab ipso Deo intelligitur primariè est ipsum esse sive sua divina essentia: Ergo esse & intelligere non debent distingui virtualiter, aliàs non essent omnibus modis idem.

Resp. Quodd huic objectioni satisfacimus initio tract. de attrib. explicando divinam essentiam; Ibi enim diximus, quodd esse & intelligere non desinunt

esse idem omnibus modis, etiam si virtualiter distinguantur: quia distinctio virtualis non facit, quod aliqua revera distinguantur; imò potius. Supponit, quod sint omnino idem, & solummodo facit, quod talem virtutem habeant, ac si revera distinguerentur.

Similiter distinctio virtualis nullam potentialitatem inducit: cum ex eis quæ virtualiter distinguuntur, unum nullatenus sit in potentia ad alterum; sed potius illud actualiter importet in suo conceptu saltem implicito, si loquamur de divinis, ut explicuimus in eodem tract. de attributis, agendo de simplicitate Dei, & explicabimus iterum in fine sequentis articuli: unde ex hoc quod D. Thomas nihil aliud loco citato intendit, nisi excludere potentialitatem à Divinis, non propterea vult excludere distinctionem virtualem: & sicut ens & bonum, esse & velle distinguuntur virtualiter, & tamen nulla est inter ea potentialitas; ita ex hoc quod ens & verum, esse & intelligere, virtualiter distinguantur, nulla propterea inter ea potentialitas intercedit; sed salvatur & subsistit in omnibus quæ sunt in Deo, ratio actus purissimi.

Obj. 2. quando D. Thomas loco jam cita. ex eo probat processionem verbi esse generationem, quia in Deo esse & intelligere sunt idem, vel loquitur de identitate virtuali, vel solummodo de reali: si de virtuali, habetur intentum, quod esse & intelligere in divinis non distinguuntur, sed sunt idem virtualiter: si de reali tantum; ergo processio Spiritus Sancti foret generatio, non minus quam processio verbi; cum non minus esse & velle sint idem realiter, quam esse & intelligere.

Resp. Doctorem nostrum Angelicum loqui solummodo de identitate reali: quia intellectio est assimilatio in natura quantum fieri potest: unde cum ex hoc quod in divinis esse & intelligere sunt realiter idem, sequatur quod natura communicari potest, nedum in esse intelligibili, sicut in creaturis, sed etiam in esse entitativo: inde fit quod in Deo communicatio nature revera sit in esse entitativo, & sic est vera generatio. Non sequitur tamen, quod similiter processio

Spiritus Sancti sit generatio, licet esse & velle non minus sint realiter idem, quam esse & intelligere: quia ut patet ex dictis, velle non habet ex propria ratione sua, quod sit communicativum naturæ, nec assimilativum in ipsa sicut intelligere, quod tamen omnino requiritur ad veram generationem.

Sed dices, quomodo intelligere habet ex propria ratione sua, quod sit communicativum naturæ divinæ, si ab ipsa virtualiter distinguatur?

Resp. Et quomodo in homine potentia generativa habet ex propria ratione sua, quod sit naturæ humanæ communicativa, si ab ipsa nedum virtualiter, sed etiam realiter distinguatur, ut docent omnes Thomistæ? sicut ergo potentia generativa hominis, quamvis ab ipsius naturæ realiter distinguatur, eam nihilominus ex propria ratione sua communicat, quia est ad hoc primario instituta: Ita à fortiori divinum intelligere, quod realiter cum naturæ divinæ identificatur, & nonnisi virtualiter distinguitur, habet ex propria ratione sua, quod sit ejusdem naturæ communicativum, quia est ad hoc primario institutum.

QUESTIO III.

De Relationibus divinis.

DARI in Deo relationes reales patet ex dictis, præsertim in qu. 1. contra hæreticos: cum enim dicuntur tres divinæ Personæ realiter distinctæ; & certum sit quod non distinguuntur in absolutis, superest ut distinguantur in relativis; atque ita relationes reales faciunt earum distinctionem. Unde D. Thomas qu. 8. de potentia, artic. 1. ait. *Dicendum, quod sententiam fidei catholica sequentes, oportet dicere, in divinis relationes reales esse.* Videri possunt Salmanticenses tract. 6. disp. 4. dub. 1. & 2. In hac quæstione resolvemus difficultates, quæ hujusmodi relationes concernunt.

ARTICULUS I.

De identitate, & distinctione essentia divina & relationum.

Hæc difficultas celeberrima est, maxime momenti : cum ex ea dependant plures aliæ gravissimæ difficultates ; imò etiam articuli fidei, & ipsa notitia mysterij SS. Trinitatis, ut sciunt viro docti, & satis patebit ex sequ. paragr. & aliis locis.

§. I.

Novum, & singulare fundamentum pro stabilenda omnimoda identitate relationum cum divina essentia, ex D. Thoma de promptum.

Ut hoc fundamentum bene penetretur à Theologiæ candidatis, oportet, ut miram nostri Præceptoris Angelici doctrinam, quam sæpè insinuavi, & breviter etiam explicui qu. 1. huius tract. 4. §. 1. fusiùs modò explicem.

Advertendum est igitur 1. quadruplex dari genus oppositionum, ut docent omnes Philosophi, scilicet oppositionis contradictoriæ, privativæ, contrariæ, & relativæ : sed inter oppositionem relativam ex una parte, & tres alias oppositiones ex altera, duplex est discrimen.

Primum est, quòd in aliis oppositionibus unum extremum excludit, & destruit aliud : sic in oppositione contradictoria affirmatio excludit negationem, & e contra negatio affirmationem, ut negatio hominis destruit hominem, & homo excludit sui negationem : In oppositione privativa forma privationem excludit, & similiter privatio, formam destruit, sic Lux tenebras fugat, & tenebræ lucem extinguunt : In oppositione contraria, unum extremum excludit aliud

à subiecto in quo reperitur, ipsumque destruit, & vicissim ab ipso excluditur, & destruitur, sic calor excludit, & destruit frigus, & vicissim frigus calorem: sed in oppositione relativa tantum abest, quoddam extremum destruat, aut excludat aliud, quin potius ipsius coexistentiam essentialiter exigit, & sine ipso subsistere nequit; unde commune est Philosophorum axioma, quod relativa sunt simul definitio, & natura: v. g. Pater, & filius, qui correferuntur ad invicem, non se excludunt, aut destruunt; imò Pater exigit essentialiter habere Filium, & Filius Patrem; nec unus sine altero subsistere potest quantum ad relationes paternitatis, & filiationis.

Alterum discrimen est, quod in aliis tribus oppositionibus semper unum ex extremis est imperfectum, illud scilicet quod excluditur, & destruitur; nam quod v. g. frigus expellatur, & destruitur à calore, hoc provenit ex imperfectione frigoris, quia non est ita intensum sicut calor, & propterea ipsius activitatis succumbit: sed in oppositione relativa utrumque extremum potest equaliter esse perfectum; quia nihil excluditur, vel destruitur de perfectione unius per alterius perfectionem: hoc patet tam in relationibus disquarantiae, sive diversae rationis, quales sunt relationes originis inter Patrem, & Filium, quam in relationibus aequarantiae, sive ejusdem rationis, quales sunt relationes aequalitatis, & similitudinis: potest enim filius esse vir ita perfectus sicut Pater suus; & duae quantitates possunt in extensione esse aequales, sive ejusdem magnitudinis, sicut duae qualitates in intensione similes sive ejusdem gradus.

Ex quo fit, ut cum Deus sit ens omnibus modis infinitum, quod proinde nihil destruere debet, aut excludere, sed omnia potius includere, sibi que realiter identificare; cumque similiter sit ens omnimodè perfectum, quod non potest importare quidquam imperfectum, nulla in eo dari potest ex tribus praedictis oppositionibus, quarum qualibet aliquam exclusionem, destructionem, & consequenter imperfectionem involvit: sed debet dari sola oppositio relativa, quae trium divinarum personarum coexistentiam exi-

git, & ut magis explicabimus in sequentibus parag.
eas facit esse æqualis omnino perfectionis.

Hæc est doctrina nostri Præceptoris verè angelici
qu. 7. de potentia, a. 8. ad 4. ubi sic habet. *Dicen-*
dum quod oppositio relationis in duobus differt ab
aliis oppositionibus, quorum primum est, quod in
aliis oppositis unum dicitur alteri opponi, inquan-
tum ipsum removeret: negatio enim removeret affir-
mationem, & secundum hoc ei opponitur: opposi-
tio vero privationis, & habitus, & contrarieta-
ris includunt oppositionem contradictionis, ut 4.
Metaph. dicitur. Non autem est hoc in relativis:
non enim per hoc opponitur filius Patri, quod ip-
sium removeat, sed propter rationem habitudinis
ad ipsum.

Et ex hoc causatur secunda differentia, quia in
aliis oppositis semper alterum est imperfectum,
quod accidit ratione negationis, qua includitur
in privatione, & altero contrariorum: hoc autem
in relativis non oportet; imò utrumque consi-
derari potest ut perfectum; sicut patet maxime in
relativis æquiparantia, & relativis originis, ut
æquale, simile, Pater & Filius. Et ideo relatio
magis potest attribui Deo quàm alia oppositiones.

Adu. 2. Quod videtur D. Thomas sibi contradice-
re, dum loco jam citato afferit, non dari in divinis
aliam oppositionem quàm relativam; & tamen in
1. sent. dist. 5. qu. 1. a. 1. in corp. expressè ait: *In*
qualibet alia oppositione includitur affirmatio, &
negatio, quod ibidem intelligit etiam de oppositione
relativa: ex quo sequitur, quod datur in divinis ne-
dum oppositio relativa, sed etiam contradicto-
ria.

Sed hanc apparentem contradictionem solvit opti-
mè noster Bergomensis in concordantiis dictorum
D. Thomæ, dubio 957. distinguenda est enim duplex
oppositio contradictoria: altera in qua unum extre-
mum excludit, & destruit aliud; & hæc non reperitur
in Deo, sed tantum in creaturis: altera in qua tantum
abest, ut unum extremum destruat aliud, quin potius
ipsius coexistentiam exigit: & hæc reperitur in divinis.

Sed talis oppositio contradictoria non se habet antecederenter, sed consequenter ad oppositionem relativam: Nam antecederenter ad oppositionem relativam non concipitur Deus nisi ut unus, & quantum ad omnia absoluta: unde oporteret, quod daretur realis distinctio in absolutis, ut unum negaret id quod aliud affirmaret: & sic oppositio contradictoria excluderet aliquam entitatem & perfectionem à Deo, ipsamque destrueret: res enim absolutæ, si semel realiter distinguuntur, non exigunt mutuam coexistentiam, sicut relativæ. Sed consequenter ad oppositionem relativam concipitur Deus ut trinus, & quantum ad omnia relativa, quæ realiter ab invicem distinguuntur, & tamen mutuam exigunt coexistentiam: unde unum affirmat, quod aliud negat, & tamen neutrum destruitur: unde talis oppositio contradictoria nullam imperfectionem involvit. Sed hoc explicabitur magis impugnando distinctionem Scoticam.

Adu. 3. & principaliter pro presenti fundamento, & resolutione sequentium difficultatum, quod oppositio contradictoria, quæ oppositionem relativam consequitur, nullam prorsus distinctionem facit, sed solummodo supponit eam, quam facit huiusmodi oppositio relativa. Et hoc duplici de causa: primò quia contradictoria non verificantur nisi de illis, quæ distinguuntur: idem enim non potest negare id ipsum quod affirmat: unde cum in divinis sola oppositio relativa faciat distinctionem, constat quod oppositio contradictoria ipsam consequens distinctionem non facit, sed eam factam supponit. Secundò negatio fundatur in affirmatione: unde quod Pater in divinis neget, siue dicat negationem relationis, quæ est in filio, hoc provenit ex hoc quod filius affirmat, siue dicit affirmationem huiusmodi relationis, eamque importat: unde oppositio contradictoria, quæ importat prædictam affirmationem, & negationem, fundatur in affirmatione utriusque relationis, Patris & Filij; unde non facit distinctionem, sed eam supponit, quam oppositio relativa inter utramque relationem facit.

Hac est expressa D. Thomæ doctrina quæ. 10. de per

entia, a. s. in corp. ubi sic habet. Nec potest dici, quod ad talem distinctionem faciendam (scilicet filij & Spiritus Sancti) sufficiat oppositio affirmativæ & negationis (quæ est infra oppositio contradictoria) quia talis oppositio sequitur distinctionem, non autem distinctionem causat; cum existens ab alio zero distinguatur per aliquid sibi inherens substantialiter, vel accidentaliter: quia autem hoc non fit hoc, sequitur ex hoc quod distincta sunt. Similiter etiam patet, quod veritas cuiuslibet negativa in existentibus, super veritatem affirmativam fundatur; sicut veritas huius negativæ, athiops non est albus, fundatur supra veritatem huius affirmativæ, athiops est niger: & ideo oportet omnem differentiam, quæ est per oppositionem affirmativæ & negationis, reduci in differentiam alicuius affirmativæ oppositionis: unde non potest esse prima distinctionis ratio inter filium, & Spiritum Sanctum, ex hoc quod filius est genitus non spiratus, alius spiratus non genitus, nisi præintelligatur distinctio inter generationem, & spirationem, & filium & spiritum sanctum, per aliquam oppositionem duorum affirmationum.

Adverte tandem, amice lector, quantum D. Thomæ doctrina sacris concordet conciliis, ex quibus desumitur commune illud Theologorum axioma: In divinis nulla est distinctio, nisi quam facit relativa oppositio. Cum enim nulla sit distinctio nisi propter oppositionem: & ex mente Doctoris angelici in divinis nulla sit oppositio nisi relativa, & prædicta oppositio contradictoria eam consequens, quæ nullam distinctionem facit, sed solummodo supponit eam, quam facit oppositio relativa: manifestum est nullam dari distinctionem in divinis, præter eam quam facit huiusmodi relativa oppositio. Sed hoc explicabitur fusius, quando resolvemus an si Spiritus Sanctus non procederet à filio, adhuc distingueretur ab ipso.

§. II.

Referuntur opiniones de distinctione essentia divina, & relationum.

Quot sunt genera distinctionis, tot fuerunt vel adhuc sunt oppositæ opiniones circa distinctionem essentia divina, & relationum.

Distinctio enim alia est per rationem, alia datur à parte rei: distinctio rationis subdividitur in distinctionem rationis purè ratiocinantis, sive fingentis distinctionem sine ullo prorsus fundamento in re; & rationis ratiocinatae, sive fundatae, nimirum in virtuali distinctione. Distinctio à parte rei alia est realis maior, sive inter rem & rem; alia realis minor, sive inter rem & modum; & alia realis minima, sive inter duas formalitates, ut satis explicuimus in tract. de attributis, agendo de simplicitate Dei.

Nominales dixerunt non dari distinctionem inter essentiam, & relationes divinas, nisi solius rationis ratiocinantis; e contra Abbas Ioachim, & Gilbertus Porretanus volebant eas distingui realiter, distinctione reali maiori, tanquam rem & rem: Durandus existimavit distinctionem illam esse realem minorem, sive modalem: Doctor subtilis Scotus, ejusque discipuli docent eam esse realem minimam, sive formalem ex natura rei: D. Thomas, omnes ejus discipuli, & modo communiter Theologi asserunt, talem distinctionem esse solummodo virtuales, & rationis ratiocinatae in tali virtuali distinctione fundatae.

§. III.

Supposito nostro fundamento, facile ostenditur, non dari distinctionem formalem ex natura rei inter essentiam, & relationes divinas.

Scotus in 1. dist. 2. qu. 4. §. 5. Sed hic refert ulterius difficultas, sic habet: non videtur intelligi-

bile, quod essentia non plurificetur, & supposita
sint plura: nisi aliqua distinctio ponatur inter ra-
tionem essentia, & rationem suppositi: & ideo ad
salvandam istam compossibilitatem prædictam
oportet videre de illa distinctione. Et dico sine as-
sertione, & præiudicio sententia melioris, quod
ratio, qua formaliter suppositum est incommuni-
cabile, & ratio essentia ut essentia habent aliquam
distinctionem præcedentem omnem actum intelle-
ctus creati, & increati. Vidimus etiam in tract. de
attrib. agendo de simplicitate Dei, quomodo asserit
sapientiam, & bonitatem divinam esse in re, sapien-
tiam autem ex natura rei non esse bonitatem: unde à
fortiori admittit essentiam, & relationes divinas for-
maliter ex natura rei distingui à parte rei.

Ceterum hic miratus sum modestiam Doctoris
subtilis: tantum enim abest, ut suam opinionem per-
tinaciter defendat, quin potius eam non asserit, sed
Doctoribus examinandam proponit: tantum etiam
abest, ut aliorum opiniones aliqua censura afficiat,
quin imò nullum earum probabilitati vult asserre
præiudicium. Utinam omnes Doctores ipsius exem-
plum imitarentur: pax inter eos foret inviolabilis.

Concl. Non datur huiusmodi distinctio formalis ex
natura rei inter essentiam & relationes divinas.

Prob. 1. Talis distinctio non est necessaria. Ergo
non est admittenda. Consequentia patet. Quia sicut
juxta commune axioma, non sunt multiplicanda
entia sine necessitate, ita nec distinguenda, cum res
eadem proportionem multiplicentur, quàm distinguun-
tur. Et hoc locum habet præsertim in Deo: cum enim
ut vidimus in toto fere tract. de attributis, Deus sit
ens omnimodè infinitum, & actus purissimus, &
simplicissimus, debet in suo formali & essentiali con-
ceptu importare omnia tam relativa quàm absoluta,
eque omnia sibi identificare quantum fieri potest:
unde si aliqua distinctio non est necessaria, non est
etiam admittenda. Antecedens, in quo est tota diffi-
cultas, probatur, si talis distinctio foret necessaria
inter essentiam divinam, & relationes, maxime ad
verificanda contradictoria, quæ de ipsis prædicantur.

Sed ad hoc non est necessaria. Ergo nullo modo. Major est primum, & præcipuum fundamentum Scoti, & omnium discipulorum ejus, ut videri potest loco citato. Mi. Prob. Velforet necessaria ad verificanda contradictoria absoluta, vel relativa. Neutrū dici potest. Ergo. Major patet. Non enim excogitari possunt alia contradictoria. Mi. Prob. Et quidem de contradictorijs absolutis patet, etiam juxta propria Scotistarum principia: nam quia v. g. existere, & non existere sunt duo contradictoria, quæ non possent verificari de rebus, nisi absolute, & secundum se consideratis; ideo fieri nequit, quod verificentur nec in rebus divinis, nec in creatis, etiam in virtute distinctionis formalis quamvis gratis eas admitteremus: licet enim Scotistæ afferant quoddam essentia, & Paternitas distinguuntur in divinis formaliter ex natura rei, & similiter animal, & rationale in homine, fatentur tamen fieri non posse, quoddam existat essentia divina, & non existat Paternitas, quoddam existat animal, & non existat rationale; quia nempe existentia convenit rei absolute prout est in seipsa. Nec videtur quoddam possint Scotistæ ulla excogitare contradictoria absoluta, sive quæ convenient alicui rei absolute secundum se consideratæ: quia ex contradictorijs absolutis unum negat id quod aliud affirmat, itaut unum excludat, & destruat id quod aliud includit, & importat; sicut hoc quod est non existere, negat & destruit hoc quod est existere. Cùm igitur implicet, quoddam aliquid semetipsum neget, & destruat, cùm potius econtra quidquid est ad sui conservationem tendat: Inde fit, quoddam hujusmodi contradictoria absoluta de nulla re verificari possunt; & quoddam distinctio formalis ex natura rei, si daretur, non sufficeret ad ea verificanda. Non requiritur ergo ad verificationem eorum.

Tota difficultas devolvitur ad contradictoria relativa, sive ad contradictoria quæ non conveniunt rebus absolute secundum se consideratis, sed per relationem, & habitudinem ad alias res; quæ contradictoria verificantur etiam in divinis: Etenim v. g. essentia divina communicatur, & Paternitas non

Communicatur : communicari autem , & non communicari sunt contradictoria , quæ non conveniunt alicui rei absolute in se , sed per relationem , vel habitudinem ad alteram : constat enim , quod nihil est communicabile , vel incommunicabile sibiipso , sed tantum alteri . Hoc est exemplum , quo Scotus , & Scotista utuntur , & certè unicum est argumentum ex huiusmodi contradictorijs depromptum , quod aliquam difficultatem contineat , ut dicebamus loco jam citato de attributis .

Quod autem ad hæc contradictoria verificanda non requiratur distinctio formalis ex natura rei , in quo consistit punctum totius difficultatis , sic probatur . Huiusmodi contradictoria non verificantur nisi consequenter ad oppositionem relativam . Ergo propter ipsa non datur prædicta distinctio inter essentiam , & relationes . Antecedens Prob . Nam quod essentia communicetur v . g . Filio , & Paternitas ipsi non communicatur , provenit ex hoc quod propter oppositionem relativam Pater , & filius realiter ab invicem distinguuntur , & quia nullam oppositionem habent cum essentia , realiter cum ipsa identificantur : intantum enim essentia communicatur filio , inquantum cum ipso realiter identificatur ; & ideo Paternitas ipsi non communicatur , quia realiter ab ipso distinguitur . Hæc igitur contradictoria , communicari scilicet , & non communicari , non verificantur nisi consequenter ad oppositionem relativam , & in ipsius virtute . Consequentia patet ex nostro fundamento : quia oppositio contradictoria , quæ consequitur oppositionem relativam , & in ipsa fundatur , nullam distinctionem facit , sed eam solummodo supponit , quam oppositio relativa fecit . Sed oppositio relativa nullam distinctionem facit inter essentiam , & relationes , sed solummodo inter relationes ad invicem : quia ut fatentur omnes Doctores , talis oppositio nullatenus cadit supra essentiam , cum non sit aliquid relativum , sed maxime absolutum ; sed solummodo cadit supra relationes . Ergo prædicta contradictoria nullam distinctionem faciunt , vel supponunt inter essentiam , & relationes , neque formalem ex natura

rei nec ullam aliam.

Dices, hæc contradictoria nedum verificantur de relationibus ad invicem, sed etiam de essentia, & relationibus; essentia enim formaliter ex natura rei communicatur, sicut e contra Paternitas formaliter ex natura rei non communicatur: debent igitur facere, vel supponere distinctionem, nedum inter relationes ad invicem, sed etiam inter essentiam, & relationes, scilicet distinctionem formalem ex natura rei.

Sed contra, quamvis hæc contradictoria verificentur etiam de ipsa essentia, non verificantur tamen de ipsa nisi propter oppositionem relativam. Ergo semper manet, quodd ad ipsa verificanda non requiritur alia distinctio, nisi illa quam facit relativa oppositio, scilicet inter relationes ad invicem, & non inter essentiam, & relationes.

Confirmatur, & explicatur magis, si concipiamus divinam essentiam abstrahendo à relationibus, nulla de ipsa verificabuntur contradictoria; non enim habet essentia secundum se aliquid quod communicetur, & aliud quod non communicetur, sed totum quod habet, est communicabile: Similiter si posset essentia per impossibile concipi cum una sola relatione, v. g. Paternitatis, nondum de ipsa verificarentur contradictoria; cum enim nihil possit quidquam communicare sibi metipso, sed tantum alteri, necesse est ponere duo distincta, ut possit intelligi communicatio: sed statim atque concipitur essentia cum duabus relationibus invicem oppositis, Paternitatis & filiationis, intelligitur quodd essentia est communicata filio, & quodd Paternitas non est ipsi communicata. Ergo hæc contradictoria, communicari & non communicari, fundantur in paternitate & filiatione realiter ab invicem distinctis, & cum essentia identificatis: & cum illa realis distinctio Paternitatis & filiationis ad invicem, & identitas earum cum essentia proveniat ex oppositione relativa, quas huiusmodi relationes habent ad invicem, & non cum essentia; manifestum est quodd huiusmodi contradictoria proveniunt ex tali oppositione relativa, & ipsam

consequuntur: arque ita nullam distinctionem exigunt, præter illam quam facit talis oppositio, scilicet inter relationes ad invicem, & non inter ipsas & essentiam.

Prob. 2. Clarè, & facilè ostenditur juxta Thomistas, quomodo hæc contradictoria realiter verificentur de essentia, & relationibus, itaut essentia realiter communicetur, & Paternitas non communicetur realiter; & tamen essentia non distinguatur realiter à relationibus: cùm enim non verificentur nisi propter oppositionem relativam, quæ facit distinctionem realem inter relationes ad invicem, sed non inter ipsas & essentiam; patet quodd verificantur realiter per solam distinctionem realem inter relationes sine ulla earum distinctione ab essentia. Sed hoc intelligibile est juxta Scotistas.

Sic enim urgeo commune illud argumentum ad hominem, quod fit contra ipsos. Si essentia, & paternitas distinguerentur formaliter ex natura rei, distinguerentur etiam realiter. Falsum consequens etiam juxta Scotistas. Ergo & antecedens. Prob. Ma. Ideo distinguerentur formaliter ex natura rei, quia de ipsis verificantur contradictoria formaliter, quatenus essentia communicatur formaliter, & paternitas non communicatur formaliter. Sed verificantur etiam realiter, essentia enim communicatur realiter, & paternitas non communicatur realiter. Ergo realiter distinguerentur.

Confirmatur, & explicatur magis. Essentia divina nedum est formalitas, sed etiam realitas; imò ut videbimus ex Concilio lateran. sub Innocentio 3. Est summa res: aliunde paternitas non est etiam formalitas tantum, sed realitas, & res; aliàs divinæ personæ non distinguerentur realiter ab invicem. Hoc posito sic argumentamur. Ideo juxta adversarios ea, de quibus verificantur contradictoria formalia, debent distingui formaliter, quia unum ex his contradictorijs negat formaliter id, quod aliud formaliter affirmat: unde cùm idem non possit negare seipsum, sive negare id ipsum quod affirmat: necesse est dari duas formalitates, alteram essentia, & alteram paternita-

his ; ut supra formalitatem essentiae cadat affirmatio communicationis , & supra formalitatem paternitatis cadat ejusdem communicationis negatio. Et certe cum id quod negat aliud non sit ipsum , necesse est , quod ubi affirmatio & negatio intervenit , ibi eadem proportionem interveniat distinctio. Ergo cum similiter ex duobus contradictorijs realibus unum realiter neget id , quod aliud realiter affirmat ; paternitas enim negat realiter communicationem , quam essentia realiter affirmat : necesse foret , quod cum idem non possit negare seipsum , essentia & paternitas forent duae res , ut supra realitatem essentiae caderet realis affirmatio communicationis , & supra realitatem paternitatis , caderet realis ejusdem communicationis negatio.

Dices essentiam & paternitatem non esse duas res , sed tantum formalitates : quia inter res & formalitates hoc est discrimen , quod res ab invicem separari possunt , formalitates autem sunt inseparabiles : essentia autem & paternitas separari nequeunt.

Sed contra. Essentia nedum est formalitas sed vera res , & similiter paternitas. Ergo cum propter praedicta contradictoria realia nequeant esse una res ; sequeretur quod essent duae res , sive aliunde forent inseparabiles , sive non : sicut in opinione ipsorummet Scotistarum , etiam si Spiritus sanctus non procederet a filio , adhuc realiter ab invicem distinguerentur , proindeque tanquam duae res , & tamen forent omnino inseparabiles. Fateor me non videre quid ad hoc argumentum responderi possit.

Dicendum est ergo , quod essentia & paternitas sunt una simplicissima res & formalitas : & quod propter distinctionem earum virtutalem postmodum explicandam verificantur de ipsis contradictoria. Et quod sicut Scotistae dicunt sufficere solam distinctionem formalem ad verificanda praedicta contradictoria quaecumque realia : ita jure optimo dicunt Thomistae sufficere solam distinctionem virtutalem ad verificanda praedicta contradictoria quaecumque formalia.

§. IV.

Obiectiones facile solvantur ex dictis.

Obiic. 1. Illa distinguuntur formaliter, de quibus verificantur contradictoria formaliter. Sed formaliter verificantur de essentia, & relationibus, v. g. paternitate. Ergo.

Resp. 1. Retorq. argum. Illa distinguuntur realiter, de quibus verificantur contradictoria realiter. Sed verificantur de essentia, & paternitate. Ergo.

Resp. 2. ad mai. Illa distinguuntur formaliter, de quibus verificantur contradictoria, dist. si talis verificatio antecedit oppositionem relativam, conc. si solummodo ipsam subsequatur, ne. Et similiter distinguenda est mi. Nam contradictoria, quæ de essentia, & relationibus verificantur, non se habent anteceder, sed consequenter ad oppositionem relativam, ideoque non exigunt distinctionem inter essentiam, & relationes, sed solummodo inter relationes ad invicem.

Replicabis, falsum est quòd nulla contradictoria verificantur de divinis anteceder ad oppositionem relativam; nam iustitia & misericordia sunt attributa, quæ virtualiter antecedunt oppositionem relativam; & tamen de ipsis verificantur contradictoria, scilicet punire & non punire, parcere & non parcere, sicut explicuimus agendo de simplicitate Dei in tract. de attributis.

Respondeo duplex esse genus contradictoriorum: alia quæ verificantur de divinis ad extra, ut ita loquar, id est non de divinis prout considerantur in seipsis, sed prout connotant effectus, quos extra Deum producant in ipsis creaturis: talia sunt ea, quæ conveniunt attributis, non enim verificantur de ipsis ad intra, sive prout considerantur in seipsis; sed tantum ad extra prout connotant effectus: & de illis contradictoriis concedimus, quòd verificantur anteceder ad oppositionem relativam, sive abstrahendo à tali oppositione; & quòd verificantur necum formaliter, sed

etiam realiter sed propterea nullam exi-gunt distinctio-nem nequidem formalem in ipsis attributis, sed exi-gunt distinctionem realem in eorum effectibus: alia sunt contradictoria, quæ verificantur de divinis ad intra, abstrahendo ab omni connotatione creatur-arum; ita ut verificarentur, etiam si per impossibile omnes creaturæ implicarent, sicut essentiam comuni-cari filio, & paternitatem ipsi non communicari: & de huiusmodi contradictoriis loquimur in presenti, & dicimus quod non verificantur nisi consequenter ad oppositionem relativam, ut satis patet ex dictis.

Obiic. 2. Illa distinguuntur formaliter ex natura rei, de quibus formantur diversi conceptus, & traduntur diversæ definitiones, & quibus imponuntur diversa nomina: Quia conceptus formales non diversifica-rentur cum fundamento, nisi eis corresponderent a parte rei conceptus objectivi ex natura sua diversis: similiter cum definitio sit oratio explicans naturam rei, ubi sunt diversæ definitiones, ibi res definitæ de-bent ex natura rei esse distinctæ: nomina quoque fo-rent Synonyma, nisi ea quæ significant, forent distin-cta. Sed ex communi consensu tam Thomistarum quam aliorum, essentia & paternitas diversis concep-tibus apprehenduntur, diversis definitionibus expli-cantur, & diversis nominibus exprimuntur. Ergo di-stinguuntur formaliter ex natura rei. Hæc sunt etiam fundamenta Scotistarum.

Resp. distin. mai. si hæc omnia se habeant antece-denter ad oppositionem relativam; transeat: si conse-quenter tantum, ne. sic autem est, quod non se ha-bent nisi consequenter: nam ex hoc quod propter op-positionem relativam paternitas & filialis realiter ab invicem distinguuntur, & aliunde cum essentia, cum qua nullam oppositionem habent, realiter identifi-cantur; ex hoc inquam proveniunt diversi conceptus, diversæ quasi definitiones, & diversa nomina: unde hæc omnia non exigunt aliam distinctionem, præter eamquam facit oppositio relativa, scilicet inter rela-tiones ad invicem, sed non inter eas & essentiam.

Dixi transeat, quia ut vidimus loco citato de attrib. agendo de simplicitate Dei, quamvis antecedenter ad

Oppositionem relativam diversificentur conceptus, quasi definitiones, ac ipsa nomina essentiae & attributorum: quia tamen hæc omnia non conveniunt ipsis prout sunt in se, sed prout à nobis apprehenduntur per proportionem, & analogiam ad res creatas: ideo nullam exigunt distinctionem in rebus divinis, sed solummodo in rebus creatis: & idem est de essentia & relationibus, quando eas apprehendimus per eandem analogiam & proportionem ad res creatas. Dixi quoque, quasi definitiones, quia ut in eodem loco jam citato vidimus, non dantur propriè loquendo definitiones de rebus divinis.

Quodd si ut ibidem etiam explicuimus, Deum videremus ut est in se, sicut vident beati, unico simplicissimo actu & intuitu conciperemus essentiam, attributa, & relationes: & hæc omnia unicà quasi definitione explicarem, & unico significarem nomine, juxta illud Zachariæ ult. *In Die illa eris Dominus unus, & erit nomen eius unum.*

§. V.

Specialis difficultas de distinctione formali circa processiones divinas solvitur iuxta principia tam Scotistis quam Thomistis communia.

Suppono id quodd explicui fusiùs in tract. de attrib. agendo de simplicitate Dei, quodd ut exponit Pontius in disput. 4. Et ultima Metaphysicæ de distinctionibus, qu. 1. Omnes Scotistæ cum suo subtili Doctore asserunt, quodd licet rationalitas, quæ est differentia specifica hominis, sit unica simplex formalitas, quia tamen est virtualiter duplex, ideo est principium duplicis potentiae formaliter ex natura rei distinctæ, nimirum intellectus, & voluntatis; & quatenus consideratur ut principium intellectus, non est principium voluntatis, & e contra: Similiter ut à nobis concipitur tanquam principium intellectus, diverso conceptu apprehenditur, ab illo quo concipitur ut est principium voluntatis; diversam quoque

definitionem habet, & diverso nomine significatur.

Intellectus etiam est potentia formaliter simplex; sed quia est multiplex virtualiter, ideo est principium actuum: qui nedom formaliter, sed etiam realiter distinguuntur, scilicet simplicis apprehensionis, iudicii, & discursus: & quatenus consideratur in ordine ad apprehensionem, non habet eundem conceptum, nec eandem definitionem, idemque nomen, sicut dum consideratur in ordine ad iudicium, vel discursum.

Multò magis hoc verificatur de voluntate, quæ licet sit potentia formaliter simplex; attamen quia est virtualiter multiplex, nedom producit actus realiter distinctos, sed etiam omnino oppositos, sicut sunt volitio & nolitio, & alij similes.

Testatur idem author ibidem, quòd maior pars Scotistarum concedit phantasmam, imaginationem, sensum communem, & cæteras potentias sensitivas internas non esse nequidem formaliter distinctas; & ramen fatentur omnes, quòd habent operationes & effectus omnino oppositos, diversos conceptus, diversas definitiones, & diversa nomina.

Ratio hujus Doctrinæ juxta eundem authorem est, quia dum contradictoria, vel diversitas conceptuum, definitionum, & nominum verificantur de rebus non secundum seipsas, sed per ordinem ad res ab invicem realiter distinctas, tunc non exigunt distinctionem formalem, sed solummodo virtuales: unde quia prædicta omnia verificantur de rationalitate, intellectu, voluntate, & alijs potentijs, non secundum se consideratis, sed per ordinem ad res diversas, sive realiter distinctas, non requiritur in eis distinctio formalis, sed sufficit virtualis; idest quòd rationalitas talem ac tantam virtutem habeat, ad hoc ut sit principium intellectus, & voluntatis, qualem & quantam haberet, si nedom formaliter, sed etiam realiter distingueretur: & similiter intellectus, & voluntas, aliæque potentiae tantam virtutem habeant ad producendos actus, & effectus realiter distinctos, quantam haberent, si ipsæmet forent distinctæ realiter.

In his principiis conveniunt Thomistæ, ex cetero quod omnes prædictas potentias, quas Scotistæ non distinguunt nisi formaliter, ipsi volunt esse distinctas realiter. Hoc autem supposito sit.

Concl. Non datur distinctio formalis ex natura rei inter processiones divinas.

Prob. 1. Et infertur ex dictis. Si daretur distinctio formalis ex natura rei inter processiones divinas, maxime propter contradictoria, quæ de ipsis verificantur, & propter diversos conceptus qui de ipsis formantur, & diversas definitiones quibus explicantur, & diversa nomina quæ ipsis imponuntur: ad hæc enim quatuor capita reducuntur omnia, quæ Scotistæ asserunt pro sua sententia. Sed propter hæc omnia non requiritur prædicta distinctio. Ergo non datur. Mi. prob. Quando hæc omnia non conveniunt rebus secundum se, sed per ordinem ad alias res distinctas, non exigunt distinctionem formalem, sed tantum virtua-lem, ut patet ex prædictis principiis. Sed non conveniunt processionibus divinis secundum se considera-tis, sed per ordinem ad filium, & Spiritum sanctum, qui realiter ab invicem distinguuntur. Ergo non exi-gunt in ipsis processionibus divinis distinctionem for-malem, sed solummodo virtualem.

Confr. Et explicatur magis. Processiones divinae sumi possunt dupliciter: vel activè, vel terminativè: si sumantur activè, sunt cognitio, & amor; hi enim sunt actus, quibus mediantibus procedunt filius, & Spiritus sanctus, ut explicuimus in qu. præced. Si sumantur terminativè, sunt ipsæ personæ Filij, & Spiritus sancti, ad quas & in quibus terminantur huiusmodi processiones. De terminis processionum non est dubium, quin realiter distinguantur: tota difficultas est de ipsis actionibus: & dico, quod si cognitio, & amor sumantur secundum se, non sunt pro-cessiones, sed ab illis abstrahunt: unde si sumantur secundum se præcisè non sunt actus notionales, sive personales sicut sunt ipsæ processiones: sed sunt actus essentielles, & omnibus personis conveniunt. Sed ra-tionem processionum habent, quatenus dicunt ordi-

nem ad Filium, & Spiritum sanctum, ergo sufficit distinctio virtualis in ipsis processioneibus, & realis in personis procedentibus.

Hoc patet in prædictis exemplis. Etenim intellectus secundum se nec est apprehendens, nec judicans, nec discurrens, sed est indifferens ad hæc omnia, & ab ipsis abstrahit: concipitur autem ut apprehendens per ordinem ad actum apprehensionis qui ab ipso procedit, ut judicans per ordinem ad actum iudicii, & idem est de discursu; & ut concipitur ut apprehendens, non concipitur ut judicans, & e contra: unde apprehendere, & non apprehendere, judicare & non judicare sunt contradictoria, quæ non conveniunt intellectui secundum se, sed per ordinem ad prædictos actus realiter distinctos, qui ab ipso procedunt: & propterea ad verificanda hujusmodi contradictoria non requiritur distinctio formalis ex natura rei in ipso intellectu; sed sufficit virtualis. Et similiter ad hoc ut fundet diversos conceptus, per quorum unum concipimus ipsum ut apprehendentem, & per alterum ut judicantem, vel ut discurrentem. Et idem est de diversis definitionibus, & nominibus; quia res definimus, & nominamus, sicut eas concipimus. Idem quoque dicendum est de voluntate, & de aliis potentis respectu suorum actuum.

Simili prorsus modo cognitio, & amor si considerentur secundum se, non sunt processiones, sed per ordinem ad filium, & Spiritum Sanctum, qui ab ipsis procedunt: unde hæc contradictoria, cognitio est processio filij & non Spiritus Sancti, amor e contra est processio Spiritus Sancti & non filij, hæc inquam contradictoria non verificantur de processioneibus activè sumptis, & secundum se consideratis, sed per ordinem ad personas, ad quas terminantur. Et in eodem ordine fundantur diversi conceptus, & diversæ quasi definitiones, ac diversa nomina hujusmodi processionum: & propterea ad hæc omnia non requiritur, quodd processiones divine distinguantur formaliter ex natura rei, sed sufficit, quodd distinguantur virtualiter.

Prob. 2. ex doctrina in præcedent. paragr. expos.

ta, omnia quæ in processibus divinis aliquam distinctionem exigunt, proveniunt ex oppositione relativa: quia conveniunt eis per ordinem ad filium, & Spiritum Sanctum, tanquam terminos earum realiter distinctos: unde cum non distinguantur realiter nisi propter oppositionem relativam, sequitur quod processiones divinæ nullam aliam distinctionem exigunt, præter eam quæ fit per talem oppositionem relativam; scilicet distinctionem realem inter filium & Spiritum Sanctum, qui sunt termini processuum relativi ad invicem oppositi: sed nullam exigunt distinctionem inter cognitionem & amorem, qui sunt processiones activæ sumptæ: quia nullam oppositionem relativam habent, nec ad invicem, nec cum filio, & Spiritu Sancto.

Prob. 3. si processiones divinæ deberent distingu formaliter ex natura rei, deberent etiam distingu realiter: quia nedum formaliter, sed etiam realiter minus procedit per cognitionem, & non per amorem; & contra Spiritus Sanctus nedum formaliter, sed etiam realiter procedit per amorem, & non per cognitionem: atque ita huiusmodi contradictoria nedum formaliter, sed etiam realiter conveniunt processibus divinis. Igitur si propterea non distinguuntur realiter, ita nec formaliter, sed tantum virtualiter. Sicut prædicti actus apprehensionis, iudicii, & discursus nedum formaliter, sed etiam realiter procedunt ab intellectu: & sic de ipso prout est principium huiusmodi actuum verificantur prædicta contradictoria nedum formaliter, sed etiam realiter; & tamen intellectus nec realiter, nec formaliter distinguitur, sed tantum virtualiter.

S. VI.

Confirmantur prædicta omnia ex D. Thoma.

Omnia quæ hucusque diximus, confirmantur ex D. Thoma. Diximus enim, quod de rebus divinis nulla possunt verificari contradictoria, quæ de ipsis absolute prædicantur, sed solummodo respectivè: v. g.

esse ens increatum, esse Deum, hoc convenit rebus divinis absolute prout sunt in seipsis; unde fieri nequit quod de aliqua re divina verificetur quod sit res increata, & de altera quod non sit res increata; nec quod aliquid sit in Deo quod sit Deus, & aliud quod non sit Deus: sed esse commune, vel non esse commune tribus divinis personis, generare vel non generare, hæc non conveniunt rebus divinis nisi respectivè ad alias res, ad quas referuntur; unde de una re nimirum de essentia divina verificatur, quod est communis tribus personis, & de alia re ut de persona Patris verificatur econtra quod non est communis; de ipsa persona Patris verificatur quod generat, & de essentia econtra quod non generat. Ita expressè Doctor angelicus 1. sent. qu. 1. a. 4. ubi sic in corp. habet. *Omnis illa, quæ predicant conditionem rei absolute, predicantur communiter de proprietate, persona, & essentia, & huiusmodi; Quæcunque verò expriment modum significandi, in quo ista tria distinguuntur, non predicantur de eis communiter.* Et adhuc clarius ibidem dist. 34. q. 1. a. 1. ad 2. ita loquitur. *Cum persona, & essentia sint idem secundum rem, nihil quod ad naturam rei pertinet, quod predicatur de essentia, potest negari de persona; ut dicatur, quod essentia est increata, & persona non est increata; vel quod essentia est Deus, & persona non est Deus: vel aliquid huiusmodi.* Sed quia ratione distinguuntur, quidquid pertinet ad rationem illam, in qua distinguuntur, quod predicatur de una, potest negari de altera: ut dicatur, quod essentia est communis, persona non est communis: vel econverso quod persona generat, essentia non generat: & sic de aliis.

Igitur non verificantur de rebus divinis contradictoria absoluta, sed tantum relativa, quæ non impediunt, quin essentia, & relationes, ac personæ divinae sint omnino unum & idem; Nec ullam distinctionem faciunt, sed solummodo præsupponunt eam, quæ ut ita dicam, facta est inter personas per oppositionem relativam, quam habent ad invicem, ut satis superque demonstravimus.

Diximus

Diximus quoque in 1. §. hujus artic. ex D. Thoma qu. 10. de potentia 2. 5. in corp. quod omnis negatio fundatur in affirmatione, v. g. quod *Aethiops* non fit albus, fundatur in hoc quod est niger: & quando duo distinguuntur, hoc non provenit ex hoc quod unum non est aliud, sed ex hoc quod utrumque importat in se aliquid per quod ab invicem distinguuntur; unde negatio illa fundatur in duplici affirmatione; nec ipsa facit ullam distinctionem, sed solummodo supponit eam quam facit utraque affirmatio. v. g. in divinis, quod filius, & Spiritus Sanctus distinguantur, non provenit ex hoc quod ille est genitus & non spiratus, & contra iste est spiratus & non genitus; sed ex hoc quod propter oppositionem relativam, quam dicunt filius ut genitus, & Spiritus Sanctus ut spiratus, realiter ab invicem distinguuntur.

Similiter, quod Pater & Filius distinguantur, non provenit ex hoc quod non sunt idem, & quod unus negat id quod affirmat alius: sed ex hoc quod affirmant paternitatem & filiationem, quæ propter oppositionem relativam ab invicem realiter distinguuntur: & quia talem oppositionem non habent cum essentia, realiter cum ipsa identificantur. Hæc igitur oppositio contradictoria, quod essentia communicetur filio, & sit idem cum ipso, paternitas verò non communicetur filio, sed distinguatur ab illo, quæ affirmationem & negationem importat, affirmationem quidem communicationis in essentia, negationem verò communicationis in paternitate, hæc inquam oppositio non causat distinctionem, sed eam subsequitur, & solummodo supponit distinctionem illam, quæ facta est per oppositionem relativam inter Patrem & Filium ad invicem, ut etiam satis superque ostendimus.

§. VII.

Solvuntur obiectiones.

Hæc sufficerent viris doctis ad præveniendas objectiones.

Terme III.

L

actiones: sed non erit inutile pro tyronibus eas breviter proponere, & solvere, ut facilius possint respondere in forma.

Obiic. 1. Illa distinguuntur formaliter ex natura rei, de quibus contradictoria formaliter verificantur. Sed verificantur de processionibus divinis, quatenus prima processio, quæ fit per cognitionem, est processio filij & non Spiritus Sancti; secunda verò, quæ fit per amorem, est processio Spiritus Sancti & non filij. Ergo.

Resp. 1. retorquendo argum. Illa distinguuntur realiter de quibus verificantur contradictoria realiter. Sed huiusmodi contradictoria verificantur de processionibus divinis, quatenus una est realiter processio filij & non Spiritus Sancti; altera e contra est realiter processio Spiritus Sancti & non filij. Ergo.

Resp. 2. dist. ma. si hæc contradictoria verificentur de illis secundum se, conc. si verificentur tantum per ordinem ad terminos realiter distinctos, ne. Et similiter distinguenda est minor: quia prædicta contradictoria non verificantur de processionibus divinis secundum se, sed per ordinem ad terminos suos realiter distinctos.

Ob. 2. Illa distinguuntur formaliter ex natura rei, de quibus formantur diversi conceptus, traduntur diversæ definitiones, & diversa eis nomina imponuntur. Sed ita est de processionibus divinis. Ergo.

Resp. dist. ma. si huiusmodi conceptus, definitiones, & nomina convenient illis rebus secundum se, conc. si solummodo per ordinem ad alias res distinctas, ne. Processionibus autem divinis non convenient diversi conceptus, nec diversæ quasi definitiones, aut diversa nomina secundum se, sed tantum per ordinem ad suos terminos realiter distinctos.

Ob. 3. Si Processiones divinæ non distinguerentur formaliter ex natura rei, non forent formaliter ex natura rei nisi una eademque processio: ex hoc autem sequeretur triplex inconveniens. 1. processio filij esset formaliter processio Spiritus Sancti, & e converso. 2. alius dici posset tam bene formaliter procedens per

voluntatem, quam per intellectum; & e contra Spiritus Sanctus tam bene procedens per intellectum quam per voluntatem. 3. Non esset potior ratio, cui filius esset prior prioritate originis, quam Spiritus Sanctus.

Resp. 1. retorquendo totum argumentum. Si processiones divinæ non distinguerentur realiter, sicut fatentur omnes tam Scotistæ quam alij Doctores, non forent realiter nisi una eademque processio. Ex quo sequeretur triplex illud inconveniens 1. Processio filij esset realiter processio Spiritus Sancti. 2. Filius diceretur tam bene realiter procedens per voluntatem, ac per intellectum; & Spiritus Sanctus e contra procedens per intellectum non minus quam per voluntatem. 3. Nulla posset assignari ratio, cur filius foret prior realiter prioritate originis, quam Spiritus Sanctus. Omnes ergo tenentur solvere hoc argumentum.

Resp. 2. distin. illam propositionem, forent una eademque processio formaliter ex natura rei, antecedenter ad oppositionem relativam, conc. consequenter ad ipsam, nego. Nam antecedenter ad oppositionem relativam processiones divinæ considerantur præcisè secundum actus, mediantibus quibus personæ divinæ procedunt, scilicet cognitionem, & amorem secundum se consideratos, sub qua ratione non distinguuntur, neque realiter, neque formaliter ex natura rei, imò nequidem virtualiter; quia distinctio virtualis non convenit rebus divinis secundum se consideratis, ut explicabimus in sequent. paragr. Consequenter verò ad oppositionem relativam processiones divinæ considerantur, non ut important actus prædictos secundum se consideratos, sed ut important eos per ordinem ad suos terminos, sive ad personas ex eis procedentes, filium scilicet ac Spiritum Sanctum; sub qua ratione actus illi distinguuntur virtualiter, & termini, sive personæ filij ac Spiritus Sancti distinguuntur realiter propter oppositionem relativam, quam habent ad invicem. Et quia distinctio virtualis facit, ut processiones divinæ talem tantamque virtutem habeant ad producendas duas personas realiter

distinctas, ac si processiones ipsæ realiter distinguerentur: ideo sicut si realiter distinguerentur, dici non posset, quodd una processio foret altera; ita sufficit quodd distinguantur virtualiter ad hoc ut dici non possit consequenter ad oppositionem relativam, quodd una sit altera.

Sic ergo contra primum inconveniens, dici nequit, simpliciter, & absolute loquendo, quodd processio filij sit processio Spiritus Sancti, uel e converso: quia dum personæ determinantur, processiones sumuntur consequenter ad oppositionem relativam, quæ facit distinctionem realem inter filium & Spiritum Sanctum, & distinctionem virtualem inter actus cognitionis & amoris, quibus mediantibus procedunt.

Et quia, ut jam diximus, beneficio distinctionis virtualis tantum præstatur, quantum si foret distinctio realis: Idcirco sicut si cognitio & amor realiter distinguerentur, processio filij & Spiritus Sancti non esset eadem; ita non est eadem sed distincta, ex hoc ipso quodd tales actus distinguuntur virtualiter, & ipsæ personæ realiter. Et sic evitatur etiam secundum inconveniens: sicut enim si processiones distinguerentur realiter, filius procedens per intellectum non posset dici procedens per voluntatem; nec Spiritus Sanctus per voluntatem procedens dici posset procedens per intellectum: Ita nec dici possunt ita procedentes ex hoc ipso quodd processiones distinguuntur virtualiter. Nam sicut ostendimus, quodd consequenter ad oppositionem relativam contradictoria etiam realia verificantur de essentia & paternitate, quamvis non distinguantur, nisi virtualiter: Ita hæc contradictoria realia, quodd nempe filius realiter procedat per intellectum, & non per voluntatem, Spiritus Sanctus contra procedat realiter per voluntatem, & non per intellectum, verificantur de ipsis, quamvis processiones non distinguantur nisi virtualiter; quia non verificantur nisi consequenter ad oppositionem relativam, quæ facit ut filius & Spiritus Sanctus realiter distinguantur. Tandem contra ultimum inconveniens, sicut ex ipsa rei natura provenit, quodd cognitio est virtualiter prior, quam amor: Ita ex ipsa quoque rei

natura provenit, quod filius procedens per cognitionem, est realiter prior prioritate originis quam Spiritus Sanctus procedens per amorem. De hac autem prioritate magis agemus postea.

Hæc omnia sunt conformia testimonio Doctoris Angelici, de quo in præcedenti paragr. Locuti sumus, sic enim ait qu. 10. de potentia artic. 5. Oportet omnem differentiam, quæ est per oppositionem affirmationis & negationis, reduci in differentiam alicuius affirmativa oppositionis: unde non potest esse prima distinctionis ratio inter filium & Spiritum Sanctum ex hoc quod filius est genitus non Spiratus, alius spiratus non genitus, nisi prærelligatur distinctionem inter generationem & spirationem, & inter filium & Spiritum Sanctum, per aliquam oppositionem duarum affirmationum, scilicet per oppositionem relativam; nullam enim aliam in rebus divinis admittit S. Doctor, ut explicuimus in præcedent. paragraphis.

S. VIII.

Vera mens Conciliorum, & Patrum.

Omitto argumenta, quæ ex conciliis Lateranensi, & Rhemenfi sunt ab aliquibus contra distinctionem formalem Scoti, quia non convincunt: urgeo solummodo authoritatem Concilij Florentini, in quo sess. 18. Ioannes nostri Prædicatorum ordinis Theologus, Provincialis Lombardiæ, pro Latinis disputans contra Græcos, sic dicit, ut refertur in novissima, & accuratissima impressione parisiensi, *Vos queritis, an idem sit in divinis personæ substantia, & persona, sive hypostasis. Nos verò discimus, substantiā, & personam, sive hypostasim esse idem re, differre autē nostro modo intelligendi. Et respondet Marcus Ephesius Episcopus ex parte Græcorum: fortasse hæc in parte nulla est inter nos discrepantia. Quod postea Andreas Rhodientis Archiepiscopus ex parte etiam Græcorū sine dubitatione concelsit, dicens sess. 19. In communis Doctorum tam Græcorum*

quam latinorum Theologia differt, divinam substantiam dicere, & substantiam Patris & filii: ne tamen re differre hoc putetis, sed apprehensione tantum & intelligentia. Ex his verbis, apprehensione tantum & intelligentia, quæ correspondent editioni Græcæ, patet: quod dum in aliquibus editionibus habetur, ratione tantum & intelligentia, non intelligitur per rationem distinctio formalis ex natura rei, ut aliqui Scotistæ volunt, non solet enim illa distinctio nomine rationis exprimi apud Doctores; sed intelligitur distinctio rationis, sive per intellectum apprehendentem res tanquam distinctas, quæ revera non sunt distinctæ à parte rei, quamvis præbeant distinctionis fundamentum.

Respondent communiter Scotistæ, nihil in hoc Concilio diffinitum fuisse circa distinctionem formalem Scoti: & Patres Concilij nullam aliam intentionem habuisse, quam destruendi Hæresim illam, quæ ponebat realem distinctionem inter essentiam divinam & personas.

Fateor nihil ibi fuisse diffinitum: & ideo veritas doctrinæ Thomisticæ nondum transit in articulum fidei: sed tamen maximam autoritatem obtinuit: tum ex hoc quod nemine contradicente acceptata fuit tanquam communis doctrina Ecclesiæ universalis tam Græcæ, quam Latinæ: tum ex hoc quod Patres illius generalis & œcumenici Concilij eâ usi sunt, tanquam aptissimâ ad refellendam prædictam hæresim: cequod luce clarius est, essentiam, & relationes personarum constitutivas non distingui realiter, si non distinguuntur nisi juxta solum nostrum intelligendi modum. Et hoc est privilegium, quod ut sæpe diximus, & nunquam satis dicere possumus, concessum divinitus fuit doctrinæ D. Thomæ, ut per ipsam acerbis, & efficacius refellantur hæreses, quam per quamcumque aliam.

Fateor quoque non fuisse intentionem Patrum illius Concilij condemnare distinctionem formalem Doctoris subtilis Scoti, sed tantum eorum hæresim, qui ponebant distinctionem realem inter essentiam & relationes divinas Personarum constitutivas: Sed quia

non debebant hæresim illam refellere, nisi per doctrinam, quam existimarent veram & non falsam; aliter hoc esset velle errorem unum alio errore destruere, ut perse patet: Inde fit quodd cum ad prædictam hæresim destruendam vsi sint doctrinam nostri Angelici præceptoris, eam crediderunt esse veram, quod nobis plusquam sufficit. Ex hoc tamen sequitur, quodd existimaverunt Patres Concilij, falsum esse, quodd essentia distinguatur formaliter ex natura rei à relationibus: non enim foret verum, sed falsum, quodd distinguerentur solummodo per intellectum, si distinguerentur etiam à parte rei, & ex ipsa earum natura, & ut loquitur ipsemet Scotus supra relatus, antecederet ad omnem actum intellectus, five creati, five etiam increati.

Accedit autoritas SS. Patrum: & ut prætermittam similiter ea, quæ non videntur convincere, sufficiant hæc pauca ex pluribus. D. Augustinus lib. 7. de Trinitate, cap. 6. ait: *Non aliud est Deo esse, aliud personam esse, sed omnino idem. Quid est esse idem omnino, nisi esse idem omnibus modis; nullo igitur modo distinguuntur; ergo nec formaliter ex natura rei.* Idem S. Doctor ibidem subdit: *Quemadmodum hoc illi est esse quodd Deum esse, quodd magnum, quodd bonum esse; ita hoc illi est esse, quodd personam esse.* Sed certum est, quodd Deo ita convenit esse, quodd sit Deus, ut nulla in hoc interveniat distinctio formalis ex natura rei. Ergo nulla quoque intervenit talis distinctio inter hoc quodd est Deum esse, & personam esse. D. Damascenus lib. 1. de fide, cap. 11. loquens de personalitate, & divina natura, inquit: *Quod autem in ea dictum est, sola cogitatione distinguitur.* Sicut autem jam diximus, si distinguerentur à parte rei formaliter ex ipsa earum natura, non distinguerentur solummodo per intellectum. D. Anselmus in Monologio cap. 16. Sic loquitur. *Quemadmodum itaque unum est, quiddquid essentialiter de summa substantia dicitur; ita ipsa uno modo, una consideratione est, quiddquid est essentialiter.* Et postquam dixit hominem alia ratione esse animal, & alia corpus, subdit: *Ille vero summa essentia*

nullo modo sic est aliquid, ut illud idem secundum alium modum aut secundum aliam considerationem non sit. Si in divinis nihil distinguitur, sicut in homine distinguuntur animal, & corpus, quae secundum ipsosmet Scotistas non distinguuntur nisi formaliter ex natura rei, patet nullam talem distinctionem dari in divinis. Similiter si essentia Dei propter suam omnimodam infinitatem importat omnia quae ad Deum spectant, proindeque tam relationes, quam attributa: & ea omnia ita sibi identificat, ut non sit aliquid quod ab ipsa ullo modo distinguatur, nequidem secundum intellectus nostri considerationem cum fundamento in re: à fortiori evidens est quod nulla datur à parte rei distinctio ex ipsa rerum divinarum natura. D. Bernardus l. b. 5. de consideratione cap. 7. ex hoc quod Deus est id, quo nihil melius cogitari potest, infert ipsum esse omnino simplicem, & inter alia sic habet: *Multa dicuntur esse in Deo, & quidem sanè, catholiceque; sed multa unum: aliquin si diversa putemus, non quaternitatem habueris, sed centenitatem: verbi causa, dicimus magnum, bonum, iustum, & innumera talia: sed nisi omnia unum in Deo, & cum Deo consideres, habebis multiplicem Deum. Mihi vero non deest quod cogitem melius eiusmodi Deo tuo. Quare quid? mera simplicitas.* Et ibidem subdit: *tam simplex Deus quam unus est: est autem unus, & quomodo? aliud nihil. Si dici possit, unissimus est.* Et in eodem libro, cap. 13. sic loquitur: *visus sum protulisse plura, sed unum est. Unus Deus signatus est pro capitu nostro, non pro suo statu. Diversus est hic, non ille. Voces diversa, semita nulla, sed unum per eas significatur, unus quatuor.* Ex quibus habemus, quod sicut Deus est unissimus, ita & simplicissimus; itaut non possit excogitari maior unitas nec simplicitas; aliter posset aliquid excogitari melius Deo. sed si daretur in divinis aliqua distinctio formalis ex natura rei, posset excogitari maior unitas, & simplicitas, illa nimirum, quae nullam talem distinctionem admitteret. Ergo non datur. Deinde D. Bernardus nullam agnoscit distinctionem

in divi
sum i
agnos
Sed
nuar
contra
tetur
tradit
ternie
mille
enim
aliam
sed u
iustit
odio
infin
que
verifi
cluden
agen
Re
trum
rum
disti
& r
que
Se
Prae
felle
rever
juxta
rat
inip
fore
natura
de n
clud
nec
est
der
tiag

in divinis, nisi quam facit intellectus noster propter
suum imperfectum concipiendi modum. Ergo nullam
agnoscit à parte rei.

Sed quod notatu dignissimum est, idem sanctus insi-
nuat rationem ingeniosissimam, quâ uti possumus
contra distinctionem formalem: nam si semel admit-
tatur formalis illa distinctio in divinis propter con-
tradictoria, quæ de ipsis verificantur, non erit qua-
ternitas, sed centenitas: etenim centum, & etiam
mille imò infinita verificantur contradictoria: Deus
enim producit unam creaturam, & non producit
aliam; cognoscit unam ut futuram, & non alteram,
sed ut purè possibilem, & e contra; diligit hominem
justum, & non peccatorem, & e contra peccatorem
odio habet, non autem justum: & cum creaturæ in
infinitum multiplicari, & variari possint, hæc alia-
que similia contradictoria in infinitum de ipso Deo
verificarentur, qui rōnde infinitas formalitates in-
cluderet. Alia ejusdem sancti testimonia referemus
agendo de opinione Gilberti Porretani.

Respondent 1. Scotistæ nullam aliam fuisse SS. Pa-
trum intentionem, nisi refellere hæreses, quæ ipso-
rum temporibus, vel etiam antea exortæ fuerant de
distinctione reali inter essentiam, & personas divinas;
& non refellere distinctionē formalem ex natura rei,
quæ postea fuit excogitata à suo Doctore subtili Scoto.

Sed ut dicebamus modò, quamvis verum sit, quòd
Præcipua eorum intentio fuit prædictas hæreses re-
fellere; hoc tamen fecerunt exponendo, quomodo
revera essentia distinguatur à personis divinis, non
juxta opinionem falsam, sed veram: non enim pote-
rat Spiritus Sanctus, à quo illuminati erant, ipsis
inspirare nisi veritatem: eorum autem sententia non
foret vera, sed falsa, si daretur distinctio formalis ex
natura rei, ut satis patet ex dictis. Ergo quamvis for-
tè non fuerit eorum intentio talem distinctionem ex-
cludere; ex eorum tamen testimoniis exclusio ipsius
necessariò sequitur. Dixi fortè, quia valde credibile
est, quòd eorum intentio erat, omnem; rōsus exclu-
dere distinctionem à parte rei se tenentem inter essen-
tiam & personas, sive jam inventam, sive postmodum

inveniendam.

Respondet 2. Doctissimus Scotista Mastrius, quod pro totali satisfactione argumenti ex Patrum auctoritate deprompti, observanda est regula, quam tradit Scotus in 2. dist. 16. qu. unica, quod nempe in rebus, quae non sunt de fide, sicut non est ista de qua disputamus, quando SS. Patres dissentiant, possumus absque scrupulo eorum auctoritatem recipere, qui stant pro nostra sententia, & alios cum reverentia dimittere: cum igitur sicut plures ex Patribus favent in proposito sententiae Thomistarum, ita plures quoque alij favent sententiae Scotistarum; possunt Scotistae stare iudicio istorum, sicut Thomistae iudicio illorum. Rationem reddit D. Augustinus epist. 113. post medium, ubi sic ait: *Neque enim quorumlibet disputationes, quamvis catholicorum, & laudatorum hominum, velut scripturas canonicas habere debemus; ut nobis non liceat salva honorificentia, quae illis debetur hominibus, aliquid in eorum scriptis improbare, et quae respicere, si forte invenerimus quod aliter senserint, quam veritas habet, divino adiutorio vel ab aliis intellecta, vel a nobis. Talis ego sum in scriptis aliorum: Tales volo esse intellectores meorum.* Quae regula valde observanda est in omnibus materiis, quae non sunt de fide.

Sed quamvis huiusmodi regulam uti cogamur, quando testimonia Patrum conciliare non valemus: attamen eam uti non debemus, nec unquam usus est D. Augustinus, vel quilibet alius Sanctus Doctor, quando concordiam illam facere possumus: sicut possumus in proposito, ut patebit ex objectionum solutione.

Obiic. 1. Testimonia quae retulimus, possunt contra nos retorqueri. Nam 1. Essentiae, & relationes diuinae non sunt idem omnino: si aliquo modo saltem virtualiter distinguantur. 2. distinctio illa virtualis datur à parte rei. Ergo quae ita distinguuntur, non sunt distincta per solam intelligentiam. 3. Eadem virtualis distinctio praebet nobis legitimum fundamentum formandi diversos conceptus de essentia, & de relationibus. Ergo falsum est quod non distinguantur

Nequidem per considerationem nostram cum fundamento in re. 4. Simplicitas non est maxima : potest enim excogitari maior, nimirum earum rerum, quæ nequidem virtualiter distinguuntur.

Resp. quodd ut magis explicabimus postea, distinctio virtualis non est revera distinctio, sed solummodo distinctionis virtus. Unde sequitur 1. quodd tantum abest, ut ea quæ virtualiter distinguuntur, non sint idem omnino; quin potius hoc supponitur, & exigitur, ut idem omnino sint, & nihilominus tantam virtutem habeant, ac si revera distinguerentur. Sequitur 2. quodd ea quæ non distinguuntur nisi virtualiter, non sunt revera distincta à parte rei: unde manet, quodd per solam intelligentiam distinguantur. 3. ex hoc quodd non sunt distincta à parte rei, sequitur quodd non præbent fundamentum formandi diversos conceptus, si concipiantur prout sunt à parte rei; unde in præced. parag. diximus, quodd beati, qui vident essentiam, & relationes divinas prout sunt in seipsis, non formant de illis diversos conceptus, sed eas unico simplicissimo actu, & ictu apprehendunt, & contemplantur, scilicet ipsâ visione beatificâ: sed nos quia pro hoc statu viâ non possumus eas apprehendere prout sunt in seipsis, sed solummodo per analogiam, & proportionem ad creaturas & juxta nostrum imperfectum concipiendi modum, cogimur multiplicare, & diversificare conceptus nostros. 4. Cum ea quæ solummodo virtualiter distinguuntur, non sint revera distincta, sequitur quodd tanta est eorum simplicitas, quanta foret si nullatenus nequidem virtualiter distinguerentur, proindequæ simplicitas omnium maxima, quæ possit excogitari: aliunde si non forent distincta virtualiter, carerent virtute distinctionis, quæ est maxima perfectio; cum ratione ipsius unica res æquivalear infinitis; unde cum simplicitas divina sit perfectissima, tantum abest quodd distinctionem virtualem excludat, quin potius ipsam importat.

Oblic. 2. D. Augustinus 7. de Trinitate, cap. 4 sic habet: aliud Deo esse, aliud Patrem esse, vel Dominum esse: quod enim est, ad se dicitur; Pater

autem ad filium, & Dominus ad servientem creaturam dicitur. Sed non est aliud, & aliud realiter. Ergo saltem formaliter ex natura rei.

Resp. ad hæc aliaque similia testimonia, ea exponendo per distinctionem. Est aliud Deo esse, & aliud Patrem esse, realiter, & quoad rem significatam, nego. Virtualiter, & quoad modum significandi, conc. & nego quodd propterea detur distinctio formalis ex natura rei.

Explicatur solutio. Si hoc quod est Deum esse, & Patrem esse, consideretur realiter; tunc non est ibi aliud, & aliud, sed omnino unum & idem, ut patet ex testimoniis ejusdem D. Augustini paulo ante relatis: si autem considerentur prout distinguuntur virtualiter; tunc illud quo Deus est Deus, aliud est ab eo, quo est Pater: quia quamvis sint omnino unum, & idem, tantam nihilominus virtutem habent, constituendi ipsum, & ut Deum, & ut Patrem, quantum haberent, si realiter distinguerentur. Similiter una est eademque omnino res significata per utramque tam per illud quo Deus constituitur Deus, quam per illud quo constituitur Pater; sed habet diversum significandi modum in eadem distinctione virtuali fundatum: nam ex modo quo nobis significat id quod Deum constituit, dicitur ad se & essentialiter; ex modo verbò quo constituit Patrem, dicitur ad alium sive filium, & notionaliter.

Sed quia & distinctio virtualis, & diversus significandi modus non se habent in divinis antecedenter, sed tantum consequenter ad oppositionem relativam, ut explicabimus in §. penult. hujus articuli, ideo nullam prorsus exigunt distinctionem inter essentialitatem, & relationes divinas, sed tantam distinctionem realem inter ipsas relationes ad invicem.

Hæc est regula generalis, per quam explicare, & conciliare facile possumus omnia Sanctorum Patrum testimonia. Sumitur autem ex D. Thoma 1. 2. p. qu. 28. artic. 2. ad 1. ubi similem D. Augustini auctoritatem exponens, ait: *Dicendum quod verba illa Augustini non pertinent ad hoc quod paternitas, vel alia ratio qua est in Deo, secundum esse suum non*

fit idem quod divina essentia : sed quod non predicatur secundum modum substantia, ut existens in eo de quo dicitur, sed ut ad alterum se habens. Et qu. 8. de potentia artic. 2. ad 4. sic habet. Relationes divina, licet significant id quod est divina essentia, non tamen per modum essentia; quia non per modum existentis, sed per modum se habentis ad aliud : unde distinctio, qua attenditur secundum relationes in divinis, non designat distinctionem in essentia, sed solum in hoc quod est ad aliud se habere per modum originis. Quasi diceret Angelicus Doctor nullam dari distinctionem in divinis inter essentiam & relationes ; sed solummodo inter ipsas relationes ad invicem : propter oppositionem relativam originis ; quia nullæ aliæ dantur nisi originis relationes, ut explicabimus postea.

Instatur specialiter ex eodem D. Augustino lib. 7. de Trinitate cap. 2. tibi ait : Non eo verbum, quo sapientia : sapientia vero eo quo essentia. Ubi majorem distinctionem ponit inter divinam essentiam & personam verbi, proindeque etiam relationem ipsius constitutivam, quam inter essentiam, & sapientiam : cum igitur inter essentiam & sapientiam, aliaque attributa detur distinctio virtualis, & quoad modum significandi, sequitur quod inter essentiam & personam verbi ac relationes debet dari major distinctio quam virtualis, proindeque distinctio saltem formalis ex natura rei ; major quoque distinctio quam ex parte modi significandi, proindeque etiam ex parte rei significata.

Resp. D. Augustinum loco citato nihil aliud velle, nisi quod essentia & sapientia magis conveniunt quoad modum significandi, quam essentia & verbum : quia sicut essentia significatur ut aliquid absolutum, & toti Trinitati commune, ita similiter sapientia : unde quantum spectat ad modum significandi Deus eo est Deus, quo est sapientia ; unde eadem sapientia, aliaque omnia attributa dicuntur essentialiter in divinis. Sed verbum significatur tanquam aliquid relativum ; & secundæ personæ proprium : unde in modo significandi essentia, & verbum differunt ; & Deus non est

eo verbum, quo est Deus; ipsumque verbum & omnes relationes dicuntur notionaliter. Hæc solutio nedum est omnium Thomistarum, sed etiam Scotistarum, ut patet ex Mastrio disput. 2. de attributis, qu. 2. artic. 3. qui eam probat ex ipso Scoto.

Et quod hæc sit vera mens D. Augustini, patet referendo integrum eius testimonium, quod sic habet. *Non eo verbum, quo sapientia: quia verbum non ad se dicitur, sed tantum relativè ad eum, cuius verbum est, sicut filius ad Patrem: sapientia vero eo quo essentia: & ideo quia una essentia, una sapientia. Quoniam vero & verbum & sapientia est: sed non eo verbum quo sapientia: verbum enim relativè, sapientia vero essentialiter intelligitur.*

§. IX.

De opinione Durandi.

Durandus lib. 1. sent. distinct. 33. questionem primam, in qua quaerit, utrum in divinis essentia & relatio differant aliquo modo realiter, sic terminat. *Impossibile est salvare, quod Paternitas & filiationo differant realiter inter se, & non differant ab essentia ex natura rei; & sit realiter: in hoc quod essentia est formaliter in qualibet persona, per quam qualibet est Deus formaliter: & paternitas, vel filiationo non est in qualibet persona formaliter; alioquin qualibet persona esset formaliter Pater & Filius, & sic periret distinctio personarum.* Ex his verbis mihi videtur colligi, quod Durandus non admittit aliam distinctionem à parte rei inter essentiam & relationes, nisi formalem ex ipsa natura rei, sicut Scotus: saltem patet, quod unum & idem est utriusque fundamentum: quod nempe contradictoria, sicut esse formaliter in qualibet persona, & non esse formaliter in qualibet persona, non possunt verificari de essentia, & paternitate, nisi distinguantur formaliter ex natura rei. Sed quia patet ex dictis,

quodd hæc aliæque similia contradictoria nedum formaliter sed etiam realiter verificantur de essentia & paternitate; cum essentia nedum formaliter sed etiam realiter sit in qualibet persona, & paternitas nec formaliter nec realiter sit in qualibet persona: & tamen non propterea distinguuntur nec realiter nec formaliter: Ideo nihil amplius quantum ad hoc superest dicendum.

Quantum verò ad opinionem, quæ communiter eisdem Durando attribuitur, & cui ipsemet magnam occasionem dedit in eadem questione, quamvis satis clarè non loquatur; scilicet quodd essentia & relationes distinguantur ab invicem realiter, non quidem realitate majori tanquam res & res, hoc enim est contra fidem, sed realitate minori tanquam res & modi, plura sunt argumenta quæ videri possunt apud Salamanticenses, Ioannem à S. Thoma, Gonetum, & alios: sed ea aliæque similia prætermitto; tum quia nullus est modò catholicus Doctor, qui hanc opinionem teneat: tum quia, si eam Durandus tenuit, non aliud fundamentum habuit nisi præcedens, quo proinde subverso, consequenter subversa manet hæc opinio: tum quia nullum aliud videtur afferri posse pro illa opinione argumentum, quod sit alicujus momenti.

§. X.

De errore Gilberti.

Egregia contra ipsam D. Bernardi testimonia

Constat ex historia Concilij Remensis sub Eugenio 3. celebrati, quodd Gilbertus pictaviensis Episcopus asseribat, hoc nomen, Deus, posse supponere vel pro natura, vel pro persona; pro natura quidem, ut cum dicitur, Deus unus est, pro persona verò, ut cum dicitur, Pater est Deus: & quodd si pro natura supponat, verum est Divinitatem esse Deum, si autem supponat pro persona, non audebat hoc concedere; quia existimabat, quodd si natura, & persona

divina forent eadem res, sequeretur quodd una eademque res diceretur & generans, & genita, & eadem seipsam genuisse. Dicebat quoque naturam, & personam divinam non Mathematica abstractione, sed Theologica consideratione distingui; idest non per solam considerationem, sicut Mathematici solent abstrahere res à materia, sed cum fundamētis re sicut solent Theologi res distinguere. Convictus autem fuit à Sancto Bernardo, & coactus à summo Pontifice Eugenio retractare suum errorem.

Hæc habentur in novissima Conciliorum impressione Parisiensis. Vasquez eadem refert to. 2. in 1. par. D. Thomæ, qu. 120. cap. 2. Vbi præterea ex codice manuscripto ejusdem Concilij Remensis missio ad summum Pontificem Gregorium 13. à Jacobo Amiato Episcopo Antifiodorensi refert hæc fuisse dogmata Gilberti in eodem codice scripta.

Quod divina natura, qua Divinitas dicitur, Deus non sit, sed forma qua Deus est: quemadmodum humanitas homo non est, sed forma qua est homo.

Quod cum Pater, & Filius, & Spiritus Sanctus unum esse dicuntur, non nisi una Divinitate esse intelligantur; nec converſi possit, ut unus Deus, vel una substantia, vel unum aliquid Pater, & Filius, & Spiritus Sanctus esse dicatur.

Quod tres persona, tribus unitatibus sint tria, & distincta proprietates tribus, qua non sunt ipsa Persona, sed sunt tres res æterna, & ab invicem à divina substantia differentes.

Est etiam alius error circa Incarnationem, de quo agemus, quando Myſterium illud explicabimus.

Contra prædictos errores ita definitum fuit in illo Concilio.

Credimus & confitemur, simplicem naturam Divinitatis esse Deum; nec aliquo sensu Catholico posse negari, quin Divinitas sit Deus, & Deus Divinitas. Sicuti verò dicit divina sapientia, Dominum sapientiâ sapientem, magnitudine magnum, Divinitate Deum esse, & alia hujusmodi, credimus, non nisi eâ sapientiâ, qua est ipse Deus, sapientem esse, non nisi magnitudine, qua

qua est ipse Deus, magnum esse: non nisi ea aternitate, qua est ipse Deus, aeternum esse: non nisi ea unitate unum, qua est ipse: non nisi ea Divinitate Deum, qua est ipse: Id est seipso sapientem, magnum, aeternum, unum Deum.

Cum de tribus personis loquimur, Patre, & Filio, & Spiritu Sancto, ipsas unum Deum, unam Divinam substantiam esse fateamur: & e converso, cum de uno Deo, una Divina substantia loquimur, ipsum unum Deum, unam Divinam substantiam esse tres personas confitemur.

Credimus, & confitemur, solum Deum Patrem, & Filium, & Spiritum Sanctum aeternum esse; nec aliquas omnino res, siue relationes siue proprietates, siue singularitates, vel unitates dicantur, vel alia huiusmodi, adesse Deo, qua sint ab aeterno, & non sint Deum.

Noluit tamen S. Pontifex has definitiones esse regulam fidei; non quod non sint verissimae, sed quia à Patribus Provinciarum, id est Episcopis, sine Cardinalibus factae fuerant. Ipse autem cum toto Concilio, siue Cardinalibus, & Episcopis primam definitionem, in qua erat tota, vel saltem praecipua controversia, confirmavit in hunc modum. Ne aliquaratio in Theologia inter naturam, & personam divideret; neve Deus Divina essentia diceretur ex sensu ablativitarum, sed etiam nominativi; Id est non solum diceretur, Pater v. g. est Deus ipsa Deitate, sed dicatur, Pater ita est Deus ut sit ipsa Deitas. In quo cendematur Gilbertus, qui volebat concedere, Patrem esse Deum in casu nominandi: ut ostenderet Personam Divinam esse Deum per ipsam naturam Divinam, sed non esse ipsammet naturam; sicut persona hominis est homo per humanitatem, sed non est propterea ipsa humanitas, & paries est albus per albedinem, sed non est ipsa albedo.

Vasquez loco citato asserit, Gilbertum non aliam admisisse in divinis distinctionem, inter essentiam, & relationes divinas, quam distinctionem formalem ex natura rei, sicut Scotum; ideoque distinctiones pra-

dictas tam bene militare contra sententiam Scoti, quam Gilberti. Magistrum suum Scotum defendunt ejus discipuli, Maius loco supra citato & alij omnes Scotistae; qui asserunt Gilbertum admisisse distinctionem realem majorem inter essentiam, & relationes, itaut voluerit eas esse res distinctas, ideoque condemnatum fuisse. Idem asserunt omnes antiqui Doctores, quibus hac in parte major est adhibenda fides, quam uni Vasquesio. Imò D. Thomas. 1. p. qu. 28. a. 2. in corp. dicit Gilbertum asseruisse, quod *relationes in divinis sunt assistentes, sive extrinsecus affixae*. Quia, ut patet ex dictis, volebat, quod relationes adessent Deo, quod est esse ipsi assistentes; & tamen non essent neque natura divina, neque personae, quod est eas esse extrinsecus affixas, ut loquitur Doctor angelicus.

Nolo in hac quaestione magis immorari, quia non est necessaria candidatis Theologiae. Sufficit eis scire, quod cujuscunque tandem fuerit hac opinio de distinctione reali majori inter essentiam & relationes divinas, modò est heresis manifesta. Nam in generali, & oecumenico Concilio Lateranensi fuit expressè distinctum, ut referemus in sequ. paragr. quod personae divinae sunt una eademque omnino res cum ipsa natura divina: & quod non datur in Deo quaternitas rerum sed solummodo Trinitas: unde proprietates, sive relationes divinae nequeunt esse tres distinctae à personis, & ab ipsa essentia, si enim foret plusquam quaternitas.

Patet quoque ex dictis, quod nullum aliud Gilberti fundamentum erat, nisi illud idem quod fuit Durandi, & Scoti: Nimirum concipere non poterat, quomodo si natura, & persona divina forent unum idemque realiter, possent de ipsis realiter verificari haec contradictoria, persona, nempe Pater, generat, & natura divina non generat; persona, nempe filius gignitur, natura autem non gignitur: & idem est de alijs similibus contradictorijs.

Sed jam satis superque ostendimus, quod haec aliaque omnia contradictoria non verificantur anteceder, sed consequenter ad oppositionem relativam: cum

Sci
per
fil
nem
cum
poti
verif
per
omni
infin
erit
capi
expo
Co
gum
habe
Vell
nem
qua
jossit
Deus
vinit
est D
tanta
est?
Deus
ne ni
adeo
aliqu
si ali
Deo,
Deus
parem
non L
num
Jam d
iaque
mus:
aliam
vultus
ans;

Nullum nihil possit generare seipsum, necesse est quod persona generans, & persona genita, sive Pater, & filius, realiter distinguantur, quod sit per oppositionem relativam: quam oppositionem communem habeant cum essentia, non distinguuntur ab ipsa realiter, sed potius identificantur: unde prædicta contradictoria verificantur realiter de essentia divina, & personis, per solam distinctionem realem inter personas, saluam omnimodam earum identitatem cum essentia. Hoc iterum insinuasse non est necesse pro viris doctis, utile tamen erit tyronibus, qui difficultates facilis, & melius capiunt, dum varijs modis, & sub varijs terminis exponuntur.

Contra hæresim illam sic efficaciter, & egregie argumentatur D. Bernardus serm. 80. in cantica, ubi sic habet. Recedant a vobis, charissimi, recedant novelli non dialectici, sed hæretici, qui magnitudinem, qua magnus est Deus, & item bonitatem qua bonus, sed & sapientiam qua sapiens, & justitiam qua justus, postremo divinitatem qua Deus est, Deum non esse impiissime disputant. Divinitate, inquirunt: Deus est: sed divinitas non est Deus. Forsitan non dignatur Deus esse quæ tanta est ut faciat Deum. Sed si Deus non est quid est? aut enim Deus est, aut aliquid quod non est Deus, aut nihil. Equidem non dæ Deum esse. Sed ne nihilum quidem (ut opinor) dabis, quam usque adeo necessariam Deo esse fatear, ut non modo absque eâ Deus esse non possit, sed eâ sit. Quod si aliquid est quod non est Deus: aut minor erit Deo, aut major, aut par. At quomodo minor, quod Deus est? Restat ut aut maiorem fatear, aut parem. Sed si maior, ipsa est summum bonum, non Deus. Si par, duo sunt summa bona, non unum. Quod utrumque Catholicus refugit sensus. Jam de magnitudine, bonitate, justitia, sapientiaque, idem per omnia quod de divinitate sentimus: unum in Deo sunt, & cum Deo. Nec enim aliunde bonus, quam unde magnus; nec aliunde iustus, aut sapiens, quam unde magnus, & bonus; nec aliunde denique fiunt hæc omnia est.

quam unde Deus; & hoc quoque non nisi seipso.

Idem sanctus lib. 5. de consideratione, cap. 8. Sic loquitur. Personarum proprietates, non aliud quam personas, ipsasque non aliud quam unum Deum, unam substantiam, unam divinam naturam, unam divinam & summam maiestatem fides Catholica confitetur. Numera ergo, si potes, aut sine substantia personas, quae ipsae sunt, aut sine personis proprietates quae ipsae sunt: aut si dividere quis conetur vel personas a substantia, vel proprietates a personis, nescio quomodo Trinitatis se profiteri cultiorem possit, qui in tantam rerum numerositatem excesserit. Dicamus itaque res, sed non ad praesudicium unitatis: Dicamus unum, sed non ad confusionem Trinitatis: neque enim nomina vacua sunt, nec absque significantia cassa voces. Quare quis quomodo illud quod Catholicum esse dicimus, possit esse? Sufficiat ei tenere sic esse. Atque hoc iam non rationi perspicuum, nec tamen opinioni ambiguum, sed fidei persuasum. Sacramentum hoc magnum est: & quidem venerandum, non scrutandum. Quomodo pluralitas in unitate, & hac unitate, aut ipsa in pluralitate, Scrutari hoc temeritas est, credere pietas est, nosse vita, & vita aeterna est.

§. XI.

De errore Abbatis Joachimi.

Mira Ecclesia benignitas erga filios suos.

In Concilio generali, & oecumenico Lateranensi 4. sub Innocentio 3. in capitulis fidei, titulo 2. de errore Abbatis Joachimi, sic habetur. Damnamus ergo, & reprobamus libellum, sive tractatum, quem Abbas Joachimus edidit contra Magistrum Petrum Lombardum, de unitate seu essentia Trinitatis, appellans ipsum hereticum & insanum, pro eo quod in suis dixit sententiis, quoniam quadam summa res est Pater & Filius & Spiritus Sanctus

& illa
proced
tate
delic
riam
nulla
sanct
tura
& Spi
stani
ju(mo
divin
admo
& mi
Ad
potiss
fidelit
sunt un
confur
Christi
comm
id est
tem,
indis
No
bant
una
quid
Filiu
ac fin
Deo T
quali
subst
la est
liud
rans
quis
dus
& m
alias
liud
sanct

Et illa res non est generans, neque genita, neque procedens. Unde assertit quod ille non tam Trinitatem quam quaternitatem adstruebat in Deo, videlicet tres personas, Et illam communem essentiam quasi quartam: Manifestè protestans, quod nulla res est qua sit Pater Et Filius Et Spiritus sanctus, nec est essentia, nec substantia, nec natura: Quamvis concedat, quod Pater Et Filius Et Spiritus sanctus sunt una essentia, una substantia, unaque natura. Verum unitatem huiusmodi non veram Et propriam, sed quasi collectivam Et similitudinariam esse fatetur, quemadmodum dicuntur multi homines unus populus, Et multi fideles una Ecclesia &c.

Ad hanc autem sententiam adstruendam illud potissimum verbum inducit, quod Christus de fidelibus inquit in Evangelio: Volo Pater ut sint unum in nobis, sicut & nos unum sumus, ut sint consummati in unum. Non enim, ut ait, fideles Christi sunt unum, id est una quadam res qua communis sit omnibus, sed hoc modo sunt unum, id est una Ecclesia propter Catholicam fidei unitatem, Et tandem unum regnum propter unionem indissolubilis charitatis &c.

Nos autem sacro, Et universali Concilio approbante credimus, Et confitemur cum Petro, quod una quadam summa res est, incomprehensibilis quidem Et ineffabilis, qua veraciter est Pater Et Filius Et Spiritus sanctus, tres simul persone, ac singulatim qualibet earundem. Et ideo in Deo Trinitas est solummodo, non quaternitas: Quia qualibet earum personarum est illa res, videlicet substantia, essentia, siue natura divina, qua sola est universorum principium, præter quod aliud inveniri non potest. Et illa res non est generans, neque genita, nec procedens: sed est Pater qui generat, Filius qui gignitur, Et Spiritus sanctus qui procedit: ut distinctiones sint in personis, Et unitas in natura. Licet igitur alius sit Pater, alius Filius, alius Spiritus sanctus, non tamen aliud: sed id quod est Pater, est Filius Et Spiritus sanctus, idem omnino: ut secundum orthodoxam

Catholicam fidem consubstantialia esse credantur &c.

Cum ergo veritas pro fidelibus suis ad Patrem orat: volo, inquiens, ut ipsi sint unum in nobis, sicut & nos unum sumus: hoc nomen, unum, pro fidelibus quidem accipitur, ut intelligatur unio charitatis in gratia: pro personis vero divinis, ut attendatur identitatis in natura unitas: quemadmodum veritas alibi ait: estote perfecti sicut & Pater vester coelestis perfectus est: ac si diceret manifestius: estote perfecti perfectione gratiae, sicut Pater vester coelestis perfectus est perfectione naturae: utraque videlicet suo modo: quia inter creatorem & creaturam non potest tanta similitudo notari, quin inter eos major sit dissimilitudo notanda.

Satis superque demonstravimus consubstantialitatem Personarum, earumque veram & propriam unitatem sive identitatem in essentia & natura divina in qu. 1. hujus tract. contra haereticos: & ibidem artic. 2. §. 1. mysterium istud probavimus praesertim ex illis Christi Domini verbis: Ego & Pater unum sumus: ibidemque ostendimus, quod tantum abest ut ex his aliis verbis, ut sint unum, sicut & nos unum sumus, quae fuere praecipua occasio errandi Abbati Ioachim, tantum inquam abest, ut inferatur quidquam contra consubstantialitatem divinarum Personarum, ut potius ex eis magis confirmetur, ut fuse explicuimus ex D. Athanasio, & hic breviter insinuat in praedicto Lateranensi Concilio: unde quantum ad hoc nihil superest dicendum.

Sed notatu dignissimum est, quod quamvis ageretur de Sanctissima Trinitate, id est de maximo Religionis nostrae mysterio: quamvis illi qui negaverant consubstantialitatem divinarum Personarum, sicut juxta opinionem Abbatis Ioachim eam negare cogeremur, jamdiu fuissent condemnati tanquam haeretici, praesertim in celeberrimo Concilio Niceno: quamvis error hujus Abbatis foret pejor errore ipsorummet Arrianorum, imò pessimus; nam si divinae Personae non haberent unitatem essentiae nisi collectivam, & similitudinariam, sicut plures homines unum po-

gulum
constat
etiam
constat
ex tribu
omnium
quidem
unum
tum San
ita sine
sancti
modo
mittant
Ecclesi
cum, L
claraver
Sic en
tentia
parte d
quam h
tamen
chim ex
niamit
salutar
scripta
ca sedi
da: de
fit, in
nere, q
rum su
magistr
Cum
traheret
haeretic
scriptis
po, ut
chim, d
Bisnia
quisito
a Pegna
alia hic

Revelationibus divinis.

178

solum componentes, sequeretur quod sicut populus constat nedum ex pluribus personis humanis, sed etiam ex pluribus hominibus, ita etiam Trinitas constaret nedum ex tribus personis divinis, sed etiam ex tribus Diis: pluralitas autem Deorum est error omnium pessimus, in quem non inciderunt ne ipsi quidem hæretici Arriani, cum dicerent non esse nisi unum Deum, nempe Patrem, filium autem & Spiritum Sanctum esse creaturas. Quamvis, inquam, hæc ita sint, talis tamen tantaque est bonitas & benignitas sanctæ Matris nostræ Ecclesiæ erga suos filios, dummodo non sint pertinaces, sed ipsius iudicio se submittant: ut quia prædictus Abbas scripta sua submisit, Ecclesia nedum ipsum non condemnaverit ut hæreticum, sed potius eum Catholicum fuisse expressè declaraverit.

Sic enim subditur in Concilio. *Si quis igitur sententiam siue doctrinam præfati Ioachim in hac parte defendere vel approbare præsumpserit, tanquam hæreticus ab omnibus confutetur. In nullo tamen per hoc florenti monasterio, cuius ipse Ioachim extitit institutor, volumus derogari: quoniam ibi & regularis institutio est & observantia salutaria: maxime cum idem Ioachim omnia scripta sua nobis assignari mandaverit, apostolica sedis iudicio approbanda, seu etiam corrigenda: dictans epistolam cui propria manu subscripsit, in qua firmiter confitetur se illam fidem tenere, quam Romana tenet Ecclesia, qua cunctorum fidelium, disponente Domino, mater est & magistra.*

Cum tamen postea quidam eidem Monasterio detraherent, sub prætextu quod institutor ejus fuerat hæreticus, S. Pontifex Honorius 3. eos Apostolicis scriptis coercuit, scribens prius Lucanensium Episcopo, ut refertur in libro de mirabilibus Abbatris Ioachim, deinde Cusentino Archiepiscopo, & Episcopo Bisiniacensi, ut refertur par. I. cap. I. directorij inquisitorum, quod à nostro Eymerico compositum, & à Pegna auctum fuit. In his autem scriptis inter alia sic habetur. *Licet igitur prædictus libellus siue*

tractatus condemnatus fuerit in Concilio memorato: quia tamen idem Ioachim omnia scripta sua Romano mandavit Pontifici assignari, Apostolica sedis iudicio approbanda, dictans epistolam, cui propria manu subscripsit, in qua firmiter est confessus, se illam fidem tenere, quam Romana tenet Ecclesia, quae disponente Domino cunctorum mater est & magistra. f. t. per apostolica scripta mandamus, quatenus per totam Calabriam factis publice nunciari, quod cum virum catholicum reputamus, & regularem observantiam, quam instituit, salutarem: Eos qui ordini memorato ex hoc detrudere, vel insultare praesumpserint, mo. pram. sub Apoit. ob. castigantes.

Propterea in eodem inquisitorum directorio, par. 2. qu. 17. dicitur, quod error venialis sanctitati non repugnat: tunc autem venialis nuncupatur, quando author non est in eo pertinax, sed Ecclesiae iudicio se submittit. Sed de hoc fusius agemus exponendo novum modum concordiae Doctorum omnium circa probabilitatem, in fine tractatus de actibus humanis.

§. XII.

De opinione Nominalium.

Existimo Nominales nihil aliud velle, quam id quod docent Thomistae, & communiter alii Doctores. Dupliciter enim intelligi potest, quod distinctio rationis inter essentiam & relationes divinas, non sit nisi rationis purè ratiocinantis, proindeque sine ullo prorsus fundamento in re: vel quia revera nullatur a parte rei distinctio inter essentiam & relationes, quae fundet diversitatem conceptuum, quos de ipsis formamus; atque ita solè intelligentiā distinguantur: & hoc est quod nos ipsi volumus, & hucusque probavimus: Distinctio enim virtualis non est revera distinctio, sed solummodo distinctionis virtus, ut explicabimus in sequ. paragr. vel quasi non detur nequidem illa distinctionis virtus, quae facit quod

UNUM

unum aequaleat pluribus, atque ita præbeat occasionem, & fundamentum plurium conceptuum, & non est credibile quòd hoc velint Nominales: Quis enim negare potest, quin v. gr. Essentia divina, & Paternitas talem & tantam virtutem habeant ad hoc ut Essentia communicetur, Paternitas verò non communicetur, sed potius sit incommunicabilis, qualem & quantam haberent si realiter distinguerentur. Nihil enim amplius eis convenire posset, si revera forent distinctæ realiter, quàm ut una esset communicabilis, & altera incommunicabilis.

Si dicas, neminem negare posse distinctionem virtualem sic explicatam: sed Nominales velle, quòd sicut virtus illa distinctionis nullam revera distinctionem facit inter essentiam, & Paternitatem, prout sunt in seipsis, ita nullum præbet fundamentum formandi diversos conceptus de ipsis prout sunt in seipsis: sed diversitas illa conceptuum tota provenit ex solo nostro imperfecto concipiendi modo, quatenus in statu præsentis non possumus concipere res divinas prout sunt in se, sed eas concipimus per analogiam & proportionem ad res creatas: atque ita diversitas conceptuum, quos formamus de rebus divinis, est rationis purè ratiocinantis, non autem ratiocinatæ; cùm nullum habeat fundamentum, quod se teneat ex parte Dei.

Fateor, quòd distinctio virtualis non præbet fundamentum formandi diversos conceptus de essentia, & relationibus divinis, si concipiantur prout sunt in se: unde Beati in patria, qui vident Deum ut in se est, unico actu simplicissimo, ipsius scilicet visionis beatificæ, vident essentiam, attributa, & relationes divinas. Fateor quoque prædictam conceptuum pluralitatem provenire ex nostro imperfecto concipiendi modo pro hoc statu viæ. Sed dico quòd non provenit ex sola imperfectione nostra, sed etiam ex summa & infinita perfectione Dei, ratione cujus superexcedit captum intellectus nostri. Fundatur ergo distinctio, & pluralitas nostrorum conceptuum partim in ipsa Dei perfectione, partim in nostra imperfectione, & sic est rationis nedum ratiocinantis, sed etiam ratiocina-

tae, ut magis constabit ex seq. paragr.

§. XIII.

De virtuali distinctione essentia divina, & relationum a parte rei, & ipsarum distinctione formali per intellectum, iuxta Sententiam Thomistarum.

Utramque distinctionem jam explicuimus in tract. de attributis, quaest. 3. de simplicitate Dei, artic. 3. ex hoc loco resumemus ea, quae requiruntur ad propositum, & quaedam addemus ad plenam utriusque difficultatis intelligentiam.

1. Distinctio virtualis non est revera distinctio, sed solummodo distinctionis virtus; non enim facit, quod res distinguantur, sed e contra supponit, & exigit, quod fiat omnino unum, & idem; & nihilominus talem ac tantam virtutem habeant ad aliquid praestandum, qualem ac quantam haberent, si realiter distinguerentur. Sic essentia divina, & Paternitas, idemque est de aliis relationibus divinis, sunt omnino unum, & idem, & tamen virtutem habent ad hoc ut essentia communicetur, & Paternitas non communicetur, ac si realiter distinguerentur: unde cum sint unum, virtutem habent plurium, & ipsis aequivalent; tantum enim praestant, quantum praestare possunt variae res distinctae realiter, quarum una est communicabilis, & altera incommunicabilis.

2. huiusmodi virtualis distinctio datur a parte rei independenter ab intellectu: etenim nemine cogitante verissimum est, quod a parte rei essentia communicatur; & Paternitas non communicatur: & sic virtutem habent plurium rerum: & eis aequivalent, scilicet communicabili, & incommunicabili. Si dicas, ergo est actualis, distinguo: quasi faciat extrema actualiter ab invicem distincta, nego: quasi detur actualiter, sive de facto, concedo: sicut illi Thomistae, qui dicunt materiam primam nullum importare actum metaphysicum, fatentur tamen eam esse actua-

tem, non quasi aliquem actum includat, sed quia actualiter & de facto datur à parte rei. Distinctio igitur virtualis dici potest actualis, non nominaliter, quatenus actualis exprimitur per hoc nomen adjectivum, *actualis*, *actuale*; sed adverbialiter, quatenus exprimitur per hoc adverbium, *actualiter*.

3. Dici quoque potest, quod major est distinctio virtualis inter essentiam & relationes, quam inter essentiam & attributa; sive ut melius loquar, quod major est ratio huiusmodi distinctionem admittendi in illis, quam in istis: quia virtualis illa distinctio admittitur in essentia, & attributis, propter contradictoria, quae non verificantur de ipsis nisi ad extra, idest per connotationem creaturarum; sed inter essentiam, & relationes datur propter contradictoria, quae de ipsis verificantur ad intra, & abstrahendo ab omnibus creaturis, ut explicuimus supra in hoc art. paragr.

4. solvendo objectiones. Sufficit advertere in proposito, quod quantacunque sit, & quantumcunque multiplicari possit distinctio virtualis, nullatenus impedit omnimodam identitatem rerum à parte rei, sed eam potius supponit, & exigit, ut iam diximus.

Propterea idem de essentia, & relationibus divinis dicendum est, quod de attributis dixit D. Thomas 1. sent. dist. 2. qu. 1. art. 3. in corp. *sapientia*, inquit, *& bonitas, & omnia huiusmodi, sunt omnino unum re in Deo, sed differunt ratione: & hac ratio non est tantum ex parte ipsius ratiocinantis, sed ex proprietate ipsius rei*. Ecce quomodo Angelicus Doctor admittit distinctionem rationis etiam ratiocinatae in rebus divinis, quae scilicet fundatur in virtuali earum distinctione, & tamen vult eas esse omnino unum & idem à parte rei.

4. Virtualis illa distinctio vocatur etiam eminentialis, & fundamentalis: eminentialis quidem quia veluti sumit perfectionem, & virtutem, quae in distinctione supereminet, & relinquit imperfectionem, & formam, quae in ipsa veluti jacet: fundamentalis vero, quia praebet intellectui nostro fundamentum diversificandi conceptus, quos de rebus divinis formamus.

3. Distinctio virtualis rerum divinarum non præbet fundamentum intellectui multiplicandi, & diversificandi conceptus suos, quando cognoscuntur prout sunt in seipsis: cum enim non obstante illa virtuali distinctione res divinae sint omnino unum & idem a parte rei prout sunt in seipsis, habeantque rationem actus purissimi, ut satis patet ex dictis, quamvis habeant virtutem plurium rerum, & ipsis aequivaleant, exigunt cognosci unico simplicissimo actu & ictu tanquam unum in se & pluribus aequivalentes: & idcirco in tract. de visione Dei ostendimus quoddam Beati unico actu simplicissimo, & purissimo, ipsius nempe visionis beatificæ, vident omnia quæ sunt formaliter in Deo, nimirum essentiam, attributa, & relationes: imò quod ex his omnibus non possunt quidquam videre, quin simul ac semel eodem actu videant omnia. Unde D. Thomas loco proxime citato postquam dixit, quoddam Deum nominamus, sicut eum concipimus, subdit: *Si autem intellectus noster Deum per seipsum videret, illi rationi posset imponere nomen unum, quod erit in Patria: Et ideo dicitur Zacharia. ult. In illa die erit Dominus unus, & nomen ejus unum. Illud autem nomen non significaret bonitatem tantum, nec sapientiam tantum, aut aliquid huiusmodi, sed significata omnium istorum includeret.*

Nihilominus quamvis beati non multiplicent conceptus suos, dum vident res divinas in verbo; attamen ipsos multiplicant, dum eas vident extra verbum: quia sic eas vident non in seipsis, sed in rebus & speciebus creatis: unde cetera res illæ, & species creatæ sint realiter distinctæ, & multis ac variis modis res divinas representant, Beati fundamentum habent multiplicandi, & diversificandi conceptus suos, dum res divinas vident in huiusmodi rebus creatis representatas. Propterea idem Sanctus Doctor ibidem ex D. Chrysostomo subdit, quod *Angeli laudant Deum, quidam ut maiestatem, quidam ut bonitatem, & sic de aliis, in signum quod ipsum non vident visione comprehendente. Quam egregiam Theologiam explicabimus magis in tract. de Angelis.*

§. A fortiori nos, qui in hoc statu viam Deum non recipimus prout est in se, sed solummodo prout representatur à creaturis, cogimur multiplicare, & diversificare conceptus, quos de rebus divinis formamus. Sed ut fusè ostendimus loco cit. de attributis non debemus, nec possumus cum fundamento multiplicare conceptus implicitos, sed tantum explicitos. Quia, ut paucis resumamus, quod ibi diximus, omnia quæ sunt in Deo, essentiam, attributa, & relationes, quantumvis sint infinita, unico actu implicito possumus apprehendere, idest quando aliquid ex divinis concipimus, alia omnia possumus in illo conceptu confusè, & indistinctè involuere, quod est implicitè includere, nihil prorsus excludendo: sed non possumus explicitè, idest clarè & distinctè omnia unico tantum actu importare: Unde ipsa etiam experientià constat, quod infinitam multitudinem creaturarum possibilem unico actu implicito confusè, & indistinctè apprehendimus; sed necesse est, ut plures actus explicitos formemus, quibus earum naturam, & proprietates clarè, & distinctè dignoscere, & discernere valeamus. Cum igitur Deus sit ens omnem possibilem; & excogitabilem perfectionem, & entitatem in seipso includens, & nullam prorsus excludens, ut sæpè diximus agendo de existentia, & de infinitate Dei in eodem tract. de attributis, manifestè sequitur, quod in omni actu cognitionis ejus debemus implicitè omnia includere, & nihil excludere; sic dum concipio Paternitatem, vel alias rationes divinas, involvo in tali conceptu essentiam, & attributa, & omnia, ut dicemus magis in sequ. artic. §. 1. Idest intra meipsum dico, quod illud quod est paternitas est etiam essentia, & omnia attributa, cum sint omnino unum, & idem à parte rei. Hoc insinuat D. Augustinus lib. 7. de Trinitate, cap. 1. dicens: *Si hæc omnia pluribus vocabulis in eadem sapientia, & virtute intelliguntur, ut ea sit magnitudo qua virtus, ea bonitas qua sapientia, & ea rursus sapientia qua virtus, sicut iam tractavimus, meminerimus cum aliquod horum nomina, sic accipiendum esse, ac si omnia commemorem.* Sed cum distinctè, & clarè omnes res divinas unico actu expri-

mere minimè valeamus, cogimur multiplicare conceptus explicitos, & unum formare, quo Paternitatem concipiamus, alium quo concipiamus essentiam, & alios quibus concipiamus attributa, & relationes. Hoc insinuat D. Cyrillus lib. II. Theauri dicens: *Substantiam Dei seipsa perfectam esse; sed tamen nos cogi nonnunquam accidentium modo concipere.*

7. Fundamentum hujus distinctionis habemus tam ex parte Dei, quàm ex parte nostri, & sic est distinctio rationis tam ratiocinatæ, quàm ratiocinantis: ex parte quidem ipsius Dei fundamentum est summa perfectio, propter quam non possumus unico actu explicitè apprehendere omnia, quæ sunt in ipso, ideoque cogimur multiplicare, & diversificare hujusmodi conceptus: ex parte autem nostri est imperfectio, propter quam intellectus noster non potest ad hoc pertingere, ut omnia quæ sunt in Deo, unico actu explicitè complectatur, sed solummodo multiplicibus, & variis actibus.

Nec refert, si dicas, quòd hoc totum refundi debet in solam imperfectionem intellectus nostri, quandoquidem ipso Deo remanente aequaliter, sive omnimodè perfectò, sufficit quòd intellectus nostri tollatur imperfectio, sive quòd elevetur lumine gloriæ, ad hoc ut unico actu & ictu explicitè videat omnia quæ sunt in Deo. Nam contra est, quòd ex utroque capite provenit, scilicet ex ipsa perfectione Dei, & ex nostra imperfectione, quòd intellectus noster indigeat ita elevari: si enim vel Deus non esset ita perfectus, vel intellectus noster ita imperfectus, elevatio non foret necessaria. Semper ergo manet, quòd distinctio, & diversitas conceptuum, quæ de rebus divinis format intellectus noster non elevatus, fundamentum habet & ex parte Dei, & ex parte nostri. Sicut quòd nostra solem videre nequeat, ex utroque capite provenit; & ex nimia claritate solis, & ex nimia debilitate visus noctuæ: Nam si vel ipse sol non foret ita lucidus, vel ipse visus noctuæ non foret ita debilis, posset noctua solem videre. Vnde D. Thomas loco jam sæpè citato ait: *Sic ergo patet, quòd pluralitas nominum venit ex hoc quòd ipse Deus nostrum intel-*

lectum
lectum
plenit
lectum
preh
rum r
nostri
sua p
nostri
tionu
quiden
qua co
sentur
Tar
quàm
ter eff
Nam
dari à
Thom
lectum
ctione
sic col

K
Id
dere n
essenti
verum
negavi
Id
infamia
ideo e
unitat
Id
verum
e'lene
storia

lectum excedit. Quod autem Deus excedat intellectum nostrum, est ex parte ipsius Dei, propter plenitudinem perfectionis ejus; & ex parte intellectus nostri, qui deficienter se habet ad eam comprehendendam. Unde patet, quod pluralitas istarum rationum non est tantum ex parte intellectus nostri, sed etiam ex parte ipsius Dei, inquantum sua perfectio superat unamquamque conceptionem nostri intellectus: & ideo pluralitati istarum rationum respondet aliquid in re qua Deus est; non quidem pluralitas rei, sed plena perfectio; ex qua contingit, ut omnes ista conceptiones ei appetantur.

Tandem patet ex dictis, quod tam Thomistæ, quam Scotistæ admittunt distinctionem formalem inter essentiam & relationes divinas, sed diversimodè: Nam Scotistæ volunt distinctionem illam formalem dari à parte rei ex ipsa natura essentia, & relationum; Thomistæ verò asserunt eam non dari nisi per intellectum cum fundamento in re, scilicet in sola distinctione virtuali ejusdem essentia, & relationum. Et sic tollitur omnis æquivocatio.

§. XII.

*Reflexio notatu dignissima pro doctrina
D. Thoma.*

Id quod hæretici concipere non potuerunt, & credere noluerunt, quod tres personæ divinae sint unius essentia: & ideo Arriani, & alii ex una parte negaverunt unitatem essentia, Sabelliani, & alii ex altera negaverunt distinctionem personarum.

Id quod ex Catholicis Abbas Ioachim reputavit insaniam, quod personæ divinae sint substantiales: & ideo eas dixit esse ejusdem essentia solummodo per unitatem quasi collectivam, & similitudinariam.

Id quod Gilbertus, Durandus, & Scotus existimaverunt impossibile, & incomprehensibile, quod de essentia, & relationibus divinis verificentur contradi-
ctoria realiter, & propterea nullatenus realiter distin-

gnerentur: unde Gilbertus posuit inter eas distinctionem realem maiorem, Durandus minorem, & Scotus minimam.

Id inquam totum Doctor noster angelicus ita clarè & facile exposuit, ut nihil ulterius desiderari possit videatur ad intelligentiam mysterii SS. Trinitatis, quantum patitur ipsius sublimitas, & nostra fragilitas: non enim excogitari potest major consubstantialitas divinarum personarum, siue identitas earum in essentia, quàm quòd in ea non obstantibus quibuscunque contradictoriis sint omnino unum & idem.

ARTICULUS II.

De aliis difficultatibus relationes divinas concernentibus.

Difficultates, quæ supersunt circa divinas relationes, partim explicabuntur in hoc articulo, & partim in sequ. questionibus, ob connexionem, quam cum illis habent.

§. I.

Utrum essentia divina sit de conceptu relationum, & e converso.

Hæc difficultas non est nisi de terminis: nec authores dissentiunt nisi ferè in solo modo explicandi; idcirco eam unico verbo resolvo.

Conclusio. Essentia divina & relationes, si sumantur prout sunt à parte rei, sese mutuo important in suo conceptu: si autem sumantur secundum perfectum concipiendi modum ipsorum beatorum sunt etiam de mutuo conceptu tam explicito quàm implicito: si verò secundum imperfectum concipiendi modum viatorum, sint invicem de conceptu implicito, sed non explicito: sed siue sumantur secundum rem, siue secundum rationem, essentia est de conceptu à sequato relatio-

nium, ipsæ autem relationes non sunt nisi de conceptu inadæquato essentiae.

Probatur, vel potius patet tota conclusio ex dictis in articulo præcedenti. Et 1. quod à parte rei essentia sit de conceptu relationum, & e converso relationes de conceptu essentiae, constat. Quia ut fuscè ostendimus, sunt omnino unum & idem nedum realiter, sed etiam formaliter, cum sola distinctione virtuali, quæ revera non est distinctio, sed solummodo distinctionis virtus: ita ut sint una purissima, & simplicissima res, & formalitas pluribus æquivalens, earumque virtutem habens. Ergo patet, quod sese mutuo important in suo conceptu, & nullatenus in ipso distinguuntur. Unde egregiè Card. Cajetanus 1. p. qu. 39. a. 1. in comment. § ad evidentiam, ait: *Sicut in Deo secundum rem sive in ordine reali est una res, non purè absoluta, nec purè respectiva, nec mixta, aut composita, aut resultans ex utraque; sed eminentissime & formaliter habens, quod est respectivi, imò multarum rerum respectivarum, & quod est absoluti: Ita in ordine formali, seu rationum formalium, secundum se, non quoad nos loquendo, est in Deo unica ratio formaliter, non purè absoluta, nec purè respectiva, non purè communicabilis, nec purè incommunicabilis, sed eminentissime ac formaliter continens, & quidquid absoluta perfectionis est, & quidquid Trinitas respectiva exigit.*

Propterea essentia divina, & relationes à parte rei sunt ens divinum transcendens, quod propter suam omnimodam infinitatem imbibitur in omnibus quæ sunt in Deo, eaque omnia in suo conceptu importat, nisi ubi obviat oppositio relativa: Unde Angelicus Doctor 1. p. qu. 27. a. 2. ad 3. ait: *In ipsa perfectione divini esse continetur & verbum intelligibiliter procedens, & principium verbi, & quæcunque ad eius perfectionem pertinent. Ubi noster Card. Cajetanus in commentario sic habet. Notate aurea verba, scilicet in ipsa perfectione divini esse continetur & verbum, &c. Perspicue enim apparet hic, quod nulla est distinctio formalis actu inter*

essentiam divinam, proprietates personales, & attributa, & reliqua, quæ in Deo formaliter salvantur: ipsa enim perfectio divini esse, si secundum se (ut sic liceat loqui) diffiniretur, hac omnia in se concluderet; & propterea omnem huiusmodi distinctionem in Deo non nisi virtualiter, in intellectu vero secundum rationem posito.

2. Beati unico simplicissimo actu, ipsius nempe visionis beatificæ, & Deum ipsum vident prout est in se, & omnia omnino quæ sunt in ipso, clarè, distinctè & explicitè. Ergo respectu Beatorum, & essentia est de conceptu etiam explicito relationum, & similiter relationes sunt de conceptu essentia. Uno verbo Beati videndo Deum, vident uno eodemque conceptu explicito omnia quæ sunt formaliter in ipso: Imò ut ostendimus in tract. de visione Dei, nihil ex his videre possunt, quin simul ac semel omnia videant.

3. Diximus tamen in §. pen. articuli præcedentis, quòd hoc intelligitur de Beatis, quatenus res divinas vident in verbo: Nam quatenus vident eas extra verbum, formant de ipsis multiplices, & varios conceptus, non quidem implicitos, sed explicitos. Et multò magis viatores, ut ibidem explicuimus, qui non vident Deum prout est in se, sed solummodo prout representatur à creaturis, coguntur multiplicare, & diversificare conceptus explicitos, quos formant de rebus divinis: quamvis uno eodemque conceptu implicito possint, & debeant apprehendere omnia, quæ sunt in Deo.

Et sic generaliter loquendo diximus, quòd dum aliqua non distinguantur nisi virtualiter, unum est de conceptu implicito alterius, sed non explicito, & è converso: Unde cum essentia divina, & relationes non distinguantur nisi virtualiter, sequitur, quòd essentia est de conceptu implicito, sed non explicito relationum; & è converso relationes de conceptu implicito, sed non explicito essentia. Igitur essentia, & relationes æqualiter sese includunt in conceptu implicito, & æqualiter sese excludunt in explicito: Unde D. Thomas qu. 39. a. 6 ad 2. ait: *Sicut est per se ista, Pater est Deus; ita & ista, Deus est Pater,*

¶ *Nulla modo per accidens.* Quasi diceret, æqualiter utraque propositio verificatur per se, scilicet primo modo perfectitatis, in quantum prædicatum est de essentia subjecti: Sicut ergo Pater ita est Deus, ut Divinitas sit de conceptu essentiali Patris, si non explicitè saltem implicitè: ita Deus ita est Pater, ut Paternitas sit de conceptu Dei, si non explicitè saltem implicitè.

Quando autem idem angelicus Doctor qu. 8. de potentia, artic. 2. ad 6. ait: *Quod non secundum propriam rationem prædicatur, sed propter rei identitatem, non etiam prædicatur per se.* Cum ergo dicatur, *essentia divina est Paternitas, non ergo prædicatur Paternitas de essentia divina propter identitatem rationis, sed propter identitatem rei;* & similiter nec *essentia de Paternitate.* Nihil aliud vult, nisi quod essentia, & Paternitas prædicantur invicem per se, quatenus realiter identificantur, & sunt etiam idem quoad conceptus implicitos, qui in illa identitate reali fundantur; sed prædicantur quasi per accidens, quatenus virtualiter distinguuntur, & etiam quoad conceptus explicitos, qui in tali distinctione virtuali fundantur. Igitur explicitè, & quoad modum significandi, ratio nostra concipit essentiam, & Paternitatem, quasi una se haberet accidentaliter ad alteram; quamvis revera implicitè, & quoad ipsam rem significatam sese invicem importent in suo essentiali conceptu. Hanc distinctionem de modo significandi, & de ipsa re significata explicuimus satis in præced. artic. Exponendo veram mentem Conciliorum, & Patrum.

4. Quod autem siue divina essentia, & relationes sumantur secundum rem, siue secundum rationem, essentia sit de conceptu adequato relationum, v. g. Paternitatis; relationes verò non sint de conceptu adequato sed tantum inadequato ipsius essentiae, pater. Quia quidquid importat Paternitas, quidquid etiam importat quælibet alia relatio, hoc totum & totaliter, ac proinde adequatè importatur in conceptu essentiae: quidquid verò importat essentia, hoc totum non importatur in Paternitate; nam essentia importat filiationem, &

tamen filiatio non importatur in conceptu Paternitatis, saltem constitutivè, sed solummodo correlativè. Ratio radicalis est, quia juxta commune axioma suo loco explicandum, *In divinis nulla est distinctio, nisi quam facit relativa oppositio*; unde cum inter Essentiam & relationes nulla sit relativa oppositio, nulla etiam est inter eas distinctio; atque ita quidquid est de conceptu relationum, est etiam de conceptu essentiae, modo jam explicato: & sic essentia in suo conceptu adaequat omnes relationes. Sed quia inter relationes ad invicem, sicut datur relativa oppositio, ita etiam realis distinctio; inde fit, quòd una relatio non est de conceptu alterius, aut e contra; sic Paternitas non est de conceptu filiationis, nec filiatio de conceptu Paternitatis: & sic relationes non adaequant conceptum essentiae, sed ad illam inadaquatè se habent: & cum Essentia se ad omnes Personas extendat, relationes ad aliquas tantùm determinantur, ut Paternitas ad Patrem, & sic de aliis, ut explicabimus postea magis.

Obiic. 1. Concilium Lateranense 4. sub Innocentio 3. ita expressè diffiniivit contra Abbatem Ioachim: *Dici non potest, quòd partem suae substantiae illi dederit (scilicet Pater filio) & partem retinuerit ipse sibi; cum substantia Patris indivisibilis sit utpote simplex omnino*. Sed hoc esset falsum, si Paternitas foret de conceptu essentiae: sic enim partem substantiae, sive essentiae suae sibi retinuisset; cum paternitatem non communicaverit filio. Ergo. 2. D. Thomas 1. p. qu. 33. a. 3. ad 1. ait: *Communia absolute dicta secundum ordinem intellectus nostri, sunt priora quam propria: quia includuntur in intellectu propriorum, sed non e converso. In intellectu enim persona Patris intelligitur Deus, sed non convertitur*. 3. Quando aliqui duo sese mutuo in suo conceptu important, quidquid est de conceptu unius, est etiam de conceptu alterius; & ubicunque reperitur unum reperitur & aliud: utrumque autem est falsum, loquendo de essentia divina, & Paternitate; nam omnes relationes sunt de conceptu essentiae secundum nos, & tamen non omnes sunt de

conceptu Paternitatis : Essentia etiam reperitur in tribus divinis Personis , in quibus non reperitur Paternitas , cum sit in solo Patre. Ergo Essentia & Paternitas non important sese mutuò in suo conceptu.

4. Essentia in illo priori originis , in quo Pater concipitur potens generare filium , intelligitur tota & integra , ac perfecta : & tamen non intelliguntur in illo priori omnes relationes , cum nondum supponantur filius , & Spiritus Sanctus. Ergo non omnes relationes sunt de conceptu essentia.

Resp. ad 1. distinguendo , uel potius exponendo auctoritatem Concilij : non partem dedit suae substantiae , & partem retinuit , quantum ad ea omnia , in quibus non obviat oppositio relativa , conc. quantum ad ea in quibus obviat talis oppositio , ne. Hoc enim Concilium non est contrarium , sed conforme aliis Conciliis , ex quibus suo loco explicabimus illud commune axioma : *In divinis omnia sunt unum , nisi ubi obviat oppositio relativa* : Vnde cum quantum ad essentiam divinam , prout est virtualiter radix eorum omnium quae sunt in Deo , & quantum ad omnia prorsus attributa , nulla oppositio relativa impediatur communicationem ; inde fit , quod Pater quantum ad haec omnia suam substantiam communicat filio , non ex parte , sed ex toto : Verum quia quantum ad paternitatem , oppositio relativa impedit communicationem ; ideo quamvis ad conceptum essentiae pertineat , non propterea communicatur filio.

Ad 2. dico , quod cum D. Thomas , ut supra retulimus , asserat , quod istae duae propositiones aequaliter verificentur per se & essentialiter , *Pater est Deus , & Deus est Pater* , consequenter docet , quod tam paternitas est de conceptu Divinitatis , quam Divinitas de conceptu paternitatis , si loquamur quantum ad substantiam inclusionis unius in altera , sed non quantum ad modum : quia divinitas est de conceptu adequato Patris ; sic enim ipsum adequat , ut quidquid pertinet ad Patrem , hoc totum & totaliter in conceptu divinitatis importetur : sed Paternitas non est de conceptu adequato Dei ; quia ipsum non adequat , & quidquid pertinet ad Deum , non importa-

tur in conceptu Patris, cum relationes Filij, & Spiritus sancti in conceptu Dei sint inclusæ, & non in conceptu Patris. Et hoc est quod vult Doctor Angelicus in autoritate, quæ obijciuntur, quod nempe communia adæquent propria, sed non e converso, quia propria non ita se extendunt sicut communia, v. g. homo non ita latè pater, sicut animal: sic etiam paternitas est in solo Patre, Divinas autem se extendit ad tres divinas Personas.

Ad 3. dico juxta prædictum axioma, quod in præsentis est regula generalis ad solvendas objectiones, quod quando duo sese important in suo conceptu, quicquid est de conceptu unius est etiam de conceptu alterius, si non obijet relativa oppositio, verum est si obijet, falsum est: obstat autem oppositio relativa, ne omnes relationes sint de conceptu paternitatis, quamvis omnes sint de conceptu essentia. Similiter eadem oppositio impedit, ne paternitas reperiat in tribus Personis sicut essentia.

Ad 4. Dico prioritatem originis in divinis non esse prioritatem in quo, sed à quo; itaut quamvis unum sit ab alio, nullum tamen esse, vel concipi potest signum vel instans sive rei sive rationis, in quo aliquid sit vel concipiat quin simul ac semel sit & concipiat aliud, & uno verbo quicquid est in Deo: unde in illo signo in quo Pater concipitur potens generare filium, sicut essentia divina concipitur tota, & integra, ac perfecta, ita concipitur importare relationes filij, & Spiritus Sancti. Sed hoc magis explicabitur, quando agemus de objectis, ex quorum cognitione, & amore procedunt Filius, & Spiritus Sanctus.

Inferes ex dictis, quod in divinis relationes non dicuntur essentialiter, sed notionaliter: quamvis enim sint de conceptu divinæ essentia, quia tamen non sunt nisi de conceptu ipsius inadæquato, & inconvertibiliter, & propterea non comitantur eam ubicunque reperitur; sed cum essentia sit communis omnibus Personis, relationes sunt propriae unius tantum vel duarum: ideo non dicuntur essentialiter, nec se habent ut proprietates essentielles, quæ ubique concomitantur essentiam sicut attributa, sed sunt modi reales, qui

essentia quidem sunt intrinseci, sed tamen Personarum sunt proprii, ideoque notionaliter dicuntur.

§. I I.

*In divinis non sunt relationes reales nisi
solius originis.*

*Eligitur facilior modus exponendi hanc
D. Thomae Doctrinam.*

Doctor Angelicus 1. p. qu. 28. a. 4. in corp. sic habet. *Relationes reales in Deo non possunt accipi nisi secundum actiones, secundum quas est processio in Deo non extra sed intra.* Ex quo inferunt omnes Thomistae, & communiter alij Theologi, quod non sunt in divinis nisi relationes originis, secundum quas una persona procedit ab alia.

Nihilominus Scotus ejusque discipuli 1. sent. dist. 31. qu. unica asserunt, praeter relationes originis dari in divinis relationes reales identitatis, similitudinis, & aequalitatis, quatenus Personae divinae sunt aequales, & similes, imò etiam realiter idem in essentia, & in omnibus attributis, & ut tales correferuntur ad invicem. Posset etiam dicere aliquis, quod in ipsis relationibus, quibus constituuntur Personae, fundantur relationes reales oppositionis, distinctionis, & similes, quatenus Personae ad invicem correferuntur tanquam dicentes realem distinctionem, & relativam oppositionem.

Variis modis exponitur, & defenditur doctrina D. Thomae. Eligo faciliorem, & dico, quod nequeunt dari in divinis relationes reales identitatis, similitudinis, aut aequalitatis. Quia hujusmodi relationes forent solo numero distinctae. Sed in divinis nequit dari distinctio pure numerica. Ergo. mi. constabit ex initio tractatus de Angelis, ubi ostendemus, quod distinctio pure numerica desumitur à materia. Sicut ergo in Deo nequit dari materia, ita nec talis distinctio. Major facile probatur. Quia relationes illae identitatis, similitudinis, & aequalitatis non possunt specifi-

cari, vel quasi specificari nisi à suo fundamento, & termino, ut docent omnes Philosophi. Fundamentum autem & terminus earum in creaturis non distinguuntur specie sed numero tantum, in divinis autem non distinguuntur nequidem numero: nam relationes identitatis in natura dantur v. g. inter duos homines, qui conveniunt in natura specifica hominis, & differunt solummodo in natura individuali, sive numerica: relationes similitudinis dantur inter duo alba, quorum qualitates sive albedines sunt ejusdem speciei solo numero differentes: & similiter aequalitas inter duo corpora, quorum quantitates molis specie conveniunt, & numero differunt. In divinis autem relationes aequalitatis non quidem in quantitate molis, quae non datur in Deo, sed in quantitate virtutis, & relationes similitudinis, non in qualitatibus, quae non dantur etiam in divinis, sed in attributis, quae se habent ad essentiam veluti qualitates ad substantiam, & relationes identitatis in ipsa divina essentia, omnes inquam hujusmodi relationes habent pro fundamento, & termino essentiam & attributa, quae tantum abest ut per se sicè distinguantur, quin potius sunt realiter idem numerice in tribus divinis Personis, ut fatentur omnes. Ergo si darentur, essent relationes solo numero differentes.

Dices sicut relationes originis differunt quasi specie, quia licet fundentur in natura divina, quae per originem communicatur, tanquam in fundamento proximo, & immediato, attamen fundantur quoque in suppositis Personarum communicantibus hanc naturam, scilicet in supposito Patris generantis filium, & in suppositis utriusque spirantis Spiritum Sanctum, tanquam in fundamento remoto & mediato: & similiter hujusmodi relationes originis terminantur ad naturam communicatam tanquam ad terminum proximum, & immediatum, & ad supposita Personarum, scilicet filij & Spiritus Sancti quibus communicatur, ut satis patet ex dictis supra de principio, & termino processionum: & quia licet natura sit ejusdem quasi speciei, supposita tamen sunt quasi speciei diversa, hoc sufficit, ut relationes originis sint quasi specie differentes

differentes. Similiter dici potest, quod essentia, & attributa sunt fundamentum proximum, & immediatum prædictarum relationum identitatis, similitudinis, & æqualitatis: sed supposita Personarum, quæ in essentia & attributis identificantur, & similia sunt, ac cœqualia, sunt fundamentum remotum, & mediatum earundem relationum: quæ proinde non distinguerentur solo numero, sed quasi specie diversificarentur.

Sed in hoc magnum est discrimen, ex quo dependet totius difficultatis intelligentia. Etenim supposita divinarum Personarum fundant relationes originis, nedum prout identificantur in natura, quæ per originem communicatur, sed etiam prout ab invicem quasi specie differunt: quia v. g. suppositum filij etiam formaliter & reduplicativè prout quasi specie differt à supposito Patris, ab ipso originatur, & producitur: unde non est mirum, si relationes originis differentiam quasi specificam trahant, non quidem ab ipsa natura divina, sed ab ipsis Personarum suppositis. Verum huiusmodi supposita non fundarent prædictas relationes identitatis, similitudinis, & æqualitatis, prout ab invicem quasi specie differunt; sic enim non sunt idem, sed distincta, nec similia aut æqualia, sed potius ut ita dicam dissimilia & inæqualia; sed eas fundant purè & præcisè ac totaliter quatenus in ipsa essentia, & attributis sunt realiter idem numero: unde tales relationes non possent ex ipsis suppositis trahere differentiam quasi specificam: sed ad summum reciperent distinctonem purè numericam. Quod explicatur hoc evidenti exemplo: homo & paries specie differunt, & tamen relationes similitudinis, quibus ad invicem correferuntur tanquam albi, non differunt nisi solo numero: quia non fundantur in homine & pariete quatenus specie differunt, sic enim non sunt similes, sed potius dissimiles, sed fundantur in eis purè & præcisè ac totaliter quatenus in albedine conveniunt: unde sicut albedo non est in eis specie differens, sed tantum numero, ita & relationes illæ non sunt nisi numero differentes: ita quia personæ divinæ non fundarent prædictas relationes identitatis,

similitudinis, & æqualitatis, prout differunt ab invicem, sed prout in essentia, & attributis conveniunt; relationes illæ non forent distinctæ nisi solo numero, quod ut jam diximus, implicat in divinis.

Non possunt etiam admitti in divinis relationes reales distinctionis, vel oppositionis, quæ fundentur in ipsis relationibus, quibus Personæ divinæ ab invicem distinguuntur, & relativè ad invicem opponuntur. Quia ut docent omnes Philosophi, non datur relatio relationis, nec actio actionis, & sic de alijs; quod enim est per se tale, non debet fieri tale per aliud, unde cum relatio seipsam essentialiter referat, non debet referri per aliam relationem; ista enim relatio referretur similiter per alteram, & hæc adhuc per aliam, & sic daretur processus in infinitum. Non possunt igitur dari relationes reales distinctionis, & oppositionis in divinis; sed ipsæmet relationes originis per seipsas correferuntur ad invicem tanquam realiter distinctæ, & relativè oppositæ: unde D. Thomas I. p. qu. 42. artic. 1. ad 4. ait: *cum dicimus quod paternitas opponitur filiationi, oppositio non est relatio media inter paternitatem, & filiationem; quia utroque modo relatio multiplicaretur in infinitum.*

Si dicas quidquid sit de creaturis, falsum esse quod in divinis non detur relatio relationis, sive quod una relatio non fundet aliam: etenim in ipsis relationibus originis oppositum patet: nam relatio spirationis activæ fundatur in relationibus paternitatis, & filiationis. Ergo etiam relationes distinctionis & oppositionis fundari possent in relationibus originis.

Resp. magnum esse discrimen, ex quo etiam dependet totius difficultatis intelligentia. Nam relatio distinctionis, vel oppositionis esset ejusdem relationis ad eandem terminum, ut paternitatis ad filiationem: & sic id quod est per se tale fieret tale per aliud, paternitas enim quæ per seipsam refertur ad filiationem, referretur etiam ad illam per illam alteram relationem distinctionis, vel oppositionis. Inevitabilis quoque foret processus in infinitum: hæc enim altera relatio foret similiter distincta à filiatione, ipsæque rela-

tive opposita, & sic referri deberet per relationem alteram, & hæc per alteram absque ullo fine. At verò relatio spirationis activæ refert supposita seu personas Patris & filij ad alium distinctum terminum, sive ad relationem spirationis passivæ, quâ constituitur suppositum, sive Persona Spiritus Sancti. & sic utrumque inconveniens evitatur: illud enim quod est per se tale non fit tale per aliud, Paternitas enim & filiatio non habent per seipsas, quòd referantur ad Spiritum Sanctum nisi remotè, & mediatè; unde superest ut ad ipsum referantur proximè, & immediatè per ipsam relationem spirationis activæ. Similiter cum præter Spiritum Sanctum nullus alius detur ulterior terminus relationis in divinis, ibi sistitur, atque ita non proceditur in infinitum. Sic igitur in divinis non datur relatio relationis ad eundem terminum; benè tamen ad alium distinctum.

Quæres utrum huiusmodi relationes sint saltem relationes rationis distinctæ à relationibus originis.

Resp. non esse nequidem relationes rationis ratiocinatae sive fundatæ in re: quia nullum habemus fundamentum concipiendi tales relationes ut distinctas, sive distinctione purè numerica, sive distinctione quasi specificâ, ut satis patet ex dictis. Unde dum concipimus æqualitatem in divinis (& idem est de similitudine, & identitate) nihil aliud concipimus, quàm ipsas relationes originis, per quas constituuntur & distinguuntur personæ divinæ, quæ sunt invicem æquales, & essentiam divinam ac quantitatem virtutis, in qua identificantur, & sunt etiam æquales. Ita expressè Doctor angelicus I. p. qu. 13. a. 1. ad 4. his verbis, quæ confirmant ea quæ diximus. *Dicendum quod in divinis Personis nihil est aliud considerare, nisi essentiam, in qua communicant, & relationes, quibus distinguuntur. Æqualitas autem utrumque importat, scilicet distinctionem Personarum, quia nihil sibiipsum dicitur æquale, & unitatem essentia, quia ex hoc personæ sunt sibi invicem æquales, quia sunt unius magnitudinis: & essentia. Manifestum est autem quod idem ad seipsum non refertur aliquâ relatione reali: nec iterum*

una relatio refertur ad alteram per aliquam
 aliam relationem: cum enim dicimus quod pater-
 nitas opponitur filiationi, oppositio non est relatio
 media inter paternitatem, & filiationem, quia
 utroque modo relatio multiplicaretur in infinitum:
 & ideo aequalitas, & similitudo in divinis
 Personis non est aliqua realis relatio distincta à
 relationibus personalibus: sed in suo intellectu
 includit & relationes distinguentes personas, &
 essentia unitatem.

§. III.

Quatuor sunt in divinis relationes originis,
 scilicet Paternitas, filiatio, spiratio,
 & processio.

Ita omnes. Quia relatio Paternitatis requiritur ad
 constituendum Patrem; relatio filiationis ad consti-
 tuendum filium; relatio spirationis activæ ad refe-
 rundum utrumque ad Spiritum Sanctum; & relatio
 spirationis passivæ ad ipsum Spiritum Sanctum con-
 stituendam, ut patebit magis dum ageamus de constitu-
 tivo divinarum Personarum. Igitur quatuor sunt re-
 lationes originis, Paternitas, filiatio, spiratio activa,
 quæ simpliciter spiratio dicitur, & spiratio
 passiva, quæ cum non habeat nomen proprium in-
 complexum, per quod ab ipsa spiratione activa dis-
 cernatur, exprimi solet communi vocabulo, & dicitur
 processio.

Unica difficultas circa hoc superest, quomodo re-
 latio spirationis activæ distinguatur à relationibus
 paternitatis, & filiationis. Scotus vult eam distingui
 formaliter ex natura rei: Durandus autem, ut com-
 muniter existimatur vult, quod distinguantur etiam
 modaliter: & utriusque fundamentum est illud quod
 supra fuisse refutavimus in artic. præced. quod nempe de
 huiusmodi relationibus verificantur contradictoria à
 parte rei; relatio enim paternitatis est in solo Patre,
 & relatio filiationis in solo filio: relatio autem spi-
 ra-

tionis:
 que: e
 filio
 ut per
 Sed
 eodem
 vis con
 tur ne
 inter i
 disting
 tiones
 lation
 sitio re
 fusi,
 non d
 sequi
 spirat
 ternite

D
 ac ev
 à nem
 ter, d
 & pro
 Athar
 officio
 alia
 clarit
 mus,
 v. na

tionis activæ non est in solo Patre vel filio, sed in utroque: esse autem & non esse in solo Patre, vel in solo filio, esse & non esse in utroque sunt contradictoria, ut per se patet.

Sed difficultas uno verbo resolvitur ex dictis in eodem articulo. demonstravimus enim, quodd quantumvis contradictoria de aliquibus à parte rei verificentur nedum formaliter, sed etiam realiter, si tamen inter ipsa non detur oppositio relativa, nullatenus distinguuntur nisi virtualiter: unde cum inter relationes paternitatis, & filiationis ex una parte, & relationem spirationis activæ ex altera non detur oppositio relativa, ut fatentur omnes, & explicabitur fusè, quando ostendemus, quodd Spiritus Sanctus non distingueretur à filio, si non procederet ab ipso, sequitur quodd propter prædicta contradictoria relatio spirationis activæ non distinguitur à relationibus paternitatis, & filiationis, nisi virtualiter.

QUÆSTIO IV.

De divinis Personis.

Diximus in 1. qu. agendo contra hæreticos, quodd licet nomen personæ non habeatur formaliter, & expressè in scriptura, nihilominus ita clarè ac evidenter infertur dari in divinis tres personas, ut à nemine negari possit. Quis enim dubitat, quin Pater, & filius, & idem est de Spiritu Sancto, sint verè & propriè loquendo personæ: unde in Symbolo D. Athanasij, quod ab universali Ecclesia recitatur in officio, sic dicitur: *Alia est enim persona Patris, alia Filii, alia Spiritus Sancti.* Majoris tamen claritatis gratiâ hanc difficultatem iterum explicamus, cum alijs, quæ concernunt easdem personas dicimus.

ARTICULUS I.

De ratione personæ, & quomodo divinis personis conveniat.

Plura dicturi sumus in hoc & sequ. articulis, quorum fufior expositio traditur in Metaphysica, ex qua mutuabimus quidquid ad nostrum propositum spectat.

§. I.

Quomodo definitio personæ conveniat personis divinis.

I. Boëtius in lib. de duabus naturis personam ita definit: *Persona est rationalis nature individua substantia*. D. Thomas hanc definitionem variis in locis explicat, & defendit, & præsertim i. p. qu. 29. a. 1.

2. Dicitur substantia, ut excludantur accidentia, quæ non sunt personæ, sed in ipsa recipiuntur, ut calor uel color in homine: dicitur individua, ut denotetur, quod debet esse substantia singularis, & incommunicabilis, substantiæ enim universales, ut genera, & species non sunt personæ, quia sunt communicabiles singularibus; sed ipsa singularia, ut Petrus & Paulus, sunt personæ, quia sunt substantiæ incommunicabiles: dicitur naturæ Rationalis, sive intellectualis; quia in hoc differt persona à supposito, quod suppositum latius se habet, ac se extendit etiam ad naturas irracionales, & insensibiles, sic dicimus suppositum leonis, arboris, uel etiam lapidis; sed persona non dicitur nisi suppositum naturæ intellectualis, scilicet humanæ, angelicæ, & Divinæ, & solus Deus, Angelus, & homo dicitur persona, non autem leo, uel qualibet alia creatura ipso homine inferior.

3. Hæc definitio sic exposita convenit divinis personis: qualibet enim ex ipsis est individua, sive incommunicabilis substantia naturæ divinæ quæ est maxime intellectualis.

4. Quamvis hæc sit communis Theologorum doctrina, nihilominus Laurentius Valla olim sustinuit, quod persona non significat substantiam, sed qualitatem, sive munus, & officium. Persona enim dicitur à personando sive representando viros famulos, ut in comædiis, & tragædiis fieri solet: unde idem suppositum, eademque substantia potest plures gerere personas, sive plurium virorum actiones representare. Propterea etiam negavit dari personam in divinis, cum Deus non ordinetur ad representandas aliorum actiones.

Sed hæc opinio jure optimo reicitur ab omnibus tanquam manifestus error in fide, & grammaticus ille deceptus est ex hoc quod non advertit sæpè aliud esse id à quo nomen imponitur, & id ad quod significandum instituitur; lapis enim v. g. dicitur à lædendo pedem, & tamen omne quod pedem lædit non est lapis: Igitur personæ nomen desumptum quidem fuit à munere & officio representandi, sed impositum est ad significandum homines, Angelos, & Deum ipsum in seipsis substantialiter consideratos. Unde Doctor angelicus 1. p. qu. 29. a. 3. ad 2. ait: *Dicendum quod quamvis hoc nomen, persona, non conveniat Deo quantum ad id à quo impositum est nomen, tamen quantum ad id ad quod significandum imponitur, maxime convenit Deo. Quia enim in comædiis & tragædiis representabantur aliqui homines famosi, impositum est hoc nomen, persona, ad significandum aliquos dignitatem habentes: unde consueverunt dici persona in Ecclesiis, quæ habent aliquam dignitatem: propter quod quidam diffiniunt personam dicentes: quod persona est hypostasis proprietate distincta ad dignitatem pertinente: & quia magna dignitatis est in rationali natura subsistere, ideo omne individuum rationalis natura dicitur persona. Sed dignitas divina natura excedit omnem dignitatem: & se-*

cundum hoc maxime competat Deo nomen persona.

3. Idem angelicus Doctor ibidem ad 4. ait: *Quidam dicunt, quod distinctio superius à Boetia tradita, non est distinctio Persona secundum quod personas in Deo dicimus: propter quod Richardus de sancto vict. corrigere volens hanc distinctionem, dixit quod Persona (secundum quod de Deo dicitur) est divina natura incommunicabilis existentia. De hac definitione agemus in sequ. art. explicando utrum in divinis quolibet Persona, prater existentiam communem, & absolutam, dicat suam propriam, & relativam existentiam.*

§. II.

An sicut tres sunt Persona, ita etiam tres sint hypostases in divinis.

Mira D. Hieronymi erga sanctam sedem observantia.

De hoc vocabulo græco, hypostasis, magna olim fuit controversia inter Latinos & Græcos, de qua videri potest D. Gregorius Nazianzenus oratione 21. in laudem magni Athanasij. Latini enim existimantes hypostasim idem significare ac ussam sive essentiam, credebant Græcos asserentes tres hypostases in divinis, velle quod sint tres essentiae, & eos reputabant hæreticos Arrianos: Græci autem existimantes, quod nomen personæ non significat substantiam, sed qualitatem, sicut dicebat olim Laurentius valla, ut retulimus in §. præced. itaut idem suppositum, quod per hypostasim significatur, eademque substantia posset gerere plures personas, quatenus plura exercet munera, sive plura representat, existimabant quod Latini qui unicam in divinis hypostasim esse asserabant, tres autem Personas, non admittebant nisi unicum suppositum, quod propter varios effectus, trium Personarum nominibus exprimeretur; & sic eos reputabant hæreticos Sabellianos.

Eandem

Tandem de communi omnium consensu hypostasis accepta est pro Persona, prout significat suppositum, & substantiam individuum & singularem: unde in symbolo D. Athanasij ubi Latini habent, alia est Persona Patris, &c. Græci habent, hypostasis. Nec ullus modò est Doctor catholicus, qui non fateatur, quòd sicut in divinis sunt tres Personæ, ita etiam tres hypostases. Imò vocabulum illud, hypostasis, ita commune factum est apud Latinos, ut unio humanitatis Christi in Persona verbi divini communiter dici soleat unio hypostatica, ut videbimus in tract. de Incarnatione.

Interim notatu dignissima est observantia D. Hieronymi erga sanctam sedem. Cum enim hæc controversia suo tempore adhuc vigeret, ipse consulit S. Pontificem Damasum in epistola ad eundem scripta, his verbis. *Quamobrem obtestor beatitudinem tuam per crucifixum mundi salutem: ut mihi epistolis tuis siue recendarum, siue dicendarum hypostaseon detur autoritas.* Ecce quomodo sanctus ille totus pendebat ex ore S. Pontificis: & quidem jure optimo, nam ex hoc etiam pendet Ecclesiæ salus, ut idem sanctus testatur in dialogo contra Luciferianos dicens. *Ecclesiæ salus in summi Pontificis dignitate pendet; cui si non exors quadam, & ab omnibus eminens detur potestas, tot in Ecclesiis efficiuntur schismata, quot Sacerdotes.*

Idem Sanctus Doctor ita convictus erat de infallibilitate Romanæ Ecclesiæ, & præsertim procul dubio ratione capitis ejus siue S. Pontificis, ut lib. 3. apologiæ contra Rufinum ita loquatur. *Scito Romanam fidem apostolicâ voce laudatam istiusmodi præstygias non recipere. Etiam si Angelus aliter annunciet quam semel predicatum est, Pauli auctoritate munitam non posse mutari.*

Plura alia egregia omnino istius testimonia videri possunt in jure Canonico, *causæ 24. qu. 1. cap. hæc est fides, & cap. quoniam.*

§. III.

An Persona divina dici possint simpliciter, & sine addito tres substantia.

Substantia sic dicitur dupliciter, scilicet ex hoc quod in se subsistit, & ex hoc quod substat accidentibus, eaque sustentat: si consideretur hoc secundo modo, manifestum est, ait D. Augustinus lib. 7. de Trinitate cap. 5. Deum abusive substantiam vocari: quia nempe nulla sunt in eo accidentia, quibus ejus essentia substatere possit: si autem consideretur primo modo, sic ratio substantiae Deo maxime convenit: quia ipse est ens in se, & per se maxime subsistens, & ab omni alio prorsus independens.

De substantia sic sumpta idem S. Doctor sic habet lib. 5. de Trinit. cap. 8. Plerique nostri, qui hoc Græco tractant eloquio, dicere consueverunt unam essentiam, tres substantias. Sed quia nostra loquendi consuetudo iam obtinuit, ut hoc intelligatur cum dicimus essentiam, quod intelligimus cum dicimus substantiam, non audemus dicere unam essentiam, tres substantias, sed unam essentiam vel substantiam, tres autem Personas, quemadmodum multi Latini ista tractantes, & auctoritate digni dixerunt. Et lib. 7. de Trinitate cap. 4. Dictum est, inquit, à nostris Græcis una essentia tres substantia, à Latinis autem una essentia vel substantia, tres Persona: quia sicut iam diximus, non aliter in sermone nostro, idest Latino, essentia quam substantia solet intelligi.

Hoc Latinorum loquendi modo usus est S. Pontifex Agatho, eumque suggestit Græcis, cujus suggestio acceptata fuit in 3. Synodo Constantinopolitana, sive sexta Generali, actione 4. in ea enim sic habetur. *Credentes &c. Patrem, Filium, & Spiritum Sanctum: non trium nominum substantiam, sed trium substantiarum unam substantiam: quorum una essentia, sive substantia, vel natura, idest una Deitas.* Propterea cum Concilio Toletano 2. quod autentici cum dicitur ab Innocencio Papa in epistola ad

De divinis Personis.

171

Petrum Compostellanum, in confessione fidei dicendum est. *Confitemur, & credimus Sanctam, atque ineffabilem Trinitatem, Patrem, & Filium, & Spiritum Sanctum, unum Deum naturaliter esse unius substantia, unius natura.*

Non debemus ergo simpliciter, & sine addito dicere, quod tres divinæ Personæ sint tres substantiæ; sed cum aliquo addito, per quod tollatur omnis æquivocatio, sicut cum dicimus, quod sunt tres substantiæ individuae, ut ponitur in definitione personæ: hoc enim nihil aliud est dicere, quam quod sunt tria supposita incommunicabilia, quod est verissimum.

§. I V.

Quam individuationem, & quam incommunicabilitatem importent divinæ Personæ. Et cur earum pluralitas nullatenus obstet divinæ simplicitati, nec ullam prorsus compositionem faciat.

I. Quantum ad individuationem duplex communiter distinguitur. Prima est individuatō purè numerica, ratione cujus personæ sunt plura individua solo numero differentia, sicut in hominibus Petrus, & Paulus: & hæc individuatō petitur à materia, ut dicemus in tract. de Angelis; unde sicut in divinis nulla est materia, ita nec ulla talis individuatō. Secunda est individuatō numerica simul, & specifica, uel quasi specifica, ratione cujus Personæ sunt plura individua nedum numero, sed etiam specie, uel quasi specie differentia, sicut in Angelis Michael, & Gabriel, & hæc individuatō petitur à forma prout est incommunicabilis, ut dicemus loco citato de Angelis. Hæc individuatō reperitur in Personis divinis, quæ ab invicem distinguuntur nedum numero, sed quasi specie. Unde D. Thomas 1. p. qu. 29. a. 3. ad 4. ait. *Individuum esse Deo competere non potest quantum ad hoc quod individuationis principium est materia; sed solum secundum quod importat incommunicabilitatem.*

Non debemus tamen simpliciter & absolute concedere, quod tres divinæ Personæ sint tria individua naturæ divinæ: hoc enim excessu negat D. Augustinus lib. 7. de Trinitate cap. 6. quia insinueretur, quod natura divina in Personis realiter distingueretur, sicut natura humana in suis individuis: unde sicut tria naturæ humanæ individua dicuntur tres homines, ita tres personæ divinæ dicerentur tres Dii, quod omnes negant. Sed notat Serra 1. p. qu. 30. in commentario artic. 1. quod communiter conceditur tres Personas esse tria divinæ naturæ individua, addendo, relatiua; ut tollatur omnis æquivocatio, & intelligatur quod non distinguuntur secundum esse naturæ, sed tantum secundum esse personæ; atque ita non sunt tres Dii, sed solummodo tres divini, ut explicabimus in sequenti paragr. & in hoc sensu juxta definitionem Personæ, tres Personæ divinæ sunt tres substantiæ individuae ipsius naturæ divinæ.

2. Ipsa etiam natura divina, ut præintelligitur divinis personis, individua dicitur: prout individua dicit singularitatem, sed non prout dicit incommunicabilitatem: natura enim divina est singularis, & incapax universalitatis, sicut quodlibet individuum; quamvis aliunde sit communis tribus divinis personis.

3. Quantum ad incommunicabilitatem, dicimus ex D. Thoma 3. ad Hannib. dist. 5. quæ unica a. 2. ad ultimum; quod sicut est triplex communicationis genus, ita per ipsius exclusionem triplex est incommunicabilitas, quam importat ratio personæ. Una communicatio est naturæ universalis respectu suorum inferiorum, sicut generis respectu specierum, & speciei respectu individuorum; & persona est incommunicabilis per exclusionem hujus communicationis; quia est individua: & omnes Philosophi docent, quod individuum est unum, nec habet inferiora, in quæ subdividi possit. Altera communicatio est compartis ad suam compartem ad faciendum unum totum sicut animæ rationalis ad corpus ad componendum hominem: & per illius etiam exclusionem persona est incommunicabilis: quia docent quoque omnes Philo-

sophi, quod individuum est unum totum completum: unde una persona divina non se habet ad alteram tanquam pars ad partem, sed tanquam totum ad totum: propter hoc anima rationalis à corpore separata, quamvis per se subsistat, non est tamen persona, quia est communicabilis corpori tanquam suæ comparti, cui de facto reunitur in die iudicii. Tertia communicatio est alteri tanquam supposito: & hanc excludit maximè ipsa persona; est enim suppositum in se & per se subsistens, ac omni alteri prorsus incommunicabile.

Sed notatu dignissimum est, id quod observavit optimè Joannes à S. Thoma qu. 30. disputatione 14. artic. 1. hoc esse discrimen inter personalitatem creatam, & increatam: quod creata, ut personalitas humana, quia est absoluta, idcirco nedum ipsam personam, sed etiam ipsam naturam humanam reddit absolutè, & omnimodè incommunicabilem: & propterea exclusa fuit huiusmodi personalitas, dum humanitas Christi à verbo divino fuit assumpta, ut explicabimus in tract. de Incarnatione: Sed personalitas divina, quia est relativa, non reddit naturam divinam incommunicabilem, sed tantum Personam: quia intantum aliquid est incommunicabile alteri, inquantum realiter ab ipso distinguitur: unde cum in divinis nulla sit realis distinctio nisi propter oppositionem relativam, quæ intervenit inter ipsas personas ad invicem, & non inter ipsas & naturam: inde fit, quod ex personalitate divina non sequitur incommunicabilitas naturæ, sed tantum personæ: unde humanitas Christi assumpta à verbo divino, potest etiam simul ac semel assumi à Filio, & Spiritu Sancto, ut explicabimus in eodem tract. de Incarnatione.

Dici etiam potest, quod natura divina redditur incommunicabilis per divinam personalitatem non quidem formaliter & reduplicativè ut est natura, sed prout est, ut ita loquar, personata: unde ex hac parte quæ natura divina terminatur per suppositum Patris, & in eo subsistit, nequit ulterius communicari; & ita sistitur, & incommunicabilis redditur in linea paternitatis; quamvis aliunde sub ratione naturæ

communicetur supposito filij, & Spiritus Sancti, & in utroque subsistat.

4. Sequitur ex dictis quod realis distinctio Personarum nullatenus obest divinae simplicitati: & quod nullam compositionem faciunt: quia compositio, quae aliquod praedictum simplicitati asserre potest, debet esse distinctorum unio: divina autem personae ex parte naturae non uniuntur, sed identificantur; & ex parte sui non uniuntur etiam, quia non se habent ut partes, sed ut tota, sicut se habent individua in hominibus, & Angelis, quae nullam compositionem ad invicem faciunt, quia nullam habent unionem; cum hoc tamen discrimine, quod in creaturis individua sunt disparata, & unum esse potest independentem ab altero; sed in Deo personae sunt individua ad invicem correlata, & ita connexa ut unum sine altero subsistere nequeat.

Haec est Doctrina nostri Praeceptoris angelici qu. 7. de potentia artic. 1. ad 2. ubi sic habet. *Dicendum, quod pluralitas Personarum nullam compositionem in Deo inducit. Persona enim dupliciter considerari possunt: uno modo secundum quod comparantur ad essentiam, cum qua sunt idem re; & sic patet, quod non relinquitur aliqua compositio: alio vero modo, secundum quod comparantur ad invicem, & sic comparantur ut distincta, non ut adunata: Et propter hoc nec ex hac parte potest esse compositio: nam omnis compositio est unio.*

§. V.

Quomodo Persona divina conveniunt, & quomodo differunt in ipsa natura, & in sua personalitate.

1. *Essentia, natura, & quidditas divina est realiter una & eadem in tribus divinis Personis: nec ullo modo concedendum est, quod sint plures; nec simpliciter loquendo nec etiam cum addito, subintelligendo quod sint tres relativae: quia essentia, natura, & quidditas Dei est id quod est primum in Deo,*

& radix virtualis eorum omnium quæ sunt in iplo, ut explicuimus initio tract. de attributis, agendo de ipsius constitutivo: constat autem quod primum omnium non est nisi unum. Quando autem dici solet v. g. aliquid esse de natura Patris, quod non est de natura filij; vel de conceptu essentiali, & quidditativo Paternitatis, quod non est de conceptu divinitatis, hoc intelligitur solummodo de conceptu formali, & proprio Patris prout realiter distinguitur à filio, & ipsius paternitatis prout à divinitate distinguitur virtualiter. Et idem est de omnibus illis quæ sunt in Deo.

Quamvis autem tres Personæ divinæ unam eandemque naturam, essentiam, & quidditatem impotent, diversus tamen est modus, quo ipsam habent, diversitate se totaliter tenente ex parte divinarum Personarum, & nullatenus ex parte ipsius essentiæ, naturæ, vel quidditatis divinæ: Pater enim eam habet à se, filius à Patre, & Spiritus Sanctus ab utroque. Unde D. Thomas qu. 2. de potentia artic. 5. ad 5. ait: *Una, & eadem est essentia trium Personarum; non tamen sub eadem relatione, vel secundum eundem modum existendi est in tribus Personis.*

2. Natura divina (& idem est de essentia, & quidditate) est communis tribus Personis communitate rei, sed non communitate rationis. Est quidem communis communitate rei, quia est in illis eadem realiter: non est verò communis communitate rationis, quia hoc non convenit nisi naturæ universali, quæ per rationem ita præscinditur à suis inferioribus, ut ea non importet in suo conceptu formali, nequidem implicite: tales autem præcisiones non possunt habere fundamentum in rebus divinis, ut diximus initio tractatus de attrib. agendo de simplicitate Dei: unde etiam in artic. præced. ostendimus, quod natura divina in suo formali conceptu impræcindibiliter importat relationes, & Personas divinas.

3. Personæ divinæ conveniunt in ratione Personæ, non analogicè, ut ex stimavit Scotus, sed univoce, ut ex Cajetano docet Serra 1. p. qu. 30. art. 4. Non

conveniunt quidem analogicè , quia ratio analogica reperitur inæqualiter in suis analogatis , scilicet principaliter in præcipuo analogato , & minus principaliter in alijs ; imò etiam non est in istis nisi dependenter ab illo præcipuo : unde cum in divinis Personis nulla sit dependentia , nec ulla inæqualitas , nulla quoque est analogia. Conveniunt autem univocè : quia necdum nomen illud , Persona , est commune tribus divinis Personis , sed communis est etiam illis ratio significata per huiusmodi nomen ; cum quælibet earum habeat , quòd sit subsistens in natura divina.

Ad præveniendas autem objectiones duo sunt observanda , ut insinuat Joannes à S. Thoma 1. 2. qu. 29. de personis divinis disput. 13. a. 1. unum est , quòd ratio personæ non est communis tribus personis divinis communitate rei sicut natura divina , cum non sit realiter eadem in ipsis , sed potius distincta : neque communitate rationis sicut natura universalis , quæ totaliter etiam quoad conceptum implicitum præscinditur ab inferioribus : talis enim præcisio non potest habere locum in rebus divinis , ut jam diximus : sed est communis communitate rei , & rationis tanquam transcendens omnes suas differentias , quas in suo conceptu implicitè importat , licèt explicèt non exprimat : communis quidem transcendentaliter communitate rei propter realem convenientiam , & proportionalitatem , quam Personæ dicunt in ratione personæ divinæ ; communitate autem rationis , quia ratio cum fundamento in tali convenientia format conceptum explicitum de persona divina in communi , in quo conceptu non exprimit personas divinas in particulari ; nullam tamen excludit , sed potius eas omnes ibidem includit implicitè ; & deinde in particulari descendit ad formandos conceptus explicitos de eisdem personis in particulari : sicut in locis paulò ante citatis diximus , quòd in conceptu explicito cujuscunque attributi importantur implicitè cætera omnia attributa , de quibus postea ratio format etiam conceptus explicitos : & similiter natura divina , & relationes ac personæ , quamvis quoad suos conceptus explicitos distinguantur , nihilominus quoad suos con-

septus implicitos sese mutuo includunt.

Alterum est, quòd licet Personæ divinæ non dicant analogiam quoad ipsius, ut ita loquar, substantiam, benè tamen quoad modum: quia se habent ad modum analogorum, propter illam convenientiam, & proportionalitatem, quam habent ad invicem: in hoc enim conveniunt, quòd sicut se habet Pater ad suam personalitatem, per quam in se constituitur, & ad filium refertur, ita quoque proportionaliter se habet filius ad suam per quam in se constituitur, & ad Patrem correfertur: & similiter servata proportione se habet ad suam personalitatem Spiritus Sanctus, sicut se habent ad suas Pater, & filius. Uno verbo, sicut Thomistæ in Philosophia explicant transcendentiam entis respectu suarum differentiarum, ita in Theologia explicant transcendentiam personæ respectu divinarum personarum, seclusâ tamen omni prorsus imperfectione.

§. VI.

*Regulae generales circa modum loquendi de Myste-
rio SS. Trinitatis.*

Quia ex verbis inordinatè prolatis incurritur hæresis, ut ait D. Hieronymus, & hoc præsertim contingit, quando loquimur de hoc mysterio, quia Doctores in ipsius expositione uti solent verbis, quæ vel ex sua significatione, vel ex consuetudine diversimodè accipiuntur, & sensum faciunt difficilem, & ambiguum: ideo traduntur quædam regulæ generales ad veram intelligentiam assequendam, & ad omnem evitandum errorem.

Prima regula, quæ in summulis logicæ solet explicari, hæc est. Ad multiplicationem nominis substantivi nedum requiritur multiplicatio personæ, sed etiam naturæ; sed ad multiplicationem nominis adjectivi sufficit solius personæ multiplicatio: unde cum hoc nomen, Deus, sit substantivum, ut dici possent plures Dij, necesse foret, quòd essent nedum tres personæ divinæ, sed etiam tres naturæ: unde cum non sit nisi una natura divina, non potest dici, nisi quòd

tres personæ sunt unus Deus. Sed quia nomen illud, divinus, est adjectivum, idcirco sicut sunt tres personæ divinæ, ita dicuntur tres divini, idest tres unam eandemque divinitatem habentes. Et quia tam arud Græcos quàm apud Latinos usu factum est, ut hoc nomen, Deus, nonnisi substantivè accipiatur, propterea nullo modo tres Deos dicere possumus. Unde D. Gregorius Nazianz. in tractatu de fide, sive oratione 49. ait: *Ideo unum Deum confitemur, quia unitas maiestatis plurium vocabulo Deos prohibet appellari. Denique Patrem, & filium catholice nominamus: duos autem Deos dicere, nec possumus, nec debemus: non quod Filius Dei Deus non sit, imò verus Deus de Deo vero: sed quia non aliunde quàm de ipso uno Patre, Dei filium novimus, perinde unum Deum dicimus.* Hoc enim Propheta, hoc Apostoli tradiderunt, hoc ipse Dominus docuit.

Secunda regula est. Quòd quædam sint nomina, ut æternus, omnipotens, & alia huiusmodi, quæ sumi possunt vel substantivè, vel adjectivè: si sumantur substantivè, prædicantur singulariter de divinis Personis: sic D. Athanasius in suo Symbolo ait: *Non tres æterni, sed unus æternus. Non tres omnipotentes, sed unus omnipotens.* Si autem sumantur adjectivè, prædicantur pluraliter: unde in Concilio generali Lateran. 4. cap. firmiter, & in extrau. de summa Trinitate, & fide catholica cap. 1. sic habetur. *Pater generans, filius nascent, & Spiritus Sanctus procedens: consubstantiales, & coæquales, coomnipotentes &c.* Idcirco autem D. Athanasius hæc omnia substantivè accepit, quia Symbolum suum composuit contra hæreticos Arianos, qui nedum personas sed etiam naturas distinguebant, & consequenter omnes quoque proprietates, & attributa: unde D. Athanasius ut ostenderet divinas Personas esse unum, & idem in natura, omnia eiusdem naturæ attributa expressit per unitatem, dicendo quòd Pater, filius, & Spiritus Sanctus non sunt tres æterni, & omnipotentes, sed unus, idest tres unam eandemque æternitatem, & omnipotentiam sicut &

naturam habentes. Sed quia tempore Concilij Lateranensis nullum imminabat periculum ex parte hæresis arrianæ, Patres illius Concilij securi sunt modum loquendi magis communem, & usi sunt nominibus illis ut adjectivis, dicendo quod sunt tres omnipotentes, & coæterni, idest tres ita habentes omnipotentiam, & æternitatem, ut quilibet eorum sit unus ejusdemque omnipotentiz & æternitatis cum alio.

Tertia. In divinis utendum est nomine Trinitatis, non triplicitatis: sic enim habetur in Concilio Toletano ij. In confessione fidei: *hac est sancta Trinitas relata narratio: qua non triplex, sed Trinitas & dici & credi debet.* Ratio sumitur ex D. Thoma i. p. qu. 31. a. 1. quia hæc nomina, duplex, triplex &c. Significant proportionem inæqualitatis, idest plura quæ proportionem habent ad invicem, vel tamen unum est inæquale alteri, sicut duplex, vel triplex nummus aureus aut argenteus dicitur per proportionem ad unum, qui tamen non habet æqualem valorem: sed trinus & trinitas dicit præcisè numerum trium, sine ulla additione inæqualitatis: unde cum in SS. Trinitate sit omnimoda æqualitas, non triplex dici debet, sed Trinitas. Unde D. Augustinus lib. 6. de Trinitate cap. 7. ait: *Nec quoniam Trinitas est, ideo triplex putandus est: aliaquin minor erit Pater solus, quam simul Pater, & filius.*

4. Numerus simpliciter & propriè loquendo attribuitur divinis Personis, non ex parte essentiz, sed ex parte ipsarum personarum: unde in Concilio Toletano ij. in confessione fidei sic habetur. *Hæc ergo sancta Trinitas, qua unus & verus est Deus, nec recedit à numero, nec capitur numero. In relatione enim personarum numerus cernitur; in Divinitatis vero substantia quid numeratum sit non comprehenditur. Quasi diceret Concilium: Trinitas non recedit à numero, quia trium divinarum Personarum numerum importat: nec capitur numero, quia natura divina non ponit in numero, cum sit omnino una & eadem in tribus personis.*

Quia tamen numerus non se tenet ex parte ipsius divinæ naturæ, sed solummodo ex parte relationum, quibus constituuntur divinæ personæ, idcirco D. Thomas quandoque dicit, non esse in divinis numerum simpliciter, sed secundum quid: nam in 1. ad Hannib. dist. 24. qu. 1. artic. 1. sic habet. *Cum in divinis sit personarum distinctio per proprietates relativas, & non separatio secundum essentiam, in divinis est numerus personarum secundum quid, scilicet personarum & proprietatum; non numerus simpliciter scilicet essentiarum, & quidditatum.* Et in 1. sent. dist. 24. qu. 1. a. 2. Exponebat illam auhoritatem Boëtij 1. de Trinit. ca. 3. de ipso Deo dicentis, *hoc verè unum est, in quo nullus numerus*, Respondet ad 1. *Dicendum quod Boëtius loquitur de unitate essentiali; & in essentiam nullus numerus cadit, sed tantum in personas, qui etiam non est numerus absolute, sed numerus quidem.*

Per hanc distinctionem numeri se tenentis ex parte essentiae, vel ex parte personarum, exponi, & conciliari debent omnia Patrum, & Doctorum testimonia. Semper tamen saluari debet, quoddam est verum, & propriè dictus personarum numerus, quamvis non absolute, sed cum illo addito, personarum. Et ita sentiunt omnes Scholastici, de quo videri possunt Salmanticensis tract. 6. de Trinitatis mysterio; disput. 10. dubio 2.

5. Quæ conveniunt divinis personis ratione solius essentiae, non dicuntur nisi singulariter propter essentiae unitatem: quæ solummodo eis conveniunt ratione proprietatum, dicuntur pluraliter tantum propter realem huiusmodi proprietatum distinctionem: quæ autem eis competunt ratione proprietatum & ratione essentiae, dicuntur pluraliter & singulariter. Sic aeternitas, omnipotentia, aliaque attributa, quæ dicuntur essentialia, quia ratione solius essentiae conveniunt divinis personis, non prædicantur de ipsis nisi singulariter: unde D. Athanasius, ut jam retulimus, ait quoddam in divinis non sunt tres æterni, vel omnipotentes, sed unus, relationes verò quæ di-

antur
niunt
præ
quod
dum
explic
Dic
res: u
tia; t
guunt
proprie
essentia
disting
D. Au
ait. Re
Filius
tatum
bus fr
6. Q
mistæ
minis
nem. I
ponit
person
impor
res: u
stentia
sic fun
a. 4. N
unum
sumat
dicari
nitur
autem
plural
prunt
ficata
jectiva
eamde
ter illa
divini

antur notionales sive personales, quia non conveniunt personis nisi propter earum proprietates, non prædicantur nisi pluraliter: non enim potest dici, quod sit una relatio in divinis, sed necessarium dicendum est eas esse plures, scilicet quatuor illas, quas explicuimus supra.

Dicuntur autem divinæ Personæ & una res, & tres res: una quidem res, quatenus identificantur in essentia; tres verò, quatenus realiter ab invicem distinguuntur, Hoc enim eis convenit tam ratione suarum proprietatum, quàm ratione suæ essentiae: nam essentia & proprietates, etiam quatenus virtualiter distinguuntur, non sunt nihil, sed al qua res. Unde D. Augustinus lib. 1. de doctrina christiana, cap. 5. ait. *Res igitur quibus fruendum est, Pater, & Filius, & Spiritus Sanctus est: eademque Trinitas una quædam summa res, communisque omnibus fruentibus eâ.*

6. Quantum ad ens diversimodè sentiunt tam Thomistæ quàm alij; sed non est difficultas nisi de terminis, quæ uno verbo resolvitur per hanc distinctionem. Ens enim sumi potest dupliciter: vel prout opponitur nihilo, & idem est ac aliqua res, & sic tres personæ divinæ sunt tria entia substantivè, itaut tres importent entitates, sicut jam diximus quod sunt tres res: vel sumitur ens prout de formali importat existentiam, & idem est ac aliquid existens: & de illo sic sumpto ita loquitur D. Thomas 1. dist. 25. qu. 1. a. 4. *Nomen entis sumitur ab esse rei: & ideo cum unum & idem sit esse trium personarum, si ens sumatur substantivè, non potest pluraliter prædicari de tribus personis, quia forma à qua importatur, scilicet esse, non multiplicatur in eis: si autem sumatur participialiter, & adiectivè, sic pluraliter prædicari potest; quia huiusmodi recipiunt numerum a suppositis, & non à forma significata.* Tres igitur personæ divinæ sunt tria entia adiectivè, & unum ens substantivè, quia sunt tres unam eandemque existentiam habentes. Dicunt aliqui præter illam unam existentiam, quæ est absoluta, dari in divinis tres alias existentias relativas virtualiter ab

illa distinctas. Sed de hoc agemus in sequ. artic.

7. Unitas, veritas, & bonitas sunt proprietates entis, ut docent omnes Philosophi. Unitas autem supra ens non addit nisi negationem divisionis, ut docent communiter Thomistae, unde unum idem est ac ens in seipso indivisum: sicut ergo ens indivisum sumi potest vel strictè prout importat existentiam: & sic non multiplicatur in divinis, vel latè prout contraponitur nihilo, & sic multiplicatur, ut jam explicuimus, idem dicendum est de unitate, quod nimirum strictè sumpta non multiplicatur, bene tamen latè sumpta. Aliud est de veritate, & de bonitate: veritas enim vel formaliter sumitur, vel transcendentaliter: veritas formaliter sumpta se tenet ex parte intellectus, quatenus attingit res sicuti sunt: unde sicut secundum omnes, non est nisi unus intellectus in Deo, ita nec nisi unica formalis veritas: si autem sumatur transcendentaliter, se tenet ex parte rei cognitæ, & est ipsius adæquatio cum intellectu cognoscente, quæ adæquatio in divinis est omnimoda identitas objecti cum potentia: unde quia licet personæ divinæ realiter ab invicem distinguantur, nihilominus eodem modo cum intellectu divino identificantur, sequitur quod una est eademque veritas transcendentalis in illis; & eadem est ratio de omnibus aliis quæ sunt in Deo. Hoc est quod insinuat D. Thomas qu. 1. de veritate, artic. 5. ad 19. dicens: *Ratio veritatis non fundatur super rationem paternitatis; & filiationis inquantum huiusmodi, sed super rationem entitatis: paternitas autem & filiationis sunt una essentia, & ideo est una veritas utriusque.* Aliqui tamen volunt multiplicari veritates transcendentales, quos impugnat Joannes à S. Thoma qu. 28. de relationibus divinis disp. 3. a. 3. licet enim plura sint vera adjectivè, non tamen substantivè; idest plures sunt personæ divinæ, quæ veritatem important, quamvis non important plures veritates. In quo veritas differt ab unitate, quæ multiplicatur etiam substantivè, ita ut qualibet persona sit una per unitatem distinctam ab unitate alterius, quatenus etiam ut distincta est indivisa in seipsa. Unde Præceptor noster angelicus

1. p. q. 30. a. 3. in corp. ait: cum dicimus, essentia est una, ibi unum significat essentiam indivisam: cum dicimus, persona est una, significat personam indivisam: cum dicimus, personae sunt plures, significantur illa persona, & indiviso circa unamquamque earum: quia de ratione multitudinis est, quod ex unitatibus constet. Igitur quia unitas convenit personis divinis, etiam prout sunt plures, & ab invicem realiter distinguuntur, plures sunt earum unitates: sed quia veritas non convenit eis nisi prout sunt unum, & cum essentia sicut intellectu divino realiter identificantur, non est in eis nisi unica veritas. Quantum ad bonitatem, quia iuxta vulgatum axioma, bonum idem est ac perfectum, sicut perfectio non multiplicatur in divinis ita nec bonitas, ut dicemus in sequ. articulo.

8. Una est eademque simplicitas, infinitas, immensitas, & immutabilitas in divinis. De immensitate patet ex Symbolo D. Athanasij in quo dicuntur non tres immensi, sed unus immensus: & eadem est ratio de aliis attributis. Quia simplicitas divina dicitur purissimum, ratione cuius essentia importat, sibi que sine ulla prorsus potentialitate identificat omnia quae sunt in Deo, ut explicuimus initio tract. de attributis, agendo de simplicitate Dei: unde sicut una est essentia, quae ita importat, sibi que identificat omnia, ita est una simplicitas omnimoda. Et idem dicendum est de omnimoda infinitate, ratione cuius divina essentia importat, sibi que identificat omnem possibilem, & excogitabilem perfectionem, & entitatem. Potest tamen qualibet persona divinis dici aliquo modo simplex, & infinita per rationem sibi propriam, quatenus nullam compositionem admittit, & importat omnia quae in sua veluti specie sunt possible; sicut Pater dicit simplicem paternitatis conceptum, & importat quicquid pertinet ad suam veluti speciem paternitatis divinae: eo proportionali modo quo in tract. de Angelis dicemus, quod quilibet eorum est secundum quid infinitus, eo quod importat quicquid ad suam speciem pertinet: unde etiam non potest esse nisi unus numero Pater in sua veluti spe-

cie, sicut in qualibet specie non potest esse nisi unus numero Angelus. Et eadem est ratio de filio & de Spiritu Sancto.

Quantum ad immensitatem etiam patet: quia Deus est in loco per operationem, unde immensitas ejus consistit in quantitate virtutis, sive in ipsa omnipotentia, ratione cujus Deus creat, & conservat omnia, vel actu vel potentia, sicut explicuimus in eodem tract. de attributis: unde sicut non est nisi una & eadem quantitas virtutis, & omnipotentia in divinis, ita nec nisi unica immensitas. Nec etiam nisi unica immutabilitas, quæ intantum convenit Deo, inquantum ejus essentia importat omnem possibilem, & excogitabilem perfectionem, & entitatem, cui nihil potest vel addi vel detrahi.

9. Pater est alius à filio sed non aliud, ut definitum fuit in Concilio Lateran. 4. sub Innocentio 3. cap. *divinamus*, de S. Trinitate, his verbis: *Licet alius sit Pater, alius filius, alius Spiritus Sanctus, non tamen aliud.* Et D. Augustinus in lib. de fide ad Petrum cap. 1. relatus à D. Thoma 1. p. qu. 31. a. 2. in arg. sed contra, sic habet: *Vna est essentia Patris, & Filii, & Spiritus Sancti, in qua non est aliud Pater, aliud filius, aliud Spiritus Sanctus: quamvis personaliter sit alius Pater, alius filius, alius Spiritus Sanctus.* E contra non dicuntur unus, sed unum in natura, juxta illud Ioan. 10. *Ego, & Pater unum sumus.* Rationem tradit angelicus Doctor in art. jam citato ad 4. *Dicendum*, inquit, *quod neutrum genus est informe, masculinum autem est formatum, & distinctum, & similiter femininum: & ideo convenienter per neutrum genus significatur essentia communis, per masculinum autem & femininum, aliquod suppositum determinatum in communi natura.* Unde etiam in rebus humanis, si queratur, *quis est iste?* respondetur, Socrates, quod nomen est suppositi: si autem queratur, *Quid est iste?* respondetur, animal rationale, & mortale: & ideo quia in divinis distinctio est secundum personas, non autem secundum essentiam, dicimus quod Pater est alius à filio, sed non aliud:

Et e converso dicimus quod sunt unum, sed non unus.

10. Aliquid idem est ac aliud quid : unde sicut in divinis non multiplicatur aliud, ita nec aliquid.

11. Doctor angelicus in articulo 2. jam citato sic habet. Oportet in his qua de Trinitate loquimur. duos errores oppositos cavere, temperate inter utrumque procedentes, scilicet errorem Arrii, qui posuit cum Trinitate Personarum Trinitatem substantiarum, & errorem Sabellii qui posuit cum unitate essentia unitatem persona. Ad evitandum igitur errorem Arrii, vitare debemus in divinis nomen diversitatis, & differentia, ne tollatur unitas essentia: possumus autem uti nomine distinctionis, propter oppositionem relativam. Unde si ubi in aliqua scriptura authentica diversitas, vel differentia Personarum invenitur, sumitur diversitas, vel differentia pro distinctione. Ne autem tollatur simplicitas divina essentia, vitandum est nomen separationis, & divisionis, quae est totius in partes. Ne autem tollatur aequalitas, vitandum est nomen disparitatis. Ne verò tollatur similitudo, vitandum est nomen alieni, & disparitatis: Dicit enim Ambrosius lib. 1. de fide, quod in Patre, & filio non est discrepans, sed una divinitas & secundum; Hilarius in divinis nihil est separabile. Ad vitandum verò errorem Sabellii, vitare debemus singularitatem, ne tollatur communicabilitas divina essentia: unde Hilarius dicit 7. de Trinitate: Patrem, & filium singularem Deum praedicare, sacrilegum est. Debemus etiam vitare nomen unici, ne tollatur numerus Personarum: unde Hilarius in eodem lib. dicit, quod à Deo excluditur singularitas, atque unci intelligentia. Dicimus tamen unicum filium, quia non sunt plures filii in divinis: neque tamen dicimus unicum Deum, quia pluribus deitas est communis. Vitamus etiam nomen confusi, ne tollatur ordo naturae Personis. Unde Ambrosius dicit 1. de fide: neque confusum est quod unum est; neque multiplex esse potest quod indifferens est. Vitandum est nomen solitarii, ne tol-

latur consortium trium Personarum : dicit enim Hilarius in 4. de Trinitate : nobis neque solitarius, neque diversus Deus est confitendus.

II. Si solus sumatur prout idem est ac solitarius, non habet locum in divinis, ut jam diximus: nam Personæ divinæ non sunt solitariae, cum mutuo & perpetuo fruantur consortio: unde Christus Dominus Ioan. 8. dixit: *solus non sum; sed ego & qui misit me Pater*. Si autem sumatur prout est dictio exclusiva, tunc vel jungitur termino essentiali vel personali, sive notionali: si jungitur essentiali, excludit eos omnes quibus non convenit divina essentia; ut quando dicitur, solus Deus est omnipotens, sensus est, quoddam omnipotentia soli Deo convenit, & nulli alteri qui non est Deus: si verò jungatur termino personali, excluduntur etiam personæ divinæ, quantum ad ea in quibus habent oppositionem relativam, per quam solam distinguuntur, sed non quantum ad ea in quibus nullam talem oppositionem habent, cum in eis sint unum, & idem: unde quando dicitur, solus Pater generat, sensus est, quoddam hoc ipsi tantum convenit, & non filio, vel Spiritui Sancto; quia Pater generans oppositionem relativam habet, immediate cum filio genito, & mediatè cum Spiritu Sancto, ut explicabimus postea, quando ostenderimus, quoddam si Spiritus Sanctus non procederet à filio, non distingueretur ab illo. Sed cum dicitur, solus Pater cognoscit filium, sive ut habetur in scriptura sacra Matth. 11. *Nemo novit filium nisi Pater*, non excluditur propterea filius, vel Spiritus Sanctus, quia non habent oppositionem cum Patre in huiusmodi notitia, unde est æqualis, imò una & eadem in tribus divinis Personis. Et similiter quando in scriptura dicitur, quoddam Spiritus Sanctus à Patre procedit, non facta expressa mentione filij, non propterea filius excluditur, quia non habet oppositionem cum suo Patre in ipsa productione Spiritus Sancti: unde talis productio aqualiter utrique convenit, nimirum Patri & Filio, & in ea identificantur, ita ut non sint nisi unus idemque spirator, ut explicabimus magis postea, & præsertim

loco jam citato. Et idem dicendum est de qualibet alia dictione exclusiva.

Plures circa prædictas generales regulas fieri possunt objectiones, quas prætermitto: tum quia non versantur nisi circa quæstiones de terminis: tum quia distinctiones, quas explicimus, uel saltem insinuavimus, sufficiunt ad hujusmodi objectiones solvendas, imò etiam præveniendas.

ARTICULUS II.

De existentia, subsistentia, & perfectione divinarum Personarum.

Difficultates in hoc articulo agitandæ, non sunt etiam revera nisi de terminis sicut præcedentes: paulò tamen fusiùs explicandæ sunt, ad intelligentiam plurium testimoniorum, quæ circa ipsas habentur in Conciliis, Patribus, & Doctoribus.

§. I.

Verum Persona divina præter existentiam absolutam importent tres existentias relativas.

Adu. I. Quod existentia dicitur quasi rei extra suas causas sistencia: & quia res non sistitur sive ponitur totaliter extra omnes suas causas, nisi quando suam ultimam actualitatem recipit: idcirco existentia distinguiri solet à Philosophis, præsertim Thomistis, ultima rei actualitas: Dicitur autem ultima in hoc sensu, non quod res post existentiam nihil recipiat; sed quia nihil recipit quod pertineat ad essentiam: etenim existentia ita claudit, & terminat totum ordinem essentialem, ut quidquid post ipsam advenit, hoc totum sit extra essentiam rei. Existentia non ponitur in divinis prout est sistencia extra causas; Deus enim cum sit ens à se, nullam habet causam; sed prout est ultima rei actualitas.

Adu. 2. Quodd existentia non est ita ultima actualitas essentiae, quasi ipsa ad ordinem essentialem pertineat; nam ut docent Thomistae in Philosophia, existentia in creaturis realiter distinguitur ab essentia, & in divinis virtualiter, ut diximus in tract. de attributis agendo de simplicitate Dei. Sed dicitur ultima essentiae actualitas, quia est modus totius ordinis essentiae terminativus, cum hoc discrimine inter essentiam Dei, & creaturarum; quodd in creaturis quidquid supervenit essentiae per existentiam terminata est accidens reale, vel proprium, vel commune; sed in divinis, quae virtualiter superadduntur essentiae per existentiam terminata, sunt substantia & cum utraque substantialiter identificata, vel tanquam proprietates virtualiter consequentes, sicut attributa, vel tanquam modi virtualiter distincti, sicut relationes.

Adu. 3. Quodd existentia quandoque sumitur etiam pro substantia, ut videbimus probando conclusionem. Quia conveniunt in ratione ultimae actualitatis: nam sicut existentia est ultima actualitas essentiae, ita ut explicabimus in sequ. §. substantia est ultima actualitas Personae. Imò noster Medina docet tres tantum esse existentias relativas, quia existimat essentiam, & substantiam esse unum & idem etiam virtualiter in divinis: quod tamen falsum esse ostendemus. His praenotatis.

Authores communiter dicunt dari unam existentiam absolutam, & toti Trinitati communem. Sed utrum dentur insuper tres existentiae relativae, & personis propriae, difficultas est. Suarez & alij recentiores affirmant. Thomistae autem negant, ut Ioannes ad S. Thoma, Salmanticenses, de Marinis, Labat, Gonetus, & alij ab illis citati.

Concl. si existentia sumatur in sua stricta significatione, prout virtualiter distinguitur à substantia, non est nisi unica existentia in divinis, eaque absoluta, & toti Trinitati communis: si autem sumatur in ampla significatione, prout idem est ac substantia, tres sunt etiam existentiae relativae.

Probatur concl. quoad 1. partem ex D. Athanasio in Symbolo, ubi ait: *Non tres increati, sed unus*

increated, sicut nec tres aeterni, sed unus aeternus.
 Sed utrumque falsum esset, si non tantum una daretur
 existentia strictè sumpta, sed etiam tres. Ergo non
 datur nisi una. prob. m. Deus constituitur in ratione
 entis increati per existentiam propriè, & strictè sumpta.
 Ergo si existentia non foret una tantum sed plu-
 res, non foret similiter unus tantum increatus sed
 plures. Consequentia patet, quia multiplicatâ formâ
 multiplicatur quoque effectus ejus formalis: cum igitur
 existentia in genere causæ quasi formalis consti-
 tuat ens increatum, sequitur evidenter, quod si es-
 sent tres existentiae in divinis & non una tantum, es-
 sent quoque tres increati, & non unus tantum, antec-
 prob. intantum Deus est ens increatum, inquantum est
 ens à seipso existens, & à nullo alio dependens; sicut
 econtra intantum aliquid est ens creatum inquantum
 non est à seipso, sed ab alio, nempe ab ipso creatore,
 à quo producit, & dependet: existentia igitur divi-
 na constituit Deum in ratione entis à seipso exi-
 stentis.

Similiter dicendum est quantum ad aeternitatem, si
 enim non foret una tantum sed tres existentiae, non
 foret quoque una tantum sed tres aeternitates; proin-
 deque non essent unus tantum sed tres aeterni. Etenim
 aeternitas nihil aliud est quam permanentia Dei in sua
 existentia, ut diximus in fine tract. de attributis agen-
 do de aeternitate. Si ergo permaneret in pluribus exi-
 stentiis, forent plures aeternitates.

Respondent i. aliqui, non esse nisi unam entitatem
 increatam, & unam aeternitatem, absolute loquendo;
 posse nihilominus concedi tres entitates increatas,
 tresque aeternitates, cum addito, scilicet relativas.

Sed jure optimo rejicitur hæc solutio ab omnibus
 aliis: quia nedum D. Athanasius asserit unum increa-
 tum, & aeternum; proindeque unam entitatem increa-
 tam, & unam aeternitatem; sed etiam expressè negat
 tres increatos, & aeternos, proindeque tres entitates
 increatas, tresque aeternitates. Ergo cum ut dicunt
 Philosophi, negatio sit malignantis naturæ, quæ de-
 struit totum id supra quod cadit, negat omnino plu-
 res increatas entitates, & plures aeternitates etiam
 relativas.

Saltem fateri omnes debent, quod nostra sententia est conformior menti D. Athanasij, proindeque totius Ecclesiae, quae ipsius Symbolum accepit: admittendo enim unicam tantam existentiam, & non plures, intelligitur simpliciter & ad litteram, quod non sunt plures increati uel aeterni, sed unus tantum: quod non ita facile & clarè explicari potest, si plures existentiae admittantur.

Respondent 2. alij rationem entitatis increatae, & aeternitatis esse absolutam, & essentialem, ideoque multiplicari non posse, sicut rationem existentiae, quae abstrahit à ratione essentiali & notionali, absoluta & relativa.

Sed hæc est manifesta petitio principij: cum enim ratio entitatis increatae, & aeternitatis conveniat Deo ratione existentiae, ut jam ostendimus, non est potior ratio, cur entitas increata, & aeternitas non possit tam benè esse relativa, & notionalis, quam absoluta, & essentialis sicut existentia. Dicendum est ergo quod existentia strictè sumpta non est nisi absoluta & essentialis sicut entitas increata, & aeternitas.

Probari potest 2. pluribus omnino evidentibus Sancti Thomae testimoniis, quae apud Thomistas supra citatos videri possunt. Unicum sufficiat ita clarum & expressum, ut nullo subterfugio eludi possit: sumitur autem ex qu. 8. de potentia artic. 2. ad 11. ubi sic habet. *Dicendum, quod in divinis nullo modo est esse nisi essentia, sicut nec intelligere nisi intellectus; & propter hoc sicut in Deo est tantum unum intelligere, ita etiam unum esse: & ideo nullo modo concedendum est, quod aliud sit esse relationis in divinis, & aliud essentiae.*

Certè non video, quibus aliis terminis uti poterit S. Doctor ad nostram conclusionem stabiliendam, & subterfugia præcludenda. Si enim nullo modo admitenda est in divinis nisi illa una existentia, quae convenit divinae essentiae, & per quam exstant relationes, & omnia quae sunt in Deo, luce clarius est, quod non dantur plures existentiae relativæ: unde si nullus modò est Doctor qui non fateatur, quod præter intelligere absolutum non datur aliud quod sit relativum.

ut ostendimus in qu. 2. hujus tract. agendo de principio divinarum processionum; ita nullus est, qui non debeat fateri ex mente D. Thomæ, quod præter existentiam divinam absolutam non dantur aliæ existentia, quæ sunt relativæ.

§. II.

*Argumentum ex autoritate D. Thomæ
notatu dignum.*

Probatur conclusio quoad secundam partem, argumento ex autoritate D. Thomæ de prompto, quod notatu dignum est, quia Authores non faciunt ipsius mentionem, & tamen est magis convincens quam ea quæ communiter referri solent.

Igitur angelicus Doctor 1. p. qu. 29. a. 3. ad 5. ait ex Richardo à S. Victore, *quod Persona (secundum quod de Deo dicitur) est divina natura incommunicabilis existentia*. Ex quo sic formatur argumentum. Sicut ex hoc quod angelicus Doctor in eadem qu. artic. 1. Personam diffinit, rationalis naturæ individuum substantiam, inferunt omnes Thomistæ, alijque Doctores, quod sicut in divinis sunt tres Personæ, ita sunt tres individua substantiæ, non simpliciter sed cum addito, scilicet relativæ, ut vidimus in artic. præced. ita ex hoc quod dicit personam divinam esse naturæ divinæ incommunicabilem existentiam, manifestè sequitur, quod juxta ipsius mentem sicut sunt tres divinæ Personæ ita sunt tres incommunicabiles existentia. Et ratio est, quia dum multiplicatur diffinitio vel quasi diffinitio, ita etiam multiplicatur diffinitio, vel quasi diffinitio, ut fatentur omnes Philosophi, & inductione patet in omnibus rebus, quæ definiuntur: cum igitur istud quasi diffinitum sive Persona divina multiplicetur, ita multiplicatur etiam ista quasi distinctio, sive incommunicabilis existentia.

Confirm. Quia loquitur ibi D. Thomas juxta opinionem Richardi, qui lib. 4. de Trinitate cap. 16. sic habet. *Communem autem existentiam dicimus,*

ubi intelligitur esse habens ex proprietate communis; incommunicabilem vero, ubi intelligitur esse habens ex proprietate incommunicabili. Admittit ergo Richardus præter existentiam communem, proindeque absolutam, existentiam quoque incommunicabilem, proindeque relativam: imò etiam plures existentias relativas; quia ubi est relativa oppositio, ibi est etiam realis distinctio.

Ergo similiter D. Thomas cum una existentia absoluta tres admittit relativas. Et ne sibi manifestè contradicat, dicendum est, quòd quando unam tantum existentiam admittit, sumit existentiam strictè, prout à subsistentia distinguitur: quando verò admittit tres existentias, sumit existentiam latè, prout idem est cum subsistentia.

In eodè sensu loquitur D. Cyrillus relatus à Salmanticensibus, dum libro 1. Dialogi de Trinitate circa finem loquens de Patre, & filio ait: *cum uterque sit, ac subsistat, propriamque habere dicatur existentiam.* Sumit enim existentiam pro subsistentia. Et hæc est regula generalis ad exponenda, & concilianda SS. Patrum testimonia, quam acceptant iidem Salmanticenses, & communiter alij Thomistæ.

Probatur 3. Utraque pars conclusionis. Quia existentia strictè sumpta est ultima actualitas essentiæ; existentia verò latè sumpta pro subsistentia est ultima actualitas personæ. Sicut ergo una tantum est in divinis essentiæ, eaque absoluta, & toti Trinitati communis, ita & una tantum existentia strictè sumpta: & sicut sunt tres Personæ, ita & tres existentia latè sumptæ prout idem sunt ac subsistentiæ. Consequentia patet. Antecedens probatur ex dictis. Cùm Deus sit ens per essentiæ, propria ratio existentia divinae est, ut reddat ipsam divinam essentiæ in se, & per se actualiter existentem, & ultimè completam; ita tamen ut cùm essentiæ divina ex infinita sue unitate sua sit communicabilis tribus divinis Personis, reddat eam existentem communicabiliter. Subsistentia verò, cùm debeat constituere divinam Personam, ut videbimus in sequ. artic. & Personæ divinae sint plures propter oppositionem relativam, quam habent ad invicem,

propter

propter quam sunt incommunicabiles ad invicem, necesse est quod sint etiam tres substantiæ, quæ Personas reddant incommunicabiliter substantes.

Obicit. 1. D. Augustinus lib. 7. de Trinitate cap. 4. ait: *Aliud Deum esse, Aliud Patrem esse.* Ergo existentia qua Deus est Deus, distinguitur saltem virtualiter ab illa, qua est Pater.

Resp. D. Augustinum ibi sumere esse, non prout dicit existentiam, sed prout dicit propriam rationem ipsius rei: & verum est, quod quavis una sit eademque existentia, qua Deus existit ut Deus, & ut Pater; attamen ratio propria, per quam Deus est Deus, distinguitur ab illa per quam est Pater; non quidem realiter, & quoad rem significatam, sed virtualiter, & quoad modum significandi, ut explicavimus in quæ precedenti exponendo testimonia Patrum, circa identitatem, & distinctionem essentiæ divinæ, & relationum. Et hæc est altera generalis regula ad exponenda, & concilianda Doctorum testimonia, & sumuntur ex D. Thoma variis in locis, sed præsertim quodl. 12. artic. 1.

Ob. 2. Filius dicit existentiam strictè sumptam, quæ distinguitur virtualiter ab existentia essentiæ. Ergo non est una tantum existentia in divinis. prob. antec. filius ex vi suæ processions recipit existentiam strictè sumptam. Sed hæc non est existentia essentiæ. Ergo est saltem virtualiter distincta. ma. prob. filius in quantum procedit, producit. Sed quidquid producit, recipit existentiam: quia productio tendit ad existentiam rei productæ. Ergo. Minor etiam prob. existentia essentiæ est improducta: existentia verò filij est producta. Ergo non sunt una eademque existentia, sed virtualiter distinguuntur.

Resp. ne. antec. ad cujus probationem distinguo. ma. Filius ex vi processions recipit existentiam ut productam, ne. ut communicatam, conc. sicut ergo ex vi generationis filij non producit natura divina, sed solummodo ipsi communicatur; quævis natura sit formalis terminus, ad quem per se primò tendit filij generatio, ut diximus qu. 2. hujus tractatus, agendo de processionibus; Ita quævis existentia sit

formalis terminus, ad quem tendit per se primo rei productio; non propterea sequitur quod producat, sed solummodo quod communicetur. Et ratio est, quia rem producere est ipsam existentem constituere: hoc autem fieri potest uel existentiam producendo, uel illam aliunde improductam communicando: sic igitur filius verè, & propriè producit; quia existentia essentiae ipsi verè, & propriè communicatur; quamvis aliunde eadem existentia sit improducta, sicut ipsamet essentia.

Obiic. 3. Absoluta, & relativa distinguuntur saltem virtualiter in divinis, ut fatentur omnes. Sed existentiae relationum, quibus constituuntur Personae divinae, sunt relatiuae. Ergo virtualiter distinguuntur ab existentia essentiae, quae est absoluta. prob. m. i. Talis est proportionaliter existentia, qualis est res per ipsam existens: unde entitas substantialis nequit existere per existentiam accidentalem. Ergo existentiae relationum debent esse relatiuae. 2. Existentia nihil aliud est quam entitas actualis. Sed tres divinae Personae sunt tres entitates actualissimae; cum in divinis nulla possit esse potentialitas. Ergo dicunt tres existentias. 3. relationes in rebus creatis dicunt existentiam strictè sumptam, sibi propriam, & realiter distinctam ab existentia sui fundamenti. Ergo relationes in divinis debent dicere existentiam saltem virtualiter distinctam ab existentia essentiae in qua fundantur.

4. Relativa sunt ea, quorum totum esse est ad aliud se habere: absoluta verò sunt ea quorum esse est se habere ad se. Ergo eorum esse virtualiter distinguitur.

5. Pater non se habet ad se, sed ad alium, nempe filium, ut docent omnes. Ergo inquantum Pater non dicit existentiam absolutam, sed relativam.

Resp. negando m. ad cuius primam probationem dist. antec. talis est proportionaliter existentia, qualis est res per ipsam existens, si fuerit primum ejus receptivum, conc. si secundarium tantum, ne existentia autem divina prius virtualiter afficit essentiam divinam, & postea relationes, & Personas: unde proportionatur essentiae, & est absoluta & communis

sicut ipsa, Quia tamen relationes, & Personæ nullam habent oppositionem cum huiusmodi existentia quamvis absoluta, sicut nec ullam habent cum essentia, quamvis sit ut ita dicam absolutissima; imò cum ipsa realiter identificantur, & sunt omnino unum & idem: ideo non est mirum si per ipsam existant. In creaturis autem substantia nequit existere per aliquod accidens propter modum existendi contrapositum, ut explicant Philosophi.

Ad 2. distin. iii. Tres Personæ sunt tres entitates, prout entitas contraponitur nihilo, conc. prout entitas importat actualitatem existentiae. ne. Tres igitur divinæ Personæ sunt tres entitates, quatenus ut explicuimus in precedenti artic. non sunt nihil sed aliquid etiam prout ab invicem realiter distinguuntur. Sed non sunt nisi una entitas, quatenus non dicunt nisi unam existentiam strictè sumptam, cum qua realiter identificantur.

Ad 3. nego consequentiam, & paritatem: Quia ex imperfectione creaturarum provenit, quòd earum relationes distinguantur à suis fundamentis, proindeque distinctam habeant existentiam: quia creaturæ ex hoc quòd sunt finitæ, & limitatæ, non possunt sibi realiter identificare omnia quæ ad ipsas spectant. Sed econtra ex summa perfectione Dei provenit, quòd relationes divinæ sint realiter unum & idem omnino cum suo fundamento, quod est ipsa divina essentia; ideoque existant per ipsius existentiam: quia cum essentia divina sit infinita, & illimitata, sibi realiter identificat omnia quæ ad ipsam spectant, tam relationes quàm attributa, eaque omnia reddit existentia.

Ad 4. distingo consequ. Esse absolutorum, & relativorum in divinis virtualiter distinguitur, si loquamur de esse existentiae, ne. Si de esse essentiae, conc. Id est propria, & quidditativa, ac suo modo essentialis eorum ratio est distincta; non quidem realiter, & quoad rem significatam, sed virtualiter, & quoad modum significandi, ut sæpè diximus. Sed semper manet, quòd eorum existentia est una & eadem etiam virtualiter. Quamvis nullum sit inconveniens, si di-

creantis eam esse virtualiter distinctam, & multiplicem in hoc sensu, quod omnia quae sunt in divinis, reddite existentia tã relativa, quàm absoluta, non minùs quàm si foret distincta, & multiplex realiter. Ut enim explicuimus in tract. de attributis agendo de simplicitate Dei, cùm virtualis distinctio non sit revera distinctio sed distinctionis virtus, etiamsi eam in infinitum multiplicarem in divinis, nullum foret inconveniens: quia hoc nihil aliud esset quàm asserere virtutem divinam esse infinitam, & capacem præstandi quicquid præstarent res infinitae, quod est verissimum. ad 5. Dico Patrem ratione paternitatis suae se habere ad filium, sed ratione existentiae divinae se habere ad seipsum, ut explicabimus magis in sequent. paragr.

Obiic. 4. Existentia, & subsistentia non distinguuntur in creaturis nisi virtualiter. Ergo non debent distinguui in divinis nequidem virtualiter. Consequ. videtur evidens: quia simplicitas Dei est incomparabiliter major quàm simplicitas creaturarum; proindeque res minùs distinguuntur in Deo, quàm in creaturis. Antec. prob. una eademque realiter actualitas est ultima respectu essentiae, & personae: quia hoc ipso quod existentia v. g. naturae humanae reddit eam ultimò actualitatem, reddit quoque ulterius incommunicabilem, & ut ita dicam personatam. Ergo subsistentia non distinguitur realiter, sed virtualiter tantùm ab existentia, quatenus ei superaddit negationem ulterioris communicationis; itaut eadem actualitas quatenus est ultima, dicatur existentia, & quatenus fundat prædictam negationem ulterioris communicationis, dicatur subsistentia.

Resp. Quidquid sit de rebus creatis, nego consequentiam pro divinis. Plures quidem Thomistae docent existentiam, & subsistentiam in creaturis distinguui realiter: alij verò asserunt eas non distinguui nisi virtualiter: sed quaecunque ex his opinionibus teneamus, semper admittendum est quod in divinis distinguuntur virtualiter.

Quia ex imperfectione creaturarum provenit, quod subsistentia non distinguatur ab existentia, quatenus natura creata, cùm sit finita & limitata, non est enti-

tativè
existit
actu
lem, &
tur pe
liter in
commu
stentia
venit,
ter dist
reale,
stentia
te rei,
confite
stentia
& subli
qual be
nicabili
grapho

Virtu

Adv
stentia
lem,
arque
cabilit
paragr
sublite
doquel
venunt
quamv
absolut
primò
stentia
quod e
sonam
ut mag
constitu

tativè communicabilis pluribus personis, quatenus est
 existens à parte rei : unde existentia eam ultimè
 actuando, reddit eam simul ac semel incommunicabi-
 lem, & sic est eadem cum subsistentia : nec distinguun-
 tur per aliquid positivum & reale, quod una virtuali-
 ter superaddat alteri ; sed propter solam negationem
 communicationis, quam subsistentia superaddit exi-
 stentiæ. Sed e contra ex summa Dei perfectione pro-
 venit, quod in eo existentia, & subsistentia virtuali-
 ter distinguantur, etiam per aliquid positivum, &
 reale, quod subsistentia virtualiter superaddat exi-
 stentiæ : cum enim essentia divina prout existit à par-
 te rei, sit communicabilis pluribus personis, & in hoc
 consistat Mysterium SS. Trinitatis, necesse est ut exi-
 stentia reddat eam existentem, sed communicabiliter ;
 & subsistentia virtualiter superveniens reddat eam in-
 qualibet persona divina subsistentem, sed incommu-
 nicabiliter, quod explicabimus magis in sequ. Para-
 grapho.

§. III.

*Utrum Persona divina præter tres subsistentias
 relativas dicant unam absolutam.*

Adv. Quod subsistentia dicitur quasi substantiæ si-
 stentia ; quia sistit, & terminat naturam substantia-
 lem, ne ulterius progrediatur, & communicetur ;
 atque ita reddit eam in se sistentem, sive incommuni-
 cabiliter subsistentem. Sicut autem vidimus in præced-
 paragr. quod Patres, & Doctores quandoque sumunt
 subsistentiam pro existentia, ita etiam e contra quan-
 doque sumunt existentiam pro subsistentia : quia con-
 veniunt in hoc quod utraque est ultima rei actualitas,
 quamvis in hoc differant, quod existentia diffinitur
 absolutè, ultima rei actualitas, eoquod dicit per se
 primò habitudinem ad ipsam rei essentiam ; sed subsi-
 stentia non ita diffinitur nisi cum addito, dicendo
 quod est ultima rei actualitas per habitudinem ad per-
 sonam, quatenus naturam personatam reddit, &
 ut magis explicabimus in sequ. artic. ipsam personam
 constituit. Hoc prænotato,

Triplex est sententia. 1. Eorum qui existimabant non dari in divinis tres substantias relativas, sed unam tantum, eamque absolutam; hæc opinio tribuitur Scoto, proindeque Scotistis, Durando, imò & nostro Capreolo & alijs, ut videri potest apud Salmantenses disp. 19. de Trinitate dubio 4. §. 3. Secunda sententia præcedenti omnino opposita est, quod e contra dantur in divinis tres tantum substantiæ relativæ, & nulla absoluta. Hanc tenent plures ex modernis etiam ex Thomistis, & inter alios noster doctissimus P. Nicolai 3. p. qu. 3. a. 3. ad 1. Tertia sententia est media, vel potius utramque præcedentem amplectitur, dum asserit dari unam substantiam absolutam & tres relativas. Ita communiter Thomistæ, Salmanticenses, Joannes à S. Thoma, de Marinis, Gonetius, & alij.

Conclusio. Si substantia sumatur in sua stricta significatione prout virtualiter distinguitur ab existentia, tres in divinis dantur substantiæ, quæ sunt relativæ: si autem sumatur in ampla significatione prout est eadem cum existentia, una est substantia, eaque absoluta sicut ipsa existentia.

Probari possit conclusio quoad 1. partem pluribus Conciliorum definitionibus. Sed istæ sufficiant utpote omnino evidentes. In Concilio Constantinopolitano 2. Generali 5. Collatione 3. Anathematismo 1. Sic expressè habetur. Si quis non constiterit, &c. unam Deitatem in tribus substantiis, sive personis adorandam, talis anathema sit. Et in sexta Synodo Generali acti. ij. in professione fidei sic dicitur. Trinitatem itaque in unitate credimus, & unitatem in Trinitate glorificamus: Trinitatem quidem pro tribus substantiis, unitatem autem propter singularitatem Deitatis. Nam sancta Trinitas numerabilis personabilis est substantiis, & sancta unitas extra omnem numerum est. Et in Concilio Romano Lateranensi approbato à S. Pontifice Martino 1. In Canonibus sub anathemate recipiendis Canone 1. sic dicitur. Si quis secundum sanctos Patres non constiterit &c. Unum Deum in tribus substantiis consubstantialibus &c. condemnatus sit. Et in Con-

cilio Florentino in litteris unionis Pontifex Eugenius 4. approbante universali Concilio fidei veritatem ab omnibus credendam diffiniens, sic ait: *Declarantes, quod id quod sancti Doctores, & Patres dicunt, ex Patre per filium procedere Spiritum Sanctum, ad hanc intelligentiam tendit, ut per hoc significetur, filium quoque esse secundum Græcos quidem causam, secundum Latinos vero principium subsistentia Spiritus Sancti, sicut & Patrem.*

Ex his sic argumentamur. 1. Debemus credere & adorare Deum unum in tribus subsistentiis. Cum igitur certum sit secundum omnes, quod absoluta non multiplicatur in divinis, sed tantum relativa, sequitur quod tres illæ subsistentiæ sunt relativæ. 2. Debemus agnoscere Trinitatem propter tres subsistentias, & unitatem propter unam Deitatem: si autem sicut non est nisi una tantum Deitas, ita non foret nisi una tantum subsistentia, deberemus similiter propter ipsam agnoscere & fateri unitatem, non verò Trinitatem, ut per se patet. 3. Si esset una tantum subsistentia absoluta, non esset Trinitas numerabilis ratione subsistentiæ: quia unitas extra numerum est, idest ea quæ sunt absoluta & unum in divinis, non ponunt in numero cum relativis: unde dicimus in sequenti corollario, quod licet admittamus in divinis unam existentiam, & unam subsistentiam absolutam, tresque existentias, & tres subsistentias, sumendo existentiam & subsistentiam vel strictè vel latè; nihilominus dici nequit, quod sint quatuor existentia, vel quatuor subsistentia in divinis. Intantum igitur Trinitas est numerabilis propter subsistentias, inquantum sunt tres subsistentiæ relativæ, & ab invicem realiter distinctæ. 4. cum nihil sit principium sui sed alterius, ex hoc quod Pater, & Filius sunt principium subsistentiæ Spiritus Sancti, necesse est quod ab ea realiter distinguantur: unde quamvis naturam divinam Spiritui Sancto communicent, quia tamen cum ipsa realiter identificantur, non dicuntur ipsius principium. Cùm igitur sola oppositio relativa distinctionem faciat in divinis, sequitur quod quælibet Persona divina habet subsistentiam relativam sibi propriam, & ab alte-

rius Personæ substantia realiter distinctam.

Respondent adversarij 1. substantiam in prædictis locis sumi pro personali proprietate, itaut sensus sit dari tres proprietates personales.

Sed contra uel hæc locutio propriè & simpliciter sumitur, uel impropriè & secundum quid. Si dicatur primum, habemus intentum, quod nimirum propriè, & simpliciter loquendo, dantur in divinis tres substantiæ. Si dicatur secundum, hoc est contra regulam generalem; juxta quam debemus intelligere definitiones Conciliorum. Patres enim semper in ipsis loquuntur secundum propriam, simplicem, & litteralem verborum significationem, ne hæretici suam condemnationem subterfugere, & vim ac efficaciam hujusmodi definitionum valeant eludere.

Respondent 2. Concilia sumere nomen illud abstractum, *substantia*, pro isto nomine concreto, *subsistens*, sive pro re subsistente: itaut quando dicunt tres in divinis esse substantias, sensus sit tres esse res subsistentes: ad hoc autem non est necesse, quod revera dentur tres substantiæ; sed sufficit quod sint tres Personæ substantiam importantes, licet aliunde sit una tantum.

Sed contra 1. Concilia loquuntur de substantiis quasi de formis, quibus constituitur, & numeratur Sanctissima Trinitas: hoc autem est sumere substantias in abstracto & non in concreto, si velimus loqui propriè & simpliciter sicut debemus, quando agitur de Conciliorum definitionibus. Ergo revera sunt tres substantiæ, & non solummodo tres subsistentes.

2. Uel hoc nomen concretum, *subsistens*, sumitur substantivè, sicut hoc nomen, *Deus*; uel sumitur adjectivè, sicut hoc nomen, *divinus*, si dicatur primum, non poterunt dici plures subsistentes, sicut non possunt dici plures Dij, sed tantum unus subsistens propter unam substantiam, sicut unus Deus propter unam naturam divinam: & ratio sumitur ex regula tradita in præc. articulo §. 1. quia ad multiplicationem nominis substantivi requiritur multiplicatio nedum concreti, sed etiam abstracti, sive nedum suppositi formam habentis, sed etiam ipsius formæ; un-

Ne ad hoc ut sint tres subsistentes, sumendo nomen illud substantivè, non sufficit, quod sint tres substantiam habentes, sed requiritur omnino quod sint etiam tres subsistentiæ: sicut ad hoc ut forent tres Dii, necesse foret, quod essent tres divinitates.

Si autem sumatur nomen illud, *subsistens*, adjectivè, sicut nomen illud, *divinis*; adhuc habet us intentum: quia concretum quidem adjectivum sumi posset in plurali, sed non ejus abstractum: nam sicut licet dicantur tres divini, nullus tamen est Doctor catholicus, qui non fateatur, quod non potest propterea dici tres esse divinitates, etiam sub prætextu sumendi abstractum pro concreto. quia non est revera nisi una divinitas: Ita si non essent revera tres subsistentiæ, sed una tantum, potuissent quidem Concilia dicere tres esse subsistentes, sed nullatenus dicere potuissent tres esse subsistentias.

Respondent 3. subsistentiam divinam appellari triplicem, non ex eo quod revera ipsa ratio subsistendi multiplicetur in divinis; sed quia subsistentia absoluta, in Personis divinis inclusa, diversimodè ab illis modificatur, & diversis incommunicabilitatis modis terminatur.

Sed contra. Quia simili modo dici posset tres esse divinas essentias, tres sapientias & omnipotentias, & uno verbo omnia absoluta multiplicari, quod est contra fidem. Sequela prob. quia hæc omnia in diversis Personis includuntur, & diversimodè ab illis modificantur, & variis incommunicabilitatis modis terminantur, ut fatentur omnes Doctores, & tradit expressè D. Thomas qu. 2. de potentia art. 5. ad 5. His verbis: *una & eadem est essentia trium Personarum, non tamen sub eadem relatione, nec secundum eundem modum existendi est in tribus Personis.*

Confirmantur hæc omnia, quia verba in definitionibus Conciliorum posita debent intelligi simpliciter, & ad litteram, quantum fieri potest, si nullum inde sequatur inconveniens: ut sicut jam diximus, hæretici subterfugere nequeant; & aliunde catholici clare, & distinctè in illis definitionibus videant, quid sit

credendum. Sed nullus negare potest, quin admit-
tendo tres substantias relativas juxta propriam &
strictam significationem substantiæ, Conciliorum
diffinitiones intelligantur simpliciter, & ad litteram:
quod autem nullum ex hoc sequatur inconveniens, pa-
tebit ex solutionibus objectionum.

Probari posset 2. innumeris Sanctorum Patrum te-
stimoniis, nam ut habemus ex prædictis Conciliis
Romano, & Florentino, hæc est communis Patrum,
& Doctorum sententia tam Græcorum quam Latino-
rum. Sed sufficiant sequentia ex multis quæ referun-
tur à S. Iulianensiensi loco citato dubio 4. D. Ambro-
sius tract. in Symbolum Aristolorum, cap. 2. ait.
*Ita ergo rectum, & catholicum est, ut is unus
Deum secundum unitatem substantiæ fateamur;
& Patrem & Filium & Spiritum Sanctum in
sua quæque substantia sentiamus.* Cyrillus Ale-
xandrinus in Dialogo de Trinitate lib. 3. circa finem
sic habet. *Omnia fidei nostra sermo huc tendit, ut
unam quidem videamus Deitatis naturam, quæ
in tribus substantiis propriè subsistit.* Teitur pro-
priè & simpliciter loquendo tres sunt substantiæ in
divinis, & quælibet Persona gaudet suâ substantiâ.
S. Chrysostomus ad Hebr. 1. Homil. 2. exponens il-
lud quod Apostolus ait de Christo: *Character* (vel
ut habet editio vulgata, *figura*) substantiæ ejus, sic
loquitur: *Character quippe alter est ab ipso suo
exemplari: alter autem non in omnibus, sed se-
cundum quod per seipsum subsistit.* Si secundum
suam substantiam filius est alter à Patre: Ergo in
suis substantiis realiter distinguuntur: & cum in di-
vinis non distinguantur nisi relativa, sequitur quod
eorum substantiæ sunt relative: & idem dicendum
est de substantia Spiritus Sancti. Unde D. Damas-
cenus lib. 1. fidei, in fine cap. 9. sic dicit: *Filius
propriam habet substantiam, præter eam quæ
Patris est.* Habet ergo distinctam, & relativam: quia
certum est secundum omnes Doctores, quod absoluta
sunt communia toti Trinitati, & ad summum ipsis
appropriata, sed nunquam propria.

Probari posset 3. pluribus testimoniis angelici no-

Atri Præceptoris, quæ ab iisdem Salmanticensibus referuntur, & ponderantur. Sufficiat hoc unum utpote omnino evidens & convincens. Igitur S. Doctor 1. p. qu. 29. artic. 2. quaerit: utrum persona sit idem quod Hypostasis, substantia, & essentia: & cum in 2. argum. sibi obieciſſet, quod sicut in divinis dicimus tres Personas, ita etiam dicimus tres substantias: ex quo infert quod idem significat persona & substantia. Respondet ad 2. *Dicendum, quod sicut nos dicimus in divinis pluraliter tres personas, & tres substantias, ita Græci dicunt tres hypostasies: sed quia nomen substantia, quod secundum proprietatem significationis respondet hypostasi, equivocatur apud nos (cum quandoque significet essentiam, quandoque hypostasim) ne possit esse erroris occasio, maluerunt pro hypostasi transferre substantiam, quam substantiam.* Sicut ergo nullus est catholicus, qui non fateatur, quod dantur in divinis tres Personæ, tresque hypostasies loquendo propriè & simpliciter; ita nullus est Thomista, qui fateri non debeat, quod dantur similiter tres substantiæ. Imò persona vel hypostasis idem significat ac substantia, quamvis illa significet modo concreto, & ista modo abstracto: & ad tollendam equivocationem huius nominis, substantia, ne sumatur pro essentia, sive pro aliquo essentiali, & absoluto, sed pro persona, vel hypostasi, sive pro aliquo notionali, & relativo, exprimitur nomine substantiæ.

Nec refert quod in corp. ejusdem articuli sic habetur: *secundum quod per se existit, & non in alio, vocatur substantia: illa enim subsistere dicimus, quæ non in alio sed in se existunt.* Ibi enī m. D. Thomas sumit existentiam in sua ampla significatione, prout idem est ac substantia, ipsam verò substantiam sumit in sua propria, & stricta significatione, prout dicit existentiam, non qualemunque sed incommunicabilem, & relativam: aliter ipsius testimonia conciliari non possent, ut diximus in par. præcedenti, & explicabimus adhuc in isto, & in sequentibus.

Prob. 4. ratione fundamentalī, quæ ut benè pene-

tritur à Theologiae candidatis, advertendum est, quòd omnes in hoc conveniunt, quòd persona est id quod incommunicabiliter subsistit: sed adversarij volunt, quòd Personae divinae habeant hoc quod est subsistere, per subsistentiam absolutam; habeant verò incommunicabilitatem per relationes: itaut subsistant incommunicabiliter, inquantum subsistentia absoluta variè modificatur à relationibus. Unde ad hoc tota devolvitur difficultas, ut probemus, quòd prater illud subsistere absolutum, quod divinae Personae habent ab absoluta subsistentia, habent insuper triplex subsistere relativum à subsistentiis relativis. Ad hoc autem probandum, praemitto auctoritatem D. Thomae ex illa quaest. 9. iam citata de potentia, artic. 2. ad 9. ubi sic habet. *Dicendum, quòd sicut dicimus in Deo tres personas, ita possumus dicere tres substantias individas; unam tamen substantiam, quae est essentia.* Et ibidem ad 12. ait: *Dicendum, quòd individuum in diffinitione personae sumitur pro eo quod non predicatur de pluribus.* Ex quo habemus, quòd in divinis tres sunt substantiae incommunicabiles, sicut sunt tres Personae divinae; & una substantia communicabilis, sicut est una essentia. Hoc autem supposito, sic argumentamur.

Dantur tres Personae divinae. Ergo dantur tres subsistentiae relativae. Prob. consequ. Personae divinae subsistunt incommunicabiliter, secundum omnes Doctores. Sed non subsistunt incommunicabiliter per subsistentiam absolutam, sed per subsistentias relativas. Ergo dantur tres subsistentiae relativae. Prob. mi. quantum ad istam secundam partem, in qua est tota difficultas. Ipsi etiam adversarij fatentur, quòd Personae divinae habent incommunicabilitatem ex ipsis relationibus. Et ratio est, quia intantum Personae divinae sunt incommunicabiles ad invicem, inquantum realiter ab invicem distinguuntur. Sed ipsae relationes sunt subsistentiae incommunicabiles. Ergo sunt tres subsistentiae relativae. Prob. mi. relationes quatenus distinguunt realiter Personas divinas ab invicem, non sunt accidentales, sed substantiales; vel ut melius cum ipso D. Thoma loquamur, sunt sub-

stantiæ , & quidem incommunicabiles. Ergo sunt subsistentiæ relativæ.

Dices , relationes divinas esse quidem substantiales , & substantias , etiam prout ab invicem realiter distinguuntur , & ipsas quoque Personas distinguunt : sed hoc habere ex eo quod realiter identificantur cum essentia divina , quæ prout in se subsistit absolute , habet maximè rationem substantiæ.

Sed contra est 1. *Authoritas prædicta D. Thomæ* ; in qua expressè distinguit tres subsistentias personales sive individuas , & incommunicabiles , proindeque relativæ ab una subsistentia essentiali , proindeque absolute. 2. Illud positivum & reale , secundum quod relativæ distinguuntur ab absolutis , non est accidens , vel aliquid accidentale , sed aliquid substantiale , imò substantia. Ergo cùm sit aliunde incommunicabile , habet secundum suam rationem propriam , quod sit subsistentia incommunicabilis , & relativæ prob. antec. quidquid accidentale est , dicit in suo conceptu impræcendibilem imperfectionem , scilicet inhaerentiam , & dependentiam , ut docent omnes Philosophi : Id verò quod substantiale est , vel perfectionem importat , vel saltem nullam involvit imperfectionem. Cùm igitur nulla in Deo admitti possit imperfectio , nihil est in ipso quod sit accidentale , sed quidquid in eo reperitur , est substantiale.

Confirm. debemus concipere in divinis tres subsistentias relativæ , si possumus : quia sic Concilia & Patres clarè ac facillè intelliguntur ; imò nequeunt aliter intelligi. Atqui hoc possumus : quia relationes prout reddunt Personas divinas incommunicabiles , non dicunt puram negationem communicationis , sed important aliquid positivum , & reale , quod fundat huiusmodi negationem , & est relatiuum , ut fatentur ipsi etiam adversarij : aliter enim Personæ divinae non distinguerentur realiter ab invicem. Illud autem relatiuum nedum prout realiter identificatur cum essentia , sed etiam prout virtualiter distinguitur ab ipsa , & à quolibet absoluto , potest à nobis concipi ut aliquid in se & per se stans , tanquam aliquid substantiale , imò substantia , proindeque ut relatiuum subsistens in-

communicabiliter, sive ut subsistens subsistentia relativa. Ergo debemus ita concipere.

Quamvis igitur attributa divina etiam ut virtualiter distincta ab essentia divina concipiamus ut eidem essentia adjacentia, tanquam proprietates in ea & per eam subsistentes, beneficio subsistentia absolutæ; attamen Personas divinas secundum illud relativum quod important distinctum virtualiter ab essentia concipere debemus, nemum ut ipsi adjacentes & per eam subsistentes, beneficio eiusdem subsistentia absolutæ: sed etiam ut subsistentes in seipsis, & per seipsas per subsistentias relativas.

Prob. concl. Quoad secundam partem ex D. Augustino lib. 7. de Trinitate cap. 4. ubi sic habet. *Sicut ab eo quod est esse appellatur essentia; ita ab eo quod est subsistere substantiam dicimus. Ad absurdum est autem, ut substantia relative dicatur: omnis enim res ad seipsam subsistit, quanto magis Deus.* Ubi D. Augustinus non sumit subsistentiam in sua stricta significatione, prout virtualiter distinguitur ab existentia; sed in significatione ampla prout idem est cum ipsa existentia. Id optime observavit noster doctissimus Serra 1. p. qu. 30. a. 1. dubio unico, & hoc probat ex eo quod idem S. Doctor ibidem cap. 5. subdit: *Vnde hoc est Deo esse quod subsistere: & ideo si una essentia Trinitas, una etiam substantia.* Subsistentia igitur si sumatur pro existentia non multiplicatur, nec est relativa, sed est una & absoluta, ut explicuimus in precedentibus paragr. Sed cum hoc stat, quod si subsistentia sumatur prout ab existentia virtualiter distinguitur, tres sunt relativæ subsistentia.

Probari potest etiam ex D. Thoma pluribus testimoniis. Sed aliis prætermittis, & in particulari illis, quæ sumuntur ex sententiis, & ad quæ P. Nicolai respondet in notis marginalibus, sufficiat istud, quod nullo subterfugio eludi potest. Igitur angelicus Doctor 4. contra gentes cap. 14. loquens de Deo sic ait: *sunt igitur plures res subsistentes, si relationes considerentur: est autem una res subsistens, si consideretur essentia.* Et propter hoc dicimus unum Deum esse, quia est una essentia subsistens: &

plures Personas propter distinctionem subsistentiarum relationum.

Ex quo loco sic argumentamur. Ea quæ dicuntur de Deo & singulariter, & pluraliter, debent ipsi convenire & ratione essentiæ five alicujus absoluti essentiæ consequentis, & ratione personarum five relationum quæ ipsas constituunt, juxta regulam in præc. artic. §. ult. traditam, & ab omnibus acceptatam. Sed esse rem subsistentem prædicatur de Deo & singulariter & pluraliter; cum sit & una res subsistens, & plures res subsistentes. Ergo necesse est dari, & unam subsistentiam essentialem five absolutam; & tres subsistentias personales five relativas.

Confirm. Dicimus dari tres Personas in divinis; sed nullatenus dici potest, quod datur una Persona si consideretur essentia, & plures Personæ si considerentur relationes: quia personalitas non convenit Deo ex parte alicujus absoluti, sed tantum ex parte relationum, ut dicebamus in eadem regula generali. Ergo similiter, si non esset in divinis una subsistentia absoluta, sed forent solummodo tres subsistentiæ relative, dicerentur quidem tres res subsistentes; sed nullatenus dici posset una res subsistens.

Probatnr nuper ratione fundamentali. Deus est ens à se five ens per essentiam; proindeque ex ipsa sua essentia habet quod existat independentem à quocunque alio, atque ita in se & per se subsistat. Nam ut D. Thomas I. 2. q. 29. a. 2. de divina substantia loquens ait: *secundum quod per se existit, & non in alio, vocatur subsistentia. Illa enim subsistere dicimus, quæ non in alio sed in se existunt.*

Dices Deum habere per suam essentiam, quod subsistat, non quasi importeret subsistentiam absolutam; sed quia essentialiter exigit tres personas divinas, in quibus subsistit per subsistentias relativas.

Sed contra est, quod ut explicuimus in paragr. præcedenti, existentia est actualitas essentiæ, & ut subsistentia est actualitas personæ: unde essentia divina antecedenter ad personas habet suam existentiam independentem ab omni alio, proindeque in se & per se subsistentem. Igitur sumendo subsisten-

iam divinam prout idem est ac existentia, ut sumimus in proposito, est subsistentia essentialis & absoluta, non autem personalis, & relativa. Et hæc est vera mens Doctoris nostri angelici 1. sen dist. 21. qu. 2. artic. 1. dicentis: *Iste terminus, Deus, predicat naturam divinam & tribus personis, quæ etiam in se est habens esse subsistens nullâ intellectâ personarum distinctione.*

Obiicitur contra 1. partem concl. D. Augustinus in autoritate jam relata, postquam dixit substantiam dici à subsistentia, subdit: *absurdum est autem ut substantia relativè dicatur.* Ergo ex ipsius mente absurdum est admittere subsistentias relativas.

Resp. quod ut jam ostendimus ex eodem loco, D. Augustinus ibi sumit subsistentiam pro existentia: unde cum propriè loquendo existentia in divinis non sit nisi una, & quæ essentialis, & absoluta, ut explicuimus in 1. §. huius articuli, absurdum est dicere, quod subsistentia sic sumpta sit relativa.

Quod autem etiam aliquando D. Augustinus substantiam proindeque etiam subsistēt am, à qua substantia dicitur, sumat pro persona; & sic admittat subsistentiam relativam patet ex epistola, 30. ubi de Phoriano hæretico loquens ait: *Qui eius omnino negat aliquam esse substantiam, sed unum tantummodo esse Deum Patrem: idest negat aliquam personam à Patre procedere: unde ibidem ad marginem sic notatur: substantiam dixit pro persona.*

§. IV.

Exponuntur variae auctoritates D. Thoma valde difficiles & intricatæ.

Obije. 2. ex D. Thoma qu. 8. de potentia artic. 3. ad 7. ubi sic habet. *Relationes in divinis etsi constituentur hypostases, & sic faciant eas subsistentes; hoc tamen faciunt in quantum sunt essentia divina. Relatio enim in quantum est relatio, non habet quod subsistat vel subsistere faciat; hoc enim solius substantia est: distinguunt vero relationes in quantum*

inquantum relationes sunt, sic enim oppositionem habent. Ex quo sic argumentari possunt adverarii. Relationes divinae non constituunt hypostases, nec eas reddunt subsistentes, nisi ratione essentiae divinae, cum qua realiter identificantur, & à qua habent, quòd sint substantiae. Sed ab essentia divina non habent nisi subsistentiam absolutam, ut farentur omnes Doctores, etiam illi qui tenent conclusionem nostram. Ergo relationes divinae reddunt hypostases sive personas subsistentes per subsistentiam absolutam; incommunicabilitatem verò eis conferunt per seipsas, quatenus eas realiter ab invicem distinguunt per oppositionem relativam.

Respondeo, imprimis, quòd hoc argumentum retorqueri potest, & tenentur ipsimet adversarii illud solvere. Nam 1. in testimonio quod obijcitur, D. Thomas expressè asserit, quòd relationes faciunt hypostases subsistentes. 2. In corpore ejusdem articuli admittit primam ex opinionibus quas refert, quantum ad hoc quod expressè dicit: *Nihil quod dicatur absolute de Deo, potest intelligi ut distinctum, & constitutum hypostasis in personis; cum ea quae absolute dicuntur de Deo, significantur per modum essentiae.* Oportet ergo ponere distinctionem, & constitutionem hypostasis in divinis, id quod primo invenitur non de pluribus dici, sed uni soli convenire. Si nec essentia, nec ea quae sunt absoluta in divinis, possunt constituere tres hypostases, nec eas reddere subsistentes; sed hoc solummodo convenit eis quae sunt relativa: Luce clarius est, quòd huiusmodi relativa non reddunt tres hypostases subsistentes, subsistentia quàdam absolutà, sed tribus subsistentiis relativis.

Confirm. illo argumento quod jam fecimus in isto §. D. Thomas qu. 9. de potentia artic. 2. ad 9. ait. *Dicendum, quod sicut dicimus in Deo tres personas, ita possumus dicere tres substantias individas, unam tamen substantiam, quae est essentia.* Cum igitur in autoritate quae obijcitur, item angelus Doctor dicat, quòd solius substantiae est ut subsistat, vel subsistere faciat: manifestè sequitur,

quoddam præter unam substantiam absolutam, ratione cuius essentia divina tanquam una substantia subsistit, dantur tres substantiae relativæ, ratione quarum relationes divinæ tanquam tres substantiae virtualiter ab essentia distinctæ faciunt subsistere tres divinas Personas.

Resp. 2. cum Salmanticensibus. Quoddam ad tollendam apparentem contradictionem opus est distinctione. Et dicendum quoddam D. Thomas vult quoddam relationes habeant per seipsum formaliter, quoddam constituent hypostases siue Personas, easque reddant subsistentes: sed hoc totum radicaliter habent ab ipsa divina essentia: quia relationes divinæ non reddunt personas subsistentes, nisi quatenus sunt substantiæ: quoddam autem sunt substantiæ, cum in creaturis omnes relationes sint accidentia, hoc provenit ex ipsa divina essentia, quæ propter omnimodam infinitatem suam sibi realiter identificat tam relationes quam attributa; atque ita facit ut hæc omnia sint substantia sicut est ipsa.

Instabis, D. Thomas agerit quoddam relationes in divinis distinguunt personas inquantum sunt relationes; constituent verò eas subsistentes, inquantum sunt idem cum essentia divina. Sed hoc discrimen nullum foret, si solummodo sensus esset, quoddam habent radicaliter ab essentia ut personas reddant subsistentes: etenim habent etiam ab essentia quoddam Personas distinguant; ac uno verbo quicquid habent hoc habent ab essentia tanquam à prima radice, ut docent omnes, & præsertim Thomistæ. Ergo hoc testimonium debet aliter intelligi.

Respondeo adhuc subsistere discrimen juxta solutionem datam: quia sensus ejus est, quoddam relationes divinæ habent radicaliter ab essentia quoddam Personas reddant subsistentes, tanquam à causa totali, & adæquata, itaut hoc aliunde habere nequeant: Etenim, ut jam diximus, non faciunt personas subsistere, nisi quatenus sunt substantiæ: quoddam autem relationes sint substantiæ hoc habent à sola divina essentia; unde in creaturis relationes non sunt

nisi ac
sonas
na,
na no
etiam
nem f
alteru
divin
relatio
Deo,
non c
sunt c
pure
Obi
5. ad
creat
quora
stend
sistit
per pr
comm
nis a
bent
distin
subsi
essent
verso
sistan
cit,
Alteru
turis
creat
sunt pr
Sed ho
nam p
radical
quàm
bent à
divina
prietat

nisi accidentia. Sed quodd relationes distinguant Per-
sonas, hoc ita habent radicaliter ab essentia divi-
na, ut aliunde provenire possit, & sic essentia divi-
na non est sola causa; nedum enim in Deo, sed
etiam in creaturis relationes habent quodd distinctione-
nem faciant; quia nihil refertur ad seipsum sed ad
alterum. Igitur distinguere convenit relationibus
divinis nedum ut sunt divinæ, sed etiam ut sunt
relationes, sive prout relatio analogicè convenit
Deo, & creaturis: sed reddere aliquid subsistens
non convenit relationibus divinis, nisi quatenus
sunt divinæ; itaut hoc ipsis competere nequeat
purè ac præcisè quatenus sunt relationes.

Obiic. 3. D. Thomas qu. 9. de potentia artic.
5. ad 13. sic habet. *Dicendum, quod in rebus
creatis principia individuantia duo habent:
quorum unum est quod sunt principium substi-
stendi; natura enim communis de se non sub-
sistit, nisi in singularibus: aliud est, quod
per principia individuantia, supposita natura
communis ab invicem distinguuntur. In divi-
nis autem proprietates personales hoc solum ha-
bent, quod supposita divina natura ab invicem
distinguantur: non autem sunt principium
subsistendi divina essentia: ipsa enim divina
essentia est secundum se subsistens: sed eon-
verso proprietates personales habent quod sub-
sistant ab essentia. Ubi Doctor angelicus duo di-
cit, quæ falsa forent juxta nostram responsionem.*
Alterum est quodd proprietates individuales in crea-
turis sunt principium subsistendi respectu naturæ
creatæ, sed in Deo proprietates personales non
sunt principium subsistendi respectu naturæ divinæ.
Sed hoc esset falsum juxta prædictam expositionem:
nam proprietates individuales in creaturis tam bene
radicaliter habent à natura creata quodd subsistant,
quàm proprietates personales in divinis hoc ha-
bent à natura divina. Alterum est, quodd essentia
divina à semetipsa subsistit, imò facit quodd pro-
prietates personales subsistant; hoc enim est fal-

sim, si proprietates personales subsistant formaliter per seipsas.

Resp. cum Gonetio D. Thomam ibi sumere subsistentiam in ampla sua significatione prout idem est ac existentia. Sic enim verificatur optime discrimen quod assignat inter essentiam divinam, & creatam. Cum enim in creaturis existentia realiter distinguatur ab essentia, juxta Doctrinam ejusdem sancti Doctoris, inde fit quod essentia creata considerari potest ut communis communitate rationis, sive ut universalis, & sic non importat existentiam nec proinde subsistentiam, quam non habet nisi à proprietatibus individuantibus prout est in suis singularibus sive inferioribus, à quibus ipsamet redditur singularis, & subsistens. Sed essentia divina, ut explicuimus in articulo precedenti, non est communis nisi communitate rei, unde non est universalis sed singularis; & cum sit ens à se & per essentiam, habet à semetipsa existentiam & subsistentiam, quam non recipit à proprietatibus personalibus sed potius eam ipsis confert: cum ut ostendimus in hoc articulo, Personae divinae non existant proprie & simpliciter loquendo, nisi per existentiam absolutam ipsius divinae essentiae. In hoc ergo differt essentia Dei ab essentia creaturarum: quod essentia creaturarum habet quidem à seipsa quod sit radicaliter existens & subsistens, hoc ipso quod est substantia; sed non existit nec subsistit formaliter nisi beneficio personae, vel suppositi eam terminantis: at verò essentia divina habet à seipsa nedum radicaliter sed etiam formalissime quod existat & subsistat, suamque existentiam & subsistentiam divinis suppositis sive personis communicet. Unde D. Thomas 3. sent. dist. 6. qu. 2. a. 2. ad 2. ait: *Aliud est de Deo, & de omnibus aliis rebus: quia in Deo ipsa essentia subsistens est: unde sibi secundum se debetur esse; imò ipsa est suum esse subsistens.*

Obijc. 4. D. Thomas 3. p. qu. 6. a. 3. ad 1. ait: *Quidquid eorum, quae attribuantur Deo in abstracto, si secundum se consideretur aliis circumscriptis, erit aliquid subsistens, & per consequens persona, cum sit in natura intellectuali. Sicut*

igitur nunc positis proprietatibus personalibus in Deo dicimus tres Personas; ita exclusis per intellectum proprietatibus personalibus remanebit in consideratione nostra natura divina, ut subsistens, & ut persona. Ex quo sic arguitur. Sufficit juxta Doctorem angelicum, quod aliquid sit subsistens in natura intellectuali ad hoc ut sit persona. Ergo si natura divina per se ac ratione sui foret subsistens una subsistentia absoluta, daretur in divinis una Persona absoluta, quod est contra fidem. Nec responderi potest, quod ad rationem Personæ divinæ exigit, ut sit subsistens subsistentia relativā: etenim expressè asserit, quod exclusis proprietatibus personalibus, adhuc natura foret subsistens, & persona. Sed tunc non esset subsistens per subsistentiam relativā; quia exclusis hujusmodi proprietatibus excluderentur omnia relativā, ut fatentur omnes. Ergo subsisteret per subsistentiam absolutam, & nihilominus foret Persona.

Resp. cum Joanne à S. Thoma distin. anteq. sufficit, quod aliquid sit subsistens in natura intellectuali ad hoc ut sit persona, in illa suppositione, in qua ita excluderentur proprietates personales ut non remaneret nisi una persona, conc. in suppositione præsentis, ne. Dupliciter enim potest concipi natura divina, excludendo proprietates personales: vel exclusionem positiva, itaut non conciperentur tres personæ, sed una tantum, ut concipiunt Iudæi, & alij qui negant Trinitatem; existimant enim Deum non esse trinum, sed unum tantum, & non esse nisi unam Personam. Et in illa suppositione impossibili, natura divina non esset communicabilis tribus personis, nec subsistens subsistentiis relativis, quia nullæ darentur relationes intra ipsum Deum: sed subsisteret per unam tantam subsistentiam, eamque absolutam, quæ ipsam simul ac semel subsistentem redderet, & incommunicabilem; & sic foret persona eo proportionali modo quo homo, & Angelus. Sed nunc quia excludimus proprietates personales exclusionem tantum negativā; itaut certi simus quod dantur à parte rei tres personæ, quamvis eas non exprimamus in conceptu explicito naturæ divinæ, concipimus

eandem naturam ita subsistentem ex seipsa per subsistentiam absolutam, ut tamen communicetur tribus divinis Personis, & subsistat per subsistentias earum relativas: proindeque concipiendo naturam ut absolute subsistentem, non conceptis proprietatibus personalibus, non concipimus eam ut incommunicabiliter subsistentem, nec consequenter ut personam: & sic non admittimus unam personam absolute sumptam in divinis, sed tantum tres sumptas relative.

Quod autem S. Doctor ibi loquatur in prædicta suppositione impossibili, patet: quia probat quod etiam si non essent tres personæ, adhuc Deus posset naturam humanam assumere; quia remaneret una persona: unde ibidem ad 2. ait: *Dicendum quod etiam circumscriptus per intellectum personalitatibus trium personarum, remanebit in intellectu una personalitas Dei, ut Iudei intelligunt, ad quam poterit terminari assumptio; sicut nunc dicimus eam terminari ad personam verbi.* Caterum quando loquitur in suppositione, juxta quam Catholici concipiunt Deum unum & trinum, dicit quidem quod abstrahendo à personarum distinctione natura divina concipitur adhuc ut subsistens; sed nunquam dicit quod concipiatur ut persona: sicut retulimus supra ex 1. sent. dist. 21. qu. 2. a. 1. ubi sic habet. *Iste terminus, Deus, prædicat naturam divinam de tribus personis, quæ etiam in se est habens esse subsistens, nullâ personarum distinctione intellectâ: quia nempe revera subsistentia absoluta non constituit personam in divinis, eoquod non tribuit naturæ divinæ incommunicabilitatem.*

Dices, si Deus antecederet ad relationes est subsistens subsistentiâ absolutâ, erit saltem semipersona: quia licet ei secundum illam considerationem deficit incommunicabilitas, quæ ad integram, & completam rationem personæ requiritur, haberet tamen quod in se & per se existeret, & subsisteret, quod est unum ex prædicatis essentialibus requisitis ad constitutionem personæ.

Resp. negando sequelam. Sicut enim ex hoc quod equus participat rationem animalis, quæ est unum ex prædicatis essentialibus hominis, & ut ita dicam, medietas essentie ipsius, non propterea potest dici semihomo: Ita etiam licet Deus antecederet ad relationes gaudeat substantiâ, quæ est unum ex prædicatis essentialibus persone, ac veluti ipsius medietas; non tamen dici debet semipersona. Quia essentie rerum consistunt in indivisibili, juxta commune Philosophorum axioma; & se habent sicut numeri, qui ex additione vel subtractione unitatis mutant speciem: unde sublata differentia essentiali, & specificâ, statim solvitur species, etiam si unum ex prædicatis essentialibus remaneat.

Obijci adhuc potest 1. Quod frustra sunt per plura, quæ possunt fieri per pauciora. Sed res divinæ possunt subsistere, vel per solam substantiam absolutam, vel per solas relativas. Ergo frustra ponuntur una absoluta, & tres relative. 2. ex imperfectione creaturarum provenit, quod natura substantialis communicetur persone, vel supposito, ex eo nempe quod indiget ab eo sustentari, & compleri. Sed ea quæ dicunt imperfectionem in creaturis, removeri debent à divinis. Ergo natura divina non debet dici sustentari, & compleri per divinas Personas. 3. substantia est ultima actualitas sicut existentia, ut diximus initio hujus paragr. sicut ergo non datur existentia existentie, ita nec substantia substantie.

Resp. ad 1. distin. ma. frustra sunt per plura, quæ possunt fieri per pauciora, si fieri possunt eodem modo, conc. si non possunt, ne. & similiter distinguenda est mi. res enim divinæ nequeunt eodem modo subsistere per solam substantiam absolutam, vel per solas relativas, sicut per eas omnes simul. Etenim per substantiam absolutam subsistunt modo communicabili, per substantias autem relativas subsistunt modo incommunicabili, sicut diximus in præcedenti articulo, explicando incommunicabilitatem, quam importat ratio personæ.

Sic v. gr. natura non dedit nobis frustra duos oculos, quamvis cum uno solo videre possimus; quia non ita commodè, ac perfectè cum uno videmus, sicut cum duobus.

Ad 2. Dico quòd natura divina, & creata in hoc differunt, quòd natura creata exigit subsistere in persona vel supposito ex imperfectione sua, scilicet ex necessitate & indigentia: sed e contra natura divina exigit in tribus divinis suppositis, & personis subsistere ex infinita perfectione sua, ex qua exigit ipsum sanctissimæ Trinitatis Mysterium, ut explicabimus in sequent. paragr. unde in eis subsistit non ex necessitate, & indigentia, sed ex summa fecunditate & abundantia. Unde in divinis persona non debet dici substantiare naturam sicut in rebus creatis; hoc enim aliquam imperfectionem insinuaret: sed dicitur persona naturam divinam terminare, & complere; non aliquo complemento realiter distincto, ipsique superaddito, sicut in creaturis; sed complemento realiter cum ipsa identificato, & solummodo virtualiter distincto; imò etiam radicaliter proveniente ex infinita ipsius perfectione. Sicut diximus initio hujus tractatus, quòd Deus intelligendo se producit verbum, sicut creaturæ intellectuales homo & Angelus; cum hoc tamen discrimine, quòd creaturæ verbum producant ex indigentia, & necessitate: Deus autem suum producit verbum ex abundantia, & fecunditate.

Ad 3. dico quòd ut sæpè diximus supra, existentia, & subsistentia sunt ultima actualitas, sed diversimodè: nam existentia est ultima actualitas naturæ; subsistentia verò est ultima actualitas personæ, si propriè, & strictè sumantur: si verò sumantur latè, & minùs propriè, subsistentia sumi potest pro existentia, & e contra: sed quovis modo sumantur, non est inconveniens, quòd admittantur plures ultimæ actualitates diversæ rationis, sicut si forent ejusdem rationis. Igitur existentia, & subsistentia, si sumantur absolute, sunt ultima actualitas essentiæ secundum se consideratæ, & ut communicabilis ulteriùs, si verò considerentur relative, sunt ultima actualitas personæ, sive ipsius naturæ ut personatæ, & ulteriùs incommu-

nicabilis.

incomprehensibilis, quod jam satis superque fuit explicatum.

§. V.

*Non sunt in divinis quatuor distinctæ existentia,
vel substantia.*

Quamvis sequatur ex dictis, quod sumendo existentiam, vel substantiam, vel in sua stricta, vel saltem in ampla significatione, una est existentia, & substantia absoluta in divinis, & tres existentia & substantia relativæ, non debemus tamen dicere, quod sint quatuor distinctæ existentia & substantia: sicut diximus supra, præsertim in quæst. præced. ex Concilio Lateranensi contra Abbatem Joachim, quod una summa res est absoluta, quæ est divina essentia, & tres res relativæ, quæ sunt divinæ Personæ, & tamen non sunt quatuor res: unde non est in divinis quaternitas rerum, sed solummodo trinitas. Unde supra retulimus ex D. Thoma 4. contra Gent. cap. 14. ad 5. Quod ait: *Sunt ergo plures res substantiales, si relationes considerentur; est autem una res substantialis, si consideretur essentia.* Nunquam autem dixit, quod sint quatuor res substantiales.

Ratio est, quia ut observavit optimè Joannes à S. Thoma, appellatio hujus termini numeralis, *quatuor*, cadit supra distinctionem: unde cum in divinis nulla sit distinctio nisi quam facit relativa oppositio; & inter essentiam ac substantiam absolutam ex una parte, & existentias ac substantias relativæ ex altera, nulla sit oppositio relativa; nulla quoque est realis distinctio: & inde fit quod una absoluta cum tribus relativis non ponit in numero, nec facit quatuor.

Nec refert, quod dicamus quatuor relationes, licet non dicamus quatuor personas, nec quatuor res, aut quatuor existentias, & substantias. Quia licet quatuor relationes non omnes habeant oppositionem relativam, nec proinde realem distinctionem ex parte sui; bene tamen saltem ex parte termini: unde licet relationis inspirationis activæ realiter, ex parte sui identifice-

tur cum relationibus paternitatis, & filiationis; attamen realiter ab ipsis distinguitur ex parte termini: cum terminetur ad relationem spirationis passivae, quae realiter ab aliis relationibus distinguitur. Et haec realis distinctio vel entitativa, vel saltem terminativa sufficit, ad hoc ut omnes relationes ponant in numero, & sint quatuor.

Notat etiam optime idem Joannes à S. Thoma contra Durandum, quod non debemus dicere, quatuor esse res relativas in divinis: quia relatio spirationis activae non habet oppositionem relativam cum relationibus paternitatis, & filiationis; proindeque ab eis non distinguitur, sed sunt una eademque res.

§. VI.

Quomodo in divinis verificentur haec communia axiomata: actiones sunt suppositorum; & opera Trinitatis ad extra sunt indivisa.

1. Suppositum dicitur quasi subiectum positum, quia veluti ponitur sub natura substantiali, eamque sustentat, sicut fundamentum sustentat totum aedificium. Cum autem suppositum non habeat aliquid aliud sub se positum cui communicetur sicut ipsa natura communicatur supposito: inde fit ut suppositum sit incommunicabile, ipsaque etiam natura formaliter & reduplicative ut suppositata sit incommunicabilis.

2. Commune est Philosopharum axioma, quod actiones sunt suppositorum, ut notavimus supra quaest. 2. agendo de principio divinarum processionum. Quamvis loquendo de creaturis, Scotistae dicant axioma illud sic esse intelligendum, ut actiones sint suppositorum, non effective sed denominative; attamen loquendo de Deo aliter ratiocinandum est, & juxta definitionem Concilii Lateranensis ibidem relatam, dicendum est quod actiones sunt suppositorum etiam effective; quia effective natura divina non generat, sed ipsa persona Patris: & idem est de spiratione. Unde in Concilio Florentino sess. 18. sic dicitur: *Pater est principium generans, Pater impor-*

est suppositum; divina vero substantia, quæ realiter idem est quod Pater, non est quæ generat: quia non significatur per modum suppositi; actiones vero sunt suppositorum, & principium de propriis unum est, ut omnis Philosophia docet. Et parte 2. in collatione 15. sic habetur. Dico, quod Pater est principium quod generat; quia Pater importat suppositum: essentia divina non est illa quæ generat, quia non significatur ut suppositum, & actiones sunt suppositorum. Et in his tandem con-
fenserunt omnes tam Græci quàm Latini.

3. Nihilominus loquendo de Deo, debent addi huic axiomati hæc verba, vel subsistentium, sicut addunt omnes Thomistæ. Nam in divinis aliæ sunt actiones ad intra, scilicet generatio & spiratio, per quas intra ipsum Deum procedunt filius, & Spiritus Sanctus: aliæ sunt actiones ad extra, sicut creatio, & conservatio rerum, per quas creaturæ ponuntur extra Deum, & manutentur: Dicendo autem actiones sunt suppositorum, vel subsistentium, applicatur illud axioma omnibus illis actionibus. Etenim actiones ad intra sunt suppositorum, actiones verò ad extra sunt subsistentium.

Ratio discriminis est, quia principium actionis distinguui debet realiter à suo termino; cum nihil sit principium sui, sed alterius: unde Pater ut generans distinguitur à filio suo ut genito: & cum nulla sit in divinis distinctio nisi quam facit relativa oppositio; inde fit ut Pater generans constituatur per subsistentiam relativam, per quam redditur subsistens incommunicabiliter, & sit suppositum: & non potest constitui principium filij per subsistentiam absolutam; cum in essentia & in omnibus absolutis realiter identificentur. Quia verò Deus & creaturæ realiter distinguuntur in omnibus etiam absolutis, inde fit quod divinæ Personæ prout subsistunt per subsistentiam absolutam sunt principium creaturarum per actiones, quæ ut suo loco explicabimus, sunt formaliter immanentes, & virtualiter transeuntes, idest formaliter in ipso Deo remanent, & nihilominus tantam virtutem habent ponendi creaturas extra Deum, ac si formaliter

rer extra ipsum Deum transirent, & in ipsis creaturis residerent.

4. Cum igitur tres divinae Personae in ratione principij creaturarum omnino conveniant, & identificentur, utpote cum in illa nullam prorsus oppositionem relativam ad invicem habeant, intantum sunt creaturarum principium, inquantum subsistunt subsistentia absoluta, in qua similiter sunt omnino realiter unum, & idem. Subsistentiae vero relativae, ipsaeque Personae quatenus realiter ab invicem distinguuntur, non se habent formaliter ad illam rationem principij, sed tantum concomitanter.

5. Si dicas, quod nihil addendum est axiomatibus, sicut nec definitionibus; Respondeo quod sicut diximus in quaest. 1. respondendo objectionibus hareticorum, quod axioma illud, quae sunt idem unitertio sunt idem inter se, quia ex Philosophia petitur, non valet pro Theologia, saltem quantum ad ea quae concernunt mysterium Trinitatis: eoquod Aristoteles Philosophorum princeps lumine fidei destitutus notitiam non habuit hujus mysterij, sed solummodo creaturarum, & Dei prout est unus. Ita dicimus in proposito, quod praedictum axioma valet quidem in creaturis, sed non in Deo. Ratio est quia nulla est natura creata quae subsistat, quae non sit etiam suppositum: hoc ipso enim quod subsistit, est incommunicabilis: atque ita subsistit incommunicabiliter, in quo consistit ratio suppositi: sed natura divina licet subsistat per subsistentiam absolutam; non desinit esse communicabilis tribus divinis Personis: unde antecedenter ad subsistentias relativae, per quas Personae constituentur, non habet rationem suppositi. Sic igitur respectu creaturarum, hoc ipso quod actiones sunt subsistentium, sunt etiam suppositorum: sed in divinis aliud est quod actiones sunt subsistentium & aliud quod sunt suppositorum: nam actiones quidem ad intra, ut jam diximus, sunt suppositorum; sed actiones ad extra sunt subsistentium. Et quamvis sint etiam suppositorum, sive Personarum divinarum, non sunt tamen earum formaliter & reduplicative ut supposita suae, & per subsistentias relativae subsistunt, sed

ut subsistunt per subsistentiam absolutam.

6. Ex his facile intelligitur illud alterum vulgatum axioma, opera Trinitatis ad extra sunt indivisa, id est Personæ sanctissimæ Trinitatis sunt unum idemque principium indivisum eorum omnium operum, quæ producunt ad extra circa creaturas: quia non operantur ad extra nisi quatenus subsistunt per subsistentiam absolutam, in qua sunt indivisæ: cum in ipsa realiter identificentur.

7. Intelligitur etiam facile id quod Cajetanus alijque omnes Thomistæ asserunt, quod datur hic Deus, qui creat & conservat res, & omnia operatur ad extra, & toti SS. Trinitati est communis. Cum enim Deus subsistat in natura divina per subsistentiam absolutam, quæ est communis tribus divinis Personis, & cum ipsis realiter identificatur; & aliunde natura divina sit quidem communis communitate rei, sed sit etiam singularis, suamque ut ita loquar hæcceitatem importet, sequitur quod Deus est etiam hic & singularis; & quod ut talis toti Trinitati convenit. Pater igitur, & filius, & Spiritus Sanctus sive simul sive seorsim sumantur, sunt hic Deus, qui operatur omnia.

§. VII.

Utrum Persona divina præter perfectionem absolutam dicant etiam relativam: itant relationes earum constitutive nedum perfectionem importent secundum suum esse in, sed etiam illam exprimant secundum suum esse ad.

Advertendum est, quod relationes divinæ considerari possunt dupliciter: vel secundum esse in, id est quatenus realiter identificantur cum essentia, & sunt in ipsa tanquam in fundamento: vel secundum esse ad, sive quatenus ad invicem correferuntur: omnes Doctores in hoc conveniunt, quod secundum esse in, sive ut sunt idem cum essentia, important perfectionem: quia in suo conceptu saltem implicito includunt perfectionem ipsius essentiae, ut patet ex dictis

quaest. praecedenti, quando explicuimus, quomodo relationes sunt de conceptu essentiae. Tota difficultas est, utrum etiam secundum esse ad perfectionem aliquam dicant, & exprimant: ita ut divinae Personae praeter perfectionem absolutam, quam dicunt ratione essentiae, impotent insuper perfectiones relativas virtualiter ab absoluta distinctas.

Duplex est Doctorum sententia, & utraque valde celebris. Prima est affirmativa, quam tenet noster Ledesma in libro de perfectionibus divinis qu. 3. a. 2. ubi asserit, quod omnes Theologi debent in hoc convenire. Eandem sententiam sequuntur quidam alij Thomistae, & plures ex modernis extra Scholam D. Thomae. Secunda est negativa, quam tenent communiter discipuli ejusdem Doctoris angelici, quos citant, & sequuntur Salmanticenses disp. 6. dubio 2. eam quoque sequuntur Joannes à S. Thoma, de Marinis, Gonetius, & alij recentiores. Quantum ad Scotistas, quidam ex ipsis affirmativam sequuntur, alij negativam, ut videri potest apud Mastrium in 1. disp. 7. de Trinitate quaest. 1. Existimo mediâ viâ incedendum esse in resolutione hujus difficultatis, sicut & praecedentium, unde sit.

Conclusio, si perfectio sumatur strictè, & propriè, non est in divinis nisi una perfectio, eaque absoluta: si autem sumatur latè, & minùs propriè, sunt insuper tres perfectiones relativae virtualiter ab absoluta distinctae.

Probari possèt conclusio quoad 1. partem pluribus testimoniis D. Augustini: sed hoc unum sufficiat, quod egregium est, ac omnino evidens, & convincens. Sic enim loquitur S. Doctor lib. 5. de Trinitate cap. 8. *Quapropter illud praeipue teneamus, quidquid ad se dicitur praestantissima illa, & divina sublimitas substantialiter dici, quod autem ad aliquid non substantialiter sed relative: tantamque vim esse eiusdem substantiae in Patre, Filio, & Spiritu Sancto, ut quidquid de singulis ad seipsum dicitur, non pluraliter in summa sed singulariter accipiat. Quemadmodum enim Pater Deus est, & Filius Deus est, & Spiritus Sanctus.*

Deus est, quod secundum substantiam dici nemo dubitat; non tamen tres Deos, sed unum Deum dicimus eandem ipsam præstantissimam Trinitatem: ita magnus Pater, magnus Filius magnus Spiritus Sanctus; non tamen tres magni, sed unus magnus. Non enim de Patre solo, sicut illi perverse sentiunt, sed de Patre & Filio & Spiritu Sancto scriptum est, tu es Deus solus magnus: Et bonus Pater, bonus Filius, bonus Spiritus Sanctus; nec tres boni, sed unus est bonus, de quo dictum est, nemo bonus nisi solus Deus. Etenim Dominus Iesus, ne ab illo qui dixerat, Magister bone, tanquam hominem compellans, secundum hominem tantummodo intelligeretur, ideo non ait: nemo bonus nisi solus Pater, sed nemo bonus nisi solus Deus: in Patris enim nomine ipse per se Pater pronunciat; in Deo verò & ipse, & Filius, & Spiritus Sanctus, quia Trinitas unus est Deus.

In hoc testimonio D. Augustinus nedum nostram conclusionem expressè statuit; sed etiam adversariorum responsiones prævenit: dicunt enim quoddam S. Doctor perfectionem absolutam stabilire intendit, sed propterea perfectiones relativas non excludit. Nam contra est 1. quoddam asserit ea quæ dicuntur de Deo ad se, sive absolute, & non relative, non dici pluraliter sed singulariter. Sed asserit quoque magnum, & bonum non dici pluraliter, sed singulariter. Ergo vult dici absolute, & non relative. Sed ut docet D. Thomas 1. p. qu. 5. a. 1. bonum idem est ac perfectum. Et similiter ex eodem angelico Doctore in eadem 1. p. qu. 42. patet, quod magnitudo idem est ac perfectio. Ergo ex mente D. Augustini perfectio in divinis est absoluta, & non relativa. 2. dicit quoddam sicut non sunt tres Dii, sed unus Deus, ita non sunt tres magni vel tres boni, nec proinde tres perfecti, sed tantum unus. Sed omnes catholici Doctores fatentur, quoddam ita Deus est unus, ut non sit nisi una Divinitas absoluta, nec dentur Divinitates relative. Ergo idem dicendum est de magnitudine, bonitate, ac perfectione. 3. Si essent tres magnitudines, bonitates, & per-

fectiones relativæ, sicut sunt tres personalitates, tresque substantiæ relativæ; dicerentur tres magni, tres boni, & tres perfecti; sicut dicuntur tres Personæ, & tres res substantes, ut vidimus in paragræ precedentibus. Ergo cum D. Augustinus neget Patrem, Filium & Spiritum Sanctum dici posse tres magnos, & bonos, proindeque etiam tres perfectos, manifestum est quod non admittit tres perfectiones etiam relativæ.

Dices, hoc argumentum posse retorqueri contra nos. Nam Pater, Filius, & Spiritus Sanctus ita sunt unus Deus ut in nullo sensu plures sint Dij, nec ullo prorsus modo detur Divinitas relativa. Ergo idem dicendum foret de magnitudine, bonitate, & perfectione. Sed contra, quia licet comparatio subsistat in hoc quod si bonitas, magnitudo, & perfectio sumantur in sua propria, & stricta significatione, non possunt dici relativè, nec pluraliter, sed absolutè tantum, & singulariter, eo prorsus modo quo Divinitas: attamen in hoc aliunde magnum est discrimen, quod bonitas, magnitudo, & perfectio sumi possunt in sua significatione ampla, & minis propria, ut dicemus probando secundam partem conclusionis; & sic relativè ac pluraliter dicuntur: Divinitas autem non patitur talem amplam, & minis propriam significationem; unde nullatenus dici potest relativè & pluraliter. Ratio est, quia debemus loqui de rebus divinis juxta scripturam, Concilia, Patres, & Doctores: nunquam autem invenimus, quod Divinitatis nomen usurpetur nisi absolutè, & singulariter: at verò nomen magnitudinis, bonitatis, & perfectionis à Conciliis, Patribus, & Doctoribus quandoque usurpatur absolutè, & singulariter, quandoque verò relativè ac pluraliter: unde ad eorum testimonia concilianda necesse est uti prædicta distinctione.

Probari posset 2. eadem pars conclus. pluribus quoque testimoniis D. Thomæ, sed similiter sufficiat unicum evidens, & convincens. Sic igitur habet 1. p. qu. 42. art. 4. ad 2. *Dicendum quod aequalitas attenditur secundum magnitudinem: magnitudo autem in divinis dicit perfectionem naturæ, &*

ad essentiam pertinet: & ideo aequalitas in divinis; & similitudo secundum essentialia attenditur; nec potest secundum distinctionem relationum inaequalitas, vel dissimilitudo dici: unde Augustinus dicit contra Maximinum (lib. 3. cap. 13.) originis quaestio est, quid de quo sit aequalitas autem qualis, aut quantus sit. Paternitas igitur est dignitas Patris, sicut & essentia Patris: Nam dignitas est absoluta, & ad essentiam pertinet. Sicut igitur eadem essentia, qua in Patre est paternitas, in filio est filiatio; ita eadem dignitas qua in Patre est paternitas, in filio est filiatio. Vere ergo dicitur, quod quidquid dignitatis habet filius: nec sequitur, paternitatem habet Pater, ergo paternitatem habet filius: mutatur enim quid in aliquid: eadem enim est essentia & dignitas Patris & filii; sed in Patre est secundum relationem dantis, in filio secundum relationem accipientis.

Si quidquid magnitudinis, quidquid dignitatis, & proinde quidquid perfectionis (nam haec tria pro eodem sumuntur in proposito) quidquid inquam est in Patre, est etiam in filio: quia hoc totum est absolutum & essentiale in divinis, ita ut si quid mutetur in aliquid, id est si ab absoluto fiat transitus ad relativum, non valeat consequentia, constat quod perfectio in divinis proprie & strictè sumpta non est nisi absoluta, ut magis explicabimus ex eodem nostro angelico Praeceptore in hoc, & sequenti paragr.

Probatum conclusio quoad 2. partem, & quidem omissis variis locis, ex quibus nihil efficaciter convincitur, sufficiat referre definitionem Concilij 3. Constantinop. sive sextae Synodi Generalis, quae in edicto Imperatoris Constantini juxta novissimam, & accuratissimam editionem Parisensem, in versione Latina ex originali Graeco sic habet. *Credimus in Patrem, & filium, & Spiritum Sanctum. Trinitatem in unitate, & unitatem in Trinitate, unam substantiam in tribus subsistentiis: unitatem quidem propter naturalem unionem, ac de-*

minationem : Trinitatem verò , propter trium
subsistentiarum perfectionem , & divinitas super-
existentis bonitatis. Si Trinitas est propter perfe-
 ctionem subsistentiarum. Ergo sunt tres perfectiones
 relativæ ; quia si foret una tantum perfectio absolu-
 ta , non poneret in numero cum subsistentiis relativis ;
 sicut diximus in paragr. præced. quoddam existentia &
 subsistentia absoluta non facit numerum cum relati-
 vis.

Dices , hæc verba Concilij esse intelligenda in sensu
 non formali , sedicali ; quatenus perfectio naturæ
 divinæ est causa propter quam tres exigunt subsisten-
 tias : sed non est ratio formalis per quam ab invicem
 realiter distinguuntur ; unde Concilium non dixi
 perfectiones , in plurali , sed , perfectionem , in sin-
 gulari , ut denotet , quoddam est una tantum perfectio ,
 & non plures ,

Sed contra , si non esset nisi una perfectio , sicut non
 est nisi una natura , & dominatio , prædicta contra-
 positio non foret ad propositum : non enim dicendum
 esset quoddam datur in divinis unitas propter naturam , &
 contra Trinitas propter perfectionem ; quandoqui-
 dem daretur unitas propter perfectionem non minus
 quam propter naturam , & dominationem , cum
 Persona divinæ non minus unirentur , & identifica-
 rentur in ipsa perfectione , quam in ipsa natura , &
 dominatione : Nec refert quoddam Concilium dicat per-
 fectionem , & non perfectiones ; nam addendo , sub-
 sistentiarum , satis ostendit quoddam hæc perfectio sumi
 debet in plurali ; non enim possent esse tres subsisten-
 tiæ propter suam perfectionem , nisi tres importarent
 perfectiones relativæ , per quas realiter distingueren-
 tur ab invicem.

Adde quoddam si Concilium loqueretur in sensu causa-
 li , & non in sensu formali , non diceret dari Trinita-
 tem Personarum propter perfectionem trium sub-
 sistentiarum , sed propter perfectionem naturæ : quia
 perfectio quidem naturæ foret causa , propter quam
 daretur Trinitas ; sed perfectio subsistentiarum se
 haberet quasi effectus : quoddam enim tres divinæ sub-
 stantiæ perfectionem importarent , hoc proveniret ex

eoquod perfectio naturæ ipsis communicaretur. Loquitur ergo Concilium in sensu formali; itaut velit, quod perfectio quam tres subsistentiæ important ex seipsis virtualiter distinctam à perfectione naturæ divinæ, est formalis ratio, propter quam datur Trinitas Personarum.

Confir. subduntur hæc verba in eodem loco Concilij: *Trinitas simplex, & impartita, atque incomposita. ex tribus perfectis, ex seipsa perfecta, & superperfecta.* Ubi Concilium distinguens tres perfectos ab una perfecta, satis clarè insinuat divinas Personas importare tres perfectiones relativas virtualiter distinctas ab una perfectione absoluta naturæ divinæ.

Dices, quod, *perfecti*, non sumuntur ibi substantivè, sed adjectivè, ut sit sensus, tres esse perfectos, per unam tamen perfectionem, & non per plures.

Sed quia proferuntur absolute, & sine ullo addito tres perfecti, signum est quod non adjectivè, sed substantivè sumuntur: unde cum juxta regulam communem, cujus sæpe mentionem fecimus, ad multiplicationem nominis substantivi necesse sit, ut multiplicetur tam forma quàm subiectum, debent ita esse tres perfecti, ut tres importent perfectiones.

Probari potest præterea hæc secunda pars pluribus testimoniis SS. Patrum, quorum præcipuum est illud D. Damasceni lib. I. de fide cap. II. quod sic refertur à Gonet: *In proprietatibus paternitatis, filiationis, & processionis, secundum causam, & causale (seu causatum) & personalem perfectionem (ideest existentiam modum) differentiam intelligimus.* Ex quo loco sic arguitur. Nequit intelligi ulla differentia in divinis secundum perfectionem personalem, nisi dentur plures perfectiones personales sive relativæ: quia juxta commune axioma, cujus toties mentionem fecimus, nulla est in divinis distinctio, nisi quam facit relativa oppositio. Ergo præter unam perfectionem absolutam dantur plures relativæ.

Dices, S. Damascenum non admittere plures per-

fectiones personales & relativas, siue quæ convenient
personis & relationibus divinis ex propria sua linea,
& in ordine suo proprio; sed unam perfectionem ab-
solutam ipsius essentia, quæ prout includitur in divi-
nis Personis, & diversimodè ab illis modificatur, seu
in illis habet diversum existendi modum, personalis
appellatur, & quodammodo diversificatur, saltem
quantum ad modum habendi: & quod hæc sit mens
D. Damasceni patet ex his verbis, *personalem per-
fectionem, idest existentia modum*. Ita S. illum
Patrem interpretantur idem Gonetus, & alij.

Sed hæc expositio non videtur legitima: nam San-
ctus ille Pater expressè asserit, quod differentiam in-
telligimus secundum perfectionem ipsam, quæ perso-
nalis est: si autem foret una tantum perfectio, eaque
absoluta, & essentialis, nullaque daretur relativa, &
personalis virtualiter distincta, non sufficeret, quod
diversimodè in divinis Personis existeret, ad hoc ut
verificarentur verba D. Damasceni. Quis enim un-
quam dixit, quod essentia divina sit personalis, vel
quod in ea differentiam agnoscamus: & tamen diver-
sum existendi modum habeat in divinis Personis, ut
expressè asserit D. Thomas qu. 2. de potentia artic. 5.
ad 6. his verbis jam semel, & iterum supra relatis,
*Eadem est essentia trium Personarum; non tamen
sub eadem relatione, vel secundum eundem mo-
dum existendi est in tribus Personis*. Necessè est
igitur, ad hoc ut perfectiones in divinis dicantur per-
sonales, & differentes, nedum quod diversimodè in
Personis existant, sed etiam quod ipsæ in seipsis sint
diversæ, proindeque relativæ, & ab invicem reali-
ter distinctæ.

Nec refert, quod in D. Damasceno habetur: *per-
sonalem perfectionem, idest existentia modum*.
Nam ex hoc quod perfectiones sunt differentes in seip-
sis, sequitur quidem, quod diversum habent exi-
stentia modum; sed non e contra; cum ut jam dixi-
mus ex D. Thoma, ipsamet essentia divina diversi-
modè se habeat in divinis Personis, & tamen nullam
in ipsa differentiam agnoscamus. Ergo nullam quo-
que in divina perfectione differentiam siue distinctio-

mem agnosceremus; si ipsa foret una tantum, & absoluta, quamvis diversimodè participaretur à Personis.

Probari quoque posset variis Doctoris nostri angelici testimoniis. Hæc sunt præcipua, nec videntur adversarij ad ea sufficienter respondere sicut ad quædam alia. Igitur in opusculo 1. contra errores Græcorum cap. 7. sic habet. *Commune est Patri, & filio, & Spiritui Sancto, quod nullus earum sit indigens. Item commune est cuilibet eorum, quod nullus eorum sine aliis duobus potest esse Deus perfectus: Sed hac ratione propriè de Patre dicit Athanasius, quod ad sui perfectionem filio, & Spiritui Sancto non indiget; quia ipse suam perfectionem non habet ab alio; filius autem, & Spiritus Sanctus suam perfectionem habent à Patre.*

Ex quo sic argumentamur. Nemo dicit suum id quod habet commune cum alijs: sed solummodo id quod habet sibi proprium, & alijs non convenit, unde nullus unquam dixit, quod Pater æternus suam habeat naturam divinam à seipso: filius autem, & Spiritus Sanctus suam habeant naturam divinam à Patre: quia natura divina nulli eorum est propria, sed omnibus communis. Cùm igitur dicat angelicus Doctor, quod Pater æternus suam habet perfectionem à seipso, & quod Filius, & Spiritus Sanctus suam perfectionem habent à Patre, constat quod in qualibet ex Personis divinis agnoscit præter ipsam perfectionem communem, quæ ab essentia provenit, & est absoluta, perfectionem quoque unicuique Personæ propriam, & relativam, ac realiter ab alterius Personæ perfectione distinctam.

Idem angelicus Doctor 1. Ethic. Lect. 6. admittit hanc Aristotelis sententiam. *Bonum autem dicitur, & in eo quod quid est, & in quali, & in ad aliquid:* Et eam sic exponit: *bonum invenitur in eo quod quid est, id est substantia, & similiter in qualitate, & etiam in aliis generibus.* Igitur ad aliquid, sive relatio nedum prout dicit esse in, sed etiam prout dicit esse ad, (dum enim dicitur ad aliquid, significatur illud esse ad, ut ex ipsis terminis

patet; sicut significatur esse in, dum dicitur in aliquo) relatio; inquam, bonitatem importat, & exprimit in sua linea, suoque ordine, sicut substantia, & qualitas, & quodlibet aliud prädicamentum. Et cum ut jam diximus ex eodem D. Thoma, bonum idem sit ac perfectum, sequitur quod relatio secundum se esse ad, sive quatenus refertur, & correfertur ad relationem alteram, dicit perfectionem: si autem ita se habet etiam in rebus creatis, à fortiori in divinis.

Probat utraque pars conclusionis ratione deprompta ex eodem nostro Praeceptore angelico variis in locis, sed praesertim 1. p. qu. 4. ubi ex professio agit de perfectione Dei: sic autem habet in corp. 1. artic. *secundum hoc enim dicitur aliquid esse perfectum, secundum quod est in actu; nam perfectum dicitur cui nihil deest secundum modum suae perfectionis.* Et quaestione quinta sequenti, in qua agit de bono in communi, artic. 3. ubi quarit, utrum omne ens sit bonum, sic respondet. *Dicendum, quod omne ens, inquantum est ens, est bonum: omne enim ens, inquantum est ens, est in actu, & quodammodo perfectum: quia omnis actus perfectio quaedam est: perfectum autem habet rationem boni: unde sequitur omne ens, inquantum huiusmodi, bonum esse.* Ex his locis sic argumentamur. Perfectum dicitur quasi perfectè actum, sive in actu suo constitutum; ita ut intantum aliquid sit perfectum, inquantum actualiter habet id quod sibi convenit. quod si habeat quicquid sibi convenit juxta essentiam, sive naturam simpliciter dictam, quae est primum in unaquaque re, & fundamentum, ac radix omnium aliorum, quae ad huiusmodi rem pertinent; tunc est perfectum simpliciter, & perfectione strictè, & propriè dicta: si autem habeat id quod sibi convenit juxta essentiam, & naturam secundum quid consideratam, sive juxta propriam, & quidditativam rationem eorum quae primam illam radicem consequuntur; tunc est perfectum secundum quid, & perfectione latè, & minus propriè sumpta. Cum igitur in divinis non sit nisi una tantum essentia, & natura simpliciter, & ab-

solutè loquendo , in qua tres divinæ Personæ realiter identificantur , non est etiam nisi unica perfectio strictè , & propriè sumpta , in qua identificantur tres Personæ . sed quia relationes etiam secundùm esse ad habent actualiter id quod sibi convenit , illudque personis conferunt ; convenit enim Patri , quòd referatur ad filium , & filio quòd ad Patrem correferatur : imò nequeunt esse Pater , & Filius , nisi in utro se respiciant : ideo relationes etiam secundùm suum esse ad dicunt perfectionem latè , & minùs propriè dictam .

Imò sicut in artic. præced. diximus , quòd qualibet persona divina est in sua veluti specie infinita : ita similiter in proposito dicendum est , quòd qualibet divina relatio est perfectionis infinitæ in sua quasi specie perfectionis relativæ , etiam juxta ipsum esse ad : quia in suo conceptu importat quiddam dari , vel excogitari potest intra earum veluti speciem . Sic in sententia Doctoris angelici in sequenti tractatu explicanda , quilibet Angelus dicitur & est intra suam speciem infinitus : quia complectitur quiddam in ea dari potest , & excogitari .

Hoc modo Clariùs , & Meliùs explicantur plura , quæ concernunt istud mysterium . 1. Præstantissimum est mysterium nedum ratione divinæ essentiae : sed etiam ratione sui ipsius , sive ratione eorum quæ importat ut est Trinitas : dicit enim , & exprimit tres perfectiones infinitas . Explicatur ad litteram id quod Ecclesia dicit in præfatione Missæ Trin tatis : *ut in Personis proprietates , in essentia unitas , & in Majestate aloreitur aequalitas* : proprietates enim personales sunt objectum etiam per se , sive ratione sui adoratione dignum propter suam propriam perfectionem infinitam . 3. In ipso Incarnationis mysterio Persona verbi divini assumendo humanitatem Christi , eamque terminando per suam propriam hypostasim ut realiter distinctam ab hypostasi Patris , & Spiritus Sancti , ipsi contulit perfectionem illam infinitam , quam habet sibi propriam , ut explicabimus magis in prædicto tractatu . Tandem quiddam dicitur in Conciliis , Patribus , & Doctoribus de omnimoda per-

fectione Dei, sub quacunque consideratione sumi possit, maxime juxta nostram sententiam explicantur simpliciter, & ad litteram quandoquidem quidquid est in Deo uno, & trino, quovis modo sumatur, hoc asserimus totum & totaliter esse perfectum, infinita perfectione. Non dico, quin hæc aliaque similia in sententia etiam adversariorum explicari possint: sed quod in nostra clarius, & facilius explicantur. Id quod patebit unicuique volenti conferre hujusmodi sententias ad invicem.

Objectiones præveniuntur ex dictis, & præsertim ex distinctione, quam tradimus in conclusione, & quæ debet esse regula generalis ad hujusmodi objectiones solvendas: unâ tamen exceptâ, quæ specialem continet difficultatem circa Personarum aequalitatem, de qua agemus in sequenti §.

§. VIII.

Egregia doctrina de omnimoda Personarum divinarum aequalitate. Ingens & perpetuum miraculum pro confirmatione huius mysterij.

1. Egregia omnino figura habetur de illa omnimoda Personarum divinarum aequalitate in veteri testamento: dicitur enim Exodi 20. *Non ascendes per gradus ad altare meum, ne reveletur turpitude tua.* Quem locum S. Bruno sic exponit. *Altare fides est Trinitatis, ad quam ille per gradus ascendit qui maius & minus in Trinitate credit, & intelligit.* Plane igitur, & non per gradus ad hoc altare ascendamus: sed Patrem, & Filium, & Spiritum Sanctum aequales esse credamus. Per gradus ad hoc Trinitatis altare Arius ascendere præsumpsit; ideoque eius stulta turpitude, nefandaque hæresis cunctis gentibus est revelata: ascendens cecidit; suffoque visceribus turpi, & inaudita morte interijt.

2. Concilium Toletanum 6. sic de eadem aequalitate habet in titulo, de plenitudine fidei Catholica cap. 1. *In hac Trinitate tanta est unitas substantia, ut pluralitate careat, & aequalitatem tenent: nec minor in singulis quam in omnibus; nec maior in omnibus*

De divinis Personis.

233

omnibus, quam in singulis maneat personis. Concilium item Toletanum ij. in processione fidei circa medium ita loquitur. Singulariter ergo unaquaque persona plenus Deus, & tota tres persona, unus Deus, confitetur & creditur: una illis vel indivisa, atque equalis Deitas, Maiestas, sive Potestas: nec minoratur in singulis, nec augetur in tribus: quia nec minus aliquid habet, cum unaquaque persona Deus singulariter dicitur; nec amplius, cum tota tres persona unus Deus enuntiatur. In Symbolo etiam D. Athanasii sic dicitur. Et in hac Trinitate nihil prius, aut posterius, nihil maius, aut minus: Sed tota tres Persona coeterna sibi sunt, & coequales.

D. Augustinus lib. 15. de Trinitate cap. 3. ait. Ratione etiam reddita intelligentibus clarum est, in substantia veritatis, non solum Patrem filio non esse maiorem; sed nec ambos simul aliquid maius esse quam solum Spiritum Sanctum; aut quoslibet duos in eadem Trinitate maius esse aliquid quam unum; aut omnes simul tres maius aliquid esse quam singulos.

3. Hanc veritatem, quam fides catholica docet, tantum impudentiam negare aulius est Eunomius, ut diceret: Quis autem ita stolidus est, vel ad impietatem audax, ut equalem Patri filium predicet? Ita refert D. Basilii libro 1. de aequalitate Patris, & filii in divinis contra eundem Eunomium, quem ita refellit. Dicamus igitur ipsi ad hac illa prophetica, quod frons mulieris meretrici facta est tibi, impudens facta es erga omnes, Illa namque sua probra pudice viventibus ingerunt. & hic eos, qui maiestatem unigeniti magnificare cupiunt, amentes, & ad impietatem audaces vocat, eisdem rebus offensos, quibus olim & Iudaei exacerbabantur, dicentes quod equalem se facit Deo. Etcerte (nulli autem mirum quod dicam videatur) magis nescio quo pacto illi videbantur consequentiam rem inspicere. Graviter enim ferebant, quod Deum Patrem suum appellabat, ex quo a se ipsis ratiocinantur, quod equalem se Deo faceret. quasi ne-

cessario consequatur: si Patrem habeat Deum. Deo quoque aequalem esse: hic autem primum in speciem concedens, secundum abnuat, & Domini vocem nobis obicit dicentis: Pater meus, qui misit me, maior me est. Nec Apostolum dicentem audit: quod non rapinam arbitratus est esse se aequalem Deo. Quomodo autem locus ille, Pater maior me est, intelligi debeat, iam explicuimus fuisse initio tractatus agendo contra haereticos.

Haec omnia intelliguntur facile, & exponuntur optime ex nostro Praeceptore angelico 1. par. qu. 42. artic. 4. ubi quaerit, utrum filius sit aequalis Patri secundum magnitudinem, & respondet dicendum, quod necesse est dicere filium esse aequalem Patri in magnitudine: & rationem reddit, quia magnitudo Dei non est aliud quam perfectio naturae ipsius: unde cum in divinis filius per generationem aeternam recipiat totam perfectionem naturae divinae à Patre aeterno; necesse est quod sit ipsi in omnibus, & per omnia coequalis: imò si excluderentur omnes imperfectiones ab ipsa generatione, omnis filius esset Patri suo aequalis: unde D. Hilarius ibidem relatus dicit in lib. de Synodis post canonem 27. Tolle corporum infirmitates; tolle conceptus initium; tolle dolores partus, & omnem humanam necessitatem, omnis filius secundum naturalem natiuitatem aequalis Patri est; quia est similitudo naturae.

Idem D. Thomas ibidem ad 2. ait: Dicendum quod aequalitas attenditur secundum magnitudinem. Magnitudo autem in divinis significat perfectionem naturae, & ad essentiam pertinet: & ideo aequalitas, & similitudo secundum essentiam attenditur; nec potest secundum distinctionem relationum inaequalitas, vel dissimilitudo attendi.

Et ibidem ad 3. sic habet. Unde neque omnes relationes sunt maius aliquid, quam una tantum; nec omnes Personae maius aliquid quam una tantum: quia tota perfectio naturae divinae est in qualibet Personarum.

Doctissimus P. Nicolai ibidem ad marginem inter alia sic habet. Eo sensu (nempe eodem quo D. Tho-

mas) Cyrillus in thesauro lib. ij. *æqualem Patri filium esse dicit, secundum substantiæ rationem.* Et Isidorus Pelusita lib. 5. Epistolarum epist. 29. *æqualem vocat quæ Deus est, & consubstantialis Patri (ὁμοῦς) in eundemque sensum omnes Patres tum Græci, tum Latini uniformiter conveniunt.*

5. Ex quibus omnibus sic formatur argumentum. Instantium sancti Patres, & Doctores statuunt omnimodam æqualitatem inter Personas divinas, in quantum habent unam eandemque perfectionem essentiae, & naturæ divinæ. Et ratio est, quia loquuntur contra hæreticos, qui dicebant filium non esse æqualem Patri in essentia, sive non esse ipsi consubstantialem. Sed quantumcunque attribuamus relationibus, & Personis divinis propriam perfectionem relativam, imò etiam in sua veluti specie infinitam, semper manet, quòd in ipsa perfectione absoluta, & essentiali sunt omnino unum, & idem: ideo sunt omnino æquales, & coæquales.

Explicatur magis Doctrina SS. Patrum, contra hæreses juxta principia Theologiæ Scholasticæ ex eodem angelico Præceptore. Ad æqualitatem divinarum Personarum requiritur quidem omnimoda earum identitas in absolutis: sed tantum abest quòd requiritur in relativis, quin potius econtra necesse est, quòd ut possint esse æquales, detur inter eas distinctio realis proveniens ex relativis. Quia nihil est sibi æquale, sed alteri, nec aliunde est æquale alteri nisi in eo in quo identificantur. Unde oportet ad hoc ut personæ sint æquales, quòd ex una parte sint idem, & ex altera distinguantur. Hæretici æqualitatem destruebant, negando identitatem essentiae, vel econtra personarum distinctionem: sed Catholici perfectam æqualitatem statuunt, asserendo quòd omnia quæ sunt essentialia, & absoluta, sunt idem; quæ verò personalia sunt & relativa, sunt distincta, sicut habet Doctor angelicus qu. 42. a. 1. ad 3. *Dicendum, inquit, quòd in divinis Personis nihil est considerare nisi essentiam, in qua communiam, & relationes quibus distinguuntur: æqualitas autem utramque*

importat, scilicet distinctionem Personarum, quia nihil sibiipso dicitur aequale. & unitatem essentialis, quia ex hoc Personae sunt sibi invicem aequales; quia sunt unius magnitudinis, & essentialis.

6. Explicatur adhuc magis solvendo objectionem, quae communiter sic proponi solet. Una Persona non est aequalis alteri si non habet totam perfectionem, quam habet altera. Sed juxta nostram sententiam filius v.g. non haberet totam perfectionem, quam habet Pater; imò careret infinita illa perfectione paternitatis, quae foret in Patre. Ergo non esset illi aequalis.

Resp. ad ma. Illa persona non est aequalis alteri, quae non habet totam eius perfectionem, distinguo: si non habeat totam ejus perfectionem absolutam, & essentialem, conc. quia, ut jam diximus, juxta hujusmodi perfectionem attenditur personarum aequalitas: si non habeat totam ejus perfectionem relativam, & personalem, subdividuo: si non habeat constitutive, nego: si non habeat compensative, conc. Et similiter distinguenda est minor: nam filius habet totam perfectionem essentialem, & absolutam, quae reperitur in Patre, ut docent omnes catholici: non habet autem constitutive quidquid habet Pater, & hoc non est necesse ad aequalitatem, imò ipsam impediret. Si enim filius haberet id totum quod constituit Patrem, foret idem cum ipso tam in persona quam in natura; & sic non possent esse aequales, cum idem non sit aequalis sibiipso, sed tantum alteri. Sufficit ergo quòd hoc totum habeat compensative, & revera sic habet triplici ratione. 1. Quia habet naturam divinam, quae est virtualis radix totius perfectionis relativae, quae reperitur in paternitate, & sic habet totam perfectionem infinitam Patris, non quidem formaliter, sed radicaliter, sive ut loquuntur aliqui, eminenter, quatenus natura divina veluti supereminet omnibus quae sunt in Deo tanquam omnium radix. 2. Quia filius habet totam perfectionem relativam Patris quantumvis infinitam, habet inquam terminative, & correlativè, quatenus illa perfectio Patris tota, & totaliter terminatur ad filium.

quid ipsam totus etiam, & totaliter correferretur. 3.
Quia filius habet perfectionem relativam in sua ve-
luti specie æqualem illi quam habet Pater: sicut enim
perfectio relativa paternitatis est infinita ita etiam
infinita est perfectio relativa filiationis: & sicut per-
fectio paternitatis est in solo Patre constitutivè, & in
filio terminativè, ita perfectio filiationis est in solo
filio constitutivè, & in Patre terminativè: atque
ita fit adæquata compensatio, ac proinde omnimoda
æqualitas.

Si dicas, perfectius est habere aliquid eminenter
simul & formaliter, quàm eminenter tantum. Sed
Pater haberet perfectionem suam eminenter simul &
formaliter, quam filius non haberet nisi eminenter.
Ergo Pater esset perfectior. Respondeo, quòd hoc
foret verum, si non fieret compensatio ex parte filij per
aliquid æqualiter perfectum: sed falsum est, quia ta-
lis compensatio fit, similiter enim filius habet suam
perfectonem eminenter simul & formaliter, quàm
Pater non habet nisi eminenter. Et quod dictum est
de Patre & filio dicendum quoque est servata propor-
tione de Spiritu Sancto.

Hoc possumus aliquantulum explicare exemplo fami-
liari. Unus, v. g. non est magis dives quàm alter, si
uterque habeat præcisè summam mille librarum; quam-
vis unus summam illam habeat in nummis aureis, al-
ter in argenteis: quia iste tantum habet de nummis
argenteis, ut suppleat, & compenset quidquid sibi
deficit de aureis) ad hoc ut summa sit æqualis. Ita
qualibet ex personis divinis per id quod habet in seip-
sa compensat quidquid est in alijs, ita ut sit omnimo-
da æqualitas inter ipsas ex omni parte tam conside-
rando omnia relativa quàm absoluta.

Nunquam dici debet, quòd aliquid desit alicui ex
divinis Personis; vel quòd ipsa deficiat in hoc quod
habent aliæ: Non enim est defectus, aut ulla imper-
fectio quòd aliquid non habeat id quod ex natura sua
non exigit, nec ipsi debetur: uni autem Personæ non
debetur id quod est in alijs; imò exigit illud non ha-
bere constitutivè, ut salvetur distinctio, quamvis

etiam exigit habere illud compensativè, ut salvetur aequalitas.

In confirmationem hujus mysterij de omnimoda divinarum Personarum aequalitate ingens adhuc extat miraculum factum in persona Sanctæ Claræ de Monte Flascio. Inventa sunt post mortem ejus in corde instrumenta passionis Christi: & in folliculo fellis reperti sunt tres globuli ejusdem ponderis, magnitudinis, & coloris; magnitudo autem est sicut trium avelanarum. Quoties appensi fuerunt, toties unus aequavit pondus alterius; & unus solus aequavit pondus aliorum duorum simul, in testimonium veritatis prædicti mysterij de omnimoda Personarum divinarum aequalitate. Narravit mihi R. P. Freise Religiosus nostræ Provinciæ Tholosanæ, quoddam Sanctimonialis illius Monasterij, in quo hujus Sanctæ corpus, & hæc instrumenta passionis illique Globuli conservantur, ostenderunt ipsi hæc omnia in gratiam quoddam Missionarius apostolicus pro partibus Americæ: & quoddam in ejus præsentia illos Globulos ponderaverunt, ita ut ipse propriis oculis miraculum viderit, non sine admiratione maxima.

§. IX.

De Circumincensione divinarum Personarum.

D. Thomas 1. p. qu. 42. in qua agit de divinarum Personarum aequalitate, agit etiam de hujusmodi circumincensione, explicans art. 5. quomodo Personæ divinæ sunt in seipsis invicem. Ejus doctrinam exponit Ioannes à S. Thoma more suo idest valdè metaphysicè qu. 39. disp. 16. a. 4. refero id quod per thronibus sufficit.

Unam Personam divinam esse in alia, est articulus fidei: dicitur enim in Ioan. 14. *Non creditis quia ego in Patre, & Pater in me est.* Theologi communiter hanc existentiam vocant circumincensionem, idest reciprocam existentiam unius Personæ in altera ita ut semper circum ipsam veluti incedat: quæ sit triplici

modo
tione
2. ratio
invicem
Patre
Igitur
toti Tr
alio, cu
gis inti
igitur e
fit in Sp
tre, &
maxim
D. H
ram, s
Deus
Ergo in
Deus in
2. Ra
quaten
docent
alio;
quitur
in alter
tis con
latio fi
quamv
habeant
Spiritu
mus age
tiones h
spiration
n's pass
atque it
3. Ra
per act
quitur,
nitioni
nent in
actionis
non hab

modo juxta Doctorem angelicum loco citato. 1. ratione essentiae, quae communis est omnibus personis. 2. ratione correlationis mutuae, qua personae ad se invicem referuntur. 3. ratione originis, qua filius à Patre procedit, & Spiritus Sanctus ab utroque.

Igitur 1. fit circumincessio ratione essentiae divinae toti Trinitati communis. Illud enim est maximè in alio, cujus tota essentia est in ipso, cum nihil sit magis intimum unicuique rei quàm ejus essentia: cum igitur essentia Patris sit in filio, & essentia utriusque sit in Spiritu Sancto & e converso essentia filij in Patre, & Spiritus Sancti in utroque, inde fit quod sunt maximè in seipsis invicem: unde D. Thomas refert D. Hilarium 5. de Trinitate ita loquentem: *Naturam suam (ut ita dicam) sequitur immutabilis Deus immutabilem gignens Deum subsistentem. Ergo in eo Dei naturam intelligimus, cum in Deo Deus insit.*

2. Ratione correlationis mutuae fit circumincessio, quatenus relativa sunt simul definitione, & natura, ut docent Philosophi: unde unum nequit cognosci sine alio; atque ita sunt simul in cognitione, sive ut loquitur D. Thomas, unum oppositorum relativè est in altero secundum intellectum: sic relatio Paternitatis concipitur esse terminativè in filio, & vicissim relatio filiationis in Patre; & utraque in Spiritu Sancto: quamvis enim relationes paternitatis & filiationis non habeant oppositionem relativam immediatam cum Spiritu Sancto, benè tamen mediatam, ut explicabimus agendo de processione Spiritus Sancti; nam relationes Paternitatis, & filiationis mediante relatione spirationis actus vè terminantur ad relationem spirationis passivæ, per quam constituitur Spiritus Sanctus, atque ita terminativè sunt in ipso Spiritu Sancto.

3. Ratione originis, cum enim origo in divinis fit per actiones immanentes cognitionis, & amoris, sequitur, quod filius tanquam verbum, & terminus cognitionis, & Spiritus Sanctus ut terminus amoris remanent intra principium suum: hoc enim est de ratione actionis immanentis. Et quia principium in divinis non habet actionem à se distinctam, sed sibi realiter

identificatam, itaut agat per suam substantiam, & essentiam; ideo ipsum etiam principium remanet intra suum terminum. Sic ergo filius est in Patre tanquam terminus in suo principio, & vicissim Pater in Filio tanquam principium in suo termino. Et idem est de Patre, & Filio respectu Spiritus Sancti. Ex his omnibus sequitur, quod Personae divinae secundum id totum quod important totaliter sumptum, sive quoad omnia tam relativa quam absoluta, sunt in seipsis invicem per circumincessionem.

ARTICULUS III.

De his quae sunt appropriata divinis Personis.

Appropriata dicuntur ea, quae sunt tribus divinis Personis communia, & nihilominus alicui ex ipsis attribuantur, propter specialem convenientiam, quam habent cum ipsa potius quam cum alijs. De hujusmodi appropriatis egit D. Thomas in locis mox citandis, & quidem ita clarè & accuratè, ut sufficiat ea quae habet, hinc referre.

S. I

De his quae appropriantur tribus Personis.

Doctor angelicus 1. p. qu. 39. a. 8. querit, utrum convenienter à sacris Doctoribus sint essentialia personis attributa, ideo appropriata: & postquam retulit auctoritates D. Hilarij in 2. de Trinit. ubi dicit: *eternitas est in Patre, species in imagine, usus in munere.* Et D. Augustini 1. de Doctrina Christiana cap. 5. dicentis: *In Patre est unitas, in filio aequalitas, in spiritu sancto aequalitatis unitatisque concordia.* Eiusdem sancti Doctoris, qui Patri attribuit potentiam, filio sapientiam, & Spiritui sancto bonitatem. Ex libro quoque 6. de Trinitate

cap. 10. ubi sic habet. *Non confuse accipiendum est quod ait Apostolus, ex ipso, & per ipsum, & in ipso: Ex ipso dicens propter Patrem: per ipsum propter filium: in ipso propter Spiritum Sanctum.* Postquam, inquam, auctoritates illas retulit, ut ostendat eas optimè divinis Personis convenire, sic respondet.

Resp. dicendum, quod intellectus noster qui ex creaturis in Dei cognitionem manuducitur, oportet quod Deum consideret secundum modum quem ex creaturis assumit. In consideratione autem alicujus creaturæ quatuor per ordinem nobis occurrunt. Nam primò consideratur res ipsa absolute, inquantum est ens quoddam. Secunda autem consideratio rei est, inquantum est una. Tertia consideratio rei est, secundum quod inest ei virtus ad operandum, & ad causandum. Quarta autem consideratio rei est secundum habitudinem, quam habet ad causata. Unde hæc etiam quadruplex consideratio circa Deum nobis occurrit. Secundum igitur primam considerationem, qua consideratur absolute Deus secundum esse suum, sic sumitur appropriatio Hilarii: secundum quam aternitas appropriatur patri, species filio, usus spiritui sancto. Aternitas enim, inquantum significat esse non principium, similitudinem habet cum proprio patris, qui est principium non de principio. Species autem sive pulchritudo habet similitudinem cum propriis filij. Nam ad pulchritudinem tria requiruntur. Primò quidem integritas, sive perfectio: Quæ enim diminuta sunt, hoc ipso turpia sunt. Et debita proportio, sive consonantia. Et iterum claritas. Unde quæ habent colorem nitidum pulchra esse dicuntur.

Quantum igitur ad Primum, similitudinem habet cum proprio filij, inquantum est filius habens in se verè & perfectè naturam patris. Unde ad hoc innuendum August. in sua expositione dicit, ubi, scilicet in filio, summa & perfecta vita est, &c.

Quantum verò ad Secundum, convenit cum proprio filij, inquantum est imago expressa patris. Unde videmus, quod aliqua imago dicitur esse pulchra, perfecte repræsentat rem, quamvis turpem. Et hoc

terigit Augustinus, cum dicit, ubi est tanta convenientia, & prima æqualitas, &c.

Quantum verò ad Tertium, convenit cum proprio filij, inquantum est verbum, quod quidem lux est, & splendor intellectus: ut Damasc. dicit. Et hoc tangit Augustinus, cum dicit, Tanquam verbum perfectum, cui non desit aliquid, & ars quædam omnipotentis Dei, &c. Usus autem habet similitudinem cum propriis spiritus sancti, largo modo accipiendo usum, secundum quod, uti comprehendit sub se etiam frui: prout uti est assumere aliquid in facultatem voluntatis: & frui est cum gaudio uti, ut Aug. 10. de Trinitate dicit. Usus ergo, quod pater & filius se invicem fruuntur, convenit cum proprio spiritus sancti, inquantum est amor. Et hoc est, quod Aug. dicit, Illa dilectio, delectatio, felicitas, vel beatitudo, usus ab illo appellatus est. Usus verò, quo nos fruimur, similitudinem habet cum proprio spiritus sancti, inquantum est donum. Et hoc ostendit Aug. cum dicit, Est in trinitate spiritus sanctus, genitoris, genitique suavitas, ingenti largitate, atque ubertate nos vel creaturas perfundens. Et sic patet quare æternitas, species, & usus personis attribuantur, vel approprientur; non autem essentia vel operatio: quia in ratione horum, propter sui communitatem, non invenitur aliquid similitudinem habens cum propriis personarum.

Secunda verò consideratio Dei est, inquantum consideratur ut unus. Et sic Aug. patri appropriat unitatem, filio æqualitatem, spiritui sancto concordiam, sive connexionem. Quæ quidem tria unitatem importare manifestum est, seu differenter. Nam unitas dicitur absolute, non præsupponens aliquid aliud: Et ideo appropriatur patri, qui non præsupponit aliquam personam; cum sit principium non de principio. Æqualitas autem importat unitatem in respectu ad alterum: Nam æquale est, quod habet unam quantitatem cum alio: Et ideo æqualitas appropriatur filio, qui est principium de principio. Connexio autem importat unitatem aliquorum duorum. Unde appropriatur spiritui sancto, inquantum est à duobus. Ex quo sensu etiam intelligi potest, quod dicit Augustinus. Tria esse unum propter patrem, æqualia propter filium, con-

nexa propter spiritum sanctum. Manifestum est enim, quod illi attribuitur unumquodque, in quo primò invenitur: sicut omnia inferiora dicuntur vivere propter animam vegetabilem, in qua primò invenitur ratio vitæ in istis inferioribus. Unitas autem statim invenitur in persona patris, etiam per impossibile remotis aliis personis: Et ideo aliæ personæ à patre habent unitatem. Sed remotis aliis personis non invenitur æqualitas in patre, Sed statim posito filio invenitur æqualitas: Et ideo dicuntur omnia æqualia propter filium: non quod filius sit principium æqualitatis patri: sed quia nisi esset patri æqualis filius, pater æqualis non posset dici: Æqualitas enim ejus primò consideratur ad filium. Hoc enim ipsum, quod Spiritus sanctus patri æqualis est, à filio habet. Similiter excluso Spiritu sancto, qui est duorum nexus, non posset intelligi unitas connexionis inter patrem & filium: Et ideo dicuntur omnia esse connexa propter Spiritum sanctum: Quia posito Spiritu sancto, invenitur ratio connexionis in divinis personis: Unde pater & filius possunt dici connexi.

Secundum verò tertiam considerationem, qua in Deo sicut ens virtus consideratur ad causandum, dicitur sumi tertia appropriatio, scilicet potentiæ, sapientiæ, & bonitatis. Quæ quidem appropriatio fit & secundum rationem similitudinis, si consideretur, quod in divinis personis est: & secundum rationem dissimilitudinis, si consideretur, quod in creaturis est. Potentia enim habet rationem principij: Unde habet similitudinem cum patre coelesti, qui est principium totius divinitatis. Deficit autem interdum pater terreno propter senectutem. Sapientia verò similitudinem habet cum filio coelesti, inquantum est verbum, quod nihil aliud est, quam conceptus sapientiæ. Deficit autem interdum filio terreno propter temporis paucitatem. Bonitas autem cum sit ratio amoris, habet similitudinem cum spiritu civico, qui est amor: sed repugnantiam habere videtur ad spiritum terrenum, secundum quod importat violentiam quamdam & impulsione: prout dicitur Iesai. 26. *Sp. fortissimorum quasi turbo impellens parietes*

autem appropriatur filio & spiritui sancto: non secundum quod virtus dicitur ipsa potentia rei, sed secundum quod interdum virtus dicitur eo quod a potentia rei procedit, prout dicimus aliquod virtuosum factum esse virtutem alicujus agentis.

Secundum verò quartam considerationem, prout consideratur Deus in habitudine ad suos effectus, sumitur illa appropriatio ex quo, per quem, & in quo. Hæc enim præpositio, ex, importat habitudinem quamdam causæ materialis, quæ locum non habet in divinis. Aliquando verò habitudinem causæ efficientis: quæ quidem competit Deo ratione suæ potentiae activæ. Unde & appropriatur patri, sicut & potentia. Hæc vero præpositio, per, designat quidem quandoque causam mediam: sicut dicimus, quod faber operatur per martellum. Et sic ly, per, quandoque non est appropriatum, sed proprium filij: secundum illud Ioan. 1. Omnia per ipsum facta sunt: non quia filius sit instrumentum: sed quia ipse est principium de principio. Quandoque verò designat habitudinem formæ, per quam agens operatur, sicut dicimus quod artifex operatur per artem. Unde sicut sapientia & ars appropriatur filio: ita & ly, per quem. Hæc verò præpositio in, denotat propriè habitudinem continentis: Continet autem Deus res dupliciter; Uno modo secundum suas similitudines: prout scilicet res dicuntur esse in Deo, inquantum sunt in ejus scientia. Et sic hoc, quod dico, in ipso, esset appropriatum filio. Alio verò modo continentur res à Deo, inquantum Deus sua bonitate eas conservat & gubernat, ad finem convenientem adducendo. Et sic ly, in quo, appropriatur spiritui sancto, sicut & bonitas. Nec oportet quod habitudo causæ finalis (quamvis sit prima causarum) approprietur patri, qui est principium non de principio: quia personæ divinæ, quarum pater est principium, non procedunt ut ad finem; (cum quælibet illarum sit ultimus finis) sed naturali processione, quæ magis ad rationem naturalis potentiae pertinere videtur. Hucusque D. Thomas.

§. II.

De nomine Patris prout est Patri aeterno proprium, & appropriatum.

1. Pater aeternus dupliciter considerari potest. Vel ut est principium filij in divinis : & sic nomen Patris est ipsi proprium, cum nulli alteri conveniat. Vel prout creat, conservat, nutrit, justificat, glorificat, & omnia erga nos paternæ charitatis officia implet : & sic nomen Patris est ipsi appropriatum : cum enim omnia Trinitatis opera ad extra sint indivisa, hæc omnia conveniunt omnibus Personis divinis ; sed tamen majorem habent convenientiam cum Patre, quatenus considerantur ut officia paternæ charitatis.

2. Hoc nomen Patris tantæ Religionis est ac excellentiæ, ut D. Cyrillus in Joannem dicat hoc præclarissimum nomen ipsi magis quam Dei titulum convenire : hoc enim, inquit, dignitatis, illud substantialis significativum est proprietatis. Deum enim si dixeris, rerum omnium Dominum ostendisti : Patrem vero si appellaveris, proprietatem tetigisti. Deus dicitur & Dominus, quatenus mundum creavit : Pater appellatur, quia filium aeternum sibi consubstantialem, & Deum genuit.

3. Cum hac D. Cyrilli cogitatione concordat id quod refertur Joan. 20. Christum apparentem Magdalene post resurrectionem, jussisse illi ut hæc annuntiaret Discipulis : Ascendo ad Patrem meum, & Patrem vestrum : Deum meum, & Deum vestrum : ubi præmittit titulum Patris, eumque titulo Dei anteponeit : quia, inquit Theodoretus, appellatione Patris magis quam Domini delectatur.

4. D. Carylologus sermone 2. Explicans hæc verba filij proditi : Surgam, & ibo ad Patrem meum, sic habet : Qua spe ? qua fiducia ? qua confidentia ? qua spe ? illa qua Pater est. Ego perdididi quod eras filii : ille, quod Patris est, non amisi. Apud Patrem non intercedit extraneus : intus est in Patris pectore ipse qui intervenit, & exorat affectum.

Vigetur Patriſ viscera iterum filium genitura per veniam. Ibo ad Patrem reus. Sed Pater viſo filio cooperit mox reatum; diſſimulat iudicem, qui magis vult implere genitorem: Et ſententiam cito verſit in veniam, qui redire cupit filium non perire.

5. D. Auguſtinus lib 2. de ſermone Domini in fronte cap. 4. ſic loquitur. Quoniam quod vocamur ad eternam hereditatem, ut ſimus Chriſti coheredes, Et in adoptionem filiorum Dei veniamus, non eſt meritum noſtrorum, ſed gratia Dei: eandem ipſam gratiam in orationis principio ponimus, cum dicimus, Pater noſter, quo nomine Et charitas excitatur. Quid enim charius filiis debet eſſe quam Pater: Et ſupplex affectus cum homines dicunt Deo, Pater noſter, Et quadam impetrandi preſumptio qua petimus, cum prius quam aliquid peteremus tam magnum donum acceperimus, ut ſinamur dicere, Pater noſter, Deo. Quid enim iam non de filiis petentibus, cum hac ipſum ante dederit, ut filii eſſent? Poſtremo quanta cura animum tangit, ut qui dicit, Pater noſter, tanto Patre non ſit indignus. Si enim quiſpiam plebeius ſenatorem grandioris etatis ab eo ipſo Patrem vocare permittatur, ſine dubio trepidabit, nec facile audebit cogitare humilitatem generis ſui, Et opum indigentiam, Et plebeiæ perſonæ vilitatem. Quanto ergo magis trepidandum eſt appellare Patrem Deum, ſi tanta ſint labeſ, tantaque ſor'es in moribus, ut multo iuſtius eas a ſua conſuetudine Deus expellat, quam ille ſenator cuiusvis mendici egeſtatem. Quandoquidem ille hoc contemnit in mendico, quò Et ipſe poteſt rerum humanarum fragilitate devenire: Deus autem in ſordidos mores nunquam cadit: Et gratus miſericordia ipſius, qui hoc à nobis exigit, ut Pater noſter ſit, quod nullo ſumptu, ſed ſola bona voluntate comparari poteſt. Admonentur etiam hic divites, vel genere nobiles ſecundum ſaeculum, cum Chriſtiani facti fuerint, non ſuperbire adverſus pauperes Et ignobiles; quoniam ſimul dicunt

Deo P
cere
De
prace
prient
Spiri
lib. 2
pium
bunne
que z
conve
Ambr
piter
filium
tio,
Verbi
culum
ſapient
ritas
Et ſi
ſed u

Q
prian
ſub
haber
ſider
In
ſunt
1.
ratio
Do
niur
tem
ratio
mus
dom

Deo, Pater noster, quod non possunt verè accipere, nisi se fratres esse cognoscunt.

De aliis quæ appropriantur Patri, patet ex §. præcedenti. Sed miraberis, lector quòd pauca appropriantur Patri, plura autem filio, & adhuc plura Spiritui Sancto. Ratio reddi potest ex D. Ambrosio lib. 2. de fide in prologo: cùm enim Pater sit principium filii; & uterque Spiritus Sancti; ea quæ attribuuntur filio, denotant ea quæ conveniunt Patri, & quæ attribuuntur Spiritui Sancto, denotant ea quæ conveniunt Patri, & filio. Hæc indicia, inquit D. Ambrosius, ita Dei filium signant, ut ex his sempiternum etiam Patrem esse cognoscas, nec ab eo filium discrepantem. Ex eo enim qui est, generatio, ex sempiterno Deus, ex Patre filius, ex Deo Verbum, splendor gloria, character substantia, speculum Dei maiestatis imago, de bono bonitas, de sapiente sapientia, de forti virtus, de vero veritas, de vivente vita. Concordant igitur Patri, & filii indicia, quibus non discrepare inter se, sed unus maiestatis esse nemo dubitaverit.

§. III.

De his quæ appropriantur filio.

Quædam ex his, quæ appropriantur Patri, appropriantur etiam filio, & similiter Spiritui Sancto; sed sub diversâ ratione, sub qua majorem convenientiam habent cum una persona, quàm cum altera, ut consideranti parebit.

Inter illa autem, quæ appropriantur filio, præcipua sunt quæ sequuntur.

1. Appropriantur ipsi creatio, & conservatio rerum, ratio vitæ, & lucis, ut egregiè declarat angelicus Doctor 4. contra gentes cap. 13. his verbis. Deus omnium propriam cognitionem habet: Quicunque autem facit aliquid per intellectum, operatur per operationem rerum factarum, quam apud se habet: Domus enim quæ est in materia, fit ab ædificatore per domus rationem quam habet in mente; Deus autem

res in esse producit, non naturali necessitate, sed quæ per intellectum, & voluntatem agens: facit igitur Deus omnia per verbum suum, quod est ratio rerum factarum ab ipso. Hinc est quod dicitur à Joanne: *Omnia per ipsum facta sunt*: cui consonat, quod Moyses mundi originem describens in singulis operibus tali utitur modo loquendi: *dixit Deus, fiat lux: & facta est lux*. Dixit Deus: *fiat firmamentum*. Et sic de alijs. Quæ omnia Psalmista comprehendit dicens: *Dixit, & facta sunt*: dicere enim Dei est verbum producere. Sic ergo intelligendum est, quod Deus dixit, & facta sunt, quia verbum produxit, per quod res in esse producit, sicut per earum rationem perfectam.

2. Sed Quia idem est causa conservationis rerum, & productionis ipsarum, sicut omnia per verbum facta sunt, ita per Dei verbum conservantur in esse: unde Psalmista dicit: *Verbo Domini cali firmati sunt*. Et Apostolus dicit ad hebræ 1. de filio, quod *portat omnia verbo virtutis sue*. Quod quidem qualiter accipio oportet, jam dictum est.

3. Sciendum tamen quod verbum Dei in hoc differt à ratione, quæ est in mente artificis: quia verbum Dei Deus subsistens est; ratio autem artificati in mente artificis non est res subsistens, sed solum intelligibilis forma: formæ autem non subsistenti non competit propriè ut agat; agere enim rei perfectæ & subsistentis est; sed est ejus ut eâ agatur; est enim forma principium actionis, quo agens agit: Ratio igitur domus in mente artificis non agit domum, sed artifex per eam domum facit: verbum autem Dei, quod est ratio rerum factarum à Deo, cum sit subsistens, agit, non solum per ipsum aliquid agitur: & ideo Dei sapientia loquitur Proverb. 8. *Cum es eram cuncta componens*. Et Joân. 5. Dominus dicit: *Pater meus operatur, & ego operor*.

4. Considerandum est etiam, quod res facta per intellectum, præexistit in ratione intellectus, antequam quàm sit in seipsa; Prius enim domus est in ratione artificis quàm producat in actum: verbum autem Dei est ratio omnium eorum, quæ à Deo sunt.

facta, ut ostensum est. Oportet igitur, quod omnia quæ sunt facta à Deo, præextiterint in verbo Dei, antequam sint etiam in propria natura. Quod autem est in aliquo, est in eo per modum eius in quo est, & non per proprium modum: Dominus enim in mente artificis intelligibiliter, & immaterialiter existit: res igitur intelligendæ sunt in verbo Dei præextitisse secundum modum verbi ipsius: est autem modus verbi ipsius, quod sit unum, simplex, immateriale, & non solum vivens sed etiam vita, cum sit suum esse. Oportet igitur, quod res facta à Deo præextiterint in verbo Dei ab æterno immaterialiter, & absque omni compositione; & quod nihil aliud in eo sit, quam ipsum verbum, quod est vita: propter quod dicitur Joan. 1. *Quod factum est in ipso, vita erat.* idest in verbo.

5. Sicut autem operans per intellectum, & per rationem, quam apud se habet, res in esse producit; ita etiam qui alium docet per rationem, quam apud se habet, scientiam causat in illo; cum scientia discipuli sit deducta à scientia docentis, sicut imago quædam ipsius: Deus autem non solum est causa per intellectum suum omnium quæ naturaliter subsistunt; sed etiam omnis intellectualis cognitio ab intellectu divino derivatur. Oportet igitur quod per Verbum Dei, quod est ratio intellectus divini, causeur omnis intellectualis cognitio; propter quod dicitur Joan. 1. *Vita erat lux hominum:* quia scilicet ipsum verbum, quod vita est, in quo omnia vita sunt, manifestat ut lux quædam mentibus hominum veritatem. Nec est ex defectu verbi, quod non omnes homines ad veritatis cognitionem perveniunt, sed aliqui tenebrosi existunt. Provenit autem hoc ex defectu hominum, qui ad verbum non convertuntur: nec eum plenè capere possunt: unde adhuc in hominibus tenebræ remanent vel maiores vel minores, secundum quod magis & minus convertuntur ad verbum, & capiunt ipsum: unde Joannes ut omnem defectum à manifestativa verbi virtute excludat, cum dixisset, quod vita est lux hominum, subiungit, quod *in tenebris lucet*, & *tenebræ eam non comprehenderunt.* Non enim

tenebræ sunt ex hoc quod verbum non luceat : sed ex hoc quod aliqui lucem verbi non capiunt : sicut luce corporei solis per orbem diffusa , tenebræ non sunt nisi ei , qui oculos clausos , vel debiles habet.

Plura alia omnino egregia tam de propriis , quam de appropriatis filio tradit Doctor verè angelicus in 3. sent. dist. 1. qu. 1. art. 2. sed quia loquitur de illis per respectum ad Incarnationem , ea remittimus ad huiusmodi tractatum.

§. IV.

De his quæ appropriantur Spiritui Sancto,

De his quæ specialiter attribuuntur Spiritui Sancto sive respectu totius creaturæ , sive respectu creaturæ rationalis agit D. Thomas 4. contra gentes cap. 20. & duobus sequentibus , & quidem ita clarè , & fusè , ut sufficiat ea quæ dicit , transcribere.

1. Igitur cap. 2. loquens de effectibus attributis Spiritui sancto in scripturis respectu totius creaturæ sic habet. Oportet considerare effectus quos Spiritui sancto sacra scriptura attribuit. Igitur bonitas Dei est ratio volendi quod alia sint , & per suam voluntatem res in esse producit : Amor igitur quo suam bonitatem amat , est causa creationis rerum : unde & antiqui Philosophi amore deorum , causam omnium esse posuerunt , ut patet in primo Metaph. & Diony. dicit in 4. cap. de divinis nominibus , quod *Divinus amor non permisit ipsum sine germine esse* : Spiritus autem Sanctus procedit per modum amoris quo Deus amat seipsum : Igitur Spiritus Sanctus est principium creationis rerum : & hoc significatur in psalm. *Emitte Spiritum tuum , & creabuntur*. Ex hoc etiam quod Spiritus Sanctus per modum amoris procedit , amor autem vim quandam impulsivam , & motivam habet , motus qui est à Deo in rebus , Spiritui Sancto propriè attribui videtur : prima autem mutatio in rebus à Deo existens intelligitur secundum quod ex materia creata informi species diversas produxit : unde hoc opus Spiritui sancto sacra scriptura attribuit. Dicitur

enim Gene. 1. *Spiritus Domini ferebatur super aquas.* vult enim August. per aquas intelligi materiam primam super quam Spiritus Domini ferri dicitur, non quasi ipse moveatur, sed quia est motionis principium.

2. Rursus, rerum gubernatio à Deo secundum quamdam motionem esse intelligitur, secundum quod Deus omnia dirigit, & movet in proprios fines. Si Igitur impulsus, & motio ad spiritum sanctum ratione amoris pertinet, convenienter rerum gubernatio, & propagatio spiritui sancto attribuitur: unde Tob. 33. dicitur: *Spiritus Domini fecit me.* Et in Psal. *Spiritus tuus bonus deducet me in terram rectam.* Et quia gubernare subditos, prorsus actus Domini est, convenienter spiritui sancto Dominium attribuitur: dicit enim Apost. 2. ad Cor. 3. *Spiritus autem Dominus est.* Et in Symbolo fidei dicitur: *Credo in spiritum sanctum Dominum.*

3. Item vita maxime in motu manifestatur: moventia enim seipsa, vivere dicimus: & universaliter quaecunque à seipsis aguntur ad operandum. Si igitur ratione amoris spiritui sancto impulsio & motio competit: convenienter etiam sibi attribuitur vita: dicitur enim Ioan. 6. *Spiritus est qui vivificat.* Ezech. 37. *Dabo vobis Spiritum, & vivetis.* Et in Symbolo fidei *nos in Spiritum Sanctum vivificantem credere profiteamur:* quod etiam & nomini spiritus consonat. nam etiam corporalis vita animalium est per spiritum vitalem à principio vite in cetera membra diffusum.

4. Considerandum est etiam quantum ad effectus quos proprie in natura rationali facit, quod ex hoc quod divina perfectioni utcumque assimilamur, huiusmodi perfectio à Deo nobis dari dicitur: sicut sapientia à Deo nobis donatur, secundum quod divina sapientia utcumque assimilamur: cum igitur Spiritus Sanctus procedat per modum amoris quo Deus seipsum amat, ex hoc quod huic amori assimilamur Deum amantes, spiritus sanctus à Deo nobis dari dicitur. Unde Apostolus dicit ad Romanos 5. *Charitas Dei diffusa est in cordibus nostris per spiritum Sanctum qui datus est vobis.* sciendum tamen est quod ea quæ

à Deo in nobis sunt, reducuntur in Deum sicut in causam efficientem & exemplarem; in causam quidem efficientem, in quantum virtute operativa divina aliquid in nobis efficitur; in causam vero exemplarem, secundum quod id quod in nobis à Deo est, aliquo modo Deum imitatur: cum ergo eadem virtus sit Patris, & Filij, & Spiritus Sancti, sicut & eadem essentia: oportet quod omne id quod Deus in nobis efficit, sit sicut à causa efficiente simul à Patre & Filio & Spiritu Sancto: verbum tamen sapientiae quo Deum cognoscimus, nobis à Deo immissum, est propriè representativum filij; & similiter amor quo Deum diligimus, est proprium representativum Spiritus Sancti: & sic charitas quæ in nobis est, licet sit effectus Patris & Filij & Spiritus Sancti, tamen quadam speciali ratione dicitur esse in nobis per Spiritum Sanctum. Quia vero effectus divini non solum divina operatione esse incipiunt, sed etiam per eam tenentur in esse; nihil autem operari potest ubi non est: oportet enim operans & operatum in actu esse simul sicut movens & motum: necesse est ut ubicunque est aliquis effectus Dei, ibi sit & ipse Deus effector. Unde cum charitas, quæ Deum diligimus, sit in nobis per Spiritum Sanctum, oportet quod ipse etiam Spiritus Sanctus in nobis sit, quando charitas in nobis est: unde Apostolus dicit 1. ad Cor. 3. *Nescitis quoniam templum Dei estis, & Spiritus Sanctus habitat in vobis*: Cum igitur per Spiritum Sanctum Dei amatores efficiamur, omne autem amatum in amante est in quantum huiusmodi: necesse est quod per Spiritum Sanctum Pater etiam & filius in nobis habitent: Unde Dominus dicit Ioan. 14. *ad eum veniemus*, scilicet diligentem Deum, & mansionem apud eum faciemus. Et 1. Ioan. 3. dicitur: *In hoc scimus quoniam manet in nobis, de Spiritu quem dedit nobis*.

Rursum manifestum est, quod Deus maxime amat illos, quos sui amatores per Spiritum Sanctum constituit. non enim tantum bonum nisi amando conferret. unde Proverb. 8. dicitur ex persona Domini: *ego diligentes me diligo*, non quasi nos prius dilexerimus Deum, sed quoniam ipse prior dilexit nos: ut dicitur

1. To
se et
Deus
1. lo
E D
nian
de S
prop
Cum
ciat q
quis
Domi
vos s
dij
Spiri
niente
velari
2. Sc
audire
ravit
Deus
homo
per Sp
secun
tur n
loqui
in v
quod
Dei h
Spiri
Non
amico
affectu
que h
cum h
sicut
amicu
secun
tiam
sepita
es: q

1. Ioan. 4. Omne autem amatum in amante est: necesse est igitur quod per Spiritum Sanctum non solum Deus sit in nobis, sed etiam nos in Deo: unde dicitur 1. Ioan. 4. *qui manet in charitate, in Deo manet, & Deus in eo.* Et iterum: *in hoc intelligimus quoniam in eo maneamus & ipse in nobis: quoniam de Spiritu suo dedit nobis.* Est autem hoc amicitiae proprium, quod amico suo aliquis sua secreta revelet. Cum enim amicitia conjungat affectus, & duorum faciat quasi cor unum: non videtur extra cor suum aliquis illud protulisse, quod amico revelat: unde & Dominus dicit discipulis Ioan. 15. *iam non dicam vos servos, sed amicos meos, quia omnia quae audivi a patre meo, nota feci vobis.* Quia igitur per Spiritum Sanctum amici Dei constituimur: convenienter per Spiritum Sanctum hominibus dicuntur revelari divina mysteria: unde Aposto. dicit 1. ad Cor. 2. *Scriptum est, quod oculus non vidit, nec auris audivit, nec in cor hominis ascendit, quae prae-paravit Deus diligentibus se: nobis autem revelavit Deus per Spiritum Sanctum.* Et quia ex his quae homo novit, formatur eius loquela, convenienter etiam per Spiritum Sanctum homo loquitur divina mysteria, secundum illud 1. ad Cor. 14. *Spiritus est qui loquitur mysteria.* Et Matth. 10. *Non enim vos estis qui loquimini, sed Spiritus patris vestri, qui loquitur in vobis.* Et de Prophetis dicitur 2. Petri primo, quod *Spiritu Sancto inspirati locuti sunt Sancti Dei homines.* Inde etiam in Symbolo fidei dicitur de Spiritu Sancto, *qui locutus est per Prophetas.*

Non solum autem est proprium amicitiae, quod amico aliquis revelet sua secreta propter unitatem affectus, sed eadem unitas requirit quod etiam ea quae habet, amico communicet: quia cum homo amicum habeat ut alterum se, necesse est quod ei subveniat sicut & sibi, sua ei communicans: unde & proprium amicitiae esse ponitur, velle & facere bonum amico: secundum illud 1. Ioan. 3. *Qui habuerit substantiam huius mundi, & viderit fratrem suum necepsitatem habentem, & clauserit viscera sua ab eo: quomodo charitas Dei manet in eo? hoc am-*

tem maximè in Deo habet locum, cuius velle est efficax ad effectum: & ideo convenienter omnia dona Dei per Spiritum Sanctum nobis donari dicuntur, secundum illud 1. ad cor. 12. *Alii datur per Spiritum Sermo sapientie: alii autem Sermo scientia secundum eundem Spiritum.* Et postea multis enumeratis ait: *hæc omnia operatur unus atque idem Spiritus dividens singulis prout vult.*

Manifestum est autem quoddam sicut ad hoc quoddam corpus aliquod ad locum ignis perveniat; oportet quoddam igni assimiletur, levitatem acquirens, ex qua motu ignis proprio moveatur: ita ad hoc quoddam homo ad divinæ fruitionis beatitudinem, quæ Deo propria est, secundum suam naturam perveniat, necesse est primum quidem quoddam per spirituales perfectiones Deo assimiletur: & deinde secundum eas operetur: & sic tandem prædictam beatitudinem consequetur. Dona autem spiritualia nobis per Spiritum Sanctum dantur, ut ostensum est: & sic per Spiritum Sanctum Deo configuramur; & per ipsum ad bene operandum habiles reddimur; & per eundem ad beatitudinem nobis via preparatur. Quæ tria Apostolus insinuat nobis 2. Corinth. primo dicens: *Venit nos Deus, & signavit nos: & dedit pignus spiritus in cordibus nostris.* Et Ephesi. Primo: *Signati estis spiritu promissionis Sancto, qui est pignus hereditatis nostræ.* Signatio enim ad similitudinem configurationis pertinere videtur: Unctio autem ad habilitationem hominis ad perfectas operationes: pignus autem ad spem qua ordinamur in celestem hereditatem, quæ est beatitudo perfectæ.

Et quia ex benevolentia, quam quis habet ad aliquem, contingit quoddam eum sibi adoptat in filium, ut sic ad eum hereditas adoptantis pertineat, convenienter Spiritui Sancto adoptio filiorum Dei attribuitur, secundum illud Roman. 8. *Acceperitis spiritum adoptionis filiorum, in quo clamamus abba Pater.* Per hoc autem quoddam aliquis alterius amicus constituitur: omnis offensa removetur: amicitia enim offensa contrariatur. Unde dicitur Proverb. decimo: *Universa delicta operit charitas.* Cum igitur per Spi-

ritum Sanctum Dei amici constituamur: consequens est quod per ipsum nobis à Deo remittantur peccata: & ideo Dominus dicit discipulis, Ioan. 20. *Accipite Spiritum Sanctum, quorum remiseritis peccata, remittentur.* Et ideo Mat. 11. Blasphemantibus Spiritum Sanctum, peccatorum remissio denegatur, quasi non habentibus illud per quod homo remissionem consequitur peccatorum. Inde etiam est quod per Spiritum Sanctum dicitur renovari, & purgari, sive lavari, secundum illud Psal. *Emitte spiritum tuum, & creabuntur: & renovabis faciem terræ.* Et Erh. 3. *Renovamini spiritu mentis vestrae.* Et Psal. 4. *Si abluerit Dominus sordes filiorum Sion, & sanguinem filiarum laverit de medio eius in spiritu iudicii, & spiritu ardoris.*

His igitur consideratis quæ per Spiritum Sanctum in sacris scripturis nobis à Deo fieri dicuntur, oportet considerare quomodo per Spiritum Sanctum moveamur in Deum. Et primò quidem hoc videretur esse amicitia: maxime proprium simul conversari ad amicum: conversatio autem homines ad Deum est per contemplationem ipsius: sicut & Apostolus dicebat. Philip. 3. *Nostra conversatio in calis est.* Quia igitur Spiritus Sanctus nos amatores Dei facit: consequens est quod per Spiritum Sanctum Dei contemplatores constituamur. Unde Apost. dicit 2. ad cor. 3. *Nos autem omnes, revelata facie gloriam Dei speculantes in eandem imaginem transformamur a claritate in claritatem, tanquam a Domini Spiritu.*

Est autem & amicitia: propria, quod aliquis in presentia amici delectetur, & in ejus verbis & factis gaudeat: & in eo consolatur onem contra omnes anxietates inveniat: unde in tristitia maxime ad amicos consolationis causa confugimus: quia igitur Spiritus Sanctus Dei nos amicos constituit, & cum in nobis habitare facit, & nos in ipso ut ostensum est: consequens est ut per Spiritum Sanctum gaudium de Deo & consolationem habeamus, contra omnes mundi adversitates & impugnationes: unde & in Psalmis dicitur: *re de mihi latitiam salutis tue, & spiritu principis, alii confirma me.* Et Rom. 4. *Regnum Dei est iu-*

Amicitia, & pax, & gaudium in Spiritu Sancto. Et actum 9. dicitur: Ecclesia habebat pacem, & edificabatur ambulans in timore Dei, & consolatione Spiritus Sancti replebatur. Et ideo Dominus Spiritum Sanctum paracletum idest consolatorem nominat, Joan. 14. Paracletus autem Spiritus Sanctus &c.

Similiter autem & amicitie proprium est consentire amico in his quæ vult: voluntas autem Dei nobis per præcepta ipsius explicatur: Pertinet igitur ad amorem quo Deum diligimus, ut mandata impleamus, secundum illud Joan. 14. *Si diligitis me, mandata mea servate.* Unde cum per Spiritum Sanctum Dei amatores constituamur, per ipsum etiam quodammodo agimur ut præcepta Dei impleamus, secundum illud Apost. Rom. 8. *Qui Spiritu Dei aguntur, hi Filii Dei sunt.* Considerandum tamen est quod à Spiritu Sancto Filij Dei aguntur non sicut servi, sed sicut liberi. Cum enim liber sit qui sui causa est: illud liberè agimus, quæ ex nobis ipsis agimus: hoc verò est quod ex voluntate agimus: quod autem agimus contra voluntatem, non liberè sed serviliter agimus: sive sit violentia absoluta: ut quando totum principium est extra, nihil conferente vim passio: puta cum aliquis vi impellitur ad motum: sive sit violentia voluntario mixta. ut cum aliquis vult facere, vel pati, quod minus est contrarium voluntati, ut evadat quod magis voluntati contrariatur. Spiritus autem sanctus sic nos ad agendum inclinatur, ut nos voluntariè agere faciat, inquantum nos amatores Dei constituit: filij igitur Dei liberè à Spiritu Sancto aguntur ex amore, non serviliter ex timore. Unde Apost. Rom. 8. dicit: *Non accepistis spiritum servitutis iterum in timore, sed spiritum adoptionis filiorum.*

Cum autem voluntas ordinetur in id quod est verè bonum: quando sive propter passionem, sive propter malum habitum aut dispositionem homo ab eo quod est verè bonum, avertitur, serviliter agit, inquantum à quodam extraneo inclinatur, si consideretur ipse ordo naturalis voluntatis: sed si consideretur actus voluntatis ut inclinatur in apparens bonum, liberè agit cum se-

quitur
aure
rem le
vult.
luntat
rer or
nis &
agit:
secund
Propt
tus D
mini
Sanct
quod
in quo
eundem
carum
etor S

De

Pot
prian
figuri
Omni
verbo
Rec
art. 7.
univers
homin
ideo co
ras, i
nifesta
Hierar
luere
interve

quitur passionem aut habitum corruptum: serviliter autem agit, si tali voluntate manente, propter timorem legis in contrarium potest abstinere ab eo quod vult. Cum igitur Spiritus Sanctus, per amorem voluntatem inclinet in verum bonum, in quod naturaliter ordinatur: tollit & servitutem qua servus passionis & peccati effectus, contra ordinem voluntatis agit: & servitutem quâ contra motum suæ voluntatis secundum legem agit, quasi legis servus, non amicus. Propter quod Apostolus dicit 2. ad cor. 3. *Vbi Spiritus Domini ibi libertas.* Et Gal. 5. *Si spiritu ducimini, non estis sub lege.* Hinc est quod Spiritus Sanctus facta carnis mortificare dicitur, secundum quod per passionem carnis à vero bono non avertimur, in quod Spiritus Sanctus per amorem nos ordinat, secundum illud Romanorum octavo: *Si spiritu facta carnis mortificaveritis, vivetis.* Huc usque Doctor Sanctus.

ARTICULUS IV.

De variis Spiritus Sancti figuris, & apparitionibus.

Postquam Gonetius egit de effectibus, qui appropriantur Spiritui Sancto, agit de variis speciebus, & figuris, sub quibus idem Spiritus Sanctus apparuit. Omnia autem quæ dicit, adeo mihi placeant, ut ea de verbo ad verbum huc transferam.

Rectè observavit Angelicus Doctor infra quæst. 43. art. 7. quod quia Deus providet omnibus secundum uniuscuiusque modum; est autem modus connaturalis hominis, ut per visibilia ad invisibilia manducatur: ideo conveniens fuit, ut per aliquas visibiles creaturas, invisibiles Divinarum personarum missiones manifestarentur: juxta illud Dionysij cap. 1. de Eccl. Hierarch. *Non aliter fas erat infirmitati nostræ lucere divinum radium, nisi sub sacrorum varietate velaminum, quibus ad secreta ferremur.*

occultatum. Ex quo ibidem infert, conveniens fuisse quod Spiritus sanctus sub variis formis & figuris Christo & Apostolis appareret, & sub specie columbae, aquae, ignis, venti, & linguae igneae, se mundo manifestaret, ut patebit ex infra dicendis.

§. I.

Cur sub specie & figura columbae Spiritus Sanctus apparuerit?

Prima Spiritus sancti apparitio fuit sub specie & figura columbae. Nam auctore D. Basilio homil. 2. in Examerum, Sacer ille Spiritus, in ipsius nascentis mundi exordio, sub specie aviculæ (non alterius certe quam columbae) ferebatur super aquas, ut dicitur Gen. 1. vel ut habent aliae versiones, *volitabat super aquas, incubabat aquis*: volitare autem & incubare, proprium avis est. Item in ipsius Ecclesiae nascentis principio, sub eadem specie apparuit: nam Iesu baptizato & orante, apertum est caelum, & descendit Spiritus Sanctus corporali specie sicut columba in eum, ut dicitur Luca 3. Hinc est quod sæpè sapiens hujus simplicissimae aviculæ figuram assumpsit, quoties sanctissimis Ecclesiae Doctoribus apparuit. Sic enim Ambrosij, Gregorij, Doctoris Angelici, Ambrosij Sanfedonij, & aliorum auribus sub forma columbae assistere visus est. Cur verò hujus potius mitillimae aviculæ quam generosae aquilæ, aut vulturis speciem induere voverit! nunc à nobis inquirendum est.

Prima ratio sumitur ex D. Thoma loco nuper relato, in resp. ad 6. ubi docet Spiritum sanctum sub specie columbae, quæ avis fecundissima est, apparere voluisse, ad significandam spiritualem ipsius fecunditatem. Licet enim Divinus ille Spiritus in Divinis nihil generet, nullamque personam producat: ad extra tamen tantâ vi pollet, adeoque fecundus est, ut nihil in tempore à Deo in creaturas procedat, cujus in se author non sit. *Caelos ille* (inquit Cornelius Mutius) *terram, elementa, cunctaque animalia produxit, producitque fovet, conservat, vivificat,*

Renovat: natura conditor, gratia author, gloria consummator, rerum omnium universale principium, Divini caloris sublimis quidam vapor & halitus, qui vivax semper, præpes, & velox, nihil habet remissionis, sed operosus & efficax, nec unquam vel labore vel tadio victus; universam naturam fovet & alit, mundum conservat, vegetat animas, permulcet animos, elementa permiscet, calos regit & permeat, dat pondus ventis, facundat annos & tempora.

Nec solum in operibus naturæ foecundus est, sed etiam in ordine gratiæ: cum ab ipso omnia fluant charismata gratiarum; sicut omnes spiritus vitales à corde exeunt, ut supra declaratum est; & omnium qui in Christo renascuntur, & in Dei filios adoptantur, parens ac genitor sit, juxta illud Leonis Papæ: *Omni homini renascenti baptisma est instar uteri virginæ, eodem Spiritu replente fontem, qui replevi & virginem.* Et Ierem. 5. *Virtus Altissimi, & obunbratio Spiritus sancti qua fecit ut Maria parceret Salvatore, eadem facit ut regeneret unda credentem.* O miram ergo, ô stupendam hujus Divini Spiritus foecunditatem! qui quod in Divinis non assequitur hoc in creaturis exequitur in Deo foeliciter sterilis filium non generat; in humanis foecundissimus, numerosam filiorum prolem Deo gignit. Ad quod respiciens Sponsa, exclamat Cantic. 1. *Osculetur me osculo oris sui.* Ubi mellifluus Doctor: *Tanta, inquit, efficacia osculum sanctum est (scilicet Spiritus sanctus, qui Patris & Filij suavissimum est osculum) ut ex ipso, mox cum acceperit illud Sponsa, concipiat; tumescentibus nimirum uberebus, & lacte quasi pinguescentibus in testimonium.*

Sed quod adhuc mirabilius est, Spiritus ille amoris, propriæ ad intra sterilitatis conscius, divinamque æmulatus foecunditatem, aliam adhuc prolem tanto parente dignam appetit, in novum voluit erumpere partum; & qui verus est Deus, Deum ipsum utero Virginis generavit, illumque, à quo in æternitate naturam recipit, humanam in tempore carne circumdedit. Incarnatio enim Verbi Divini, opus est Spiritus

rus sancti : opus spiritus : Virginis partus : opus spiritus ,
 fructus ventris Virginei : opus spiritus ,
 flos ille de quo scriptum est in Canticis : *Ego
 flos campi , & lilium convallium*. Nam ut egregie
 observavit Divus Bernardus : hortus in hoc differt à
 campo , quod hortus quidem ut floreat , hominum
 manu & arte excolitur , campus vero ex semetipso
 naturaliter producit flores , & absque omni huma-
 na diligentia adiutorio. Unde & ibidem subdit :
*Christus non se debuit florem horti protegere , ne
 humano videretur opere generatus. Pulchre autem
 & convenientissime , flos campi sumus , qui &
 absque humana industria prodit.*

Secunda ratio cur spiritus sanctus in specie colum-
 bae , potius quam aquilae , apparere voluerit , est propter
 puritatem & munditiam , quam spiritus sanctus
 specialiter diligit. Columba enim castissima est , tota
 coelestibus incumbit , nec unquam vel minimum gra-
 num è terra attollit , quin statim in coelum oculos at-
 tollat ; non circa cadavera & carnes volitat , sed resi-
 det juxta fluentia aquarum , ubi coeli imago relucet ,
 semper ejus obtutibus obiciuntur coelestia , semper su-
 perna contemplatur. Ita etiam spiritus sanctus munda-
 titiam mentis & corporis diligit , non nisi vacuas ab
 omni carnali & terreno affectu mentes adimplet , nec
 nisi in mundis cordibus quiescit , juxta illud Genes. 6.
Non requiescet spiritus meus in homine , quia caro est.

Ter legimus columbam à Noë ex arca emissam.
 Primà vice rediit , quia non invenit ubi requiesceret
 pes ejus. Secundà vice reversa est , olivae ramum ore
 deferens. Tertiò demum emissà , inventà requie , ha-
 bitavit in terra , per diluvium purgata , & quasi reno-
 vata. Emissio illa columbae figura est , ut docent SS.
 Patres , aventus spiritus sancti ; qui primò invisens
 creaturam , non invenit quomodo super eam requies-
 ceret ; adeo nimirum tempus etas omnia occupaverat : om-
 nis enim caro corruerat viam suam. Rursum emissit
 Deus columbam spiritus , & inventà requie apud fi-
 deles & mundos , in eis habitavit , nificavit , & man-
 sionem fecit.

Tercia ratio insinuat à D. Bernardo serm. I. de

Epist. ubi ait, Nec incongrue ad indicandum Agnum Dei venit columba, quia nihil melius agnovit quam columba. Quod agnus in animalibus, hoc columba in avibus: summa utriusque innocentia, summa mansuetudo, summa simplicitas. Quid enim sic alienum ab omni malicia sicut agnus & columba? nocere cuiquam nesciunt, lادere non noverunt. Idem docet Paschasius libro 2. in Matth. dicens: Spiritus sanctus in specie columba apparuit, ut per eam exponeret, quales futuri erant, qui ad gratiam eiusdem Spiritus pervenirent. Columba enim fel non habet, & ex hoc insinuat, quod in felle amaritudinis esse non debet: quisquis ad gratiam Spiritus sancti venire expetit.

Non est omittendum quod ait Tertullianus in libro de baptismo cap. 8. Quomodo post aquas diluvii, quibus iniquitas antiqua purgata est post baptismum (ut ita dixerim) mundi pacem celestem in praece columba terris annuntiavit, dimissa ex arca, & cum olea reversa; quod signum etiam apud nationes paci praeconatur: ita post vetera delicta, columba Sancti Spiritus advolat, pacem Dei afferens emissa de caelis, ubi Ecclesia est arca figurata. Concinit Chrysologus serm. 160. his verbis. Hodie Spiritus sanctus supernat aquis in specie columba: ut sicut illa columba Noe nuntiaverat diluvium discessisse mundi, ita ista indice nosceretur, perperum mundi cessasse naufragium; neque, sicut illa, veteris olivae surculum portaret, sed totam in caput parentis novi christiatis pinguedinem funde, et, ut impleatur illud quod Propheta praeclaudit: Propterea unxit te Deus Deus tuus oleo latitiae, praefecit te confortibus tuis.

Denique Sanctus Thomas 3. parte quaest. 39. art. 6. in corp. docet conveniens fuisse, ut Spiritus sanctus in specie columbae, quae simplex est animal, appareret: ut significaretur, omnes baptismo Christi baptizandos, si simplici corde & non fide accedant, Spiritus sancti gratiam recepturos. Et ibidem in respon. ad 4. plures & egregias assignat rationes, seu con-

gruentias, cur Spiritus sanctus in specie columba super Christum baptizatum apperere voluerit. Dicendum (inquit) quod Spiritus sanctus in specie columba apparuit, propter tria. Primo quidem propter dispositionem quae requiritur in baptizato, ut scilicet non fictus accedat, quia sic dicitur sapient. 1. Spiritus sanctus disciplina effugiet fictum: columba autem est animal simplex, est etiam & dolo carens, unde dicitur Matth. 10. Estote simplices sicut columba. Secundo ad designandum septem dona Spiritus sancti, qua columba suis proprietatibus significat. Columba enim secus fluentia habitat, ut inde viso accipitre, mergat se & evadat: quod pertinet ad donum sapientiae, per quam Sancti secus Scriptura diuina fluentia resident, ut incursum diaboli evadant. Item columba meliora grana eligit; quod pertinet ad donum scientiae, qua Sancti sententias sanas, quibus pascantur, eligunt. Item columba alienos pullos nutrit; Quod pertinet ad donum consilij, quo Sancti, eos homines qui fuerunt puli (id est imitatores diaboli) doctrina nutriunt & exemplo. Item columba non lacerat rostro; quod pertinet ad donum intellectus, quo Sancti bonas sententias laerando non pervertunt, haeticorum more. Item columba felle caret; quod pertinet ad donum pietatis, per quam Sancti ira irrationabili carent. Item columba in cavernis petra nidificat, quod pertinet ad donum fortitudinis, quo Sancti in plagis mortis Christi, qui est petra firma, nidum ponunt, id est, suum refugium & spem. Item columba gemitum pro cantu habet, quod pertinet ad donum timoris: quo Sancti delectantur in gemitu pro peccatis. Tercio apparet spiritus sanctus in specie columba, propter effectum proprium baptismi, qui est remissio peccatorum, & reconciliatio ad Deum: columba enim est animal mansuetum: & ideo sicut Chrysostomus dicit super Matth. in diluvio apparuit hoc animal, ramum ferens oliva, & communem orbis terrarum tranquillitatem annuncians.

Querunt aliqui, an illa columba, in qua Spiritus

sanctus
r
tive.
qui el
non
conve
ritus
quod
forma
perfo
natur

Cur

Co
ut dic
& for
ergo,
lumbi
hibet
liben
lianus
Nun
mund
prop
Und
mora
erat
super
balus
aquas
natis
scitis
tota
abyss
liqu
suo p
cum
rima

sanctus apparuit, fuerit verum animal.

Respondet Sanctus Thomas ibidem artic. 7. affirmative. Sicut enim, inquit, non decebat, ut Filius Dei, qui est veritas Patris, aliqua fictione uteretur; & ideo non phantasticum, sed verum corpus accepit; ita etiam conveniens non erat, quod Spiritus sanctus, qui Spiritus veritatis est, ut dicitur Ioan. 16. figmentum aliquod adhiberet; & ideo etiam ipse veram columbam formavit in qua appareret, licet ipsam in unitatem personæ non assumpsit, sicut Christus humanam naturam.

§. II.

Cur aqua figuram Spiritus sanctus assumpserit?

Columbæ libenter resident juxta fluentia aquarum, ut dicitur Cantic. 5. Zephyri etiam super rivulorum & fontium aquas amoenissime ludunt. Quid mirum ergo, quod Spiritus sanctus, qui sub purissimæ columbæ, & zephyri jucundissimi specie in Scriptura exhibetur, aquæ speciem assumere dignatus sit, & tam libenter in aquis quiescat, ut de ipso, quod Tertullianus de Christo scripsit, dici jure merito possit: *Nunquam sine aqua Spiritus sanctus.* In ipso enim mundi exordio, hoc purissimum elementum, tanquam propriam sedem ac vehiculum, assumere dignatus est. Unde idem Author libro de baptismo cap. 13. *In primordio fecit Deus cælum & terram. Terra autem erat invisibilis & incomposita, & tenebra erant super abyssum, & Spiritus Dei super aquas ferebatur.* Habes homo inprimis etatem venerari aquarum, Quod antiqua substantia: dehinc dignationem, quod Divini Spiritus sedes; gratior scilicet ceteris tunc elementis. Nam & tenebrae tota adhuc sine cultu syderum informes, & tristis abyssus, & terra imparata, & cælum rude. Solus liquor semper materia perfecta, lata, simplex, de suo pura, dignum vestaculum Deo subiecit. Item cum Christus ad ripam Iordanis baptizaretur, statim descendit, Spiritus sanctus, & sub specie columbæ

super aquas volitavit, ut illas sanctificaret & foecundaret, atque illis vim fideles per baptismum regenerandi tribueret. Tunc addit Tertullianus) *ille sanctissimus spiritus super emundata & benedicta corpora, libens a Patre descendit super baptismi aquas, tanquam sedem recognoscens conquisivit, columba figurâ elapsus.* Denique aded placuit illi sacrum hoc habitaculum, ut per aquam adventum suum, & gratiam quam in cordibus nostris diffundit, significari ac figurari videretur. Nam Christus mulieri Samaritanae dicebat: *Si scires donum Dei, & quis est qui dicit tibi, da mihi bibere, tu forsitan petisses ab ipso, & dedisset tibi aquam vivam, Aqua haec (inquit Cyrillus) vivificans gratia Spiritus sancti est.* Quod ipsemet Evangelista aperte declaravit, dicens: *Die magno festivitatis stabat Iesus, & clamabat dicens: si quis sitit veniat ad me, & bibat. Qui crediderit, flumina de ventre eius fluent aqua viva.* Et statim addit: *Hoc autem dixit de Spiritu, quem accepturi erant credentes in eum.*

Et certe non poterat sub aptiori synbolo Spiritus sancti gratia designari, quam sub aquae specie; sive ejus origo, & inclinatio, sive ejus proprietates, aut effectus considerentur. Aqua enim in rimis manat ex rupibus, à quibus ut plurimum fontes scaturiunt; ex locis excelsis ad ima descendit, & è montibus profluit in convalles, juxta illud Prophetae Psalmi 103. *Qui emittit fontes in convallibus, inter medium montium pertransibant aquae.*

Deinde aqua quatuor habet proprietates seu effectus praecipuos: scilicet lavare, refrigerare, rigare, ac foecundare terram, & sic extinguere.

Similia reperiuntur in Spiritu sancti gratia. In primis enim illa è petra manat & scaturit, à Christo scilicet, qui teste Apostolo 1 ad Corinth. 10. mystica petra est, è qua omnes gratiarum rivuli & fontes profiliunt. Unde Rupertus egregie observavit, quod petra illa deserta, quae Moysis virgâ bis percussa, aquas largissime profudit (juxta illud Psalmi 77. *Percussit petram, & fluxerunt aquae, & sorrentes innundaverunt*) egregia fuit Christi figura: Nam Chri-

stus:

*Aus (inquit) lapis est, qui percussus verberare crucis,
effudit in nos Spiritum veritatis.*

Deinde sicut aqua ex montibus & locis excelsis profuit in convalles; ita & gratia semper ad ima descendit, & à monte divinitatis profuit in convallem humilitatis. Unde præclare Augustinus serm. 27. de verbis Domini: *Confluit aqua ad humilitatem convalles, denatat de tumoribus collis.* Et serm. 2. de verbis Apostoli: *Cum timore & tremore, id est cum humilitate, vallem facite, imbrem suscipite: de pressa implentur, alta siccantur. Gratia pluvia est, quid ergo miraris, si Deus superbis resistit, humilibus autem dat gratiam? ideo noli altum sapere, sed time: time ut implearis; noli altum sapere, ne siccetis.*

Præterea mystica illa Spiritus sancti aqua, animam lavat, & mundat à sordibus peccatorum, secundum illud Ezech. 36. *Effundam super vos aquam mundam, & mundabimini ab omnibus inquinamentis vestris.* Concupiscentiæ flammæ extinguit, uel temperat: unde Spiritus sanctus ab Ecclesia dulce refrigerium appellatur. Item desertum animæ peccatricis, sterile ac siccitate laborans, spiritualiter rigat & fecundat, illudque reddit veluti hortum & paradisum amoenissimum, omni decore ac venustate eximium, omnium virtutum floribus conspicuum, omniumque fructum ubertate præclarum.

Demum divina hæc Spiritus sancti aqua, terrenorum carnalium desideriorum sitim extinguit, juxta illud Christi ad Samaritanam: *Omnis qui bibit ex aqua hæc, sitiet iterum: qui autem biberit ex aqua quam ego dabo ei, non sitiet in æternum.* Et statim rationem assignans, subdit: *Aqua quam ego dabo ei, fiet in eo fons aqua salientis in vitam æternam.* Cum enim gratia sit semen æternæ gloriæ, quæ est perfectioma omnium desideriorum quies ac satietas, proprius ejus effectus est, omnem famem & sitim extinguere, omniaque desideria summi ac infiniti boni possessione complere, juxta illud Prophetæ: *Satiabor, cum apparuerit gloria tua.* Hanc ergo aquam à Christo postulemus, & cum Samaritana ei dicamus

Domine da mihi hanc aquam. Sed ut illam nobis donet, aliam à nobis expolcit, aquam scilicet lachrymarum. *Sitit enim* (inquit Chrysologus) *lachrymas penitentium, esurit gemitus peccatorum.* Has etiam caelestes aquas Spiritus sanctus multum diligit; nec minùs in eis delectatur, quàm in aquis Iordanis, quas contractu suo sanctificavit. Illis libenter incubat caelestis illa columba, quæ in ipso mundi exordio ferebatur super aquas. Super illas ardentissimè ludit, ac spirat divini zephyrus amoris, & ex illis ignem caelestem charitatis elicit: sicut olim tempore Nehemiæ, ex aqua in puteo inventa sacer ignis exiliit, ut sacra Machabæorum refert historia.

§. III.

Cur sub ignis specie Spiritus sanctus apparere voluerit?

Mirum est quòd Spiritus sanctus, qui pacis & concordiae Spiritus est, contrarias tamen & inter se pugnantias figuras assumere voluerit, & sub specie aquæ & ignis; quæ sibi adversantur, in mundo visibiliter apparere. Variæ tamen & egregiæ hujus rei hæc suppetunt rationes.

Prima est, ut divinitatis suæ infinitam potentiam & maiestatem innueret. Nam quòd forma aliqua nobilior est & super or, eò perfectius & unitius inferiora, licet diversa & contraria, in seipsa colligit & connectit, juxta illud commune scholæ effatum: *Quæ dispersa sunt in inferioribus, unita sunt in superioribus.*

Secundò, per hoc significare voluit, ipsius speciale munus esse, contraria unire, & pugnantia inter se conciliare.

Tertiò, conveniens erat, quòd Spiritus foecundissimus in operibus ad extra, & totius foecunditatis author & parens (ut antea fusè declaratum est) duo illa elementa assumeret, quæ ad omnes generationes concurrunt, & quæ sunt veluti duo prima totius foecunditatis creatæ principia: nam ex aqua & igne, sive

et calore & humore, omnia generantur, ut fusiè demonstrant Cicero lib. 1. de Natura Deorum, & Lactantius lib. 2. instit. cap. 1. ac egregiè declarat Ovidius 1. Metamor. his versibus.

Quippe ubi temperiem sumpserè humorque calorque.

Concipiunt, & ab his oriuntur cuncta duobus. Cumque sit ignis aqua pugna, vapor humidus omnes

Res creat, & discors concordia, scilicet apta est.

Denique Spiritus sanctus in mundo visibiliter apparuit, ut mundum à peccatis purgaret: unde conveniens erat, ut sub illorum elementorum specie se præberet visibilem, quibus mundus purgatus, aut purgandus est: Mundus autem aquis diluvij olim tempore Noë purgatus est, & post diem judicij igne purificabitur. Ergo conveniens erat, ut Spiritus sanctus sub figura aquæ & ignis in mundo visibiliter appareret.

Præter has rationes generales, non desunt aliæ peculiaries, quibus ostendi potest fuisse conveniens, ut Spiritus sanctus specialiter sub ignis figura & specie se præberet visibilem. Prima est, quia ignis Divinitatis symbolum est, juxta illud Deut. 4. *Deus noster ignis consumens est*: Ergo ut Spiritus sanctus se verum Deum, & Patri, Filioque consubstantialem ostenderet, oportebat ut sub ignis specie monstraretur. Ita præclare D. Gregorius homil. 30. in Evang. ubi ait: *Patri & Filio coæternus Spiritus in igne monstratur: quia incorporeus, ineffabilis, atque invisibilis ignis est Deus*: attestante Paulo, *Deus noster ignis consumens est*: *Deus quippe ignis dicitur, quia per hunc peccatorum rubigo consumitur.*

Item Spiritus sanctus notionalis est amor Patris & Filij: amor autem ignis quidam est, & sub ignis specie effingi solet, ac semper à Poëtis inter flammæ & ignes depingitur. Unde sicut Tertullianus supra relatus, de Christo dicebat: *Nunquam sine aqua Christus*: ita & de Spiritu sancto diceret: *Nunquam sine igne amor, nunquam sine flamma Spiritus sanctus.*

Præterea, sicut ignis in propria sphaera quiescit, & extra illam in continua est agitatione & motu: ita Spiritus sanctus intra Divinitatem non operatur notionaliter, nec ullam producit personam divinam, sed est Patris & Filij suavissima quies, ac veluti *utransque centrum*, ut quidam dicit: ad extra verò continuo operatur, & est omnium externarum operationum principium, ut supra fuisse ostensum est. Et ideo Genes. i. dicitur: *Spiritus Domini ferebatur super aquas.* Ubi Chrysostomus: *Mihi videtur*, inquit, *hoc significare, quod affuerit efficax quaedam & vitalis operatio aquis, & non fuerit simpliciter aqua stans & immobilis, sed mobilis, & vitalem quandam vim habens: nam quod immobile, omnino inutile est; quod verò movetur, ad multa conducit.*

Addo quòd ignis septem habet proprietates seu effectus præcipuos, similes his quos Spiritus sanctus operatur in nobis. Ignis enim urit, purgat, illuminat, homogenea congregat, disgregat heterogenea, liquefacit, & in cinerem redigit. Similia Spiritus sanctus operatur in nobis. Nam sui amoris igne corda nostra exurit; juxta illud Augustini in Soliloq. *O ignis sancte: quam dulciter ardes, quam desideranter aduris!* exurit, inquam, non ut consumat ac destruat, sicut ignis corporeus, sed potius ut augeat, purget, ac perficiat; non secus ac ignis qui Moyli in rubo apparuit, quo rubus ardebat, & non consumebatur. Unde præclare Ambrosius: *Ignem Dominus misit in terram, non ut eam Sodomitano rursus, sicut scriptum est, arderet incendio; non ut eam donatam munere fecunditatis, aut usu vel flore viriditatis exueret; opus enim suum Dominus probare magis atque augere quam minuire aut damnare consuevit. Quem ergo Dominus ignem in novo sparsit testamento? qui secretos mentium, divina ardore cognitionis, inflammaret affectus, qui vaporem fidei & devotionis adoleret, qui cupiditatem virtutis accenderet.* Et Bernardus: *Ignis qui Deus est, consumit quidem, sed non affligit; ardet suaviter, desolat feliciter, est enim vere carbo desolatorius,*

sed qui sic in vitra exerceat vim ignis, ut in altera vicem exhibeat unctionis.

Secundus huius divini ignis effectus est purgare corda, & illa à terrenis separare affectibus: cum enim Spiritus sanctus purissimus sit, & nedum sanctus, sed ipsa sanctitas, totiusque origo puritatis & sanctitatis, ut fusiè antea declaratum est, nonnisi in purgatis ab omni peccatorum labe cordibus requiescit. Unde merito adustionis Spiritus appellatur, quia sui amoris igne spinas & vepres peccatorum adurit. Unde Chrylologus: *Ager quoties longè incuria sylvescit, & rore luxuria agrestis sordescit horrore, peritissimi cultoris utique semper aperitur & purgatur incendio, ac studio benigno cultor ignis apponitur, ut exustis sentibus reveletur prima facies campi, praestetur agricola libertas, fiat facilis via vomeri, sit germinis ferax sterilis diu terra, & longè ac mæsta otia lato latissima jam repenset in fructu.*

Ex purgatione sequitur illuminatio, quæ tertius Spiritus sancti effectus est. Sicut enim in rebus corporeis diaphaneitas est proxima dispositio ad recipiendam lucem (quæ idcirco *actus diaphani* definitur à Philosophis) ita & in spiritualibus puritas mentis est ultima dispositio ad sapientiam, quam idcirco D. Augustinus, *purificata mentis intelligentiam*, appellat. Unde postquam Spiritus sanctus humana corda sui amoris igne purgavit, confestim mentes eorum illuminat, & suæ infinitæ sapientiæ luce perfundit, juxta illud Thren. I. *De excelso misit ignem in ossibus meis, & erudit me.* Quàm magnus ergo Doctor charitas! Quàm felix Spiritus sancti schola! Quàm velox (inquit Leo Papa) *sermo sapientiæ!* & ubi Spiritus sanctus magister est, quàm cità discitur quod docetur! Ecce (subdit Gregorius) implet citharædum puerum, & Psalmistam facit; implet pastorem armentarium, sicomoros vellicantem, & Prophetam facit; implet abstinentem puerum, & iudicem senum facit; implet piscatorem, & predicatorem facit; implet persecutorem, & doctorem Gentium facit; implet publicanum, & E-

*Evangelistam facit. O qualis est artifex iste Spiritus! nullâ ad discendum morâ agitur in omne quod voluerit. Mox enim ut tetigerit mentem, de-
ret, solumque tetigisse, detuisset.*

Quartus ejus effectus est congregare homogenea, omnesque fideles in unitatem fidei & charitatis colligere. Nam sicut in malo punice (ait Gregorius) uno exterius cortice, interius grana muniuntur; sic innumeros sanctæ Ecclesiæ populos unitas fidei contegit, quos intus diversitas meritorum tenet.

Disgregat etiam heterogenea, illaque ab invicem scernit: videlicet à terrenis caelestia: spiritualia à carnalibus; ab humanis & creatis, divina & increata.

Denique idem amoris Spiritus, calore fidei & devotionis ardore, Sanctorum corda liquefacit, eaque per donum timoris, & virtutem humilitatis, veluti in cinerem redigit. Unde sponsa dicebat in Canticis: *Anima mea liquefacta est, ubi sponsus locutus est.* Et Abraham Deum allocuturus, exclamabat: *Loquar ad Dominum, cum sim pulvis & cinis.*

Non est prætermittenda alia egregia inter ignem & Spiritum sanctum similitudo & analogia. Ignis enim naturâ quidem beneficus, per accidens tamen nocet; igne everfa est Sodomâ; igne conflagrabit universus orbis; igne torquentur demones; ignis denique, *divina vindictæ thesaurus & instrumentum est*, ut ait Tertullianus. Ita pariter Spiritus sanctus naturâ suâ benignissimus ac suavissimus est, amor est, charitas est, bonitas est, ipsaque Patris, Filiique suavitas. Ille tamen sævit in impios & obduratos, & severissimam de illis vindictam sumit; amor quippe læsus fit furor, ut quidam ait; & charitas, ut inquit Bernardus, *põe solet senire, & patienter novit irasci.* Columba ista, licet mitissima, aliquando irascitur; ejusque ira adeo timenda est, ut exclamet Propheta: *A facie gladii columba singuli ad terram suam fugient.* Hic advocatus, qui nunc Patrem pro nobis interpellat gemitibus inenarrabilibus, in die judicii arguet mundum de peccato, de justitia, & de judicio, ut dicebat Christus Ioan. 18. Ille qui nunc hominum consolator est ac defensor, tunc eris impiorum accusator, iudex, ac

tortor. Unde miser ille erulo, qui cruciabatur in flammis, nesciebat quid diceret, dum Abraham rogabat ut mitteret Lazarum, qui intingeret digitum suum in aquam, & refrigeraret linguam eius. Nam per digitum designatur Spiritus Sanctus, qui, *dextra Dei digitus*, ab Ecclesia appellatur: Ille autem damnatos non refrigerat, sed cruciat; non solatur, sed torquet. Hæc Dei unctio gladium divinæ justitiæ non hebetat, sed acuit & limat, ut hoc lenimine fiat acutior. Hic sacer divini oris flatus, non extinguit, sed accendit inferni incendia, & *prunas ejus magis ardere facit*, ut dicitur Iob. 41. Denique *ignis iste* (inquit Hieronymus) *qui descendit super Apostolos, duplicis est natura; lumen habet credentibus, tenebras, suppliciaque incredulis.*

S. IV.

Cur Spiritus sanctus in forma venti seu spiritus vehementis advenit?

Quarta Spiritus sancti apparitio, fuit sub forma venti & spiritus vehementis, ut dicitur act. 2. cuius figuræ & apparitionis, plures etiam suppetunt rationes egregiæ.

In primis: Spiritus sanctus sub forma venti apparere voluit, ut personalis ejus proprietas monstraretur enim per viam amoris, & tanquam notionalis amor Patris & Filij; amor autem, cum sit veluti quidam impulsus, quo voluntas amantis impellitur in amatum, rectè per ventum seu spiritum vehementem designatur. Et certè, si ventus, ex Aristotele, exhalatio quædam sit; quid aptius quæso ad designandam processionem Spiritus Sancti? Cum enim procedat viâ amoris, rectè exhalatio divina dici potest; amare namque est animam exhalare: unde & anima plus ubi amat, quàm ubi animat, esse perhibetur.

Deinde, sicut ventorum origo abstrusa est, illique soli cognita, qui educit eos de thesauris suis: ita & Spiritus sancti processio, ejusque in hominum men-

ees illapsus, secretissima & obscurissima sunt. Unde Christus dicebat Ioan. 3. *Spiritus ubi vult spirat, & vocem eius audis, & nescis unde veniat, aut quo vadat.* Et Abacuc. 3. *Deus ab Austro veniet, & sanctus d. monte Pharan.* Ab Austro, quæ regio calidissima est, venire dicitur Spiritus sanctus, quia ex amore procedit, & ex solo bonitatis & charitatis impulsu in animas sanctas illabatur. De monte verd Pharan (seu quod idem est, de monte obscuro & umbroso) proficisci dicitur: quia processio ejus obscurissima est, & resuit tenebras latibulum suum, ut ait Bernardus, ejusque in animam justî adventus, seu illapsus, secretissimus, & ab humanis sensibus remotissimus, juxta illud Job cap. 9. *Si venerit ad me, non videbo eum, si abierit, non intelligam.* Alludit ad hoc nesciens antiquitas: Sicyonij enim, teste Pausania, noctu sacrificabant ventis, subobscuram esse dicentes eorum naturam, & Aristoteles fugillat omnes retro Philosophos, ut inscios naturæ venti. Sanè si eâ cacuat homo ignorantia, ut naturam venti adhuc ignoret, poriori ratione mens ejus calgat in indagine Spiritus sancti, qui proinde jure merito ventus esse dicitur.

Præterea inter effectus venti & Spiritus sancti, plures & eximie reperiuntur similitudines & analogiæ. Venti enim purgant aërem, colligunt nubes, easque in pluviam resolvunt, glaciem liquefaciunt, & hortos perfiant, ac suavissimos ex illis faciunt exhalare odores. Non dissimilis certè Spiritus sancti operatio: purgat enim supervacua, & noxia quæque repellit, ut lepide declarat Cyprianus his verbis: *Flatus ille à carnali palea corda purgat. Ignis iste sanum concupiscentia consumit.* Deinde sacer hic ventus nubes colligit peccatorum in cordibus poenitentium, quæ charitatis igne liquefactæ, in suavissimum lachrymarum imbrem solvuntur, juxta illud Psalmistæ: *Flabit Spiritus eius, & fluent aqua.* Unde idem Cyprianus: *Quoties te video suspirantem, non dubito Spiritum sanctum inspirantem: quoties intueor stentem, sentio Spiritum sanctum ignoscentem.* Item calidissimus ille divini amoris flatus,

corda peccatorum obdurata liquefacit, & in aquam lachrymarum resolvit, ut Augustinus egregie declarat in hæc Psalmistæ verba: *Converte Domine captivitatem nostram, sicut torrens in Austro, ubi sic faur: Quomodo frigus ligat aquam ne currat, ita & nos illigati frigore peccatorum gelavimus. Auster autem calidus ventus est: quando flat Auster, liquefcit glacies & implentur torrentes. Gelavimus ergo in captivitate, constringebant nos peccata nostra: flavit Auster Spiritus sanctus, dimissa sunt nobis peccata, soluti sumus a frigore iniquitatis, tanquam glacies inferens, sic solvuntur peccata nostra. Denique divinus ille amoris Auster, animam sanctam, quæ amœnissimus cælestis Sponsi hortus est, suis inspirationibus perficit, & ex illa suavissimos omnium virtutum facit exhalaré odores, ac stillare aromatum charismata. Hoc apprime noverat Sponsa in Canticis, dum cælestem Sponsum, seu Spiritum sanctum alloquens, dicebat: *Veni Auster, perfla hortum meum, & fluent aromata illius.**

Ultima ratio, cur Spiritus sanctus sub specie venti & spiritus vehementissimi, Apostolis in coenaculo congregatis apparere volverit, fuit ut casum & sanctum timorem illis incuteret, quò se ad ejus gratiam recipiendam diligentissime præpararent. Nam timor (ait Zeno Veronensis) *Spiritus sancti conceptaculum est, juxta illud Prophetæ: A timore tuo concepimus & parturivimus Spiritum.* Timor fidus est divinæ gratiæ comes & custos. Timor (inquit Terrullianus) *mundities animi, pietatis nitor, instrumentum penitentiæ, fundamentum salutis.* Timor denique quasi quidam custos super innumerabiles gratias, in ultimo charismatum ponitur, ad conservandas incomparabiles gratias, ut bellè ait Petrus Cellensis. Unde sicut Spiritus sanctus nunquam est in anima justî sine amore, ita nec sine timore: nam *res sollicita plena timoris amor.* Super quem (inquit divina Sapiencia) *requiescet Spiritus meus, nisi super humilem, & tremementem sermones meos? Quid Mariâ Virgine timidius, quæ ad Angeli conspectum*

& vocem præ timore turbata est : *Virginum enim* (inquit Ambrosius) *est trepidare, & ad omnes vi-
ri affatus vereri.* Et ecce Spiritus sanctus supervenit
in illam. Quid timidius Apostolis, cum Spiritum san-
ctum receperunt ? incluserant omnes in coenaculo
præ timore Iudæorum : ut ait sacer textus : at inter
factos timores Spiritu sancto repleti sunt. Denique
Seraphici illi Spiritus, qui incendium interpretantur,
& qui divini amoris igne repleti sunt, sic ante thro-
num Dei volitant, ut alarum tremulo videantur sul-
pendi volatu : nec tam volare quàm trepidare : ed
timidiores, quò sanctiores, & in charitate ferven-
tiores.

Notant Astrologi, quoddam stellæ quæ altius à terra
assurgunt, & sublimiorem in cælo locum fortita sunt,
scintillantes, & quasi trepidantes apparent. Unde
commune illud proloquium: stellæ quæ sunt prope nos
non scintillant, trepidant verò quæ ab oculis nostris
longissimè recedunt. Idem observa inter Sanctos &
reprobos discrimen. Reprobri qui terrenis adherent,
nec Deum timent, nec homines reverentur: Sancti quo-
rum conversatio in cælis est, in timore & tremore pro-
priam operantur salutem ed timidiores quò sanctio-
res. *Time ergo* (inquit Bernardus) *cum arriiserit*
gratia; time, cum abierit, time cum denuo re-
vertetur, & hoc est semper pavidum esse. Succe-
dunt vicissim sibi animo tres isti timores, secun-
dum quod gratia vel adesse dignatur, vel offensa
recedere, seu iterum placata redire sentietur.

§. V.

*Cur Spiritus sanctus, sub figura lingua ignea, su-
per Apostolorum capita descenderit?*

Plures hujus apparitionis, seu figuræ Sancti Pa-
tres adducunt rationes.

Prima & præcipua est: *Quia Spiritus sanctus venit,*
ut Christum clarificaret, & manifestaret hominibus,
juxta illud Ioan. 16. Ille me clarificabit, quia de
meo accipiet: interpret autem verbi in mente latet,

his, est lingua, quæ per sermonem ac loquelam illud
 exterius prodit & manifestat: Ergo conveniens erat,
 ut Spiritus sanctus sub specie linguæ Apostoli's appa-
 reret. Hanc rationem insinuat D. Antonius de Padua
 ferm. 1. de Spiritu sancto: *Linguas, inquit, attulit,*
qui pro Verbo venit: cognitionem enim habet lin-
guarum cum verbo, ut ab invicem nequeant separari.

Secunda ratio est Augustini ferm. 187. de tempore,
 ubi docet, quod quia per confusionem linguarum, quæ
 contigit in ædificatione turris Babel, dissipatus erat
 mundus, congruum erat illam in unitatem fidei &
 charitatis per Spiritum sanctum, sub forma linguæ
 igneæ apparentem, reduci. *Earum (inquit) lingua-*
rum diversitate, Ecclesiæ contulit unitatem: ut
quod discordia dissipaverat, colligeret charitas: &
humani generis, tanquam unius corporis membra
dissipata, ad unum caput Christum compaginata,
redigeret, & in sancti corporis unitatem dilectio-
nis igne conflaret. Unde Spiritus sanctus scientiam
 vocis habere dicitur, juxta illud Psalmistæ: *Spiritus*
Domini replevit orbem terrarum, & hoc quod con-
tinet omnia, scientiam habet vocis. Scientia vocis
 est musica, quæ diversitatem vocum & tonorum sua-
 vi concordia temperat. Scientiam istam Spiritus san-
 ctus habere dicitur; quia diversas gentes & populos,
 unius Evangelicæ veritatis concentu & concordia mi-
 tigat, ac in unitatem fidei congregat. Venit ergo Spi-
 ritus sanctus tanquam doctissimus veritatis præceptor.
 Nam sicut in musica & harmonico choro, in quo va-
 ria resonant voces, & ad melodiam concinunt, quæ-
 dam altè modulatæ sublimius personant; aliæ pro-
 fundum musices gradum infimius tenent; aliæ media-
 tum servant tenorem; nec vocum diversitas harmo-
 niam confundit, sed mirè servat, & eleganter concin-
 nat, imò ex vocum varietate concors discordia mo-
 dulatè conflatur: sic in Evangelicæ veritatis & doctri-
 næ concentu, (inquit Rupertus) licet variae sint Do-
 ctorum & Prædicatorum linguæ, unius tamen debet
 esse sententiæ consensus: idèd licet sub variis & disper-
 titis linguis Spiritus sanctus apparverit, unicus tamen
 ignis supra singulos sedet.

Tertia ratio insinuat a D. Gregorio homil. 30. in Evangel. dicente: *in linguis igneis apparuit Spiritus, quia omnes quos repleverit, ardentes pariter & loquentes facit.* Concionators enim, & viri Apostolici lingua ignea esse debet, ut divini amoris flammam in cordibus hominum accendat. Unde ibidem addit Gregorius: *Linguas igneas Doctores habent, quia dum Deum amandam pradicant, corda audientium inflamment.* Nam otiosus est sermo Doctoris, si praeberet non valet incendium amoris. Et Doctor mellissimus de S. Andrea loquens, sicut: *Ex abundantia cordis os locutum est, & charitas quae fervebat in corde, quasi scintillas quasdam ardentiissimas emittebat in voce.*

Nec mirum quiddam viri Apostolici ignitum debeant habere eloquium, & linguam divini amoris igne flagentem: sunt enim divini verbi dispensatores ac ministri, Dei autem Verbum, nedum lucidum est, ac splendidum, sed ignitum, & ardens, & divinum spirans ac inspirans ardorem: etenim Pater aeternus Verbum producit, non quaecumque, sed Verbum spirans amorem, ut supra ex D. Thoma vidimus.

Denique Spiritus sanctus venit ut hominem interioris reformatet; & ideo ab Augustino, *Vicarius Redemptoris*, appellatur: hominis autem reformatio debet à lingua incipere, quae (teste D. Iacobo) *est universus iniquitatis.* Omnia corporis nostri membra serviunt iniquitati, ut testatur Apostolus ad Rom. 7. attamen hoc membrum illi, alterum huic, at lingua omnibus. Est quippe armamentarium omnis generis sceleribus; impudicitiae, quia ipsa est quae loquitur, proditque amorem; furto, quia pauperem circumvenit, liquidas suis verbis adulatoris palliando usuras; vindictae, furoris, superbiae, &c. Hinc bellè Chrysologus de lingua divitis Epulonis sic ait: *Lingua plus ardet, quae misericordia ut fieret jubere neglexit: in lingua manus sentit incendium, quae maledixit pauperi, misericordiam contradixit: Lingua in tormentis prima est, quae derogando pauperi, pauperis blasphemavit Authorem.*

(Totus mundus positus est in maligno, sive ut in-

terpretatur Angelicus Doctor) *in malo igne*: sed præ cæteris corporis humani membris lingua malo igne inflammatur. Unde à D. Iacobo *rota ignita* & *inflammata* appellatur. Ut ergo præcipuum hoc corporis membrum & organum expiaretur, oportebat illud sacro Spiritus sancti igne purificari: & ideo convenientissimè in figura linguæ igneæ Spiritus sanctus apparuit.

ARTICULUS V.

De illis quæ sunt propria divinis Personis.

Figimus de illis quæ sunt communia divinis Personis, & de illis quæ sunt appropriata, agendum superest de his quæ sunt eis propria.

§. I.

Quam prioritatem, vel posterioritatem admittere debemus inter divinas Personas, aut excludere.

Egregia exempla ex D. Ambrosio, & Augustino.

1. Huius difficultatis resolutionem præmittimus, quia ex ipsa dependet sequentium clarior, & facior intelligentia, ut consideranti patebit.

2. Certum est quòd nulla admittenda est prioritas, vel posterioritas temporis inter divinas Personas, cum omnia quæ ad eas pertinent sint æterna: unde D. Athanasius in suo symbolo ait: *Et in hac Trinitate nihil prius, aut posterius; nihil maius, aut minus: sed totæ tres Personæ coeternæ sunt, & coæquales.* Ubi nihil prius, aut posterius admittitur propter æternitatem.

3. Tota difficultas est de prioritate, & posterioritate naturæ, & originis: & quamvis non sit quæstio

nisi de terminis, videtur tamen D. Thomas sibi contradicere. Nam 1. p. qu. 42. a. 3. expressè docet, quòd in divinis Personis est ordo naturæ propter originem unius personæ ab altera, sed tamen absque prioritate, vel posterioritate. *Oportet, inquit, ibi esse ordinem, secundum originem, absque prioritate. Hic vocatur ordo naturæ, secundum Augustinum* (lib. 3. contra Maximinum cap. 14.) *non quo alter sit prior altero, sed quo alter est ex altero.* Et tamen idem angelicus Doctor 2. 2. qu. 26. a. 1. sic expressè habet. *Dicendum quòd sicut Phil. dicit in 5. Metaph. textu 16. prius & posterius dicitur secundum relationem ad aliquod principium: ordo autem includit in se aliquem modum prioris, & posterioris: unde oportet, quòd ubicunque est aliquod principium, sit etiam aliquis ordo, scilicet secundum illud prius & posterius quòd ordo includit.* Ubi notanda est illa particula, *ubicunque*, denotat enim, quòd ita res habet tam in Deo quàm in creaturis: unde etiam 1. p. qu. 40. a. 4. docet, quòd Persona Patris, sub ratione personæ prior est generatione & consequenter filio genito: ibidemque admittit similiter prioritatem & posterioritatem inter alios actus rationales, & proprietates personales. Et quamvis dicat prioritatem, & posterioritatem illam esse secundum intellectum; loquitur tamen proculdubio de intellectu fundato in re, proindeque in illa prioritate, & posterioritate, quam à parte rei importat ordo secundum originem.

4. Ut tollatur hæc apparens contradictio, & concilientur plura testimonia Patrum, & Doctorum, quæ ad propositum afferri possunt, distinguenda est duplex prioritas, scilicet prioritas à quo, & prioritas in quo. Prioritas illa dicitur, in quo, ratione cuius ita aliquid est prius altero, ut vel esse, uel saltem concipi cum fundamento possit al quod instans rei, vel signum rationis, in quo sit vel concipiatur unum, in quo non sit vel non concipiatur aliud. Sic inter homines Pater est in aliquo tempore, in quo nondum est ejus filius, quia nondum ipsum genuit: & sic Pater est prior prioritate in quo, & filius posterior.

Et quam
illumina
tiam fier
pus, &
separabi
to in re
non con
est illa,
tamen u
stans da
aliud; n
existens
stans. Sic
& Augu
sit lux
à luce;
sit cantu
5. Sic
pectu cr
teriorit
ab atern
attamen
formare
modi d
aternita
guimus
concipi
ipsa for
fenti a
sonis d
rioritas
potest v
titur P
priorius
Pater
ter est
Pater e
posteri
quo,
princip
6. Du

Et quamvis sol in eodem instanti, quo creatus fuit, illuminaverit: quia tamen per absolutam Dei potentiam fieri potuit, ut sol esset prius per aliquod tempus, & nondum illuminaret, atque ita à suo lumine separabilis est, idèd potest sol concipi cum fundamento in re tanquam existens in aliquo instanti, in quo non concipiatur existens ipsius lumen. Prioritas à quo est illa, ratione cujus unum est id à quo est aliud, & tamen unum nequit esse sine altero, itaut nullum instans dari possit, in quo unum existat, & non existat aliud; nec ullum rationis signum, in quo concipiatur existens, quin similiter aliud concipiatur ipsi coexistens. Sic in exemplis mox referendis ex D. Ambrosio, & Augustino, fieri non potest, neque concipi, quòd sit lux, & non sit splendor, & tamen splendor oritur à luce; neque similiter quòd sit sonus canorus, & non sit cantus, & tamen cantus à sono provenit.

5. Sic igitur in divinis, si consideremus Deum respectu creaturarum futurarum, datur prioritas, & posterioritas in quo, sive existentia: quamvis enim Deus ab æterno formaverit omnia decreta sua circa futura, attamen virtualiter prius existeret, quàm decreta illa formaret, & potuit pro semper existere sine huiusmodi decretis: & ita cum fundamento in re in nunc æternitatis, quod realiter est unum & idem, distinguimus duplex instans virtualiter, in quorum priori concipitur sine decretis, & in posteriori concipitur ut ipsa formans, sicut explicuimus fusè in tomo præcedenti agendo de libertate Dei. Sed loquendo de Personis divinis non est inter eas prioritas, vel posterioritas in quo, sed tantùm à quo: nullum enim dari potest vel excogitari instans, vel signum, in quo existerit Pater, & non coexisterit ipsi filius: sed in omni prorsus instanti, vel signo, in quo est & concipitur Pater, similiter est & concipitur filius; & tamen Pater est principium à quo procedit filius. Scilicet igitur Pater est prior prioritate naturæ & originis, & filius posterior, illa nempe prioritate, & posterioritate à quo, quatenus Pater ex natura sua habet: quòd sit principium, à quo filius originatur.

6. Dum ergo D. Thomas cum Patribus, & Doctoribus

bus, negat Patrem esse priorem, & filium posteriorem, intelligi debet de prioritate & posterioritate in quo: dum e contra hoc affirmat, intelligendus est de prioritate, & posterioritate à quo. Et in hac doctrina in rei veritate conveniunt Thomistæ, & Scotistæ, ut videri potest apud doctissimum Scotistam Mastrium 1. sent. disput. 2. de attributis, quæst. 3. de ordine naturæ, & originis, ubi ex ipso Scoto prioritatem, & posterioritatem illam explicans ait, eam nihil aliud importare, quàm à quo alius, & quis ab alio, quatenus nimirum Pater est ille à quo est filius, & filius est ille qui est à Patre; & idem dicendum de utroque respectu Spiritus sancti.

6. Cæterum ad explicandum, quomodo fieri possit, ut pater producat filium, & tamen Pater non sit prior prioritate in quo, nec filius posterior; habemus egregia exempla apud D. Ambrosium, & Augustinum. Ambrosius quidem ita loquitur lib. 4. de fide cap. 4. *Lux splendorem generat, nec comprehendi potest, quod splendor luce posterior sit, aut lux splendore antiquior; quia ubi lumen, & splendor est. & ubi splendor, & lumen est. Itaque nec sine splendore lumen, nec splendor potest esse sine lumine: quia & in splendore lumen, & splendor in lumine est. Unde & Apostolus splendorem paternæ gloriæ filium dicit, qui splendor paternæ lucis est filius: coæternus propter virtutis æternitatem, & inseparabilis propter claritudinis unitatem.*

D. Augustinus lib. 12. Confessionum cap. 29. postquam distinxit ea quæ præcedunt alia, sive æternitate, sicut Deus omnia; sive tempore, sicut hos fructum; sive electione, sicut fructus florem; sive origine, sicut sonus cantum, explicans istam præcedentiam ait de sono: *nec tempore prior, simul enim cum cantu editur. Nec prior electione, non enim potior sonus quàm cantus, quandoquidem cantus est non tantum sonus, verum etiam sonus speciosus. Sed prior est origine; quia non cantus formatur ut sonus sit, sed sonus formatur ut cantus sit.*

Ita hæc applicantes ad propositum dicimus, quod Pater æternus non est filio suo prior tempore, cum ambe

ambo fin
omnibus
præferib
est prior

De con

Adv.
nis divi
involu
ter, &
tūm, &
yum co
quasi co
& istud
idem si
signific
Adv.
reales,
cap. fin
secund
cunda
ratio n
guitur
non co
constit
tur, ne
sonalite
sonales
Adv
divinas
tionib
tativu
absolu
Trini
subsist
quas
tes. Al

ambo sint æterni ; nec prior electione , cùm enim in omnibus & per omnia sint coæquales , unus non est præferibilis alteri ; sed est prior origine , sicut ionus est prior cantu , qui ex ipso formatur.

§. II.

De constitutivo divinarum Personarum , & in particulari de constitutivo Patris.

Adv. 1. constitutivum & constitutum dici de Personis divinis , excludendo omnes imperfectiones , quas involuunt in creaturis : unde non distinguuntur realiter , & quoad rem significatam , sed virtualiter tantum , & quoad modum significandi : etenim constitutivum concipimus quasi abstractum , & constitutum quasi concretum , sive illud ut formam quæ constituit , & istud quasi subjectum quod illam recipit : sic Pater idem significat ac habens Paternitatem , & paternitas significat id quod præstat ut Pater sit Pater.

Adv. 2. Personas divinas constitui per proprietates reales , ut evidenter colligitur ex Concilio Lateranensi cap. firmiter , ubi sic dicitur : *Sanctissima Trinitas secundum communem essentiam est indivisa , secundum vero personales proprietates discreta*. Et ratio non est minus evidens : quia nihil ab alio distinguitur , nisi habeat sibi aliquid proprium , quod alteri non conveniat : cùm igitur Personæ divinæ ita in seipsis constituantur , ut simul ac semel ab aliis distinguantur , necesse est quod constituantur per aliqua sibi personaliter propria , proindeque per proprietates personales.

Adv. 3. Quod aliqui ex antiquis dixerunt Personas divinas constitui per substantiam absolutam ut relationibus modificatam. Sed hanc opinionem fusè refutavimus supra artic. 1. Et 2. hujus quæstionis : quia absoluta non sunt propria alicujus personæ , sed toti Trinitati communia : Personæ autem subsistunt per substantias sibi proprias proindeque relativas , per quas solas reddi possunt incommunicabiliter subsistentes. Alii dixerunt Personas constitui per origines acti-

vas, & passivas: & hac sententia quæ tribuitur D. Bonaventuræ, & Richardo à S. Victore, sustineri potest non absolute, sed in aliquo sensu. Nam D. Thomas I. p. qu. 40. a. 2. ait: *Contra rationem originis est, quod constituat hypostasim, vel personam: quia origo activè significata, significatur ut progrediens à persona subsistente, unde presupponit eam; origo autem passivè significata, ut natiuitas, significatur ut via ad personam subsistentem, & nondum ut eam constituens. Vnde melius dicitur, quod persona seu hypostases distinguantur relationibus quam per originem.* Ubi doctissimus P. Nicolai in nota marginali ita habet. Sic Bessarion quoque in Concilio Florentino sess. 25. Nempe in ea oratione, quam habuit pro unione cap. 6. Post medium, propter eandem rationem, quam hinc explicat D. Thomas, concludit, quod *Persona divina distinguuntur principaliter quidem, & maxime per earum relationes; per origines vero siue processiones consequenter. Quippe non nisi causaliter per origines distinguuntur, sed per ipsas relationes formaliter.* Et sic intelligendum illud Anselmi lib. de processione Spiritus sancti cap. 2. quod *filius & Spiritus sanctus diversitate natiuitatis, & processionis referuntur ad se invicem & diversi.* Aliaque id genus. Scilicet huiusmodi Patrum testimonia intelligi debent, & vera sunt in sensu causali, non autem in sensu formali. Et hæc est modò omnium Doctorum opinio.

Adv. 4. Quòd aliqui ex modernis dixerunt Patrem de quo est præcipua, ac ferè tota difficultas, constitui per innascibilitatem, quæ est una ex notionibus divinis in qu. sequenti explicandis, siue per hoc quòd non est ab ullo principio. Sed hoc sustineri nequit. Nam ut ait D. Thomas I. p. qu. 40. a. 3. ad 3. Innascibilitas nihil ponit, sed dicit solam negationem principii: unde Persona Patris æterni, quæ est maxime realis, & positiva non potest per illam constitui. Si dicatur, quòd non sumitur in proposito innascibilitas pro illa pura negatione principij, sed pro fundamento talis negationis, contra est quòd, vel illud fundamentum est

aliquid absolutum, vel relativum: si absolutum, nequit constituere personam, ut diximus in precedenti notabili: si relativum, hoc est quod superest explicandum. Aliqui existimant esse relationem non realem sed rationis, sicut inquant constitutio personarum non sit à parte rei, sed solummodo per rationem. Sed hoc esse falsum patet eodem argumento: quia persona patris est maxime à parte rei, ergo & ipsius constitutum: & quamvis constitutio divinarum Personarum non sit nisi per rationem formaliter, in hoc sensu quod constitutum & constitutum non distinguuntur formaliter nisi per solam rationem: est tamen à parte rei virtualiter in hoc sensu, quod relationes tantam virtutem habent faciendi, quod personæ divinæ quas constituunt, in seipsis à parte rei subsistant, ac si realiter ab eis distinguerentur, easque veluti informarent. Imò licet constitutio in prædicto sensu non sit nisi rationis, attamen ipsum constitutum entis realis debet esse reale nedum in Deo, sed etiam in creaturis, ut patet in homine: constitutio enim ipsius, quæ fit per rationale, non est nisi rationis; cum rationale non distinguatur ab homine nisi per rationem: & tamen tam rationale constituens quam homo constitutus sunt aliquid maxime positivum & reale.

Alij dicunt fundamentum illud esse rationem fontalis principij, sive quod Pater sit fons origo & principium aliarum Personarum SS. Trinitatis, & fatentur rationem illam principij importare in suo conceptu relationem realem, sed dicunt eam non esse quasi prædicamentalem, sed tantum transcendentalem. Sed hoc esse falsum patet ex communi doctrina Philosophorum, qui asserunt relationem transcendentalem non esse revera aliquid relativum, sed solummodo unum absolutum ut connotans aliud: unde cum ut jam sæpè diximus Personæ divinæ non possint constitui per aliquid absolutum, sequitur quod constitui debeant per veras relationes: dicimus autem eas esse quasi prædicamentales: quia ut docent Thomistæ in Philosophia, Deus non ponitur in prædicamento: unde relationes divinæ nequeunt esse prædicamentales; sed dici potius debent superprædicamentales, sive

superextedentes omnem rationem prædicamenti. His prænotatis.

Communis sententia est illa, quam docent Thomistæ, quilibet in modo explicandi aliquid differre videantur; revera tamen in substantia doctrinæ conveniunt, si bene considerentur. Sed quidquid sit de hoc, eligo illum explicandi modum, qui mihi videtur clarior & facilior. Unde sit.

Concl. Relatio paternitatis, si consideretur secundum munus subsistendi, constituit personam Patris; si autem consideretur secundum munus referendi distinguit ipsam ab aliis Personis: & illud munus subsistendi præcedit virtualiter generationem filij, munus verò referendi eam subsequitur.

Prob. 1. ex angelico Doctore 1. p. qu. 40. a. 2. ad 4. ubi sic habet. *Relatio præsupponit distinctionem suppositorum quando est accidens; sed si relatio sit subsistens, non præsupponit, sed secum fert distinctionem.* Ubi statuit discrimen inter relationem paternitatis creatæ, & increatæ, quod creata cum sit accidens, præsupponit distinctionem suppositi Patris, & Filij; sed increata cum sit substantia non præsupponit distinctionem illam, sed eam facit. Et ibidem art. 4. in corp. ita loquitur. *Proprietas personalis Patris potest considerari dupliciter: uno modo ut est relatio, & sic secundum intellectum præsupponit actum notionalem (scilicet generationem filij) quia relatio in quantum huiusmodi fundatur super actum: alio modo secundum quod est constitutiva personæ; & sic oportet quod præintelligatur relatio actui notionali, sicut persona agens præintelligitur actioni.* Idem habet in aliis locis ibidem ad marginem citatis.

Prob. 2. magis exponendo prædictas authoritates, Persona divina, proindeque persona Patris constituitur, quatenus redditur in se subsistens incommunicabiliter, ut patet ex dictis in articulo 1. hujus quæstionis de Personis divinis in communi. Sed hoc nequit habere nisi per relationem Paternitatis ut importat utrumque munus subsistendi, & referendi. Ergo. prob. mi. Persona non redditur in se, & per se sub-

fistens nisi per munus subsistendi, ut per se patet, non est etiam incommunicabilis nisi quatenus realiter distinguitur ab aliis personis, & quia in divinis nulla est distinctio, nisi quam facit relativa oppositio, sequitur quod non redditur incommunicabilis nisi per ipsum munus referendi.

Quod autem munus subsistendi debeat virtualiter precedere generationem filij patet, quia actiones sunt suppositorum, juxta commune axioma in artic. 2. hujus questionis explicatum; prius ergo debet constitui suppositum sive persona Patris aeterni, quam generet filium suum, & sic relatio Patris constitutiva debet virtualiter precedere generationem filij secundum suum munus subsistendi, & ut ita dicam suppositum: sed quia nihil refertur ad seipsum, sed ad alterum, necesse est ut prius virtualiter genitus sit Filius, quam Pater referatur ad ipsum: atque ita relatio constitutiva Patris subsequitur virtualiter generationem filij, secundum suum munus referendi.

§. III.

Verus modus solvendi objectiones ex D. Thoma, & Thomistis.

Difficillimas esse objectiones, quæ fieri possunt contra prædictam D. Thomæ doctrinam, fatentur etiam ipsi Thomistæ. Inter plures autem solutiones, eligo eas quæ videntur plenè satisfacere, partim ex uno partim ex altero Thomistarum, & ex his quæ mihi facile fuit inventis addere.

Obiic. I. subsistere in se & per se dicit aliquid valde absolutum; significat enim id quod est ab altero independens, & nihil aliud ut ita dicam, quam seipsum respiciens. Ergo si Persona Patris constituitur, quatenus redditur in se, & per se subsistens: sequitur manifestè, quod constituitur per aliquid absolutum, & non per relatum.

Resp. distin. antec. subsistere in se & per se dicit aliquid absolutum, si ibi sistatur, conc. si simul ac semel ad alterum referatur, ne. Et similiter distingui debet consequentia. Nam persona Patris constituitur

quatenus redditur in se & per se subsistens, non ibi sistendo, sed simul ac semel ipsam ad filij personam referendo. Sumitur hæc solutio ex angelico Doctore (& locus in proposito valde notari debet) qu. 9. de potentia arti. 4. ad 10. ubi cum sibi objecisset, quoddam nomen, *persona*, significat substantiam primam, quæ nihil est magis absolutum, cum sit per se existens; proindeque non significat relationem, sed aliquid absolutum, ita respondet. *Dicendum, quod substantia prima dicitur absoluta quasi ab alio non dependens: Relativum autem in divinis non excludit absolutum quod est ab alio non dependens; sed excludit absolutum quod ad aliud non refertur.* Ex quibus verbis habemus, quod relationes divinæ, cum sint nedum substantiales, sed etiam substantiæ relativæ, ut supra sæpè diximus agendo de subsistentiis divinis ex eodem angelico Præceptore, hoc secum deferunt, & divinis Personis conferunt, ut simul ac semel in seipsis subsistant, & ad alterum referantur.

Instabis. Subsistere in se & per se commune est tam absolutis quam relativis in rebus divinis, ut patet ex solutione jam data, & explicuimus magis in hac qu. artic. 2. agendo de subsistentiis divinis. Ergo si personæ divinæ non constituuntur nisi per hoc quod est in se & per se subsistere, sive per munus subsistendi, non sequitur quod constituuntur potius per aliquid relativum quam per aliquid absolutum: atque ita authores illi, qui existimant non dari in divinis nisi unicam subsistentiam, eamque absolutam, dicere poterunt quod personæ constituuntur per huiusmodi subsistentiam ut relationibus modificatam.

Resp. juxta solutionem jam datam, quod subsistere in se & per se convenit tam absolutis quam relativis, distin. Et eodem modo, ne. & diversimode, convenit enim absolutis, ibi purè ac præcisè sistendo; convenit autem relativis, simul ac semel ad alterum referendo: unde cum sola subsistentia relativa possit hoc conferre, ut ita in se ac per se persona subsistat, ut simul ac semel ad alteram referatur, ipsa sola potest constituere personam; & hoc nequit competere substantiæ absolutæ.

Obiic. 2. Ad rationem personæ non sufficit quod in se & per se subsistat, sed debet insuper esse incommunicabilis, ut patet ex ipsa definitione personæ. Sed per munus subsistendi non redditur Persona divina incommunicabilis. Ergo nec constituitur in ratione personæ. Prob. Mi. Intantum una persona divina est incommunicabilis aliis, inquantum ita ab eis distinguitur, ut cum ipsis identificari non possit, nec proinde communicari. Sed per munus subsistendi non distinguitur una Persona divina ab aliis, sed solummodo per munus referendi, cum ut millies, ut ita loquar, diximus, nulla sit in divinis distinctio, nisi quam facit relativa oppositio. Ergo per tale munus subsistendi non redditur incommunicabilis, nec proinde constituitur.

Resp. ad maj. debet insuper esse incommunicabilis, *effectivè*, ne. *exigitive*, conc. Et similiter distinguenda est minor. Etenim munus subsistendi, quod Personam divinam constituit, licet *effectivè* non distinguat ipsam ab aliis personis, *benè* tamen *exigitive*: quia indispensabiliter, & impræscindibiliter *exigit* munus referendi; itaut nec esse nec concipi possit ullum instans vel signum sive rei sive rationis, in quo detur & exerceatur munus subsistendi, quin detur etiam, & exerceatur munus referendi.

Fundatur hæc solutio in D. Thoma. qu. 8. de potentia artic. 3. ad 7. ubi sic habet. *De ratione hypostasibus duo necesse est esse: quorum primum est quod sit per se subsistens, & in se indivisa; secundum est, quod sit distincta ab aliis hypostasibus eiusdem nature. Si tamen contingat in eadem natura alias hypostasēs non esse; nihilominus hypostasis erit; sicut Adam quando non erat alia hypostasis in natura humana. Semper ergo necessarium est intelligere hypostasim generantem, ante generationem, quantum ad id quod hypostasis subsistit in se una existens; non tamen inquantum est ab aliis hypostasibus eiusdem nature distincta, si per solam huiusmodi generationem alia hypostasēs eiusdem nature originantur. Sicut Adam non fuit distinctus ab aliis hypostasibus eiusdem nature, priusquam*

mulier ex eius costa formaretur, & eius filii ab eo propagarentur. In divinis autem non multiplicantur hypostases, nisi per profectionem aliarum personarum ab una. Prius ergo est intelligere hypostasim Patris, inquantum est subsistens, quam generationem, non tamen inquantum est distincta ab aliis hypostasibus eiusdem nature, qua non procedunt nisi hac generatione supposita.

Replicabis. Si ad constitutionem personæ sufficeret, quod constitutivum exigeret solummodo incommunicabilitatem, sequeretur quod ipsamet etiam essentia divina Personas const. tueret: ut enim diximus initio tractatus, essentia propter suam omnimodam infinitatem, exigit sibi realiter identificare omnia entia tam relativa quam absoluta; proindeque etiam exigit incommunicabilitatem, quam relationes secum afferunt.

Resp. quod constitutivum personæ debet exigere incommunicabilitatem, tanquam proprium & immediatum illius susceptivum, itaut reddatur incommunicabile, & non solummodo tanquam commune, & mediatum susceptivum, quod incommunicabile non reddatur; aliter enim non posset reddere personam incommunicabiliter subsistentem. Essentia autem divina secundum se immediatè considerata, quamvis sibi realiter identificent relationes, non est tamen immediatè susceptiva incommunicabilitatis; imò potius e contra propter suam omnimodam infinitatem exigit esse communis communitate rei ipsius relationibus, & personis, suscipit tamen incommunicabilitatem mediatè, sive mediantibus personis: quia quamvis secundum se sit communis, attamen ut personata, sive ut terminata per subsistentias personales est incommunicabilis, ut explicuimus fusè in 1. & 2. artic. huius quæstionis.

Sic concipimus essentiam divinam in se recipere effectus veluti formales subsistentiæ absolutæ, & subsistentiarum relativarum; sed diversimodè: nam subsistentiæ absolutæ recipit in seipsa immediatè, effectum quasi formalem & per ipsum redditur subsistens communicabiliter; effectus verò quasi formales subsistentiarum

tiarum
per
Obi
tueretur
sequeretur
est in
tet. Q
nitus. E
nem.
Patris
lativi
cum et
losoph
nec un
Rel
quo,
tantum
catur
potest
piatur
semel
ipsum
tum
nec
tamen
perfo
id a
ter a
feren
Sic
tione
denon
illa de
tis,
Pater
sui fil
non
dum
quia
nere
datur

tiarum relativarum recipit mediantibus personis, & per eos redditur subsistens incommunicabiliter.

Obiic. 3. Si persona Patris prius virtualiter constitueretur per munus subsistendi, quàm generaret filium, sequeretur quòd possit concipi Pater sine filio. Sed hoc est inintelligibile. Ergo & illud. Sequela majoris patet. Quia non potest concipi filius nisi concipiatur genitus. Ergo concipi nequit antecederet ad generationem. Minor non est minùs evidens. Quia de ratione Patris & filij, maximè in divinis, est quòd sint correlativi; itaut unus sine altero concipi minimè possit; cum etiam in creaturis relativa, juxta commune Philosophorum axioma, sint simul definitione & natura; nec unum sine altero concipi valeat.

Resp. distin. mai. Si talis prioritas esset prioritas in quo, conc. quòd posset concipi Pater sine filio: si sit tantum sicut revera est, prioritas à quo, ne. Explicatur solutio. Nullum est, nec cum fundamento concipi potest instans, aut signum in quo Pater sit vel concipiatur constitutus in ratione personæ, quin simul ac semel sit & concipiatur generans filium, & relatus ad ipsum, unde inter Patrem generantem, & filium genitum nulla est prioritas, vel posterioritas in quo, sicut nec inter munus subsistendi & munus referendi. Sed tamen ibi est prioritas & posterioritas à quo: quia persona Patris ut constituta per munus subsistendi est id à quo virtualiter emanat generatio filij: & similiter à munere subsistendi virtualiter emanat munus referendi.

Sicut autem in humanis Pater est constitutus in ratione personæ longè antequam generet filium: sed non denominatur Pater, quousque filium generet, eoquod illa denominatio Patris sumitur à relatione paternitatis, quæ in ipsa generatione fundatur: Ita in divinis Pater æternus in illo priori à quo emanat generatio sui filij concipitur constitutus in ratione personæ, sed non concipitur Pater nisi in instanti posteriori à quo, dum concipitur generans filium, & relatus ad ipsum: quia denominatio paternitatis divinæ sumitur à munere referendi, quod in ipsa generatione divina fundatur.

Ex quo etiam habemus, quod munus subsistendi, generatio, & munus referendi, quamvis realiter identificentur, distinguuntur tamen virtualiter: quia æquivalent tribus, quæ in creaturis realiter distinguuntur. Hæc est enim regula tradita tum in hoc tractatu, tum in tract. de attrib. quando egimus de distinctione virtuali.

Urgebis. Si relatio paternitatis constitueret personam Patris antecederet ad generationem, licet non foret nisi prioritas à quo, sequeretur tamen quod si per impossibile Pater non generaret filium, adhuc foret Pater, quod manifeste implicat, ut iam diximus.

Resp. quod ut iam etiam diximus, relatio Paternitatis constituit quidem personam Patris antecederet ad generationem per suum munus subsistendi in esse personæ: sed non constituit ipsum in esse Patris nisi consequenter ad eandem generationem per munus referendi: unde si per impossibile Pater non generaret filium, & tamen adhuc retineret munus subsistendi, remaneret quidem in ratione personæ, sed non in ratione Patris. Non remaneret etiam in ratione primæ personæ, ut aliqui volunt: quia tam implicat concipi primam personam sine secunda, quam Patrem sine filio. Remaneret ergo ut unica persona: nisi aliunde supponeretur spirare Spiritum sanctum, ut sic essent duæ personæ.

§. IV.

De constitutivo aliarum Personarum.

D. Thomas qu. 8. de potentia artic. 3. ad 7. Postquam explicuit difficultatem prædictam de constitutivo Patris, ita concludit. *Ex parte verò filii nulla remanet difficultas. Nam natiuitas secundum intellectum præcedit hypostasim nati; cum intelligatur ut via ad ipsam: est enim generatio via in substantiam.* Igitur generatio per quam filius procedit à Patre, est virtualiter prior, quam relatio filiationis, quæ est ipsius terminus: huiusmodi autem relatio per munus subsistendi constituit filium in se &

per se subsistentem in ratione personæ, & per munus referendi constituit in ratione filii, correferendo ipsum ad Patrem.

Et idem dicendum est de constitutivo Spiritus sancti. Relatio enim spirationis passivæ, sive processio per munus subsistendi constituit Spiritum Sanctum in se & per se subsistentem in ratione personæ, & per munus referendi facit ut correferatur ad Patrem : & Filium.

Nec refert, si obiicias, quòd ex Philosopho 5. Physic. ad relationem non datur actio : unde termini actionum, per quas procedunt filius, & Spiritus Sanctus, non possunt constitui per ipsorum relationes.

Etenim Respondeo hoc esse verum de relationibus creatis, quæ sunt accidentales, & inhærentes ; unde non producuntur per veram actionem, sed solummodo resultant positæ earum fundamentis, ut docent Philosophi. Sed falsum esse de relationibus divinis, quæ sunt substantiales & per se subsistentes, unde non indigent fundamento, sed ipsæ sibi ipsi sunt fundamentum ; quamvis etiam fundentur in essentia divina, non ex aliqua necessitate & indigentia, sed ex abundantia & fecunditate, sicut ex eadem perfectione fecunditatis & abundantia, & non ex ulla imperfectione indigentia & necessitatis, essentia divina subsistit in relationibus, & Personis.

Ratio autem propter quam non valet consequentia à relationibus creatis ad increatas ; nec Aristotelis sententia locum habet in istis est : quia, ut sæpè diximus, Philosophus lumine fidei destitutus non habuit noticiam mysterij SS. Trinitatis, nec proinde ipsarum divinarum relationum.

§. V.

*Ex cuius obiecti cognitione, & amore procedant
verbum, & Spiritus Sanctus.*

Quamvis, ut existimo, hæc quæstio non sit nisi de terminis : & fortè ita cuilibet eam benè consideranti

parebit, mirum tamen est quantum in istius resolutione Doctores cuiusunque scholae dissentiant. Nos eam more solito sicut alias similes breviter expediemus.

Quantum igitur ad processionem verbi, prima sententia est, quod non procedit nisi ex cognitione essentiae, & attributorum. Secunda quod procedit etiam ex cognitione personae Patris. Tertia quod procedit insuper ex cognitione sui ipsius. Quarta superaddit, illud procedere ex cognitione essentiae, attributorum, & ipsius etiam Spiritus Sancti, proindeque omnium Personarum. Quinta vult praeterea ipsum procedere ex cognitione creaturarum possibilem. Ac tandem sexta admittit ejus processionem ex cognitione creaturarum etiam futurarum. Primam ex praedictis sententiis tenent Scotistae antiquiores: secundam Puteanus: tertiam Vasquez: quartam Scotistae recentiores: Quinta communis est inter Thomistas. Sexta tandem tenetur à Valentia. Hos omnes auctores poterit lecto: videre citatos cum pluribus aliis apud Scotistam Maftrium disp. 7. de Trinitate, & nostrum Thomistam Gonetum disp. 9.

Quantum verò ad processionem Spiritus Sancti, eodem ferè modo de ipsa locuntur Doctores servatà proportionem sicut de processione filij. Unde prima sententia est, quod Spiritus Sanctus procedit tantum ex amore divinae essentiae & attributorum. Secunda quod sicut filius procedit insuper ex cognitione Patris tanquam sui principij, sic Spiritus Sanctus procedit quoque ex amore Patris, & Filij ut principij sui. Tertia quod sicut filius procedit etiam ex cognitione sui ipsius, ita Spiritus Sanctus ex suimetipsum amore. Quantum verò ad creaturas posibles non consentiunt Thomistae: alij enim quos in tract. de voluntate sequor agendo de amore Dei respectu creaturarum, asserunt Deum creaturas omnes etiam eas quae sunt purè posibles diligere, non quidem amore efficientiae, sed simplicis complacentiae: alij verò nihili distinguendo absolute negant quod Deus diligit posibles unde quarta sententia est eorum Thomistarum, qui dicunt Spiritum sanctum procedere ex amore possibilem, sicut filium ex eorum cognitione: quinta

verò sententia est aliorum, qui volunt filium quidem ex possibile cognitione procedere: non autem Spiritum Sanctum ex eorum amore. Ultima tenet Spiritum Sanctum procedere similiter etiam ex amore futurorum.

Concl. Verbum, & Spiritus sanctus procedunt ex cognitione, & amore divinæ essentiae, attributorum, Personarum, & creaturarum possibilem, non verò futurarum.

Probatur quantum ad processionem verbi, ratione fundata in D. Augustino, & D. Thoma. D. Augustinus lib. 15. de Trinitate cap. 14. sic ait: *Tanquam seipsum dicens Pater genuit verbum sibi æquale per omnia. Non enim seipsum integrè, perfectèque dixisset, si aliquid minus, aut amplius esset in eius verbo quàm in ipso.* Et D. Thomas qu. 4. de veritate, quæ est unica de verbo, artic. 4. sic loquitur: *In Deo ad hoc ut verbum eius perfectum sit, oportet quòd verbum eius exprimat quiddam continetur in eo ex quo oritur, & præcipue cum Deus omnia uno intuitu videat non divisim. Sic igitur oportet, quòd quiddam in scientia Patris continetur, totum hoc per unum ipsius verbum exprimat; & hoc modo quo in scientia continetur, ut sit verum verbum suo principio correspondens per scientiam.*

Conformer ita ad hæc testimonia sic formatur ratio. Verbum procedit ex cognitione comprehensiva divinæ essentiae. Ergo procedit ex cognitione ejusdem essentiae, attributorum, Personarum, & creaturarum possibilem. Antecedens conceditur ab omnibus, & aliunde evidenter probatur. Verbum procedit ex cognitione perfectissima, quæ dari possit & excogitari: cum enim verbum divinum sit perfectissimum quod dari, & excogitari possit; & generaliter omnia quæ ad Deum spectant, sint hoc modo perfectissima; constat quòd perfectissima quoque debet esse cognitio, per quam verbum procedit: debet enim non minus perfecta esse actio, quàm terminus per ipsam productus; sicut non minus perfecta debet esse causa quàm ejus effectus. Sed non foret perfectissima, si non esset com-

prehensiva: quia per eam non cognosceretur essentia divina quantum cognoscibilis est. Ergo est comprehensiva.

Prima consequentia probatur inprimis de attributis, & Personis divinis. Comprehensio est cognitio rei quantum cognoscibilis est: quod ut diximus in tract. de visione beatifica, & magis explicabimus in tract. de Angelis, dupliciter à Theologis intelligitur; uel ex parte ipsius cognoscentis, itaut requiratur, quòd nullus cognoscens possit rem perfectius cognoscere, quàm cognoscatur ab illo, qui eam comprehendit; uel saltem ex parte rei cognitæ, itaut siue possit, siue non possit modo perfectiori cognosci, sufficiat quòd eo modo quo cognoscatur, quo ex natura sua cognosci exigit: in presenti autem perinde est quantumque ex illis duabus opinionibus teneatur: quia semper manet, quòd tanta debet esse cognoscibilitas actiua in his comprehendentis, quanta est cognoscibilitas passiva rei comprehensæ: unde cum essentia divina dicat cognoscibilitatem sicut entitatem modis omnibus perfectissimam; sequitur quòd ut comprehendatur, debet cognosci per cognitionem similiter modis omnibus perfectissimam. Sed si non cognoscerentur attributa & Personæ, non ita cognosceretur. Ergo non comprehenderetur. Prob. mi. Quia res non cognoscitur quantum potest & exigit ex natura sua cognosci, nisi cognoscantur omnia, quæ essentialiter exigit, & importat, sibi que realiter identificat, ut per se patet. Sed essentia divina propter suam perfectionem omnimodè infinitam exigit, & importat, sibi que realiter identificat omnia attributa, omnesque relationes, & personas quæ per huiusmodi relationes constituuntur, ut sapius diximus in hoc tractatu, & præsertim quaestione 1. probando existentiam huius mysterij SS. Trinitatis contra Gentiles, & qu. 3. dum ostendimus nedum attributa, sed etiam relationes, & Personas esse de conceptu essentiae. Ergo non cognoscitur essentia quantum exigit, nisi cognoscantur hæc omnia. Igitur si verbum procedat ex comprehensione essentiae, procedit ex horum omnium cognitione.

Deinde probatur de creaturis possibilibus. Quia

unum ex divinis attributis est omnipotentia. Sed omnipotentia cognosci nequit, quin cognoscantur omnia possibilia, cum intantum Deus sit omnipotens, inquantum omnia ipsi possibilia sunt. Ergo cognosci nequeunt omnia attributa, nec ex illorum omnium cognitione potest verbum procedere; quin cognoscantur quoque omnia possibilia, & ex eorum omnium cognitione verbum procedat. Verum quidem est, quod ut diximus in tract. de visione Dei, sufficit pro beatis, ut videndo divinam omnipotentiam, videant omnia possibilia in conspectu, & in communi; quia non cognoscunt omnipotentiam modo infinito, & omnium excogitabilium perfectissimo, sive comprehensivo: sed quia verbum procedit ex cognitione comprehensiva quam habet Pater de sua omnipotentia, in qua omnia possibilia cognoscit modo infinito, & perfectissimo, proindeque clarissime, & distinctissime omnia in particulari: Verbum simili modo procedit ex eorum cognitione: ut ita omnia sint in verbo sicut sunt in ipsa Patris scientia, ut jam diximus ex D. August. no., & D. Thoma.

Quantum ad futura probatur. Quia verbum non procedit per se & necessarium ex eorum cognitione, si cognitio per quam procedit, non terminetur ad ea per se & necessarium, sed quasi per accidens & contingenter; non enim plus habet verbum, quam quod recipit ex cognitione ipsius productiva. Sed cognitio verbi productiva non terminatur ad futura nisi quasi per accidens, & contingenter: cum enim Deus non decreverit ex ulla necessitate, sed ex vera libertate producere futura, constat quod non cognoscit ea necessarium futura sed contingenter. Imò cum potuisset decernere se nihil unquam producturum; & ut diximus in tract. de attributis agendo de perfectione Dei, tam bene perfectus esset etiam si nihil produxisset, nec unquam producturus esset, atque ita solus foret sine ullis creaturis, sic perfectus ut est modò cum omnibus creaturis existentibus, vel futuris, patet quòd futura se habent ad ipsum quasi per accidens: quia ut docent Philosophi, accidens est illud quod potest adesse, vel abesse sine subjecti corruptione: futura autem possunt

adesse, uel abesse sine ulla prorsus diminutione perfectionis Dei.

Confirmantur, & explicantur magis hæc omnia. Nullum est uel excogitari potest instans aut signum siue rei siue rationis, in quo procedat verbum, & non cognoscantur essentia, attributa, Personæ, & possibilia. Ergo procedit ex eorum omnium cognitione. Consequentia patet. Quia si hæc omnia sunt cognita in omni signo imaginabili, in quo est processio verbi, nulla est ratio quæ impedire possit, ne ex illorum omnium cognitione procedat: & aliunde hoc exigit summa perfectio eiusdem verbi. antec. prob. quia essentia diuina propter suam omnimodam infinitatem per rationem actus purissimi, ita sibi & attributa, & relationes Personarum constitutivas identificat, eaque omnia in suo conceptu saltem implicito importat, ut nec esse possit à parte rei sine illis, nec etiam per rationem cum fundamento ab illis abstrahi, sicut ostendimus in tract. de attributis agendo de simplicitate Dei, & in hoc tract. agendo de relationibus diuinis ad essentiam comparatis. Ergo in uno semper eodemque instanti sunt, & concipiuntur.

Quantum uero ad possibilia, essentia quidem ea sibi realiter non identificat; sed tamen ratione suæ omnipotentiae connexionem ita necessariam cum ipsis habet, ut similiter sine ipsis nec esse possit, nec concipi, ut explicuimus fuse in tract. de uisione Dei qu. 4. artic. 2. §. 3. ubi etiam diximus, quod illa connexio ex parte Dei est connexio eminentiæ tanquam causæ cum effectibus suis; ex parte uero creaturarum possibile est connexio dependentiæ tanquam effectuum à sua causa.

Tota ergo prioritas, uel posterioritas, quæ inter hæc omnia reperitur, non est nisi prioritas, uel posterioritas à quo; quatenus licet omnia semper sint, & cognoscantur simul ac semel in eodem instanti & signo, essentia tamen est id à quo virtualiter emanant attributa tanquam eius proprietates, & similiter relationes tanquam ipsius modi, & termini substantiales Personarum constitutivi; & attributa, & relationes sunt id quod virtualiter emanat ab essentia: at-

que ita essentia est prior illis prioritate à quo, & ipsa sunt posteriora posterioritate à quo. Similiter omnipotentia est id à quo possibilia produci possunt; & possibilia id quod ab ipsa potest produci; unde illa est prior, & ista sunt posteriora prioritate & posterioritate à quo.

Sed quantum ad futura, Deus est prior illis prioritate in quo, & similiter ipsa sunt posteriora Deo, posterioritate in quo ut diximus in 1. paragr. hujus, articuli. Quia fieri potuit, ut Deus daretur in toto nunc aternitatis sine illis; & cum fundamento potest sine illis concipi: unde in tract. de voluntate Dei explicando ipsius libertatem dicimus, quod in nunc aternitatis debemus concipere duo instantia virtualiter distincta, in quorum primo Deus nulla formet decreta, & in secundo formet decreta de futuris. In illo igitur priori signo, in quo non sunt, nec cognoscuntur futura, procedit verbum; & in posteriori signo sunt & cognoscuntur futura; proindeque verbum non procedit ex cognitione futurorum; utpote cum supponant ipsius processionem jam completam.

Propterea sicut abstrahendo ab omnibus creaturis futuris, & eas excludendo, Deus nihilominus foret, & conciperetur idem omnino, sicut modò, ut explicamus fusè loco citato de libertate Dei, ubi propterea dicimus, quod actus liber ipsius nihil prorsus superaddit ad actum ejus necessarium; ita similiter dicendum est de verbo divino. Unde D. Anselmus in monologio cap. 30. sic habet. *Sive Deus cogitetur nulla alià existente essentia, sive aliis existentibus, necesse est verbum illius coaeternum illi, esse cum ipso.* & cap. 31. *si nihil unquam aliud esset, nisi summus ille spiritus, ratio tamen cogit, verbum illud quo se dicit, ex necessitate esse.* Sed hæc omnia elucidabuntur ex solutionibus objectionum.

Prob. 2. de processione Spiritus sancti ex D. Thoma 1. parte qu. 37. artic. 2. ad 3. ubi sic habet. *Pater non solum filium, sed etiam se & nos diligit spiritu sancto. Quia diligere, prout notionaliter sumitur, non solum importat productionem divinae Personæ, sed etiam personam productam per*

modum amoris, qui habet habitudinem ad rem dilectam. Unde sicut Pater dicit se, & omnem creaturam verbo quod genuit, inquantum verbum genitum sufficienter repraesentat Patrem, & omnem creaturam: ita diligit se & omnem creaturam Spiritu sancto, inquantum Spiritus Sanctus procedit ut amor bonitatis prima, secundum quam Pater amat se & omnem creaturam. Et sic patet quod respectus importatur ad creaturam, & in verbo, & in amore procedente, quasi secundario; inquantum scilicet veritas, & bonitas divina est principium intelligendi, & amandi omnem creaturam.

Ratio etiam similis est. Quia Spiritus sanctus procedit ex amore perfectissimo: amor autem non esset perfectissimus, nisi per ipsum diligerentur essentia, attributa, Personae, & omnia possibilia necessario, omnia vero futura liberè. Ergo ex horum omnium amore procedit Spiritus sanctus, eodem proportionali modo: quo verbum procedit ex eorum cognitione.

§. VI.

Objectionum solutiones, quarum aliqua sunt notatu dignae.

Ob. 1. verbum non procedit per se necessario, nisi ex cognitione objecti primarij, & specificativi, non autem secundarij. Sed sola essentia est objectum primarium cognitionis divinae: cetera omnia pertinent ad objectum secundarium. Ergo non procedit nisi ex cognitione essentiae.

Resp. 1. retorquendo argumentum. Nam omnes tam Scotistae quam alij Doctores fatentur, quod verbum procedit ex cognitione attributorum; & tota difficultas inter Scotistas antiquiores, & recentiores est, utrum procedat etiam ex cognitione Personarum, ut videri potest apud Mistrum loco citato. Et tamen attributa non pertinent ad objectum primarium cognitionis divinae, sed tantum ad secundarium. Ergo falsum est quod verbum procedat ex cognitione solus

objecti primarii. Quodd si aliqui Scotistæ respondeant attributa divina pertinere ad objectum primarium; etiam & nos dicemus divinas Personas ad idem primarium objectum pertinere: non enim videtur potior ratio de attributis, quàm de Personis.

Resp. 2. concedendo majorem, & negando minorem: quia ut ostendimus initio tract. De scientia Dei, objectum primarium, & quasi specificativum cognitionis divinæ importat omnia omnino quæ sunt in Deo, scilicet essentiam, omnia attributa, omnesque Personas. Quantum verò ad creaturas sive possibiles, sive futuras, fatemur eas non pertinere nisi ad objectum secundarium; & de ipsis quid dicendum sit explicabimus in sequent. responsionibus.

Resp. 3. distinguendo majorem. Verbum non procedit nisi ex cognitione objecti primarii, principaliter, conc. consequenter, ne. Et gratis concessa minori, debet similiter distingui consequentia. Quamvis enim dicere possimus, quodd principaliter procedit ex cognitione divinæ essentiae, quatenus ipsa est virtualiter radix aliorum omnium, & Pater ut producens verbum importat principaliter essentiam: attamen ex hoc quodd procedit ex cognitione essentiae, consequenter etiam procedit ex cognitione attributorum, Personarum, & creaturarum possibilem; sine quibus essentia concipi nequit. Solutio est D. Thomæ loco supra citato ex qu. de ipso verbo art. 4. ubi ait. *verbum exprimit ipsum Patrem principaliter; & consequenter omnia alia, quæ cognoscit Pater cognoscendo seipsum.*

Replicabis, si verbum procedit principaliter ex cognitione essentiae, & consequenter ex cognitione aliorum, quatenus ipsa est virtualiter prior ipsis, & ipsa consequuntur eam ut virtualiter posteriora, sequitur quodd revera verbum non procedit ex cognitione attributorum, Personarum, & creaturarum possibilem: quia supponunt processionem verbi jam completam in illo instanti, vel signo virtualiter priori, in quo verbum ex cognitione essentiae principaliter procedit.

Resp. negando suppositum. Etenim supponitur a

Quod fuerit aliquod instans, vel signum, in quo Prius virtualiter processerit Verbum divinum ex cognitione essentiae, quam ex cognitione attributorum, Personarum, & creaturarum possibilitium, quod tamen est falsum; cum, ut ostendimus in §. praeced. in omni signo in quo processit verbum ex cognitione essentiae, processerit etiam simul ac semel ex cognitione omnium praedictorum. Unde diximus nullam inter haec omnia esse prioritatem, vel posterioritatem in quo, sed tantum a quo. Distinctio autem virtualis facere nequit, quod ex his quae realiter identificantur, unum existat, & non existat aliud: Imò hoc non posset facere distinctio formalis si daretur, non solum in Deo, sed nequidem in creaturis, ut fatentur omnes tam Scotistae quam Thomistae, ut explicuimus satis superque agendo de utraque distinctione, tum in hoc tract. qu. 3. de relationibus divinis, tum in tract. de attributis in quaest. de simplicitate Dei. Unde licet essentia divina virtualiter distinguatur a Personis, imò etiam si distinguerentur formaliter ex natura rei, non tamen potest essentia existere, quin simul ac semel coexistant Personae; & similiter in homine sive animal & rationale distinguantur formaliter, sive tantum virtualiter, certum est secundum omnes non posse existere rationale sine animali, aut e contra. Idemque dicendum est de his quae licet realiter non identificentur, essentialiter tamen connectuntur; ut patet in relativis, quae sunt simul definitione, & natura, unde unum existere nequit, quin alterum ipsi coexistat, & ad ipsum referatur. Et eadem est ratio de omnipotentia, & omnibus creaturis possibilitibus propter necessariam earum connexionem jam explicatam; & adhuc magis in sequ. solutionibus explicandam. Ita distinctio virtualis facere nequit, quod verbum procedat ex cognitione essentiae, & non procedat etiam simul ac semel ex cognitione attributorum, Personarum, & creaturarum possibilitium.

Ob. 2. Verbum non procedit necessario & per se nisi ex cognitione illius objecti quod per se representat. Sed non representat necessario & per se nisi essentiam, & attributa, itaut non representet Patrem ratione

paternit
essentia
nequide
bus, &
similitu
tio, ut
de verbo
sentat n
Patris,
non aut
paternit
procedi
Resp.
bum en
imago
esse inte
intentio
etiam P
ex hora
fit nisi
drendi
etiam r
tione in
essentia
Obi
cendum
ut fate
cedit n
eterni
Resp.
ex cog
centis,
est pri
princip
explic
cipio p
etiam
sunt o
quam p
dere co
Obi

paternitatis. Ergo non procedit nisi ex cognitione essentiae, & attributorum, non autem Personarum, nequidem ipsius Patris. Major admittitur ab omnibus, & ratio est, quia verbum procedit ut formalis similitudo objecti, proindeque ut ipsius representatio, ut explicuimus in tract. de visione Dei agendo de verbo beatorum. Mi. probatur. Verbum non representat nisi id cuius est imago. Sed non est imago nisi Patris, & adhuc ratione essentiae, & attributorum, non autem paternitatis; cum non sit simile Patri in paternitate, sed in essentia, & attributis. Ergo non procedit nisi ex cognitione essentiae, & attributorum.

Resp. ne. Mi. ad cuius probationem ne. ma. Verbum enim non representat solummodo id cuius est imago; sed etiam illud omne cuius est similitudo in esse intelligibi: est autem similitudo intelligibilis sive intentionalis nedum essentiae, & attributorum, sed etiam Personarum, & creaturarum possibilem; unde ex horum omnium cognitione procedit; quamvis non sit nisi imago Patris, quae omnia magis constabunt ex dicendis in hoc, & sequ. §. ubi ostendemus, quod etiam respectu Patris verbum representat ipsum in ratione imaginis; quamvis non sit ei simile nisi ratione essentiae, & attributorum.

Obiic. 3. Essentia divina non est fecunda ad producendum verbum, sive filium, nisi prout est in Patre, ut fatentur omnes Theologi. Ergo verbum non procedit nisi ex cognitione solius essentiae, & ipsius Patris aeterni.

Resp. conc. antec. dist. consequ. non procedit nisi ex cognitione essentiae, & Patris, ut principij productis, conc. ut objecti cogniti, ne. Solus enim Pater est principium quod, & essentia sive natura divina principium quo, respectu generationis verbi, sicut explicuimus in qu. 2. huius tractatus agendo de principio processionum. Sed nedum Pater, & essentia, sed etiam attributa, aliaeque personae, & omnia possible sunt objectum cognitum per illam cognitionem, per quam procedit verbum, in omni signo in quo procedere concipitur.

Obiic. 4. Si verbum procederet ex cognitione sui-

ipſius, vel illa cognitio eſſet abſtractiva, vel intuitiva. Neutrum dici poteſt. Non quidem quòd ſit abſtractiva, quia talis cognitio, ut Philoſophi docent, eſt im̃ perfect̃a. Sed neque etiam intuitiva. Quia cognitio intuitiva fertur ad rem ut exiſtente[m]. Sed verbum in illo priori ſigno, in quo divina cognitio terminatur ad eſſentiam, non eſt exiſtens, cum non ſupponatur adhuc productum. Ergo non cognoscitur intuitivè.

Reſp. quòd in illo, & in quocunque alio ſigno, in quo cum fundamento concipi poteſt verbum ex eſſentia divina cognitione procedens, debet quoque concipi exiſtens, ſicut & productum: quia ejus productio ſemper eſt in fieri, & ſemper in facto eſſe, quantum ad illud om̃e, quod fieri & factum eſſe dicunt perfectionis, ſeclufa om̃i prorsus imperfectione, ſicut explicuimus ſupra ex D. Thoma ad illum Scripturae ſacrae locum: *Ego hodie genui te*. Quod enim jam factum eſt, completum eſt; quod autem ſit, actualiter ſubſiſtit: unde generatio verbi dicitur facta de praeterito, & ſimil designatur tempus de praesenti, ut designetur ſemper ſubſiſtens, & ſemper completa; ſicut aëris illuminatio à ſole ſemper fit, & ſemper eſt perfecta.

Igitur in his & omnibus ſimilibus objectionibus negari debet ſuppoſitum. Etenim ſupponitur quòd verbu[m] non ſit exiſtens in illo priori ſigno, in quo datur cognitio divinae eſſentiae: quod falſum eſt, quia in nullo ſigno dari, vel concipi poteſt eſſentiae cognitio, in quo non ſit productiva verbi, & ipſum verbum non ſit productum, & completum, proindeque exiſtens. Sic verbum procedit ex cognitione intuitiva ſuiipſius ut exiſtentis: quatenus Pater cognoscens divinam eſſentiam, producit verbum ſuum, ipſumque reddit exiſtens in eodem ſigno: unde ut ſapè diximus, & nunquam ſatis dici poteſt ad intelligentiam praesentis difficultatis, nulla eſt ibi prioritas in quo, ſed tantum à quo.

Obiic. 5. Verbum eſt principium Spiritus ſancti. Ergo non procedit ex ipſius cognitione. Quomodo enim principium procedere poſſet ex cognitione ſui termini.

Reſp.
ſtanti
verbum
Nullum
exiſtat
cognitio
Patrem
tum ſan
in quo
per ipſi
iſo à Pa
cipiti no
ſu ſubſe
bum jan
mini ſub
ſemper
Obiic
in fine co
dicit ſe
queni d
per ſe
queni
ram: a
dicatur
iſi nec
ex cogn
tur enim
do.
Reſp. q
mò ut id
ſonat qu
contra p
modo ut
idem ſig
Thoma
turas,
bum no
earum,
niſi poten
riam cor
plicuim

Resp. ne. consequentiam. Cum enim in eodem instanti, & signo, & rei, & rationis, in quo procedit verbum, simul ac semel producat Spiritum sanctum. Nullum est signum in quo sit filius, in quo etiam non existat Spiritus sanctus; atque ita verbum procedit ex cognitione intuitiva Spiritus sancti. Sicut enim inter Patrem, & filium, sic etiam inter verbum, & Spiritum sanctum datur quidem prioritas à quo, sed non in quo: unde Spiritus sanctus ita est à filio, ut semper ipsi in omni prorsus signo coexistat, & simul cum ipso à Patre generante cognoscatur. Quamvis autem principium non possit procedere ex cognitione termini seipsū subsequētis, sicut creature futuræ subsequuntur verbum jam productum: bene tamen ex cognitione termini sibi ipsi semper coexistentis, sicut Spiritus sanctus semper coexistit filio, ut terminus suo principio.

Obiic. 6. D. Thomas quaest. 4. de veritate artic. 5. in fine corporis sic habet: *Quia Pater principaliter dicit se, generando verbum suum, & ex consequenti dicit creaturas: ideo principaliter, & quasi per se verbum refertur ad Patrem; sed ex consequenti, & quasi per accidens refertur ad creaturam: accidit enim verbo, ut per ipsum creatura dicatur.* Sed quod est accidentale rei non convenit ipsi necessario. Ergo verbum non procedit necessario ex cognitione creaturarum etiam possibilem; loquitur enim D. Thomas de creatura generaliter loquendo.

Resp. quod sicut ly, *per se*, potest sumi dupliciter, primo ut idem significat quod ratione sui; secundo ut idem sonat quod essentialiter: ita ly, *per accidens*, quod ei contraponitur, sumi quoque potest dupliciter: primo modo ut idem est quod, per aliud: secundo modo ut idem significat quod accidentaliter. Quando igitur D. Thomas dixit, verbum referri per accidens ad creaturas, priori modo debet intelligi; quia scilicet verbum non repræsentat creaturas principaliter & ratione earum, sed solummodo consequenter, & ratione omnipotentiae: quia tamen creaturæ possibilem necessariam connexionem habent cum omnipotentia, ut explicuimus in §. præced. ideo verbum eas repræsentat

consequenter quidem ad omnipotentiam, sed tamen necessarium.

Dices. D. Thomas rationem assignans, cur verbum non per se, sed per accidens ad creaturas referatur, hæc verba subiungit: *accidit enim verbo, ut per ipsum creatura dicatur*. Ergo censet, quod accidentaliter, & contingenter verbo convenit, quod representet creaturas.

Resp. negando consequentiam. Nam sicut ly, per accidens, duplicem prædictam patitur acceptionem, ita etiam verbum, *accidit*. Unde idem fuit dicere, quod verbo accidit: ac dicere, quod ei non competit principaliter, & ratione ipsarum creaturarum possibilem; sed consequenter tantum, & ratione omnipotentiae. Et quod hæc sit vera mens Doctoris angelici patet, ex hoc quod ibidem subdit in resp. ad 4. *Dicendum, quod ex illa parte, qua hoc nomen, verbum, dicit aliquid absolutum, habet habitudinem causalitatis ad creaturam*. Scilicet quatenus importat omnipotentiam. Et 1. p. qu. 34. art. 3. ad 1. ait: *sicut proprium est filio, quod sit filius; ita proprium est ei quod sit genitus Deus, vel genitus creator: & per hunc modum importatur relatio ad creaturam in nomine verbi*: sicut ergo necessario convenit verbo, quod sit omnipotens, sive capax creandi quicquid est creabile, & possibile; ita ipsi necessario convenit, quod ad omnia possible habitudinem dicat, & ex eorum omnium cognitione procedat.

Replicabis. Si hæc interpretatio foret legitima, possemus similiter dicere, quod verbum non representat Patrem per se ac principaliter, sed quasi per accidens, & consequenter. Sed hoc est falsum, & contra prædictam autoritatem. Ergo & illud. Prob. sequela maioris, sicut verbum divinum non representat creaturas possibilem nisi ratione omnipotentiae, ita nec Personas divinas nisi ratione essentiae, ut explicuimus in tract. de visione Dei, dum ostendimus, quod essentia divina videri non potest sine Personis, nec una Persona sine altera. Ergo.

Resp. negando sequelam maioris. Discrimen enim est

est ma
suo
qua re
tu imp
Patre
præse
ri rati
sibiles
omnip
nipote
dicunt
cicens
Urg
liter id
creatu
sive ra
posse
rius di
Resp
pius
realite
verbo
possib
potest
distinc
sit ali
liter ut
ac si di
tur rat
stingui
aliud,
præse
idem est
Obi
necessa
eetur
Aulem
Resp
tanqua
sed qui
cogniti

est maximum: nam Pater æternus representatur à suo divino verbo ratione divinæ suæ essentia, cum qua realiter identificatur, & in cuius formali conceptu importatur: unde essentia non potest dici aliud à Patre, sed omnino unum, & idem: & sic Pater representatus ratione essentia, non dicitur representari ratione alterius, sed ratione sui. Sed creaturæ possibiles realiter possibiliter distinguuntur ab essentia, & omnipotentia divina: unde sunt realiter aliud ab omnipotentia: & sic dum representantur à verbo, non dicuntur per se ac ratione sui representari; sed per accidens, & ratione alterius realiter distincti.

Urgebis. Essentia, & Paternitas sunt quidem realiter idem, sed virtualiter distinguuntur. Ergo sicut creaturæ dicuntur à verbo representata per accidens sive ratione alterius distincti realiter; ita Pater dici possit representatus per accidens, sive ratione alterius distincti virtualiter.

Resp. negando consequ. quia ut diximus sæpe sæpius, distinctio quidem realis facit, ut unum non sit realiter aliud; & ita quando aliquid representatur à verbo ratione alterius realiter distincti, sicut omnia possibilia representantur ratione divinæ essentia, dici potest representari consequenter & per accidens: sed distinctio virtualis non facit quod unum realiter non sit aliud, sed potius e contra supponit quod sint realiter unum & idem; sed tamen virtutem talem habeant, ac si distinguerentur: unde quando unum representatur ratione alterius, quod solummodo virtualiter distinguitur; non dicitur propterea representari per aliud, & per accidens; sed semper manet, quod representatur per se ac ratione sui, sive per id quod idem est cum seipso.

Obiic. 6. Si verbum divinum procederet per se, ac necessario ex cognitione creaturarum possibilem, diceretur verbum creaturarum: quod dici posse negat D. Anselmus in monologio.

Resp. verbum divinum esse verbum creaturarum non tanquam ab eis procedat ut à principio producente: sed quia ex earum cognitione procedit, ut ab objecto cognitionem ejus productivam terminante. Unde D.

Thomas loco jam citato de veritate ad 2. respondens ad hanc D. Anselmi auctoritatem, ait: *Possum dicere, quod est verbum creature, idest de creatura, non a creatura, in quo sensu Anselmus negat.*

Instabis. verbum nedum dici posset verbum creaturarum, sed etiam earum imago. Sed hoc est falsum secundum omnes: verbum enim non est nisi imago Patris, ut patebit ex sequenti §. Ergo. Prob. sequela, Quia verbum, ut Philosophi docent, dicitur spiritualis imago eorum omnium objectorum quæ representat: igitur si possibilia representaret, tanquam verbum ex eorum cognitione procedens, foret etiam ipsorum imago.

Resp. negando consequentiam. Etenim ad rationem imaginis, non sufficit quod unum sit alteri simile, ipsumque representet: sed requiritur insuper quod ex ipso procedat: unde cum verbum divinum non procedat ex creaturis possibilibus, quamvis procedat ex cognitione ipsarum: ideo quamvis earum similitudinem in se includat, easque representet, non propterea est earum imago.

Dices. Quamvis verbum, quo unus Angelus cognoscit alterum, non procedat ab illo altero Angelo, sed ex specie infusa ab ipso Deo in instanti creationis Angelorum, ut videbimus in tract. de Angelis; non propterea desinit verbum illud dici spiritualis imago illius alterius Angeli eoquod ipsum representat; ut dicemus ibidem. Ergo similiter, quamvis verbum divinum non procedat ex creaturis possibilibus, si tamen eas representet, dici debet earum imago.

Resp. nc. conseq. & paritatem. Quia in divinis quidem imago debet procedere à suo prototypo, ut dicemus in seq. paragr. Sed in creaturis sufficit, quod imago specificetur ab objecto, cuius dicitur imago, ut dicemus in eodem tract. de Angelis. Unde quia species infusa cuilibet Angelo in instanti creationis, representat alterum Angelum, ut objectum suum specificativum, est imago ipsius: sed quia verbum divinum nec procedit, nec specificatur, aut quasi specificatur à creaturis possibilibus, sed ad ipsas habitudinem dicit ut ad objectum pure, ac præcisè materiales,

& secundarium, sicut ipsa cognitio, per quam procedit, ut diximus initio tract. de scientia Dei, sequitur quod non est earum imago,

Obiic. 7. Ratio fundamentalis, propter quam dicimus verbum divinum necessario procedere ex cognitione creaturarum possibilem, est illa necessaria connexio, quam asserimus esse inter ipsas, & omnipotentiam. Sed hoc fundamentum est falsum. Ergo. Prob. Mi. Si divina omnipotentia foret necessario connexa cum creaturis possibilebus, sequeretur, quod implicantibus creaturis, imò etiam implicante vel minimâ muscâ, implicaret Deus: quia ex duobus necessario connexis si unum tollatur, necesse est ut tollatur etiam & aliud. Sed consequens est absurdum. Ergo & antecedens.

Resp. quod hæc obiectio tangit difficultatem, quam explicuimus in tract. de visione Dei quæst. 4. artic. 2. §. 3. ubi etiam diximus, quomodo intelligi Debeat illud commune axioma, *implicante muscâ implicaret Deus*. Nunc uno verbo dicimus, quod si implicancia proveniret ex parte creaturæ, quatenus in se contradictionem involueret, tunc nedum implicante muscâ, sed nequidem implicantibus omnibus creaturis, non implicaret Deus; sed foret ita perfectus sicut modò est, quia nullam prorsus perfectionem ex creaturis recipit, sed omnem quam habent, ipsis communicat: sicut quamvis omnes chimæræ implicent, nec possit Deus eas producere, non propterea est minus omnipotens; quia hoc non provenit ex ullo defectu Dei, sed ex solo defectu chimærarum, quæ in seipsis contradictionem involuunt, propter quam sunt impossibiles. Si autem implicancia proveniret ex parte Dei, ita ut quamvis creaturæ nullam contradictionem involuerent, proindeque quantum est ex seipsis possibile forent, nihilominus Deus eas non posset producere, quia non haberet virtutem ad hoc sufficientem; tunc implicante muscâ, vel aliâ quacunque minimâ creaturâ implicaret Deus: quia Deus esse non potest, si non sit omnipotens: non foret autem omnipotens, si omnia non posset; nec posset omnia,

Et si

si aliquid vel minimum possibile foret, quod producere non posset.

Igitur verbum procedit necessarium ex cognitione omnium possibilem; nec aliquid est possibile cum quo connexionem necessariam non habeat, non quidem dependentiam, sed eminentiam, ut jam explicuimus: Quia ratione suae perfectionis omnimodè infinita, virtutem habet similiter modis omnibus infinitam, proindeque capacem representandi omnia possible; sicut Deus virtutem habet ea omnia per idem verbum divinum producendi.

Instabis. In eodem tract. de visione Dei loco jam citato diximus, quod ex visione omnipotentiae Dei non sequitur ex necessitate visio creaturarum omnium possibilem distinctè, ac in particulari, sed ad summum confusè, & in communi. Ergo similiter, non poterit inferri, quod verbum procedat ex cognitione omnium possibilem nisi in confuso, & in communi.

Resp. quod ibi sermo erat de cognitione quidditativa, hic autem sermo est de comprehensiva: verum quidem est, quod divina omnipotentia videtur quidditative à beatis, & tamen non videntur ab ipsis omnia possible, distinctè, & in particulari, sed confusè tantum, & in communi, ut ibidem explicuimus. Sed non potest videri omnipotentia comprehensive, quin omnia possible videantur, ut ita dicam, distinctissime, & particularissime. Quia comprehensio est cognitio rei quantum cognoscibilis est: unde cum omnipotentia Dei in se præcontineat omnia possible modo perfectissimo, proindeque non in confuso, & in communi, sed maxime distinctè, & in particulari ut ab ipsa producibilia; sequitur quod cum Verbum divinum procedat ex cognitione perfectissima, & divinae omnipotentiae comprehensiva, procedit ex cognitione omnium possibilem maxime distinctè, & in particulari.

Obiic. 8. Quamvis futura non sint necessaria necessitate absoluta, bene tamen hypothetica; nam ex hypothese siue suppositione, quod Deus formaverit decreta de ipsorum futuritione, necessario sunt futura. Ergo verbum necessario procedit ex cognitione futurae.

tum, non quidem absolute, sed ex prædicta suppositione. prob. consequ. verbum procedit ex cognitione perfectissima, ut diximus probando nostram conclusionem. Sed cognitio Dei non foret perfectissima, si facta suppositione prædicta non cognoscerentur per eam omnia futura. Hoc enim non proveniret ex defectu futurorum, quæ de se forent cognoscibilia, sed ex defectu cognitionis Dei, quæ non haberet virtutem capacem ea omnia penetrandi. Ergo verbum procedit ex cognitione huiusmodi futurorum.

Confirm. Quamvis cognitio comprehensiva non exigit penetrare decreta libera sed tantum necessaria, ut patet in Angelis, quorum superiores comprehendunt inferiores, etiam si liberas eorum cogitationes non penetrant, ut videbimus in tract. de Angelis: bene tamen cognitio modis omnibus perfectissima. Et certe Deus valde imperfectè seipsum cognosceret, si decreta sua ignoraret; cum homo ipse cognoscat id quod liberè decrevit facere, Cum igitur quidquid est in cognitione, sive scientia Dei, totum hoc sit in verbo, ut diximus ex D. Augustino, & D. Thoma. Sequitur quod verbum procedit ex cognitione omnium decretorum, proindeque etiam omnium futurorum.

Resp. distin. antec. futura sunt necessaria ex suppositione decretorum, in illo priori signo, in quo verbum processit, ne. in posteriori signo, conc. & nego consequentiam. Cum enim ut ostendimus probando conclusionem, verbum cum fundamento concipiatur perfectè, & completè productum, priusquam Deus formaret decreta de futuris, proindeque ante omnem & decretorum & futurorum suppositionem, constat quod verbum non potuit ex illa suppositione procedere.

Ad confirmationem dico, quod Verbum divinum repræsentat, quidquid Deus cognoscit: atque ita quidquid est in scientia Dei, totum hoc est etiam in repræsentatione verbi: unde etiam repræsentat decreta libera, omniaque futura: sed nego quod propterea procedat ex cognitione sive huiusmodi decretorum, sive futurorum; quia supponitur quod jam com-

pleta fuit ejus processio, priusquam formarentur hæc decreta de rebus futuris. Sicut ergo Deus concipitur in priori signo existens antequam formet decreta de rebus futuris, & pro tunc neque decreta illa cognoscit, neque res futuras; & in posteriori signo concipitur ut formans decreta illa de rebus futuris, & tunc cognoscit hæc omnia, non per aliquam mutationem scientiæ suæ, sed per solam mutationem ex parte creaturarum se tenentem, ut explicabimus in tract. de voluntate Dei, agendo de ipsius libertate: ita Verbum divinum supponitur procedens & existens antecedenter ad decreta libera, & ad omnia futura, & in illo priori signo ea non repræsentat; sed tantum in signo posteriori. Et sic pro omni signo quo aliquid est in scientia Dei, est etiam in repræsentatione verbi.

Si dicas, quod verbum procedit ex cognitione eorum omnium quæ repræsentat; unde si repræsentet decreta & futura, debet ex eorum cognitione procedere. Respondeo hoc esse verum, si dum verbum repræsentat, non supponitur jam existens, falsum autem, si jam existens supponatur: dum autem, ut ita dicam, quasi incipit repræsentare decreta libera, & omnia futura, supponitur jam existens, unde non est mirum, si ex eorum cognitione non procedit. Dixi, quasi incipit, quia Verbum divinum ab æterno repræsentavit omnia decreta, & omnia quæ erant futura; itaut nullum unquam fuerit instans formaliter, in quo hæc omnia non repræsentaverit: sed tamen in nunc æternitatis distinguimus duplex instans virtualiter, in quorum primo concipitur non repræsentare hæc decreta, & futura, quia non sunt pro tunc repræsentabilia, cum decreta nondum sint formata, nec futura sint adhuc determinatè futura: in secundo autem concipitur quasi incipiens hæc repræsentare.

Exemplum habemus ex dictis initio tractatus, exponendo illud axioma D. Thomæ: omnis intelligens hoc ipso quod intelligit, producit intra se terminum intellectionis suæ, qui dicitur verbum: nam inter alias exceptiones, una est, quod non supponatur verbum per eandem intellectionem jam productum: unde quævis filius, & Spiritus sanctus sint perfectissime

intelligens
supponatur
intelligens
in pro
nitione
produ
ponatur
ta libe
licet ea
proced
lius, &
tre pro
quo:
nunt v
etiam
Obi
stimon
34. a.
& Fil
qua ei
ut sic
creatu
dicit
Ergo e
generat
Resp
storis a
ris poss
Sed u
videtur
loquitur
nullam
ritates
tendem
nibus il
in scien
possibil
nibus le
assignat
vincit. v
ter cogn

intelligentes, nullum tamen verbum produciunt, quia supponunt ipsum jam à Patre productum per eandem intellectionem, qua ipsimet intelligunt. Ita dicimus in proposito, quod verbum diuinum procedit ex cognitione eorum quæ repræsentat, nisi supponatur jam productum antequam ea repræsentet: unde cum supponatur jam productum antequam repræsentet decreta libera, & ea omnia quæ sunt futura, sequitur quod licet ea repræsentet, ex eorum tamen cognitione non procedit. In hoc nihilominus est discrimen, quod filius, & Spiritus sanctus supponunt uerbum jam à Patre productum, non prioritate in quo, sed tantum à quo: decreta autem libera, & creaturæ futuræ supponunt verbum præexistens, nedum prioritate à quo, sed etiam in quo, ut jam satis explicauimus.

Obiicies 9. & rerorquebis contra nos illa eadem testimonia, quæ retulimus ex D. Thoma. Nam 1. p. qu. 34. a. 1. ad 3. expressè dicit: *Pater intelligendo se, & Filium, & Spiritum sanctum, & omnia alia, quæ eius scientia continentur, concipit uerbum; ut sic tota Trinitas uerbo dicatur, & etiam omnis creatura.* Et qu. 37. a. 2. ad 3. similiter ait: *Pater dicit se & omnem creaturam uerbo quod genuit.* Ergo ex omnium cognitione uerbum concipitur, & generatur, proindeque procedit.

Respondetur communiter, hæc aliaque similia Doctoris angelici testimonia intelligenda esse de creaturis possibilibus, non uero de futuris.

Sed ut sincerè veritatem fatear, hæc solutio non uidetur satisfacere. 1. quia, ut dicebamus in §. præced. loquitur D. Thomas generaliter de omni creatura, nullam excipiendo, aut excludendo? cur ergo auctoritates ejus restringemus ad sola possibilia, & non extendemus etiam ad omnia futura. 2. loquitur de omnibus illis creaturis, quæ in scientia Dei continentur: in scientia autem Dei non continentur solæ creaturæ possibiles, sed etiam omnes futuræ. Ergo de his omnibus loquitur. 3. Quia ratio quam Sanctus Doctor assignat loco supra citato ex qu. 4. de veritate hoc conuincit. vult enim uerbum exprimere omnia quæ Pater cognoscit, ut sit illi in omnibus æquale. Ergo tam

exprimit futura quam possibilia, sicut ea omnia Pater cognoscit.

Quartò, & principaliter probatur. Quia D. Thomas 1. p. qu. 34. artic. 3. sic habet. *Quia Deus uno actu & se & omnia intelligit & unicum verbum eius est expressivum non solum Patris, sed etiam creaturarum: & sicut Dei scientia, Dei quidem est cognoscitiva tantum, creaturarum autem cognoscitiva, & factiva; ita verbum Dei, eius quod in Patre est, est expressivum tantum; creaturarum vero est expressivum, & operativum. Et propter hoc dicitur in psal. 32. Dixit, & facta sunt; quia importatur in Deo ratio factiva eorum, quae Deus facit. Constat, quòd hoc referri non potest ad ea, quae sunt purè possibilia; cum Deus ea non fecerit, nequaquam sit facturus.*

Respondeo igitur, quòd D. Thomas ibi loquitur de omnibus omnino creaturis, nedum possibilibus, sed etiam futuris, & existentibus in quacunque differentia temporis. Sed notandum est, quòd nunquam Doctor Angelicus dixit, verbum procedere ex earum cognitione, sed solummodo quòd Deus omnes creaturas dicit, dum suum verbum producit. Verbum enim considerari potest dupliciter in divinis: vel quoad id quod est notionale, & sic dicere idem est ac producere personam verbi: vel quoad id quod est essentialiale, & sic dicere idem est ac dare verbo, ut representet objectum, ut explicabimus magis in qu. sequenti, agendo de his quae sunt essentialia vel notionalia respectu verbi: Deus igitur producendo verbum dicit se, & omnia; non quòd per omnium cognitionem personam verbi producat; sed quòd facit ut verbum à se productum omnia representet.

Quòd autem haec sit vera mens D. Thomae pater. Nam loco citato ex 1. p. qu. 37. a. 2. ad 3. postquam dixit: *Pater dicit se, & omnem creaturam verbo quod genui*: sic immediatè subdit: *in quantum verbum genitum sufficienter representat Patrem, & omnem creaturam.* Et in altero loco citato ex qu. 4. de veritate artic. 4. ad 1. ait: *cum dicitur Pater dicit se, in hac dictione includitur etiam*

omnis creatura; inquantum scilicet Pater scienti
 sua continet omnem creaturam velut exemplar
 creatura totius, inquantum igitur Doctor Angelicus
 asserit Patrem dicere omnem creaturam concipiendo
 verbum, inquantum dat verbo, ut omnia repræsentet.
 Unde P. Nicolai 1. p. q. 34. a. 3. ubi D. Thomas as-
 serit verbum esse creaturarum expressivum, sicut jam
 retulimus, in nota marginali inter alia dicit, quod
 verbum est expressivum creaturarum: *possibile*
quidem, ut earum ex quarum notitia procedit &c.
existentiam autem, ut earum potius, quæ ab illo
velut ab exemplari suo derivantur.

§. VIII.

*Doctores Latini non attribuunt rationem verbi
 nisi soli filio: Doctores autem Græci attribuunt
 eam ipsi etiam Spiritui sancto.*

1. D. Thomas qu. 4. de veritate a. 3. inter alia sic
 habet. Dicendum, quod usus hujus nominis, *Verbi*,
 aliter est apud nos, & sanctos nostros, & aliter apud
 antiquos Doctores Græcorum: illi enim usi sunt no-
 mine verbi pro omni eo, quod in divinis procedit:
 unde indifferenter Spiritum sanctum, & filium appel-
 lant verbum. Sed nos & sancti nostri in usu hujus no-
 minis amulamur consuetudinem canonice scripturæ,
 quæ nunquam verbum ponit nisi pro filio.

2. Ratio etiam evidens est: quia verbum est termi-
 nus per intellectionem productus, ut docent omnes
 Philosophi, & explicuimus ex eodem angelico Do-
 ctore qu. 1. hujus tract. exponendo rationes promy-
 sterio SS. Trinitatis. Cum igitur filius per cognitionem
 producat, & Spiritus sanctus per amorem, ut patet
 ex dictis qu. 2. de processionibus divinis, sequitur,
 quod filius est verbum, non autem Spiritus sanctus.

3. Altera ratio sumitur ex eodem S. Doctore in artic.
 3. ejusdem quæst. 4. de veritate; ubi tradit regulam
 generalem ad exponendas auctoritates Patrum Græ-
 corum. Verbum manifestationem importat: manife-
 statio autem per se non invenitur nisi in intellectu.

enim aliquid quod est extra intellectum, manifestare dicatur, hoc non est nisi secundum quod ex ipso aliquid in intellectu relinquitur, quod postea est principium manifestativum in eo proximum: ergo manifestans est in intellectu, sed remotum potest esse extraneum: & ideo nomen verbi propriè dicitur de eo, quod procedit ab intellectu, sicut procedit filius; quod verò ab intellectu non procedit, sicut non procedit Spiritus sanctus, non potest dici verbum, nisi metaphoricè, inquantum est aliquo modo manifestans, & ut talis procedit, licet processio ejus sit per voluntatem.

4. Idem sanctus Doctor ibidem dicit ita intelligendum D. Basilium, dum ferm. 3. de Spiritu sancto ita loquitur; *Sicut filius se habet ad Patrem, eodem modo Spiritus sanctus se habet ad filium: & propter hoc dicitur quidem verbum Patris filius: verbum autem filii Spiritus sanctus.* Scilicet filius dicitur verbum Patris in sensu proprio: & Spiritus sanctus verbum filii in sensu metaphorico.

5. Ad aliud argumentum D. Basilii, qui hæc verba Apostoli ad Hebr. 1. de filio, *portansque omnia verbo virtutis sua*, sic exponit, ut filius virtute sua producat verbum nempe Spiritum sanctum, quo mediante portet omnia, Respondet D. Thomas, hoc intelligendum esse vel juxta regulam, & distinctionem jam datam, quod Spiritus sanctus est verbum filii, non propriè, sed metaphoricè. Vel quod secundum gloriam verbum ibi sumitur pro imperio filii, ut sensus sit ipsum portare omnia imperio virtutis suae: imperium enim metaphoricè dicitur verbum, inquit D. Thomas, *quia verbo consuevimus imperare.* Communiter autem sumitur autoritas Apostoli non in sensu transitivo, sed intransitivo, idest non transeundo à Spiritu sancto ad filium, quasi sit ejus verbum, sed remanendo in filio, & ulterius non transeundo, itaut sensus sit, quod filius portat omnia verbo, idest seipso, ratione virtutis suae.

§. VIII.

Doctores Latini attribuunt rationem imaginis soli filio: Doctores autem Græci attribuunt eam ipsi quoque Spiritui sancto. Nova huius difficultatis resolutio.

Adv. 1. Quod imago dicitur quasi imitatio: quia intantum aliquid est imago alterius, inquantum agitur sive fit ad imitationem illius. Unde ut docet D. Thomas 1. p. qu. 35. artic. 1. Ad imaginem requiritur inprimis similitudo: non enim unum imitaretur alterum, sive ad ipsius imitationem produceretur, nisi ipsi assimilaretur. Sed requiritur insuper expressio, sive origo ipsius imaginis ab eo quod est ipsius exemplar. Unde ait D. Augustinus ibidem relatus, quamvis unum ovum sit perfectè alteri simile; non est tamen ipsius imago, quia non est ab illo expressum, sive productum. Propterea imago sic definitur: Id quod procedit, ut alteri simile in specie, vel in signo speciei; id est quod procedendo recipit, vel naturam specificam similem naturæ illius exemplaris, cuius est imago, vel saltem aliqua signa, quæ huiusmodi naturam indicant, & significant.

Adv. 2. Juxta prædictam definitionem, triplex esse genus imaginis. Alia enim est imago naturalis: alia intentionalis: & alia artificialis. Illa naturalis est, quæ ita procedit, ut recipiat naturam specificam similem naturæ sui exemplaris, in ipso etiam esse naturali & entitativo: sic in humanis filius est naturalis imago sui Patris: ab ipso enim recipit naturam specificam entitativè similem, sive naturam humanam. Imago illa intentionalis est, quæ procedit quidem ut similis in natura, sed non in esse entitativo, & naturali, sed in esse intelligibili tantum, & intentionali: sic omnis species impressa, & expressa seu verbum est imago exemplaris à quo procedit, & quod in esse intelligibili, sive intentionali representat, ut species, & verbum v. gr. lapidis, quæ ab ipso licet remotè pro-

cedunt, & recipiuntur in nostra mente, sunt spiritualis imago lapidis: & in hoc sepiù dicitur, quod *intellectus intelligendo fit omnia*, quatenus rerum omnium species recipiendo, in eas omnes transformatur, ut explicuimus in tract. de visione Dei agendo de transformatione beatorum in ipsum Deum. Artificialis imago est illa, quae non recipit substantiam, siue naturam specificam sui prototypi; sed tamen ab artifice recipit quaedam accidentia, quibus huiusmodi natura specifica designatur: sicut statua, vel tabella hominis quamvis non recipiat humanam substantiam, bene tamen figuram hominis, colorem ejus, aliaque similia accidentia, quibus dignoscitur eam esse imaginem hominis. His praenotatis.

Doctores Graecorum, inquit D. Thomas 1. 2. qu. 35. artic. 2. communiter dicunt Spiritum sanctum esse imaginem Patris, & filii: sed Doctores Latini soli filio attribuant rationem imaginis: non enim invenitur in canonica scriptura, nisi de filio: dicitur enim Coloss. 1. Qui est imago Dei invisibilis, primogenitus omnis creaturae. Et ad Hebr. 1. Qui cum sit splendor gloriae, & figura substantiae ejus.

Ratio autem sumitur ex nostro novo modo explicandi discrimen inter processionem verbi, & processionem Spiritus sancti, cur illa sit generatio, & non ista. Diximus enim qu. 2. de processionibus divinis, quod generatio est origo viventis à vivente in similitudinem naturae: ita ut non sufficiat similitudo in natura communi, & generica, sed requiratur similitudo in natura propria, & specifica, secundum omnes Doctores: nullus est enim qui non fateatur, quod licet verres ex hominis corpore formati sint ei similes in natura communi, & generica animalis, non sunt propterea ei filii, nec propriè loquendo ex ipso geniti. Diximus ibidem quod filius debet naturam sui Patris recipere ex vi suae processionis non secundum solam rationem communem, & genericam, sed secundum propriam & specificam: Sicut enim non sufficit similitudo in natura generica, sed requiritur specifica; ita non sufficit quod illa similitudo recipiatur ex ratione generica profectionis, sed requiritur, ut proveniat ex

ratione specifica: non enim est potior ratio de uno quam de alio.

Ex hoc principio inferebamus, processionem verbi divini esse generationem, non autem processionem Spiritus sancti: quia verbum recipit naturam divinam similem, vel potius omnino eandem cum natura Patris, ex vi suae processionis secundum rationem suam propriam, & quasi specificam, prout est processio per intellectum: sed Spiritus sanctus non recipit similem naturam ex vi suae processionis nisi secundum rationem communem, & quasi genericam processionis, prout scilicet est processio divina, ut ibidem magis explicuimus.

Simili prorsus modo Philosophandum est in proposito. Ad rationem enim imaginis non sufficit similitudo in natura generica, sed debet esse in specifica: & ideo in definitione imaginis dicitur, quod debet procedere ut similis in specie: unde vermes ex humano corpore formati sicut non dicuntur filij hominis, ita nec ipsius ivago. Igitur debet quoque imago similitudinem illam in natura specifica recipere in virtute processionis suae non secundum solam rationem communem, & genericam considerata, sed secundum rationem propriam, & specificam. Cum igitur solus filius ex propria & quasi specifica ratione suae processionis recipiat similitudinem in natura sui Patris, quatenus scilicet procedit per primam processionem, & per viam intellectus tanquam verbum, ut loco citato explicuimus: Spiritus autem sancti non recipiat naturam divinam ex vi suae processionis secundum suam rationem propriam, & specificam, quatenus est secunda processio, & per viam voluntatis tanquam amor; sed solummodo secundum rationem communem & quasi genericam, quatenus processio eius est divina: Sequitur quod filius quidem est imago sui Patris, sed Spiritus sanctus non est imago neque Patris, neque filij.

Hanc rationem satis clarè insinuat angelicus Doctor in artic. 2. jam citato, ubi sic loquitur. Dicendum est quod sicut Spiritus sanctus, quamvis sua processione accipiat naturam Patris, sicut & filius, non pa-

men dicitur natus : ita licet accipiat speciem similem Patris , non dicitur imago : quia filius procedit ut verbum , de cuius ratione est similitudo speciei ad id à quo procedit ; non autem de ratione amoris ; quamvis hoc conveniat amoris , qui est Spiritus sanctus , inquantum est amor divinus.

Dices , magnum esse discrimen . Quia in definitione generationis dicitur præcisè , quod est origo viventis à vivente conjuncto in similitudinem naturæ : sed in definitione imaginis dicitur , quod est id quod procedit ut simile in specie , vel in signo speciei : unde ad rationem generationis requiritur , quod communicet naturam similem ; sed ad rationem imaginis alterutrum sufficit , vel quod procedat ut similis in specie , vel saltem in signo speciei . Et cum Spiritus sanctus licet ex propria , & quasi specifica suæ processione non recipiat speciem , sive naturam quasi specificam Patris , & filij ; recipit tamen signum speciei , sive amorem modis omnibus perfectissimum , qui est signum denotans ipsam naturam divinam ; cum omni-
moda infinitas non possit convenire nisi illi soli amoris qui est proprietas inseparabilis ab essentia divina , sive ipse attributum : ideo licet Spiritus sanctus non possit dici genitus , bene tamen imago .

Sed contra r. hæc verba , *vel in signo speciei* , non ponuntur in definitione imaginis , nisi ut complectatur omnem imaginem tam artificialem quam naturalem ; ita ut quod imago procedat similis in ipsa specie , hoc conveniat imagini naturali ; quod verò procedit similis in solo speciei signo , conveniat artificiali , quæ propter suam imperfectionem pertingere nequit usque ad similitudinem in specie : cum ergo in Deo nihil sit artificiale , non potest in ipso esse imago nisi per similitudinem in specie , quæ soli filio convenit .

2. Signa speciei non se habent nisi ut media ad ipsam speciem tanquam ad objectum formale , & specificationem ipsius imaginis ordinata ; non enim artifex dat huiusmodi signa imagini artificiali , nisi ut repræsentet ipsam speciem exemplaris , v. g. non dat statuam , vel tabellæ figuram , vel colorem , aut alia similia accidentia , & signa , nisi ut ex ipsis dignoscatur homo .

Ad hoc ergo ut Spiritus sanctus reciperet amorem ut signum veluti speciei, seu naturæ divinæ, sicut requiritur ad rationem imaginis, deberet proprium, & formale quasi specificatum processionis ejus esse natura divina. Hoc autem fieri nequit: quia, ut diximus loco citato agendo de generatione verbi, processio filij, & processio Spiritus sancti veluti specie differunt; ideoque habere debent diversum quasi specificatum: cum igitur proprium & formale quasi specificatum filij sit similitudo in specie, sive in natura divina, sequitur quodd hoc non potest esse proprium quasi specificatum processionis spiritus sancti. Igitur Spiritus sanctus ex sua propria, & quasi specifica ratione processionis non recipit amorem, ut est signum speciei sive naturæ divinæ; quod tamen necesse foret, ut haberet rationem imaginis medium quasi locum tenentis inter naturalem, & artificialem, sed recipit amorem præcisè ut amor est. Quodd autem recipiat amorem ut divinum, sub qua ratione est signum speciei, vel quasi speciei divinæ, hoc non habet nisi secundum rationem communem, & quasi genericam processionis suæ ut divina est: quod non sufficit ad rationem imaginis, ut satis constat ex dictis.

Ad fundamenta Græcorum dicere possumus sicut in præced. §. sicut enim verbum in divinis strictè, & propriè sumptum procedere debet ut simile in natura ex vi processionis, & sic soli filio convenit: verbum autem latè, & minùs propriè sumptum procedit ut in natura simile, quamvis hoc non habeat ex vi processionis suæ, & in hoc sensu convenit Spiritui sancto. Ita imago propriè, & strictè sumpta dicit similitudinem cum exemplari ex vi processionis, & sic soli filio convenit, latè autem, & minùs propriè sumpta dicit id quod procedit ut exemplari simile quomocunque similitudinem illam habeat; & sic adaptari potest Spiritui sancto. Unde D. Thomas in opusculo I. contra errores Græcorum cap. 10. postquam retulit testimonia SS. Patrum Athanasij, & Basilij, qui dicunt Spiritum sanctum esse imaginem Patris, & Filij: testimonia quoque D. Augustini, & Richardi à S. Victore, qui rationem imaginis non attribunt nisi soli

filio respectu sui Patris, ita subdit. *Quia presump-
tuum est, tantorum Doctorum tam expressis au-
thoritatibus contraire: possumus quidem dicere,
Spiritus sanctum esse imaginem Patris, & Filii,
ita quod per imaginem nihil aliud intelligatur,
quam existens ab alio, & eius similitudinem ge-
rens. Si autem per imaginem intelligatur aliquid
existens ab alio, ex ipsa sua originis ratione ha-
bens, quod similitudinem gerat eius à quo existit,
inquantum est ab altero ut filius genitus, vel ut
verbum conceptum, sic solus filius dicitur imago.*

In particulari obicitur autoritas illa Apostoli ad
Rom. 8. quos prescribit, & predestinavit confor-
mes fieri imagini filii sui. Communiter enim Græ-
ci per illam imaginem, cui omnes predestinati con-
formari debent, intelligunt Spiritum Sanctum, quem
dicunt esse imaginem filii.

Resp. quod sicut diximus de verbo in preced. & ita
nunc dicimus de imagine, quod constructio non est
transitiva, sed intransitiva; ita ut sensus sit quod Pa-
ter æternus determinavit, ut predestinati foret confor-
mes imagini, quæ est ipse filius suus. Cornelius à lapide
dicit imaginem hinc sumi metonymicè pro suo exem-
plari cuius est imago, attribuendo nomen effectus ipsi
causæ, sicut sumitur Genesis 1. cum dicitur: *faciamus
hominem ad imaginem* (idest exemplar) *& simili-
tudinem nostram.* Ut sensus sit predestinatos debe-
re esse conformes filio Dei tanquam exemplari suo.
De hoc loquendi modo sic habet D. Thomas 1. p. qu.
35. a. 1. ad 1. *Dicendum quod imago propriè dicitur
quod procedit ad similitudinem alterius: Illud
autem ad cuius similitudinem aliquid procedit,
propriè dicitur exemplar, impropriè vero imago.*
Sic tamen Augustinus utitur nomine *imaginis*,
cum dicit: *Divinitatem sanctæ Trinitatis esse imagi-
nem, ad quam factus est homo.*

Ratio etiam in favorem Græcorum afferri potest.
Quia Spiritus Sanctus est infinitè similior Patri, &
filio, quam creaturæ Deo. Sed creaturæ sunt imago
Dei. Ergo, multò magis Spiritus sanctus Patris, &
Filii.

Sed optimè responderet Gonetius, quòd creaturæ non sunt imagines Dei, nisi valde imperfectæ; quia nec habent eandem speciem, aut numero naturam, nec aliquod perfectum naturæ divinæ signum, quamvis habeant aliquam imperfectam cum ea similitudinem. Adhuc tamen magis propriè illis convenit ratio illa imperfectæ imaginis, quàm Spiritui sancto, quia habent illam imperfectam similitudinem à Deo, formaliter ex vi suæ productionis: comparantur enim ad illud veluti quædam artefacta ad artificem; atque ita sicut artifex facit artefactum formaliter ad similitudinem ideæ quam mente præconcepit, ita Deus condidit creaturas, respiciendo ad seipsum ut ad earum exemplar. At verò Spiritus sanctus ex vi processionsis suæ nec recipit similitudinem in specie, sed nequidem in signo speciei, si attenditur ejus processio secundum suam propriam, & quasi specificam rationem processionsis. Solutio fundatur in D. Thoma 1. ad Hannib. dist. 28. qu. 2. a. 2. ad 3. ubi cum hoc argumentum sibi proposuisset, ita respondet. *Dicendum quòd in artificio invenitur species artis, etiam apud nos, non autem in amore artificis: Et ideo creatura, itaquam habet speciem artis æternæ, quæ est filius Dei, dicitur imago; Et ad imaginem, non autem Spiritus sanctus, qui est amor.*

Quæres utrum filius dici possit imago nedum Patris, sed etiam divinæ essentiae; cùm licet solus Pater sit principium quod producit filium, essentia tamen est principium quo, scilicet mediante, sive ratione cujus ipsum producit, ut satis patet ex dictis qu. 2. a. 1. de principio divinarum processionum.

Resp. negativè. Cùm enim inter prototypum, & imaginem debeat esse realis processio, proindeque etiam realis distinctio, non minus quàm inter Patrem, & filium; sicut nemo unquam dixit, quòd verbum divinum sit filius essentiae, sed tantùm Patris, quamvis essentia sit principium quo Pater generat filium, ita nullus dicere debet, quòd filius sit imago essentiae, sed tantùm Patris. Videri possunt ea quæ diximus loco citato.

ARTICULUS V.

*De his qua in particulari concernunt
Spiritus sanctum.*

Difficultates, quæ Spiritum sanctum in particulari concernunt, celeberrimæ sunt, & idcirco eas in hoc speciali articulo resolvemus.

§. I.

Utrum Spiritus sanctus procedat à filio. Græcorum error refellitur. Ex scriptura sacra.

Maxima nostra consolatio est, scire quòd per Dei gratiam in ea Ecclesia vivimus, in qua sola est vera fides, & Religio; unde maximi momenti est ostendere, quòd Ecclesia Græca errat in his, in quibus dissentit à Latina; sicut quantum ad processionem Spiritus sancti: nam Græci Schismatici dicunt Spiritum sanctum non à Filio, sed à solo Patre procedere; qui est etiam Armenorum, Ruthenorum, & Moscorum error, ut testatur Valentia qu. 10. de Persona Spiritus Sancti puncto 2. Theodoretus circa annum Domini 430. coepit prædictum errorem docere, & postea tandem ita illi adhæserunt Græci, ut sensim apud eos factus sit communis, & in apertum Schisma eruperit. E contra Catholici omnes magno consensu semper docuerunt nedum à Patre, sed etiam à filio Spiritum sanctum procedere. Ex pluribus autem argumentis, quibus catholica veritas stabilitur, ea præsertim exponemus, quibus Patres, & Doctores usi sunt in conciliis, in quibus Ecclesia damnavit Græcos; dubium enim esse non potest, quin Spiritus sanctus tunc maxime assistat Ecclesiæ, & inspiret omnia, quæ ad veritatem agnoscendam, & stabilendam sunt necessaria. Sed præsertim in Concilio Florentino error

ille do
à 28.
vincial
(qui i
rum,
eorum
pum E
tur.

Concl
Prob

ait. Il

annun

gumen

turus d

Chryl

interp

enim p

altero

scienti

unum.

essenti

Ref

aliqui

eis, q

omni

Sed

Non

audie

sentan

sed à f

ret; s

tiam d

August

sic exp

est a f

ilo a

scire

ilo a

scien

aliud

Resp

ille doctissime refutatus est per octo sessiones, scilicet à 28. usque ad 25. R. P. Ioanne de Montenigro Provinciali Lombardiæ nostri sacri ordinis Prædicatorum (qui in fine sessio. 17. dicitur *Philosophus Latinorum*, & *dialectica peritissimus*) causam agente eorumdem Latinorum contra Marcum III. Episcopum Ephesinum tuentem partes Græcorum. Sit igitur.

Conclusio. Spiritus sanctus à Patre, filioque procedit.

Prob. 1. ex illo Ioan. 16. ubi filius de Spiritu sancto ait. *Ille me clarificabit, quia de meo accipiet, & annuntiabit vobis.* Ex his verbis formatur hoc argumentum. Illud quod Spiritus sanctus dicitur accepturus de filio, est scientia, ut Augustinus, Cyrillus, Chrysostomus, & alij sancti Patres ad hunc locum interpretantur, & patet ex ipsis Christi verbis, ille enim prius scientiam, sive instructionem accipit ab altero, ex cuius parte aliquid debet annunciare. Sed scientia Spiritus sancti, & ejus essentia sunt omnino unum, & idem. Ergo Spiritus sanctus suam accepit essentiam à filio per processionem.

Respondent Græci 1. Spiritum sanctum accipere aliquid de scientia filij; quia nihil docet contrarium eis, quæ docuit filius; sed potius ea loquitur quæ sunt omnino consentanea.

Sed contra. Christus ibidem immediate antea dixit: *Non enim loquetur à semetipso; sed quæcunque audiet, loquetur.* Non solum igitur loquitur consentanea doctrinæ filij; sed ea ipsa non loquitur à se, sed à filio: non quidem per disciplinam quasi ignoraret; sed per æternam processionem accipiendo scientiam divinam simul cum essentia. Unde optime D. Augustinus tract. 99. in Evang. Ioannis locum illum sic exponit. Non ergo loquetur à semetipso; *quia non est à semetipso; sed quæcunque audiet loquetur. Ab illo audiet, à quo procedit. Audire illi scire est: scire verò esse. Quia ergo non est à semetipso, sed ab illo à quo procedit, à quo illi est essentia, ab illo scientia; ab illo igitur audientia, quod nihil est aliud quam scientia.*

Respondent 2. Spiritum sanctum accipere de eo

quod filius dicit esse suum, quia accipit de thesauro sapientiæ Patris, qui est etiam Thesaurus filij: non ita tamen ut filius hoc communicet, sed duntaxat Pater.

Sed contra est quoddam Christus ibidem immediate subdit: *Omnia quæcumque habet Pater, mea sunt: propterea dixi, quia de meo accipiet, & annuntiabit vobis.* Ubi Christus nedum exponit veritatem catholicam, sed etiam rationem ejus fundamentalem. In divinis enim nulla est distinctio, nisi quam facit relativa opposito: cum igitur Pater, & Filius non habeant oppositionem in hoc quoddam Spiritus sanctus de ipsis accipiat, ita ut uterque sit ejus principium: sequitur manifestè quoddam hoc utrique convenit. Unde quia sicut in Patre, ita etiam, ut ait Apost. ad Coloss. 2. in Christo Iesu omnes sunt Theauri sapientiæ, & scientiæ Dei, Spiritus sanctus accipiens de hoc thesauro, accipit necessariò de re, quæ communis est Patri, & Filio; proindeque non magis accipit de uno quàm de alio. Hoc argumentum tradidit angelicus Doctor opusc. 1. contra errores Græcorum cap. 3. ubi inter alia sic habet. *Ex hac Domini expositione de necessitate concluditur, quoddam Spiritus sanctus à filio accipiat. Si enim omnia quæ sunt Patris, sunt etiam filii; oportet quoddam auctoritas Patris secundum quam est principium Spiritus sancti, sit etiam filii. Sicut ergo Spiritus sanctus accipit de eo quoddam est Patris à Patre, ita accipit de eo quoddam est filii à filio.*

Dici potest 3. si Christus voluit hoc testimonio probare, quoddam Spiritus sanctus ab ipso procedit, cur dixit, *de meo*, & non potius meam essentiam, aut substantiam accipiet? & cur ait, *accipiet*, & non potius in præterito accepit, cum processio Spiritus sancti sit æterna.

Respondet cum Cardinali Bellarmino, & aliis, quoddam Christus dixit, *de meo accipiet*, quia Spiritus sanctus procedens à filio non recipit totum id quoddam est in filio; non enim recipit filiationem: sed recipit divinam essentiam, ex qua & ex filiatione constituitur filius, juxta nostrum concipiendi modum, ut explicuimus in præcedentibus artic. Et hoc indicavit

ipſemet Chriſtus, dum ait : *Omnia quacunq; habet Pater mea ſunt : propterea dixi, quia de meo accipiet* : id eſt accipiet id quod eſt commune mihi, & Patri, non autem propria utriuſque.

Cur autem dixerit in futuro, ratio eſt : quia acceptio illa eſt æterna : proindeque in ſe formaliter eminenter continet omnia tempora, & ad ea omnia poteſt accommodari : ita ut omnes de rebus æternis propoſitiones veræ ſint, quocunq; tempore exprimantur, ut explicuimus in tract. de attributis, agendo de perfectione Dei, & de ipſius æternitate. Unde D. Auguſtinus in expoſitione illius loci tract. 99. in Ioannem, ait : *Nec moueat quod verbum futuri temporis poſitum eſt, &c.* Illa quippe audientia ſempiterna eſt, quia ſempiterna ſcientia. In eo autem quod ſempiternum eſt, ſine initio & ſine fine, cuiuslibet temporis verbum ponatur, ſive præteriti, ſive præſentis, ſive futuri, non mendaciter ponitur. Et paulò poſt ſubdit : *fuit, quia nunquam deſuit : erit, quia nunquam deerit : eſt, quia ſemper eſt.*

Cum igitur omnia tempora rebus æternis conueniant, ſcriptura ſacra utitur huiusmodi temporibus prout poſtulat materia de qua tractatur : hoc autem loco deſcribitur Spiritus ſanctus tanquam Legatus à Patre, & filio mittendus ad Apoſtolos : unde quia Legati tunc ſolent inſtrui, quando mittuntur : ideo Chriſtus dixit : *quacunq; audiet, loquetur : & de meo accipiet, & annuntiabit vobis.*

Hoc argumentum maximi ponderis eſt : tum propter prædicta : tum etiam quia eo communiter uſi ſunt ſancti Patres tam Græci quàm Latini à Salmantienſibus relati : tum & maxime quia eo utitur S. Pontifex Eugenius 4. in diſtinctione veritatis catholice de proceſſione Spiritus ſancti à filio, toto approbante Concilio Florentino oecumenico tam ex parte Græcorum, quàm Latinorum, ut mox referemus.

Prob. 2. Ex eodem cap. 16. Ioan. ubi Chriſtus ait. *Sed non abiero Paraclætuſ non veniet ad voſ : ſi autem abiero mittam eum ad voſ.* Ex quo loco, & aliis ſimilibus ſic formatur argumentum. Nemo mit-

titur ab alio, quin aliquo modo procedat ab ipso: missio enim, ut explicabimus in qu. 6. hujus tractatus, necessario ac essentialiter importat processionem mittentis à mittente: & cum Spiritus sanctus non possit à filio procedere per aliquam actionem accidentalem, uel per motum localem, cujus non est capax, tam secundum Græcos quàm Latinos, qui in hoc conveniunt, quod Spiritus sanctus est verus Deus, non minus quàm filius: sequitur quod procedat per processionem substantialem. Unde D. Augustinus lib. 4. de Trinitate cap. 20. sic habet. *Sicut natum esse est filio à Patre esse; ita mitti filio, est cognosci quod ab illo sit. Et sicut Spiritui sancto donum Dei esse est à Patre procedere; ita mitti est cognosci, quod ab illo procedat.* Nec possumus dicere quod Spiritus sanctus est à filio non procedat: neque enim frustra idem Spiritus est Patris, & filii Spiritus dicitur.

Resp. 1. Quod etiam filius dicitur à Spiritu sancto missus, juxta illud Lucæ 4. ex Isaia 61. *Spiritus Domini super me, propter quod unxit me evangelizare pauperibus misit me, sanare contritos corde &c.* Et tamen filius non procedit à Spiritu sancto.

Sed contra est, quod ut ait D. Thomas 4. contra Gentes cap. 24. *Considerandum est, quod filius à Spiritu sancto mittitur secundum naturam assumptam: spiritus autem sanctus non assumpsit naturam creatam, ut secundum eam possit dici missus à filio; uel filius habere auctoritatem respectu ipsius, relinquitur igitur quod respectu persona aterna filius spiritum sanctum auctoritatem habeat. Non quidem, ut ibidem Sanctus Doctor dicit, Dominii, uel maioritatis; sed secundum solam originem.*

Et quod hæc sit vera expositio, patet: quia Spiritus sanctus misit filium, secundum eam naturam, secundum quam est super eum, & unxit eum. Et certum est quod hoc non verificatur secundum naturam divinam Christi sed humanam.

Resp. 2. Missionem Spiritus sancti per filium, uel à filio non significare processionem quoad internam substantiam; sed tantum quoad missionem externam,

quatenus filius dat hominibus ea dona, quæ attribuitur spiritui sancto, sicut gratiam, charitatem, aliaque dona cum ipsis connexa.

Sed hæc Græcorum responsio facile refellitur, & multis modis. 1. Venire, vel non venire, mitti, vel non mitti non dicuntur nisi de personis, vel de ipsis donis ratione personarum, quæ illa deferunt, ut patet ex communi modo loquendi. Non potest igitur de Spiritu sancto dici, quod non veniet, vel quod mittetur, nisi sermo sit nedum de donis Spiritus sancti, sed etiam de ipsamet Spiritus sancti Persona. quæ sua dona secum deferat, & ea nobis conferat. 2. Scriptura distinguit expressè Spiritum sanctum, & ipsius dona, & dicit tam ipsum quàm ista nobis dari, proindeque ad nos mitti, ut patet ex i lo ad Roma. 5. *Charitas Dei diffusa est in cordibus nostris per Spiritum sanctum qui datus est nobis* 3. Si ad hoc ut filius diceretur mittere Spiritum sanctum, sufficeret ut ipsius dona conferret, sequeretur quod etiam filius mitteret Patrem, imò quod Spiritus sanctus mitteret utrumque: quia omnia dona à tribus divinis Personis proveniunt; cum ut explicuimus supra, opera Trinitatis ad extra sint indivisa. Hoc autem esse falsum ostendimus infra agendo de missionibus divinis. 4. Non minus verè, ac propriè scriptura dicit Spiritum sanctum mitti à filio, quàm filium à Patre. Sed non esset tolerabilis interpretatio, si quando Paulus ad Gal. 4. ait: *Misit Deus filium suum* &c. contenderet aliquis hoc nihil aliud significare, quàm Patrem etiam contulisse hominibus dona filij sui, & non misisse ipsam filij sui personam secundum se per processionem originis: sic enim eludi possent ea quæ dicuntur de mysterio incarnationis. Ergo neque tolerabilis est Græcorum interpretatio de missione Spiritus sancti.

Cur autem filius dicat, *mittam*, cum processio sit æterna, facilis est responsio. Missio enim importat duplicem respectum: unum ad eum qui mittit; alterum ad eum ad quem mittit. Quantum ad primum respectum missio est æterna; quia Spiritus sanctus ab æterno procedit à filio ipsum mittente: quantum ad secun-

dum respectum missio est temporalis; nam mittitur ad homines quando incipit in eis esse de novo per cognitionem, & amorem, ut explicabimus magis postea. Sic Spiritus sanctus dicitur de futuro mittendus; quia novam, & abundantiorē hominibus conferre debebat cognitionem Dei, & ejus amorem.

Prob. 3. ex illo Ioan. 20. *Insufflavit, & dixit, accipite Spiritum sanctum.* Hoc enim denotat, quod ipse spirat, & insufflat divinum illum amorem à seipso procedentem. Ita D. Augustinus lib. 15. de Trinit. cap. 26. *cum resurrexisset à mortuis, inquit, & apparuisset discipulis suis, insufflavit, & ait: accipite Spiritum sanctum, ut cum etiam de se procedere offenderet.* Ibidem S. Doctor subdit. *Quid vero fuit causa, ut post resurrectionem suam, & in terra prius daret, & de caelo postea mitteret Spiritum sanctum.* Hoc ego existimo: quia per ipsum donum diffunditur charitas in cordibus nostris, qua diligimus Deum, & proximum secundum duo illa praecepta, ex quibus tota lex pendet, & Propheta. Hoc significans Dominus Iesus, bis dedit Spiritum sanctum, semel in terra propter dilectionem Proximi, & iterum in caelo propter dilectionem Dei.

D. Bernardus serm. 8. in cantica eundem locum applicat similiter ad processionem Spiritus sancti his verbis. *Insufflavit, & dixit: accipite Spiritum sanctum. Osculum profectò fuit.* Quid, corporeus ille flatus: Non: sed invisibilis Spiritus; qui propterea in illo Domini constatu datus est, ut per hoc intelligeretur, & ab ipso pariter tanquam à Patre procedere, tanquam vere osculum, quod osculanti osculatoque commune est.

His novi testamenti locis addi possunt haec verba Ps. 109. quae Pater dicit ad filium: *Tecum principium in die virtutis tuae, in splendoribus sanctorum ante luciferum genui te.* Illis enim verbis (ut oportet timè observavit Gonetius) Pater aeternus aperte declarat, se esse cum filio principium in die aeternitatis, in quo in splendoribus sanctorum, idest in lumine suae infinite sapientiae, ipsum generat. Sed non potest in

die

die
crea
iple d
Spirit
ille aet
nec in
ribus a
tentia

Duplo

Pro
cilior
nalis
sufficie
promp
omnes
Una
Cyrill
anathe
larmin
in 4.
genera
eis sub
Ref
Conc
Parific
apostol
dentes
Etim
tur cap
propria
fideret
est tam
veritas
& pro
cedit. E
que aie

T

die aternitatis esse principium nisi Spiritus sancti, cum creaturae ab aeterno à Deo non processerint; & ideo ipse dicit: *ante luciferum genui te*. Ergo ab aeterno Spiritus sanctus à Patre, filioque procedit. Unde dies ille aternitatis vocatur dies virtutis filij Dei: quia nec in creatione, nec in redemptione, nec in aliis operibus ad extra, ita relucet infinita ejus virtus, & potentia, sicut in Spiritus sancti productione.

§. II.

Duplex argumentum notatu dignissimum ex generalibus Conciliis.

Probari posset catholica veritas 4. ex plurimum Conciliorum autoritate, de quibus videri potest Cardinalis Bellarminus lib. 2. de Christo cap. 23. mihi sufficit asserere, & ponderare duplex argumentum depromptum ex generalibus Conciliis, quia secundum omnes huiusmodi concilia sunt infallibilia.

Unum igitur argumentum sumitur ex epistola D. Cyrilli & Synodi Alexandrinae ad Nestorium cum anathematismis duodecim, quae ut notat ibidem Bellarminus, fuit approbata in Concilio Ephesino, & in 4. 5. 6. & 7. Synodis generalibus, idest in quinque generalibus Conciliis apud Græcos celebratis, ut ab eis sub nullo prætectu repudiari possit.

Refertur hæc epistola tam Græcè quàm Latine, in Concilio Ephesino parte 1. juxta novam editionem Parisiensem. Ubi cap. 2. dicitur: *hæc est catholica, apostolicaque Ecclesia fides, in qua universi occidentis & orientis orthodoxi Episcopi conveniunt.*

Et in confessione fidei, quæ subsequitur, sic habetur cap. 10. de Spiritu sancto. *Nam etsi spiritus in propria persona subsistat, eatenusque in seipso consideretur, quatenus spiritus est, & non filius; non est tamen ab eo, alienus: quandoquidem spiritus veritatis nominatur, Christus autem veritas est, & proinde quoque ab illo, atque à Deo Patre procedit.* Et Paulò post ibidem subditur. *Propterea quoque dicebat: quoniam de meo accipiet, & annunti-*

bit vobis. Hoc tamen non ita accipiendum est, quasi Spiritus sanctus per quamdam participationem sapiens, aut potens sit: est enim ille numeris omnibus perfectus, nulliusque penitus indigus: verum quia potentia & sapientia Patris, hoc est filii, Spiritus est: hinc & ipse quoque reipsa potentia, & sapientia est.

Certe non video quid ad hoc argumentum responderi possit. Et notari dignissimum est, quod probando Spiritum sanctum à filio procedere, ex eoquod dicitur Spiritus veritatis, subvertitur præcipuum, ac ferè unicum fundamentum Græcorum processionem illam negantium, ut videbimus in sequent. parag. ponderando solutionem angelici nostri Præceptoris. —

Alterum argumentum sumitur ex diffinitione facta à S. Pontifice Eugenio 4. in decreto unionis toto approbante Concilio Florentino tam ex parte Græcorum, quàm Latinorum: ubi inter alia sic habetur. Convenientes Latini, & Græci in hac Sacrosancta oecumenica Synodo, magno studio invicem usi sunt, ut inter alia etiam articulus ille de divina Spiritus sancti processione magna cum diligentia, & assidua inquisitione discuteretur. Prolatis verò testimoniis ex divinis scripturis, plurimisque autoritatibus Sanctorum Doctorum orientalium, & occidentalium, aliquibus quidem ex Patre, & filio, quibusdam verò ex Patre per filium procedere dicentibus Spiritum, & ad eandem intelligentiam aspicientibus omnibus sub diversis vocabulis, Græci quidem asserverunt, quod id quod dicunt Spiritum sanctum ex Patre procedere, non hac mente proferunt, ut excludant filium: sed quia eis videbatur, ut aiunt, Latinos asserere Spiritum ex Patre, filioque procedere tanquam ex duobus principis, & duabus spirationibus, ideo abstinuerunt à dicendo, quod Spiritus sanctus ex Patre procedat, & filio. Latini verò affirmarunt, non se hac mente dicere, Spiritum sanctum ex Patre, filioque procedere, ut excludant Patrem, quin sit fons ac principium totius Deitatis, filij scilicet & Spiritus sancti, aut quod id quod Spiritus sanctus procedit ex filio, Filius à Patre non habeat; sive quod duo ponant esse princi-

cipi
rant el
sancti,
nibus u
in infu
sentia e
darunt

In n
& Spi
te Flo
ritas n
piatur
sentia
tiam
simul
ab un
Decla
tres d
sancti
hoc se
cos qu
cipian
trem.
ipse u
Patre
ex fili
etiam
explic
tatis d
sitate
posse
recl
prefer
ut con

7
Prob
monij

cipia, aut duas spirationes: sed unum tantum aiterant esse principium, unicamque spirationem Spiritus sancti, prout hactenus asseruerunt. Et cum ex his omnibus unus & idem eliciatur veritatis sensus, tandem in infra scriptam sanctam, & Deo amabilem eodem sensu eademque mente unanimitèr concordarunt, & consenserunt.

In nomine igitur S. Trinitatis, Patris, & Filij, & Spiritus sancti, hoc sacro universalì approbante Florentino Concilio diffinimus, ut hac fidei veritas ab omnibus Christianis credatur, & suscipiatur, sicque omnes profiteantur. Quod Spiritus sanctus ex Patre, & filio aternaliter est, & essentiam suam, suumque esse subsistens habet ex Patre simul & filio; & ex utroque aternaliter tanquam ab uno principio, & unica spiratione procedit. Declarantes quòd id quod sancti Doctores, & Patres dicunt ex Patre per filium procedere spiritum sanctum, ad hanc intelligentiam tendit; ut per hoc significetur, filium quoque esse secundum Græcos quidem causam, secundum Latines verò principium subsistentiæ Spiritus sancti, sicut & Patrem. Et quoniam omnia quæ Patris sunt, Pater ipse unigenito filio suo gignendo dedit, præter esse Patrem, hoc ipsum quod spiritus sanctus procedit ex filio, ipse filius a Patre aternaliter habet: a quo etiam aternaliter genitus est. Diffinimus insuper, explicationem verborum illorum, filioque, veritatis declaranda gratiâ, & imminente tunc necessitate, licitè ac rationabiliter Symbolo fuisse appositam. Hanc expositionem: & diffinitionem fuisse receptam, quia continet plura notatu digna, nedum pro presenti, sed etiam pro sequentibus difficultatibus, ut considerandi patebit.

§. III.

Testimonia Patrum præsertim Græcorum.

Probari posset concl. 5. plurimis SS. Patrum testimoniis. Sufficiant quæ sequuntur.

Ec ij

Quantum ad Patres Latinos, jam vidimus D. Augustinum veritatem catholicam docuisse, & ex scriptura probasse. Refero insuper magnos Leonem, & Gregorium. Leo enim magnus ille est, quem Synodus generalis 630. Episcoporum, qui ferè omnes erant orientales, summis Laudibus in singulis actionibus extulerunt, & de quo sapius repetebant: ut credit Leo, sic & nos credimus. Magnum autem Gregorium in suo calendario Græci habent, ipsumque ut verè sanctum honorant. Igitur S. Pontifex Leo in epistola decretali 93. ad Turribium cap. 1. sic habet. *Primo itaque capitulo demonstratur, quam impie sentiant de Trinitate divina, qui & Patris, & Filii, & Spiritus sancti, unam atque eandem asserunt esse personam, tanquam idem Deus, nunc Pater, nunc filius, nunc spiritus sanctus nominatur: nec alius sit qui genuit, alius qui genitus est, alius qui de utroque processit.* S. autem Pontifex Gregorius Symbolum edidit, quod refertur in ejus vita à Ioanne Diacono scripta, lib. 2. cap. 2. ubi sic dicitur. Rectam fidem munivit, & cunctas hæreses uno symbolo dissipavit. Quod videlicet sacræ confessionis Symbolum ita se habet. *Credo in unum Deum &c. Spiritum verò sanctum, nec genitum, nec ingentum: sed coeternum de Patre, & filio procedentem.*

Idem sanctus lib. 2. dialogorum capult. ait veritatem istam esse constantem, eamque ut talem supponit: *Cum, inquit, confiter, quia Spiritus sanctus à Patre semper procedat, & filio &c.* Et revera semper constantissima fuit apud omnes Ecclesiæ Latinæ Patres, & Doctores. Unde in Concilio Florentino sess. 24. sub finem sic habetur. *Attulit autem* (scilicet Ioannes Latinorum Doctor) *testimonia sancti Leonis Papæ, Gregorii Dialogi, sancti Ambrosii, sancti Hieronymi, sancti Augustini, & multorum aliorum occidentalium, legendo libros, & declarando.* Nihilque legitur nec in illa testimone, nec in sequentibus responsum fuisse à Marco Græcorum Doctore; imò ipse non comparuit, & alius loco ejus substitutus ad hæc testimonia nihil respondit: unde

tacite in
unani
tiam, n
sed etia
Quar
verita
quod vo
Græcos
omnia t
in illis
nia sub
mè refu
itaur pr
licet pe
tholice
ter ea,
Inprim
à Ioann
volumin
eo codic
de pers
dico, q
solus ex
obstanti
quod sic
est, si ve
à Patre
suum est
Postea
magni e
Cur ean
tius est
ra: dig
habeat e
nunciet
Ja, serm
tercatio
locus il
responsi
ter alia s
à Domini

facile ipsimet Græci confessi sunt hanc semper fuisse unanimum Sanctorum Patrum, & Doctorum sententiam, nedum eorum, qui post schisma scripserunt, sed etiam aliorum omnium qui præcesserunt.

Quantum uero ad Patres Græcos tota fuit controversia in illo concilio: hoc enim erat argumentum, quod vocare solemus ad hominem, Latinorum contra Græcos. Sed quia prolixior forem, si vellem referre omnia testimonia eorundem Patrum Græcorum, quæ in illis sessionibus Concilij proposita fuerunt, & omnia subterfugia Marci ex parte Græcorum, quæ optime refutata fuerunt à Ioanne ex parte Latinorum, itaut prædictus Marcus convictus, & confusus fuerit, licet pertinax remanserit: sed omnes alij Græci catholice veritati subscripsi: ut sufficiat referre breviter ea, quæ sunt magis notata digna.

In primis sessione 18. veritas catholica probata fuit à Ioanne Latinorum Doctore ex S. Epiphanio in illo volumine, quod dicitur Ancoratus, ex antiquo Græco codice ab Ambrosio in Latinum converso, ubi dum de persona Patris loquitur, sic ait. *Filium illum dico, qui ex ipso est: spiritum vero sanctum, qui solus ex ambobus est.* Ex quibus verbis constat, non obstantibus subterfugiis Marci Græcorum Doctoris, quod sicut filius à Patre procedit, quatenus ex ipso est, sive ab ipso suum esse accipit, ita Spiritus sanctus à Patre filioque procedit, quatenus similiter est, sive suum esse recipit ab utroque.

Postea Ioannes produxit testimonium D. Basilij magni ex lib. 3. contra Eunomium, ubi sic loquitur. *Cur enim necesse est, si dignitate, & ordine tertius est spiritus, tertium quoque ipsum esse naturæ: dignitate namque secundum esse à filio, cum habeat esse ab ipso, atque ab ipso accipiat, & annunciet nobis, & omnino ab illa dependeat causa, sermo pietatis tradit.* De hoc loco magna fuit altercatio, nihil aliud respondente Marco, nisi quod locus ille depravatus erat, & corruptus. Sed hanc responsionem fusè refellit Ioannes sessione 20. ubi inter alia sic habet. *Dicimus librum hunc nuper fuisse à Domino Nicolao de cusa Constantinopoli huc de-*

latum: esse autem ex membranis, non bambatiniis foliis, adeoque annosa antiquitatis, ut videatur plusquam sexcentos habere annos, hoc est multos ante annos, quam schisma hoc oriretur, & secundum dissidium. Porro autem liber tam bene est inter punctus, tam emendatus atque optime dispositus, ut nullam corruptelam suspicionem iniiciat. Plura de hoc ibi videri possunt notatu digna. Videri etiam potest Cardinalis Bellarminus loco citato cap. 25. ubi ostendit, quod quamvis in aliquibus D. Basilij libris praedicta verba non habeantur, nihilominus ex consequentibus evidenter colligitur, quod aut debent esse in textu, aut certe sensus eorum.

Allegata est etiam autoritas D. Athanasij his verbis. Asserit Athanasius in illo dialogo (scilicet contra Arianos) confutans voces, & apologiam Arii; textus in promptu est: si non est spiritus ex substantia Patris, & filii, cur filius Dei connumerat illum in Symbolo sanctificationis: cunctes docete omnes gentes! vult igitur hoc dicere, ut planissime omnes intelligant: si Spiritus sanctus non esset ex substantia Patris, & filii, nullo modo esset in sacramento sanctificationis annumeratus.

Mirum est, quod non fuit allegata autoritas ex Symbolo ejusdem D. Athanasij, in quo expressè sic dicitur: Spiritus sanctus a Patre, & filio, non factus, nec creatus, nec genitus, sed procedens. Sed procul dubio noluerunt Patres Concilij plures simul immiscere quaestiones: & credibile est, quod licet Graeci praedictum dialogum agnoscerent esse opus D. Athanasij, id tamen negabant schismatici de hujusmodi Symbolo, cum praedicta autoritas nullo subterfugio eludi possit: unde ne involveretur quaestio juris cum quaestione facti, satis fuit Patribus, ut Graeci ex illo dialogo convincerentur. Caterum quod etiam Symbolum illud sit opus omnino indubitatum D. Athanasij, probat optime Card. Bellarminus loco citato cap. 20.

Proba
Eas ad
ubi sic h
Spiritu
eo, null
Quod es
dicere,
persona
tur, qu
enim in
sentia p
latiomi
tur. Re
possunt
ex hoc p
quarum
tum san
non con
sonam
in Spir
latione
relatio
que du
Vnde si
quod pe
bens du
patri.
trinitat
Sanctus
bus. No
tiones a
probata
accipio
quod es
esse esse
(quod

§. IV.

Rationes D. Thoma.

Probari insuper posset concl. pluribus rationibus. Eas ad tres reducit Doctor angelicus 1. p. qu. 36. a. 2. ubi sic habet. *Dicendum, quod necesse est dicere Spiritum sanctum a filio esse. Si enim non esset ab eo, nullo modo posset ab eo personaliter distinguui. Quod ex supradictis patet. Non enim est possibile dicere, quod secundum aliquid absolutum divini persona ab invicem distinguantur: quia sequeretur, quod non esse trium una essentia. Quicquid enim in divinis absolute dicitur, ad unitatem essentiae pertinet. Relinquitur ergo, quod solum relationibus divina persona ab invicem distinguantur. Relationes autem personas distinguere non possunt, nisi secundum quod sunt opposita. Quod ex hoc patet: quia pater habet duas relationes, quarum una refertur ad filium, & alia ad Spiritum sanctum: quae tamen, quia non sunt opposita, non constituunt duas personas: sed ad unam personam patris tantum pertinent. Si ergo in filio, & in Spiritu sancto non esset invenire, nisi duas relationes, quibus uterque refertur ad patrem: illae relationes non essent ad invicem opposita, sicut neque duae relationes, quibus pater refertur ad illos. Unde sicut persona patris est una, ita sequeretur, quod persona filii & Spiritus sancti esset una, habens duas relationes oppositas duabus relationibus patris. Hoc autem est haereticum, cum tollat fidem trinitatis. Oportet ergo, quod filius, & Spiritus sanctus ad invicem referantur oppositis relationibus. Non autem possunt esse in divinis aliae relationes opposita, nisi relationes originis, ut supra probatum est. Opposita autem relationes originis accipiuntur secundum principium, & secundum quod est a principio. Relinquitur ergo, quod necesse est dicere, vel filium esse a Spiritu sancto, (quod nullus dicit) vel Spiritum sanctum esse a*

filio, quod nos confitemur. Et huic quidem consonat ratio processionis utriusque. Dictum enim est supra, quod filius procedit per modum intellectus ut verbum: Spiritus sanctus autem per modum voluntatis ut amor. Necessesse est autem, quod amor à verbo procedat. Non enim aliquid amamus, nisi secundum quod conceptione mentis apprehendimus: Unde et secundum hoc manifestum est, quod Spiritus sanctus procedit à filio. Ipse etiam ordo rerum hoc docet. Nusquam enim hoc invenimus, quod ab uno procedant plura absque ordine, nisi in illis solum, quae materialiter differunt. Sicut unus faber producit multos cultellos materialiter ab invicem distinctos, nullum ordinem habentes ad invicem. Sed in rebus, in quibus non est sola materialis distinctio, semper invenitur in multitudine productorum aliquis ordo. Unde etiam in ordine creaturarum productarum, decor divina sapientia manifestatur. Si ergo ab una persona patris procedunt dua persona, scilicet filius, et Spiritus sanctus: oportet esse aliquem ordinem eorum ad invicem. Nec potest aliquis ordo aliis assignari, nisi ordo natura, quo alius est ex alio. Non est igitur possibile dicere, quod filius et Spiritus sanctus sic procedant a patre, quod neuter eorum procedat ab alio, nisi quis poneret in eis materiale distinctionem: quod est impossibile. Unde etiam ipsi Graeci processionem Spiritus sancti aliquem ordinem habere ad filium intelligunt. Concedunt enim Spiritum sanctum esse spiritum filii, et esse a patre per filium. Et quidam eorum dicuntur concedere, quod sit à filio, vel profluat ab eo: non tamen quod procedat. Quod videtur, vel ex ignorantia, vel ex propterea esse. Quia si quis rectè consideret, inveniet processionis verbum inter omnia, quae ad originem qualemcumque pertinent, communissimum esse. Vtitur enim eo ad designandum qualemcumque originem. Sicut quod linea procedit a puncto, radius a sole, rivus a fonte. Et similiter in quibuscunque aliis. Unde ex quocumque alio ad originem pertinente potest concludi, quod

quod S.
U.
licet p.
fratio
dua no
est, ut
consent
juvent
Si qu
verbo p
ctivo; i
non pos
men ne
ut cum
itant ne
prius na
ab ipso
dinaria
beatifica
amor,
divino,
pio-pro
Patre a
Si qui
necessse
differant
sed Deu
ordinari
tumvis
v, g. or
ad alteru
semper m
ordnata
quod De
ce differ
ut patet
celorum
ra habet
lorum q
illuminat
inferiore
Ten

quod Spiritus sanctus procedat à filio.

Ut verum fatear cum nostro Ioanne à S. Thoma, licet prima ex his tribus rationibus videatur demonstratio, ut ostendamus in sequent. par. attamen aliæ duæ non sunt nisi congruentiæ, de quarum ratione non est, ut omnino convincant; sed tantum ut rationi consentaneæ appareant, & aliis junctæ argumentis juvent ad persuadendam veritatem.

Si quis enim diceret non esse necesse, quod amor à verbo procedat, tanquam à principio ipsius productivo; sed ad summum tanquam à conditione sine qua non posset produci: talis non posset convinci. Sed tamen negari non potest, quin sit omnino conveniens, ut cum omnis amor aliquo modo procedat à verbo, ita ut necesse sit ad hoc ut aliquid amari possit, quod prius naturâ per aliquod verbum repræsentetur, sive ab ipso intelligente productum, ut in intellectu ordinaria, sive ipsius intellectui unitum, ut in visione beatifica, quin sit, inquam, conveniens ut in Deo amor, sive Spiritus sanctus procedat ab ipso verbo divino, modo perfectissimo, sive tanquam à principio productivo, sicut ipsummet verbum procedit à Patre aeterno.

Si quis etiam assereret, non esse absolute loquendo necesse, ut creaturæ quamvis formaliter, & specificè differant, cum aliquo ordine ab ipso Deo procedant: sed Deum posse saltem de potentia absoluta & extraordinaria producere simul, ac semel creaturas quantumvis specie differentes, & æqualiter ipsas disponere, v. g. omnes Angelos sine ulla subordinatione unius ad alterum, non posset quoque convinci: sed tamen semper manet, quod cum de facto quæ à Deo sunt, ordinata sunt; nec fieri potest de potentia ordinaria, quod Deus creaturas producat formaliter, & specificè differentes, quin eas in ordine sibi debito disponat, ut patet in situatione locali omnium elementorum & colorum, eorumque influxu, quem superiora corpora habent in inferiora, & in ipsa dispositione Angelorum quantum ad hierarchias, & choros, eorumque illuminatione, quam Angeli superiores habent erga inferiores: signum est manifestum, quod multo magis

servatur ordo in tribus divinis Personis, quæ formaliter, & quasi specificè differunt: & cum non possit esse alius ordo in divinis nisi originis, sequitur quod filius, & Spiritus sanctus non procedunt à Patre aeterno disparatè, & simul ac semel, sed ordinatè, & quasi successivè, quatenus prius natura filius concipitur à suo Patre procedere, & quasi postea concipitur Spiritus sanctus procedere à Patre, & à filio; solà tamen prioritate, & posterioritate originis, quæ non est prioritas, vel posterioritas in quo, sed tantum à quo, ut explicuimus satis initio artic. precedentis.

§. IV.

Græcorum punitio. Revelatio S. Brigittæ notatū dignissima.

Unum ex argumentis pro veritate catholica, & fortè non minus quàm precedentia, est Græcorum punitio. Hoc argumentum ponderat Cardin. Bellarminus loco cit. ca. ult. his verbis. Iam ad finem totius disputationis placuit annotare divinum sive iudicium, sive testimonium. Nam Deus multis modis ostendit post exortum schisma, utri errent, Græci, an Latini. Nam usque ad tempus schismatis ita floruit Græcia viris doctis, & sanctis, ut omnia Concilia generalia apud Græcos celebrata sint; post schisma autem per annos 800. nullum habuerunt Concilium, nullum virum sanctum miraculis clarum, paucissimos viros doctos. Latini verò hoc eodem tempore habuerunt duodecim Concilia generalia, & innumera particularia. Item singulis ætatibus viros miraculis clarissimos, novos ordines Religiosorum, plurimos homines doctos.

Præterea hoc tempore fides Latinorum propagata est accessione Indorum orientalium, & novi orbis in occidente (plura dicemus suo loco de missionibus trium Episcoporum, aliorumque Ecclesiasticorum, & etiam Religiosorum nostræ Galitiæ, quæ quatuor voluminibus novissimè impressis comprehenduntur.)

Fides Græcorum minuitur in dies quotidie. Græci in

Concili
quætel
semper
Latin
dem fid
Latinos
Imperi
everlum
miserit
captivit
sam exi
Spiritus
fuit Co
imperi
Mercato
indixit
tionem
autem an
est ex au
mobilia
littera d
fiam G
vero tem
adductu
Sed n
de præd
annis an
quod ha
Græci s
indeque
cum eade
filio qua
revelat.
quod co
nunqua
quilla
quibus
miseri
tare, &
votè sub
tionibus

Conciliis convicti, ad nostram fidem conversi sunt quater, aut quinques, & fortassis etiam sapius, & semper ad vomitum suum redierunt.

Latini semper in disputationibus superiores in eadem fide, & doctrina permanserunt: denique apud Latinos regna, & imperia potentissima adhuc florent: Imperium verò Græcorum per Turcas Christi hostes eversum, ac destructum est penitus; ipsique omnes in miserrima servitute degere, gravissimumque jugum captivitatis perferre coguntur. Ac ut intelligant causam exitij sui esse pertinaciam in errore de processione Spiritus sancti, in ipsis feriis Spiritus sancti c. p. t. a fuit Constantinopolis à Turcis, Imperator occisus, & imperium omnino extinctum. Nam ut probat Gerardus Mercator in sua Chronologia anno 1452. die 26. Maij indixit Mahumetes exercitui suo ultimam oppugnationem, & sequenti die Constantinopolim cepit. Illo autem anno fuit Pentecostes die 28. Maij, ut planum, est ex aureo numero, & littera dominicali, unde festa mobilia investigantur. Erat enim aureus numerus 8. & littera dominicalis A. Itaque multi comparant Ecclesiam Græcam regno Samariæ, quod separavit se à vero templo, & tandem in captivitatem perpetuam adductum est. Huc usque Bellarminus.

Sed notatu dignissima est revelatio facta S. Brigittæ de prædicta subversione Imperij Græcorum centum annis antequam evenerit: in qua revelatione asseritur quod hæc punitio nunquam cessabit, quousque ipsi Græci sese conforment fidei Ecclesiæ Romanæ, proindeque à suo schismate recedant, & renovent unionem cum eadem Ecclesia, credendo Spiritum sanctum tam à filio quam à Patre procedere. Sic ergo habetur lib. 7. revelat. cap. 19. sub finem. Sciant etiam Græci, quod eorum imperium, & regna siue dominia nunquam stabunt secunda, neque in pace tranquilla; sed inimicis suis semper subiecti erunt, à quibus semper sustinebunt gravissima damna, & miseras diuturnas: donec ipsi cum vera humilitate, & charitate Ecclesiæ, & fidei Romana se devotè subiecerint, eiusdem Ecclesiæ sacris constitutionibus se totaliter conformando.

S. V.

*Egregia Doctoris Angelici Doctrina, qua solvitur
præcipuum Græcorum argumentum, & contra
ipso reterquetur.*

Obiic. 1. Et hoc est præcipuum Græcorum argu-
mentum, & unicum quod aliquam præferat diffi-
cultatem. Nihil debemus dicere de Spiritus sancti pro-
cessione, nisi quod de ipsa habemus in Scriptura sacra.
Sed de ipsa nihil aliud habemus, nisi quod est à Patre,
nulla prorsus facta mentione filii, Joan. 15. *Cum
venerit Paracletus, quem ego mittam vobis à
Patre, spiritum veritatis, qui à Patre procedit.*
Ergo non debemus dicere, quod procedat à filio, sed
tantum à Patre.

Respondeo quod ipse D. Thomas hoc argumentum
sibi proponit, & soluit lib. 4. contra gentes, cap. 25.
Et quamvis sit Doctorum omnium modestissimus; nec
ullam inurat censuram opinionibus aliorum, nisi
multo maiorem incomparabiliter mereantur, nihil-
ominus loco jam citato ipsa veritate coactus ita lo-
quitur. *Quidam verò pertinaciter veritati resistere
volentes, quadam in contrarium inducunt, qua
vix responsione sunt digna. Dicunt enim, quod
Dominus de processione Spiritus sancti loquens,
eum à Patre procedere dixit, nulla mentione facta
de filio: ut patet Joan. 15. ubi sic dicitur: cum ve-
nerit Paracletus, quem ego mittam vobis à Patre,
spiritum veritatis, qui à Patre procedit. Unde cum
de Deo nihil sit sentiendum, nisi quod Scriptura
tradit, non est dicendum, quod Spiritus sanctus
procedat à filio.*

Sed hoc omnino frivolum est: nam propter uni-
tatem essentia, quod in scripturis de una Persona
dicitur, & de alia oportet intelligi, nisi repugnet
proprietas personali ipsius, etiamsi dictio exclu-
siva adderetur; licet enim dicatur Mat. II. quod
nemo novit filium nisi Pater, non tamen à cognitio-
ne filii vel ipse filius, vel Spiritus sanctus exclu-

ditur
Spiri
hoc ren
proprie
Nec
Patre p
quia o
quidqu
ctina n
multa
ad com
pi. N
obitui
dixit e
xerat
Pond
eoquod
etiam co
rorem f
mentio
sanctus
Christu
quia ca
ter me
nec sui
Doctor
tionem
sancto,
nes Do
Ergo et
quitur,
2. Quat
dicere
lo Patre
notatu d
hoc pur
cur cum
Pater.
quoque
ditur Sp
tur, Sp

ditur : unde etiam si diceretur in Evangelio , quod Spiritus sanctus non procedit nisi à Patre , non per hoc removeretur , quin procederet à filio , cum hoc proprietati filii non repugnet , ut ostensum est.

Nec est mirum , si Dominus Spiritum sanctum à Patre procedere dixit , de se mentione non facta : quia omnia ad Patrem referre solet , à quo habet quidquid habet : sicut cum dixit Ioan. 17. mea doctrina non est mea , sed eius qui misit me Patris : & multa huiusmodi in verbis Domini inveniuntur ad commendandam in Patre auctoritatem principis. Nec tamen in auctoritate præmissa omnino obicitur se esse Spiritus sancti principium , cum dixit eum Spiritum veritatis , se autem prius dixerat veritatem.

Ponderemus magis hanc D. Thomæ responsionem , eo quod nedum Græcorum objectionem solvit , sed etiam contra ipsos retorqueri potest , & ipsorum errorem funditus subvertit. 1. Ex hoc quod non est facta mentio filij , non sequitur propterea , quod Spiritus sanctus ab ipso non procedat. Dum enim Matth. 17. Christus dixit Petro : *Beatus es Simon Bariona ; quia caro , & sanguis non revelavit tibi , sed Pater meus , qui in calis est* ; nullam fecit mentionem nec sui ipsius , nec Spiritus sancti : & tamen nullus est Doctorum etiam Græcorum ; qui non fateatur revelationem illam factam esse ab ipso filio , & à Spiritu sancto , non minus quam à Patre ; cum secundum omnes Doctores , opera Trinitatis ad extra sint indivisa. Ergo etiam si non fiat mentio filij , non propterea sequitur , quod Spiritus sanctus ab ipso non procedat. 2. Quamvis apponerentur particulae exclusivæ , & diceretur quod Spiritus sanctus non preceat nisi à solo Patre , adhuc non excluderetur filius , quod sancto notatu dignissimum est : à fortiori non excluditur ex hoc purè & præcisè , quod ipsius nomen reticetur. Sicut cum dicitur Matt. 11. *Nemo novit filium nisi Pater*. Non propterea filius excluditur , quin seipsum quoque cognoscat : nec similiter ab eius notitia excluditur Spiritus sanctus. Ergo similiter quamvis diceretur , Spiritus sanctus à nemine procedit nisi à Patre ;

semper tamen subsisteret, quòd ab ipso etiam filio procederet. Cujus ratio est: quia juxta regulam superius explicatam in art. 3. huius quaest. & ab omnibus Doctoribus tam Græcis, quam Latinis acceptatam, quantumcunque particula, quæ alicui Personæ divinæ applicatur, sint exclusivæ, non propterea excludunt alias Personas, quantum ad ea in quibus nullam oppositionem relativam habent ad invicem, sed tantum quantum ad ea, in quibus talem oppositionem habent: v. g. si dicatur solus Pater æternus creat, non excluduntur filius, & Spiritus sanctus, quin simul etiam cum ipso creent omnia, sed excluditur solummodo omnis alia persona, quæ non est Deus: quia Filius, & Spiritus sanctus in virtute creativa nullam cum oppositione habent: unde creant in quantum sunt unus Deus. Sed si dicatur, solus Pater generat, tunc & ipso filius, & Spiritus sanctus excluduntur; quia in virtute generativa Pater relativam oppositionem habet cum filio, & Spiritu sancto: & generare ipsi convenit per virtutem, quæ non est communis aliis personis, sed sibi soli propria. Hoc fuit etiam argumentum S. Anselmi in libro de processione Spiritus sancti. 3. Etiam in illa autoritate, quam obijciunt Græci, asseritur, saltem virtualiter, & implicite, quòd Spiritus sanctus procedit à filio: tum quia dicit filius: *cum venerit Paracletus, quem ego mittam vobis*: ostendimus enim cum angelico Doctore probando conclus. in §. 1. quòd filius Spiritum sanctum non mitteret, nisi ab ipso procederet. Vocat quoque illum veritatis spiritum: in præcedenti autem capite 14. de seipso Christus dixerat: *Ego sum via, veritas, & vita*: Igitur Spiritus sanctus est spiritus veritatis, sive filij qui est ipsamet veritas, in quantum ab ipso procedit. Et hoc est illud argumentum notatu dignissimum, quod retulimus supra §. 2. ex illa S. Cyrilli, & Synodi Alexandrinæ epistola, quæ in quinque generalibus Conciliis fuit approbata, ubi sic dicitur: *quando videmus Spiritus veritatis nuncupatur, Christus autem veritus est: & proinde quoque ab illo atque à Deo Patre procedit*. Hoc idem argumentum ex eadem epistola fecit angelicus Doctor qu. 10. de pot. 2. 4. ad

13. T.
posse
omn
nobis
nia ex
major

Soluv
Autho

Obi
decret
Synod
aut co
nit m
tu san
cilij N
cedit à
Ref
tur et
ut pat
hoc qu
etiam
Ref
contra
tualite
solum
esse sci
hoc aut
ceder
ipsum
ut pat
fies se
in Co
sic ha
verber
gratia

13. Tandem quod noluit Christus formaliter, & expresse facere mentionem nisi sui Patris, ut ad ipsum omnia referret, sicut ab ipso recepit omnia, datur nobis maximum humilitatis exemplum: ut sicut omnia ex speciali munere gratiæ Dei recipimus, ita ad maiorem ipsius gloriam omnia referamus.

§. VI.

Solvuntur, & similiter retorquentur alia Græcorum objectiones.

Authoritatis D. Damasceni valde difficilis vera interpretatio.

Obiic. 2. In Concilio Ephesino actio 6. habetur decretum de fide, in quo sic legitur. *Satus sancta Synodus, alteram fidem nemini licere proferre, aut conscribere, aut componere, præter eam definitam à sanctis Patribus, qui in Nicæa cum Spiritu sancto congregati fuerunt.* Sed in Symbolo Concilij Nicæni non habetur, quod Spiritus sanctus procedat à filio. Ergo hoc non est dicendum.

Resp. 1. retorquendo argumentum. Quia non habetur etiam in eodem Symbolo, quod procedat à Patre ut patet ex novissima impressione Parisiensi. Ergo hoc quoque non est asserendum: & sic tenentur ipsi etiam Græci solvere hoc argumentum.

Resp. 2. fidem alteram esse illam, quæ aliena, vel contrariò tradit: fidem autem quæ tradit ea, quæ virtualiter, & implicite continentur in præcedenti, & solummodo ipsa tradit explicitè, & formaliter, non esse fidem alteram, sed eandem magis expositam. In hoc autem quod dicitur Spiritum sanctum à filio procedere, magis exponitur id quod in scriptura habetur, ipsum esse spiritum veritatis, qui à Patre procedit, ut patet ex §. præced. unde non traditur nisi ipsamet fides scripturæ, & universalis Ecclesiæ: & præterea in Concilio Florentino in decreto unionis jam citato sic habetur. *Diffinimus insuper, explicationem verborum illorum, filioque, veritatis declarandæ gratiâ, & imminente tunc necessitate, licitè ac*

varionabiliter Symbolo fuisse appositam.

Habetur hæc solutio à simili ex D. Thoma ad Galatas 1. lect. 2. ubi exponens illud Apostoli, *sed licet nos, aut Angelus de caelo evangelizaverit vobis, praterquam quod evangelizavimus vobis, anathema sit*, ita loquitur. Ergo non debet aliquis docere, neque predicare, nisi quod scribitur in epistolis, & in evangelio. Sed hoc est falsum, quia 1. Thessal. 3. dicitur; ut compleamus ea quæ defunt fidei nostræ, &c. Respondeo dicendum, quod nihil aliud evangelizandum est, quam illud quod continetur in evangelis, & in epistolis, & in sacra scriptura implicitè, vel explicitè. Nam sacra scriptura, & evangelium evangelizat esse credendum Christo explicitè: unde quidquid continetur in eis implicitè, quod facit ad doctrinam eius, & ad fidem Christi, evangelizari, & doceri potest. Et ideo cum dicit, prater id, &c. id est omnino alienum addendo. Apocal. ult. Si quis approfuerit ad hæc, aut addiderit, scilicet omnino alienum, apponat Deus super illam plagas scriptas in libro isto. & Deuter. 4. non addetis quidquam, scilicet contrarium, seu alienum, nec minuetis, &c.

Obiic. 3. ex Magistro sentent. lib. 1. dist. 11. ubi sic habet. Addunt etiam ad assertionem suæ opinionis, & in testimonium nostræ damnationis de Symbolo fidei, quod secundum traditionem prædictorum Conciliorum, Leo tertius Roma transcriptum in tabula argentea post altare beati Petri posita, posteris reliquit, pro amore (ut ipse ait) & cautelâ fidei orthodoxæ: in quo quidem Symbolo, in processione spiritus, solus commemoratur Pater.

Respondet optimè valentia, hujus summi Pontificis consilium fuisse, ut constaret quale fuit illud Symbolum: & quod nihil ei contrarium per prædictam additionem definitum fuit: & ut provideretur, ne quis falsò obijcere posset, in illo Symbolo dictum esse, quod Spiritus sanctus à solo Patre procederet, sicut videmus impudenter fecisse nuper Hieremiana

Constan
Symbolo
Græc
quamv
Symbol
quid ad
hoc etia
fit in C
stant no
in Chal
De ill
cit. ca
fronte
appella
therand
omnib
definitu
celere,
video
Q. d. a
denet
dum or
exempl
ticis, &
tibus
Obij
Dyon
Pater
ipse sol
zianzen
Quida
est. Fil
cuij.
Nallan
cundum
habet i
S. Dan
expres
mus,
autem
verò ff

Constantinopolitanum ; & denique ut suus etiam illi Symbolo honos in Ecclesia deferretur ; nec putarent Græci illud à Latinis improbari , aut contemni , quamvis ad illud aliquid additum fuerit. Nam neque Symbolum Apostolorum improbatum est , quia aliquid ad illud additum sit in Nicæno Symbolo ; neque hoc etiam Nicænum , quia aliquid ad illud additum sit in Constantinopolitano ; neque hoc rursus Constantinopolitanum , ideo quia aliqua etiam sunt addita in Chalcedonenſi.

De illo Hieremia sic habet Card. Bellarminus loco cit. ca. 23. Non possum equidem satis mirari , quæ fronte Hieremias , qui se Patriarcham œcumenicum appellat , nuper in censura sua ad Confessionem Lutheranorum scribere ausus sit , à Nicæna Synodo , & omnibus , ejus consequentibus generalibus Conciliis definitum esse , Spiritum sanctum ex solo Patre procedere , &c. *Quod si mendacium non est , non video quid unquam mendacium appellari poterit.* Quid autem revera mendacium hoc sit , ostendit evidenter idem Cardinalis ibidem. Et certè hoc stupendum omnino est , sed ex hoc , & ex alijs innumeris exemplis constat , nihil esse magis familiare schismaticis , & hæreticis : quàm conari errores suos falsitibus disseminare.

Obijciunt 4. Quædam testimonia Patrum , ut D. Dionysij cap. 2. de divi. nomin. ubi sic habet. *Solus Pater fons est in supersubstantiali Deitate.* Ergo ipse solus habet rationem principij. S. Gregorij Nazianzeni oratione 24. in adventum Ægyptiorum : *Quidquid Pater habet , idem excepta causâ , filius est.* Filius ergo non habet rationem causæ , sive principij. D. Basilij epist. 43. ubi de filio loquens ait : *Nullam prorsus notionem communicationem secundum proprietatem suam cum Patre habet.* Non habet igitur virtutem spirativam utpote notionalem. S. Damasceni lib. 1. de fide orthod. cap. ij. ubi sic expressè habet. *Spiritum sanctum ex Patre dicimus , & Spiritum Patris nominamus : ex filio autem Spiritum sanctum non dicimus , Spiritum verò filii nominamus.* Dicunt quoque in Concilio

generali 3. sive Ephesino lectum fuisse Symbolum Nestorianorum, & scripta Theodoret, in quibus habetur, quod Spiritus sanctus à solo Patre procedit; & tamen non fuisse damnata. Ergo tacite, & interpretative fuerunt approbata. Tandem Theolophylactus idem docet in comment. Super cap. 2. Joannis.

Resp. quantum ad D. Dyonisium loqui de fonte totius divinitatis, sive principio omnium personarum quae procedunt, nempe filij, & Spiritus sancti: & patet hoc soli Patri convenire: unde idem sanctus ibidem subdit: *Ita Pater non est filius, neque filius est Pater*: quasi diceret quia Pater est fons & principium tam filij, quam Spiritus sancti, ideo distinguitur ab utroque. Et in definitione Eugenij facta toto approbante Concilio Florentino, quam retulimus in 2. §. hujus articuli, sic habetur. *Latini affirmarunt non se hac mente dicere, Spiritum sanctum ex Patre, filioque procedere, ut excludant Patrem, quin sit fons ac principium totius Deitatis, filij scilicet ac Spiritus sancti.* Quantum ad Gregorium loquitur de causalitate respectu ipsius filij, itaut sensus sit, quod quidquid habet Pater, hoc habet etiam filius, excepta paternitate, per quam Pater est causa filii: unde statim subdit: *Quidquid item filius habet, idem quoque Spiritus sanctus est, si filietatem exceperis*, per quam scilicet filius est causa Spiritus sancti. Quod autem ait Basilus verum est, quod nempe filius secundum proprietatem suam nullam notionum communicationem habet cum Patre: sed ut dicemus in qu. sequ. virtus spirativa, quamvis sit notionalis, non est tamen propria filij, sed communis ipsi, & Patri. Et quod haec sit mens ipsius patet, si propositio referatur integra: sic enim habet: *Nullam prorsus notionum communicationem secundum proprietatem suam tam cum Patre, quam cum Spiritu sancto habet.* Sicut ergo hoc non impedit, quin filius sit procedens sicut Spiritus sanctus; ita etiam non impedit, quin sit producens sicut Pater.

Circa D. Damascenum major est difficultas; & quidem talis, ut D. Thomas, qui omnes S. Patres

Summa
ne inte
nihil
emille
jecisset
sanctu
rianis
Nestor
hunc
aus,
Dama
fund
vis à
ficut
ita est
P. n
vult
sed pe
expres
illis ad
Interp
tionis
quae re
ubi cap
denota
& quod
Spiritu
filium
princi
Joan.
sunt:
ductio
sanctos
sunt,
tem de
verbi
tus sp
stare
Patre
objici
dus e

summa veneratione colit, & eorum testimonia benigne interpretari, ac excusare solet, quantum potest, nihilominus 1. p. qu. 36. a. 2. cum sibi predictam ejusdem D. Damasceni auctoritatem in 3. argu. objecisset, sic respondet. *Dicendum, quod Spiritum sanctum non procedere a filio, primo fuit a Nestorianis introductum, ut patet in quodam Symbolo Nestorianorum damnato in Ephesina Synodo: Et hunc errorem secutus fuit Theodorus Nestorianus, & plures post ipsum; inter quos fuit etiam Damascenus: unde in hoc eius sententia non est standum.* Subdit tamen S. Doctor hæc verba: *Quamvis à quibusdam dicatur, quod Damascenus sicut non confitetur Spiritum sanctum esse à filio, ita etiam non negat ex vi illorum verborum.*

P. Nicolai ibidem ad marginem ait. *Imo tantum vult non esse à filio sicut à principali spiratore, sed per filium, quod coincidit cum Latinis, ut expressum est in Concilio Florentino, ubi proinde illis acquieverunt tandem Græci.* Hanc esse veram interpretationem, patet ex oratione dogmatica Bessarionis Archiepiscopi Nicæni, & postea Cardinalis, quæ refertur in eodem Concilio Florentino sess. ult. ubi cap. 6. Bessarion probat, quod propositio, *Per*, denotat verum principium alicujus rei productivum: & quod idem est dicere, Patrem per filium spirare Spiritum sanctum, vel Spiritum Sanctum à Patre per filium procedere, ac dicere, quod filius est verum principium Spiritus sancti productivum, sicut dum Joan. 1. dicitur de verbo: *omnia per ipsum facta sunt*: significatur ipsum fuisse verum principium productivum creaturarum omnium. Deinde refert plures sanctos Patres Græcos, qui predicto modo locuti sunt, & inter alios Damascenum sic expressè dicentem de Patre: *ipse est intellectus verbi abyssus, verbi genitor, & per verbum manifestativi spiritus spirator*: & rursus: *Spiritus sanctus manifestativa occultæ divinitatis potentia Patris, & ex Patre per filium procedens est.* Et paulò post sibi objicit, D. Damascenum negasse, quod Spiritus sanctus ex filio procedat: & expressè asseruisse, quod

Solus Pater est causa, sive principium Spiritus sancti. Et respondet cum ita esse locatum: *Ne quis*, inquit, *principalem causam spiritus putet filium, quasi non à Patre ceperit, ut per eum Spiritus sanctus procedat. Communis enim lingua Graecorum usus* (ut procul dubio bene noverat idem Bessarion, cum esset Graecus) *cum per propositionem, ex principalem significet causam, Damascenum coegit, non ex filio, sed per filium dicere procedere Spiritum sanctum.* Solus igitur Pater est causa Spiritus sancti, non autem filius, scilicet causa talis, qualem illa praepositio, ex, significat, nimirum causa principalis, quae virtutem spirativam ab alio non recipit: cum quo stat, ut nihilominus filius sit etiam vera causa Spiritus sancti simul cum Patre, sive quasi concausa, quae virtutem spirativam ab ipso Patre recepit.

Addo ex Cardinali Bellarmino, quod in eodem libro 1. de fide, ex quo sumitur objectio, cap. 18. D. Damascenus ait; *Imago Patris est filius; & filii Spiritus sanctus.* Certum est autem, quod imago non est nisi id quod ab alio procedit ut ei simile in specie, vel in signo speciei, sicut explicuimus in praeced. artic. agendo de ratione imaginis prout convenit filio secundum Latinos, & etiam Spiritui sancto secundum Graecos. Ergo etiam certum est, quod juxta mentem D. Damasceni, sicut Spiritus sanctus est imago filii, ita quoque ab ipso procedit.

Ad id quod obiicitur de Symbolo Nestorianorum, & scriptis Theodoretii, respondetur ex Cardinali Bellarmino. 1. Retorquendo argumentum. Quia in eodem Concilio Ephesino lecta fuit epistola S. Cyrilli, & Synodi Alexandrinae, in qua expressè dicitur Spiritum sanctum à filio procedere sicut à Patre, ut retulimus supra: & tamen haec epistola non fuit damnata. Ergo tacitè, & interpretativè fuit approbata. 2. Theodoretus non solum dixit, Spiritum sanctum non procedere à filio, sed etiam non procedere per filium, quod tamen postea Graeci asseruerunt, & omnes adhuc asserunt, ut constat ex illo cap. 6. orationis

dogmat
rio a
filio, q
cedere
Cyrilli
ciliis fi
bata :
fuit dog
Concili
reut :
storij de
luendam
filio, d
Ecclesi
Q
ideoque
Obje
quod S
unum p
ter est fi
requirit
natis fi
spirac
nerat cu
Rel.
dem, q
nisi unu
pe Patre
secundum
Trinitate
est fuisse
auxiliu
nam firm
ctus à f
similis S
dens sicut
Pater.
Resp
filius, i
principi
erativam

dogmaticæ Bessarionis. Ergo si Concilium suo silentio approbavit, Spiritum sanctum non procedere à filio, quod est contra nos, approbavit etiam non procedere per filium, quod est contra ipsos 3. Prædicta Cyrilli epistola nedum in illo, & sequentibus Conciliis fuit lecta, sed etiam ut supra diximus approbata: ex quo virtualiter, & implicite improbatum fuit dogma Theodoretii. Nec erat necesse quod in illo Concilio Ephesino formaliter, & explicitè condemnaretur: quia congregatum fuerat contra errorem Nestorij de duabus personis in Christo, & non ad resolvendam quæstionem de processione Spiritus sancti à filio, de qua non fuerat antea exorta controversia in Ecclesia.

Quoad Theophylactum vixit tempore Schismatis; ideoque rejicitur ejus autoritas.

Obijciunt 5. Aliquas rationes, quarum una est, quod Spiritus sanctus est unus. Ergo non habet nisi unum principium, nempe Patrem. Altera est quod Pater est sufficiens principium Spiritus sancti. Ergo non requirit auxilium filij. Tertia est quod filius esset magis similis Patri, quam Spiritus sanctus: nam filius spirat cum Patre spirante, & Spiritus sanctus non generat cum Patre generante.

Resp. 1. Retorquendo rationes illas. Primam quidem, quia sequeretur, quod sicut mundus non est nisi unus ita non haberet, nisi unum principium, nempe Patrem, & sic filius non esset creator: cum tamen secundum omnes etiam Græcos creatio sit opus totius Trinitatis. Secundam quoque, quia similiter Pater est sufficiens principium creationis, ergo non indiget auxilio filij, & Spiritus sancti. Tertiam denique, nam simile inconveniens sequeretur, si Spiritus sanctus à solo Patre procederet, filius enim esset magis similis Spiritui sancto quam Patri: esset enim procedens sicut Spiritus sanctus, & non producens sicut Pater.

Resp. 2. Ad primam rationem, quod sicut Pater, & filius, imò etiam Spiritus sanctus unum sunt mundi principium; quia unam eandemque habent virtutem creativam: Ita Pater, & filius unum sunt Spiritus

sancti principium ; quia unam eandemque habent virtutem spirativam. Similiter ad secundam rationem dicitur, quod sicut Pater simul cum filio, & Spiritu sancto creat, & conservat omnia, non quasi eorum auxilio indigeat ; sed quia virtus creativa est illis omnibus communis ; ita Pater simul cum filio Spiritum sanctum spirat ; non quod indigeat filij auxilio ; sed quia utrique converit virtus spirativa. Ad tertiam, quod similitudo ; & omnimoda aequalitas divinarum Personarum , non attenditur, sicut supra explicuimus, ex parte relationum, vel eorum quae sunt notionalia, sed tantum ex parte essentiae, & eorum quae sunt absoluta, & tribus divinis Personis similiter, & aequaliter conveniunt, sive sint producentes, sive procedentes.

Sumuntur hae solutiones ex D. Thoma loco citato 4. contra Gentes cap. 25. qui de huiusmodi Graecorum rationibus ait : quod *facile est eas solvere, etiam parum in Theologia exercitatis.*

§. VII.

An si Spiritus sanctus non procederet à filio, adhuc distingueretur ab illo.

Diximus in praefatione totius cursus, quod ista quaestio non est inutilis, ut existimant aliqui Theologiae ignari : imò nedum utilis est, sed necessaria : quia prout juxta Doctrinam D. Thomae resolvitur, funditus subvertitur error Graecorum, & ostenditur ipsum ita esse perniciosum, ut destruat SS. Trinitatis Mysterium : explicatur quoque veritas Catholica de processione Spiritus sancti, prout in Conciliis definita fuit, quod est praeceptum verae Theologiae munus, & Ecclesiae Doctoribus omnino necessarium.

Igitur D. Thomas, omnes Thomistae, & communiter alij Doctores tum antiqui, tum moderni docent, quod in praedicto casu Spiritus sanctus non foret realiter distinctus à filio. Scotus verò, & Scotistae asserunt quod adhuc distingueretur. Ut autem constet, in quo sita est tota difficultas.

Advertendum est, quod omnes in hoc conveniunt,

quod d
opro
scilicet
sta, rat
ciunt ;
pium, &
nes orig
tera : ill
licet : pe
relation
vel salt
oppositi
sonae re
tiones
calu quo
berunt a
vandam
alterunt
originis
unde fict
non ori
illo.

Conc
proceder

Argum

Suaque
renti

Prob.
cilio T
habetur
ad Pe
Toletan
In con
habetur

quoddam distinctio Personarum in divinis provenit ex oppositione relativa. Sed talis oppositio duplex est, scilicet directa, & disparata: oppositio illa est directa, ratione cujus Personae divinae sese mutuo respiciunt; & ad invicem correferuntur, tanquam principium, & terminus; & haec oppositio fit per relationes originis, quatenus una persona originatur ab altera: illa autem oppositio est disparata, ratione cujus licet personae non se mutuo respiciant, ipsae tamen relationes habent quidditates distinctas, vel realiter, vel saltem virtualiter. Scotistae exstimaunt sufficere oppositionem disparatam relationum, ut per eas personae realiter distinguantur: & quia inquirunt, relationes Filij, & Spiritus sancti forent disparatae, in casu quo Spiritus sanctus non procederet à filio, haberent adhuc sufficientem oppositionem ad conservandam realem eorum distinctionem. Thomistae vero asserunt requiri oppositionem directam per relationes originis, ut explicabitur magis insequent. paragr. unde sicut Spiritus sanctus in praedicta suppositione non originaretur à filio, non distingueretur ab illo.

Concl. Si per impossibile Spiritus sanctus non procederet à filio, non distingueretur realiter ab illo.

§. VII.

Argumentum ex Concilio depromi solitum novo modo exponitur:

Suaeque integritati restituitur locus Concilii Florentini communiter antea male citatus: & vera ipsius intelligentia traditur.

Prob. 1. concl. Ex Conciliis. Et imprimis ex Concilio Toletano. j. de quo in impressione parisiensi sic habetur ad marginem: *Innocentius Papa in epistola ad Perum Compostellanum vocat undecimum Toletanum Concilium authenticum.*

In confessione autem fidei sic de Personis divinis habetur. Ergo hoc solum numerum insinuant, quod

ad invicem sunt : Et in hoc numero carent , quòd *ad se sunt* . Ex quo loco sic arguitur . Nulla alia ratione numerus , sive realis distinctio Personarum admittitur in divinis , nisi quia se habent ad invicem . Sed si Spiritus sanctus non procederet à filio , non se haberent ad invicem . Ergo non distingueretur . Prob . Mi . quia Personae divinas se habere ad invicem , est eas sese invicem respicere , & ad invicem correferri , tanquam principium , & terminus per relationes originis , ut patet ex communi modo loquendi Theologorum Scholasticorum . Sed constat quòd si Spiritus sanctus non originaretur à filio , sive ab ipso non procederet , non ita se respicerent , neque correferrentur . Ergo non se haberent ad invicem .

Respondent Mastrius , alijque Scotista , quòd Concilium dum ait , intantum Personae divinas distingui , inquantum se habent ad invicem , vult solummodo eas distingui proprietatibus relativis , & non absolutis . Hoc autem reperiretur etiam si Spiritus sanctus à filio non procederet : eorum enim proprietates relativae forent , & non absolutae . Probant suam responsionem ex eodem loco : nam postquam Concilium dixit : *Hoc solidum numerum insinuant , quòd ad invicem sunt* : immediate subdit : *Et in hoc numero carent , quòd ad se sunt* . Igitur hoc quod est esse ad se , sive absolutum , distinguit ab hoc quòd est esse ad invicem sive relativum : atque ita sub hoc quod est esse ad invicem comprehendit utramque relativam oppositionem , sive directam , sive disparatam : aliter non esset divisio adaequata , si praemitteretur oppositio disparata .

Sed contra 1 . Concilium infert praedictam propositionem tanquam conclusionem ex principio antea explicato , ut patet ex illa particula , *Ergo* . Sed antea explicans quomodo personae se habent ad invicem , sic expressè habet : *Quod enim Pater est , non ad se , sed ad filium est* : Et quod filius est , non ad se , sed ad Patrem est : similiter Et Spiritus sanctus , non ad se , sed ad Patrem Et filium relative refertur . Ergo Personae divinas intantum esse distinctas , inquantum non se habent ad seipsas , sed ad invicem ,

idem

idem e
corref
nom d
Ad ra
revera
sub esse
excludi
non da
nem fun
2. I
di niti
litteram
hac esse
Concil
di finit
loquens
personae
invicem
& ad inv
tur dispa
sic intell
sonae di
vicem co
dicta fil
invicem
Prob
nes Lat
dum De
latio , p
tionem
tantum
ergo sp
relatio
quidem
ab alio
divinis
ab alia
cos , qu
catur ac
est Epiph
spiritum
Te

idem est ac eas esse distinctas, quatenus ad invicem correferuntur; proindeque per relativam oppositio- nem directam, & non per disparatam.

Ad rationem sub junctam facile respondetur, quod revera in illa divisione considerationis Personarum, sub esse ad se, vel esse ad invicem, non includitur, sed excluditur potius oppositio relationum disparata, quia non datur in divinis, ut videbimus exponendo ratio- nem fundamentalem.

2. Impugnatur eadem responsio. Quia verba in di- nitionibus Conciliorum posita sumi debent ad litteram, & in sua propria, & simplici significatione: hæc est enim regula generalis, quam observant omnia Concilia, ne aliquis tergiversari possit, & eorum di- nitiones eludere. Sed constat ex communi modo loquendi, quod proprie, & simpliciter loquendo personæ, quæ disparatè se habent, non se habent ad invicem, sed illa tantum quæ sese mutuo respiciunt, & ad invicem correferuntur; imò ex hoc aliqua dicuntur disparata, quod non se habent ad invicem. Igitur sic intelligi debet Concilij definitio, ut intantum per- sonæ divinæ realiter distinguantur, inquantum ad in- vicem correferuntur: unde sicut in suppositione præ- dicta filius, & Spiritus sanctus non correferrentur ad invicem, ita nec ab invicem distinguerentur.

Prob. 2. Ex Concilio Florentino sess. 18. ubi Joan- nes Latinorum Doctor ita loquitur. Est verò secun- dum Doctores tam Græcos, quam Latinos solutio- nis, quæ multiplicat personas in divinis produ- ctionibus quæ vocatur originis: ad quam duo tantum spectant, a quo alius; & qui ab alio: nunc ergo spiritum esse dicit ab alio. Quoniam igitur relationes multiplicantes Personis hæc sunt, quæ quidem modo Pater est a quo alius, & filius qui ab alio: & nulla est alia ratio distinctionis in divinis, nisi propter hoc, quod aliqua persona sit ab alia: sequitur necessario secundum tam Græcos, quam Latinos Doctores, ut talis persona di- catur accipere, & esse, eoquod sit ab alio: & hic est Epiphanius magni, & Basilii sensus, cum ait, spiritum accipere suum esse ex filio, quod in divi-

nis idem est atque procedere. Stat ergo iam prima ratio, qua dicebamus esse ab alio, imo demonstratum est.

Certè non video quid clarius, & expressius afferri possit pro conclusione nostra. Imò quot verba tot argumenta. Nam 1. dicitur, quòd sola relatio originis multiplicat Personas in divinis. Sed si Spiritus sanctus non procederet à filio, sive non originaretur ab ipso, eorum relationes non forent relationes originis respectu ipsorum, ut per se patet. Ergo non multiplicarentur, sive non distinguerentur. 2. Relationibus illis originis, quatenus Personas divinas distinguunt ab invicem, duo tantum attribuntur, nempe à quo alius, & qui ab alio, siue oppositio directa per modum principij, & termini. Ergo ut distinguant non sufficit oppositio disparata: atque ita quamvis in casu quo Spiritus sanctus non procederet à filio, relationes eorum haberent oppositionem d'sparatam, non propterea eos distinguerent. 3. Afferitur expressè, quòd nulla est alia ratio d'stinctionis in divinis, nisi quòd una persona procedit ab altera, sicut filius procedit à Patre. Ergo si Spiritus sanctus non procederet à filio, nulla esset ratio, cur distingueretur ab illo.

Quamvis hoc argumentum videatur omnino evidens, illud tamen Mastrius, alijque Scotistæ conantur eludere. fatentur enim quòd relationes, quæ distinguunt divinas Personas, debent esse relationes originis: & quòd nulla daretur realis d'stinctio in divinis Personis, nisi aliqua ex ipsis foret procedens, sicut altera producens. Sed negant esse necesse, quòd persona divina procedat ab illa ipsa à qua distinguitur.

Sed hæc responsio facilè refellitur. Etenim Latini usi sunt hoc argumento, ut probarent contra Græcos, quòd quia Spiritus sanctus realiter distinguitur à filio, necesse omnino est quòd procedat ab ipso. Patet autem quòd hoc argumentum foret ineptum, nihilque convinceret contra Græcos, si non foret necesse, quòd Persona divina procederet ab illa ipsa à qua distinguitur, itaut habeant ad invicem relationes originis: Græci enim fatebantur relationes filij, & Spiritus sancti esse relationes originis, quatenus uterque originatur

& pro
na, q
neco
qua di
stingu
si non
Alij
nihilq
Hoc
dum q
ex part
maxim
stration
divini
ergo v
habem
Ecclesi
luminat
det Co
tatem p
poreft.
Con
dicunt
riatis
definit
ciliis r
& disp
regant
rational
tur, &
etiam cre
nabiler
clesia vo
bilem, &
hoc prob
lij et con
nabiler
possunt n
Proba
Script's
benturlef

De divinis Personis.

& procedit à Patre. Ergo clarus est ipsa luce meridia-
na, quòd Latini sic intellexerunt hoc argumentum, ut
necesse sit personam divinam procedere ab illa ipsa à
qua distinguitur: atque ita cum Spiritus sanctus di-
stinguatur à filio, procedat ab ipso; & consequenter
si non procederet, non distingueretur.

Alij respondent hoc dictum esse inter arguendum,
nihilque fuisse circa hoc dissimulatum.

Hoc quidem verum est. Sed considerari debet, ne-
dum quòd ita dictum est, ut nemo contradixerit, sive
ex parte Latinorum, sive ex parte Græcorum: sed &
maximè, quòd Ecclesia hoc argumento, quòd demon-
strationem vocat, persuasit veritatem catholicam, quam
dissimulavit, de processione Spiritus sancti à filio: uel
ergo vera est hæc demonstratio, uel falsa: si est vera,
habemus intentum: si dicatur falsa, ergo non tam ipsa
Ecclesia, quàm ipsemet Spiritus sanctus, qui eam il-
luminat, & regit in omnibus, præsertim dum præsi-
det Conciliis generalibus, & œcumenicis, per falsi-
tatem persuaderet veritatem, quo nihil absurdius dici
potest.

Confirm. Quamvis ea omnia, quæ in Conciliis
dicuntur inter disputandum, non sint indubitata ve-
ritatis; bene tamen si sint media, quibus Conciliorum
definitiones persuadentur. Quia Spiritus sanctus Con-
ciliis præsidens attingit à fine usque ad finem fortiter,
& disponit omnia suaviter; & vult quòd homines
regantur; non tanquam bruta, sed tanquam personæ
rationales, proindeque definitiones ita eis proponan-
tur, & præcipiantur ut credendæ, quòd ostendantur
etiam credibiles, ut nullus dissentiri possit, si ratio-
nabiliter, & non pertinaciter agere velit. Si autem Ec-
clesia volens ostendere suam definitionem esse credi-
bilem, & veram, uteretur demonstratione falsa ad
hoc probandum, & persuadendum, possent ipsius fi-
lij ei contradicere sine pertinacia, falsitas enim ratio-
nabiliter relicitur. Ergo tales demonstrationes non
possunt non esse veræ.

Probari solet 3. ex eodem Concilio Florentino in
scriptis, quæ à Latinis ad Græcos missa sunt, & ha-
bentur scilicet vlt. Sed locus malè antea referebatur ab

omnibus. Alij enim sic legebant : *Qui negant Spiritum sanctum etiam ex filio procedere, profectio manifeste declarant, quod ex solo Patre : si vero ex solo Patre* (consequenter non esse filium : alij vero contra legendum asseriebant, & consequenter eum esse filium. Sed utraque lectio est diminuta : & locus iste debet integritati suae restitui juxta novissimam, & accuratissimam impressionem Parisiensem, ubi editio Latina Graecae correspondens sic habet) *fuit ergo quando non erat filius : si vero dicant, quod ex sola paterna hypostasi, separant reipsa substantiam ab hypostasi : atque ita per ipsos substantia in partes secabitur, quod absurdum est.*

Vera autem hujus loci sic restituti intelligentia est, quod illi qui negant Spiritum sanctum ex filio procedere, declarant ipsum procedere ex solo Patre ; & consequenter Spiritum sanctum fuisse antequam esset filius : nam si filius fuit in omni instanti, & signo rei, & rationis, in quo fuit Spiritus sanctus : sequitur quod filius semper habuit essentiam Patris, proindeque etiam virtutem spirativam, cum in ipsa non habear oppositionem cum Patre. Semper igitur filius Spiritum sanctum produxit ; & semper iste ab illo processit.

Si vero dicant Spiritum sanctum ex sola paterna hypostasi procedere ; ita ut sola personalitas Patris sit principium & quod & quo procellionis Spiritus sancti, distinguunt realiter essentiam divinam ab ipsa personalitate Patris : quia si ea in quibus personae non habent oppositionem, sicut Pater & filius non habent in virtute spirativa, non essent communia, sequeretur absoluta non minus realiter distingui quam relativa ; atque ita divinam essentiam in tot partes secari, quot sunt personae. Ex hoc tamen loco sic restituto non potest efficax desumi argumentum nec pro nec contra sententiam sive Thomistarum sive Scotistarum : unde sufficit argumentum praecedens ex eodem Florentino Concilio de promptum, cum altero ex Concilio Tolentino. II. praetermissis illis, quae ex aliis Conciliis referuntur, & non convincunt. Quia in eis solummodo dicitur, quod Spiritus sanctus distinguitur a filio,

quia p
sed di
caulan
positio
Spirti
non p

Argum
in
omn
opp

Pr
quan
de con
efficac
Pro
plura
matica
Floren
D. Gr
terfug
Patre
Person
saliter
de fili
quit :
filius
per en
lium :
quia p
a Patre
ter per
nem h
est, qu
antea d
vinas
differen
pote q

quia procedit ab illo : hoc autem Scritta non negant, sed dicunt hanc non esse totam, & solam distinctionis causam, sed dari etiam aliam, nimirum relativam oppositionem disparatam, quæ subsisteret, proindeque Spiritum sanctum à filio distingueret, etiamsi ab illo non procederet. Et hoc est quod impugnavimus.

§. IX.

Argumentum ex testimoniis Patrum. Et quomodo intelligi debeat illud tritum axioma in divinis omnia sunt unum, ubi non obviat relationis oppositio.

Prætermittis quoque illis SS. Patrum testimoniis, quæ non convincunt ob eandem rationem jam dictam de conciliis, referemus præcipua ex aliis, quæ sunt efficacia.

Prob. 4. concl. & quidem accumulare possemus plura Patrum Græcorum testimonia ex oratione dogmatica Cardin. Bessarionis, quæ habetur in Concilio Florentino, sed sufficiat illud quod refertur cap. 6. ex D. Gregorio Nysseno, & est ita evidens ut nullo subterfugio eludi possit. Sic ergo refertur ex illo sancto Patre oratione ad Ablabium : ubi cum de divinarum Personarum distinctione tractaret, postquam universalius causâ, & causato ab invicem eas distinxit : deinde filium à spiritu etiam præpositione, per, distinguit : *Ille quidem est*, inquit, *immediatè à primo, filius videlicet à Patre : hic verò, de spiritu dicens, per eum, qui immediatè à Patre est, hoc est per filium : Et eo distinguitur*, inquit, *Spiritus à filio, quia per ipsum est*. Quasi diceret, quod cum ambo à Patre sint, non sufficienter distinguerentur, nisi alter per alterum esset. Ut manifestè, *Per*, distinctionem hinc significaret, & distinctionem quæ ab æterno est, quæque secundum causam, & causatum est; cum antea dixerit, causâ & causato tantum ab invicem divinas Personas distingui. Quod enim infert aliam differentiam de filio, & Spiritu sancto intelligi, non rectè quis putaret aliam secundum speciem; contradi-

ceret namque sibi ipsi, si cum antea causa, & causato tantum dixerit divinas Personas distinguere, deinde alium modum distinctionis specie differentem tradidisset. Hucusque Bessarion.

Ex his habemus duo notatu dignissima. Primum est quod nulla datur alia ratio distinctionis Personarum divinarum, nisi processio unius ab illa ipsa à qua distinguitur. Ergo si Spiritus sanctus à filio non procederet, non distingueretur ab illo. Secundum est, quod si alia ratio distinctionis Personarum à sanctis Patribus, vel Doctoribus assignatur, non est diversa, sed ejusdem speciei cum ista; unde necesse est, quod eam semper involvat ut explicabimus solvendo objectiones, & tradendo regulam generalem pro conciliandis eorundem Patrum, & Doctorum testimoniis.

Ad hoc argumentum nihil respondent Scotista, quod non fuerit impugnatum in par. præced. agendo de Conciliis, nisi quod dubitant, an illa particula, *tantum*, sit in Gregorio Nysseno: & augetur suspicio ex hoc quod non habetur in illis huius sancti Doctoris verbis à Bessarione relatis. Sed omne dubium, omnisque suspicio tollitur, recurrendo ad originale, in quo sic legitur, ut referunt Salmanticenses: *Eam, quæ circa causam, & causatum differentiam constituitur, non negamus, per quod solum discerni unum ab altero deprehendimus; nimirum eo quod credimus alium quidem causam esse, alium vero ex causa.* Quæ omnia verba licet non referat Bessarion, ea tamen supponit, ut ex ipsius discursu patet.

Prob. 5. testimonio D. Anselmi, cujus autoritas in hac præsertim materia maximi ponderis est, ut bene notat Ioannes à S. Thoma: eoquod ille sanctus in Concilio Barensi coram summo Pontifice Urbano 2. contra Græcos de processione Spiritus sancti disputavit, eisque convicit, idque ad instantiam summi Pontificis, qui cum ipso Concilio, licet generale non esset, motus rationibus S. Anselmi contra Græcos determinavit Spiritum sanctum à Filio procedere. Et licet illius Concilii acta perierint, quæ tamen ibi contra Græcos disputata sunt idem sanctus colligit in libro

de processione Spiritus sancti. De his videri potest historia prædicti Concilij in novissima impressione Parisiensi.

Igitur S. Anselmus in illo libro cap. 3. sic loquitur. *Neque unitas amittat aliquando suam consequentiam, ubi non obviat aliqua relationis oppositio; nec relatio perdat quod suum est, nisi ubi obstat unitas inseparabilis.* In quibus verbis, ut constat, continetur illud axioma, quod est commune inter Theologos, nempe, *in divinis omnia sunt unum, ubi non obviat relationis oppositio*: nam hoc idem est ac dicere, quod unitas non amittit suam consequentiam, id est id quod ex illa necessarîo consequitur, nempe facere unum, ubi non obviat relationis oppositio. Cum igitur in casu quo Spiritus sanctus non procederet à filio, non obviaret inter ipsos relationis oppositio, sequitur quod non distinguerentur.

Respondent Scotistæ D. Anselmum non dicere, ubi non obviat relativa oppositio, sed relationis oppositio, quæ ut jam diximus est duplex, scilicet directa, per quam Personæ correferuntur ad invicem; & disparata, per quam licet Personæ ad invicem non correferantur, nihilominus eorum relationes diversam quidditatem important. Hæc autem, inquit, relationis oppositio disparata subsisteret, & ad distinguendum filium, & spiritum sanctum sufficeret, etiamsi istæ non procederet ab illo.

Sed contra est, quod Anselmus loquitur in sensu formali, proindeque de oppositione, quæ competit relationi formaliter, & reduplicativè ut est relatio: sicut enim in Syllogismis, & definitionibus, ita etiam in axiomatibus verba sumuntur in sensu formali, & reduplicativo, & non in sensu materiali tantum, & specificativo, ut patet ex communi modo loquendi Scholasticorum. Sed relationi ut est relatio non convenit oppositio disparata, sed directa. Ergo sanctus Doctor loquitur de ista, & non de illa. prob. mi. hoc non convenit relationi formaliter & reduplicativè ut est relatio, sed materialiter tantum, & specificativè, quod convenit indifferenter, & tam bene rebus absolutis, quam relativis, ut per se patet. Sed oppositio

disparata convenit tam absolutis, quàm relativis: homo enim, & Leo, v. g. quæ sunt entia absoluta, & nullatenus relativa, habent oppositionem disparatam, ut docent omnes Philosophi. Ergo hæc oppositio non convenit relationi ut est relatio.

Dicendum est ergo, quòd S. Anselmus loquitur de oppositione directa, quæ est propria relationis, & idcirco dicitur oppositio relativa, per quam Personæ divinæ correfceruntur ad invicem, & sic ab invicem distinguuntur: Unde juxta doctrinam D. Thomæ prædictum axioma sic exprimi debet: *in divinis nulla est realis distinctio, nisi quam facit relativa oppositio*: cujus axiomatis veritas magis constabit ex ratione sequenti.

§. X.

Exponitur ratio D. Thomæ.

Preb. 6. ratione, quam tradit angelicus Doctor pluribus in locis, sed præsertim 1. p. qu. 32. artic. 2. & quam similiter tradiderunt concilia, & Patres, ut jam retulimus. Si Spiritus sanctus non procederet à filio, non haberet oppositionem relativam cum illo. Ergo non distingueretur ab illo realiter. antec. patet. Quia, ut fatentur omnes, non datur oppositio relativa in divinis, nisi per relationes originis, quatenus una persona originatur, sive procedit ab altera. Ergo si Spiritus sanctus à filio non procederet, talem oppositionem cum ipso non haberet. Consequentia probatur ex prædicto communi axioma: in divinis nulla est distinctio, scilicet realis, nisi quam facit relativa oppositio. Ergo si talis oppositio non daretur inter filium, & Spiritum sanctum, nulla quoque esset inter eos realis distinctio.

Resp. Scotistæ sicut jam retulimus, quòd si Spiritus sanctus non procederet ex filio, adhuc eorum relationes haberent oppositionem disparatam, quæ sufficeret ad eorum distinctionem.

Sed contra nulla datur in divinis oppositio disparata relationum, quæ possit facere distinctionem rea-

lem

tem, sed solummodo virtualem. Ergo nulla solutio. Probatur antec. in exemplo evidenti: relationes paternitatis, & spirationis activæ sunt disparatæ; & tamen non distinguuntur realiter ab invicem, sed solummodo virtualiter, ut volunt Thomistæ, vel ut Scotistæ dicunt, formaliter ex natura rei. Ratio radicalis est quia ens omnimodè infinitum, qualis est Deus, nihil potest habere disparatum, sed omne ens possibile, & excogitabile tam relativum quàm absolutum debet sibi realiter identificare, & etiam inter se, nisi oppositio relativa impediat, ut explicuimus in tract. de attributis, agendo de infinitate Dei, & in 1. qu. hujus tract.

Dices cum Scoto & ejus discipulis, discrimen esse inter relationes paternitatis, & spirationis activæ ex una parte, & relationes filiationis, & spirationis passivæ ex altera; quodd illæ se tenent ex parte principij, sive personæ producentis, istæ verd se tenent ex parte termini, sive personæ productæ: nam inde fit, quodd illæ realiter identificantur, quia unum idemque realiter principium potest per diversas actiones producere plures terminos, sicut Pater per generationem, & spirationem producit filium, & Spiritum sanctum: econtra relationes istæ nequeunt identificari, sed necessariò debent distinguì; quia unus idemque realiter terminus nequit per distinctas actiones produci: non enim potest una eademque persona generari, & spirari; sed necesse est ut illa quæ generatur, & est filius, distinguatur realiter ab illa, quæ spiratur, & est Spiritus sanctus.

Sed contra, quodd relationes se tenentes ex parte principij, sive paternitas, & spiratio activa realiter identificentur, hoc provenit ex eo quodd non opponuntur relativè, sed disparatè se habent; nec ulla potest alia reddi ratio. Cum igitur in casu quo Spiritus sanctus non procederet à filio, relationes se tenentes ex parte termini, sive filiatio, & spiratio passiva, similiter disparatè se haberent, nec relativè opponerentur, realiter quoque identificarentur: & sicut tunc unum, idemque realiter principium esset diversimodè producens, scilicet Pater generans, & spirans; ita

unus idemque realiter terminus esset diversimodè productus, scilicet filius genitus, & spiratus, ut explicabimus magis in sequ. parag.

§. XI.

Authoritas D. Anselmi exponitur. Egregia Regula generalis pro conciliandis SS. Patrum testimoniis ex Cardinali Bessarione.

Obiic. I. D. Anselmus in libro de processione spiritus sancti sic loquitur. *Habent utique à Patre esse filius ac spiritus sanctus; sed diversimodè: quia alter nascendo, alter procedendo, ut alii per hoc sint ab invicem.* Et postea subdit. *Nam si per aliud non essent plures, filius & Spiritus sanctus, per hoc solum essent diversi.* Ergo et si Spiritus sanctus à filio non procederet, tamen remaneret personaliter distinctus à filio propter diversum originis modum.

Resp. quod D. Thomas hanc objectionem sibi proponit qu. 10. de potentia artic. 5. in 2. argum. & sic respondet. *Dicendum, quod id quod dicit Anselmus, quod filius, & Spiritus sanctus per hoc solum ab invicem distinguuntur, quod diverso modo procedunt, est omnino verum. Sed sicut ostensum est, diverso modo procedere non possent, nisi Spiritus sanctus à filio esset. Unde remoto quod Spiritus sanctus non sit à filio, omnino distinctio Spiritus sancti removeretur à filio. Est autem intentio Anselmi in libro de processione Spiritus sancti prius ponere ea in quibus nos convenimus cum negantibus Spiritum sanctum à filio esse, qui tamen Spiritum sanctum à filio dicunt distinguere: unde verba inducta Anselmi inducta sunt magis ut disputativa suppositio, quam ut veritatis definitio.*

Et quod hæc sit vera mens D. Anselmi patet. Nam in eodem libro de processione Spiritus sancti sic ait: *Quoniam autem hæc quæ dicta sunt, pariter credamus indubitanter, & confitemur & nos, quæ dicimus Spiritum sanctum de filio procedere, &*

Gracia
mus
rio con
S. Doct
procede
veniunt
tem in
vocamus
de proc
Gregori
Resp.
fimo Be
cessione
sam diff
quæ sit
quæ sit
in divini
dar pro
eam incl
quam sa
semper
probat
quæ hab
fusi retri
enim re
qua aff
solam
subdit q
tionis
Eus fuit
rem caus
deque in
Bessarion
si cum
personas
distinct
Hæc
testimon
filius, &
gorium
estatus

Græci qui nobiscum de hac re non sentiunt, debemus a seque ulla ambiguitate, quæ ex his necessario consequuntur, uno consensu suscipere. Igitur S. Doctor, ut clarius & facilius in sua disputatione procederet, prius supponit ea in quibus Græci conveniunt cum Latinis, ut ex his postea inferat veritatem in qua dissentiunt. Et hoc est argumentum quod vocamus ad hominem, per quod demonstratur veritas de processione Spiritus sancti à filio, ex ipsis propriis Græcorum principiis.

Resp. 2. juxta regulam superius traditam ex doctissimo Bessarione: quod quando SS. Patres præter processionem Spiritus sancti à filio, assignant aliam causam distinctionis eorum, non assignant aliam causam, quæ sit diversa veluti speciei ab ea quæ modò est, sed quæ sit ejusdem veluti speciei: & quia nulla modo est in divinis causa distinctionis Personarum, quæ excludat processionem Spiritus sancti ex filio, sed potius eam includit, ut fateatur omnes: ideo in omni causa, quam sancti Patres afferunt distinctionis Personarum, semper subintelligitur ipsa processio. Hoc optime probat idem Bessarion in sua oratione dogmatica, quæ habetur in Concilio Florentino, cap. 6. ut supra fusè retulimus, & nunc breviter repetimus: postquam enim retulit auctoritatem D. Gregorii Nysseni, in qua asserit processionem Spiritus sancti à filio esse solam causam, propter quam distinguitur ab ipso, subdit quod idem sanctus aliam quoque hujus distinctionis causam assignavit, scilicet quod Spiritus sanctus fuit per filium manifestatus, sed istam posteriorem causam esse ejusdem speciei cum illa priore, proinde deque ipsam non excludere, sed includere. Nam ut ait Bessarion: *Contradiceret sibiipso* (sanctus Doctor) *si cum antea causam, & causam tantum dixerit personas divinas distinguere, deinde alium modum distinctionis specie differentem tradidisset.*

Hæc est regula generalis ad explicanda Patrum testimonia, juxta quam in forma sic respondeo. Ideo filius, & Spiritus sanctus distinguuntur juxta D. Gregorium Nyssenum, quia ille est natus, iste est manifestatus, & juxta D. Anselmum, quia ille nascitur,

iste procedit, & juxta D. Augustinum lib. 5. de Trinitate cap. 14. quia iste procedit, *non quomodo natus, sed quomodo datus*. Distinguo hæc omnia: itaut hæc causa sit diversæ speciei à processione, ipsamque excludat, nego: itaut sit ejusdem speciei, ipsamque includat, conc. Non enim Spiritus sanctus manifestaretur à filio, si non procederet ab ipso: nec potest à Patre procedere, nisi ab ipso quoque filio procedat: nec denique potest esse datus, nisi ut procedens ab utroque.

Plura dici possent circa D. Anselmum, itaut issemet Doctor subtilis Scotus in 1. distinct. ij. qu. 2. sic habeat. *Authoritas adducitur Anselmi lib. suo de processione Spiritus sancti. Sed quia ipsum adducunt utrique pro se: & sit altercatio magna de intentione eius qua fuerit: ideo hic nolo multum circa intentionem eius immorari.*

Quæ diximus sufficiunt pro Theologiæ candidatis. Eodemque modo procedemus in solutionibus sequentium objectionum, præmittendo plura, quæ quidem sunt valde subtilia, & etiam solida, sed aliunde nimis intricata, & eligendo ea quæ sunt clariora, & faciliora.

§. XII.

Soluntur aliæ objectiones.

Obiic. 2. Tota ratio quare Spiritus sanctus non distingueretur à filio, si non procederet ab ipso, est quia illi relativè non opponeretur. Sed hæc ratio nulla est. Ergo præcipuum nostræ sententiæ fundamentum corrui. Ma. patet ex dictis. Mi. prob. dantur in divinis relationes, quæ non opponuntur relativè, sed sunt disparatæ; & tamen realiter distinguuntur. Ergo illa ratio non est bona, quod aliqua non distinguantur, quia relativè non opponuntur. Prob. antecedens. Relatio filiationis, per quam constituitur filius, non opponitur relativè ipsi relationi spirationis passivæ, per quam constituitur Spiritus sanctus; non enim ad ipsam correfertur, sed tantum ad relationem Pater-

nitatis.
ab ip
consti
Respo
antec.
positio
ipsi rel
diata,
opposit
ad reale
Expli
plicem
diatam
relativ
scilicet
cit med
ut jam
& relat
modi re
sancti
relatio
filii rel
ipsum c
ductum
à suo te
stio me
liter di
tione p
Obiic
procede
disting
fitionem
Ergo fin
Patre, c
non hab
cum sol
Resp
est: qui
tivam o
bene ta
distincti

mitatis : se habent igitur disparatè : & tamen realiter ab invicem distinguuntur , sicut ipsæ personæ quas constituunt. Ergo.

Resp. negando mi. ad cujus probationem nego antec. & ad rationem subjunctam , distin. illam propositionem , relatio filiationis non opponitur relativè ipsi relationi spirationis passivæ : oppositione immediate , conc. oppositione mediata , ne. Hæc autem oppositio relativa , licet sit mediata tantum , sufficit ad realem distinctionem.

Explicatur magis hæc solutio. Relatio filiationis duplicem habet relativam oppositionem : unam immediatam , scilicet ad relationem paternitatis , quam respicit immediatè per seipsam : alteram mediatam , scilicet ad relationem spirationis passivæ , quam respicit mediante relatione spirationis activæ : cum enim , ut jam sæpius diximus , actiones sint suppositorum , & relatio filiationis constituat suppositum filij , hujusmodi relatio facit , quod filius sit principium Spiritus sancti , & relationis ipsum constituentis. Ipsa autem relatio spirationis activæ facit , quod idem suppositum filij referatur ad Spiritum sanctum , & ad relationem ipsum constituentem , tanquam ad terminum à se productum. Et quia necesse est , quod principium realiter à suo termino distinguatur : ideo illa relativa oppositio mediata sufficit , ad hoc ut filius , & filiatio realiter distinguantur à Spiritu sancto , & ab ipsa spiratione passiva.

Obiic. 3. Si per impossibile Spiritus sanctus non procederet à Patre , sed tantum à filio , adhuc realiter distingueretur ab utroque ; & tamen non haberet oppositionem relativam cum Patre , sed tantum cum filio. Ergo similiter si non procederet à filio , sed tantum à Patre , deberet nihilominus ab utroque distingui , licet non haberet oppositionem relativam cum filio , sed cum solo Patre.

Resp. conc. antec. nego consequ. Ratio discriminis est : quia in priori casu licet Pater non haberet relativam oppositionem immediatam cum Spiritu sancto , bene tamen mediatam , quam diximus sufficere ad distinctionem : nam licet tunc Pater non produceret

Spiritum sanctum immediatè per seipsum ; bene tamen mediante filio , quatenus ipsum producendo , virtutem ei spirativam communicaret ; atque ita foret principium mediatum Spiritus sancti. Sed in posteriori casu filius nullam oppositionem relativam haberet cum Spiritu sancto neque immediatam , neque mediatam ; quia ipsum non produceret neque immediatè per seipsum , neque mediante Patre , cui non tribueret virtutem spirativam , cum non foret principium ipsius productivum. Unde non est mirum , si tunc filius nullatenus à Spiritu sancto distingueretur.

Instabis. Essentia divina habet oppositionem relativam mediatam cum relationibus divinis : nam mediante paternitate opponitur filiationi , & mediante filiatione paternitati : & tamen non distinguitur ab eis. Ergo talis oppositio non sufficit ad distinctionem.

Resp. ne. antec. Quia oppositio relativa , quacunque illa sit , sive immediata , sive solummodo mediata , saltem si ad distinctionem sufficiat , non convenit in divinis nisi rei relativæ : essentia autem non est relativæ sed absolutæ : unde non convenit ei ulla talis oppositio , vel distinctio : imò potius e contra propter suam infinitatem omnimodam exigit sibi realiter identificare omnia , quæ sunt in divinis , & ipsas etiam relationes , saluâ reali earum distinctione ab invicem.

* Obiic. 4. Etiam si Spiritus sanctus non procederet à filio , nihilominus remaneret utriusque distinctivum. Ergo adhuc distinguerentur. conseq. patet. antec. prob. Idem est constitutivum , & distinctivum , juxta commune Philosophorum axioma. Sed remaneret utriusque constitutivum. Ergo & distinctivum. Prob. mi. filius , & Spiritus sanctus constituuntur per relationes filiationis , & spirationis passivæ. Sed hujusmodi relationes remanerent. Ergo.

Resp. ne. antec. ad cujus prob. ne. min. Et ad ejus probationem distin. maj. constituuntur per hujusmodi relationes , quatenus sunt relationes originis , conc. si forent relationes disparatæ , ne. & similiter ad min. remanerent hujusmodi relationes , distin. ne.

relationes disparatae, conc. ut relationes originis, nego.

Replicabis, remanerent personae filij, & Spiritus sancti, Pater enim adhuc haberet virtutem generativam filij, & spirativam Spiritus sancti. Ergo remanerent eorum constitutiva.

Respondeo ne. antec. In illo enim casu non remanerent tres personae, sed duae tantum, non enim daretur Spiritus sanctus, sed solummodo Pater generans simul & spirans, & filius genitus simul & spiratus. Et sicut nunc eadem Persona est simul ac semel Pater, & spirator; itaut relatio Paternitatis ipsam personam constituat; relatio vero spirationis activae nullam constituat personam, sed supponat personam Patris constitutam, eique virtualiter superaddatur: ita tunc una eademque persona esset filius, & spiratus; itaut relatio filiationis constitueret personam filij; relatio vero spirationis passivae nullam personam constitueret, sed personam filij supponeret, eique virtualiter superadderetur. Sic Pater retineret virtutem generativam, & spirativam, non ad producendum duas personas, sed unam & eandem duobus modis, eam generando per intellectum, & spirando per voluntatem, ita tamen ut utriusque productionis terminus, scilicet relatio filiationis, & relatio spirationis passivae esset realiter unus & idem, & distingueretur solummodo virtualiter: & sicut relatio filiationis corresponderet relationi Paternitatis, ita relatio spirationis passivae corresponderet relationi spirationis activae. Unde ab initio huius difficultatis diximus, quod in ipsius resolutione nihil minus agitur, quam de subvertendo, vel stabilizando SS. Trinitatis Mysterio: funditus enim subverteretur juxta errorem Graecorum, sicut contra omnino stabiliretur juxta sententiam Latinorum, & veritatem Catholicam.

§. XIII.

Pater, & Filius sunt unum principium Spiritus sancti, & unus spirator, licet sint duo spirantes.

Quod sint unum principium Spiritus sancti & ipse unica spiratione procedat, est de fide, ut patet ex diffinitione facta in Concilio Florentino, & relata in 2. §. hujus articuli. Et similiter ex Concilio Lugdunensi, quod refertur in jure canonico cap. *fideli de summa Trinit.* & fide Catholica in sexto, ubi sic dicitur. *Fideli ac devota professione fatemur, quod Spiritus sanctus aeternaliter ex Patre, & Filio, non tamquam ex duobus principijs, sed tanquam ex uno principio: non duabus spirationibus, sed unica spiratione procedit.* Hoc professus est habetanus predicavit, & docuit, hoc firmiter tenet, & predicat, profiretur, & docet Sacro sancto Romana Ecclesia, Mater omnium fidelium, & Magistratrix: hoc habet orthodoxorum Patrum, atque Doctorum, Latinorum pariter & Graecorum incommutabilis, & vera sententia. Et paulo post sic habetur. *Hoc sacro approbante Concilio damnamus, & reprobamus omnes, qui negare praesumpserint aeternaliter Spiritum sanctum ex Patre filioque procedere: siue etiam temerario ausu asserere, quod Spiritus sanctus à Patre, & filio tanquam ex duobus principijs, & non tanquam ex uno procedat.*

Ratio sumitur ex regulis generalibus supra traditis circa modum loquendi de Mysterio SS. Trinitatis. Diximus enim, quod quando nomina sunt substantiva, ad eorum multiplicationem requiritur nedum multiplicatio suppositi, vel personæ, sed etiam naturæ, vel formæ per illud nomen significatæ: quando verò nomina sunt adjectiva, sufficit ad eorum multiplicationem sola suppositi multiplicatio. Quia igitur Pater, & filius sunt quidem duo supposita, duæque personæ; sed in ratione principij, & in virtute, & actione

Spirativa Spiritus sancti sunt unum, & idem, ut patet ex dictis in toto isto articulo: ideo cum hoc nomen, *principium*, sit substantivum, & similiter hoc nomen, *spirator*, non debent dici duo principia, sed unum tantum, nec similiter duo spiratores, sed unus spirator. Sed quia hoc nomen, *spirans*, est adjectivum, idcirco dicuntur duo spirantes. Unde D. Augustinus lib. 5. de Trinitate cap. 14. ait: *Sicut Pater, & filius unus Deus, & ad creaturam relative unus creator, & unus Dominus, sic relative ad Spiritum sanctum unum principium.*

Notandum tamen, quod in prædictis Conciliis diffinitur quidem, quod Spiritus sanctus à Patre, filioque procedit unica spiratione; non diffinitur tamen quod Pater, & filius sint unicuique spirator: Imò D. Thomas 1. sent. dist. ij. a. 4. docuit quod Pater, & filius sunt quidem unum principium Spiritus sancti, non tamen unus, sed duo spiratores, quamvis Spiritus sanctus ab eis unica spiratione procedat. Sed postea 1. 2. qu. 36. a. 4. hanc opinionem si non formaliter, & expresse, saltem tacite ac interpretative retractavit, ut P. Nicolai advertit ibidem ad marginem, etenim expresse ibi asserit, quod Pater, & filius sunt quidem duo spirantes, sed non sunt duo spiratores sed unus tantum, sicut sunt unum principium, & hoc probat per rationem jam explicatam.

Idem S. Doctor in eodem art. 4. qu. 36. postquam sibi objecit D. Hilarium in 2. de Trinitate dicentem: *Spiritus sanctus à Patre, & filio authoribus confitendus est.* Sic responderet. *Quod verò Hilarius dicit, exponendum est, quod ponitur substantivum pro adjectivo.* Id est quod sumit nomen illud substantivum, *Author*, quasi foret adjectivum: sicut contra D. Athanasium in Symbolo nomina illa, *omnipotens, aternus, &c.* alia similia, quæ sunt adjectiva sumit quasi forent substantiva, ut explicuimus supra. Et hæc est regula generalis pro conciliandis SS. Patrum testimoniis.

Quæres. Pro quo supponat principium Spiritus sancti, vel spirator.

Resp. quod D. Thomas in artic. 4. jam citato ad

§. sic habet. *Hoc quod dico, principium, (Et idem est de spiratore) non supponit pro una persona tantum, sed indistincte pro duabus.* Quod explicat optime Serra in commentario illius articuli, ut sensus sit, quod supponit, & pro unaquaque ex his duabus personis, nimirum Patre, & filio, & pro illis duabus simul; ita ut de utraque persona collectivè, & de qualibet div sive verificetur esse principium, & spiratorem. Cum enim tota virtus spirativa sit perfectè, & integrè in Patre seorsum, & similiter in filio, & in utroque simul: verum est dicere de Patre, quod est principium, iuxta illud Joan. ii. *spiritum veritatis, qui à Patre procedit*: & idem est de filio, iuxta illud ad Galat. 4. *Missi Deus spiritum filii sui*: Et de utroque simul, iuxta prædictas definitiones Concil. Lugdunensis, & Florentini.

§. XIV.

An Spiritus sanctus per se postulet procedere à duabus personis.

Affirmant Thomistæ: negant Scotistæ. Sed quia non est nisi quæstio de terminis, eam uno verbo resolvuo.

Concl. Spiritus sanctus per se exigit procedere à duabus personis, Patre scilicet, & filio.

Prob. vel potius patet ex dictis 1. Quia nihil magis per se convenit alicui rei, quàm illud, quod ita essentialiter exigit, ut sine illo nec esse possit, nec concipi. Sic homini per se convenit esse rationale: quia hoc est eius essentia; nec aliter esse, vel concipi potest. Sed Spiritus sanctus ita essentialiter exigit procedere à duabus illis Personis, ut sicut fusè ostendimus, si à filio non procederet tam bene quàm à Patre, nec esse posset, nec concipi: Tunc enim non esset Spiritus sanctus, neque daretur tertia Persona in divinis: sed essent tantùm duæ personæ, nimirum Pater spirans, & filius spiratus. Ergo maximè convenit Spiritui sancto ut procedat à duobus. 2. Spiritus sanctus procedit ex amore perfectissimo, ut probavimus supra, ostendimus autem in 1. quæst. huius tract. exponendo ra-

ones, quibus D. Thomas probat Myſterium SS. Trinitatis, præſertim ex qu. 9. de potentia artic. 9. ad cumulum perfectionis, requirit, quod amor fit mutuus, & quod amici ſuæ charitatis delicias tertiarum perſonarum communicent. Igitur Myſterium SS. Trinitatis exigit, ut detur tertia perſona, ſive Spiritus ſanctus, procedens ab aliis duabus perſonis, ſive Patre, & filio, ſeſe mutuo diligentibus, ipſique divinæ ſuæ charitatis delicias communicantibus.

Obiic. 1. Pater æternus habet virtutem ſpirativam perfectè, & adequatè. Ergo ad ſpirandum Spiritum ſanctum, non adiungitur iſi ſi filius per ſe, ac formaliter, ſed tantum quali per accidens, & concomitanter. Sicut ſupra diximus, quod, Trinitas Perſonarum non concurrit per ſe ac formaliter, ſed tantum quali per accidens, & concomitanter ad rerum creationem: quia qualibet ex divinis Perſonis habet in ſe perfectè, & adequatè virtutem creativam. 2. Si per impoſſibile non daretur filius, ſed ſolummodo Pater æternus, adhuc ſpiraret Spiritum ſanctum: ſicut ſi per impoſſibile Deus non eſſet trinus, ſed tantum unus, adhuc creaturas produceret, & conſervaret. Ergo pluralitas Perſonarum non eſt per ſe requiſita ſive ad rerum creationem, ſive ad Spiritus ſancti productionem.

Reſp. ad 1. diſtin. antea. Pater habet virtutem ſpirativam, perfectè, & adequatè: ſi virtus illa conſideretur ut communicata filio, conc. ſi non conſideretur ut communicata, ne. Et nego conſequ. Ea enim quæ ſunt abſoluta in divinis, ita eſſentialiter exigunt eſſe communia perſonis, ubi non obſtat oppoſitio relationali, ut non poſſint perfectè, & adequatè ſumi, niſi conſiderentur ſub illa communitate rei, ut pater ex dictis in hac, & præcedenti qu. cùm igitur Pater, & filius nullam oppoſitionem habeant in virtute ſpirativa, ut patet etiam ex dictis, ſequitur quod huiusmodi virtus eſſentialiter exigit eſſe communis utriusque, & eſſe tota & totaliter tam in filio quàm in Patre: atque ita exigit; ut uterque per ſe ac formaliter concurrat ad producendum Spiritum ſanctum.

Quantum ad creationem, nego conſequ. & paritatem. Ratio diſcriminis eſt: quia tota virtus creativa

totaliter reperitur in qualibet ex divinis personis, ita ut etiam si unica ex illis crearet, adhuc creatura forent tales, quales modò sunt: quia non exigunt essentialiter procedere à divinis Personis, prout sunt ab invicem distinctæ, sed solummodo prout sunt unum, & idem in virtute creativa. Sed virtus spirativa ita est in Patre, & filio, ut si uterque non spiraret, non esset Spiritus sanctus talis, qualis modò est: imò ut jam diximus, nullus esset Spiritus sanctus, sed solummodo Pater spirans, & filius spiratus: unde exigit procedere ab ipsis nedum ut sunt unum in virtute spirativa, sed etiam ut distinguuntur in suis propriis personis, ad hoc ut possit esse tertia persona realiter ab ipsis distincta.

Et ex hoc patet ad 2. Nam si per impossibile non daretur filius, sed tantum Pater: adhuc quidem spiraret: sed ille Spiritus sanctus esset quasi diversæ speciei ab illo qui modò est: quia non exigeret essentialiter procedere à duobus, sicut iste. Si autem per impossibile Deus non esset trinus, sed tantum unus, adhuc creatura, quæ ab illo producerentur, forent ejusdem speciei cum illis, quæ modò sunt; quia non procedunt ab illo nisi secundum unitatem: unde est disparitas manifesta.

¶

Q U A S T I O V.

De notionibus divinis.

PAuca supersunt dicenda de notionibus: quia plura de ipsis ob connexionem Doctrinæ diximus in quæ præcedentibus.

Adv.
iplam d
ac velu
est diff
di divi
tans (pe
pria, q
cernitur
aliquid
ab inv
sonam:
Persona
denotan
ratio p
dignitat
ture int
i. neces
primit
denotet
tiam. H
Conc
nec pa
filiatio
qu. 32.
Proba
sonam d
finition
Prob. M
æternus
quod e
etiam H
soli con
& pater
perfecta

ARTICULUS I.

Quot, & quæ sint notiones divine.

Adv. quòd notio dicitur quasi notificatio, quia per ipsam diversæ Personæ notificantur, & dignoscuntur, ac veluti discernuntur ab invicem: unde notio sic potest diffiniri, vel describi: Ratio propria dignoscendi divinam Personam, exprimens, vel saltem denotans specialem aliquam dignitatem. Dicitur ratio propria, quia per id quod est commune multis non discernitur unum ab alio: unde necesse est quòd notio sit aliquid proprium Personis divinis, ut eas discernat ab invicem. Dicitur ratio dignoscendi divinam Personam: quia hoc est proprium notionis munus, ut Personas divinas notificet. Dicitur exprimens, vel denotans specialem aliquam dignitatem: quia cum ratio Personæ importet specialem excellentiam, & dignitatem; & ideo non conveniat nisi suppositis naturæ intellectualis, ut explicuimus in qu. præced. art. 1. necesse est, quòd sicut notio Personam divinam exprimit, vel saltem denotat, ita etiam exprimat, vel denotet specialem aliquam dignitatem, & excellentiam. Hoc supposito fit.

Concl. quinque sunt notiones in divinis, nec plures nec pauciores, scilicet innascibilitas, Paternitas, filiatio, spiratio, & processio. Ita D. Thomas 1. p. qu. 32. a. 3. Et communiter Theologi.

Probatur. Notio est ratio propria dignoscendi Personam divinam denotans dignitatem, ut patet ex diffinitione prædicta. Sed talis ratio est quintuplex. Ergo. Prob. Mi. Nam innascibilitas importat, quòd Pater æternus non sit ab ullo principio, arque ita sit à seipso, quod est ipsi proprium, & valde perfectum; sicut etiam Paternitas dicit maximam perfectionem ipsi soli convenientem. Igitur Pater per innascibilitatem, & paternitatem tanquam per rationes proprias, & perfectas ab aliis personis discernitur. Ergo utraque

est notio. Similiter filiatio importat perfectionem propriam filio, per quam ab aliis Personis discernitur, & sic est tertia notio. Quantum ad spirationem activam, quæ simpliciter spiratio dicitur, est etiam perfectio; & licet sit communis Patri, & filio absolute, est tamen ipsis propria respectivè ad Spiritum sanctum: nam per spirationem activam Pater, & Filius à Spiritu sancto realiter distinguuntur, & discernuntur; & sic est quarta notio. Spiratio tandem passiva, quæ cum non habeat speciale nomen incomplexum, vocatur communi vocabulo processio (sicut supra diximus qu. 3. agendo de relationibus, quod relatio spirationis passivæ communi quoque vocabulo processio dicitur) est perfectio propria Spiritus sancti distinguens, & discernens ipsum à Patre, & Filio: & sic est quinta notio.

Ob. 1. Innascibilitas non exprimit, neque denotat, dignitatem. Ergo non est notio. Prob. antec. Innascibilitas nihil aliud dicit, quàm negationem principij. Sed negatio non est aliquid dignum, vel perfectum. Ergo.

Resp. distin. antec. non denotat dignitatem, ex parte negationis, conc. ex parte fundamenti, ne. nam quamvis negatio principij non sit perfectio; hoc tamen quod talem negationem fundat, est maxime perfectum: est enim ens à seipso existens, & à nullo alio vel dependens, vel procedens. Innascibilitas ergo hanc maximam perfectionem denotans est notio, & quidem omnium prima.

Replicabis. Fundamentum huius negationis non potest esse aliud quàm paternitas; cum hoc sit proprium solius Patris, quod omni principio careat. Ergo saltem sequitur quod innascibilitas non est notio distincta à notione Paternitatis.

Resp. conc. antec. nego consequentiam. Quamvis enim ex hoc ipso quod innascibilitas fundatur in paternitate divina, importet de materiali aliquid positivum, atque ita denotet perfectionem, quod sufficit ad rationem notionis; nihilominus de formali nihil importat nisi negativum, scilicet negationem omnis principij: unde innascibilitas, & Paternitas

De notionibus divinis

373

sunt duae notiones ; illa quidem in negativo , illa vero in positivo consistens. Et per hanc distinctionem tanquam per regulam generalem conciliantur quaedam testimonia D. Thomae , qui aliquando videtur asserere , quòd notio innascibilitatis consistit in positivo , aliquando verò quòd consistit in negativo : illud enim intelligi debet de materiali , istud verò de formali.

Obijc. 2. nedum filiatio , sed etiam ratio verbi , & ratio imaginis sunt rationes perfectae , propriae filij , ipsumque discernunt ab aliis Personis. Ergo sunt notiones. E. idem dicendum est de ratione doni , & amoris respectu Spiritus sancti. Imò etiam generatio in Patre , & nativitas in filio dignitatem important , ipsumque Patrem , & filium notificant. Ergo sunt etiam notiones.

Resp. concedendo quòd ratio verbi , & ratio imaginis sunt notiones : sed quia realiter identificantur cum filiatione ; idcirco ad ipsam reductivè pertinent , & sub ipsius notione comprehenduntur. Si quis autem velit eas virtualiter distinguere , existimo nullum in hoc esse inconveniens. Idem dicendum de ratione doni , & ratione amoris , quòd nempe sunt notiones sicut ratio Spiritus sancti : sed quia sunt una eademque realiter notio , quamvis distinguì possint virtualiter : ideo omnes sub nomine processionis comprehenduntur.

Quantum ad generationem , & nativitatem , si considerentur in recto dicunt aliquid absolutum toti Trinitati commune , & sic ex hac parte nequeunt esse notiones , cum non sint rationes propriae : si autem sumantur in obliquo , dicunt solummodo paternitatem , & filiationem : atque ita non sunt notiones distinctae.

Instabis. Sequeretur , quòd spiratio activa , sive spiratio simpliciter dicta , non esset specialis notio distincta à notionibus paternitatis , & filiationis ; cum realiter cum ipsis identificetur , ut diximus quaest. 3. agendo de relationibus.

Resp. ne. consequ. quia spiratio non distinguitur quidem realiter à paternitate , & filiatione ex parte sui , benè tamen ex parte Personarum , in quibus reperiun-

tur. Nam paternitas reueritur in sola persona Patris, & filiatio in persona filij; sed spiratio reperitur in utroque; & propterea ponitur distincta notio. Sed rationes verbi, & imaginis non distinguuntur realiter à filiatione, neque ex parte sui, neque ex parte personæ, in qua reperiuntur: quia sunt unum, & idem, & similiter in una, eademque persona reperiuntur, nimirum in filio; & propterea non faciunt nisi unam notionem cum filiatione. Et idem dicendum est de rationibus doni, & amoris, respectu Spiritus sancti, quæ numerum quoque notionum non augent.

Obiic. 3. Innascibilitas convenit etiam Spiritui sancto: non enim nascitur, sed spiratur. Ergo notio innascibilitatis non est propria solius Patris.

Resp. dist. antec. Innascibilitas aliqua, scilicet quod non procedat nascendo, convenit Spiritui sancto, conc. Innascibilitas omnimoda, quod à nullo principio procedat, ne hæc enim soli Patri convenit, & ipsa etiam sola est, quæ dicitur notio innascibilitatis.

Dices illa innascibilitas, quod Spiritus sanctus non procedat nascendo, notificat ipsum. Ergo debet esse notio. Inspirabilitas quoque notificat filium, qui non procedit per spirationem, sed per generationem. Imò etiam Spiritus sanctus notificatur per improductivitatem, siue per hæc quod non producat aliquam personam divinam. Ergo hæc omnia debent annumerari inter notiones.

Resp. Innascibilitatem illam, inspirabilitatem, & improductivitatem non esse notiones, quia nullam exprimunt, uel denotant perfectionem. Nam etiam creaturæ quantumvis imperfectæ procedunt à Deo per creationem & non per nativitatem sicut filius, nec per spirationem sicut Spiritus sanctus, neque sunt capaces producendi aliquam Personam divinam: unde reueritur in omnibus creaturis innascibilitas, inspirabilitas, & improductivitas; & tamen hæc omnia nullam in eis perfectionem, excellentiam, aut dignitatem exprimunt, uel denotant, neque ex parte sui, neque ex parte fundamenti. Cum igitur tam in rebus divinis, quam in rebus creatis hæc omnia ab omni perfectione abstrahant, neque ullam ex propria ratione sua

sua uel
tiones.

Quid
nam

1. Sic
ita etia
Patet a
artic. 2
seu pro
spiratio
Patri,
2. Pa

sumant
tialibus
enim ali
num, q
tur in ob
disting
sonarum
stituti
bum, n
catum re
ipso velle
filiationi

3. Ex
est dicti
potentia
modifica
tentia g
amor,
ipsa po
per relac
tentia sp
tivè ut p
To

sua uel exprimant, uel denotent, nequeunt esse notiones.

ARTICULUS II.

Quid, & quot sunt actus notionales. Quodnam eorum principium, & quinam terminus. Et utrum sint voluntarij.

1. Sicut notiones sunt rationes propriæ Personarum, ita etiam actus notionales sunt actus earum proprij. Pater autem ex dictis qu. 2. de processionibus divinis artic. 2. & 3. quod actus illi sunt duo, scilicet dictio, seu productio verbi, quæ convenit soli Patri, & spiratio, seu productio Spiritus sancti, quæ convenit Patri, & filio.

2. Patet ex dictis ibidem quod si actus notionales sumantur in recto, non distinguuntur ab actibus essentialibus, qui sunt toti Trinitati communes, nihil enim aliud sunt quam ipsum intelligere, & velle divinum, quod omnibus personis convenit: sed si sumantur in obliquo, & de connotato, sic actus notionales distinguuntur ab essentialibus, & sunt proprij Personarum, connotant enim relationes Personarum constitutivas. Nam ipsum dicere, quod Pater producit verbum, nihil aliud est quam ipsum intelligere ut modificatum relatione Paternitatis; & spirare ibidem est cum ipso velle ut modificato per relationes paternitatis, & filiationis.

3. Ex hoc inferitur quod sicut ipsa intellectio divina est dictio, seu productio, & generatio verbi, ita potentia intellectiva, sive intellectus, prout similiter modificatur per relationem Paternitatis, est ipsa potentia generativa. Et sicut ipsa volitio divina, sive amor, est spiratio, sive productio Spiritus sancti, ita ipsa potentia volitiva, seu voluntas, ut modificata per relationes paternitatis, & filiationis, est ipsa potentia spirativa. Unde potentia generativa reduplicative ut potentia tam est in filio, imò etiam in spiri-

in sancto, quam in Patre; quia ut sic non dicit nisi intellectum toti Trinitati communem: sed reduplicativè ut generativa est in solo Patre, quia ut sic importat paternitatem ipsi propriam. Et similiter potentia spirativa ut potentia tam est in Spiritu sancto quam in Patre, & filio, quia est ipsa voluntas communis toti Trinitati: sed ut spirativa, non convenit nisi Patri, & filio, quia sic voluntati superaddit Paternitatem, & filiationem ipsis proprias. Sic per hanc distinctionem veluti per regulam generalem, conciliantur quedam testimonia D. Thomæ, qui quandoque videtur asserere potentias illas esse essentielles, proindeque omnibus personis communes; quandoque contra eas esse notionales, proindeque proprias: sunt enim essentielles, & communes ut sunt potentia; sed sunt notionales, & propriæ ut sunt generativa, & spirativa.

4. Explicuimus quoque in prædictis quæst. 2. & articulis de processibus divinis, quodnam sit principium & quinam terminus huiusmodi actuum notionalium. Ostendimus enim, quod actiones sunt suppositorum ut quod, & naturarum, ac potentiarum, ut quo: unde suppositum Patris est principium quod dicit, seu generat verbum; & natura divina, ipsaque potentia intellectiva sunt principium quo ipsum generat. Et similiter suppositum Patris, & suppositum filij sunt principium quod ipsius spirationis: & natura, ac voluntas divina sunt ejus principium quo. Et quia terminus principio correspondet, idcirco terminus qui generationis est suppositum filij, & terminus quo est natura divina, & potentia intellectiva ut quodammodo passivè se habent, sive ut communicantur filio. Et similiter terminus qui spiratur est suppositum Spiritus sancti, & terminus quo mediante spiratur, est natura, & voluntas ipsi communicata. Unde D. Thomas qu. 9. de potentia art. 3. ad 3. ait: *Dicendum, quod licet Pater possit generare, non autem filius, non tamen sequitur, quod potentiam aliquam habeat Pater, quam non habeat filius: eadem enim potentia est Patris, & filii, per quam & Pater generat, & filius generatur.* Et Joannes

Theol.
tur. E
gen
substa
rat,
ipsa
qua d
5. A
comita
mas r.
concon
compla
sicut,
ego sum
esse ho
genuit
vult se
cet: &
comitan
Ille a
cedente
sanctus
cipij: s
quia vol
non pot
luntate
sed inte
fessione
ra est s
volunt
quia ne
sapient
Et D.
lum esse
voluntate
dum est
sed
Q
tas: qui
tas est i
etiam cau

Theologus in Concilio Florentino *sess. 18.* Sic loquitur. *Ego affirmavi, quod dicimus, filium à Patre generari, idem esse ac dicere, filium generari à substantia Patris: ita ut quod producit sive generat, persona sit: principium vero quo generat, sit ipsa (scilicet substantia, sive natura divina) quæ aliis communicatur.*

5. Actus notionales sunt voluntarij, voluntate concomitante, sed non antecedente, ut docet D. Thomas 1. p. qu. 4. artic. 2. quia illud est voluntarium per concomitantiam, quod aliquis vult, & in quo sibi complacet, quamvis ejus voluntas non sit causa actus; sicut, inquit angelicus Doctor, possum dicere quodd ego sum homo mea voluntate, quia scilicet volo me esse hominem: & hoc modo potest dici, quodd Pater genuit filium voluntate: quia vult se esse Deum, & vult se generare filium, & in hoc sibi maximè complacet: & sic generatio filij est maximè voluntaria concomitanter.

Ille autem actus est voluntarius voluntate antecedente, cujus voluntas est causa, & sic, inquit idem sanctus Doctor, voluntas importat habitudinem principij: sicut dicitur, quodd artifex voluntate operatur quia voluntas est principium operis: & in hoc sensu non potest dici, quodd Pater genuit filium sua voluntate, quia filius non procedit per viam voluntatis, sed intellectus. Unde in Concilio Tolerano ij. in professione fidei sic dicitur: *Hic etiam filius Dei naturalis est filius non adoptionis, quem Deus Pater nec voluntate, nec necessitate genuisse credendus est: quia nec ulla in Deo necessitas cadit, nec voluntas sapientiam prævenit.*

Et D. Thomas hic dicit, quodd Arriani volentes filium esse creaturam, asseriebant Patrem genuisse filium voluntate: nobis autem, inquit S. Doctor, dicendum est, quodd Pater genuit filium, non voluntate, sed natura.

Quantum ad Spiritum sanctum major est difficultas: quia procedit per viam voluntatis, unde voluntas est ipsius principium, ut loquantur Latini, vel etiam causa, ut loquantur Græci; & sic videtur quodd

eius spiratio non est solummodo voluntaria voluntate concomitante, sed etiam antecedente. Sed dicendum est cum D. Thoma a. 2. jam citato ad 3. quoddam voluntas considerari potest dupliciter: uel ut est natura, & sic operatur necessarium, in quo convenit cum omnibus agentibus pure naturalibus: uel formaliter, & re-duplicative ut est uoluntas, & sic operatur liberè in quo distinguitur ab agentibus naturalibus. Igitur Spiritus sanctus procedit à voluntate non ut est uoluntas operans liberè, sed ut est natura operans necessarium.

Ad tollendam autem omnem æquivocationem, alia duplex distinctio notanda est, quam explicabimus fuisse contra Iansenium in tract. de actibus humanis. Igitur necessarium sumi potest dupliciter, uel prout est idem ac violentum, & coactum: uel prout omnem violentiam, & coactionem excludit, & lubentiam, ac spontaneitatem importat, & dicitur id quod ita est, ut non possit non esse. Liberum quoque dupliciter sumitur: uel prout idem est ac lubens, & spontaneum, & coincidit cum prædicto necessario: uel prout dicit indifferentiam, & ita se habet ad unum, ut importet etiam potentiam ad oppositum. Voluntarium autem quandoque sumitur pro libero libertate spontaneitatis, & lubentia, quandoque uero pro libero libertate indifferentia; quamvis voluntas prout dicit indifferentiam liberum arbitrium soleas nuncupari.

Igitur actus notionales non sunt necessarii, prout necessarium sumitur in primo sensu, siue est violentum, & coactum, & propterea prædictum Concilium Toletanum dicit, quoddam Pater æternus non est credendus genuisse filium suum necessitate, quia nulla necessitas seu violentia, & coactio in Deo cadit. Sunt tamen necessarii, prout necessarium sumitur pro eo quod est lubens, & spontaneum, licet aliunde sit immobiliter determinatum ad unum, ita ut non possit aliter se habere. Pater enim æternus maxime lubenter, & omnino sponte suum generat filium; & uterque spirat Spiritum sanctum, quamvis & generatio illa, & spiratio immutabiles sint, nec unquam se alia

ter habet
prout li
ac sp
Ximus;
arbitrij
logus in
bitrio d
possit g
Pater, &
ctum. S
quæ tan
indiffer
& infini
lis imp
princip
dicto tr
In ho
dictum
voluntat
& Filius
ut est li
pium;
sed cum
Ut enim
de ipsu
nisi pur
Scotus
voluit
quamvis
natus est
minabit
de actib

Dis

D, A
nim Eij
modo p

ter habere possint. Idem actus notionales sunt liberi, prout liberum sumitur in priori sensu, sive lubentes, ac spontanei, quamvis aliunde necessarij, ut jam diximus, sed non sunt liberi libertate indifferentiæ, & arbitrij: nullus enim adhuc Philosophus, uel Theologus imaginatus est, quoddà libero Patris æterni arbitrio dependeat generare filium, itaut indifferenter possit generare ipsum, uel non generare; aut quoddà Pater, & filius cum indifferentia spirant Spiritum sanctum. Sed est in utroque actu omnimoda necessitas, quæ tamen in infinitum superat omnem Libertatem indifferentiæ, quia necessitas illa provenit ex summa, & infinita perfectione, quam uterque actus notionalis importat nedum ex parte sui, sed etiam ex parte principij, & termini, ut explicabimus magis in prædicto tract. de actibus humanis.

In hoc sensu nedum de filio dici potest id quod prædictum Concilium ait, quoddà Pater non genuit eum voluntate; sed etiam de Spiritu sancto: Pater enim, & Filius non spirant Spiritum sanctum voluntate sua ut est liberum arbitrium, sed ut est naturale principium; sive cum spontaneitate quidem, & Lubentia, sed cum omnimoda necessitate sine ulla indifferentia. Ut enim diximus in tract. de voluntate Dei, agendo de ipsius libertate Deus non habet liberum arbitrium nisi purè, ac præcisè respectu creaturarum.

Scotus quidem dixit actus notionales esse liberos, sed voluit solummodo eos esse lubentes, & spontaneos, quamvis aliunde necessarij: nunquam tamen imaginatus est eos esse indifferentes, & arbitrarios, ut examinabimus magis contra Iansenium in prædicto tract. de actibus humanis.

§. Unicus.

Difficilis autoritatis D. Augustini vera explicatio ex D. Thoma.

D. Augustinus lib. 3. contra Maximinum Arrianorum Episcopum cap. 12. sic habet. *Absit, ut quomodo putas, ideo sit potentior Pater filio, quia*

creatorem genuit Pater, filius autem non genuit creatorem. Neque enim non potuit, sed non oportuit.

Difficilis est hæc autoritas 1. Quia actus notionales non sunt arbitrarij, sed omnino necessarij, ut jam diximus. Ergo si filius generare potuit, nedum oportuit ut generaret, sed etiam necesse omnino fuit. Unde commune est axioma de rebus divinis ad intra, idem est esse, & posse.

2. De his quæ fieri possunt nunquam dicimus, quod non oportet ut fiant, nisi quando aliquid est indecens, & indignum. Sed Deus nihil potest, quod sit indecens, & divinâ ipsius Majestate indignum: cum illud omne ad quod se extendit ejus potentia, sit convenientissimum, & perfectissimum. Ergo si filius generare potuit, dici non potest, quod non oportuit, ut generaret.

3. Dicit Augustinus de filio, quod generare potuit sicut Pater, ut non sit minus potens quam ipse. Sed de Patre dicere non possumus, quod non oportuit ut generaret; imò contra maximè oportuit, & convenientissimum fuit ut generaret. Ergo idem esset de filio, si hoc similiter posset.

Respondet D. Thomas qu. 9. de potentia, artic. 9. ad 1. Dicendum, quod ideo dicit Augustinus, quod non est dicendum, quod filius non potuit generare, sed non oportuit, quia non ex impotentia filii est, quod non generat: ut hoc quod dicit, non potuit, sumatur privative, & non simpliciter negative. Per hoc autem quod dicit, quod non oportuit, significat quod sequeretur inconveniens, si in divinis filius alium filium generaret.

Igitur in forma respondeo ad hæc verba, neque enim non potuit, distin. in sensu privativo, conc. in sensu negativo, ne. Idest quod filius non genuerit alium filium, hoc non provenit ex hoc quod careat, & privetur aliquâ potentia sibi debita; sed ex hoc quod hoc foret inconveniens, quod in Deum cadere non potest. Quatuor inconvenientia exponit Doctor angelicus ibidem, quorum præcipuum est illud, quod explicuimus supra, quod si darentur in divinis plures

filii, non distinguerentur quasi specie, sed solo numero: distinctio autem pure numerica, cum proveniat ex materia, nequit reperiri in Deo, qui totus est immaterialis.

Et quod hæc sit vera mens D. Augustini patet. Quia impugnat prædictum Arrianum, qui asserbat Patrem esse potentiorē filio, ex hoc quod Pater generare potest creatorem, filius autem hoc non potest: unde inferebat filium non esse creatorem, sed creaturam. D. autem Augustinus econtra asserbat, quod filius non est minus potens quam Pater, & proinde non est creatura, sed creator, & verus Deus; quamvis non habeat potentiam generativam: quia non caret ipsa per aliquam privationem, sive ex impotentia, aut imperfectione, vel defectu; sed per meram negationem, quæ fundatur in summa, & infinita perfectione ejusdem filij, ratione cujus ita replet, & adæquat omnem virtutem generativam in divinis, ut implicet quod detur alter filius. Sicut Deus non dicitur impotens, vel minus omnipotens, ex hoc quod non possit facere contradictoria: quia hoc non provenit ex ulla imperfectione, vel defectu virtutis divinæ, sed ex sola hujusmodi contradictoriorum implicancia.

Confirm. Ex his, quæ D. Augustinus subdit ibidem. Ex quibus patet, quod, *non oportuit*, in hoc loco sumitur sicut dicit D. Thomas, pro, inconveniēns est, ac implicat contradictionem. Nam ut asserit S. Doctor, si semel plures admitterentur filij in divinis, sequeretur illud maximum inconveniēns, quod daretur processus in infinitum: non enim esset potior ratio de duobus, vel tribus, quam de quatuor, vel quinque, imò etiam de infinitis. Sicut initio tract. de attributis dicebamus, quod si semel admitterentur plures Dij, nulla esset ratio, cur non darentur infiniti. Immoderata, inquit Augustinus, esset divina generatio, si genitus filius nepotem gigneret Patri: quia & ipse nepos, nisi avo suo pronepotem gigneret secundum vestram mirabilem sapientiam, impotens diceretur. Similiter etiam ille, si nepotem non gigneret avo suo, & pronepotem pro avo suo, non à vobis appellaretur omnipotens: Nec

impleretur generationum series, si semper alter ex altero nasceretur: nec eam perficeret ullus, si non sufficeret unus omnipotens.

Ex his pater objectionum solutio. Ad 1. Enim dicitur, quodd D. Augustinus non asserit, sed potius contra negat, quodd filius in divinis generare possit: sed vult solummodo quodd hoc non provenit ex ulla ejus impotentia, sed ex sola ipsius rei implicantia. Ad 2. quodd in proposito, non oportet, significat id quodd ita est inconveniens, ut contradictionem implicet. Ad 3. quodd oportet, imò necesse est, ut Pater habeat potentiam generativam, & semper generet; non oportet autem, imò nec fieri potest, quodd filius generet, aut potentiam generativam habeat: & tamen filius non est minùs potens, quàm Pater; quia ut explicuimus in hoc eodem articulo, quamvis potentia generativa, formaliter & reduplicativè ut generativa conveniat soli Patri; attamen quidquid importat in ratione potentiae, hoc totum, & totaliter non minùs convenit filio, imò etiam Spiritui sancto, quàm ipsi Patri aeterno.

ARTICULUS III.

De nominibus notionalibus, sive proprijs divinarum Personarum.

Tria sunt nomina notionalia: sive propria cujuslibet divinae Personae. Prima dicitur Pater, ingenuus, & principium. Secunda dicitur filius, verbum, & imago. Tertia est Spiritus sanctus, amor, & donum.

Quantùm ad primam Personam jam satis diximus de nomine Patris, & nomine ingenuus & nomine verò principij superest solummodo dicendum, quodd esse principium creaturarum non est nomen notionale, sed essentiale: convenit enim toti SS. Trinitati: Esse quoque principium Spiritus sancti non convenit soli Patri, sed etiam filio: sed esse principium eorum omnium quæ quovis modo procedunt ab alio, sive ram

filij

Fili quàm Spiritus sancti, & omnium creaturarum hoc est absolute loquendo notionale, ac soli Patri conveniens, & significat totius divinitatis, omniumque creaturarum fontale, ac inexhaustum principium. Unde in Concilio Toletano 6. sic dicitur. *Credimus, & profitemur Sc. Patrem ingentum, increatum, fontem & originem totius divinitatis.*

Quantum ad secundam Personam satis quoque explicuimus quidquid concernit nomen, & rationem filii, & imaginis. Sed adhuc aliquid dicendum superest circa nomen, & rationem verbi. Difficultas enim est, quam tetigimus in aliquibus locis, & præsertim in tract. de visione beatifica agendo de verbo, cuius rationem supplet ipsa divina essentia respectu beatorum: Quod verbum est actualis manifestatio objecti cogniti: unde cum essentia divina seipsam, & alia omnia representet, & manifestet, ipsa habet rationem verbi, & sic videtur quod nomen verbi dicatur in divinis essentialiter. Aliunde verbum est terminus per intellectionem productus: unde cum essentia divina non producatur, sed sola secunda persona per intellectionem procedat, videtur quod verbum non potest dici in divinis nisi personaliter.

Notavimus quoque in prædicto tractatu quod Scholastici Doctores, quando loquuntur de visione beatifica, sumunt nomen verbi divini essentialiter, ipsique Thomistæ docent, quod ipsamet essentia divina habet rationem verbi respectu beatorum: quia nulla ex hoc datur occasio errandi circa huiusmodi mysterium visionis beatificæ; in qua non sumitur verbum ut productum, sed solummodo ut manifestans: nec enim explicuimus ibidem, beati non producant verbum, sed essentia divina supplet rationem verbi seipsam & omnia, quæ dicuntur videre in verbo, eis manifestat. Sed quando agitur de mysterio SS. Trinitatis, & scriptura sacra, & omnes sancti Patres, & Doctores sumunt nomen verbi notionaliter, quia non considerant ipsum ut manifestans, sed ut productum, siue procedens, ut tollatur omnis occasio hæreticis præsertim Arrianis, negandi quod sit secunda SS. Trinitatis Persona, à Patre suo procedens.

Igitur quia debemus in modo loquendi consuetudinem sequi, dicendum est quoddam simpliciter, & absolute loquendo, verbum est secunda Trinitatis Persona, & quoddam nomen verbi est notionale: quoniam amvis etiam dici possit essentialiter: vel ut melius loquamur, verbum divinum dicit utrumque simul: est enim Persona procedens, & importans essentiam divinam rerum omnium manifestativam. Unde D. Thomas qu. 4. de veritate, in qua ex professo agit de verbo divino, artic. 2. inter alia sic habet. *Si verbum propriè accipitur in divinis, non dicitur nisi personaliter: si autem accipiatur communiter, poterit etiam dici essentialiter. Sed tamen quia nominibus utendum est, ut plures utuntur, quia secundum Philosophum usus maximè est emulandus in significationibus nominum. Et quia omnes sancti communiter utuntur nomine verbi, prout personaliter dicitur, ideo hoc magis dicendum est, quod scilicet personaliter dicatur.*

Quantum ad Personam tertiam paulo fufius explicanda sunt ejus nomina. Dicitur ergo 1. Spiritus sanctus quod nomen sumi potest vel essentialiter, prout est commune toti Trinitati; vel notionaliter, prout est proprium tertiæ Personæ. Nam ut ostendit D. Thomas 1. p. qu. 36. a. 1. præsertim ad 1. Si nomen illud *Spiritus sanctus* sumatur in virtute duarum dictionum, est commune tribus Personis, Pater enim est purissimus Spiritus, & similiter filius, & uterque sanctissimus: si autem sumatur nomen illud, *Spiritus sanctus*, in vi unius dictionis, ex usu Ecclesiæ accommodatum est ad significandam tertiam Personam, quæ procedit per viam amoris.

Hujus autem ratio assignatur ab eodem S. Doctore 4. contra gentes, cap. 19. his verbis. *Quia amatum in voluntate existit, ut inclinans & quodammodo impellens intrinsecus amantem in ipsam rem amatum: impulsus autem rei viventis ab interiori, ad spiritum perinet: convenit Deo per modum amoris procedenti, ut spiritus dicatur, eius spiratione quasi quadam aspiratione existente. Hinc est quod Apostolus spiritui, & amoris impul-*

Sum q
Qui lo
Cor. 5
nis in
amor
conve
dicitur
sunt,
Qua
pliciter
vini,
nomen
signifi
dictum
tiones
intelli
termin
amans
num an
ciale no
produci
termin
nale, &
viam in
termin
& pro
volunt
D. T
ris, qu
sancto,
duplici
ter, se
filius no
secund
nihil e
produci
ergo di
dicens
ter & l
cto, &
dimus,

De notionibus Personarum.

588

*Sum quemdam attribuit : dicitur enim ad Rom. 8.
Qui spiritu Dei aguntur, hi filij Dei sunt : & 2. ad
Cor. 5. Charitas Christi urget nos. Quia vero om-
nis intellectualis motus a termino denominatur,
amor autem prædictus est, quo Deus ipse amatur:
convenienter Deus per modum amoris procedens
dicitur Spiritus sanctus : ea enim qua Deo dicata
sunt, sancta dici consueverunt.*

Quantum ad nomen amoris, sumi etiam potest du-
pliciter. Vel prout significat ipsum actum amoris di-
vini, qui essentiam divinam consequitur; & sic est
nomen essentialiale, & toti Trinitati commune; uel prout
significat terminum per huiusmodi actum amoris pro-
ductum : ut enim ostendimus in 1. qu. explicando ra-
tiones D. Thomæ pro mysterio SS. Trinitatis, sicut
intelligens hoc ipso quod intelligit, producit intra se
terminum intellectionis suæ, qui dicitur verbum; sic
amans hoc ipso quod amat, producit intra se termi-
num amoris sui, qui terminus, cum non habeat spe-
cialiale nomen, dicitur amor sicut ipse actus, per quem
producit: Unde sicut nomen verbi, prout significat
terminum à divina cognitione productum, est notio-
nale, & proprium secundæ Personæ procedentis per
viam intellectus; ita nomen amoris, prout significat
terminum ab amore divino productum, est notionale,
& proprium terciæ Personæ procedentis per viam
voluntatis.

D. Thomas 1. p. qu. 37. agens de hoc nomine ame-
ris, querit, utrum Pater, & filius diligant se Spiritu
sancto, & Respondet, quod cum diligere in divinis
dupliciter sumatur, essentialiter scilicet & notionali-
ter, secundum quod essentialiter sumitur, sic Pater &
filius non diligunt se Spiritu sancto, sed essentia suâ:
secundum vero quod notionaliter sumitur, sic diligere
nihil est aliud quam spirare amorem, sicut dicere est
producere verbum, & florere est producere flores. Sicut
ergo dicitur arbor florens floribus, ita dicitur Pater
dicens verbo, uel filio, & seipsum, & omnia; & Pa-
ter & Filius dicuntur similiter diligentes Spiritu san-
cto, & seipsos, & nos, & omnia: Unde supra osten-
dimus, quod filius procedit ex rerum omnium cog-

mitione, & similiter Spiritus sanctus ex earum amo-
re.

Nec refert, quod D. Augustinus in 7. de Trinit. cap. 1. probat, quod Pater nen est sapiens sapientiâ genitâ, ex quo videtur evidenter sequi, quod non est similiter diligens amore procedente. Respondet enim D. Thomas ibidem ad 1. *dicendum*, quod esse sapien-
rem vel intelligentem, in divinis non dicitur nisi essentialiter: & ideo non potest dici, quod Pater sit sapiens vel intelligens filio: sed diligere sumitur non solum essentialiter, sed etiam notionaliter; & secundum hoc possumus dicere, quod Pater & filius diligunt se Spiritu sancto. Ratio hujus est, quia nomen, quo sapientiam ipsam significamus, est speciale & diversum ab eo, quo significamus terminum ab ipsa productum, nempe verbum: unde sapientia non sumitur nisi essentialiter, & verbum notionaliter; quamvis in rei veritate verbum dici possit sapientia genita, sicut Spiritus sanctus dicitur amor procedens: sed nomen in complexum, quo sapientia genita significatur, est nomen verbi. Sed non habemus speciale ac distinctum nomen, quo significemus actum amoris, & terminum ab ipso productum: unde utrumque significamus uno eodemque amoris nomine; & propterea nomen illud vel essentialiter sumi potest, vel notionaliter.

Denique quantum ad nomen doni licet sit etiam commune tribus divinis Personis, cum qualibet ex ipsis seipsam det homini iusto, ipsumque inhabitet, ut dicemus in qu. sequenti, attamen speciali modo convenit Spiritui sancto propter rationem, quam tradit angelicus Doctor 1. p. qu. 38. a. 2. his verbis. *Donum propriè est datio irredabilis secundum Philosophum, id est quod non datur intentione retributionis, & si importat gratuitam donationem.* Ratio autem gratuita donationis est amor: ideo enim damus gratis alicui aliquid, quia volumus ei bonum: unde manifestum est quod amor habet rationem primi doni, per quod omnia gratuita donantur. Vnde cum Spiritus sanctus procedat ut amor, procedit in ratione doni primi: unde dicit Augustinus 15. de Trinit. (cap. 24. quod per donum,

quod est
duntaxat

Ne
quamvis
tempor
4. Don
inquan
ab ater
tempor

Quom
inv
loc

Plure
circa m
adhuc i
nalia ad
Prop
tatem
cretis
lia. Pro
passion
de con
ereto su
na sum
Deus est
Pater et
ut sint
actio, g
ut expli
nes, &
concret
generat
modo D
tur, fili
pro per

quod est Spiritus sanctus, multa propria dona dividuntur membris Christi.

Nec refert, quod Spiritus sanctus sit ab æterno, quamvis creatura, quibus dari debet, non sint nisi in tempore: nam ut ait idem S. Doctor ibidem art. 1. ad 4. *Donum non dicitur ex eo quod actu datur, sed inquantum habet aptitudinem ut dari possit: unde ab æterno divina Persona dicitur donum, licet ex tempore detur.*

ARTICULUS IV.

Quomodo essentialia, & notionalia de se invicem predicari possint & utrum in eis locum habeat Syllogismus expositivus.

Plures explicuimus regulas generales in qu. præced. circa modum loquendi de mysterio SS. Trinitatis, adhuc ista superest notanda circa essentialia, & notionalia ad invicem comparata.

Propositiones significantes convenientiam, & identitatem, æquè prædicantur de abstractis, & de concretis comparando ad invicem essentialia, & notionalia. Propositiones verò, quæ significant actiones, & passiones, non prædicantur de abstractis, benè tamen de concretis. v. g. Deus, & Pater sunt nomina in concreto sumpta, Divinitas verò & Paternitas sunt nomina sumpta in abstracto: unde indifferenter dicitur, Deus est Paternitas, & similiter Pater est Deus, uel Pater est divinitas: quia hæc omnia ita conveniunt, ut sint realiter unum, & idem. Sed v. g. generare est actio, generari autem est passio, uel quasi passio: & ut explicuimus in variis locis hujus tractatus, actiones, & passiones sunt suppositorum, quæ sumuntur in concreto; ideo dici nequit divinitas, uel Paternitas generat, divinitas uel filiatio generatur; sed solummodo Deus generat, Pater generat, uel Deus generatur, filius generatur, sumendo Deum prout supponit pro persona Patris, uel filij.

Quantum ad Syllogismum expositorium mihi videtur quod Ioannes à S. Thoma qu. 27. disp. 12. a. 3. unico verbo . optime tangit & resolvit difficultatem. Igitur ex parte haeticorum sibi obiicit , quod lumen naturale dicitur , syllogismum expositorium concludere , si fuerit in bona forma: hoc autem esset falsum iuxta ea quae diximus. Nam hic syllogismus est expositorius , & in bona , & debita forma, hic Deus est Pater, hic Deus est filius , ergo Pater est filius. Cum omnes propositiones consistent termino singulari , nec ullus possit assignari defectus in argumento. Ergo si consequentia est falsa, hoc provenire non potest, nisi ex hoc quod praemissa sunt falsa. Nec potest responderi quod Deus inadæquatè est Pater , & inadæquatè filius : atque ita deficit syllogismus , quia ut sit re vera expositorius , debet medium esse adæquatè convertibile cum extremis. Nam contra est , quod quicquid Divinitatis est in Patre , est etiam in filio , aliàs filius non esset totaliter Deus sicut Pater. Ergo terminus ille medius, nempe Deus , est adæquatè convertibilis cum illis terminis extremis , Pater , & filius : atque ita prædictus Syllogismus est verè expositorius.

Respondet optimè idem Ioannes à S. Thoma, prædictum syllogismum esse defectuosum , ideoque non esse revera expositorium : quia sicut in Syllogismis de termino communi , requiritur quod medium perfectè distribuatur ; ita in Syllogismo expositorio necesse est, quod medium perfectè singularisetur : unde non valet iste Syllogismus , nec est expositorius, aliquis homo est Petrus. Aliquis homo est Paulus. Ergo Petrus est Paulus. Quia medius ille terminus, *aliquis homo*, non est totaliter singularis, sed est virtualiter communis, cum de pluribus Personis verificari possit , quod est proprium termini communis. Unde cum iste medius terminus , *hic Deus*, sit quidem singularis, sed non totaliter, eo quod est virtualiter , & æquivalenter communis , & ut explicuimus initio quaest. præced. ipsa divina essentia est communis communitate rei, hoc ipso quod in pluribus Personis reperitur; inde fit, quod non possumus uti isto termino, *hic Deus*, vel *haec divi-*

na essentia, tanquam medio ad Syllogismum expositorium: Sed debemus uti ipso tanquam termino communi; proindeque ut argumentum concludat; necesse est, quod perfecte distribuatur: quod fit, si dicatur, omne quod est Deus est Pater. Sed aliquid quod est Deus est filius. Ergo Pater est filius. Sed tunc major est falsa.

Ad id quod subditur, Respondetur verum esse, quod quidquid Deus importat, quantum ad omnia essentialia, & absoluta, & prout est unus, hoc totum & totaliter reperitur in filio sicut in Patre; sed non quidquid importat quantum ad notionalia, & relativa, & prout est trinus: necesse est enim, ut aliquid relatum, & notionale sit in Patre, quod non sit in filio; aliter non potest mysterium Trinitatis subsistere, ut satis superque patet ex dictis. Sic Deus non est terminus adequatè, sive in omnibus, & per omnia convertibilis cum Patre, & filio; proindeque non potest fundare Syllogismum expositorium. His addo, quod sicut supra diximus in qu. 1. de illo communi axiomate, *quæ sunt idem uni tertio sunt idem inter se*, dicendum est etiam de Syllogismo expositorio: nimirum regulas, quæ ipsum concernunt, originaliter desumi ex Aristotele: qui cum notitiam creaturarum, & ipsius Dei ut est unus, habuerit, non autem ut est Trinus: non est mirum, si huiusmodi Syllogismus suam vim, & efficaciam habeat, sive concludat, quantum ad creaturas, & quantum ad omnia, quæ sunt essentialia, absoluta, & communia, & pertinent ad Deum ut unum: locum autem non habeat, quantum ad ea quæ sunt notionalia, relativa, & propria, & pertinent ad Deum ut trinum.

QUÆSTIO VI.

De Missionibus divinis.

Paulò fusiùs agendum nobis est de missionibus divinis, quantum ad illas difficultates, quarum resolutio si fiat juxta Doctrinam D. Thomæ, præbet fundamentum maximæ, & solidissimæ pietatis, & tamen non videntur sufficienter explicari à Doctoribus. Sicut econtra breviter exponemus eas, quæ non sunt nisi quæstiones de terminis, in quibus videntur aliqui authores nimis inhære.

ARTICULUS I.

Quid sit Missio, & quibus Personis. conveniat.

I. Missio in communi significat processionem, seu egressionem alicujus ab alio, cum destinatione ad novum locum ad negotium aliquod ibi peragendum. Unde in creaturis Missio quatuor importat: unum ex parte mittentis, scilicet autoritas quam habet in eum quem mittit, alterum ex parte Missi, scilicet separatio ab eo à quo mittitur, ut ad locum destinationis vadat: tertium ex parte termini à quo, nempe mutatio loci, quia necesse est ut à loco in quo est, vadat ad alterum, in quo est negotium peragendum: quartum ex parte termini ad quem nimirum effectus de novo producendus, sive negotium, in loco ad quem de novo accedit, peragendum. Cum igitur ea quæ à rebus creatis transferimus ad res divinas, debeant sumi cum suis omnibus perfectionibus, & excludenda sint imperfectiones: & ex illis quatuor pri-

num, & ultimum perfectionem dicant, idcirco reperiuntur in divinis: quamvis enim autoritas per modum imperij, vel consilij dicat imperfectionem in eo qui mittitur, quia imperans est major, & consilians est sapientior; attamen autoritas per modum solius originis qualis est in divinis nullam imperfectionem involuit, sed potius perfectionem in utroque tam originato quam originante, quantum autem ad novi effectus productionem, constat quod ex parte producentis non dicit nisi perfectionem. Secundum autem, & tertium, siue separatio missi à mittente, & mutatio loci dicunt imperfectionem; unde reperiri nequeunt in Missionibus divinis: cum enim Personæ divinæ sint realiter idem in essentia, implicat quod una separaretur ab altera: & cum per immensitatem omnia loca repleant, implicat etiam quod locum mutant. In his omnes conveniunt, sequendo D. Thomam varijs in locis, sed præsertim 1. p. q. 43. art. 1. & 1. ad Hannib. dist. 15. qu. unica a. 1.

2. Ex dictis patet, quod si in particulari de Missionem divinam loquamur, potest sic definiri, vel describi: Processio unius Personæ divinæ ab altera cum productione alicujus novi effectus in creaturis. In hoc etiam Doctores conveniunt: sed differunt in hoc quod aliqui volunt Missionem supponere pro ipsa processione, quæ est æterna; alij dicunt eam supponere pro nova effectus productione, quæ est temporalis; alij volunt eam consistere in utroque, sed in recto, & principaliter in ipsa processione, in obliquo verò, & de connotato in ipsa productione; alij econtra in productione novi effectus eam præcipue consistere faciunt, includendo tamen processionem æternam. Et hæc est probabilior sententia juxta D. Thomam 1. ad Hannib. dist. 15. a. 2. ubi sic habet. *Dicendum, quod missio in divinis duo importat, scilicet exitum Missi à mittente; & sic significat quod notionale est; connotat etiam novum effectum in creatura; & sic significat quod esse-tiale est; quia omnis causalitas creatura est secundum attributa essentialia. Dicendum est ergo, quod Missio non tantum esse-tiale, vel notionale, sed utrumque*

significat. Quidam tamen dicunt, quod principalius significat quod notionale est. Alii autem dicunt, quod principalius significat quod essentiale est. Et hoc videtur verius: Quia missio non ponit de se exitum missi à mittente secundum esse, sicut patet de servo misso à Domino: sed importat solum quantum ad aliquem effectum auctoritatem mittentis respectu missi. Sed quia in divinis non potest esse auctoritas in mittente, nisi quatenus missus procedit ab eo: Ideo ex consequenti significat quod notionale est.

3. Inde sequitur, quod una, eademque Persona non potest seipsam mittere, quamvis possit seipsam dare: quia sicut nulla Persona procedit à se, ita nec ulla mittitur à se: unde Pater aeternus quamvis seipsam det cum alijs Personis ad inhabitandum, in anima iusti, ut dicemus in sequ. artic. sicut tamen à nullo procedit; ita nec ab ullo mittitur. Hoc est quod D. Augustinus ait in lib. contra sermonem Arrianorum cap. 4. *Solus Pater non legitur missus, quoniam solus non habet authorem, à quo genitus sit, vel à quo procedat.* Et idem sentiunt omnes Doctores.

4. Filius à Patre mittitur, quia ab illo exit per aeternam generationem, novumque in tempore producit effectum: unde Christus Joan. 8. *Ego ex Deo processi, & veni in mundum*: quae verba expendens D. Cyrillus ait: *filius mittitur à Patre, sicut verbum à mente, spendor à sole.* Spiritus sanctus mittitur à Patre, & Filio: quia procedit ab utroque, & novos effectus in creaturis producit, sicut patet ex dictis supra in qu. 4. utrum autem filius à Spiritu sancto mittatur, difficultas est, plures enim negant, aliqui tamen etiam ex SS. Patribus affirmant: sed ad concilianda eorum testimonia distinguendum est. Nam Missio sumi potest vel adaequatè, vel inadaequatè: si adaequatè sumatur, dicit & processionem unius Personae ab altera, & productionem novi effectus in creaturis: si autem inadaequatè sumitur, dicit solummodo huius novi effectus productionem. Ad hoc igitur, ut una Persona mittat alteram Missione adae-

quar
& qu
sic fili
Spiritu
mittat
concur
non sit
filius
tūm ac
bitat;
nam:
attame
omnis
juxta
Trini
trina
Si igit
sona,
mittit
primu
à Patre
Si ver
primu
sic tot
Sed
Docto
Si ad
tribuan
mittit
ad illa
dici po
ad mi
mittit
mittit
Græco
proce
rum ac
Person
proced
agnosce
autem

quate sumpta, necesse est & quod sit principium ejus, & quod sit etiam principium illius novi effectus; & sic filius à solo Patre mittitur, à quo procedit, & Spiritus sanctus ab utroque: ad hoc verò ut eam mittat missione sumpta inadequatè, sufficit quod concurrat ad productionem illius novi effectus, licet non sit principium Personæ ipsius: & sic dicitur, quod filius etiam à Spiritu sancto mittitur, nedura quantum ad humanitatem assumptam, de quo nemo dubitat; sed etiam quantum ad suam divinam Personam: licet enim filius à Spiritu sancto non procedat; attamen Spiritus sanctus concurrat ad productionem omnis effectus, quem filius producit ad extra: quia juxta commune axioma superius explicatum, opera Trinitatis ad extra sunt indivisa. Sumitur hæc Doctrina ex D. Thoma 1. p. q. 43. a. 3. ubi sic loquitur. *Si igitur mittens designetur ut principium Personæ, quæ mittitur, sic non qualibet Persona mittit, sed solum illa cui convenit esse principium illius Personæ: & sic filius mittitur tantum à Patre, Spiritus sanctus autem à Patre, & filio. Si vero Persona mittens intelligatur esse principium effectus, secundum quem attenditur missio, sic tota Trinitas mittit Personam missam.*

Sed hinc exurgit duplex difficultas, in qua videtur Doctor angelicus sibi metipso contradicere. Nam 1. Si ad missionem sufficit, quod Persona mittens contribuat ad productionem novi effectus cum illa, quæ mittitur; cum filius, & Spiritus sanctus contribuane ad illa omnia opera, quæ Pater producit ad extra, dici poterit, quod Pater mittitur ab utroque. 2. Si ad missionem non requiritur, quod Persona quæ mittitur, procedat ab ipsamet Persona, quæ illam mittit, ergo malè idem S. Doctor probavit contra Græcos; ut supra vidimus, quod Spiritus sanctus procedat à filio, ex hoc quod filius ipsum misit. Verum ad utraque respondeo. Ad 1. quidem, quod ut Persona mitti possit, supponi debet, quod ab altera procedat: Etenim necesse est, quod ille qui mittitur, agnoscat auctoritatem in aliquo altero; in divinis autem nulla est auctoritas nisi originis: Cum igitur

Pater à nullo procedat, à nullo quoque mitti potest : sed cum filius procedat à Patre, mitti potest, & ab illo, & à Spiritu sancto. Unde D. Thomas 1. sent. dist. 15. qu. 3. a. 2. ad 2. ait : *Dicendum, quòd filius non potest mittere Patrem, quia Pater non potest mitti, cum non sit ab alio. Si ab alio autem esset, & mitti posset, & filius eum mitteret.*

Ad alteram difficultatem respondent optimè Salamanticenses tract. 6. disp. 19. dub. 2. §. 4. ex D. Thoma opusc. 1. contra errores Græcorum, quòd non convincitur purè ac præcisè ex ipsa Missione Spiritum sanctum à filio procedere : sed ex eo quòd filius ita mittit Spiritum sanctum, ut iste illius substantiam recipiat, ad peragendum, ut ita loquar, negotium ad quod mittitur, juxta illud Joan. 16. *De meo accipiet* : quod fieri nequit nisi ab ipso procedat. sed de his satis egimus supra.

ARTICULUS II.

De variis Missionum modis.

1. Missio divinarum Personarum ex parte effectuum temporalium, quorum est causa, dividi solet in Missionem visibilem, & Missionem invisibilem. Illa est visibilis, quæ fit in aliquo effectu sensibiliter apparente, & representante personam missam : sive creatura illa visibilis in unitatem Personæ assumatur, ut in Incarnatione factum est : sive in illa solum ut in signo sanctificationis, quam facit persona Missa, manifestetur, ut quando Spiritus sanctus in specie ignis super Apostolos in die Pentecostes apparuit. Missio autem invisibilis est illa, quæ fit in aliquo effectu spiritali, & invisibili, qualis est illa quæ fit in justificatione peccatoris per donum gratiæ invisibilis, de qua Job cap. 9. dicitur. *Si venerit ad me, non videbo eum : si abierit, non intelligam.*

2. In Missionem visibili mittitur una persona, & manifestatur sine altera, ut patet in prædictis exemplis. Non enim aliæ personæ fuerunt incarnatæ, sed

sola persona verbi : nec in die Pentecostes alius visibiliter apparuit nisi Spiritus sanctus. Sed in Missionē invisibili nunquam una sola persona mittitur , sed duæ procedentes : licet Pater non mittatur , venit tamen , & communicat se simul cum aliis ipsi animæ , secundum illud Christi Joap. 14. *Si quis diligit me , sermonem meum servabit , & Pater meus diliget eum , & ad eum veniemus , & mansionem apud eum faciemus*. Et ratio est quia ista missio non fit nisi ratione mutuae amicitiae Dei , & hominis , ut explicabimus in sequ. artic. fieri autem non potest , quod homo iustus diligat unam Personam divinam , quin diligat alias : vel quod ab una diligatur , quin diligatur etiam à tota SS. Trinitate.

3. Missio visibilis fieri potest per quamlibet rem sensibilem , etiam ordinis naturalis : potest enim Deus assumere ad unionem hypostaticam quamlibet naturam creatam , ut docent communiter Theologi in tract. de incarnatione : potest etiam uti quolibet signo sensibili ad suam præsentiam in creatura rationali manifestandam. Missio autem invisibilis non fit nisi ratione alicujus doni supernaturalis in anima producti : imò ut videbimus postea , non fit nisi ratione gratiæ , & charitatis.

4. Licet per omnia dona , quæ cum gratia , & charitate connexionem habent , mittantur filius , & Spiritus sanctus , & ipse Pater cum eis inhabitet animam iusti : attamen Missio quæ fit per dona ad intellectum spectantia , appropriatur filio , sicut ea quæ fit per dona ad voluntatem pertinentia , appropriatur Spiritui sancto. Ita D. Thomas 1. ad Hann. dist. 15. quæstionica 5. *Quadam*, inquit, *habent similitudinem cum proprio filii , inquantum procedit ut verbum , sicut illa quæ pertinent ad cognitionem , ut donum sapientiæ , & scientiæ , & in huiusmodi donis dicitur mitti filius*. *Quadam vero dona habent similitudinem cum proprio Spiritus sancti , qui procedit ut amor , sicut illa quæ pertinent ad affectum , ut charitas : & in huiusmodi donis dicitur propriè mitti Spiritus sanctus*. *Quamvis omnia dona , ex hoc ipso quod dona sunt , ad Spiritum*

Sanctum pertineant, qui est primum donum.

ARTICULUS III.

Verum in Missione invisibili, qua fit ratione gratia, & charitatis, Deus nedum sua dona conferat, sed etiam desemetipsum; itaut tota SS. Trinitas inhabitet substantialiter, & personaliter animam hominis iusti.

Aliqui, ut refert Magister sentent. lib. I. dist. 14. dixerunt, quod cum gratia infunditur, non propterea datur ipse Deus, sed solummodo ipsius dona. D. Thomas ibidem in expositione textus hanc opinionem vocat errorem: & iure optimo, ut advertit. P. Nicolai in nota marginali: quia evidenter sunt Scripturae sacrae loca mox referenda, in quibus dicitur Deum dare seipsum cum donis suis.

Sed circa modum quo seipsum dat, triplex est sententia. Prima: quam tenent Vasquez, & quidam alij, est quod Deus dat seipsum, quando gratiam, & charitatem infundit; non ita tamen ut speciali modo inhabitet in anima iusti, diverso ab illo quo est ubique per immensitatem; sed est solummodo intime praesens iusto per gratiam, & charitatem, sicut causa produciens effectus, per quos ejus praesentia manifestatur. Joannes à S. Thoma docet quidem cum aliis Thomistis, quod ille modus, quo Deus inhabitat iustum, est quidem specialis, & distinctus ab eo quo est ubique per immensitatem: sed tamen vult, quod immensitas sit conditio sine qua non daretur talis inhabitatio specialis; itaut si per impossibile Deus non foret ubique, non esset substantialiter, & personaliter praesens iusto. Sed Gonzalez, & alij multi tam extra quam intra Scholam D. Thomae, docent specialem illam inhabitationem esse independentem ab immensitate sive ut ratio-

ae for
immen
dictu
ximè p
Con
ritatis
tas no
liter i

Pro

Prob
Si qui
Pater
mans
tamur
& ad li
di mod
niens.
terpret
do loq
citiam
eum fa
praesen
tanqua
Ergo e
sancto
apud ei
quirit
fundat
sentes,
sua pro
commo
amico
quatur
na bon
Nec
lis mod
libus m

ne formali, sive ut conditio; itaut si Deus non esset immensus, adhuc esset præsens animæ iusti modo prædicto. Et hæc sententia mihi maximè placet, quia maximè pietati favet. Unde sit.

Concl. Deus ita se cum suis donis gratiæ, & charitatis dat homini iusto, ut tota sanctissima Trinitas novo & speciali modo substantialiter, & personaliter inhabitet in anima iusti.

§. I.

Prob. concl. authorit. scriptura, & Patrum.

Prob. I. ex illis Christi Domini verbis Ioan. 14. *Si quis diligit me, sermonem meum servabit, & Pater meus diliget eum, & ad eum venimus, & mansionem apud eum faciemus.* Ex his sic argumentamur. Verba scripturæ sunt intelligenda simpliciter, & ad litteram, juxta communem, & usitatum loquendi modum, quando nullum ex hoc sequitur inconveniens. Hæc est regula ab omnibus scripturæ sacræ interpretibus acceptata. Sed in communi, & usitato modo loquendi non dicitur, quod propter mutuam amicitiam aliquis ad alterum veniat, & mansionem apud eum faciat, nisi fiat ei substantialiter, & personaliter præsens, & in ipsius domo commoretur, ac cum ipso tanquam amicus cum amico familiariter converseletur. Ergo ex hoc quod Pater, & filius & idem est de Spiritu sancto propter mutuam cum homine iusto amicitiam apud eum veniunt, & mansionem apud eum faciunt, sequitur quod in virtute gratiæ, & charitatis, in qua fundatur hæc mutua amicitia, fiunt homini iusto præsentes, nedum ratione donorum suorum, sed etiam in sua propria substantia, & persona, & quod cum ipso commorantur, & familiariter tanquam amici cum amico conversantur. Cum ex hoc nullum prorsus sequatur inconveniens, imò potius sit mysterium divinæ bonitati maximè consentaneum.

Nec dici potest 1. quod hic non sit novus, & specialis modus præsentiæ, distinctus ab illis tribus generalibus modis, quibus Deus est ubique per essentiam, præ-

sentiam, & potentiam, ut explicuimus ex D. Thoma in tract. de attributis, agendo de immensitate Dei.

Etenim ut ibidem explicuimus, Deus est ubique per essentiam, quatenus ejus essentia intimè penetrat omnia; per præsentiam, quatenus omnia considerat; & per potentiam, quatenus omnia ipsius potestati sunt subdita: sed per mutuam amicitiam Deus est intimè præsens homini iusto tanquam amicus amico. Ergo hic est novus, & specialis modus præsentiae distinctus ab omnibus aliis.

Nequit etiam dici 2. quòd ille modus præsentiae est novus, specialis, & virtualiter distinctus ab aliis, sed dependens, vel necessariam connexionem habens cum ipsa immensitate, saltem tanquam conditione; atque ita intima illa præsentia Dei in homine iusto non subsisteret, si Deus per immensitatem ubique non foret. Etenim præsentia illa purè, ac præcisè attribuitur mutuae amicitiae Dei, & hominis iusti, abstrahendo ab immensitate, nullaque ipsius facta mentione; ex hoc nempe quòd homo iustus diligit Deum, & observat ejus mandata, & reciprocè Deus diligit ipsum. Atqui si per impossibile Deus non foret ubique per immensitatem, adhuc subsisteret, quòd homo iustus Deum diligeret, ipsiusque mandata observaret, & Deus similiter diligeret ipsam. Ergo huiusmodi præsentia datur independentè ab immensitate.

Confirm. Omnes Thomistae, & inprimis ipse Ioannes à S. Thoma, docent omnia esse præsentia Deo, ne dum quatenus habent præsentiam objectivam; & intentionalem in divino ipsius intellectu; sed etiam ut habent præsentiam physicam, & entitativam in ipsius aternitate: & hoc probant ex hoc quòd sancti Patres dicunt omnia esse æternitati præsentia, abstrahendo ab hoc quòd Deus sit intelligens, & etiam dum mentionem non faciunt de præsentia intentionali, & objectiva. Unde inferunt Thomistae, quòd etiam si per impossibile Deus non foret intelligens, sed tantùm æternus, adhuc omnia forent ipsi præsentia, proindeque per præsentiam distinctam ab objectiva, & intentionali, siue per præsentiam physicam, & entitativam, ut explicuimus in tract. de scientia Dei. Ergo similiter,

cum

etiam in scriptura, & Patribus mutua Dei, & hominis
justi amicitia tribuatur, prædicta præsentia, etiam
dum fit abstractio ab immensitate, & nulla ejus fit men-
tio: dicendum est, quod ille præsentia modus virtua-
liter distinguitur ab illo, quem habet per immensita-
tem; ut quod est ita independens ab ipsa immensitate,
ut etiamsi Deus per illam non foret ubique, adhuc illa
præsentia subsisteret.

In eodem sensu intelligi debet illud 1. Ioan. 4. *Deus
charitas est, & qui manet in charitate, in Deo ma-
net, & Deus in eo.* Quæ verba mellissius Doctor
exponens sic ait: Deus charitas est, *qui pretiosus?*
& qui manet in charitate, in Deo manet, *quid se-
curius?* & Deus in eo, *quid iucundius?* Nihil certè
pretiosius, & majus, quàm quod sicut divina Perso-
næ sunt in seipsis invicem per circumincessionem, ita
per ejusdem circumincessionis participationem, &
imaginem, Deus & homo justus sint etiam mutuo in
seipsis: nihil Securius, quàm quod homo justus habi-
tet in ipsomet Deo, ut ab eo protegatur tanquam ami-
cus charissimus ab amico suo fidelissimo: nihil iucun-
dus, quàm quod Deus ipse personaliter habitet in
homine justo, ut possit justus familiari, ac diuturno
ipsius colloquio frui.

In eodem quoque sensu sumitur illud Apostoli ad
Rom. 5. *Charitas Dei diffusa est in cordibus no-
stris, per Spiritum sanctum qui datus est nobis.*
Ubi notandum est, quod dona Spiritus sancti, sive
charitas, & ea quæ cum ipsa connexionem habent, ex-
pressè distinguuntur ab ipsius persona; & quod tam
ipsa Spiritus sancti Persona dari dicitur, quàm ipsa
charitas cum aliis ejus donis. Unde D. Ambrosius lib.
1. de Spiritu sancto cap. 5. sic habes. *Quid autem
dubitem dicere, quia datus est & Spiritus sanctus,
cum scriptum sit; Charitas Dei effusa est in cordi-
bus nostris per Spiritum sanctum, qui datus est nobis.*
Et paulò post subdit. *Qui cum sit inaccessibilis na-
tura, receptabilis tamen propter bonitatem suam
nobis est, complens virtute omnia, sed qui solis
participatur iustis.* Quasi diceret, quamvis virtute
sua compleat omnia, & sit ubique per immensitatem

suam, quatenus operatur ubique; attamen speciali modo communicatur iustis, nedum mediante charitate, aliisque donis suis, sed etiam in sua propria persona, quæ quamvis ex natura sua sit inaccessibilis, nihilominus ex bonitate sua est communicabilis. Dicitur autem charitas diffusa per Spiritum Sanctum: quia ut vidimus in qu. preced. agendo de nominibus propriis Personarum, ita est proprium Spiritus Sancti, quod sit donum, ut sit primum donum, & causa omnium aliorum.

Prob. 2. ex illis scripturæ sacræ locis, ex quibus habemus, quod Deus specialiter habitat in homine iusto sicut in suo templo. 1. ad Corinth. 3. *Nescitis quia templum Dei estis?* ubi D. Thomas lect. 3. sic egregie discurret. Est de ratione templi, quod sit habitaculum Dei, secundum illud Psal. 20. Deus in templo sancto suo: Unde omne illud in quo Deus habitat, potest dici templum. Habitat autem Deus principaliter in seipso; quia ipse solus se comprehendit: unde & ipse Deus templum Dei dicitur Apoc. 21. Dominus Deus omnipotens templum illius est. Habitat etiam Deus in domo sacrata per spirituale cultum, qui in ea sibi exhibetur: & ideo domus sacrata dicitur templum, secundum illud Psal. 5. Adorabo ad templum sanctum tuum. Habitat etiam Deus in hominibus, per fidem, quæ per dilectionem operatur, secundum illud ad Ephes. 3. habitare Christum per fidem in cordibus nostris. Unde & ad probandum, quod fideles sunt templum Dei, subiungit, quod inhabitantur à Deo, cum dicit: Et Spiritus Dei habitat in vobis. Et Rom. 8. dictum est, Spiritus qui suscitavit Iesum Christum, habitat in vobis. Ezech. 36. Spiritum meum ponam in medio vestri. Ex quo patet, quod Spiritus Sanctus est Deus, per cuius inhabitationem fideles dicuntur templum Dei. Sola enim inhabitatio Dei templum facit, ut dictum est. Est autem considerandum, quod Deus est in omnibus creaturis, in quibus est per essentiam, potentiam, & præsentiam, impletis omnia bonitatibus suis, secundum illud Hierem. 23. caelum, & terram ego impleo. Sed spiri-

tualiter, dicitur Deus inhabitare tanquam in familiarium domo in sanctis, quorum mens capax est Dei per cognitionem, & amorem, etiam si ipsi in aeternum non cognoscant, & diligant, dummodo habeant per gratiam habitum fidei, & charitatis, sicut patet de pueris baptizatis.

Imò nedum tota SS. Trinitas inhabitat animam iusti, omnesque ipsius potentias, sed etiam corpus ejus & omnia ipsius membra: cum hoc tamen discrimine, quòd sicut gratia, charitas, & fides per ipsam operans formaliter in sola anima, & potentiis ejus resident, in corpore autem, & membris ejus consequenter: ita tota SS. Trinitas Personaliter, & Substantialiter præsens est animæ iusti, ejusque potentiis; corpori autem, & membris ejus non est præsens, nisi per effectus speciales ex illa dimanantes: unde idem angelicus Doctor exponens illud Apostol. 1. ad Corinth. 6. An nescitis quoniam membra vestra templum sunt Spiritus sancti, qui in vobis est? *lect.* 3. sic ait. *Est autem Spiritus sanctus principaliter quidem in cordibus hominum, in quibus charitas Dei diffunditur per Spiritum sanctum, ut dicitur Rom. 5. Sed secundario etiam est in membris corporalibus, in quantum exequuntur opera charitatis: unde in Psal. 83. dicitur: Cor meum, & caro mea exultaverunt in Deum vivum.*

Notandum tamen, quòd quamvis iste modus præsentiæ, quo Deus est specialiter in homine iusto tanquam in suo templo, sit distinctus ab illo modo communi præsentiæ, quo est in omnibus rebus; non tamen ab illo speciali modo, quo est in homine tanquam in amico: Quia amor quidem mutuus Dei, & iusti exigit personalem, & substantialem præsentiā Dei in homine iusto, sed cultus, quem homo iustus exhibet divinæ Majestati, non exigit talem præsentiā: sicut quamvis amicus exigit amici præsentiā, ut illi suam testetur amicitiam: subditus tamen non exigit præsentiā Regis, ut illi suam testetur submissionem, & obedientiam: sed obedientia Regi exhibetur tam bene absenti, quam præsenti; & similiter, si per impossibile Deus non esset ubique per immensitatem, sed tantum

in coelo, homo iustus existens in terra tam bene suum illi cultum exhiberet quam modò. Fundatur ergo, vel potius consistit illa specialis praesentia in hoc, quòd Deus habitat in homine iusto tanquam in suo amico, & in eius anima tanquam in familiari domo: & quia leges divinae amicitiae, sive charitatis exigunt, quòd homo iustus ita consideret Deum ut amicum suum, quòd etiam suspiciat ipsum ut Deum suum; & quòd ita ipsius bonitatem diligat, ut simul etiam Majestatem ejus colat: inde fit, ut Deus ita sit in homine iusto tanquam in familiari Domo amici sui: ut sit quòque in ipso tanquam in templo servi sui ad omnia obsequia sibi consecrati. Unde D. Thomas in locis jam relatis, & in aliis mox referendis, praesentiam Dei in homine iusto tanquam in templo reducit ad hoc quòd Deus specialiter habitat in eo, quatenus ab eo cognoscitur per fidem, & diligitur per charitatem.

Prob. 3. praesertim ex D. Augustino serm. 43. de verbis Domini, ubi sic loquitur: Dedit dona hominibus. *Quae dona? Spiritum sanctum? Qui tale dat donum, qualis est ipse? Magna est autem misericordia Dei, donum dat aequale sibi; quia donum eius Spiritus sanctus est, & unus Deus tota Trinitas, Pater, & filius, & Spiritus sanctus.*

Quasi diceret sanctus Doctor, Sicut nihil majus dici, aut excogitari potest, quam tota Sanctissima Trinitas, ita nulla major esse potest ipsius erga homines bonitas, & misericordia, quam ut ipsa seipsam nobis dare velit, ut donum nobis collatum non sit minus quam ipse Deus unus, & trinus; proindeque consistens non in aliquibus tantum rebus creatis, sed in ipsa esset substantia Divinitatis. Unde idem sanctus in serm. 189. de tempore, ubi agit de missione Spiritus sancti, sic habet. *Affluit ergo in hac die fidelibus suis, non tam per gratiam visitationis, & operationis, sed per ipsam praesentiam Majestatis: atque in visitationis odor balsami, sed ipsa substantia sacri deflavit unguentis; ex cuius fragrantia latitudo totius orbis impletur. & appropinquantes ad eorum doctrinam, Dei fient capaces, atque participes.*

Ubi D. Augustinus expressè distinguit gratiam visitationis, & operationis, proindeque causæ suos producentis effectus a præsentia divinæ Majestatis, quæ suam propriam communicat substantiam.

§. II.

Mira D. Thoma Doctrina, quòd ita SS. Trinitas seipsam dat homini iusto, ut potestatem habeat eâ libere fruendi.

[Prob. 4. Concl. ex angelico Præceptore r. p. qu. 43. artic. 3. ubi sic loquitur. Est unus communis modus, quo Deus est in omnibus rebus, per essentiam, potentiam, & præsentiam; sicut causa in effectibus participantibus bonitatem ipseus: super illum autem modum communem est unus specialis, quò convenit naturæ rationali, in qua Deus dicitur esse sicut cognitum in cognoscente, & amatum in amante. Et quia cognoscendo, & amando, creatura rationalis suâ operatione attingit ad ipsum Deum, secundum istum specialem modum Deus non solum dicitur esse in creatura rationali; sed etiam habitare in ea sicut in templo suo. Sic igitur nullus alius effectus potest esse ratio, quòd divina Persona sit novo modo in rationali creatura nisi gratia gratum faciens: unde secundum solam gratiam gratum facientem mittitur, & procedit temporaliter Persona divina. Similiter illud solum habere dicimur, quo libere possumus uti, vel frui: habere autem potestatem fruendi divinâ Persona est solum secundum gratiam gratum facientem. Et ibidem ad r. ait, dicendum, quòd per donum gratia gratum facientis perficitur creatura rationalis ad hoc quòd libere non solum ipso dono creaturatur, sed ut ipsâ divinâ Personâ fruatur

Admirabilis sanè Doctrina. Nam 1. Illud quod est in nostra libera potestate positum, ita à nobis dependet, ut illud acceptemus, & retineamus, si volumus, vel relinquamus, & repudiemus. Tota igitur san-

Altissima Trinitas ita seipsam dat homini iusto, ut si
 velit, eius inhabitationem conservet, in gratia perseve-
 rando, vel eam repudiet, mortaliter peccando. Unde
 quantum est ex parte Dei, traditio sui non est per mo-
 dum testamenti, quod revocari potest, sed per modum
 donationis, quae est irrevocabilis: quia nunquam Deus
 eam retractat, nisi ab homine repudietur: Juxta illud
 Concilij Tridentini. sess. 6. de justificatione cap. ij.
*Deus namque sua gratia semel iustificatos non de-
 serit, nisi ab eis prius deseratur.* 2. Fructio iuxta
 eundem angelicum Praeceptorem, l. 2. qu. ij. dicitur
 quasi fructus perceptio: fructus autem est illud ulti-
 mum, quod ex arbore expectatur, & delectat: unde
 cum illud ultimum, quod ex divina bonitate, & mise-
 ricordia expectare possumus, sit ut postquam Deus
 omnia dona sua nobis contulit, tandem det seipsum in
 sua propria substantia, quae omnes infinitas illius per-
 fectiones importat, ut ex eis delectationes percipia-
 mus, quantum in hac vita sumus capaces, jure optimo
 dicitur, quod iusti nedum donis creatis utuntur, sed
 etiam omnibus divinis Personis fruuntur. 3. Id quod
 in nostra libera potestate positum est, à nullo nobis
 auferri potest: quia nulla est creatura in toto universo,
 quae libertatem nostram vel tantisper laedere possit.
 Nec homines hujus mundi quantumvis mali, sed ne-
 quidem omnes Daemones inferni: Nemo ergo impe-
 dire potest, quin hujusmodi beatitudine in hac vita
 fruamur: Unde D. Thomas exponens illud Apostoli
 ad Rom. 8. *Quis ergo nos separabit à charitate
 Christi?* ait: *Tot beneficia sunt nobis divinitus
 collata; & tam efficients, ut nullus contra ea
 possit.*

Super
 sita
 aut
 iust
 ipse
 tur

Prob
 re i. 2.
 4. de di
 riva:
 quo fol
 hac est
 amici,
 & hac e
 unientur
 lem: un
 amor es
 lant, r
 enim dic
 sine qua
 copulan
 quem ar
 plura ax
 tele, Pl
 est alter
 ubi anim
 Aristoph
 ambobus
 ambos a
 que corr
 sentur,
 modi co
 mur.

Si de
 intendat
 eos: itau
 donaliter p

§. III.

Super impossibile Deus non foret ubique per immensitatem suam, sed tantum in cælo, & hominibus in terra, necesse foret, vel quod Deus iustum è terra elevaret ad cælum: vel quod ipse è cælo ad terram descenderet, ut unirentur invicem.

Prob. 5. concl. Supponendo ex angelico Præcepto-
re 1. 2. qu. 28. a. 1. quod sicut ait D. Dionysius cap.
4. de divinis nomin. *Amor quilibet est virtus uni-*
tiva: duplex autem est unio in amore amicitia, de
quo solo loquimur in proposito: una affectiva, &
hæc est de amoris essentia, non enim possunt duo esse
amici, nisi simili modo afficiantur: altera effectiva,
& hæc est finis amoris: ad hoc enim tendit, ut amici
uniantur, quantum ad præsentiam realem, & persona-
lem: unde D. Augustinus 8. de Trinit. ait, quod
amor est quasi iunctura quadam duo aliqua copu-
lans, vel copulare appetens, scilicet amicos: quod
enim dicit *copulans*, refertur ad unionem affectivam,
fine qua non potest amor subsistere: quod autem dicit
copulare intendens, refertur ad unionem effectivam,
quem amor ut finem suum intendit. Hinc nata sunt
plura axiomata inter Philosophos trita, & ex Aristote-
le, Platone, aliisque deprompta, ut quod *amicus*
est alter ego: quod *anima plus est ubi amat, quam*
ubi animat. Et ut Philosophus refert 2. Polit. cap. 2.
Aristophanes dixit, quod *amantes desiderarent ex*
ambobus fieri unum: sed quia ex hoc accideret aut
ambos aut alterum corrumpi, quarunt unionem,
que convenit, & decet, ut scilicet *simul conver-*
sentur, & simul colloquantur, & in aliis huius-
modi coniungantur. Hoc supposito sic argumenta-
mur.

Si de ratione amoris amicitia in communi est, ut
intendat, & querat facere unionem realem inter ami-
cos: ita ut sint sibi invicem substantialiter, & per-
sonaliter præsentia; à fortiori amor divinus utpote

perfectissimus hoc præstare debet modo perfectissimo, quodd si amor hominum intentione, & desiderio suo frustratur, hoc provenit ex ipsius imperfectione, propter varia huius unionis obstacula, quæ superare non potest: unde amici quantumvis cupiant esse sibi invicem præsentem, coguntur sæpissime remanere absentes. Sed amor divinus, cum nullam imperfectionem pati possit, omnia vincere debet obstacula: ut semper æstquetur id quod intendit, nec unquam suo frustretur desiderio. Igitur si per impossibile Deus per immensitatem suam non foret ubique, sed in solo resideret calo Emphyreo, & homo iustus habitaret in terra: ex hoc ipso quodd iustus Deum diligeret, necesse foret quodd Deus vicissim diligeret iustum: atque ita ipsum sibi personaliter uniret. Vel ergo Deus hominem iustum elevaret à terra ad calum, vel ipsemet è calo ad terram descenderet, ut substantialiter, & personaliter unirentur.

Hoc aliquantulum explicari potest duplici exemplo: altero ex divinis petito: altero ex rebus humanis. Si per impossibile Deus non foret ubique, sed tantum in calo, & humanitas in terra, & vellet incarnari, necesse foret, vel quodd humanitatem elevaret in calum, vel quodd ipse in terram descenderet, ut faceret unionem hypostaticam. Idem dicendum in proposito ut faceret unionem amicabilem.

Similiter si talis est, tantaque efficacia amoris inter homines, ut si duo sint veri amici, & propter humana negotia separari cogantur, & alter ire in Indiam, alter in Gallia remanere: necesse foret expeditis negotiis, vel ille amicum suum ad Indiam attraheret, vel iste alterum ad Galliam revocaret: nec quamdiu forent absentes, ulla sufficerent mutuae amicitiae testimonia, quousque tandem personaliter essent præsentem.

Quis dubitat, quodd cum amor divinus sit in infinitum maioris virtutis, & efficacia quam humanus, nec ulli veriores, & meliores esse aut excogitari possint amici quam Deus, & iustus, quia si per impossibile forent separati, & absentes, amor divinus intenderet, & quæreretur facere unionem, nec, ut ita loquar, unquam quiesceret, quousque forent substantialiter, & personaliter præsentem.

Nov
quo
cog
per
in

Obi
Thom
mine ju
sit in i
test ex
tiva, v
cognit
patria
ed quod
Ergo n
Deum p
Resp.
posuit
Martia
solution
ipso D.
sent. di
objeciss
gratiam
dem inf
Spiritus
3. Dice
sufficit a
accipit
quod eff
cundum
per amor
cognitio
Igitur
habitanti
perimen
modi ex
Tol

S. I V.

Novæ difficultas circa illam D. Thomæ Doctrinam, quod Deus est in homine iusto sicut cognitum in cognoscente. Quid sit experimentalis notitia, per quam homo iustus cognoscit Deum in seipso inhabitantem.

Obije. 1. contra prædicta. Falsum est id quod D. Thomas dicit, ut retulimus in 2. §. Deum esse in homine iusto sicut cognitum in cognoscente (nam quod sit in ipso sicut amatum in amante, satis intelligi potest ex dictis) vel enim sermo est de cognitione intuitiva, vel de abstractiva: non de intuitiva, quia hæc cognitio non convenit nobis in via, sed reservatur in patria: neque de abstractiva, quia ista sic dicitur, ed quod abstrahit à præsentia, vel absentia objecti. Ergo non habet ex propria ratione sua, quod reddat Deum personaliter præsentem homini iusto.

Resp. Quod hanc difficultatem mihi quandoque proposuit doctissimus Provinciæ nostræ Theologus P. Martia is Boubiat, & fateor, quod invenire non potui solutionem, quæ mihi plenè satisfaceret, quousque in ipso D. Thoma inveni sequentia. Igitur S. Doctor 1. sent. dist. 14. qu. 2. a. 2. cum sibi in tertio argumento objecisset, quod missio Spiritus sancti non sit secundam gratiam gratum facientem, cum possit aliquis per fidem informem, quæ est sine gratia, cognoscere, quod Spiritus Sanctus in nobis inhabitat, sic responder, ad 3. *Dicendum, quod non qualiscunque cognitio sufficit ad rationem missionis, sed solum illa, quæ accipitur ex aliquo dono appropriato personæ, per quod efficitur in nobis coniunctio ad Deum, secundum modum proprium illius Personæ, scilicet per amorem, quando Spiritus sanctus datur: unde cognitio ista est quasi experimentalis.*

Igitur ista notitia, quæ iustus cognoscit Deum in se inhabitantem, nec est intuitiva, nec abstractiva, sed experimentalis. Sed difficultas est in explicanda huiusmodi experimentalis notitia, pro cuius intelligentia

advertendum est, quod experientia est actus, quo potentia fertur ad suum objectum sibi substantialiter præsens. v. g. Ille experitur dulcedinem mellis, qui gustat mel suæ potentia gustus substantialiter applicatum; & ille experitur calorem ignis, qui manum applicat supra ipsam ignis substantiam, uel super aliquod corpus calidum. notitia autem quæ fundatur in hac experientia, dicitur notitia experimentalis. Igitur homo iustus per charitatem experitur Deum sibi intimè præsentem, & inhabitantem: & hoc est illud *manna absconditum*, & *nomen nouum*, quod nemo novit nisi qui accipit, de quo sermo est Apocal. 2. & apud SS. Patres, & vitæ spiritualis, & mysticæ Doctores. Illa autem notitia quæ iustus cognoscit hanc charitatis experientiam, est illa experimentalis notitia, per quam Deus est in homine iusto tanquam cognitum in cognoscente, & amatum in amante.

Dices non potest assignari virtus, aut donum, à quo illa experimentalis notitia procedere possit. Ergo non datur. Prob. antec. Quia si aliqua virtus e et ejus principium, maxime fides; uel si aliquod donum, maxime sapientia. Sed neutrum dici potest. Non enim hoc fidei convenit: nam si est informis, potest esse sine gratia; illa autem experimentalis notitia essentialiter importat gratiam, ut patet ex dictis. Si autem est fides formata, licet sit gratiæ, & charitati conjuncta, non habet tamen ex propria ratione sua, nisi inducere ad credendum mysteria fidei propter revelationem divinam, abstrahendo ab hoc quod ille qui credit, habeat uel non habeat hujusmodi mysteriorum experientiam. Hoc etiam non convenit dono sapientiæ: licet enim per hujusmodi donum cognoscamus ea, quæ per virtutem charitatis experimur; attamen hoc donum, & alia omnia Spiritus Sancti dona, consequuntur charitatem, tanquam proprietates essentiam: Unde D. Thomas 2. 2. qu. 45. in qua ex professio loquitur de dono sapientiæ, artic. 5. in cor. sic expressè ait: *Sapientia, de qua loquimur, presupponit charitatem*. Idem ergo Doctor Angelicus ordine inverso loqueretur, dicendo Deum esse in homine iusto, sicut cognitum in cognoscente, & amatum in amante; debuisset enim po-

illis contra dicere, Deum esse in homine iusto tanquam amatum in amante, & cognitum in cognoscen-
te.

Resp. noticiam illam experimentalem esse propriam a summi doni sapientia, secundum quod etiam fit missio filij, ut tradit D. Thomas 1. p. qu. 43. a. 5. ad 2. h. s. ver-
bis. *Filius est verbum, non quaecunque sed spirans amorem. Vnde Augustinus dicit in 9. lib. de Trinit. (cap. 10.)* verbum autem, quod insinuare intendimus, cum amore notitia est. *Non igitur secundum quamlibet perfectionem intellectus mittitur filius, sed secundum talem instructionem intellectus, quâ prorumpat in affectum amoris, ut dicitur Ioan. 6.* Omnis qui audit a Patre, & didicit, venit ad me: & in Psal. (38.) in meditatione mea exardescit ignis. & ideo signanter dicit Augustinus 4. de Trinit. quod filius mittitur, cum a quoquam cognoscitur, atque percipitur: perceptio autem experimentalis quamdam noticiam significat: & hac proprie dicitur sapientia quasi sapida scientia, secundum illud Eccles. 6. sapientia doctrinae secundum nomen eius est.

Ad rationem subiectam dico, quod charitas, & sapientia sese invicem virtualiter præcedunt, & subsequuntur sub diversa consideratione; quamvis sint in eodem instanti realiter. Nam si considerentur *Ex parte donorum*, inquit Angelicus Doctor in 1. sent. dist. 15. qu. 4. a. 2. ad 2. *Tunc simpliciter naturaliter notitia præcedit amorem; & ex parte illa missio filij missionem Spiritus sancti.* Si autem considerentur *ex parte dantis* (inquit idem sanctus Doctor ibidem) *cum primum movens, & inclinans ad dandum sit ipse amor, sic datio Spiritus sancti est prior datione filij.*

Igitur prædictæ propositiones sub diversa consideratione verificantur. Nam si considerentur *ex parte causæ*, sive ipsius Dei infundentis omnes virtutes, omniaque dona, sic prius virtualiter nobis infunditur charitas, quia propter ipsam cetera omnia infunduntur: si autem considerentur *ex parte subiecti recipientis*, & exercentis virtutes, & dona, sic prius virtualiter exer-

ccetur donum sapientiae quam virtus charitatis praedatam in habitationem facientis; cum enim, juxta commune Philosophorum axioma, nihil sit volitum quin praecognitum, non posset voluntas hominis iusti hanc in habitationem per charitatem facere, nisi eius intellectus eam à charitate faciendam per sapientiam praecognosceret.

Repl. I. dicitur Psal. 33. *Gustate, & videte quoniam suavis est Dominus*: ubi gustate, & videte denotat exercitium: & tamen prius ponitur gustate, quod ad voluntatem, & charitatem pertinet, quam videte, quod pertinet ad intellectum, & sapientiam.

Resp. Donum sapientiae duplicem habere actum: unum directum, quo cognoscit in habitationem SS. Trinitatis faciendam per charitatem; alterum reflexum, quo in habitationem factam per eandem charitatem veluti recognoscit, eamque contemplatur, & admiratur. In hoc secundo sensu, verificatur praedictus scripturae sacrae locus, quasi diceretur, gustate prius per charitatem, qualis quantaque sit suavitas bonitatis Dei, quā dignatur specialiter in nobis in habitare; & deinde suavitatem illam per sapientiam contemplamini, & admiramini. Dicitur autem, videte: quia sicut visio fertur ad obiectum praesens, ita haec contemplatio, & admiratio versatur circa Deum praesentem per in habitationem.

Dices, semper manet, quod in habitatio SS. Trinitatis non fit per donum sapientiae, sed solummodo cognoscitur faciendā per virtutem charitatis, & postea ipsa facta supponitur. Atque ita Deus specialiter in habitat in homine iusto, non ut cognoscente, sed tantum ut amante.

Resp. negando consequentiam. Quia illud prius, & postea, de quo locuti sumus, non est reale sed virtuale, nec instantis in quo sed à quo: ita quod in eodem instanti, in quo sapientia sive in habitationem illam faciendā cognoscit, sive factam recognoscit, charitas eam facit: unde sapientia sive per actum directum, sive per reflexum, semper versatur circa Deum realiter praesentem, & inhabitantem. Et cum proprius modus operandi ipsius intellectus sit, ut res cognoscendo, eas ad nos

et trinitas, & possideat, ut explicabimus fusè in tract. de beatitudine, dum ostendemus, quòd Beatitudo patriæ consistit in ipsa visione Dei, & Beatitudo viæ in eodem dono sapientiæ: inde fit, quòd sapientia reddit Deum tractum, & possessum ab intellectu iusti, proindeque ipsi presentem, & inhabitantem.

Imò cum ipsa animæ substantia sit principium radicale cognitionis, & amoris Dei ratione gratiæ sanctificantis: inde fit quòd specialis inhabitatio SS. Trinitatis inchoatur in animæ substantia, & consummatur in eius potentiis. Sic ergo tota SS. Trinitas inhabitat totam hominis iusti animam: substantiam quidem per gratiam, intellectum per sapientiam, & voluntatem per charitatem.

Replic. 2. certi sumus de illis, de quibus experientiam habemus; imò ad hoc experientiam rerum facimus, ut de illis certificemur. Sed nullus iustus certus est, quòd SS. Trinitas inhabitet in se ipso; cum nullus sit certus, utrum sit in statu gratiæ, & charitatis, ut contra hereticos huius temporis definitum fuit, ut videbimus in tract. de iustificatione. Ergo nullus talem habet experientiam.

Resp. experientiam nos certificare plus vel minus iuxta maiorem, vel minorem sui perfectionem. Nam si experientia est undequaque perfecta, sicut in beatis, causat omnimodam certitudinem: sic beati sunt certissimi, quòd SS. Trinitas specialiter in ipsis inhabitet, ut explicabimus magis in tract. de Beatit. Si autem experientia sit imperfecta, sicut in viatoribus, non causat nisi imperfectam certitudinem; quia non est certitudo metaphysica, cui non possit subesse falsum, qualis est certitudo fidei, sicut volunt heretici huius temporis: Sed est certitudo moralis, quâ iusti piè credunt se esse in statu gratiæ. Si quis autem se iustum existimat, & tamen revera peccator est, hic non habet prædictam experimentalem notitiam effectivè, sed tantum existimativè; sicut existimat se habere charitatem, quam tamen revera non habet.

Replic. 3. saltem illi homines iusti qui doctrinam D. Thomæ ignorant, & multò magis illi, qui oppositam sententiam tenent, & specialem illam inhabitationem

Dei in homine iusto negant, carent huiusmodi notitia experimentalis. Ergo nostra sententia non est vera, saltem quoad omnes iustos.

Resp. Quod Deus specialiter inhabitat omnes illos homines iustos: & quod ipsi specialem hanc inhabitationem experiuntur, practice, & in actu exercito; licet hoc nesciant, uel etiam negent speculativè, & in actu signato. Quod ex opposito intelligi potest eorum exemplo, qui speculativè, & in actu signato vident meliora, eaque probant; & tamen practice, & in actu exercito sequuntur deteriora: quod quomodo fieri possit explicabitur magis in tract. de actibus humanis.

Ratio autem huius est, quia hæc inhabitatio, & experientia non dependet ex eorum estimatione, sed ex ipsa rei veritate, nec ex tali uel tali sententia, sed ex vi & efficacia charitatis: unde hoc ipso quod verum charitatis actum eliciunt, talem inhabitationem exigunt, & ipsam experiuntur; Sicut ille qui nesciret, uel etiam negaret, martyr um habere hoc privilegium, ut faciat ex attrito contritum; atque ita iustificet, & salvet peccatorem; si tamen ipse martyrium subeat: non desinit frui tali privilegio, quia non dependet nisi ex ipsa martyrij efficacia.

S. VI.

Alie speciales difficultates solvuntur.

Obiic. 2. falsum est id quod supra retulimus ex D. Thoma, quod Deus specialiter inhabitat etiam ipsos paruulos baptizatos, hoc ipso quod gratiam & charitatem habent. Quod idem dicendum esset de adultis quando dormiunt. Etenim hæc specialis inhabitatio fundatur in his Christi Domini verbis, *Si quis diligit me &c.* ut ostendimus probando conclus. sed hæc verba significant actualem charitatis exercitium, ut per se patet. Ergo cum paruuli ante usum rationis, & adulti dormientes sint incapaces huiusmodi exercitij, ita etiam & illius specialis inhabitationis.

Et maior est difficultas de paruulis, quam de adultis. Nam licet adulti quando dormiunt, sint incapaces exercendi actum charitatis, attamen quando vigila-

bant, illum exercuerunt, & actus ille in eis dormientibus remanet, non quidem formaliter & in seipso, sed virtualiter & in effectu suo. Sed paruuli nunquam charitatis actum exercere potuerunt.

Resp. Deum esse ita bonum, & misericordem, ut dignetur specialiter inhabitare hominem, uel ex hoc solo quod charitatem habet, per quam dispositus est ad Deum diligendum, quando & ubi potest & obligatur; licet charitatis actum non semper eliciat, imò quandoque non sit capax talis exercitij, siue propter defectum usus rationis, ut in paruulis, siue propter somnum, aut alias humane vitæ necessitates, & negotia, ut in adultis. Unde verba Christi sic intelligi debent, *si quis diligit me*, uel actu, uel habitu: Ibi enim non exigit dilectionem, nisi quantum requiritur, & sic fit ad observantiam præceptorum; & propterea subdit, *mandata mea servabit*: ad hoc ergo ut tota SS. Trinitas specialiter inhabitet iustum, sufficit quod Deum semper diligat habitu, siue habitum charitatis possideat; & quando præceptum ejusdem charitatis obligat, tunc diligat etiam actu. Ex his tamen sequitur, quod homo iustus non fruitur semper notitiâ experimentalis hujusmodi inhabitationis SS. Trinitatis, sed tantum quando charitatis actum exercet.

Obiic. 3. Exercitium charitatis supponit Spiritum Sanctum inhabitantem, proindeque etiam totâ SS. Trinitatem; cum ut supra diximus, una persona non inhabitet iustum sine altera. Ergo inhabitationem illam non facit. Prob. antec. exercitium illud supponit ipsam charitatem jam diffusam in cordibus nostris: non diffunditur autem nisi per Spiritum Sanctum inhabitantem, juxta illud Apostoli ad Rom. 5. *charitas Dei diffusa est in cordibus nostris, per Spiritum Sanctum qui datus est nobis*. Ergo charitatis exercitium supponit inhabitantem Spiritum Sanctum. Quod probatur etiam ex Concilio Tridentino, in quo sess. 14. cap. 4. de attritione dicitur, quod est à Spiritu Sancto non adhuc quidem inhabitante, sed movente: Unde inferitur, quod contritio, quæ charitatis involuit exercitium, est ab eodem Spiritu Sancto nedum movente, sed etiam inhabitante; proindeque supponit ipsum sicut

eff. Actus suam causam: unde D. Augustinus tract. 74. in Ioannem ait: Quomodo diligemus, ut eum (nimirum Spiritum sanctum) accipiamus, quem nisi habeamus, diligere non valeamus.

Resp. quod inhabitatio SS. Trinitatis, & exercitium charitatis se habent ut prius, & posterius in diverso genere causae: nam in genere causae efficientis prius est quod tota SS. Trinitas inhabitet iustum, quam quod iustus exerceat charitatem: quia SS. Trinitas inhabitans physice praedeterminat hominem iustum per actuale suae divinae gratiae auxilium ad huiusmodi charitatis exercitium. Sed in genere causae materialis dispositive prius est e contra quod iustus charitatem exercet, quam quod SS. Trinitas ipsum inhabitet: quia per charitatis exercitium redditur subiectum capax, & idoneum ad huiusmodi SS. Trinitatis, inhabitationem. Unde charitas non efficit illam inhabitationem tanquam causa, sed eam solummodo exigit tanquam dispositio. Quod explicari potest ex communi doctrina Thomistarum, qui in tract. de justificatione docent, quod gratia sanctificans, & contritionis actus se invicem praecedunt, & sequuntur in diverso genere causae. Nam in genere causae efficientis gratia contritionem praecedit, cum sit causa ipsius effectiva: in genere vero causae materialis dispositive, & obstaculum removens, contritio e contra praecedit gratiam; tollit enim peccatum mortale, quod est obstaculum gratiae, & hominem reddit subiectum idoneum, & dispositum ad gratiam recipiendam.

Elucidari quoque potest exemplo vulgari. Quid, quaeso, prius est aut posterius, vel quod ventus in cubiculum ingrediatur, vel quod fenestra aperiatur. Responderi nihil aliud potest, nisi quod in genere causae efficientis, prius est quod ventus impellendo fenestram in cubiculum ingrediatur, quam quod fenestra aperiatur; nisi enim ventus ingrederetur, fenestra non aperiretur: sed in genere causae materialis dispositive, & obstaculum removens, prius est quod fenestra aperiatur, quam quod ventus ingrediatur; nisi enim obstaculum fenestrae clausae tolleretur, & cubiculum per ipsius apertionem disponeretur, ventus non ingredere-

Sic in proposito prius est in genere causa efficiens, quodd Spiritus Sanctus spirando cor hominis moveat, & in ipsum ingrediatur, ibique inhabitet, quam quodd homo charitatis actum eliciat: sed in genere causae materialis dispositivae, & obstaculum removens prius est econtra quodd homo charitatis actum eliciat, per quem vel tollat obstaculum peccati mortalis, si de facto reperitur in subiecto, vel sit capax illud tollere, si nondum supponeretur ablatum; per quem etiam disponat se ad hoc ut sit dignum Spiritus sancti habitaculum, priusquam ipsum inhabitantem recipiat. Unde ad quaestionem D. Augustini respondemus, utrumque verum esse, & quodd nisi Spiritum sanctum inhabitantem habearis, ipsum diligere non valemus; & quodd nihilominus ipsum diligendo meremur, & nos disponimus ad hoc ut ipsum inhabitantem recipiamus.

Haec pro nunc sufficient: nam in praedicto tractatu de justificatione referemus varios modos, quibus Thomistae explicant, quomodo gratia, & contritio sese precedant, & sequantur, ex quibus a simili inferemus, quomodo sese etiam precedant, & sequantur inhabitatio SS. Trinitatis, & exercitium charitatis.

S. VI.

Solvantur obiectiones communes.

Obiici praeterea communiter solet 4. falsum est id quodd D. Thomas dixit, missionem invisibilem non fieri nisi secundum gratiam, & charitatem. Etenim in Incarnatione fit missio invisibilis verbi divini ad humanitatem assumptam, & Spiritus sancti ad B. Virginem, secundum illud Lucae 1. *Spiritus sanctus superperveniet in te.* Et tamen utraque missio fieri potest sine gratia, & charitate; ut si verbum assumeret naturam irrationalem, quae donorum gratiae est incapax; vel si assumeret naturam rationalem huiusmodi gratiae donis spoliata; vel si ex matre peccatrice nasceretur. Ergo.

Resp. quodd in tract. de Incarnatione explicabimus.

rum in prædictis casibus fierent missiones divinarum Personarum. Pro nunc omittis aliis solutionibus sufficit dicere, quod etiam si hoc concedatur, nihil inde sequitur contra doctrinam D. Thomæ. Loquitur enim S. Doctor de hoc quod sit iuxta potentiam Dei ordinariam, & non de hoc quod fieri potest iuxta potentiam extraordinariam, & absolutam. Si autem in prædictis casibus fierent missiones, non essent iuxta potentiam ordinariam, sed extraordinariam, ut dicemus in eodem tract. de Incarnatione.

Obiic. 5. Missio fit ad Sacramentum Eucharistiæ in ipso consecrationis instanti, & tamen pro tunc non confertur gratia, nec charitas. Missio quoque fit quando Spiritus sanctus homini specialiter assistit; ut quando per speciale auxilium divinæ suæ gratiæ irrum excitat ad actum attritionis supernaturalis, vel fidei informis, aut ad alios similes actus; vel quando invisibiliter præsidet generalibus Conciliis, & lumen speciale confert, quo sine ullo errore veritatem agnoscant & tamen hæc omnia sunt, vel de potentia etiam ordinaria fieri possunt, sine infusione, vel augmento gratiæ, vel charitatis. Ergo. Potest etiam homo diligere Deum amore amicitiae purè naturali, proindeque sine gratia, & charitate: & tamen amor ille amicitiae exigeret in ordine suo missionem, & inhabitationem Dei. Ergo.

Resp. quantum ad Eucharistiam, quod ut D. Thomas expressè asserit 1. 2. q. 43. a. 6. ad 4. *Missio divina Persona non fit ad sacramenta: sed ad eos, qui per sacramenta gratiam suscipiunt.* Unde quantum ad Eucharistiam dicendum est, quod in consecratione non fit ad ipsam missio Personæ filij, sed solummodo corporis Christi: Quia missio, prout in præsentia à Doctoribus sumitur, est unius Personæ rationalis ad alteram rationalem Personam ad negotium aliquod peragendum: & propterea missiones divinæ non fiunt nisi ad personas rationales, quales sunt homines, & Angeli; proindeque locum nequeunt habere in Sacramentis secundum se consideratis.

Quantum verò ad specialem Spiritus sancti assistentiam dico eam esse duplicem: una n. quæ importat specialem præsentiam ipsiusmet Personæ Spiritus sancti;

& hæc ad missionem eius requiritur : alteram quæ importat solummodo productionem alicuius specialis effectus , & hæc ad missionem eius non sufficit , ut satis patet ex dictis : unde quia Spiritus sanctus non assistit per specialem suæ personæ præsentiam illis qui habent fidem informem , uel eliciunt solummodo attritionem , uel illis qui componunt concilia , sed solummodo per speciales effectus , scilicet per speciale auxilium gratiæ , & per speciale lumen , ideo non fit ad eos missio Spiritus sancti (nisi illi qui concilia componunt , sint aliunde in statu gratiæ , & charitatis.)

Quantum ad amorem Dei , dicendum est D. Thomam non loqui de statu possibili naturæ puræ , sed de statu præsentī naturæ humanæ ad ordinem supernaturalem elevata : in præsentī autem statu non datur verus amor Dei etiam naturalis , nisi in illis qui sunt in statu gratiæ , & charitatis , ut ostendemus in tract. de variis statibus naturæ humanæ.

§. VII.

Referuntur integra authoritates D. Thomæ , quæ difficultatem parere possunt , eo quod dimittuntur citantur.

1. Citatur D. Thomas 1. p. q. 43. a. 3. ad 4. quasi velit missionem Spiritus sancti fieri ad eos , quibus data est gratia miraculorum , uel prophetiæ. Ex quo nascitur difficultas , quia huiusmodi gratia , sicut omnes aliæ gratiæ gratis datæ possunt absolute loquendo stare cum peccato mortali , ut docent omnes Theologi : non mittitur autem Spiritus sanctus ad eos qui sunt in statu peccati mortalis.

Sed si authoritas Sancti Doctoris integra referatur , nulla superest difficultas. Sic enim habet loco citato. *Dicendum , quod operatio miraculorum est manifestatiue gratiæ gratum facientis , sicut & donum Prophetiæ , & qualibet gratia gratis data : unde 1. ad Corinth. 12. gratia gratis data nominatur manifestatio Spiritus. Sic igitur Apostolis dicitur datus Spiritus sanctus ad operationem miraculorum. quia*

data est eis gratia gratum faciens cum signo manifestante. Si autem daretur solum signum gratum facientis sine gratia non disceretur dari simpliciter Spiritus sanctus, nisi forte cum aliqua determinatione; secundum quod dicitur, quod aliqui datur Spiritus propheticus, uel miraculorum, in quantum à Spiritu sancto habet virtutem prophetandi, uel miracula faciendi. Ex quibus verbis patet, quod missiones divinarum Personarum non fiunt per gratias gratis datas; sed per eas solummodo manifestantur.

2. Citatur Doctor Angelicus ex eadem qu. artic. 6. ad 2. quasi dicat missiones fieri ad eos, qui ad novum aliquod munus, aut statum excellentem assumuntur, ut enim in sacerdotes, uel Episcopos consecrantur, uel dum omnibus renuntiant, & Religiosi efficiuntur. Quod nisi magis explicetur, difficile est; cum hæc omnia fieri possint in statu peccati mortalis.

Nulla autem remanet difficultas, si autoritas interpretatur, sic enim habet. *Secundum illud augmentum gratia precipue missio invisibilis attenditur, quando aliquis proficit in aliquem novum statum, uel novum statum gratia; ut puta cum aliquis proficit in gratiam miraculorum, aut prophetia; uel in hoc quod ex fervore charitatis exponit se martyrio, aut abrenuntiat his quæ possidet, aut quodcumque opus arduum aggreditur. Ex quibus verbis patet, quod missio divinarum Personarum, totiusque SS. Trinitatis inhabitatio non attribuitur prædictis omnibus per se, & ratione sui, sed tantum ratione gratia, & charitatis; ita ut quantumvis augerentur gratia gratis data, & quantumvis aliquis de statu mentis eccellente ad alium excellentiorem assumeretur, non propterea plenior, & abundantior esset huiusmodi missio, & inhabitatio, nisi gratia sanctificans, & charitas augerentur, uel intensivè, uel saltem extensivè, quod augmentum explicabimus in sequ. paragr.*

3. Citatur D. Thomas in eodem artic. 6. ad 3. dicens, quod ad beatos fit missio invisibilis, nedum in ipso primo glorificationis instanti, sed etiam postea

aliquo
majore
missioni
glorific
propter
propter
sum est
omnem
propter
& char
tionis i
Beati n
in tract
exigere
Uterq
D. Tho
beatos
beati q
invisibi
secund
novu
dem au
gratia
fuit su
ceptioni
concept
tia. Ex
Christu
stanti su
quæ ad i
in eodem
gis in tra
suam grat
quæ ad i
tria, non
succellivè
deri poss
Sufficit q
huiusmod
quarum v
concernu

usque ad diem iudicii. Hoc continet difficultatem, quæ major est quam præcedentes. Etenim vel omnes illæ missiones invisibiles, quæ fiunt ad beatos ab instanti glorificationis eorum usque ad diem iudicii, fiunt propter gratiam, & charitatem vel non; si non fiunt propter gratiam, & charitatem beatorum; Ergo falsum est quod D. Thomas ait, propter utramque fieri omnem missionem invisibilem: si autem dicatur fieri propter ipsas; contra est, quod una eademque gratia, & charitas, quam habent beati in ipso suæ glorificationis instanti, remanet pro semper invariabilis; nec Beati merentur ullum ipsius augmentum, ut dicemus in tract. de merito. Ergo ratione ipsarum non possunt exigere novas missiones, nec novas illuminationes.

Ut difficultas resolvatur, referenda est auctoritas D. Thomæ, qui sic loquitur. *Dicendum, quod ad beatose facta missio invisibilis in ipso principio beatitudinis. Postmodum autem ad eos fit missio invisibilis: non secundum intensiorem gratia, sed secundum quod aliqua mysteria eis revelantur de novo. Quod erit usque ad diem iudicii. Quod quidem augmentum attenditur secundum extensionem gratia ad plura se extendentis. Ad Christum autem fuit facta invisibilis missio in principio sue conceptionis, non autem postea; cum à principio sue conceptionis fuerit plenus omni sapientia, & gratia. Ex quibus habemus, hoc esse discrimen inter Christum, & Beatos, quod Christus Dominus in instanti sue conceptionis meruit, ut omnes missiones, quæ ad ipsum per illuminationes fieri debebant, fierent in eodem conceptionis instanti, ut explicabimus magis in tract. de Incarn. Sed Beati dum erant in via per suam gratiam, & charitatem meruerunt, ut missiones quæ ad ipsos per illuminationes fieri debebant in patria, non fierent omnes simul, sed plures reservarentur successive faciendæ usque ad diem iudicii. De quo videri possunt ea, quæ diximus in tract. de Visione Dei. Sufficit enim in proposito, quod semper manet, omnes huiusmodi missiones refundi in gratiam, & charitatem, quarum virtus, & meritum se extendunt ad omnia, quæ concernunt beatos.*

§. VIII.

*Quomodo per augmentum gratia & charitatis sit
maior Spiritus sancti missio, & abundantior
SS. Trinitatis inhabitatio.*

S. Leo magnus serm. 2. Pentecostes sic habet. Non ambigamus, quod cum in die Pentecostes discipulos Domini Spiritus sanctus implevit, non fuit inchoatio muneris, sed adiectio largitatis; quoniam & Patriarche, & Propheta, & sacerdotes, omnesque Sancti, qui prioribus fuere temporibus, eiusdem sunt Spiritus sancti Sanctificatione vegetati: & sine hac gratia, nulla unquam instituta sacramenta, nulla sunt celebrata mysteria; ut eadem semper fuerit virtus charismatum, quamvis non eadem fuerit mensura donorum. Ipsi quoque Apostoli ante passionem Domini Spiritu sancto non carebant. Et Paulus post subdit. Illi perfectioni, quae erat Discipulis conferenda, maior gratia & abundantior inspiratio servabatur: per quam quae nondum acceperant, sumerent, & excellentius possent habere, quae sumpserant.

D. Augustinus tract. 74. in Joannem, exponens haec verba Christi Joan. 17. Si diligitis me, mandata mea servate: Et ego rogabo Patrem, & alium paracletum dabit vobis: Ita quarit: Quomodo diligimus, ut eum accipiamus, quem nisi habeamus, diligere non valeamus? Et paulo post ita quaestionem resolvit. Restat ergo ut intelligamus Spiritum sanctum habere qui diligit, & habendo mereri ut plus habeat, & plus habendo plus diligit. Iam itaque habebant spiritum discipuli, quem Dominus promittebat, sine quo eum Dominum non dicebant: nec tamen eum adhuc habebant, sicut eum Dominus promittebat. Et habebant ergo, & non habebant, qui quantum habendus fuerit, nondum habebant. Habebant itaque minus, dandus erat eis amplius. Habebant occulte, accepturi fuerant manifeste: qui a & hoc ad maius donum sancti Spiritus peritinebat,

ut eis innotesceret quod habebant.

Doctor angelicus 1. p. qu. 73. a. 6. ad 2. ait: Dicendum, quod etiam secundum profectum virtutis, aut augmentum gratiæ fit missio invisibilis. Unde Augustinus dicit 4. de trinit. (cap. 20.) quod tunc cuiquam mittitur filius, cum à quoquam cognoscitur, atque percipitur, quantum cognosci, & percipi potest pro capto, vel proficientis animæ in Deum, vel perfectæ animæ rationalis in Deo.

Ut hæc alique plura similia SS. Patrum, & Doctorum testimonia bene intelligantur, dicendum est. 1. quod per alium significatur alius personaliter: ita ut sensus sit, præter me, qui sum consolator vester, Pater meus dabit vobis alium paracletum, sive consolatorem, nimirum Spiritum sanctum. 2. significatur alius non in substantia, sed in modo: id est dabitur quidem vobis idem Spiritus sanctus, qui datus est alijs, & etiam vobis ipsis; sed alio modo: quia datus est alijs modo invisibili tantum: vobis autem dabitur modo invisibili simul & visibili. 3. Alio quoque modo: quia per inter ora dona, & exteriora signa tantam habebitis certitudinem, quod Spiritus Sanctus vobis datur, & tota SS. Trinitas in vobis inhabitat, ut de hoc dubitare non possitis: quæ certitudo alijs iustis concedi non solet. 4. Alio etiam modo: quia hæc omnia vobis conferenda sunt cum majori abundantia, & plenitudine quam conferantur alijs; & quam antea collata fuerint vobismet ipsis. 5. Tandem significatur alius non realiter, sed virtualiter: quia licet Spiritus sanctus sit realiter unus, & idem, ac simplicissimus; talem nihilominus, ac tam virtutem habet, plures & varios, & alios ac alios producendi effectus, ac si foret realiter multiplex, & alius ac alius.

Quantum ad doctrinam D. Thomæ, notandum est, quod augmentum charitatis est duplex: aliud est intensivum, quod fit per actus intensos, & ferventiores habitum; ut si quis habeat charitatis habitum ut decem, & per auxilium actuale divinæ gratiæ huic habitui superadditum eliciat actum amoris ut quindecim, augetur & intenditur charitas recipiendo quinque novos gradus: aliud est augmentum extensivum, quod fit per

actus remissos, & minus ferventes; ut si ille qui charitatem habet ut decem, non eliciat nisi actum amoris ut quinque; tunc enim extenditur charitas; sed nullum in se novum gradum saltem physicè recipit, ut explicabimus fusè agendo de charitate in tract. de virtutibus Theologicis.

Celeberrima difficultas agitur in eodem tract. an mereamur per omnes charitatis actus tam remissos quam intensos. Sed quicquid sit de hoc, sufficit in praesenti dicere, quod per quemcunque novum charitatis actum quantumvis remissum sunt novae missiones filij, & Spiritus sancti, novaque inhabitatio Patris, & totius SS. Trinitatis; itaut si per possibile, vel impossibile hujusmodi missiones, & inhabitatio nondum essent factae per ipsam charitatis essentiam, aut praecedentes ipsius actus, fierent per illum novum actum. Ratio habetur uno verbo ex dictis. Etenim hujusmodi missiones, & inhabitatio fundantur in ratione verae amicitiae inter Deum, & hominem, ut patet ex dictis pro nostra conclusione. Cum igitur certum sit, quod ratio illa verae amicitiae convenit cuilibet actui charitatis quantumvis remisso, alias non esset verus charitatis actus; certum quoque est, quod in virtute ipsius sunt praedictae missiones, & inhabitatio.

Quomodo autem hujusmodi missiones, & inhabitatio fiant cum majori abundantia, & plenitudine in aliquibus iustis, quam in aliis, explicatur à simili ex D. Thoma 1. p. qu. 28. a. 3. ubi quaerit, utrum Deus aequaliter diligat omnia: & Respondet, quod si amor Dei consideretur ex parte sui, sive ipsius actus, sic Deus aequaliter diligit omnia: quia unus est idemque simplicissimus, & omnimodè infinitus actus amoris, quo cuncta diligit. Si verò consideretur ex parte creaturarum; sic eas non diligit aequaliter, sed aliquas magis, alias minus, prout eis confert majora bona, vel minora. Simili prorsus modo dicendum est, quod si missiones divinarum Personarum, & SS. Trinitatis inhabitatio considerentur ex parte Dei, sunt aequales respectu omnium iustorum; quia Personae mittuntur ad eos, & SS. Trinitas inhabitat uno eodèque simplicissimo, & infinito modo: si autem considerentur ex parte iustorum

justiorum, sunt inaequales, & dicuntur majores, vel minores, siue fiunt cum majori vel minori abundantia, & plenitudine, prout in suis missionibus, & inhabitatione, plura, vel pauciora, majora, vel minora dona conferunt hominibus justis.

§. IX.

Dissensio concionatorum circa propositionem istam: Spiritus Sanctus personaliter super Apostolos descendit in die Pentecostes.

Dum hac absolvebam, accepi ortam esse dissensionem inter duos concionatores unius urbis vicinæ. Unus dixit: Spiritum Sanctum personaliter descendisse super Apostolos in die Pentecostes. Alter asseruit hoc esse hæresim.

Sed certè ex hoc magis, ac magis agnosco absolutam necessitatem scholasticae Theologiae. Nam si concionator iste eam penetraret, non ignoraret, quòd tantum abest ut hoc sit hæresis, quin potius oppositum est error, si intelligatur quòd non detur ipsemer Spiritus sanctus personaliter, sed solummodo ipsius dona conferantur, ut notavimus initio hujus articuli tertij ex Magistro sentent. & D. Thoma. Si autem intelligatur, quòd personaliter quidem detur, sed non per aliquem specialem modum præsentiæ distinctum ab illo modo communi, quo est ubique per operationem, non est quidem error; imò hanc opinionem tenent aliqui catholici, ut ibidem vidimus: sed tamen doctrina vere angelica nostri sancti Doctoris, qua nihil actius, & efficacius in concionibus exponi potest ad solidam pietatem in cordibus fidelium excitandam, & inflammandam, est, quòd præter illos generales modos, quibus Deus est ubique, datur specialis modus præsentiæ, quo est in hominibus justis ratione gratiæ, & charitatis, sicut explicuimus in paragr. præcedentibus.

Et præter omnia quæ diximus; confirmatur à simili hæc veritas autoritate universalis Ecclesie: nam in Symbolo Missæ sic habet de unigenito Dei filio: *Qui propter nos homines, & propter nostram salutem descendit de cælis; & incarnatus est de Spiritu*

Santo ex Maria virgine, & homo factus est. Ubi sermo est de descensu personali: non enim filius Dei incarnatus est, nisi quatenus humanitatem Christi ad suam propriam personalitatem assumpsit. Non quod propterea reliquerit caelos, aut de novo terram occupaverit; cum semper sit ubique per immensitatem: sed quia unio illa personalis, sive hypostatica, ita specialem personae ipsius praesentiam exigit, ut si per impossibile non foret per immensitatem ubique, foret nihilominus personaliter praesens humanitati Christi per talem unionem. Ita charitas sic exigit specialem praesentiam ipsius, nec personae Spiritus sancti, ut si per impossibile Spiritus sanctus non foret per immensitatem ubique, esset tamen personaliter praesens hominibus iustis in virtute charitatis: sicut explicuimus supra, quod si per impossibile Deus esset tantum in caelo, & homo iustus in terra, necesse foret uel quod Deus hominem iustum elevarer ad se in caelum, uel quod ipse descenderet in terram ad hominem iustum, ut forent sibi invicem personaliter praesentes. Propter hanc ergo specialem praesentiam personalem verissimum est, quod Spiritus Sanctus personaliter descendit super Apostolos in die Pentecostes.

Imò dicendum est, quod semel tantum Spiritus sanctus personaliter descendit super Apostolos invisibiliter simul & visibiliter, scilicet in die Pentecostes: sed quod semper invisibiliter descendit personaliter super homines iustos, toties nempe quoties novum aliquem charitatis actum eliciunt, ut satis patet ex dictis. Ex quo infertur discrimen notatu dignissimum inter festum Pentecostes, & alia Ecclesiae festa; ut Nativitatis Christi, Resurrectionis eius, & similia: quod non possumus alia festa semper celebrare; non enim semper homo spiritualiter nascitur, nec semper spiritualiter resurgit, & sic de ceteris. Sed festum Pentecostes semper celebrare possumus, quia novum semper charitatis actum eiciendo facimus, ut semper de novo ad nos mittatur Spiritus sanctus, semperque de novo in nobis tota SS. Trinitas inhabitet.

QUÆSTIO ULTIMA

De cognoscibilitate mysterij SS. Trinitatis.

PLURA diximus initio hujus tractatus, & in ipsius
etiam decursu, quæ concernunt cognoscibilitatem
hujus mysterij: cætera explicabuntur in sequen-
tibus articulis.

ARTICULUS I.

Utrum SS. Trinitatis mysterium lumine naturalis cognosci possit...

Hæc difficultas in duplici sensu agitari potest: uel
seclusa fide; uel ipsâ supposita. Seclusâ quidem fide,
loquendo scilicet de illis, qui fidem nostram non ha-
buerunt, nec mysteriorum nostrorum notitiam nec ex
toto, nec ex parte, ut sunt gentiles Philosophi. Sup-
positâ verò fide, sive loquendo de illis qui fidem no-
stram receperunt, & mysteriorum religionis nostræ no-
titiam habent vel ex toto sicut catholici, vel saltem ex
parte sicut hæretici, qui mysterium illud SS. Trinita-
tis, & quædam alia nobiscum credunt; licet alia plura
negent. Resolvemus hæc difficultatem in primo sensu: ne
secundo verò sensu eam remittimus ad alios tractatus:
nempe ad tractatum de variis statibus nature humanæ;
ubi agendo de ipsius elevatione ad ordinem supernatur-
alē, explicabimus, quomodo mysterium SS. Trinitatis,
aliaque similia, sint e titative supernaturalia; & ad
tractatum de fide, ubi explicabimus an, & quomodo
hujusmodi mysteria entitative supernaturalia, lumine
naturalis cognosci possint.

Concl. Myſterium SS. Trinitatis ſeclufa fide non po-
teſt naturali lumine demonſtrativè cognofci. Ita com-
muniter Theologi cum D. Thoma 1. p. qu. 32.
a. 1.

Prob. 1. ex initio, & decurfu totius tract. Quoties
enim aliquas rationes naturales attulimus ad explican-
dum, & probandum ea, quæ concernunt huiusmodi
myſterium SS. Trinitatis, toties oſtendimus, eas eſſe
quidem optimas congruentias, & per eas poſſe myſte-
rium iſtud maximè probabiliter perſuaderi; non eſſe
tamen demonſtrationes; & poſſe Philoſophos lumine
fidei deſtitutos, ac ſolo naturali lumine ratiocinantes
ita reſpondere, ut non plenè convincantur, nec huic
veritati cogantur præbere aſſenſum. Licet aliunde, ſi
non fuerint penitus obſtinati, cogantur fateri, myſte-
rium iſtud plura quidem continere, quæ ſunt ſupra rati-
onem; ſed nihil proſus importare, quod ſit contra
rationem: ut patet ex ſolutionibus, quas expoſuimus,
omnium illarum objectionum, quæ ex parte gentilium
fieri poſſunt.

Prob. 2. expreſſa authoritate ſcripturæ. Etenim
Matth. 11. ſic habetur: *Nemo novit filium niſi Pa-
ter; neque Patrem quis novit niſi filius; & cui
voluerit filius revelare.* Ubi non ſolum ſignificatur
neminem cognoviſſe, ſed nec etiam cognoscere poſſe
Trinitatis perſonas, niſi divina revelatione. Apoſto-
lus 1. ad Corinth. 2. ait: *Loquimur Dei ſapientiam
in myſterio, quæ abſcondita eſt, quam prædeſti-
navit Deus ante ſæcula in gloriam noſtram: quam
nemo principum huius ſæculi cognoviſt.* Et poſtea
ſubdit: *Nobis autem revelavit Deus.* Nemo princi-
pum cognovit, id eſt nullus antiquorum Philoſopho-
rum, qui erant veluti principes ſæcularis doctrinæ, ut
exponit gloſſa: *Prædeſtinavit in gloriam noſtram,*
nobisque revelavit, id eſt in gloriam omnium fidelium,
ut exponit D. Thomas in commentario illius loci. Quæ
enim maior gloria excogitari poteſt, quàm quod univ-
quiſque fidelis, quantumvis rudis, & hebetis ingenij,
etiam puer, & puella ope luminis fidei certiffimam ha-
beat notitiâ myſterij SS. Trinitatis, aliorumque ſi-
milium ita ſublimium, ut ad eorum cognitionem per-

mysterij SS. Trinitatis.

tingere non potuerint ope luminis naturalis illi antiqui Philosophi, quorum præstantissima ingenia totam orbem in admirationem rapuerunt. Sed de hoc fasce agemus in tract. de Fide.

Quantum ad testimonia SS. Patrum, plura retulimus qu. 2. de processionibus, agendo de processione verbi; & ibidem explicuimus quomodo sunt intelligenda.

Prob. 2. ratione D. Thomæ. Effectus non conducit in cognitionem suæ causæ nisi sub ea ratione sub qua ab illa procedit. v. g. Tabella à pictore depicta, vel domus ab ædificatore constructa ejus quidem artem, & industriam manifestant, quia ab illa procedunt, & per se dependent: non manifestant tamen ejus colorem, figuram, staturam, vestes, aliaque similia, quæ per se non concurrunt ad operis productionem, sed merè per accidens, & concomitanter se habent in artifice ut artificiosè operante. Sed effectus naturales non procedunt, nec formaliter, & per se dependent à Deo ut trino, sed solum quatenus uno; itaut SS. Trinitas merè concomitanter se habeat ad earum productionem. Ergo ex illis nequit demonstrativè probari mysterium SS. Trinitatis. ma. patet. mi. prob. quia ut diximus qu. 4. de personis divinis, exponendo illud commune axioma; opera Trinitatis ad extra sunt indivisa, creaturæ procedunt à Deo prout est hic Deus mediante omnipotentia, sive prout subsistit per substantiam communem, & absolutam, itaut hic Deus sit principium quod, & omnipotentia sit principium quo omnium effectuum naturalium: unde si per impossibile Deus non esset trinus, sed tantum unus, ut existimabant antiqui Philosophi, adhuc creaturæ ex ipso procederent sicuti modò. Trinitas ergo non se habet nisi concomitanter.

Dixi tamen in conclusione, & rationibus, non posse mysteriū SS. Trinitatis naturaliter demonstrativè probari. Quia nullum existimo inconveniens concedere, quòd aliqui ex antiquis, & præstantissimis Philosophis, vel habuerint, vel saltem habere potuerint probabilem, & conjecturalem hujus mysterij notitiam ex effectibus naturalibus, non quidem immediatè, sed

mediate, quatenus mediantibus huiusmodi effectibus devenerunt in noticiam omnimodae infinitatis, summae bonitatis, aliorumque attributorum Dei; & ex his attributis arguendo, sicut nos fecimus in variis locis exponendo naturales rationes, & congruentias huius mysterij, potuerunt conicere, & probabiliter inferre Trinitatem divinarum Personarum, non tamen demonstrativè probare, sive naturalem de ipsis habere noticiam, quæ sit evidens, & necessaria. Nam ut sæpè diximus, omnia hæc argumenta valde quidem persuadent, sed non plenè convincunt.

Obijcies 1. ex D. Thoma articulo jam citato in 1.º argumento ubi sic habet. *Philosophi non devenerunt in dei cognitionem nisi per rationem naturalem. inveniuntur autem à Philosophis multa dicta de Trinitate personarum. Dicit autem Arist. in 1. de cæl. 3. mun. per hunc numerum, scilicet ternarium, adhibuimus nos ipsos magnificare Deum unum, eminentem proprietatibus eorum quæ sunt creata. August. etiam dicit 7. Confess. Ibi legi, scilicet in libris Platoniorum, non quidem his verbis, sed hoc idem omnino multis & multiplicibus suaderi rationibus, quod in principio erat verbum, & verbum erat apud Deum, & Deus erat verbum; Et huiusmodi quæ ibi sequuntur: in quibus verbis distinctio divinarum personarum traditur. Dicit etiam glossa Rom. 1. 3. exod. 7. quod magi Pharaonis defecerunt in tertio signo, id est in notitia tertie personæ, scilicet Spiritus sancti. Et sic ad minus duas cognoverunt. Trinitas etiam dicit, Monas genuit Monadem, & in se ipsum reflexit ardorem. Per quod videtur generatio Filii, & Spiritus Sancti processio iniciuari. Cognitione ergo divinarum personarum potest per rationem naturalem haberi.*

Respondeo ex eodem D. Thoma ibidem. *Ad primum ergo dicendum, quod Philosophi non cognoverunt mysterium Trinitatis divinarum personarum per propria, quæ sunt paternitas, filiatio, & processio, secundum illud Apostoli 1. ad Cor. 13. 2. loquimur Dei sapientiam, quam nemo principum huius sæculi cognovit, id est Philosophorum, secundum*

glos. Cognoverunt tamen quadam essentialia attributa, qua appropriantur personis: sicut potentia patri, sapientia filio; bonitas Spiritui Sancto, ut infra patebit. Quod ergo Aristoteles dicit: per hunc numerum adhibuimus nos ipsos, &c. non est sic intelligendum, quod ipse poneret ternarium numerum in divinis. Sed vult dicere, quod antiqui utebantur ternario numero in sacrificiis & orationibus: propter quamdam ternarii numeri perfectionem. In libro etiam Platoniorum invenitur, in principio erat verbum: non secundum quod verbum significat personam genitam in divinis, sed secundum quod per verbum intelligitur ratio idealis, per quam Deus omnia condidit: qua filio appropriatur. Et licet appropriata tribus personis cognoscerent, dicuntur tamen in tertio signo defecisse, id est, in cognitione tertia persona: quia a bonitate: qua Spiritui Sancto appropriatur deviarunt: dum cognoscentes Deum, non sicut Deum glorificaverunt, ut dicitur Rom. 1. vel quia ponebant Platonici unum primum ens quod etiam dicebant esse patrem totius universitatis rerum: consequenter ponebant aliam substantiam sub eo, quam vocabant mentem vel paternum intellectum, in qua erant rationes omnium rerum, sicut Macrobius recitat super somnium Scipionis. Non autem ponebant aliquam substantiam tertiam separatam, qua videretur Spiritui Sancto respondere. Sic autem nos non ponimus Patrem & Filium secundum substantiam differentes: sed fuit error Origenis & Ari. sequentium Platonicos. Quod verò Trimegistus dixit. Monas Monadem genuit, & in se suam reflexit ardorem: non est referendum ad generationem filij vel Spiritus sancti, sed ad productionem mundi. Nam unus Deus produxit unum mundum, propter sui ipsius amorem.

Resp. 2. ex eodem S. Doctore in 1. d. ff. 3. qu. 1. a. 2. & ad Hannib. ibidem qu. 2. & aliis authoribus, quod antiqui Philosophi legerunt libros veteris testamenti, & de ipsis contulerunt cum antiquis Hebraeorum Rabbini, quibus revelabat Deus veram hujusmo-

Quaestio VI. de cognoscibilitate

in librorum intelligentiam, & sic didicisse plura SS. Trinitatis arcanum concernentia. Plura quoque deprompserunt ex libris Sybillarum: quibus in præmium illibata virginitatis suæ quamplures concessa fuerunt divinæ revelationes circa Religionis nostræ mysteria, ut videbimus in tract. de Fide. Denique locuti sunt probabiliter, non autem demonstrativè: ideoque ipsorum testimonia non sunt clara, sed obscura. Cum his generalibus regulis responderi facile potest ad illa omnia quæ ex Philosophis afferri possunt.

Ob. 2. Imago ducit in notitiam sui prototypi, & vestigium in notitiam ejus qui illud impressit. Sed ut dicemus in sequ. paragr. Deus in omnibus naturalibus effectibus vel imaginem SS. Trinitatis insculpsit, vel saltem vestigium ejus impressit. Ergo Philosophi ex hujusmodi effectibus potuerunt devenire in notitiam hujus mysterij.

Resp. omnis variis solutionibus, dist. mai. si alium de cognoscatur ille, quem imago, aut vestigium representat, conc. Si non cognoscatur, ne. Nam si quis, v. g. nihil unquam de Leone audivit, etiamsi videat ejus vestigium arenæ impressum, non propterea ducitur in illius notitiam, quia nescit utrum sit vestigium illius animalis. Similiter si nihil audivit de Cæsare, quantumvis ejus imaginem præ oculis habeat, non propterea illum cognoscet, cum nesciat hanc esse Cæsaris imaginem. Ita nisi Philosophi aliunde noverint mysterium SS. Trinitatis, non poterunt ex effectibus naturalibus in ejus notitiam devenire, saltem demonstrativè; quia semper ignorabunt, quod hujusmodi effectus sint imago, aut vestigium SS. Trinitatis.

ARTICULUS II.

Egregia , & singularis ratio , propter quam imago SS. Trinitatis relucet in solis intellectualibus creaturis ; in aliis autem non apparet nisi eius vestigium.

Conveniunt omnes in hoc quod in solis intellectualibus creaturis homine , & Angelo relucet imago SS. Trinitatis ; in aliis autem inferioribus creaturis non apparet nisi ejusdem Trinitatis vestigium : unde de homine , & non de aliis creaturis dicitur gen. 1. *Faciamus hominem ad imaginem , & similitudinem nostram.* Tota difficultas est in assignanda ratione.

Pro quantum est , inter imaginem , & vestigium discrimen esse quantum ad propositum : quod vestigium ducit in notitiam illius , quem representat , quantum ad ejus speciem , & naturam , sed non quantum ad individuum , & personam : v. g. dum videmus hominis vestigium arene impressum , cognoscimus quidem transisse hominem , sive illum , qui transeundo sui vestigium impressit esse naturæ , & speciei humanæ : sed non discernimus , quinam sit homo ille in particulari , & in individuo ; nescimus , v. g. utrum hoc sit vestigium , vel Petri , vel Pauli , vel alterius Personæ. At verò imago ducit in notitiam sui prototypi , nedum quoad ejus speciem , & naturam , sed etiam quoad individuum , & personam : dum enim video imaginem , nedum agnosco eam esse imaginem hominis , sed etiam talis hominis in particulari , ut Petri , vel Pauli ; & sic devenio in notitiam nedum naturæ , & speciei ejus humanæ , sed etiam individui , & personæ.

Hoc supposito , cum omnes creature inferiores homine non eucant in notitiam SS. Trinitatis , nisi quantum ad attributa , & præcipue tria , quæ sunt omnipotentia , sapientia , & bonitas , ut diximus in articulo

præced. in objectione, & solutione 1. argumenti ex D. Thoma: & hæc tria attributa, licet approprientur Personis divinis, sint tamen essentialia, & toti Trinitati communia; & Personæ sint in ipsis realiter unum, & idem: sequitur quoddam huiusmodi creaturæ inferiores non ducunt in notitiam Trinitatis quatenus Personæ divinæ sumuntur in particulari, & quasi in individuo, sub qua ratione sunt ab invicem realiter distinctæ; sed quatenus sumuntur veluti in communi secundum naturam, & quasi speciem divinam, sub qua ratione sunt realiter identificatæ cum natura. Sic ergo non apparet nisi vestigium SS. Trinitatis in huiusmodi creaturis.

Sed homo (& idem est de Angelo) ducit in notitiam SS. Trinitatis nedum quoad naturam divinam, & quasi speciem ejus, vel quoad attributa essentialia, in quibus identificantur, sed etiam quoad ipsas tres Personas in particulari, & quasi in individuo consideratas, prout ab invicem realiter distinguuntur, & quoad prædicata notionalia, in quibus differunt: & sic in homine refulcet imago SS. Trinitatis. Sicut igitur in Deo una est eademque natura divina, in qua sunt tres Personæ realiter ab invicem distinctæ, Pater, Filius, & Spiritus Sanctus; ita in homine una est eademque animæ substantia, in qua sunt tres potentie realiter ab invicem distinctæ, memoria, intellectus, & voluntas: quamvis ratio illa imaginis in hoc deficiat, quod Personæ divinæ realiter cum natura identificantur, sed tres prædictæ potentie realiter ab ipsa animæ substantia distinguuntur, ipsique solummodo uniuntur, & adherent. Memoria repræsentat Patrem, intellectus Filium, & voluntas Spiritum sanctum: sicut enim Pater à nullo alio procedit, & ipse producit Filium, & Spiritum Sanctum; sic memoria à nulla alia potentia dimanat (quamvis dimanet ab ipsa animæ substantia) & ipsa mediante ab eadem substantia dimanant intellectus, & voluntas: filius à Patre procedit, & Spiritum sanctum producit, sic intellectus dimanat mediante memoria, unde ab ipsa veluti procedit, & mediante eodem intellectu dimanat voluntas, unde intellectus voluntatem producit: Tandem sicut Spiritus sanctus procedit à Patre, & Filio, ipse autem nullam aliam

personam producit, sed ibi terminatur tota SS. Trinitas; ita voluntas est potentia dimanans à memoria, & intellectu, & ipsa non est principium unius alterius potentiae, sed ibi terminatur totus processus, & ordo potentiarum animae.

Obiic. 1. ens naturale non potest dicere habitudinem ad ens supernaturale. Sed homo quoad substantiam, & potentias animae est ens naturale: SS. Trinitas autem quoad Personas realiter ab invicem distinctas, & in particulari consideratas est ens supernaturale. Ergo homo nequit esse imago SS. Trinitatis eo modo quo explicuimus.

Resp. dist. ma. Non potest dicere habitudinem, in genere causae efficientis, conc. in ratione imaginis representantis, ne. Quia causa efficiens debet suum præcontinere effectum, uel formaliter, uel eminenter: ens autem naturale neutro modo potest præcontinere ens supernaturale, ut per se patet. Et ideo ens pure naturale nequit producere ens supernaturale. Sed ut imago representet prototypum, non est necesse, quòd ipsum præcontinueat, sed sufficit quòd in suo genere imago se habeat sicut prototypus in suo: unde cum homo quantum ad substantiam, & potentias animae, simili modo se habeat in suo naturali ordine, sicut se habet SS. Trinitas quantum ad naturam, & Personas divinas in ordine suo supernaturali, ut satis patet ex dictis: inde fit, quòd homo dicit habitudinem ad SS. Trinitatem tanquam ipsius imago. Fateor quòd hæc doctrina non est communis; sed non est etiam ita singularis, quin suos habeat patronos: noster enim doctissimus Serra 1. p. qu. 32. a. 1. in commentario citato nomine citat, & sequitur Thomistas, qui dicunt, quòd in homine est imago SS. Trinitatis etiam quantum ad propria Personarum: & quòd in ratione imaginis licet non sit nisi ordinis naturalis, dicit tamen ordinem, & habitudinem ad Trinitatem, quæ est ordinis supernaturalis.

Obiic. 2. Memoria non est potentia realiter ab intellectu distincta. Ergo in hoc deficit ratio imaginis.

Resp. varia esse D. Thomæ sententia: quandoque dicit memoriam ab intellectu distinguere; quandoque

asserit esse unam eandemque potentiam. Sed huiusmodi testimonia ex eodem angelico Præceptore optimè conciliat Bergomensis in concordantiis dubio 866. ubi dicit memoriam dupliciter considerari posse: vel ut est potentia passiva, sive receptiva aut conservativa specierum; & sic ab intellectu realiter distinguitur: vel ut est potentia activa, sive utens speciebus quas conservat, & producit actum intelligentiæ; & sic non distinguitur ab intellectu; sive non habet usum, & actum proprium distinctum ab illo, quem habet intellectus, ut explicatur magis in Philosophia. Ad propositum enim sufficit, quod semper manet, memoriam, intellectum, & voluntatem absolute & simpliciter loquendo esse tres potentias realiter ab invicem distinctas.

ARTICULUS III.

*Deus in omnibus suis operibus, vel SS.
Trinitatis imaginem insculpsit, vel saltem
ipsum vestigium impressit.*

Creatio mundi una est, sed tribus operationibus completa; productione, quâ res factæ sunt; distinctione, quâ suis locis constitutæ; & ornatu, quo aptatæ sunt & dispositæ. Mundus ipse unus est, sed tribus entium generibus constans; purè spiritali in Angelis; purè corporali in omnibus rationis expertibus; & mixto ex corpore & spiritu in homine. Tres etiam gradus constituunt totam mundi universitatem, scilicet esse, vivere, & intelligere. Tria sunt rerum naturalium principia, scilicet materia, forma, & privatio. Tres partes temporis, præteritum, præsens, & futurum. Tres quantitatis species, linea, superficies, & corpus. Tres corporis dimensiones, longitudo, latitudo, profunditas; nam sublimitas à profunditate non differt. Una est eademque arboris substantia, quæ producit frondes, flores, & fructus. Una substantia ignis, una substantia solis, & tres effectus proprii, motus, lux, & calor.

Idem apparet in paruo mundo sive homine, in quo sunt tria vitæ principia, anima nempe vegetativa, sensitiva, & rationalis. Una est animæ substantia, in qua tres sunt potentia, memoria, intellectus, & voluntas. Unus idemque intellectus, cuius tres sunt operationes, simplex apprehensio, iudicium, & discursus. Et hoc ita se habet in ordine naturæ. In ordine autem gratiæ, una est eademque gratia sanctificans, & tres virtutes theologica, fides, spes, charitas. In ordine tandem gloriæ tres sunt dotes animæ beatæ, visio, comprehensio, & fruitio.

In Angelis una est substantia, & tres ejus potentia sicut in homine, memoria, intellectus, & voluntas. Tres sunt hyerarchiæ, & quælibet in tres choras divisa. Triplex eorum operatio, purgatio, illuminatio, & perfectio. Triplex eorum status, naturæ, gratiæ, & gloriæ. Denique triplex eorum motus, rectus, circularis, & obliquus.

Ex dictis patet, quod sicut dicit D. Augustinus lib. II. de civitate cap. 24. *In omnibus operibus Dei, secreto quodam loquendi modo, quo nostra exerceatur intentio, nobis insinuata intelligitur Trinitas.*

Qui plura desiderat, præsertim circa vestigium SS. Trinitatis, videre poterit Beatum Albertum verè maximum in 1. lib. sen. dist. 3. art. 16. ubi tradit miram expositionem doctrinæ SS. Patrum circa varias enumerationes vestigiorum SS. Trinitatis, quæ creaturis impressa fuerunt.

CONCLUSIO.

Totius tractatus.


Tandem tractatum istum de SS. Trinitate Deo favente absolvo. Et fateor, amice lector, quod ad ipsius expositionem omnes qualiscunque ingenij mei vires applicui, nec unquam vehementius laboravi. Sed ex incredibili labore meo hunc retuli fructum, quem quidem maximum existimo: talem nempe, ac

tantam firmitatem in fide nostrae SS. Religionis christiana, ut mihi videatur, quod si forem infidelis, tractatus iste sufficeret ad hoc ut fierem Christianus. Dum enim considero, quod si omnes homines, & Angeli in unum congregati vellent aliquod excogitare mysterium omni admiratione dignissimum, nihil unquam adinvenire possent simile huic mysterio SS. Trinitatis: dum aliunde video, quod ex ipso innumeræ, & intricatissimæ nascuntur difficultates, propter quas omnia, quæ in hoc mysterio importantur, prima fronte videntur omni rationi, ipsique etiam sensui communi repugnare. Et quod nihilominus Doctores scholastici illas omnes difficultates ita clarè resolvunt, ut evidenter constet, quod sicut in hoc mysterio nihil est quod non sit supra rationem, ita nihil quoque est, quod sit contra rationem, sed omnia sunt omnino rationi conformia, itaut nullus nisi planè obtinatus hoc negare possit: dum, inquam, hæc aliaque similia mente revolvo, cogor fateri, quod sicut solus Deus tale, tantumque mysterium revelare potuit, ita sola Christiana Religio est vera, cum ipsi soli divina ejus bonitas, & misericordia summum illud beneficium conferre dignata sit, ut hujus mysterij notitiâ, & contemplatione fruatur.

FINIS

Tractatus SS. Trinitatis.

natur
tura
cari
cun
sibi
nes
aliq
Qu
mus
In 2.
atium
In 3.
Angel
de cu
illum
ordin



TRACTATUS VII.

DE ANGELIS.



POSTQUAM Angelicus Doctor egit de Deo uno, & Trino, consequenter exponit ea, quæ concernunt ipsius opera, sive creaturas: & jure merito incipit ab Angelis. Sunt enim creaturæ omnium nobilissimæ, nec habent supra se nisi solum Deum, cui sunt naturâ propinquissimi, & simillimi, quantum creaturæ conditio patitur: solent etiam à SS. Patribus vocari aures, oculi, & manus Dei, quia ipsis mediantibus cuncta disponit, suaque largitur beneficia. Aliunde res sibi inferiores ita superant, ut omnes earum perfectiones felici quodam compendio in seipsis contineant. Hæc aliaque plura constabunt ex decursu hujus tractatus.

Quem in septem quæstiones dividemus. In 1. agemus de existentia, essentia, & creatione Angelorum. In 2. de comparatione ipsorum ad corpora, sive de assumptione corporum, de loco, & motu Angelorum. In 3. de cognitione, & volitione angelica. In 4. de Angelorum perfectione in esse gratiæ, & gloriæ. In 5. de culpa, & pœna Daemonum. In 6. de locutione, & illuminatione angelica. In 7. & ultima de hierarchiis, ordinibus, ac Ministeriis Angelorum.

QUAESTIO. I.

De Angelorum Existencia, Essentia, & Creatione.

D. Gregorius Homil. 30. in Evangelia dicit: *Angelorum vocabulum nomen est officii, non naturae. Nam sancti illi caelestis patriae spiritus, semper quidem sunt spiritus, sed semper vocari Angeli nequaquam possunt: quia tunc solum sunt Angeli, cum per eos aliqua nuntiantur.* Nihilominus usu factum est, ut nomen illud omnibus caelestibus spiritibus attribuatur: quia licet omnes non mittantur, omnes tamen maxime idonei sunt, ut legatione divini numinis fungantur: quia quatuor dotibus legato necessariis excellentissime praediti sunt, nimirum velocissimam agilitate, perfectissimam rerum tractandarum intelligentiam, promptissimam, & libentissimam supremum erga Regem obedientiam, & inviolabilem fidelitatem. Horum igitur existentiam, essentiam, & creationem explicamus in sequ. artic. sed in primis stabilendum est primum principium, ex quo inferemus omnes ferè conclusiones, quas trademus in decursu hujus tractatus.

ARTICULUS I.

Primum principium, ex quo inferri debent omnes ferè conclusiones, quas de Angelis explicaturi sumus.

Primum hoc principium tale est. *Angelus est similis Deo, quantum patitur creatura conditio.* Probatum hoc principium i. ex scriptura sacra: ubi

Ezech. 28. de Angelo dicitur ; tu signaculum similitudinis : quæ verba exponens D. Gregorius magnus lib. 32. moral. cap. 18. ait : *Multa de eius magnitudine locuturus , primo verbo cuncta complexus est. Quid namque boni non habuit , signaculum Dei si- militudinis si fuit. De sigillo quippe annuli talis similitudo imaginaliter exprimitur , qualis in sigillo eodem essentialiter habetur. Et licet homo ad similitudinem Dei creatus sit ; Angelo tamen quasi maius aliquid tribuens , non eum ad similitudinem Dei conditum , sed ipsum signaculum Dei similitudinis dicit : ut quo subtilior est in natura , eo in illo similitudo Dei plenius credatur expressa.* Ubi ad propositum notari debent præsertim hæc verba : *primo verbo cuncta complexus est : quasi diceret D. Gregorius , quod illa magis expressa similitudo Dei , quæ reperitur in Angelis , est primum principium , in quo virtualiter continentur , & ex quo deducuntur omnes conclusiones , quæ traduntur de ipsis. Notentur quoque ista : Quid namque boni non habuit , signaculum similitudinis Dei si fuit ? quasi diceretur : ex hoc quod Angelus habet similitudinem Dei , quantum in creaturis exprimi potest , sequitur quod ipsi attribui debet omne bonum , omnisque divina perfectio , quantum patitur creaturæ conditio.*

Prob. 2. omne agens agit sibi simile , juxta vulgatum Philosophorum axioma , de quo videri potest D. Thomas in illis omnibus locis , quæ citantur à Berghemensi in tabula aurea v. agens , nu. 82. Cùm igitur Deus sit agens perfectissimum , congruum est , ut effectus suos , sive creaturas reddat sibi maximè similes , quantum earum conditio patitur. Sed quia aliunde si creaturæ omnes forent ejusdem rationis , non possent sufficienter divinas perfectiones exprimere : ideo non fuit congruum , ut Deus omnes creaturas in omnibus , & per omnia redderet sibi similes , sed tantum aliquas ex ipsis , nimirum Angelos.

Unde Doctor Angelicus in compendio Theologiæ opusc. 3. cap. 101. ait : *Propter hoc omnia facta sunt , ut divina bonitati assimilentur.* Et cap. 102. *Quia divinam bonitatem perfectè representari impossi-*

220 *Quaestio I. De Existencia, Essentia,*
bile fuit propter distantiam uniuscuiusque creatu-
ra a Deo, necessarium fuit, ut representaretur per
multa; ut quod adest ex uno, suppleretur ex alio:
nam & in conclusionibus syllogisticis, quando per
unum medium non sufficienter demonstratur con-
clusio, oportet media multiplicari ad conclusionis
manifestationem, ut in syllogismis dialecticis ac-
cidit. Nec tamen tota universitas creaturarum per-
fectè divinam bonitatem representat per aequipa-
rantiam, sed secundum perfectionem creatura pos-
sibilem. Et cap. 103. sic habet. Omnis motus, & ope-
ratio rei cuiuslibet in aliquid perfectum tendere
videtur: perfectum autem habet rationem boni;
perfectio enim cuiuslibet rei est bonitas eius: om-
nis igitur motus, & actio rei cuiuslibet ad bonum
tendit: bonum autem quodlibet est similitudo qua-
dam summi boni; sicut & ens quodlibet est simili-
tudo primi entis: igitur motus, & actio cuiusli-
bet rei tendit in assimilationem divinæ bonitatis.
Et in eodem capite sic loquitur. Vnaquaque creatura
in sua operatione, primo quidem se in esse perfectio-
secundum quod est possibile, conservare nititur, in
quo suo modo tendit in similitudinem divinæ per-
petuitatis. Secundo verò per suam operationem
unaquaque creatura suum esse perfectum alteri
communicare conatur, secundum suum modum:
& per hoc tendit in similitudinem divinæ causa-
litatis. Tendit intellectualis creatura per suam
operationem in divinam similitudinem; non in hoc
solum quod se in esse conservet; vel suum esse quo-
dammodo communicando multiplicet; sed ut in se
habeat actum, quod per naturam in potentia habet.
Est igitur finis intellectualis creatura, quem per
suam operationem consequitur, ut intellectus eius
totaliter efficiatur in actu secundum omnia intel-
ligibilia, quæ in potentia habet, secundum hoc ma-
ximè Deo similis erit.

Patet igitur ex his testimoniis, quod iuxta perfe-
ctionem creaturæ possibilem, Angeli sunt maximè Deo
similes, sive ut in nostro primo principio dicimus,
Angeli sunt simillimi Deo, quantum patitur creaturæ
conditio.

ARTICULUS II.

De Angelorum existentia.

Dari Angelos fides docet, ratio convincit, experientia testatur. Fides quidem docet, nam in locis innumeris scriptura sacra fit expressa mentio Angelorum; & præsertim apud D. Paulum, qui omnes eorum ordines enumerat, ut videbimus in qu. ult. agendo de hierarchiis, & ordinibus Angelorum.

Ratio verò convincit. tum ex nostro primo principio, quia Deus utpote agens perfectissimum debuit, non quidem omnes, sed aliquas ex suis creaturis producere, quæ forent ipsi maxime similes, & tales sunt Angeli.

Tum ex D. Thoma 1. p. qu. 50. a. 1. quia perfectio universi exigit, ut in eo dentur omnes rerum gradus, universum enim dicitur, ex hoc quod universaliter omnia complectitur. Cum igitur nobilissimus omnium graduum sit gradus intelligendi, qui perfecte reperitur in Angelis, necesse est ad perfectionem, & complementum universi dari Angelos.

Dices 1. quod hæc ratio nimis probat, proindeque nihil: quia si convinceret, sequeretur, quod Universum deberet complecti, nedum omnes gradus, sed etiam omnes essendi modos; sive nedum omnia rerum possibilium genera, sed etiam omnes species, omniaque individua, ut sic universaliter omnia complecteretur, quod tamen patet esse falsum.

Sed contra. Inter gradus, & genera rerum ex una parte, & species, ac individua ex altera hoc est discrimen: quod ista sunt infinita, nam, v. g. homines, qui ab invicem solo individuo differunt, in infinitum finitè multiplicari possunt, & Angeli, qui ab invicem differunt specie, possunt quoque in infinitum multiplicari: & quia infinitum nequit simul totum dari actu, ut docent Philosophi, nequit universum omnes posibles rerum species, nec omnia individua complecti: unde hoc non exigit, cum sit impossibile. Sed

442 *Questio 1. De Existencia, Essentia*
Gradus, & genera rerum reducuntur ad numerum finitum, scilicet ad esse, vivere, & intelligere: unde cum hæc omnia dari possint simul actu, perfectio universi exigit, ut ea complectatur.

Dices 2. gradum intellectuum reperiri in homine: unde licet non darentur Angeli, non propterea talis gradus universo deesset.

Sed contra est, quod ille gradus non reperitur in homine nisi modo imperfecto, & incompleto: quia homo non est intellectivus ex omni sua parte, sed tantum ex parte animæ; ipsaque etiam anima non habet in se totum complementum ad intelligentiam requisitum, sed illud accipit à sensibus, qui sunt materiales, & corporei; quatenus ipsis mediantibus acquirit species representativas rerum quas intelligit. Perfectio autem, & pulchritudo universi exigit gradum intelligendi, non qualitercumque, sed modo perfecto, & completo; si enim alij gradus sunt in seipsis perfecti, & completi, à fortiori hoc competere debet gradui intelligendi, qui est omnium supremus, & nobilissimus: unde semper superest, ut dentur Angeli, qui sint toti perfecte intellectuales: quique totum in seipsis intelligentiæ complementum habeat, independentem ab omnibus rebus corporeis.

Experientia quoque testatur dari Angelos. Tum in continua circulatione calorum, qui non ex seipsis moventur, sed ab Angelis, ab illis scilicet qui propterea dicuntur intelligentiæ motrices, ut docent Philosophi. Tum in ipsis Evergumenis, qui plura dicunt, & faciunt, quæ non nisi à malis Angelis, sive Dæmonibus procedere possunt, ut dicemus in tract. de fide.

Saducei, ut refert D. Lucas actuum 23. dicebant non esse Angelos, neque ullum spiritum: idemque sentiebant aliqui ex antiquis non admittentes in rerum natura creaturas nisi corporeas. Sed in hoc immorari nolo: quia nihil dixerunt, quod sit refutatione, vel responsione dignum: & aliunde nullus modò est Doctor cujuscunque Religionis, seu veræ, seu falsæ, qui non fateatur dari Angelos.

'Ang
Tive sub
exempt
substant
autem a
lis, sed
pore, &
telligen
fir temp
telligen
desicere
angelica
intellect
mortalis
quent. p

Egregi
tra

Angel
mua sic
appellari
tullianus
nus vari
gelis sub
tione, in
Angeli h
Angelos
teriales
rituali m
Sed nu
tum, & o
Unde sic

ARTICULUS III.

De Angelorum essentia.

Angelus sic definiri potest : intelligentia simplex, sive substantia intelligens, & purè spiritualis, idest exempta ab omni corpore, & materia. In hoc quòd est substantia intelligens, convenit cum homine : in aliis autem ab ipso differt, quia homo non est purè spiritualis, sed compositus ex materia & forma, scilicet corpore, & spiritu, sive anima. Definiri etiam potest, intelligentia indeficiens : quia de ratione Angeli est, ut sit semper in actu secundo, sive in actuali exercitio intelligentiæ ; itaut nunquam ab ipso cessare possit, vel deficere, ut ostendemus qu. 2. agendo de cognitione angelica. Describi quoque sic potest : substantia tota intellectualis, & spiritualis, incorruptibilis, & immortalis ex natura sua. Quæ omnia patebunt ex sequent. paragr.

§. I.

Egregium D. Thoma argumentum ex scriptura Sacra pro totali spiritualitate Angelorum.

Angelos habere corpora aërea, seu subtilia, & tenuia sicut aër, & ideo aëreas potestates in scriptura appellari, docuere olim aliqui ex Patribus, ut Tertullianus, Origenes, & alij. De hoc etiam D. Augustinus variis in locis dubitat ; imò interdum tribuit Angelis subtilia corpora. D. Bernardus 5. de consideratione, inter opinabilia, & problematica ponit, utrum Angeli habeant corpora. Quidam fatebantur quidem Angelos esse incorporeos, sed negabant eos esse immateriales, & dicebant ipsos componi ex forma, & spiritali materia.

Sed nunc omnes catholici Doctores docent oppositum, & omnimodam spiritualitatem attribuunt Angelis. Unde sit.

Conclusio Angeli sunt ita puri spiritus, ut exempli sint ab omni prorsus corpore, omnique materia.

Probat 1. Egregio argumento D. Thomae quod desumit ex ipsa scriptura sacra, illudque tradit opusc. 15. de Angelis cap. 18. his verbis. *Quod Angeli incorporei sunt, canonica scriptura auctoritate probatur, quae eos spiritus nominat. Dicitur enim in Psal. 103. Qui facit Angelos suos spiritus: Et Apostolus dicit ad Hebraeos 1. de Angelis loquens: omnes sunt administratorij spiritus in ministerium missi, propter eos qui haereditatem capiunt salutis. Consuevit autem scriptura nomine spiritus aliquid incorporeum designare, secundum illud Ioan. 4. Spiritus est Deus: & eos qui adorant Deum, in spiritu, & veritate oportet adorare. Et Isaya 31. Aegyptus homo, & non Deus: & equi eorum caro, & non spiritus. Sic igitur consequens est, secundum sacra scriptura sententiam, Angelos incorporeos esse.* Ita Doctor angelicus. Addi potest, quod homines post resurrectionem habebunt corpora subtilia, & incorruptibilia, ac impassibilia, & ab omnibus corporum nostrorum imperfectionibus depurata; & tamen non dicentur simpliciter spiritus, ex hoc praecise quod habebunt corpora: unde Christus Lucae 24. post resurrectionem suam negavit se esse spiritum, quia corpus habebat. *Palpate, inquit, & videte, quia spiritus carnem, & ossa non habet, sicut me videtis habere.* Ergo si Angeli quovis modo corpus haberent, non dicerentur simpliciter spiritus, sicut semper in scriptura sacra dicuntur.

Idem Doctor angelicus sic ibidem prosequitur. *Si quis autem diligenter velit verba sacra scriptura inspicere, ex eisdem accipere poterit, eos immateriales esse. Nominat enim sacra scriptura quasdam virtutes: dicitur enim in Psal. 102. Benedicite Domino omnes Angeli eius: Et postea subditur: Benedicite Domino omnes virtutes ejus. Et Luca 21. dicitur: virtutes caelorum movebuntur: Quod de sanctis Angelis omnes Doctores exponunt. Quod autem materiale est, non est virtus, sed habet virtutem;*

sicut non est essentia, sed habens essentiam; sequitur enim essentiam virtus: non est autem homo sua humanitas, neque sua essentia, neque sua virtus: similiter autem neque aliquid aliud ex materia, & forma compositum. Relinquitur igitur secundum intentionem scriptura Angelos immateriales esse.
Hucusque Doctor verè angelicus.

Addi potest, quòd frequenter, ac ferè semper Angeli in scriptura nominibus abstractis significantur, ut Virtutes, Principatus, Potestates, & Dominationes: imò Virtutes, Potestates, & Dominationes nunquam nominibus concretis designantur. Docent autem Philosophi, quòd nomina abstracta significant spiritum, & formam ut abstrahentem ab omni corpore, & materia, sicut concreta significant eam cum habitudine ad corpus, vel materiam. Ergo Angeli nullo sunt, ut ita loquar, concreti corpore, vel materia.

Confirmantur hæc omnia. Regula generalis pro intelligentia scripturæ sacræ est, quòd quando dubium esse potest, utrum aliquid sumi debeat vel metaphoricè, vel simpliciter, si alicubi scriptura sit obscura, alibi est clara, ne detur erroris occasio: unde quia dumventus, vel aliæ res corporeæ, dicuntur spiritus, ut Psal. 148. *spiritus procellarum*, & Psal. 150. *omnis spiritus laudet Dominum*, idest omne quod vivit, & spirat, non est necesse ut hoc alibi explicetur: quia minimè dubium esse potest, saltem rationabiliter, quin huiusmodi res sint corporeæ, & in sensu tantum metaphorico dicantur spiritus, propter quamdam similitudinem, quam habent cum rebus spiritualibus: sed quia nedum rationabile dubium esse potest, in quo sensu, vel proprio, vel metaphorico, Angeli dicantur spiritus; imò plures, & gravissimæ rationes persuadent, eos esse spiritus propriè, & simpliciter loquendo, proculdubio si scriptura veller eos non esse spiritus nisi metaphoricè; itaut nihilominus aliquod corpus, vel aliquam materiam haberent, hoc alicubi explicaret, ut tolleretur erroris occasio, eosque vocaret materiales, & corporeos: cum igitur nunquam scriptura ita loquatur, sed semper eos simpliciter, & absolute spiritus vocet, manifestè sequitur, quòd sunt spiritus in

446 *Quaestio 1. De Existētia, Essentia,*
tota proprietate sermonis, proindeque exempti ab omni
corpore, & materia.

§. II.

*Authoritas Patrum, & etiam eorum qui nobis
obiiciuntur.*

*Regulae generales notatu dignissima ad eos
intelligendos.*

¶ Prob. 2. conclusio autoritate SS. Patrum, plures
enim, & graviores ex ipsis eam expresse docent, etiam
ex illis, quorum testimonia nobis opponuntur; quam-
vis certum sit quod aliqui exculari nullatenus possint
ab opposita sententia, quæ nedum materiam, sed
etiam corpus attribuit Angelis.

In primis D. Dyonisius Areopagita, qui abundan-
tius præ cæteris Angelorum notitiam nobis tradidit,
quique doctrinam suam ab Apostolis accepit, & præ-
sertim à D. Paulo, ejus discipulus fuit, sic habet
cap. 4. de div. nomin. juxta impressionem bibliothecæ
maximæ Patrum tom. 2. his (scilicet bonitatis divinæ
radiis) *constiterunt omnes intellectuales, ac intelli-
gentes substantia, & virtutes, & operationes;*
*horum virtutes sunt, vitamque habent sempiter-
nam, & indeficientem, ab omni corruptione, ac
morte, & materia, generationeque libera, nec non
ab instabili fluxuque, qua in diversa diversimodè
fertur, permutatione semota, & tanquam incor-
porea, & immateriales intelliguntur.* Quibus ver-
bis nihil clarius, & expressius afferri potest: distinguit
enim corpus, & materiam, & utrumque removel ab
Angelis, quos idcirco incorporeos, & immateriales
appellat.

Idem sanctus cap. 1. de cælesti hierarchia tradit
unam ex regulis generalibus, quibus explicari possunt
varia sanctorum testimonia: quod nempe attribui so-
lent Angelis plura, quæ non competunt nisi rebus cor-
poreis; quia pro hoc statu viæ non possumus res spi-
rituales concipere nisi ad modum rerum sensibilibus, &
corporearum. *Complacuit, inquit, mysteriorum
principi sacrorum constitutioni, immateriales, ca-*
lestesque

lestesque hierarchias materialibus figuris, ac formis exponere, ut pro captu nostro ab illis sacris efformationibus, ad formarum figurarumque expertes anagogas traducamur.

2. D. Athanasius in lib. de naturali communione Patris titulo de Angelis ita definit Angelum: *Animal rationale materia expert, hymnis dicendus aptum, atque immortale*: ubi nota quod Athanasius sicut & quidam alij sancti Patres, dum Angelum vocant animal rationale, nihil aliud intelligunt quam substantiam viventem, & ratione sive intelligentia utentem. Idcirco autem ita loquuntur, quia, ut jam diximus, res spirituales concipere non possumus nisi ad modum rerum sensibilem, & corporearum, inter quas solus homo, qui definitur animal rationale, est substantia intelligens. Fundatur hæc regula generalis in D. Thoma qu. 6. de potentia art. 6. ubi cum in 1. argum. sibi objecisset authoritatem D. Gregorij in homilia Epiphania ubi sic ait: *Iudæis tanquam ratione utentibus rationale animal, idest Angelus, annunciare debuit*: sic respondet ad 1. Gregorius Angelum animal appellat largè sumpto animalis vocabulo, pro quolibet vivente.

3. D. Damascenus 2. de fide cap. 3. sic loquitur. *Ipsæ Angelorum opifex, & precreator, ut qui eos ex nihilo in ortum produxerit, atque ad suam imaginem effecerit naturam corporis expertem, velut spiritum quemdam, aut ignem materiâ vacantiem: quemadmodum ait David: qui facit Angelos suos spiritus*. Statimque subiungit, quod in sensu metaphisico lumi debet: id quod sequitur: & ministros suos ignem urentem, ob levitatem, ardorem, fervorem, maximam penetrabilitatem, & acrimoniam. Ubi maxime notandum, quod nedum sanctus nostram conclusionem statuit, sed etiam eam infert ex nostro primo principio, scilicet quod Angelus creatus est ad imaginem, & similitudinem Dei, quantum est possibile creature: unde sicut Deus est purus spiritus sine ullo corpore, & sine ulla materia, ita etiam Angelus.

Quando igitur D. Damascenus in eodem cap. subdit, ut refert Angelicus Doctor 1. p. qu. 50. art. 1. in 1. b.

arg. quod Angelus incorporeus, & immaterialis dicitur quantum ad nos: sed comparatus ad Deum corporeus & materialis invenitur: ne sibi manifestè contradicat in eodem cap. admitti debet expositio ejusdem angelici Doctoris ibidem ad 1. Dicendum, inquit, quod substantia incorporea medium sunt inter Deum, & creaturas corporeas: medium autem comparatum ad unam extremum, videtur alterum extremum, sicut tepidum comparatum calido, videtur frigidum: & hac ratione dicitur, quod Angeli Deo comparati, sunt materiales, & corporei; non quod in eis sit aliquid de natura corporea. Hæc est egregia regula generalis, quæ pro pluribus aliis Patrum testimoniis inservire potest.

D. Gregorius magnus lib. 4. Moralium cap. 9. comparans ad invicem Angelum, & hominem ait: Angelus solummodo spiritus, homo vero, & spiritus est, & caro. Ubi asserit Angelum esse spiritum ex toto, sicut homo ex parte, scilicet animæ rationalis: sicut ergo anima rationalis ex parte sua nullum importat corpus, nec ullam materiam, ita nec Angelus. Idem sanctus lib. 4. Dialog. cap. 29. sic interrogat Petrum diaconum. Dic quaeso te, Apostatas spiritus à celestis gloria dejectos, esse incorporeos, an corporeos suspicaris. Et eundem Petrum sic inducit respondentem. Quis sanum sapiens, esse spiritus corporeos dixerit. Et Paulò post D. Gregorius subdit. Si igitur Diabolus, eiusque Angeli, cum sint incorporei, corporeo sunt igne cruciandi, quid mirum si anime, & antequam recipiant corpora, possint corporea sentire tormenta. Ubi sanctus insinuat esse stultitiam, quod Angeli dicantur corporei, eos etiam comparat animabus nostris separatis à corpore: sicut ergo certum est, quod animæ separatae nullum important corpus, nec ullam prorsus materiam, idem certum est etiam de Angelis; alias argumentum D. Gregorij r. o. probaret, ut per se patet. Responderi enim posset, Demones corporeo igne torqueri quia corpus, vel saltem materiam habent: Animas autem separatas neutrum habere. D. Thomas qu. 16. de malo artic. 1. in 7. argumentum, sibi obicit ex eodem D. Gregorio 2. moral.

authoritatem similem illi, quam sibi objecerat ex D. Damasceno loco proxime citato, quod nempe Angelorum spiritus comparatione quidem nostrorum corporum spiritus sunt: sed comparatione summi incircumscripti spiritus, corpus. Et sic responderet: Potest dici, quod corporeum accipitur à Damasceno, & Gregorio pro composito; ut ex eorum verbis nihil aliud intelligatur, quam quod Angeli, & Demones in comparatione ad nos sunt simplices, in comparatione autem ad Deum sunt compositi. Scilicet compositi sunt ex essentia, & existentia, ut dicemus solvendo objectiones, sed non ex corpore, vel materia. Huic Regulæ generali addi potest altera: quod illi, & quidam alij Patres corporeum appellant quidquid certo loco definitur, & non est ubique. Unde D. Gregorius ait: *comparatione incircumscripti spiritus*: quasi diceret: Angeli sunt quidem revera spiritus: sed quia determinantur ad certum, & finitum locum, à quo veluti circumscribuntur, sive limitantur sicut corpora; ideo dicuntur corpora, si comparentur ad Deum, qui est spiritus ubique existens, nec ab ullo loco circumscribi potest, aut limitari.

Idem angelicus Doctor qu. unica de spiritualibus creaturis artic. 1. in argumento 14. iterum sibi opponit D. Damascenum dicentem, quod solus Deus essentialiter immaterialis est, & incorporeus: & sic responderet. Dicendum, quod solus Deus dicitur immaterialis, & incorporeus, quia omnia eius simplicitati comparata possunt reputari quasi corpora materialia, licet in se sint incorporea, & immaterialia.

5. Quantum ad D. Augustinum negari non potest, quin aliquando in hac materia erraverit, cum ipsemet hoc fateatur, teste D. Thoma qu. 6. de potentia artic. 6. ubi sic habet. *Quidam antiqui Philosophi dixerunt; nullam substantiam incorpoream esse, sed omnes substantias esse corpora; in quo etiam errore se quandoque fuisse Aug. confitetur in libro Confess.* (scilicet lib. 3. cap. 10.) Idem angelicus Doctor in eodem artic. ad 1. sic habet. *Dicendum, quod Augustinus in pluribus locis suorum librorum quædam*

Quaestio 1. De Existentia Essentia, sum ad corpora Angelorum, & Daemonum absque assertione utitur Platoniorum sententia: unde & 21. de Civitate Dei, utramque opinionem prosequitur de pœna Daemonum tractans, & eorum scilicet qui dicebant Dæmones aërea corpora habere, & eorum qui dicebant eos esse penitus incorporeos.

6. Ultima generalis regula est, quod olim plures Patres per corporeum intelligebant, quidquid non est inane, sed vera substantia: quo pacto Apostolus ad Coloss. 2. dicit, habitare in Christo plenitudinem Divinitatis corporaliter, idest verè, realiter, & substantialiter. Unde etiam D. Augustinus in lib. de hæresibus, hæresi 86. Tertullianum ab hæresi excusat, quamvis dixerit, Deum esse corpus: quia, inquit, potuit propterea putari corpus Deum dicere, quia non est nihil, non est inanitus.

Prædicta Patrum testimonia eludi nequeunt dicendo, quod denegant Angelis corpora crassa, qualia sunt nostra, sed non corpora subtrilia; vel materiam corporealem, sed non spirituales: etenim 1. ut docent Logici, negatio est malignantis naturæ, quæ destruit totum id supra quod cadit: cum igitur Patres absolute, & simpliciter, sine ulla prorsus restrictione, vel modificatione denegent Angelis corpus, & materiam, intelligunt velle, quod nullum prorsus corpus importent, sive sit crassum, sive subtile, nec ullam materiam, sive corporealem, sive spirituales. 2. Quia dicunt in hoc quod Angeli sunt incorporei, & immateriales, esse maxime similes Deo, ipsiusque perfectam imaginem: sicut ergo Deus nullum importat corpus nec crassum, nec subtile, nullamque materiam nec corporealem, nec spirituales; ita nec Angeli. 3. dicunt eos esse incorporeos, & immateriales, sicut animas nostras à corporibus separatas: nullus autem adhuc imaginatus est, quod animæ separatæ importent corpus aliquod quantumvis subtile, vel aliquam materiam quantumvis spirituales. Ergo nec Angeli.

§. III.

Refertur exactè autoritas Concilij Nicani 2. Et ex eodem Concilio desumitur nostra conclusio confirmatio, ex qua sumi solet contra ipsam obiectio.

Prob. 1. Concl. autoritate Concilij Nicani 2. sive septimi Generalis, quam oportet accuratè referre: quia aliqui Authores eam malè citant, ideoque recurrunt ad solutiones, quas omitto, quia nullatenus admitti debent, & aliunde falso nituntur fundamento. Igitur Patres Concilij actione 4. in professione fidei, in qua eos anathematizant, qui oppositum sentient, postquam dixerunt se honorare, & salutare, ac honoranter adorare venerabiles Iconas Jesu Christi, & SS. Genitricis ejus, ita subiiciunt: *Sanctorum etiam, & incorporealium Angelorum: ut homines enim iustis apparuerunt.* Igitur Angeli sunt incorporei, & instantum eorum imagines depinguntur, inquantum in corporibus assumptis sub hominum figura viris iustis apparuerunt, sicut Abraham, aliisque similibus sanctis.

Obiiciunt prædicti Authores, quòd in eodem Concilio art. 5. Lecta fuit, & ab omnibus approbata epistola Joannis Episcopi Thessalonicensis, in qua expresse habetur, Angelos non esse incorporeos, sed subtili, & aëreo, & igneo corpore præditos; & visos esse à plurimis crebrò sensibiliter in specie propriorum corporum suorum, & loco circumscriptos monstrari; eosque in humana forma defingi, quòd frequenter sic apparuerunt eis, ad quos missi sunt à Deo.

Resp. falsum esse, quòd hæc epistola fuerit approbata, quantum ad hoc quod in ea dicitur, Angelos esse corporeos. Nam 1. Quomodo Patres Concilij, postquam in actione 4. in professione fidei Angelos asseruerunt esse incorporeos, anathematizando omnes oppositum sentientes, dixissent in actione immediate sequenti, eosdem Angelos esse corporeos, sibi que manifestè contraxissent, & seipsos proprio suo anathemati subiecissent. 2. Epistola non fuit approbata,

432 *Questio. I. De Existentiâ, Essentiâ,*
quoad omnia, sed quoad illud tantum, quod ex ipsa
resumpsit Patriarcha Tarasius, & totius Concilij Pa-
tribus proposuit, ut suum proferrent iudicium: sic
autem resumpsit, ut haberetur immediatè post episto-
lam. Ostendit verò Pater, quod *Et Angelos oportet*
pingi, quoniam circumscripti sunt, Et veluti
homines apparuerunt multis. Sancta Synodus
dixit: *etiam Domine.* Ubi patet, quod nullam prorsus
mentionem fecit, eos esse corporeos; sed hoc potius
prætermisit: quia nempe ipse cum omnibus aliis
oppositum sentiebat, & in actione immediatè præcedenti
omnes tanquam de fide professi fuerant, Angelos
esse incorporeos.

Nec refert, quod Patriarcha Tarasius dixit: *quoniam*
circumscripti sunt: quia revera Angeli sunt
circumscripti, non in corporibus propriis, quia nulla
habent, sed in corporibus assumptis, in quibus, sicut
ibidem subditur, *veluti homines apparuerunt multis.*
Notat etiam optimè Serra, quod si Tarasius in
illa sententia, quam toti Concilio proposuit, vellet
loqui de corporibus, quæ semper naturaliter forent
unita Angelis, & non de illis, quæ assumere possunt,
& deferere, quando & sicut eis placet, non diceret,
circumscribi possunt, sed circumscribuntur: quia re-
vera corporibus illis sibi naturaliter unitis semper cir-
cumscriberentur; in corporibus verò assumptis circum-
scribi possunt, quando eis placet hominibus in huius-
modi corporibus apparere. Ex quo patet eos non bene
acta Concilij hujus considerasse, qui ejus auctoritatem
nobis obijciunt: cum deberent potius illam in conclusio-
nis nostræ confirmationem adducere.

§. IV.

*Ponderatur auctoritas Concilii Lateranensis 4. ubi
etiam notatur altera deceptio plurium authorum
circa Concilium Lateranense 5.*

Prob. 4. Ex Concilio Lateranensi 4. sub Innocentio
3. Ubi in 1. capit. *De fide catholica* sic habetur: *fir-*
miter credimus, Et simpliciter confitemur, quod

unus solus est verus Deus &c. Qui sua omnipoten-
ti virtute simul ab initio temporis utramque de
nihilō condidit creaturam, spirituales & corpo-
rales, angelicam videlicet & mundanam, ac de-
inde humanam quasi communem ex spiritu, & cor-
pore constitutam. Ubi multi ponderant, quod Con-
cilium asserit Angelos esse spiritus, sicut animam ho-
minis: unde cum anima hominis nullo prorsus corpo-
re constet, sed sit omnino immaterialis, & spiritualis,
sicut, inquit, definitum est in alio Concilio Late-
ranensi 5. sub Leone 10. Idem à fortiori dicendum est
de Angelis. Sed Authores isti decepti sunt: Nam in
bulla, quæ concernit animam rationalem, & quæ ab
eodem Leone 10. cum approbatione totius Concilij
promulgata fuit, ne verbum quidem habetur de spiri-
tualitate, & immaterialitate animæ.

Aliunde tamen subsistit argumentum. Et ideo ponde-
randum est 1. Quod Angelus dicitur creatura spiritua-
lis per contrapositionem ad creaturam corpoream, si-
cut anima hominis dicitur spiritus per contrapositionem
ad ejus corpus: unde sicut anima rationalis præ-
scindendo à corpore est purus spiritus omnino incor-
poreus, & immaterialis, & propterea dum est separata
à corpore, nullum prorsus importat corpus, nec ullam
materiam, ut fatentur omnes, à fortiori dicendum est
de Angelis, quod sunt puri spiritus ab omni prorsus
corpore, & materia exempti.

2. Concilium ait, hominem esse substantiam mediam,
& communem inter spirituales, & corporeas creatu-
ram, quia homo constat spiritu, & corpore. Ergo
cum Angelus non sit ita medius inter utramque creatu-
ram, non constat corpore, & spiritu, sed est purus
spiritus.

3. Concilium apponit, & distinguit Angelos ab om-
ni substantia corporea. Sed inter substantias corporeas
sunt aliqua corpora subtilia, sicut est aer, quadam-
tiam incorruptibilia, sicut sunt cali. Ergo Concilium
enfer Angelos ab omni exemptos corpore quantumvis
subtili, & incorruptibili.

4. Concilium animam rationalem vocat spiritum:
Unde à fortiori Angelus utpote longè nobilior, dici-

Quaestio 1. De Existencia, Essentia,
debet Spiritus: non posset autem simpliciter, & absque
lute vocari spiritum, si corpus aliquod quantumvis
subtile, & incorruptibile haberet, ut ostendimus in
1. paragr. ex ipsa scriptura sacra. Ergo nullum
habet.

§. V.

An conclusio nostra sit de fide. Novum argumen-
tum de apparenti contradictione D. Thomae,
quod non videtur solui posse, nisi ope proba-
bilitatis.

Circa conclusionem nostram, quantum ad illam par-
tem, utrum Angeli constent ex materia saltem spiri-
tualis, fatentur omnes nihil esse ab Ecclesia expresse
definitum, proindeque non esse de fide, quod Angeli
sint à tali spiritali materia exempti. Sed remanet dif-
ficultas circa alteram conclusionis partem, utrum An-
geli constent ex materia corporali, sive corpus aliquod
habeant sibi naturaliter unitum. Doctores, tam intra
quam extra scholam D. Thomae divisi sunt: alij enim
asserunt esse de fide, quod Angeli sunt omnino incor-
porei, idque convinci ex praedictis Conciliorum defi-
nitionibus: alij contra negant esse de fide, & dicunt
hoc in definitionibus illis non esse sufficienter. expres-
sum, nec adhuc ab Ecclesia satis declaratum.

Sed quod notatu dignissimum est: Ipsemet Doctor
Angelicus videtur sibi metipsi aperte contrarius in uno;
eodemque libro de quaestionibus disputatis. Nam qu.
6. de potentia artic. 6. in corpore ita concludit. *Sic*
ergo fidei veritatem sequendo, dicimus Angelos, &
Damones non habere corpora naturaliter unita, sed
omnino incorporeos esse, sicut dicit Dionysius.
Econtra qu. 16. de malo sic incipit corpus primi arti-
culi. *Dicendum, quod Damones habeant corpora,*
sibi naturaliter unita, sive non habeant, hoc non
multum refert ad fidei Christiana doctrinam.

Quomodo, quaelo, hoc est veritas fidei, si non
multum refert ad fidem, sive assermetur, sive negetur.
Certum est enim secundum omnes, quod fides non est
de indifferentibus.

Hoc

Hoc argumentum mihi de novo venit in mentem, nec ullum invenio authorem, qui ejus mentionem faciat: unde quousque aliquis alteram solutionem mihi suppeditet, fateor, quod argumentum mihi apparet insolubile, nisi recurramus ad probabilitatem. Dico igitur, quod Angelicus Doctor utramque ex prædictis sententiis censuit esse probabilem, & affirmativam, & negativam: & quod primam, quæ affirmat esse de fide, ut probabilem secutus est in illa quæst. de potentia, alteram verò quæ negat, etiam ut probabilem est secutus in quæstione de malo.

Si velis sequi primam, amice lector, sufficiunt tibi ea quæ diximus de prædictis Conciliorum definitionibus: si autem velis sequi secundam, dicas intentionem septimi Concilii generalis sive prædicti Nicæni, non fuisse dissimulare, quod Angeli sint omnino incorporei, quamvis hoc obiter dictum sit etiam in professione fidei: sed voluisse solummodo determinare contra hæreticos Iconoclastas, sive fractores imaginum, quod Angeli depingi possunt; & quod eorum imagines sunt adorandæ. Similiter non fuisse intentionem duodecimi Concilij generalis, sive prædicti Lateranensis dissimulare, quod Angeli sint ita spirituales, ut nullum prorsus habeant corpus, cujuscunque rationis illud imaginari possimus, sed voluisse determinare contra errorem Origenis, ut notat etiam D. Thomas in expositione primæ decretalis opusc. 22. quod omnes creaturæ, quas sub spiritu illi, & corporea comprehendit, sunt ex intentione Dei: & quod non creavit corporeas solummodo ex occasione spiritualium, ad eas puniendas. De quo errore plura dicemus suo loco.

Cæterum hæc regula probabilitatis est facilis & expedita ad concilianda nostri Doctoris angelici testimonia, eaque usus est noster doctissimus & in ejusdem Angelici Præceptoris operibus versatissimus Bergomenis, ut videri potest in ejus concordantiis dub. 433. Sed de his plura dicemus in nostra concordia Doctorum tam Rigidiorum, quàm benigniorum circa probabilitatem.

§. VI.

[Probatur conclusio rationibus D. Thomae.]

Prob. 15. & infertur, ex nostro primo principio. Angeli debent esse Deo similes, quantum creaturae conditio pati potest. Cum igitur certissimum sit apud omnes, quod Deus est purus spiritus, puraque forma sine ullo prorsus corpore, & sine ulla etiam spirituali materia, idem dicendum est de Angelis: quia creaturae conditio huiusmodi spiritualitatem, & immaterialitatem non impedit, ut patebit ex solutionibus objectionum.

Confirmatur. Angeli debent assimilari Deo, praesertim in gradu omnium perfectissimo, qualis est intellectualis. Sicut ergo Deus non agit nisi per intellectum, & voluntatem, & in his divinis operationibus nulla prorsus est admixtio corporis, vel materiae: ita res habet in Angelis. Unde D. Thomas 2. contra gentes cap. 46. probans dari Angelos, sic loquitur in ratione 3. *Assimilatur perfectè aliquid alteri in agendo, quando non solum est eadem species actionis, sed etiam idem modus agendi. Oportet igitur ad summam rerum perfectionem, quod essent aliqua creatura, qua agerent hoc modo, quo Deus agit. Deus autem agit per intellectum, & voluntatem. Oportet igitur aliquas creaturas esse intelligentes, & volentes.*

Prob. 6. quia ut ostendimus ex D. Thoma in artic. praecedenti, Angeli debent esse totaliter intellectuales; itant tota eorum substantia sit productiva actionum intellectualium, omnesque ipsorum actiones sint intellectuales, uno verbo ad nihil aliud ordinentur quam ad intelligentiam: ad differentiam hominis, qui cum non sit intellectualis ex toto, & perfectè, sed tantum ex parte, & imperfectè, habet aliam substantiam, & alias operationes praeter intellectuales.

Sed ut docent Philosophi, praesertim Thomistae, corpus non est substantia intelligens, nec ullo modo capax producendi actionem intellectivam, sed ad sum-

num sensitivam, idemque est de omni materia corporali: Imò juxta Doctorem Angelicum, & communiter alios Philosophos, immaterialitas est radix intellectualitatis; & experientia constat, eam procreatione res esse magis intelligentiæ capaces, quàm sint magis supra materiam elevatæ. Ergo ut Angeli sint totaliter intellectuales, necesse est quòd sint totaliter elevati supra omnem materiam corporalem, & omne prorsus corpus excludant.

Confirm. 1. Ideo in homine anima rationalis est naturaliter unita corpori: quia cum non habeat species representativas rerum, quas cognoscere debet, sibi à Deo infusas, indiget ministerio corporis ad eas mediantibus sensibus recipiendas; & quamvis non recipiat nisi species materiales, & sensibiles, postea tamen intellectus agens reddit eas spirituales, & intelligibiles: sine tali autem necessitate corpus foret homini prorsus inutile: non enim creatus est homo ad hoc ut fruatur delectationibus sensuum, sed solummodò ad hoc ut ipsis utatur, quantum opus est, ut exercere possit mentis operationes, & se totum dare, quantum humana fragilitas patitur, contemplationi rerum, præsertim cælestium, & divinarum. Cum igitur Angeli ab instanti suæ creationis habeant sibi infusas à Deo species representativas rerum omnium, quas cognoscere debent, nec ullas hujusmodi specierum recipiant ab ipsis rebus, ut suo loco explicabimus: Manifestè sequitur, quòd corpus foret eis prorsus inutile: & cum natura nihil faciat frustra, eos eximit ab omni corpore.

Confirm. 2. Quantum ad materiam spirituales. Foret enim similiter prorsus inutilis Angelis: non enim inserviret ad perfectionem intelligentiæ; nam pura forma sine ulla prorsus materia etiam spirituali potest esse perfectissime intelligens, ut patet in ipso Deo: non esset etiam necessaria ad recipiendas species intelligibiles; quia Deus potest eas omnes infundere formæ angelicæ sine ullo prorsus consortio materiæ. Ergo talis materia esset omnino frustra, proindeque non datur.

Hæ rationes sufficient pro tyronibus. Aliæ subtiles

§. VII.

Brevis objectionum solutio.

Quædam fieri solent objectiones, in quibus immo-
rari nolo, quia non sunt difficiles; & aliunde non
præbent occasionem doctrinæ, quæ sit alicujus uti-
litatis.

Obic. ad probandum quoddam Angeli sint corporei, 1.
Illud Gen. 6. *Videntes filii Dei filias hominum quod
essent pulchre, acceperunt sibi uxores ex omnibus
quas elegerant*: ubi septuaginta legunt, *videntes
Angeli Dei*. Sed Angeli non acceperunt uxores, si
non essent corporei. Ergo. 2. dicitur 1. ad Corinth. 11.
*Ideo debet mulier velamen habere supra caput suum
& propter Angelos*: Angeli autem non essent ca-
paces hujusmodi tentationis, si non haberent corpus. 3.
Res corporeæ nequeunt agere in res purè spirituales.
Sed agunt in Dæmones: torquentur enim per ignem
inferni; fugantur per exorcismos Ecclesiæ: attrahun-
tur per incantationes Magorum. Ergo non sunt puri
spiritus.

Resp. ad 1. juxta communem expositionem nomine
filiorum Dei, sive Angelorum, intelligi filios Seth,
quos scriptura sacra tali nomine insignire dignata est;
quia imitatione suorum Parentum, erant veri cultores
Dei: nomine autem filiarum hominum intelliguntur
mulieres ex semine Cain descendentes, quæ e contra suo-
rum progenitorum exemplum secutæ, erant rebus ter-
renis addictæ. Ad 2. communis est etiam expositio,
quoddam ibi Angelorum nomine intelliguntur Presbyteri,
quos scriptura vocat Angelos, quia nuncij sunt sive
ministri Dei, ipsi famulantes, & voluntatem ejus po-
pulo annunciantes, juxta illud Malachiæ 2. *Labia sa-
cerdotis custodiunt scientiam, quoniam Angelus
Domini exercituum est*. Ad 3. communiter etiam di-
citur, quoddam res corporeæ agunt in Dæmones, quæ-
vis sint puri spiritus, virtute divina, ut suo loco dice-

mus de igne inferni eos torquente. Quod si aliquid
contribuunt propriâ virtute naturali, hoc non præ-
stant effectivè, sed significativè tantum, uel etiam dis-
positivè: non quidem effectivè, quia res corporeæ ni-
hil efficere possunt virtute propria contra puros spiri-
tus: sed significativè quatenus significant aliquid, quod
vel displicet Dæmonibus, & ita recedunt; uel ipsis
placet, & sic accedunt: v. g. in exorcismis plura di-
cuntur, & fiunt, quibus significatur, quod Ecclesia
modis omnibus contemnit Dæmones, quod ipsis ut po-
te superbissimis maximè displicet, ideoque recedunt:
econtra in Dæmonum incantationibus plura dicuntur,
& fiunt, quibus significatur, quod ab huiusmodi ho-
minibus coluntur, quasi essent Dij, quod ipsis utpote
divinitatem maximè affectantibus valdè placet, &
propterea libenter accedunt. Cooperantur quoque dis-
positivè, quatenus in corporibus hominum generant
vel benignos humores, uel pravos; atque ita eorum
animus propter sympathiam, quam habet cum corpo-
re, redditur magis uel minus dispositus ad resistendum
vel consentiendum tentationibus Dæmonum, salvâ
tamen plenissima libertate, ut suo loco fusè explica-
bimus.

Obiic. ad probandum, quod Angeli constant mate-
riâ saltem spiritali, 1. Quod D. Augustinus 12.
Confess. relatus à D. Thoma, quâ unica de spiritu
creat. a. 1. in 4. argu. dicit, quod *Deus fecit ma-
teriam communem visibilem, & invisibilem*: vi-
sibilia autem sunt substantiæ spirituales, siue Ange-
li: ergo constant materia saltem spiritali. 2. ubicun-
que reperitur forma, reperiri etiam debet aliqua ma-
teria; quia iuxta commune axioma, actus & potentia
sunt ejusdem generis. Sicut ergo datur in Angelis for-
ma spiritalis, ita & spiritalis materia. 3. si Angeli
nullâ prorsus constarent materiâ, essent omnino sim-
plices: hoc autem dici non potest, cum omnimoda sim-
plicitas soli Deo conveniat. Ergo.

Resp. ad 1. ex D. Thoma ibidem in responsione ad
illud 4. argum. D. Augustinum non sumere ibi materiam
pro materia prima, sed pro re informi, & potentiali,
quæ proportionaliter est communis materiæ corporeæ,

460 *Questio 1. De existentia, essentia,*
 & substantia spiritali; quatenus sicut materia prima
 est de se pura potentia in ordine entitativo, nec ullas
 habet formas, sive species rerum corporearum, nisi
 quatenus eas ab extrinseco recipit, uel immediate ab
 ipso Deo, uel mediantibus agentibus creatis: ita sub-
 stantia angelica est de se pura potentia in ordine intel-
 ligibili, nec ullas habet formas, sive species rerum intel-
 ligibilium, nisi quatenus eas ab extrinseco recipit, non
 quidem ab agentibus creatis, sed immediate per infusionem
 a solo Deo in instanti suae creationis, ut explicabimus
 suo loco. Ad 2. dico axioma illud esse intelligendum de
 forma, sive actu, qui recipitur in potentia materie,
 & ab ipsa dependet, qualis est forma pure corporea,
 non autem de forma, uel de actu qui non recipitur in
 materia, uel saltem ab ipsa non dependet: unde quam-
 vis anima rationalis sit forma receptibilis in corpore,
 quia tamen ab ipso non dependet, sed separata subsistit,
 non est ejusdem generis, cum non sit entitativè
 corporea, sed spiritalis. A fortiori Angelus, qui nec
 a materia dependet, nec in ea recipitur, nullam dicit
 materiam, sive potentiam nec ejusdem, nec alterius
 generis. Ad 3. dico quòd licet Angelus sit exemptus
 ab omni prout corpore, & materia, atque ita sit
 maximè simplex inter omnes creaturas; longè tamen
 distat à simplicitate divina: quia licet non habeat
 compositionem physicam ex materia, & forma, im-
 portat tamen compositionem metaphysicam ex essen-
 tia, & existentia: quæ in ipso sicut in qualibet crea-
 tura realiter distinguuntur: cum solius Dei proprium
 sit, quòd essentia, & existentia realiter identificentur;
 ex quo provenit omnimoda ejus simplicitas, & infi-
 nitas, ut explicuimus in tract. de attributis.

§. VIII.

*Egregia, & singularis doctrina de admirabili mul-
 titudine Angelorum, qua maximam offert
 consolationem.*

Pro hujus doctrinæ intelligentia, supponendum est
 1. Id quod D. Thomas docet 1. 2. q. 50. artic. 3.
 ubi sic discurre. Dicendum est quòd etiam Angeli, se-
 cundum quòd sunt immateriales substantiæ, in quadam
 multitudine maximè sunt omnem materialem multitu-
 dinem excedente: & hoc est quod dicit Dionys. 4. cap.

caelestis Hierar. multi sunt beati exercitus supernarum mentium : infirmam , & constrictam excedentes materialium numerorum commensurationem. Et huius ratio est : quia cum perfectio universi sit illud quod præcipue Deus intendit in creatione rerum , quando aliqua sunt magis perfecta , tanto in maiori excessu sunt creata à Deo : sicut autem in corporibus attenditur excessus secundum magnitudinem , ita in rebus incorporeis potest attendi excessus secundum multitudinem. Videmus autem quod corpora incorruptibilia , quæ sunt perfectiora inter corpora , excedunt quasi incomparabiliter secundum magnitudinem corpora corruptibilia ; nam tota sphaera activorum , & passivorum est aliquid modicum respectu corporum caelestium. Unde rationabile est , quod substantiæ immateriales excedant secundum multitudinem substantias materiales , quasi incomparabiliter , hucusque Doctor Angelicus.

Supp. 2. Id quod idem Angelicus Præceptor asserit in opusculo 3. compendij Theologiæ cap. 18. his verbis. *Inter elementa , quæ sunt superiora , maiora quantitativè inveniuntur , sicut etiam in simplicitate , quod eorum generatio demonstrat ; cum multiplicata proportionè ignis ex aere generetur , aer ex aqua , aqua autem ex terra.* Illa autem multiplicatio est ut decem , ut colligitur ex Aristotele lib. 2. de Gener. cap. 6. ubi ut probet quod elementa sunt comparabilia , & transmutabilia , ponit hoc exemplum : *Si ex aqua sestatio uno aeris decem fiant.* Et quamvis Philosophus loquatur ibi ex suppositione , quæ non intendit hoc ibi probare , sed solummodo in exemplum adducere : nihilominus plures Authores existimant hanc esse ipsius mentem , & ex hac autoritate , aliisque argumentis , quæ remitto ad Philosophiam , docent quodlibet elementum superius esse decies majus elemento inferiore : sic elementum aquæ est in quantitate decies majus quam elementum terre , & elementum aeris quam elementum aquæ , & idem est de elemento ignis respectu elementi aeris , & de quolibet cælo superiori respectu cæli inferioris. Et quamvis plures Authores demonstrare conentur , quod elementum

quæ non est majus saltem decies quàm elementum terræ; nihilominus quamvis hoc concederetur de his duobus elementis, quia fortè locus habitationi hominum idoneus aliter exigit; in aliis tamen elementis, & in ipsis cælis, in quibus hæc ratio cessat, hujusmodi excessus subsistit. His præsuppositis.

Dux sunt tam Thomistarum, quàm aliorum sententia. Plures enim existimant multitudinem Angelorum non excedere nisi numerum specierum materialium, & fateor hanc sententiam esse communem inter Thomistas: Plures quoque Doctores, & aliqui etiam ex Thomistis, qui tacito nomine referuntur apud Archipræsulem de Marinis, Serram, & alios, asserunt excedere numerum etiam ipsorum individuum. Quæ sententia mihi valdè placet, unde sit.

Concl. Talis est, tantaque multitudo Angelorum, ut superexcedat numerum, nedum specierum, sed etiam individuum naturæ humanæ, omniumque rerum materialium.

Prob. 1. Ex his quæ supposuimus. Quantò aliqua sunt perfectiora, tantò in majori excessu creata sunt à Deo; & si loquamur de rebus spiritualibus, quales sunt Angeli, excessus est quoad multitudinem, sicut loquendo de corporalibus est quoad magnitudinem: eâ ergo proportionem quâ res corporeæ sese in magnitudine excedunt, res spirituales excedunt se in multitudine; imò cum major sit providentia de rebus spiritualibus ut pote longè perfectioribus, quàm de corporalibus, excessus spiritualium est adhuc major. Sed in corporalibus elementum superius est decies majus elemento inferiore, & idem est de cælis. Ergo in spiritualibus ordo superior est plusquam decies major quàm inferior. Cum igitur homo sit in ordine infimo rerum spiritualium, sequitur quòd pro uno homine sint plusquam decem Angeli, pro quolibet Angelo decem Archangeli, & sic ascendendo usque ad Seraphinos, & semper decies multiplicando.

Resumendo autem totum illum excessum, pro quolibet homine inveniuntur plusquam decem Angeli, plusquam centum Archangeli; plusquam mille Principatus; plusquam dena millia Potestatum; plusquam cen-

centena millia virtutum; plusquam decies centena millia Dominationum, sive ut vulgari termino utar, plusquam Dominationum millio; plusquam centies centena millia, sive decem milliones Thronorum; plusquam millies centena millia, sive centum milliones Cherubimorum; ac denique plusquam decies millies centena millia, sive millia millionum Seraphinorum, juxta illud Danielis 7. *Decies millies centena millia assistebant ei.*

Qualis est excessus Angelorum respectivè ad homines, talis etiam est respectivè ad omnes rerum materialium species; itaut quot sunt species animalium, quæ vivunt in terra, aère, & mari; quot species plantarum, & arborum, quæ in toto mundo crescunt; quot denique species rerum, quæ totum implent universum: tot sint numerandi Angeli ab infimis usque ad supremos, numerum plusquam denarium semper augendo, respectivè ad quamlibet ex hujusmodi speciebus.

Denique cum major sit incomparabiliter providentia, & cura de individuis Angelorum, quam de individuis rerum materialium, & corruptibilium: eo quoddam individua angelica sunt incomparabiliter perfectiora omnibus illis, & per se ac ratione sui sunt à Deo præordinata, & producta ad perfectionem, & pulchritudinem universi, ac in æternum subsistere debent: individua verò rerum corruptibilium non sunt præordinata nisi quasi per accidens, ut diximus agendo de Providentia Dei, sive ratione alterius, nempe suæ speciei: & hujusmodi species subsistere non debent nisi usque ad diem judicii. Sequitur quoddam multitudo individuorum angelicorum debet incomparabiliter superexcedere multitudinem individuorum omnium species rerum materialium.

Prob. 2. authorita e. Nam Psal. 138. dicitur: *Mihi autem nimis honorati sunt amici tui Deus, nimis confertur: & est principatus eorum. Dinumerabit eos, & super arenam multiplicabuntur.* Quer locum hic optime Lyranus explicat. Nimis honorati sunt amici, in Hebræo habetur: *Sodales tui.* Et per hoc intelliguntur Angeli sancti, qui sunt in societate

Dei, & eius amici : de quibus dixit David in Psal. praecedenti : *In conspectu Angelorum psallam tibi*. Nimis confortatus est, idest firmiter stabilis, Principatus eorum. Angeli enim sancti per ordines trium Hierarchiarum distincti : Hierarchia verò est idem quod facer Principatus. Et quia istae tres Hierarchiae, & tres ordines in singulis Hierarchijs immobiliter stabiliuntur, ideo convenienter dicitur : nimis confortatus est Principatus eorum. Et quia Angeli sunt in maximo numero, secundum illud Iob 25. *Nunquid est numerus militum eius?* Ideo subditur : *Diminuerabo &c.* Idest si vellem eos numerare non possem, sicut nec maris arenam. Videmus enim sensibilibus, quod corpora coelestia, quae sunt incorruptibilia, supra modum in quantitate continua excedunt corpora elementaria, & mixta quae sunt corruptibilia. Et eodem modo valde probabile est, quod Angeli, qui sunt naturae incomparabiliter nobilioris quam coeli, excedunt in numero omnem corporalem creaturam. Propter quod dicitur Danielis 7. *Millia millium ministrabant ei, & decies millies centena millia assidebant ei.* Vbi designatur maxima multitudo Angelorum nobis incognita, per replicationem, & multiplicationem maximorum numerorum.

Notandum quoque quod in illo Danielis loco, Angeli ministrantes, qui pertinent ad ordines inferiores ponuntur in longè minori numero, quam Angeli assistentes, qui pertinent ad ordines superiores. Ut denotetur, quod eà proportionem quâ superiores sunt Angelorum ordines, multò major est eorum multitudo.

Sanctus Vincentius ferrerius serm. 1. Dominicae 3. post octa. Paschae, de Angelis loquens ait : *sunt plures quam folia arborum in toto mundo.* D. Bernardinus sen. to. 4. serm. 48. de amore misericordiae sic loquitur : *Dionysius in suis lib. Hierarch. dicit, quod solum Angeli in paradiso existentes sunt plures, quam stella, quam sint arena maris, ac terra, quam sint folia, & herba, & quam sint omnia quaecunque creata.* Et in libro 4. revelationum S. Brigittae cap. 11. Beatissima virgo sic eam alloquitur. *Si computarentur omnes homines, qui nati sunt ab Adam usque ad novissimum, qui nasciturus est*

in fine mundi, plusquam decem Angeli inveniuntur pro unoquoque homine. Notat autem Durandus Episcopus in suis notis ad huiusmodi revelationes, quod hoc intelligitur de Angelis ad cuiuslibet hominis custodiam deputatis, qui sunt infimi ordinis Angelorum. Vnde hæc revelatio est omnino conformis nostræ Doctrinæ. Quod si pro quolibet homine sunt plusquam decem Angeli, debent propter rationem jam expressam, pro quolibet Angelo esse plusquam decem Archangeli: & sic multiplicando plusquam decies, procedendum est usque ad Seraphinos inclusivè.

Doctor Angelicus in auctoritate initio huius paragraphi relata, docet expressè, quod Angelorum multitudo excedit secundam multitudinem substantias materiales, quasi incomparabiliter. Sed nedom species materiales, sed etiam omnia earum individua sunt substantiæ materiales. Ergo multitudo Angelorum longè superat multitudinem tam individuum, quam specierum substantiarum materialium.

Idem Sanctus Doctor 2. contra gentes, cap. 92. ratione 3. Sic concludit. *Excedunt igitur in numero intellectuales substantiæ separata omnium rerum materialium multitudinem.* Ergo cum sub multitudine omnium rerum materialium comprehenduntur tam omnia individua, quam species sive substantiarum, sive accidentium; sequitur quod Angelorum multitudo superexcedit hæc omnia.

Ob. 1. D. Thomas 1. p. qu. 112. art. 4. in corp. seipsum satis explicat, in quo sensu intelligat, multitudinem Angelorum superexcedere multitudinem rerum omnium materialium: sic enim habet. *Dionysius ponit 4. cap. cal. Hierarch. quod multitudo Angelorum transcendit omnem materialem multitudinem, ut scilicet sicut corpora superiora excedunt inferiora magnitudine quasi in inmensum, ita superiores natura incorporea transcendant multitudinem omnes naturas corporeas.* Et qu. 6. de potentia, artic. 6. sic loquitur. *Substantia corporea (sicut Dionysius dicit 4. cap. cal. Hierarch.) omnem multitudinem materialium specierum transcendunt.* Intelligendus est ergo D. Thomas de excessu

Quaestio I. De Existentia, Essentia,
 Angelorum supra omnem multitudinem naturarum, &
 specierum materialium, non autem individuorum.

Resp. D. Thomam ibi loqui de naturis, & speciebus rerum materialium, non prout abstrahunt à suis individujs, sed potius prout ea omnia complectuntur: sic quando idem S. Doctor cum Patribus, & Doctoribus dicit, quod natura, & species humana, Adæ peccato fuit infecta, & sanguine Christi redempta, non excluduntur, sed potius includuntur omnia ejus individua; ut sensus sit, quod omnes homines ab Adam infecti sunt, & omnes à Christo redempti. Et certe si D. Thomas voluisset excludere individua, potuisset uno verbo mentem suam exprimere dicendo, quod numerus Angelorum excedit numerum naturarum, specierumque materialium, non autem individuorum: hoc autem nunquam dixit: unde sic intelligi debet, ut velit quod Angelorum numerus hujusmodi naturarum, & specierum numerum excedit, omniumque individuorum, quæ in ijs importantur.

Obiicit 2. Videretur nostra doctrina pugnare cum nostro primo principio. Ut enim ratiocinatur D. Thomas 1. p. qu. 50. a. 3. in 2. argumento, quando aliquid est magis proprium uni, tanto minus est multiplicatum, ut in numeris apparet: natura autem angelica inter alias naturas creatas est Deo propinquior, ipsique maxime assimilatur. Cum ergo Deus sit maxime unus, videtur quod in natura angelica inveniatur minimum de multitudine.

Resp. cum eodem Doctore angelico ibidem ad 2. Dicendum quod ex hoc quod natura angelica est Deo propinqua, oportet quod habent minimum de multitudine in sui compositione, non autem ita quod in paucis salvetur. Hujus ratio sumitur ex eodem S. Doctore, loco supra citato, quando explicamus nostrum primum principium, scilicet ex compendio Theologiae, opusc. 3. cap. 102. ubi in titulo sic habet. *Quod divina assimilatio est causa diversitatis in rebus.* Et hoc sic ostendit. Ex hoc igitur accipienda est ratio diversitatis, & distinctionis in rebus, quia enim divina non perfecte representari impossibile fuit propter distantiam uniuscuiusque

De Creatione Angelorum.

creatura à Deo, necessarium fuit, ut repræsentaretur per multa, ut quod deest ex uno, suppleretur ex alio. Igitur illa maxima assimilatio divina, quæ reperitur in Angelis, exigit quidem quòd quilibet Angelus accedat ad unitatem Dei quantum potest, & propterea ostendimus in præcedentibus parag. eos esse puros spiritus, & simplices formas intellectuales: sed exigit quoque ut in natura angelica sit innumerabilis Angelorum multitudo, ut variis modis divinas perfectiones repræsentent, & divinam coalant Majestatem; & quod non potest præstari per aliquos suppleatur per alios, uel multitudine omnes similes omnia præstent, quantum possibile est creaturis: unde D. Thomas in 1. sent. dist. 2. qu. 1. art. 3. ex D. Chrysostomo ait: quòd Angeli laudant Deum, quidam ut Majestatem, quidam ut bonitatem, & sic de aliis, ut explicabimus agendo de hierarchiis, & ordinibus Angelorum.

Ob. 3. falsum est id quod D. Thomas in sua ratione dicit, res fuisse productas in majori uel magnitudine, uel multitudine, eà proportionem quâ sunt nobiliores. Nam aurum, argentum, lapides pretiosi, aliæque similia, sunt corpora longè aliis nobiliora, & quilibet homo propter animam rationalem est longè nobilior omnibus rebus sibi inferioribus; & tamen hæc omnia non superant aliarum specierum individua neque magnitudine, neque multitudine. Ergo.

Resp. Doctorem nostrum angelicum loqui de his, quæ immediatè ab ipso Deo producta fuerunt, nimirum de elementis, calis, & Angelis, quæ omnia ab ipso solo creata sunt: non autem de illis, quæ producuntur mediis causis secundis, qualia sunt omnia mixta & ipsi etiam homines. Ratio est, quia virtus Dei est infinita, & illimitata, nec à rerum dispositionibus dependet; & ideo Deus res tales producit, quales vult, & in minori uel majori magnitudine, aut multitudine, prout earum natura exigit: Unde cum natura rerum nobiliorum exigit ut in majori uel magnitudine, uel multitudine producantur, quàm res inferiores, sequitur quòd ita observari debuit in omnibus quæ Deus im-

mediatē per seipsum produxit, scilicet ut jam diximus in elementis, caelis, & Angelis. Sed virtus causarum secundarum finita est, ac limitata, & dependet à dispositionibus rerum, ex quibus aliquid producant: unde non faciunt res prout volunt, sed prout possunt; & cum non inveniunt res sufficenter dispositas ad hoc ut producant aurum, argentum, lapides pretiosos, & alia huiusmodi, in maiori magnitudine, uel multitudine, coguntur producere in minori. Similiter juxta ordinem, & dispositionem universi, corpora hominum non possunt esse maiora quibuscumque aliis corporibus, neque plura numero: & cum aliunde animae rationales non creentur à Deo, nisi ea proportionē quā humana corpora formantur; inde fit ut numerus hominum non sit maior, sed longē minor numero individuorum naturarum ipsi inferiorum.

Imò in ipsis etiam operibus Dei hæc exceptio admitti debet, juxta opinionem eorum, qui dicunt solem esse nobiliorem aliis syderibus, & ipsis caelis, & tamen propterea non excedit eos, neque magnitudine, neque multitudine: quia nempe aliter exigit ordo universi, & dispositio corporum caelestium, & terrestrium, ut sit conveniens habitationi hominis, propter quem hæc omnia fuere creata.

Obiici potest præterea, & hæc est obiectio omnium difficillima, quod tanta esset multitudo Angelorum in comparatione hominum, ut impossibile foret, quod homines prædestinati implerent ruinas eorum Angelorum, qui apostataverunt. Sed hanc objectionem, ejusque solutionem remitto ad quaest. de culpa Daemonum, ubi etiam explicabimus parabolas de centum ovis, & decem dragmis.

Doctrina huc usque tradita maximæ consolationis est propter duo. 1. Quia ut ostendimus in tract. de prædestinatione, juxta ipsarum numerus Prædestinatorum simpliciter, & absolutè sumptus prout complectitur tam Angelos, quam homines, est incomparabiliter major numero reprobatorum: atque ita in tali, tantaque multitudine beatorum relucet maximè libertas, magnificentia, aliaque attributa Dei, & præsertim misericordia, cujus principium opus, est præ-

destina
in incre
mus ap
nostra
mediat
incred
etorum

Admini
multi

Scor
disting
eos om
illius ser
los dive
tingui
hierar
omnes
proflus
fit.

Con
qualem
biles ef
specie d
ejusdem
Prob.

Angeli
cum mul
possit p
Thoma
plures A
vidua u
tie diffi
Prob.

tes cap
multipli
sistere po

destinatorum gloria, ut qui hæc omnia contemplantur, in incredibilem rapiantur admirationē 2. Quia ut dicemus agendo de Angelorum custodia, omnes procurant nostram salutem vel in mediata per seipsos, vel saltem mediata per alios: unde datur nobis occasio laetitiae incredibilis, dum scimus talem, tantamque esse protectorum nostrorum multitudinem.

§. I X.

Admirabilis Angelorum varietas in tanta eorum multitudine. Insinuantur obiter aliqua notata dignissima pro vita spirituali.

Scotus, alique plures existimant Angelos de facto distingui solo numero. Et quidam ex antiquis dixerunt eos omnes esse unius, ejusdemque speciei: nunc autem illius sententiae Authores communiter asserunt, Angelos diversi ordinis, vel saltem diversae Hierarchiae distingui specie; eos autem qui sunt ejusdem ordinis, vel hierarchiae solo numero differre. Sed D. Thomas, omnes Thomistae, & etiam plures alij docent omnes prorsus Angelos ab invicem distingui specie. Unde sit.

Concl. in tali tantaque Angelorum multitudine, qualem, & quantam esse demonstravimus, adeo mirabiles est eorum varietas, ut omnes omnino ab invicem specie differant; nec dentur nequidem duo, qui sint ejusdem speciei.

Prob. 1. & infertur ex dictis in præcedentibus parag. Angeli sunt exempti ab omni prorsus materia. Ergo cum multiplicatio purè numerica, & individualis non possit provenire nisi à materia, ut ostendimus ex D. Thoma in seq. paragrapho, sequitur quòd non sunt plures Angeli solo numero differentes, nec plura individua unius speciei, sed quòd omnes ab invicem specie differunt.

Prob. 2. ex eodem angelico Doctore 2. contra Gentes cap. 93. experientia constat, quòd natura non multiplicat individua, quando species in unico subsistere potest; & maxime si unicum illius speciei indi-

Viduum sufficit ad implendum id totum propter quod datur in universo: hoc patet in cælis, & syderibus, præsertim in Sole, & Luna; nam propter incorruptibilitatem potest eorum species in unico individuo subsistere, & aliunde illud unum individuum sufficit ad producendum totum effectum, ad quem species destinatur, & propter quem in universo conservatur, & ideo non datur nisi unicum individuum in qualibet specie, ita ut omnes cæli, omniaque sydera ab invicem specie differant: unde Sol dicitur quasi solus lucens, & Luna quasi Lucida una, quia habent modum lucendi, & in hæc inferiora influendi sibi proprium, nec ulli alteri communem; & propterea Apostolus ait 1. ad Corinth. cap. 15. *Alia claritas solis, alia claritas Lune, & alia claritas stellarum.* Stella enim a stella differt in claritate. Imò quod mirum est, hoc natura observat, etiam in specie corruptibili, quando non obstante corruptibilitate in unico individuo subsistere potest: unde licet species Phœnicis sit corruptibilis, quia tamen ex modo productionis ejus, quem naturalistæ describunt. in unico individuo potest subsistere, ideo non datur nisi unus Phœnix in mundo. Et ratio. Hujus est, quia ut dicimus agendo de providentia Dei, multiplicatio individuum non intenditur à natura per se, ac ratione sui, sed tantum quasi per accidens, & ratione alterius, scilicet speciei quando sine tali multiplicatione conservari non potest: unde quando potest species sine tali multiplicatione subsistere, natura de illa individuum multiplicatione non curat, sed ab ipsa potius veluti abhorret, quasi aliunde inutili. Cum igitur species cujuslibet Angeli in unico individuo subsistere possit, eo quod ut dicimus postea, Angeli sunt incorruptibiles, & immortales ex natura sua; & cum aliunde quilibet Angelus propter summam perfectionem suam sit plusquam capax exequendi id totum, ad quod eum divina providentia destinavit; nam si ad hoc est capax Phœnix, si capax est quodlibet cælum, & quodlibet Sydus, à fortiori capax est quilibet Angelus, utpote incomparabiliter perfectior: sequitur quod quilibet Angelus in sua specie est unus, atque ita omnes ab invicem specie differunt.

Plura

Plura dici possent de specifica calorum, syderumque distinctione, quæ remitto ad Philosophiam.

Prob. 3. ratione ejusdem sancti Doctoris qu. unica de spiritualibus creaturis, artic. 8. Angeli cum sint creaturæ totius universi nobilissimæ, maximè contribuere debent ad ipsius bonum: sed bonum universi est ordo partium ejus, sicut bonum exercitus est ordo partium ipsius: Unde Apostolus ad Romanos 13. ait: *iqua autem sunt, a Deo ordinata sunt.* Supra quem locum idem angelicus Doctor sic habet: *Cuius ratio est, quia Deus omnia per suam sapientiam fecit, secundum illud Psal. 102. omnia in sapientia fecisti: est autem proprium sapientia ordinare omnia disponere, sap. 8. attingit à fine usque ad finem fortiter, & disponit omnia suaviter. Et ideo oportet effectus divinos ordinatos esse, Job 38. Numquid nosti ordinem cæli, & pones rationem ejus in terra? ordo autem, & subordinatio perfectiori modo invenitur in rebus, quæ specie differunt, quàm in illis, quæ differunt solo numero: quia quod res unius speciei subordinentur rebus alterius speciei, hoc convenit eis per se, & essentialiter, ac pro semper; eoquod hujusmodi subordinatio provenit ex specifica, & essentiali, ac inseparabili perfectione speciei inferioris, & superioris; quatenus minor est in illis perfectio, & major in istis, & naturalior est quod minus perfecta sint perfectioribus subordinata. Ordo verò, & subordinatio, quæ reperitur inter individua solo numero differentia, convenit eis per accidens tantum, & provenit ab aliquo extrinseco, quod ita variari potest, ut qui prius erat subditus, evadat quandoque postea Dominus: unde D. Thomas 2.2. qu. 57. a. 3. ad 2. explicans illud, quod Philosophus docet 1. politic. cap. 3. & 4. quod quidam sunt naturaliter servi, ait: *Discendum, quod hunc hominem esse servum (absolute considerando) magis quàm alium, non habet rationem naturalem, sed solum secundum aliquam utilitatem consequentem, inquantum utile est huic quod regitur a sapientioris, & illi quod ab hoc iuvetur, ut dicitur in 1. politic. Hoc autem convenit hominibus per accidens, & ideo potest ab extrinseco provenire, ac omnino instabile est; quod**

enim unus sit altero sapientior, hoc sapientissime non provenit ex hoc quoddam melius iudicium habeat, sed ex hoc quoddam melius educatur, & instruitur; ex quo fit ut quandoque ille qui minus sapiens erat, evadat sapientior, & e contra. Similiter quoddam unus alterum iuvare possit, hoc dependet ferè semper à divitiis, & aliis huiusmodi; quæ omnia vicissitudinibus fortune ita sunt obnoxia, ut multoties contingat, quoddam ille qui modò iuvat alium, ipsius postea indigeat adiutorio, & e contra. Et sicut iam diximus, quandoque servus evadit Dominus, & e contra Dominus fit servus. Ut igitur ordo universi perfectissime observetur in Angelis, requiritur, quoddam non omnino specie distinguantur.

Prob. 4. Angeli tanquam nobilissima creaturæ contri-
buiere maxime debent ad ornatum, & pulchritudinem universi: hæc autem pulchritudo varietatem indispensabiliter exigit: imò in omnibus placet maxime varietas: cuius ratio est, quia perfectio cuiusvis creaturæ finita est, ac limitata, noster autem intellectus est capacitatis infinitæ, ac illimitatæ: unde solus Deus, cuius perfectio, & pulchritudo est infinita, & illimitata, potest ejus appetitum satiare, ut dicemus in tract. de beatitudine. Cum igitur ad hoc nulla creatura sufficere valeat, inde fit quoddam ut talem satisfactionem habeamus, qualem percipere in hoc mundo possumus, plures semper ac plures creaturas inquirimus: si autem forent similes, non afferrent satisfactionem maiorem saltem intensivè, sed ad summum extensivè; unde inquirimus semper novas, & varias. Sic experientia concitat, quoddam oculi, & animi nostri in admirationem rapiuntur, dum consideramus omnia naturæ, & artis opera cum tam eleganti dissimilitudine, tantaque maiestàte, & diversitate fabricata; nihilque delectabilius videri posset, quàm hortus incredibili omnigenorum flosculorum multitudine vestitus, cum tali tantaque varietate, ut nullus esset qui alium in pulchritudine non superaret. Et quoddam notatu dignissimum est pro exercitiis viæ spiritualis hæc etiam ratio convincit, quoddam expedit, ut considerationes, quibus in meditationibus ad devotionem fovendam utimur, non sint semper eadem, sed quoad fieri potest diversificentur, ut ra-

rietas, quæ ita omnibus placet, fastidium tollat, & novam semper consolationem afferat. Id quod advertit optimè Sancta Theresia in præfatione meditationum super orationem dominicam, ubi sic habet. *Ille, qui nobis dedit esse, perfectam suarum creaturarum habens notitiam, scit quod mentis nostræ capacitas, cum sit infinita, semper exoptat novas apud se cogitationes revolvere, quia una sola non potest ei satisfacere. Sic videmus, quod levitici cap. 7. ne ignis altaris extingueretur, Deus sacerdotibus præcepit, ut novum quolibet die lignum apponerent, quasi hæc figurâ significare voluisset, quod ut devotionis ignis non repescat, & in nobis non exinguatur, debemus illum quotidie novis, & fervidis cogitationibus fovere, & accendere. Et quamvis statim in hoc videatur aliqua esse imperfectio: est tamen effectus divina providentia, ratione cuius mens nostra suam naturalem inclinationem sequens, indefinenter in divinarum perfectionum investigatione versatur, nec contenta esse potest, nisi in illo objecto, quod nullos habet limites; quia ipsum solum capax est eam implere.*

Igitur quod major est rerum varietas, eò major est universi pulchritudo: constat autem, quod longè major est varietas inter ea, quæ numero simul & specie differunt, quàm inter ea, quæ solo numero distinguuntur: ad hoc ergo, ut Angeli maximè contribuant ad pulchritudinem universi, debent omnes ab invicem specie distingui, & non solo numero.

Obiicitur I. D. Athanasius qu. 8. ad Antiochum, ubi sic expressè habet. *Substantia certè ut hominum, & Angelorum est una.* Pluraque similia referri possunt Patrum testimonia. Sicut ergo homines solo numero distinguuntur, ita & Angeli.

Resp. I. retorquendo argumentum. Nam D. Athanasius, (& similiter alij Patres) loquuntur de omnibus Angelis sine ulla exceptione: unde ibidem immedie subdit, *ordines autem sunt, ut ille magnus in Theologia Dionysius ait, novem.* Nunc autem Doctores communiter farentur, quod aliqui Angeli specie distant, illi nempe qui sunt diversi ordinis, vel saltem

illi qui sunt diversæ hierarchiæ. Tenentur ergo argumentum illud solvere.

Resp. 2. Patres nomine substantiæ, essentiæ, naturæ, vel speciei intelligere non speciem atomam, sive infimam, sed subalternam, nempe naturam genericè omnibus Angelis communem, gradum scilicet intellectualitatis completæ, sunt enim omnes substantiæ purè spirituales, & totaliter intellectuales. Et ratio est, quia ut optime dicunt Salmanticenses, loquuntur Patres de Angelis, prout à nobis cognosci possunt: nequeunt autem cognosci quantum ad illos gradus específicos, & infimos, in quibus ab invicem differunt; sed solummodo quantum ad gradum specificum, & subalternum naturæ intellectualis, in quo omnes conveniunt.

Confirmatur hæc responsio ex illo ipso Concilio Florentino, cujus authoritas ab adversariis obicitur, eoquod in sess. 20. refertur D. Basilii dicens, quod Angeli omnes sunt unius naturæ. Sed quomodo intelligi debeat, exponitur ibidem, juxta novissimam impressionem parisiensem, his verbis. *Hic est verus sensus, totius capituli. Ait enim (scilicet D. Basilii) omnes Angelos esse unius naturæ cum sint natura intellectualis. Et paulò post sic habetur. Deinde concludit, omnes habere inter se ordinem: non sequi tamen, ut aliquis Angelus sit alterius naturæ: quandoquidem ita ordinati permanent in ipsa intellectuali natura. Ex his habemus, quod intantum omnes Angeli dicuntur unius naturæ, inquantum conveniunt in specie subalterna naturæ intellectualis: cum quo stat, ut omnes ab invicem specie differant in specie infima; quia omnes sub illa communi natura intellectuali; sunt ordinati, & subordinati; ille autem ordo, & illa subordinatio exigit distinctionem specificam, ut jam ostendimus. Ergo omnes specie differunt.*

Resp. 3. Quod præter illam generalem regulam est altera, quæ sumitur ex D. Thoma qu. de spiritualibus creaturis a. 8. ad 1. ubi cum sibi objecisset ex D. Augustino in Enchyrid. quod creatura rationalis quæ in hominibus erat, quoniam peccatis, atque suppliciis tota perierat, ex parte reparari merita. Ex quo hæc arguitur. Si omnes Angeli ab invicem diffe-

runt secundum naturam speciei; pluribus Angelis irreparabiliter cadentibus, plures naturæ irreparabiliter perierunt: sed hoc non patitur divina providentia, ut aliqua natura rationalis tota pereat, ut patet ex auctoritate inducta. Ergo non omnes Angeli differunt ab invicem secundum naturam speciei. Cum, inquam, sibi hoc argumentum obiecit D. Thomas, ita respondet. *Dicendum, quod Augustinus loquitur ibi de natura angelica, & humana, non secundum quod considerantur in esse naturali, sed secundum quod ordinantur ad beatitudinem: sic enim aliqui in natura angelica, & humana perierunt. Quantum autem ad ordinem beatitudinis natura humana dividitur contra totam naturam angelicam, quia tota natura angelica uno modo nata est pervenire in beatitudinem, vel ab ea deficere irreparabiliter, scilicet statim ad primam electionem: natura vero humana per decursum temporis: & ideo loquitur ibi Augustinus de omnibus Angelis, sicut de una natura, propter unum modum ordinis ad beatitudinem, licet differant secundum speciem naturæ.*

Addi potest non esse inconveniens, quod aliquæ species Angelorum totaliter perierint, cum multo plures totaliter salvatæ fuerint: nam, ut videbimus agendo de culpa Dæmonum, longè major est numerus eorum Angelorum, qui steterunt, quam eorum, qui ceciderunt: unde ruina istorum recomponatur per salutem illorum: & aliunde homines Dæmonum ruinas implebunt, ut dicemus ibidem.

In predicto sensu Doctoris angelici locutus est D. Gregorius Nazanzenus carmine 2. in laudem virginitatis, ubi de Angelis sic loquitur.

*Idem quisque sibi: natura est omnibus una,
Vaque mens, similique Dei, rapiuntur amore.*

Ex his egregiam instructionem habemus, quod nempe quantumvis diversæ nationis, conditionis, complexionis, & similibus esse possumus; dici tamen potest, quod in his omnibus sumus unum, & idem, si Deum pariter diligimus: quia nihil aestimare debemus, nisi per ordinem ad amorem Dei.

476. *Quaestio I. De Existencia, Essentia,*

Dices, neutra ex his generalibus regulis adaptari potest huic saltem auctoritati D. Damasceni lib. 1. inst. ca. 7. ubi sic expressè loquitur. *Intelligendum est, eas, quæ sola individua continent, species infimas vocari, cuiusmodi sunt Angelus, Homo, Equus.*

Resp. addendo tertiam regulam, quod Patres, & Doctores sæpè utuntur exemplis iuxta probabilem aliorum opinionem, sicut D. Damascenus loco citato: ex sua autem propria mente ita loquitur lib. 2. de fide ca. 3. *De essentia quidem* (scilicet Angelorum) *aqualisne natura inter se, an diffares sint, haudquaquam compertum habemus. Solus ille scit, qui eos creavit Deus.* Ex quo patet, mysterium illud diversitatis specificæ omnium Angelorum fuisse Antiquis incognitum, quod postea Doctore nostro Angelico fuit revelatum.

Obijc. 2. Inter Angelos est perfecta amicitia, & societas: sed ad perfectionem amicitiae, & societatis requiritur similitudo in natura etiam quoad speciem infimam, juxta illud Eccles. 13. *Omne animal diligit sibi simile, sic & omnis homo proximum sibi: omnis caro ad similem sibi coniungitur, & omnis homo simili sui sociabitur.* Unde Doctor angelicus 1. p. qu. 31. a. 3. ad 1. ait: *Licet Angeli, & animabæ semper sint cum Deo, tamen si non esset pluralitas Personarum in divinis, sequeretur quod Deus esset solus, vel solitarius: non enim tollitur solitudo per associationem alicuius, quod est extranea natura: dicitur enim aliquis solus esse in horto, quamvis sint ibi multa planta, & animalia.* Ergo inter Angelos dari debet similitudo in specie infima; atque ita non distinguuntur specie, sed solo numero.

Resp. distinguendo duplicem amicitiam, & societatem scilicet naturalem, quæ fundatur in natura, & naturalem, quæ fundatur in moribus. Ad perfectionem amicitiae, & societatis naturalis requiritur, quod Personæ sint ejusdem naturæ quoad speciem infimam: & sic ratio D. Thomæ convincit, quod amicitia, & societas non esset perfecta in divinis, nisi essent plures Personæ ejusdem naturæ divinae, & quælibet speciei infimæ.

Angeli enim & animæ beatæ, quantumvis per gratiam, & gloriam sint elevatæ, non propterea ad hoc pertinere possunt, ut perfectam habeant amicitiam, & societatem naturalem cum Deo, quia non sunt ejusdem naturæ, & veluti speciei. Sed ad amicitiam, & societatem moralem etiam perfectam sufficit similitudo in specie subalterna, sive in gradu intellectualitatis, & in modo operandi moraliter: nam charitas, qua Angeli, & homines sancti Deum diligunt, est vera amicitia cum Deo, & perfecta cum illo societas, juxta illud 1. Joan. 1. *Societas nostra sit cum Patre, & filio eius Iesu Christo*, ut explicabimus magis in tract. de virtut. Theologi. agendo de charitate: & tamen Deus, & creaturæ intellectuales distinguuntur plusquam specie, & ne quidem in genere conveniunt. Unde licet omnes Angeli sint specie inter se diversi, quia tamen in gradu intellectualitatis, & in eodem modo operandi in ordine ad convivium politicum conveniunt, omnesque ad eundem finem beatitudinis ordinantur, perfecta amicitia, politia, ac societas inter illos reperitur; sicut & inter animas beatas, & Angelos, quamvis in omnium sententia, animæ rationales ab Angelis specie differant.

Imò etiam perfectio amicitiae, & societatis naturalis non exigit similitudinem in specie infima, sed potius diversitatem in ipsa, quando illa specierum varietas contribuit ad commune bonum universi, sicut in Angelis. Id quod egregiè D. Thomas exponit qu. de spiritualibus creatu. artic. 8. ad 5. & simul tradit notabile discrimen inter amorem proprium, & amorem boni communis, quod relinquo meditationi pijs lectoris. Dicendum, inquit, quod cum affectio sequatur cognitionem (& idem est de societate) quanto cognitio est universalior, tanto affectio eam sequens magis respicit commune bonum, & quanto cognitio est magis particularis, tanto affectio ipsam sequens magis respicit privatum bonum: unde & in nobis dilectio ex cognitione sensitiva exaritur, dilectio vero communis & absoluti boni ex cognitione intellectiva. Quia ergo Angeli quanto sunt altiores, tanto habens scientiam magis universalem

*Questio 1. De Existentiâ, Essentiâ, I
lem, ut Dionys. dicit 12. cap. angel. Hierarch. ideo
eorum dilectio maximè respicit commune bonum.
Magis ergo diligunt se invicem si specie differunt,
quod magis pertinet ad perfectionem universi, ut
ostensum est, quam si in specie convenirent, quod
pertineret ad bonum privatum unius speciei.*

§. IX.

*Utrum Angeli saltem de potentia Dei absoluta,
intra eandem speciem solo numero multiplicari
possint. Traditur clarior, & facilior explicandi
modus.*

Hæc difficultas est intricatissima, in qua plures ex
adversariis Hallucinantur, quia non benè penetrant
doctrinam Angelici Præceptoris; & aliqui ex nostris
videntur parùm confusi in ipsius expositione. Trado
illum explicandi modum, qui mihi videtur clarior, &
facilior pro Thèologiæ candidatis.

Nedum illi Doctores, qui docent aliquos saltem
Angelos esse de factò solo numero distinctos, ut retu-
limus in paragr. præced. sed etiam aliqui ex insignio-
ribus Thomistis, & aliis qui asserunt eos omnes esse
diversæ speciei, ut ferrarientis, & Bannez, dicunt
nihilominus eos posse divinitus solo numero multipli-
cari: omnes autem alij Thomistæ dicunt hoc implicare
contradictionem.

Conclusio. Implicat contradictionem, quòd Angeli
solo numero multiplicentur intra unam, eandemque
speciem: unde hoc fieri nequit etiam de potentia Dei
extraordinaria, & absoluta.

Probatur hæc unica ratione, quâ solâ D. Thomas
toties utitur, quoties conclusionem nostram probat,
quòd signum est, ut optimè notat Joannes à S. Tho-
ma, quòd Dæctor angelus eam existimavit demon-
strativam: Demonstrator enim non multiplicat media,
ut ait Aristoteles. Multiplicatio purè individualis, &
numerica petitur à materia. Sed Angelus est forma
simplex, nullam importans materiam, nec ullam di-
cens habitudinem ad ipsam. Ergo nullo modo multi-
plicari

plari potest pure individualiter, & numericè inera
unam eandemque speciem. Mi. patet ex pat. praece-
dent. Ma. prob. 1. ex Arist. 12. metaph. ubi ex hoc
principio probat Deum esse unum, his verbis: *Qua-
cunque sunt numero multa, materiam habent; una
enim, & eadem ratio multorum, ut hominis:
Socrates verò unus: Quod autem quid erat esse, non
habet materiam primam: Endelechia enim. Unum
igitur & ratione, & numero movens primum, im-
mobile existens. Quem locum sic interpretatur D.
Thomas lect. 10. Quaecunque sunt unum specie, &
plura numero, habent materiam: non enim di-
stinguuntur secundum rationem, & formam; quia
omnium individuorum est communis ratio, ut po-
te quae est hominis: unde relinquitur quòd distin-
guantur per materiam: & sic Socrates est unus non
solum secundum rationem ut homo, sed etiam se-
cundum numerum. Sed primum principium, cum
sit quòd quid erat esse, idest sua essentia & ratio,
non habet materiam: quia eius substantia est En-
delechia idest actus, materia autem est in potentia.
Relinquitur igitur, quòd primum movens immo-
bile sit unum, non solum ratione speciei, sed etiam
numero.*

Igitur cum Angelorum similitudo cum Deo non pos-
sit salvari in hoc quòd non sit nisi unus Angelus specie.
saltem in hoc subsistit, quòd in sua specie non potest
esse nisi unus numero Angelus sicut Deus: quia simi-
liter non importat materiam primam, sed est forma
simplex.

Scotus dicit Philosophum nomine materiae non in-
telligere materiam primam, sed haecceitatem, de qua
mox loquemur. Sed hoc esse falsum patet, quia nomen
materiae primae habetur expresse in autoritate re-
lata.

Prob. 2. eadem ma. ex D. Thoma 1. p. q. 75. artic.
7. in c. ubi sic habet: *Non potest intelligi, quòd ali-
qua forma separata sit nisi una unius speciei.* Et in
q. 1. de spiritibus creaturis artic. 8. in corp. sic lo-
quitur: *si Angelus est forma simplex abstracta à
materia, impossibile est etiam fingere, quòd*

480 *Quaestio I. De Existencia, Essentia,*
sint Plures Angeli unius speciei. Certum est autem
secundum omnes, id quod est intelligibile, & nequi-
dem fingi potest, implicare contradictionem, & fieri
non posse etiam de potentia Dei absoluta. Ergo impli-
cat omnino, quod sint plures Angeli in una specie.

Prob. 3. ratione. Nam ut argumentantur Thomistae
in Philosophia, Primum in unoquoque genere est
causa ceterorum, juxta commune Philosophorum
axioma: Quantitas autem est prima in genere eorum,
quae continent plura solo numero distincta in una spe-
cie: unde hoc convenit omnibus aliis per habitudinem
ad quantitatem: & sic multiplicatio, & distinctio pu-
rè individualis, & numerica provenit in substantiis à
materia, ut est radix quantitatis, sive ut loquuntur
Thomistae, à materia signatà quantitate. Quod autem
quantitas sit prima in praedicto genere, sic probatur.
Illud est primum, cui res convenit per essentiam, sicut
illud secundum, cui convenit per participationem; quod
enim aliquid participat, illud recipit ab eo cui per es-
sentiam convenit, ut patet experientia in omnibus re-
bus, & constat ex ipsis terminis. Sed quantitas habet
per essentiam, quod importat plura solo numero dis-
tincta in una eademque specie: quia est essentialiter
extensio partium in se; & hujusmodi partes solo nu-
mero distinguuntur ab invicem, & conveniunt in una,
eademque specie quantitatis: materia verò non habet,
quod distingui possit in plura solo numero distincta
intra eandem speciem, nisi quatenus importat quan-
titem vel formaliter, vel radicaliter, ratione cujus est
divisibilis. Ergo distinctio purè numerica, & indivi-
dualis intra eandem speciem convenit materiae per
participationem, sive dependenter à quantitate, atque
ita provenit à materia signatà quantitate. Hoc pro-
prie sufficit: majus enim hujus doctrinae examen re-
mitto ad Philosophiam, sicut & sequentis.

Prob. 4. Distinctio, & multiplicatio illa purè individua-
lis, & numerica, non potest provenire à forma. Ergo à
materia. Prob. antec. forma dat speciem rei juxta com-
mune Philosophorum axioma, sive constituit ratio-
nem ejus essentialem, & specificam, quae propterea
dicitur ratio formalis; sicut distinctio purè individua-

lis, & numerica, quia provenit à materia, dicitur ratio materialis. Igitur dum forma distinguitur, & multiplicatur, necesse est, quod res etiam distinguantur, & multiplicentur essentialiter, & specificè, & non individualiter tantùm, & numericè; sive quod multiplicentur non solum individua, sed etiam species: Et ita fit in Angelis. Sicut quia albedo constituit album: necesse est si plures sint albedines, quod etiam sint plura alba.

Respondent 1. Adversarij, quod necesse est, ut in Angelis individuatio proveniat à forma: aliter enim quilibet Angelus esset pura species, & non individuum, sicut dicunt Philosophi de Idæis Platonis.

Sed isti Authores non penetrant doctrinam Thomisticam. Non enim negamus, sed potius asserimus, quod quilibet Angelus est individuum distinctum ab altero Angelo, tanquam altero individuo: sed dicimus, quod non est purum individuum, sed simul ac semel etiam species; sive quod ab invicem distinguuntur non tantum individualiter, sed etiam specificè: Unde fatemur quod individuatio in Angelis provenit à forma: sed hæc individuatio non est purè numerica, sed etiam specifica.

Respondent 2. Quod in Angelis licet non detur compositio ex materia, & forma, benè tamen ex essentia & existentia, natura & subsistentia: Quia ut diximus in tract. de attributis, agendo de essentia, & natura Dei, ipsius solius proprium est, ut essentia & existentia, natura & subsistentia realiter identificentur: in omnibus autem creaturis realiter distinguuntur. Sed hoc sufficit, ut possint Angeli solo numero multiplicari. Quia ut docent Thomistæ cum D. Thoma, ad illam multiplicationem non requiritur materia propriè, & stricte sumpta; sed sufficit aliquid, quod habeat rationem materiæ: in Angelis autem, sicut & in omnibus aliis creaturis, cum essentia & natura in se realiter recipiat existentiam & subsistentiam, se habet ad ipsam quasi materia ad formam; & sic potest realiter solo numero multiplicari. Et hoc est, quod expressè tradit ipsemet D. Thomas 1. sent. d. 34. qu. 1. artic. 1. ubi initio corporis sic habet. *In illis, in quibus*

482 *Quæstio I. De Existentiâ, Essentiâ,
aliud est essentia, quàm hypostasis, uel suppositum;
oportet quod sit aliquid materiale, per quod natura
communis individuetur, & determinetur ad
hoc singulare: unde illam determinationem mate-
rie, uel alicuius quod loco materia se habet, ad-
dit in creaturis hypostasis supra essentiam & na-
turam.*

Sed isti quoque Authores non penetrant doctrinam
D. Thomæ. Non enim vult, quodd essentia & natura
in Angelis, & aliis creaturis, se habeat ut materia, siue
potentia ad essentiam & subsistentiam tanquam ad
formam, siue actum: nam ut explicabimus magis in
tract. de Incarnatione, se habent solummodo ad in-
vicem tanquam res terminabilis, & terminus: unde
quarvis Deus secundum omnes Doctores non possit
supplere vices materiæ, uel formæ ipsi corresponsentis,
nihilominus in Incarnatione supplet existentiam &
subsistentiam ipsius essentiæ & naturæ humanæ, quam
sibi univit hypostaticè siue personaliter. Vult ergo so-
lummodo D. Thomas, quod in Angelis, in quibus
essentia & natura realiter distinguuntur ab hypostasi siue
personalitate, quæ in probabiliori sententia Thomæ
statum est ipsarum existentia & subsistentia, ut dice-
mus in eodem tract. de Incarnat. Essentia & natura de
se foret communis: sed quia per existentiam, & sub-
sistentiam, per quam ultimè completur, & termi-
natur, redditur incommunicabilis, siue in seipsa subsi-
stens incommunicabiliter, proindeque de uno solo
prædicabilis, quod est proprium individui: Ideo essen-
tia, & natura Angeli prout est radix suæ propriæ exis-
tentia & subsistentiæ, est principium individuationis,
non purè numericæ, sed etiam simul ac semel specificæ:
atque ita quarvis nec sit materia, nec ad modum ma-
teriæ se habeat locum tamen materiæ tenet quantum
ad individuationem, sed non quantum ad ejus multi-
plicationem.

Respondent 3. Quodd ad multiplicationem purè nu-
mericam & individuale sufficit hæc entitas, sic quodd
forma Angeli sit hæc & non alia: sic ad multiplica-
tionem purè numericam & individuale hominum in

una eademque specie sufficit, quod quilibet eorum sit hic & non alius.

Sed contra. Vel illa hæcceitas est aliquid realiter distinctum ab ipsa forma Angeli, ipsique superadditum, vel non. Si distinguitur, contra est, quod Angeli ex sua essentia exigunt esse similes Deo, quantum patitur creaturæ conditio, juxta nostrum primum principium: unde præter distinctionem realem essentiae, & naturæ ab existentia, & subsistentia, in cujus simplicitate nequeunt esse Deo similes, ut jam diximus nullam aliam realem distinctionem admittunt; sed divinam æmulantur puritatem & simplicitatem. Si autem hæcceitas illa non distinguitur realiter à forma, non potest facere distinctionem aliquam nisi realiter sit formalis, proindeque essentialis, & specifica: & sic semper manet, quod distinctio erit individualis simul & specifica, & nunquam purè numerica.

Respondent 4. quod forma quamvis det speciem rei, potest nihilominus solo numero multiplicari. Etenim anima rationalis constituit hominem in sua specie, & tamen solo numero multiplicatur.

Sed contra est, quod anima rationalis non multiplicatur numericè per seipsam, sed per habitudinem quam dicit ad materiam: non negamus autem quin distinctio purè numerica & individualis possit exerceri in forma, sed dicimus quod non potest radicaliter provenire nisi à materia.

Respondent denique quod juxta D. Thomam, & Thomistas, non requiritur materia prima ad multiplicationem purè numericam, & individualement accidentium, sed sufficit aliquid habens rationem materiæ, scilicet subiectum, quod solet materia secunda nuncupari: unde in ipsis etiam Angelis accidentia individuuantur ab eorum substantia tanquam à suo subiecto, & per habitudinem ad ipsum solo numero multiplicantur, sicut plures actus intellectus, & similiter plures actus voluntatis Angelorum. Cur ergo eadem substantia non poterit multiplicare eosdem Angelos sicut eorum accidentia?

Sed hæc responsio facilè refellitur: quia sicut substantia Angelorum non potest habere rationem mate-

*Quaestio I. De Existētia, Essentia,
ria, sive subiecti respectu eorumdem Angelorum, sed
tantum respectu accidentium ipsorum; ita non potest
multiplicare numericè ipsos Angelos, sed tantum eorum
accidentia.*

§. XI.

*Soluntur obiectiones, praesertim illa qua sumun-
tur ex autoritatibus*

*D. Augustini, & D. Thoma, qua communiter
uel non proponuntur, uel non satis exponuntur.*

Obiic. I. D. Augustinus lib. 3. de libero arbitrio cap.
12. ait: *si omnis angelica natura ab eius (scilicet
Dei) praeceptis peccando defecisset, maiestate sua
decentissimè, atque optime regeret omnia. Et pauld
post subdit: Non enim uel bonitas eius quasi al-
quotadio, uel omnipotentia difficultate deficeret
ad creando alios, quos in eis sedibus collocaret,
quas peccando alii deseruissent. Ex quo sic forma-
tur argumentum. Angeli qui tunc de novo crearentur,
essent ejusdem speciei, & solo numero distinguerentur
ab illis qui cecidissent. Ergo saltem de potentia Dei
absoluta possunt plures Angeli esse ejusdem speciei.
Prob. antec. D. Thomas docet 1. p. qu. 62. art. c. 6.
quod Angeli consequuntur gratiam, & gloriam juxta
proportionem suae naturae, ut explicabimus postea suo
loco. Ergo si Angeli de novo creati forent in eodem
gradu gratiae, & gloriae ac alij, sive in eisdem sedibus
collocarentur, forent etiam ejusdem naturae, sive
speciei.*

*Resp. neg. antec. ad cujus probationem dico verum
esse quod de potentia ordinaria Angelis conferuntur
gradus gratiae, & gloriae juxta gradum naturae: sed de
potentia extraordinaria aliter fieri potest: Imò de fa-
cto homines quamvis sint diversae speciei, assumuntur
ad easdem sedes, quas Angeli apostatae deseruerunt. Illi
ergo Angeli, qui de novo crearentur, quamvis forent
etiam diversae speciei, in eisdem tamen sedibus collo-
carentur, quas alij deseruissent. Haec est solutio Ca-
pree in 2. dist. 3. qu. 1. art. 3. ubi praesentem dist.*

cultatem explicat cum incredibili subtilitate.

Ob. 2. D. Thomas opusc. 16. de unitate intellectus contra Auerroistas, sic habet. *Valde ruditer argumentantur ad ostendendum, quod Deus facere non posset, quod sint multi intellectus eiusdem speciei, credentes hoc includere contradictionem. Dato enim quod non esset de natura intellectus quod multiplicaretur, non propter hoc oporteret, quod intellectum multiplicari includeret contradictionem. Nihil enim prohibet aliquid non habere in sua natura causam alicuius, quod tamen habet illud ex alia causa: sicut grave habet ex sua natura, quod non sit sursum; tamen grave esse sursum non includit contradictionem: sed grave esse sursum secundum suam naturam, contradictionem includeret. Sic ergo intellectus si naturaliter esset unus omnium, quia non haberet naturalem causam multiplicationis, posset tamen sortiri multiplicationem ex supernaturali causa; nec esset implicatio contradictionis. Quod non tantum dicimus propter propositum: sed magis ne hac argumentandi forma ad alia extendatur: sic enim posset concludere, quod Deus non potest facere, quod mortui resurgant, & quod cæci ad visum reparentur. Ex quo sic formatur argumentum. Si Angeli non possent solo numero multiplicari intra eandem speciem, maxime quia non habent principium huiusmodi multiplicationis, scilicet materiam primam: in hoc enim consistit tota nostra ratio. Sed hoc non impedit: quia juxta auctoritatem jam allatam, licet ex hoc sequatur, quod Angeli non possint naturaliter solo numero multiplicari; semper tamen manet, quod multiplicari possunt supernaturaliter. Ergo.*

Resp. negando maiorem. Non enim ex hoc præcisè quod Angeli non habent ex natura sua principium multiplicationis purè individualis, & numericæ, sive materiam primam, inferimus quod multiplicari non possunt etiam per absolutam, & extraordinariam Dei potentiam: sed ex hoc quod habent naturam huius principio contrariam, sive quod essentialiter sunt formæ simplices, quæ nullam prorsus materiam compati

possunt. Sicut ruditer argumentaretur, qui ex hoc quod homo cæcus non habet principium visus, nec homo mortuus principium vitæ, vellet inferre quod Deus nec cæcum posset illuminare, nec mortuum suscitare. Sed argumentatur optimè, qui ex hoc quod lapis habet naturam contrariam principio visus, & vitæ, infert quod nequidem divinitus fieri potest, quod lapis vel videat, vel vivat. Et ratio huius est, quia Deus potest quidem agere præter & supra naturam rerum, sed non contra naturam earum: sic homini confert gratiam, quæ est præter & supra ejus naturam sed non potest eum reddere irrationalem, quod esset contra ipsius naturam. Sic non esset solummodo præter & supra, sed etiam contra naturam Angelorum, quod solo numero multiplicarentur: & ideo hoc nullatenus fieri potest. Hæc solutio, quæ multo magis satisfacit quam illa, quæ communiter dari solet, est doctissimi Ioannis à S. Thoma R. 1. q. 51. de Angelis disp. 19. art. 3.

Ob. 5. Quamvis concederetur, quod multiplicatio individuum intra eandem speciem non potest naturaliter fieri nisi per materiam, vel aliquid habens rationem materiæ; attamen Deus posset aliquid supernaturalis ipsi Angelorum substantiæ superaddere, quod etiam si non haberet rationem materiæ, nihilominus huiusmodi multiplicationem faceret.

Resp. hoc negando, quia quidquid Deus superaddere posset, totum hoc foret extrinsecum, & accidentale ipsi substantiæ Angelorum, utpote ipsi jam in se ipsa constituta superveniens: unde non posset facere multiplicationem individualement in substantiis, quia secundum omnes Philosophos talis multiplicatio est intrinseca, & substantialis.

Obic. 4. quod natura specifica cuiuslibet Angeli non posset communicari pluribus personis, vel hoc proveniret ex perfectione, vel ex imperfectione: non ex perfectione, quia natura divina est maxime perfecta, & tamen pluribus personis communicatur: non etiam ex imperfectione, quia natura humana est longè imperfectior angelica, & tamen pluribus quoque personis communicatur. Ergo angelica similiter pluribus communicari potest.

Resp. hoc non provenire ex perfectione præcisè, neque præcisè ex imperfectione, sed ex utraque simul, sive ex perfectione admixta imperfectioni: ex eo nempe quod perfectio naturæ angelicæ major est perfectione naturæ humanæ, & ideo excludit materiam, per quam humana multiplicatur; sed abunde perfectio ejus est finita, & limitata, & idcirco non potest communicari pluribus personis sicut natura divina, quæ ita communicatur propter suam perfectionem infinitam, & illimitatam, ut diximus agendo de mysterio SS. Trinitatis.

Obiic. 5. Deus potest annihilare Gabrielem, & postea reproducere Angelum ejusdem speciei. Sed iste Angelus reproductus non esset idem numero cum illo annihilato. Ergo esset distinctus intra eandem speciem. Prob. mi. D. Thomas docet, ut suo loco videbimus, quod si post mortem hominis non remaneret anima rationalis, non posset idem numero homo resurgere. Ergo cum nihil de Angelo annihilato remaneret, non posset idem numero reproduci.

Resp. ne. mi. ad cujus probationem concessio antecedente nego consequ. ratio discriminis inter resurrectionem, & reproductionem est, quod resurrectio exigit existentiam partis hominis, qui resurgit, scilicet animæ rationalis, unde si per mortem tam anima hominis, quam corpus ejus destrueretur, non posset resurgere; quamvis posset idem numero reproduci, non minus quam Angelus: reproductio enim est iterata creatio, quæ cum fiat ex nihilo, non exigit quod remaneat aliquid ejus, qui debet reproduci: unde licet nihil de Angelo annihilato remaneret, idem tamen numero reproduci posset. Et quamvis actiones, quibus Gabriel primò produceretur, & postea reproduceretur, forent actiones distinctæ virtualiter, esset tamen idem terminus: quia ad differentiam actionum non requiritur necessariò differentia terminorum; sed sufficit differentia temporis, & aliorum hujusmodi, quæ explicantur à Philosophis.

Ob. 6. Si quilibet Angelus esset in sua specie unicus, ita ut non possent dari plures, sequeretur quod quilibet eorum esset infinitus: contingeret enim omnem per-

488 *Quæstio I. De Existentiâ, Essentiâ,*
fectionem in sua specie possibilem, absque ulla prorsus
limitatione. Sed falsum est consequens: quia soli
Deo convenit esse infinitum. Ergo falsum etiam ante-

Resp. cum distinctione. Quilibet Angelus esset infi-
nitus, secundum quid, & in sua specie, conc. propter
rationem jam dictam: quia Angelus non est infinitus,
& limitatus intra suam speciem ad aliquam ejus veluti
portionem, sed totam ejus plenitudinem importat abs-
que restrictione. Esset infinitus simpliciter, & in omni
genere, ne. Quilibet enim Angelus remanet finitus, &
limitatus in ratione entis, eo quod ejus essentia, &
existentia, sicut natura, & subsistentia realiter distin-
guuntur, sicut explicuimus in tract. de attributis Dei,
agendo de ipsius infinitate, ubi ostendimus, quod ipsi
soli convenit absoluta, & omnimoda infinitas.

Obijciunt ultimò aliqui, ut refert Gonetius, quod
tres isti articuli: *Quia intelligentia non habent ma-*
teriam Deus non potest facere plures ejusdem spe-
ciei. Deus non potest multiplicare individua sub
una specie sine materia. Forma non recipiunt divi-
sionem nisi secundum materiam. Olim fuere pro-
feripti, & damnati ut erronei ab Academia Pari-
sienfi.

Respondeo quod illa censura non fuit lata nisi contra
Averroistas, qui dicebant non posse dari nisi unicum
intellectum omnium hominum, eoquod in sua entitate
non importat materiam, quasi ad multiplicationem
purè numericam, & individuales non sufficeret ha-
bitudo, quam intellectus, & anima rationalis dicunt
ad materiam. Sed quia successu temporis dixerunt ali-
qui, quod per hujusmodi censuram doctrina D. Tho-
mæ erat condemnata, ideo anno 1325. Stephanus Epis-
copus Parisiensis, & universitatis caput, totâ univer-
sitate convocata, & consentiente, prædictam censu-
ram penitus annullavit, & doctrinam nostri angelici
Præceptoris magnis celebravit encomiis, quæ retuli-
mus initio nostræ moralis D. Thomæ, sub titulo uni-
versitatis Parisiensis: integrum autem diploma refertur
apud Bergomensem initio tabulæ aureæ. Addit Gonet-
ius, librum illum Academiæ Parisiensis, qui prædi-

etiam continebat censuram, fuisse transcriptum, & librorum prohibitorum catalogo inscriptum.

Utrum in Angelis ratio individualis distinguatur a ratione virtualiter à ratione specifica. Et utrum species angelica, licet plura sub se individua nec habeat, nec habere valeat, nihilominus possit fieri universalis, sunt difficultates purè Philosophicæ, quas idcirco prætermitto.

§. XII.

Utrum Angeli sint ex natura sua incorruptibiles, & immortales. Vera Conciliatorum intelligentia, quorum communis expositio non videtur plenè satisfacere. Auctoritas D. Thomæ notatu dignissima.

Adv. 1. Quòd incorruptibilitas, & immortalitas hæc sumuntur latè p[ro]ut excludunt omne genus destructionis. Patentur autem omnes Doctores, quòd Angeli dici debent ex natura sua incorruptibiles, & immortales respectivè ad agentia creata, quia nullum est agens quòd ipsos possit destruere: sed utrum dici possint tales absolutè, & respectivè etiam ad ipsum Deum, est difficultas.

Adv. 2. quòd Deus dupliciter considerari potest in proposito: vel ut operans juxta suam potentiam ordinariam, sive conformiter ad naturæ leges à sua providentia stabilitas: vel ut operans juxta suam potentiam extraordinariam, & absolutam, sive præter & supra hujusmodi leges. Patentur quoque omnes Doctores, quòd Deus potest absolutè Angelos destruere, sive annihilare: sed tota difficultas est, utrum hoc possit etiam de potentia ordinaria; atque ita respectivè ad Deum Angeli dici possint ex natura sua corruptibiles, & mortales: quidam affirmant: sed communiter alij tam extra quam intra Scholam D. Thomæ negant.

Conc. Angeli dici debent incorruptibiles, & immortales ex natura sua etiam respectivè ad Deum, proindeque simpliciter, & absolutè loquendo.

Probari communiter solet ex Concilio generali decimo septimo, sive Lateranensi 5. sub Leone 10. ubi in Bulla à S. Pontifice promulgata toto approbante Concilio diffinitur immortalitas animæ rationalis. Ergo à fortiori Angeli utpote perfectiores animâ, sunt immortales. Sed hoc argumentum non est convincens: quia in prædicta bulla diffinitur quidem animam esse immortalem; sed utrum sit talis ex natura sua, & nedum respectivè ad agentia creata, sed etiam respectivè ad Deum, de hoc ne verbum quidem habetur in ipsa.

Nostra tamen conclusio satis clarè insinuat in huiusmodi bulla, sic enim in ea habetur. *Hoc sacro approbante Concilio damnamus, & reprobamus omnes asserentes animam intellectivam mortalem esse &c.* Cum illa non solum verè per se & essentialiter humani corporis forma existat, sicut in canone felicis recordationis Clementis Papa 5. prædecessoris nostri in generali viennensi Concilio edito continetur, verum & immortalis. Ubi videtur S. Pontifex velle, quod anima est immortalis eodem modo ac est forma corporis. Sicut ergo secundum omnes Doctores est forma corporis ex natura sua, & etiam respectivè ad Deum, ita & immortalis. Ergo etiam Angeli sunt eodem modo incorruptibiles, & immortales.

Prob. 2. Autoritate, & ratione D. Dionys. cap. 4. de div. nominibus, ubi loquens de intelligentiis ait: *vitam habent sempiternam, & indeficientem, ab omni corruptione, ac morte, & materia generationeque libera.* Ubi nedum conclusionem nostram tradit; sed etiam præcipuam ejus rationem: quod nimirum sicut Angeli sunt ab omni materia exempti, ita etiam ab omni corruptione, & morte. Cum igitur Angeli sint immateriales ex natura sua, & etiam respectivè ad Deum; ita ut tam implicet, quod Deus eos materiales reddat, quàm quod homines reddat irracionales: ita simili modo sunt incorruptibiles, & immortales; ita ut quamvis Deus eos absolute possit annihilare, nequeat tamen facere, quàm juxta potentiam ejus ordinariam ex natura sua postulent incorruptibilitatem, & immortalitatem. Hæc est etiam ratio D. Thomæ 1. p. qu. 50. a. 5.

Confir. Quia ut docent omnes Philosophi, tunc lo-
lummodo aliquid est corruptibile, & mortale ex natu-
ra sua, quando habet materiam primam, quæ non
plenè satiatur per formam quam possidet: nam inde
fit, quòd alteram formam appetat, quæ destruit illam
quam habet: nam etiam si aliquid materiam primam
importet, si tamen plenè satiatur per formam, non de-
finit esse ex natura sua incorruptibile: unde cæli sunt
ex natura sua incorruptibiles, quia licet ex materia, &
forma componantur; attamen eorum forma totaliter
satiatur, & replet appetitum materiæ. Igitur à fortiori
Angeli dici debent ex natura sua incorruptibiles, &
immortales: quia quamvis concederemus eos constare
ex materia etiam prima; nihilominus forma eorum
angelica, utpote longè perfectior, totum materiæ suæ
replet appetitum, multò magis quàm forma cæ-
lestis.

Nec valet, quòd Deus absolutè possit formam ealorum
ab eorum materia separare; atque ita ipsos corrup-
pere, sive destruere: sufficit enim ad hoc ut simplici-
ter, & absolutè loquendo etiam respectivè ad Deum di-
cantur incorruptibiles, quòd exigant ex natura sua juxta
leges ordinarias à divina ipsius providentia stabilitas,
concursum quo eorum materia, & forma semper unitæ
conserventur, atque ita ipsi incorruptibiles perseve-
rent. Similiter ergo, quamvis Angeli absolutè possint
à Deo annihilari, sufficit quòd ex natura sua juxta or-
dinarias divinæ providentiæ leges exigant concursum,
quo semper conserventur, atque ita incorruptibiles, &
immortales perseverent.

Prob. 3. autoritate, & ratione desumpta ex S.
Cyrillo Alexandrino lib. 8. Thesauri contra hæreti-
cos cap. 2. ubi sic loquitur. *Et si Angelus immortalis*
quædam res est propter voluntatem, & gratiam
salvatoris, sed tamen quoniam originem habuit, &
esse capit, occidere quoque potest, & non esse. Nam
quæ natura præcipue insunt, ea respectu creato-
ris Dei nihil sunt. Quare sicut ignis combustivus
quidem est, sed non Deo; sic & Angelus immorta-
lis quidem est, sed non Deo. Solum enim Deus pro-
prie immortalis est, quia naturaliter ita habet.

492 *Quaestio 1. De Existencia, Essentia,*
cetera per gratiam, sicut creatura. Ubi nedum con-
clusio, & ratio nostrae conclusionis traditur; sed etiam
regula generalis insinuat ad exponenda, & concili-
anda SS. Patrum testimonia, ut videbimus solvendo
objectiones.

Sic igitur formatur argumentum. Non minus Ange-
lus est incorruptibilis, & immortalis, quam ignis com-
bustivus. Sed fatentur omnes, etiam ipsi adversarij,
quod ignis ex natura sua est combustivus etiam respec-
tive ad Deum: quia quamvis Deus juxta suam po-
tentiam extraordinariam, & absolutam possit denega-
re igni suum concursum ad comburendum; imò etiam
uti ipso tanquam instrumento ad refrigerandum, sicut
fecit in fornace Babylonis: nihilominus juxta leges
providentiae ignis ex natura sua exigit, ut talis con-
cursus ad comburendum ipsi non denegetur, sed potius
detur. Ergo cum similiter Angeli quamvis fiat annihila-
biles, nihilominus exigant concursum, quo semper
conserverentur, sunt similiter incorruptibiles, & im-
mortales.

Respondent adversarij, quod ignis ita exigit con-
cursum ad comburendum, ut ipsi violentia inferretur, si
denegaretur.

Sed simili modo dicimus, quod cum Angelus non
minus positivam inclinationem habeat ad semper exis-
tendum, quam ignis ad comburendum, non minor
inferretur violentia Angelo quam igni, si talis concur-
sus utrique denegaretur. Quamvis revera falsum sit,
quod Deus inferret violentiam sive igni sive Angelo,
talem concursus denegando: quia juxta egregiam D.
Thomae doctrinam in tract. de actibus humanis ex-
plicandam, Deus non potest violentiam inferre suis crea-
turis, sive aliquid dando, sive denegando, propter
inclinationem generalissimam, quam eis omnibus in-
didit, ad obediendum ipsi in omnibus.

Et hoc est quod D. Cyrillus insinuat in his verbis:
qua naturis praecipue insunt, ea respectu Dei crea-
toris nihil sunt: quasi diceret, quantumcunque crea-
tura naturalem inclinationem ad aliquid habeant, si
tamen Deus earum creator de ipsis aliter disponere vol-
verit, illico omnis illa naturalis & particularis incli-

natio cessat, & ipsi prædominatur illa omnium inclinationum naturalissima, & generalissima obediendi Deo etiam cum propria sui destructione.

Prob. 4. & inferitur ex nostro primo principio. Deus creavit Angelos sibi simillimos, quantum patitur creaturæ conditio. Sicut igitur Deus simpliciter, & absolute loquendo est incorruptibilis, & immortalis, ex natura sua, ita etiam Angelus: cum hoc tamen discrimine, quod Deus ita est incorruptibilis, & immortalis ex natura sua, ut hoc ei conveniat ex seipso independentem à quacunque causa, quod non patitur creaturæ conditio; & ideo Apostolus 1. ad Timoth. 6. de Deo ait: *qui solus habet immortalitatem*. At verò Angeli incorruptibilitatem quidem, & immortalitatem habent ex natura sua, sed tamen dependentem à Deo, sicut creaturæ conditio pati potest.

Hanc rationem tradit angelicus Doctor 2. contra gentes cap. 30. his verbis. *Ad divinam perfectionem pertinet, quod rebus creatis suam similitudinem indiderit, nisi quantum ad illa quæ repugnant ei quod est esse creatum; agentis enim perfecti est producere sibi simile, quantum possibile est. Esse autem necesse simpliciter, non repugnat ad rationem esse creati; nihil enim prohibet aliquid esse necesse, quod tamen sua necessitatis causam habet, sicut conclusiones demonstrationum, Nihil igitur prohibet, quasdam res sic esse productas à Deo, ut tamen eas esse sit necesse simpliciter; imò hoc perfectioni divinæ attestatur*. Sicut ergo conclusiones demonstrationum ex natura sua necessariae sunt, etiam respectivè ad sua principia; imò hoc à suis principiis habent: ita Angeli absolutam existendi necessitatem, proindeque incorruptibilitatem, & immortalitatem habent, etiam respectivè ad primum rerum omnium principium, sive Deum; imò hoc habent ab ipso Deo.

Plures aliæ rationes videri possunt apud sanctum Doctorem in eodem capite 30. & cap. 55. ejusdem libri: nam quia difficultas ista revera non concernit substantiam doctrinæ, in qua omnes conveniunt, sed

494 *Quaestio 1. De Existencia, Essentia,*
solummodo terminos, & modum explicandi, in quibus dissentunt: ideo in ipsius resolutione nolo immorari, nisi quatenus datur occasio explicandi concilia juxta veram ipsorum intelligentiam.

Obicitur 1. In sexta Synodo generali, quae est Constantinopolitana tertia, lecta fuit epistola Sophronij Archiepiscopi Hierosolymitani actione ij. & postmodum approbata actione 13. his verbis. *Pertractavimus autem & Synodica Sophronii &c. Et hac repicientes cum vera fide convenientia, apostolicisque & sanctorum atque probabilium Patrum doctrinis paria, utpote quae sunt orthodoxa, receptimus, & ut salubria sancta, catholica, & apostolica Ecclesiae suscepimus.* In hujusmodi autem epistola sic expresse de Angelis, & animabus rationalibus habetur. *Nullatenus quidem moriuntur, neque corrumpuntur, iuxta quod sensibilia defluunt, atque pertranscunt; non tamen sunt immortalia per naturam, neque in essentiam incorruptibilem transcunt; sed gratiam eis largitus est (scilicet Deus) a corruptione ea, & morte coercentem. Sic hominum anima permanent incorrupta; sic Angeli immortales perseverant: non naturam revera, sicut assertum, incorruptam, proprieve immortalem habentes essentiam, sed gratiam a Deo sortiti sunt, qua immortalitatem largitur, & incorruptionem eis providet.* Ergo Angeli sunt ex natura sua corruptibiles, & mortales respectu potentiae Dei.

Respondetur communiter, gratiam ibi sumi non strictè, sed largè, prout complectitur etiam ipsam naturam, quam Deus nobis gratis concedit. Quod autem ipsa natura in hoc sensu dicatur gratia, patet, tum ex D. Augustino enarratione in Plal. 144. circa medium, ubi sic habet: *Attendamus ergo gratiam Dei, non solum quâ facit nos, verum etiam quâ refecit.* Tum etiam ex D. Thoma 2. sent. dist. 26. qu. 1. a. 1. ad 2. ubi ait: *omnes naturales bonitates gratia dici possunt, quia gratis a Deo dantur.*

Hæc tamen solutio, nisi magis explicetur, non sufficit: quamvis enim verum sit, quod sub nomine gratia intelligi possunt etiam gratuita naturæ dona; at-

iam: n

tamen tota difficultas in hoc consistit quòd ibi nedum asseritur Angelos habere incorruptibilitatem, & immortalitatem, per gratiam, sed etiam negatur eos ipsam habere per naturam: si autem gratia lumeretur prout idem est ac ipsa natura, constat quòd dici deberet Angelos per utramque, nimirum tam per naturam, quam per gratiam habere incorruptibilitatem, & immortalitatem. Ergo aliter intelligi debet Concilium.

Augetur difficultas ex hoc quòd ibidem immediate subditur: *hominum anima gratiâ Dei corruptionem repulerunt, qua omnibus creaturis naturaliter insidet.* Ergo tam Angeli quam aliæ creature naturaliter sunt corruptibiles, quod intelligi nequit nisi per ordinem ad absolutam potentiam Dei.

Ut ergo veram hujus Concilij intelligentiam habeamus, considerandum est, quòd incorruptibilitas, & immortalitas dupliciter considerari potest: vel strictè, & propriè, & sic in modo loquendi Patrum, & Doctorum significat omnimodam immutabilitatem, itaut non dicatur aliquid hoc modo incorruptibile, & immortale, nisi quod nullatenus destrui, uel annihilari potest: & hoc est solius Dei proprium; nec potest ullo modo sive per naturam, sive per gratiam competere creaturis, nequidem ipsis Angelis. Alia est incorruptibilitas, & immortalitas latè, & minùs propriè sumpta, ratione cujus aliquid juxta potentiam Dei ordinariam exigit, ut si semel producat, semper conservetur; licet juxta potentiam ejus extraordinariam annihilari possit: & talis est incorruptibilitas, & immortalitas, quæ convenit Angelis, & animabus nostris, eamque habent: & per naturam, & per gratiam; sive per gratiam ut complectitur gratuita dona creationis, & conservationis.

Quòd autem hæc sit vera mens Concilij, patet I. ex hoc quòd in autoritate jam relata expressè sic dicitur: *Sic Angeli immortales perseverant: non naturam revera, sicut asserui, incorruptam propriè & immortalē habentes essentiam.* Ergo Concilium denegat Angelis solam incorruptibilitatem, & immortalitatem propriè, & strictè sumptam, non autem sumptam latè, & minùs propriè.

2. Regula generalis ad veram Conciliorum intelligentiam assequendam, sicut & Sanctorum Patrum, & Doctorum est, semper habere prae oculis contra quos haereticos loquantur. In praedicto enim Concilij loco sermo est contra haereticos Origenistas, qui dicebant animas nostras (& idem esset à fortiori de Angelis) semper ab aeterno fuisse, sicut semper erunt: unde Concilium nihil aliud vult, quam negare eas semper fuisse, quasi incorruptibilitatem, & immortalitatem haberent ex natura sua, independenter ab ulla causa: sed eas fuisse productas in tempore per gratiam, & beneplacitum Dei, à quo in omnibus, & per omnia earum natura dependet. Uade sic immediatè subditur in eadem epistola: *Sed non idcirco quòd hominum anima gratiā Dei corruptionem repulerunt, quā omnibus creaturis naturaliter insidet, ideo & ante corpora eas fuisse suspicabimur, vel ante huius visibilis mundi prolationem, atque compaginem in sempiterna quadam vita positas arbitrabitur, vestamque habuisse caelestem asseremus, incarnatam, seu incorpoream vitam virventes perpetuam in caelo aliquando non existentis, sicut Origenes erroneus constituit, & huius complices, atque consentanei, Diadymus, & Evagrius, & reliqua earum fabularum excogitatrix sodalitas.*

3. Quòd ita etiam loquantur Patres, patet ex auctoritate jam relata D. Cyrilli, ubi ait: *Angelus immortalis est propter voluntatem, & gratiam Salvatoris: sed tamen quoniam ortum habuit, & esse caput, occidere quoque potest. & non esse.* Et postea subdit: *solus Deus propriè immortalis est, quia naturaliter id habet: scilicet quòd semper sit, & nec ortum, nec interitum habere possit.* Ubi notandum est hoc vocabulum, *propriè*, quia à D. Cyrillo sicut & à generali Concilio attribuitur soli Deo immortalitas propriè, & strictè sumpta, Angelis verò immortalitas latè, & minùs propriè dicta.

4. Quòd Doctores simili quoque modo loquantur, constat ex egregia, & notatu dignissima auctoritate nostri Doctoris Angelici I. ad Timoth. 6. scēt. 3. ubi explicans illud Apostoli, qui solus habet immortalita-

tem, sic ait : In qualibet mutatione est quadam corruptio, quia omne quod mutatur in quantum huiusmodi, desinit esse tale. Illud ergo propriè & vere est incorruptibile, quod penitus est immutabile. Qualibet autem creatura in se considerata habet aliquam mutationem, vel mutabilitatem: Deus autem est omnino immutabilis: sed si aliqua creatura est immutabilis, hoc convenit ei ex dono gratiæ. Et ex hoc ostendit, quod natura Dei transcendit omne quod est in natura creata. Ubi sanctus Doctor loquitur omnino conformiter ad Concilium: nam utitur eodem ad verbio, propriè, soli Deo attribuendo propriam, & veram incorruptibilitatem, & immortalitatem. Dicit quoque quamlibet creaturam, proindeque etiam Angelos, in se consideratam, idest juxta naturam suam esse mutabilem, & in hoc sensu corruptibilem, & mortalem: & tamen cum ubicumque hanc difficultatem exponit, semper dicat Angelos ex natura sua incorruptibiles esse, & immortales, non potest intelligi quod dicit, eos esse tales ex dono gratiæ, nisi gratiam sumat pro natura gratis ab ipso Deo creata, sicut ipsemet loco citato ex 2. sent. ait, omnes naturales bonitates (qualis est in primis semper subsistere, & incorruptibilem, ac immortalem permanere) dici posse gratias, quia gratis à Deo dantur.

Replicabis. Remanet adhuc difficultas in hoc quod Concilium ait: corruptionem omnibus creaturis (proindeque etiam Angelis) naturaliter insidere.

Responderi quidem potest ex communi solutione, quod corruptio, sive annihilatio, vel actu vel potentia, omnibus creaturis naturaliter insidet, quia omnes annihilari possunt, non per aliquam potentiam positivam, quia nulla creatura potest inclinationem habere ad sui annihilationem, ut patet ex D. Thoma, & ejus commentatoribus 1. p. q. 19. a. 9. & aliis locis ibidem ad marginem citatis: sed per potentiam negativam sive meram non repugnantiam, quatenus omnibus creaturis, quantum est ex natura sua, non repugnat, ut ab ipso Deo annihilentur.

Sed quamvis hæc solutio sustineri possit, nihilominus quia Concilium aliquid amplius insinuare videtur, ut

omnis prius circa ipsius auctoritatem tollatur scrupulus, concedo in omnibus creaturis nedum ineffe, sive insidere naturalem, & positivam, sed etiam naturalissimam, & maximè positivam inclinationem, non quidem ad annihilationem, sed ad obediendum Deo etiam annihilare volenti, juxta miram Doctoris angelici, & Discipulorum ejus doctrinam in prædicto tractatu de actibus humanis explicandam: & nihilominus dico, quod Angeli debent dici ex natura sua incorruptibiles, & immortales, etiam respectivè ad Deum: quia si eos annihilare vellet, Angeli libentissimè quidem, & naturalissimè obedirent ei, sed operanti juxta potentiam suam non ordinariam, sed extraordinariam, sicut jam satis explicuimus.

Obiic. 2. D. Ambrosius lib. 3. de fide cap. 2. ait: *Nec Angelus immortalis est naturaliter, cuius immortalitas in voluntate est creatoris.*

Resp. quod præter regulam generalem in præcedenti solutione traditam, altera superest explicanda, ut cum his duabus Regulis explicentur omnia testimonia. Sumitur autem ex D. Thoma 1. 2. qu. 9. artic. 2. ad 2. & qu. 50. artic. 5. ad 1. Duplex igitur distinguenda est immortalitas: una imperfecta, & purè naturalis, ratione cujus aliquis ex natura sua exigit semper in suo esse conservari: & hæc immortalitas est communis tam Angelis malis, quam bonis. Alia est immortalitas perfecta, & moralis, ratione cujus aliquis ita est confirmatus in vita gratiæ, ut non possit amplius incurrere mortem peccati: & hæc immortalitas non convenit Dæmonibus, sed solis Angelis beatis. De ista immortalitate morali, & perfecta loquitur D. Ambrosius, & certum est quod non convenit per naturam, sed per solam gratiam strictè, & simpliciter dictam.

Quod hæc sit vera mens D. Ambrosij patet ex his, quæ ibidem præmittit, & subiungit. Sic enim præmittit: *Apostolus cum sciret quod animam & Angelos immortales, quod solus Deus immortalitatem habeat, predicavit: Nam & anima moritur: Anima enim quæ peccat ipsa morietur.* Deinde subiungit: *Ergo corruptibilis, & mortis ei usque non morietur, ut peccet, & ipsa tamen est omnis creatura. Nec ex-*

immortali natura habet, sed ex disciplina uel gratia, si se in aliquibus ad vitia non mutat. Ubi patet, quod supponit tanquam indubitatum, Angelos habere ex natura sua prædictam immortalitatem imperfectam: sed perfectam immortalitatem, quæ dicere omnimodam immutabilitatem, nedum de esse ad non esse, sed etiam de bono in malum, siue immortalitatem simul & impeccabilitatem soli Deo attribuit per naturam, & Angelis per gratiam, quo nihil verius dici potest.

ARTICULUS III.

De Angelorum creatione.

Non sunt speciales difficultates circa creationem Angelorum, nisi quantum ad tempus, & locum, de quibus breviter agendum est, quia pertinent potius ad Theologiam positivam, quam ad scholasticam.

§. I.

Verum Angeli fuerint creati ante mundum corporeum.

Apparens D. Thomæ contrarietas tollitur opere probabilitatis.

Affirmant omnes ferè Patres Græci: econtra negant omnes ferè Patres Latini.

Concl. Angeli non fuere creati ante mundum corporeum. Ita tenent omnes scholastici Doctores cum D. Thoma 1. p. qu. 61. a. 3.

Prob. 1. ex scriptura sacra. Colligitur enim ex 20. cap. Exodi, ubi dicitur: *sex diebus fecit cælum, & terram, & omnia quæ in eis sunt.* Sed Angeli sunt in mundo, & in cælo. Ergo intra spatium illorum sex dierum à Deo sunt conditi. Ergo non ante cælum, & terram, quæ Deus initio sex dierum creavit.

Prob. 2. ratione D. Thomæ loco citato. Angeli sunt partes universi, & unà cum creaturis corporeis ut-

totum quoddam integrale componunt, quod apparet ex ordine unius creaturæ ad aliam: nulla autem pars perfecta est à suo toto separata: & ideo Deus, *cujus perfectissima sunt opera*, sicut dicitur Deuter. 32. non produxit Angelos seorsum ante alias creaturas.

Dices, Angelos non esse partes universi, nisi quia ipsum movent, regunt, & administrant: quod autem hoc modo habet rationem partis, retinet suam perfectionem extra totum, ut patet in gubernatore extra navim, & duce extra exercitum. Ergo ratio D. Thomæ non convincit.

Sed in primis falsum est, quod Angeli sint partes universi propter solam ipsius administrationem; sunt enim partes ejus etiam quoad suam entitatem: nam ut ostendimus initio hujus tractatus, universum non esset integrum, nec haberet totam perfectionem, quam connaturaliter exigit, nisi omnes gradus essendi contineret, ad quod requiritur, ut dentur Angeli. Unde Angeli, si ante universum fuissent creati, fuissent entitativè imperfecti tanquam partes sine suo toto. Sed gubernator, & dux quoad entitatem suam, indifferenter se habent ad navim, & exercitum, nec ea respiciunt tanquam partes totum: unde sine ipsis sunt entitativè perfecti. 2. Quamvis Angeli non essent partes universi nisi propter solam administrationem, sicut gubernator navis, & dux exercitus: attamen adhuc est aliud discrimen, quod gubernator cum nave, & dux cum exercitu non faciunt nisi compositum artificiale; de cujus ratione est ut pars extra totum remaneat perfecta naturaliter, sicut patet in iisdem exemplis gubernatoris: & ducis, sed Angeli cum universo faciunt totum naturale, quia universum connaturaliter exigit administrari ab Angelis, ut dicemus agendo de ipsorum Hierarchiis, & ordinibus: sunt igitur partes integrales, sive pertinentes ad integritatem totius universi tanquam compositi naturalis: hujusmodi autem partes à toto separatae sunt naturaliter imperfectae, ut patet in manibus, & pedibus à corpore separatis: unde sicut non fuisset conveniens, quod Deus manus, & pedes produxisset ante alias humani corporis partes: ita non fuit conveniens, quod produceret Angelos ante

alias
tor, &
sint im
tu: C
cere po
quem
imper
ducti:
in quib
debent
Ob.
ti, M
Genesi
Cum
est, c
nium
præsen
Rel
non m
turis
tuti ra
nymus
creati
modi
& va
in Ge
vider
Ad
corpo
duci,
Angel
rea de
prædi
Qu
Rel
calis
& pe
princ
aliunde
Unde
ubi M

alias universi creaturas. 3. Falsum est, quod gubernator, & dux formaliter, & reduplicative ut tales non sint imperfecti, si sumantur seorsim à nave, & exercitu: Quomodo enim suæ industriæ perfectionem exercere possent, si navem, & exercitum non haberent, quem regerent. ita & Angeli ut administratores fuissent imperfecti; si fuissent seorsim ab aliis creaturis producti: quia non habuissent creaturas saltem omnes illas, in quibus suæ administrationis perfectionem ostendere debent.

Ob. 1. Si Angeli fuissent cum mundo corporeo creati, Moyses fecisset aliquam eorum mentionem initio Genesis, rerum omnium creationem exactè describens. Cùm ergo nullam eorum mentionem faciat, signum est, quod jam antea fuerant creati. 2. Angeli sunt omnium creaturarum nobilissimæ. Ergo omnibus aliis præferri debuerunt, proindeque ante ipsas creati.

Resp. ad 1. Ideo Moysem creationis Angelorum non meminisse, quamvis simul cum aliis universi creaturis, & non antea producti fuerint: quia sui instituti ratio id non postulabat. Nam ut notat D. Hieronymus episcopus. 134. Moyses solummodo voluit ordinem creationis rerum corporalium describere: quia solummodo in creandis rebus illis corporeis fuit illa series, & varietas dierum, quam præcipuè Moyses explicare in Genesi intendebat. Aliæ hujus argumenti solutiones videri possunt apud scripturæ sacræ expostores,

Ad 2. Dico, quod sicut homo, quamvis aliis rebus corporeis nobilior, non debuit tamen prius illis produci, quia rerum natura aliter exigebat: ita quamvis Angeli sint creaturæ omnium nobilissimæ, non propterea debuerunt ante alias creari, quia propter rationes prædictas ordo universi aliter exigebat.

Quæres 1. Quando nam Angeli fuerunt creati.

Resp. in ipso primo instanti creationis simul cum calis, & elementis: quia sunt creaturæ nobilissimæ, & per se pertinent ad universum, tanquam partes ejus principales, multò magis quàm calis, & elementa: & aliunde nulla erat ratio, cur eorum creatio differretur. Unde venerabilis Beda initio exameron notat, quod ubi Moyses dixit: *In principio creavit deus calum,*

Quaestio I. De Existētia, Essentia,
 Et terram, statim subiungit: Terra autem erat
 inanis & vacua, supple: non autem calum, quod
 creatum fuit plenum Angelis.

Quæres 2. Quid dicendum sit de opposita sen-
 tētia.

Resp. Quod aliqui vocant eam erroneam, alij saltem
 temerariam, alij ad minus improbabilem, existimo
 juxta solitam nostri Sancti Doctoris modestiam, absti-
 nendum esse ab omni ejus censura. Etenim loco jam
 citato 1. p. qu. 61. a. 1. dicit solummodo, quod opi-
 nio sua videatur ipsi probabilior. Ergo insinuat opposi-
 tam quoque esse probabilem, licet minus. Et ibidem
 ita concludit: *Quamvis oppositum non sit reputan-
 dum erroneum, præcipue propter sententiam D. Gre-
 gorii Nazianzeni, cujus tanta est in Doctrina
 Christiana autoritas, ut nullus unquam ejus di-
 ctis calumniam inferre præsumserit: sicut nec
 Athanasii documentis, ut Hieronymus dicit.*

Dices 1. D. Thomas videtur sibi metipso contrarius
 in eodem articulo: Afferit enim expressè, non esse pro-
 babile, quod Deus Angelos ante alias omnes creatu-
 ras produxerit. Quomodo ergo sententiam illam insi-
 nuat probabilem, quam simul ac semel improbabilem
 asserit.

Resp. Quod juxta communem Probabilistarum Do-
 ctrinam, duplex est probabilitas: una intrinseca, quæ
 à ratione petitur: altera extrinseca, quæ petitur ab
 autoritate. Igitur Doctor Angelicus attendendo ad
 rationes, quibus sua sententia probari potest, &
 etiam opposita: illam oppositam judicavit improba-
 bilem: sed considerando autoritates, quibus opposi-
 ta illa sententia fulcitur, & præsertim autoritatem
 D. Gregorij Nazianzeni, eam probabilem reputavit:
 sic eam censuit improbabilem intrinsecè, & simul ex-
 trinsecè probabilem. Quod necessariò, & sæpè in ope-
 ribus ejusdem Sancti Doctoris, & aliorum sanctorum
 admitti debet: aliter enim eorum testimonia conciliare
 minime possemus, ut dicemus in nostra concordia tam
 rigidiorum, quam benigniorum Doctorum circa pro-
 babilitatem.

Dices 2. Sententiam Patrum Latinorum fuisse dif-
 fidentem.

finitam in generali concilio 12. Lateranensi 4. sub Innocentio 3, ubi cap. *Firmiter*, sic de Deo habetur: *simul ab initio temporis utramque de nihilo condidit creaturam, spirituales, & corporales, angelicam videlicet & mundanam, ac deinde humanam.* Ergo sententia Patrum Græcorum est erronea,

Resp. Quod illa particula, *simul*, non significat ibi simultatem temporis, sed paritatem creationis: & idem dicendū est de illo loco Eccli. 18. *creavit omnia simul.* sicut dum Psal. 48. dicitur. *Simul insipiens, & stultus peribunt*: idest, pariter, quamvis non eodem tempore moriuntur. Significat insuper æqualitatem intentionis Dei, qui nedum spirituales, sed etiam corporeas creaturas per se intendebat producere, & non tantum per accidens. Ratio hujus solutionis est, quod sicut supra dicebamus, ut veram habeamus conciliorum intelligentiam, debemus semper habere præ oculis, contra quos hæreticos loquantur: etenim prædictum concilium loquitur solummodo contra Origenistas, qui dicebant solas creaturas spirituales primò & per se à Deo fuisse productas, corporeas verò secundariò tantum & per accidens ad spirituales puniendas: vult ergo concilium eas omnes fuisse pariter de primaria, & directa intentione creatoris. Hæc est interpretatio nostri Doctoris angelici opusc. 22. de expositione primæ decretalis, ubi sic loquitur. *Fuit error Origenis ponentis, quod Deus à principio creavit solas creaturas spirituales: & postea quibusdam earum peccantibus creavit corpora, quibus quasi quibusdam vinculis spirituales substantiæ alligarentur; ac si corporales creatura non fuerint ex principali Dei intentione productæ; quia bonum esset eas esse: sed solum ad puniendum peccatum spiritualium creaturarum, cum tamen dicatur Gen. 1. Vidit Deus cuncta quæ fecerat, & erant valde bona: unde ad hoc excludendum dicit: simul ab initio temporis utramque de nihilo condidit creaturam, spirituales & corporales, angelicam videlicet & mundanam.*

Et certè quod Concilium uno verbo sine prævio examine volverit Origenem condemnare, non est mirum;

404 *Questio 1. De Existentia, Essentia,*
quia jamdiu in pluribus aliis Conciliis servata debita
forma fuerat condemnatus. Sed quod illo unico verbo
sine ulla prævia discussione, tot sanctos Patres Græcos,
imò etiam quosdam Patres Latinos nusquam antea in
fide suspectos voluerit condemnare, est prorsus incre-
dibile. Hoc enim non patitur summa illa observantia,
quæ sancta Mater nostra Ecclesia Patres colere con-
suevit.

Notandum denique, quod Concilium generale
6. in præcedenti §. Relatum dicit Origenem tenuisse
animarum æternitatem: & D. Thomas hic asserit
Origenem docuisse animas fuisse creatas in tempore:
ad quod nihil aliud respondere scio, nisi quod Orige-
nes quandoque unum errorem, quandoque oppositum
aliud asserverit sicut fecerunt plures hæretici, ut vide-
bimus in decursu istius Theologiæ.

§. II.

*In quo loco Angeli creati sint. Pia reflexio D.
Bernardi.*

Suarez & quidam alij existimant eos fuisse creatos in
caelosyderæo. Sed communiter alij Theologi cum D.
Thoma 1. p. qu. 61. artic. 4. dicunt eos fuisse creatos in
Empyreo.

Concl. Angeli omnes creati fuere in calo empy-
reo.

Prob. 1. ex D. Thoma artic. 4. citato in argumen-
to, sed contra, ubi sic habet. *Scribitur dicitur super illud,*
in principio creavit Deus cælum, & terram, Cælum non
visibile firmamentum hic appellat, sed Empyreum,
id est igneum, vel intellectuale, quod non ab ar-
dore, sed a splendore dicitur: quod statim factum,
Angelus est repletum 2. Idem angelicus Doctor artic.
4. citato sic argumentatur. Dicendum, quod sicut su-
peradiatum est, ex creaturis corporalibus, & spiri-
tualibus unum universum constituitur: unde sic
creata sunt spirituales creatura, quod ad creatu-
ram corporalem aliquem ordinem habens, & toti
creatura corporali præsidet: unde conveniens fuit,
quod Angeli in supremo corpore crearentur (quali

est Empyreum) *tanquam toti nature corporae praesidentes*. 3. Locus debet correspondere dignitati locati, ut patet in ipsis corporibus, quae quanto nobiliora sunt, tanto superiorem occupant locum. Nullus autem est locus nobilior Angelo: nec ullus locus nobilior Empyreo. Ergo in ipso creati sunt.


Oblic. 1. Illud Isaia 14. quod allegoricè Lucifero attribuitur: *In calum conscendam; super astra Dei exaltabo solum meum*. Si autem fuisset in calo empyreo, non desiderasset illuc ascendere. Ergo erat in Sydere, & cupiebat super ejus sydera se exaltare, solumque suum in Empyreo collocare. 2. Sicut homo fuit creatus extra paradisum terrestrem, & postea in ipsum translatus: ita Angelus extra paradisum caelestem, sive empyreum creati debuit, & postea in ipsum transferri. 3. Non erat conveniens, quod locus pro Angelis, & hominibus beatis in æternum destinatus, foret peccato eorum Angelorum, qui ceciderunt.

Resp. ad 1. quod non potest intelligi ad litteram. Nam in eodem capite Isaia subditur: *Ascendam super altitudinem nubium*: Si autem locus ille ad litteram esset intelligendus, probaret Luciferum infra nubes fuisse creatum: quod nullus adhuc somniavit. Hæc igitur loca sunt allegoricè accipienda: unde D. Thomas artic. 4. citato ad 3. ait: *Discordum, quod loquitur ibi, non de calo aliquo corporeo, sed calo sanctæ Trinitatis: In quod Angelus peccans ascendere voluit, dum voluit aliquo modo Deo equiparari*. Et propterea ibidem subdit: *Similis ero altissimo*.

Ad 2. dico ex eodem angelico Præceptore 1. p. quæ 102. artic. 2. ad 1. esse disparitatem. Paradisus enim terrestris non erat locus Adamo debitus per naturam, sed ipsi concedebatur per gratiam: unde ut beneficium illud non attribueret naturæ suæ, sed divinæ gratiæ, prius erat extra paradisum creandus, & postea ad ipsum transferendus. Sed Empyreum est locus debitus Angelis per naturam: unde in ipso collocandi erant statim atque fuere creati.

Ad 3. dico, quod cum Empyreum sit locus corporeus non potuit coinquinari per peccatum malorum Angelorum, quod fuit totum spirituale: & ideo nullum fuit

inconueniens, quòd Angeli in Æmpyreo peccauerint, & ex illo ad infernum detrufi fuerint. Imò hoc fuit valde conueniens ad instructionem nostram, & humilitatem. Ex hoc enim discimus, quòd sicut D. Bernardus ait in sermone de ligno, fœno, & stipula: *Nusquam est securitas, neque in calo, neque in paradiso, multo minus in mundo. In celo enim cecidit Angelus sub præsentia Diuinitatis, Adam in paradiso de loco voluptatis, Iudas in mundo, de schola saluatoris.*



QUÆSTIO. II.

De comparatione Angelorum ad corpora.

Angeli comparantur uel ad corpora, quæ assumunt; uel in quibus tanquam in loco se constituunt; uel in quibus se localiter movent. de his agemus quantum opus erit, ut candidati Theologiæ difficultates illas concipiant.

ARTICULUS I.

De assumptione quâ Angeli assumunt corpora.

1. Ad assumptionem illam tria requiruntur juxta D. Thomam, & omnes Doctores. 1. Quòd Angelus assumens sibi uniat corpus assumptum; quia assumere dicitur quasi ad se sumere, siue sibi unire. 2. Quòd Angelus se habeat ad corpus illud sibi unitum, non tanquam forma ad materiam; hoc enim est proprium animæ non-rationalis: neque tanquam persona ad naturam sibi hypostaticè unitam; hoc enim est proprium solius Dei, ut dicemus in tract. de incarnatione; Sed tanquam motor ad corpus motum. 3. Non sufficit, quòd se ha-

beat præcisè ut motor : etenim intelligentiæ motrices cælorum non dicuntur eos assumere : sed requiruntur, quòd Angeli per illa corpora assumpta repræsentent hominibus qualitates proprias, uel sui, uel Angelorum superiorum, uel etiam ipsius Dei, quando ipse personam gerunt. Hoc non intendunt Angeli, qui cælum movent : benè tamen illi, qui apparuerunt Abraham, nam SS. Trinitatis mysterium repræsentabant.

2. Angeli possunt assumere corpora ex quolibet elemento, uel etiam ex pluribus simul commixtis : convenientius tamen est, quòd ea assumant ex aëre. Quia ut explicabimus fusè agendo de præsentia, & custodia Angelorum, proprii eorum effectus sunt motus, & lux : aër autem facillè potest moveri localiter, & inspirari, & sic varias figuras recipere, & retinere : potest quoque per admixtionem lucis diversimodè colorari, ut patet in nubibus.

3. Angeli in corporibus assumptis non exercent operationes vitales, quia huiusmodi corpora non viuunt vitâ sensitivâ, nec potentias sensitivas habent : exercent tamen actiones vitales similes quoad motum localem, v. gr. locutionem, quoad sonum, qui ex aëris collisione causatur, & motum progressivum. Unde Tobias 12. Angelus ei dicit : *Videbar quidem vobiscum manducare & bibere : sed ego cibo invisibili, & potu utor, qui ab hominibus videri non potest.* De hoc invisibili cibo ita loquitur D. Gregorius Nazianzenus carmine secundo in laudem virginitatis.

*Optimus hic cunctis cibus est, ut numine summa
Exsument in mentem, Triadisque ex lumine lucens
Immensam excipiant.*

§. Unicus. ¶

Egregia omnino rationes, quibus D. Thomas probat conveniens esse, ut Angeli vera quandoque assumant corpora : & propter quas facilius credantur ea, quæ de apparitionibus Angelorum narrantur in vitis Sanctorum.

Rationes illas tradit Doctor verè angelicus qu. 6. de V. a. liij.

potentia artic. 7. his verbis. Simpliciter concedendum est, quod Angeli quandoque corpus assumunt, formando corpus sensibile, exteriori sive corporali visioni subiectum, sicut & quandoque aliquas species in imaginatione formando apparent secundum imaginariam visionem. Hoc autem conveniens est propter tres rationes.

Primo quidem & principaliter, quia omnes illi appariti ones veteris testamenti, ad illam apparitionem ordinantur, in qua filius Dei visibilis mundo apparuit, ut Augustinus dicit in 3. de Trinitate. Vnde cum filius Dei verum corpus assumpserit, & non phantasticum, ut Manichaei fabulantur, conveniens fuit ut etiam vera corpora assumendo, Angeli hominibus apparerent.

Secunda ratio potest sumi ex verbis Dionysii in epistola quam scribit ad Titum. Dicit enim quod ideo in divina scriptura res divina nobis sub sensibilibus tradantur; inter alias rationes, ut totus homo, quantum possibile est, ex participatione divinorum perficiatur; non solum intellectu capiendae intelligibilem veritatem; sed etiam in natura sensibili per sensibiles formas, quae sunt velut quaedam imagines divinorum. Vnde similiter cum Angeli hominibus appareant ad eos perficiendos, conveniens est ut non solum intellectum illuminent per intellectualem visionem; sed quod etiam imaginationi provideant & exteriori sensui, per imaginariam visionem & per corporalem visionem, corporum scilicet assumptorum. Vnde & haec triplex vestio assignatur ab Augustino 12. super Genesim ad litteram.

Tertia ratio potest esse, quia etsi Angeli naturae sint nobis superiores, per gratiam tamen adipiscimur eorum aequalitatem, & societatem, sicut habetur Matth. 22. Erunt sicut Angeli in caelo; & ideo ut suam familiaritatem, & affinitatem ad nos ostendant, nobis suo modo per corporum assumptionem conformantur; ut quod nostrum est accipientes, nostrum intellectum in illud assurgere faciant, quod proprium est ipsorum: sicut & filius Dei dum

ad nos descendit, ad sua nos elevarit. Demones autem quando in Angelos lucis se transfigurant, quod boni Angeli ad nostrum profectum faciunt ipsi ad deceptionem facere moluntur.

Si pius lector rationes istas bene consideret, longe facilius adhibebit fidem eis, quæ in sanctorum visis narrantur de Angelorum apparitionibus: quamvis dicatur toties, & tot modis eum incredibili familiaritate, personis sanctis apparuisse. Sed hoc ipsius meditationi relinquo.

ARTICULUS II.

De loco Angelorum.

Difficultates, quæ concernunt locum, & motum Angelorum, aliasque similes paucis absolvo: quia in eis vix aliqua datur occasio explicandi scripturam, Concilia, vel Patres, vel doctrinam necessariam, aut utilem pro fide aut pro moribus, quæ tamen est præcipua intentio mea in toto isto cursu Theologico.

Aliquid potest esse in loco tripliciter, scilicet vel circumscriptionivè, vel definitivè, vel ubique. Tunc est circumscriptionivè quando locatum circundatur à loco, & ab ipso veluti describitur; itaut totum locatum toti loco correspondeat, & similiter qualibet pars locati cuilibet parti loci: & hic est proprius modus quod res corporeæ sunt in loco, ut explicant Philosophi. Tunc aliquid est in loco definitivè, quando ita determinatur ad unum locum, ut ibi veluti finiatur, nec possit simul ac semel occupare alium locum sibi æqualitum: & hic est proprius modus, quo res spirituales, & præsertim Angeli sunt in loco. Esse autem ubique est omnem locum replere, quod est proprium loci Dei, ut diximus in tract. de attributis, agendo de ipsius immensitate.

§. I.

Utrum Angeli sint in loco per operationem.

Adu. 1. duplicem esse Angelum locum, scilicet connaturalem, & violentum: connaturalis est ille, qui conformis est ejus naturæ, & in quo se voluntariè constituit: violentus autem est ille, qui est præter ipsius naturam, & in quo contra suam voluntatem, & violentè detinetur. De loco violento Angelorum agemus, quando Daemonum poenam explicabimus. Nunc agimus solummodo de loco eis connaturali.

Adu. 2. Quod ut supra insinuauimus, & suo loco magis explicabimus, Angelus in hoc est similis Deo, quod est agens purè intellectuale; & ita non agit nisi per intellectum, & voluntatem: unde actiones Angeli, sicut actiones Dei, sunt formaliter immanentes, & virtualiter transientes; siue remanent formaliter intra ipsum Angelum, & tamen virtutem habent producendi suos effectus in rebus corporeis, non minùs quàm si extra Angelum transirent ad hujusmodi res corporeas.

Sicut omnes in hoc conveniunt, ut vidimus qu. ultima de attributis, artic. 1. agendo de immensitate Dei, quod Deus est in loco per suam substantiam, ita ut substantia ejus sit id quod in loco constituitur: sed differunt in assignanda ratione constitutiva, siue quid sit id quo, siue ratione cujus substantia divina locatur. Thomistæ omnes: & plures alij dicunt esse ipsam operationem Dei: Scotistæ verò, & plures quoque alij dicunt esse ipsammet Dei substantiam, uel alias rationes locativas assignant. Ita loquendo de Angelis Thomistæ dicunt eos esse in loco per operationem: Scotistæ per suam substantiam: & alij aliter rationem eorum locativam explicant.

Concl. Angeli sunt in suo connaturali loco per operationem.

Prob. 1. & inferitur ex nostro primo principio. Angeli sunt similes Deo, quantum pati potest creaturæ conditio. Sed Deus est in loco per operationem. Ergo

etiam Angeli: cum hoc creaturæ conditio non impediat, ut patebit ex objectionum solutione.

Prob. 2. Sicut omnes creaturæ conveniunt cum Deo, quantum creaturæ conditio patitur, ita conveniunt etiam ad invicem, quantum earum omnium conditio pati potest, propter unionem, & proportionem, quam divina providentia statuit inter omnes partes universi. Unde eadem proportionem quâ res corporea sunt in suis locis, ita & res spirituales sunt etiam in suis, quantum earum natura patitur. Sicut ergo res corporeæ sunt in loco non per suam substantiam, sed per quantitatem molis; ita res spirituales, quales sunt Angeli, sunt in loco non per suam substantiam, sed per quantitatem virtutis, nimirum quatenus per virtutem suam operantur in illo. Hæc ratio fundatur in D. Thoma 1. 2. p. qu. 52. a. 1. ubi ait: *Corpus est in loco per hoc quod applicatur loco secundum contactum dimensionum quantitatis, quæ quidem in Angelis non est, sed est in eis quantitas virtualis. Per applicationem igitur virtutis angelicæ ad aliquem locum qualitercunque, dicitur Angelus esse in loco corpore.*

Obiicit. 1. Prius Angelus est in loco, quam operetur in illo. Ergo non est in loco per operationem. Consequentia patet, antec. prob. sicut se habet simpliciter ad simpliciter, ita secundum quid ad secundum quid, juxta vulgatum axioma Philosophorum. Sed simpliciter loquendo, prius est Angelum esse, quam operari, quia juxta alterum Philosophorum axioma, operari sequitur esse. Ergo loquendo secundum quid, sive quoad hoc quod est esse in loco, prius est, quod Angelus sit in loco, quam quod operetur in illo.

Resp. neant. ad cujus probationem, dist. illud axioma. Sicut se habet simpliciter ad simpliciter, ita secundum quid ad secundum quid, in eodem genere, conc. in diverso genere, ne. Nam v. gr. sicut ad hoc ut aliquid simpliciter sit album, requiritur simpliciter albedo; ita ad hoc ut sit album secundum quid, sive magis album, requiritur simili modo albedo secundum quid, sive major albedo; atque ita verificatur illud axioma, quod sicut se habet simpliciter ad simpliciter, ita secundum quid ad secundum quid; quia hoc

notum est in eodem genere albi. Ad hoc verò ut al' quid simpliciter sit album, requiritur quidem, quod sit quantum, nisi enim quantitatem haberet, non posset albedinem recipere: sed ut sit, secundum quid, sive magis album, non requiritur, quod sit magis quantum; quia potest in eadem quantitate maiorem albedinem recipere: & sic in hoc non verificatur axioma praedictum, quia est in diverso genere, scilicet quanti, & albi.

Imò hoc patet tam in rebus corporalis quam in spiritualibus quantum ad modum locandi. Corpus enim prius habet substantiam, quam habeat quantitatem; cum quantitas dimanet à substantia tanquam propriae ab essentia: & tamen econtra prius est in loco per quantitatem, quam secundum suam substantiam; quia quantitas est ratio per quam ejus substantia ponitur in loco. Ita in Angelis prius est esse sive substantia, quam operari; quia eorum operatio ab ipsorum substantia provenit. Sed econtra prius est operari in loco, quam esse in illo, sive eorum substantiam occupare locum; quia operatio est ratio per quam Angelorum substantia locum occupat. Et sic in his omnibus non verificatur axioma, quia sunt in diverso genere, scilicet essendi, & locandi.

Hoc tamen intelligi debet de prioritate virtuali tantum, & non reali. Nam in eodem realiter instanti, in quo unum corpus tangit aliud per suam quantitatem realem, est in eo secundum suam substantiam; sed in instanti virtualiter priori concipimus illud tangere, quam ibi substantialiter esse. Et similiter in eodem instanti reali, quo Angelus tangit locum per suam quantitatem virtutis, est in eo secundum suam substantiam: sed in priori instanti virtuali concipimus Angelum tangere locum, quam in eo substantialiter esse.

Replicabis. Approximatio, sive applicatio agentis ad passum est conditio necessariò praequisita ad operandum circa illud. Ergo Angeli prius virtualiter debent applicari loco, quam operentur in illo. Unde dicitur Matth. 4. *Et ecce Angeli accesserunt, & ministrabant ei.* Et D. Damascenus 1. de fide cap. 17. *Quia Angelus prompè, ac celeriter transit, ideo*

in diversis locis operari dicitur. Ubi prius ponitur accessus ad locum, & transitus de uno loco ad alium, quàm operatio.

Respondeo ad ant. applicatio est conditio prærequisita, dist. in agentibus corporeis, conc. in agentibus spiritualibus, ne. Quia agentia corporea habent virtutem operandi fundatam in quantitate molis, & ab ea dependentem: unde necesse est, quòd prius per suam quantitatem applicentur loco, quàm suam virtutem exercent in illo, & operentur. Sed agentia spiritualia nullam aliam quantitatem habent, præter quantitatem virtutis, per quam operantur: unde simul ac semel operantur in loco, & se applicant ad ipsum; cùm se applicant per ipsammet operationem. Unde sicut impossibile est, quòd Deus se applicet locis priusquàm operetur in illis; quia loca nequeunt habere esse nisi per ipsius operationem, ut explicuimus agendo de immensitate: ita Angeli in hoc sunt similes Deo, quòd nequeunt prius esse in loco priusquàm operentur in illo; non quòd locus ab illis creetur, sed quia sunt in eo per operationem sicut Deus.

Nihilominus scriptura, & Patres sese accommodant nostro concipiendi modo: & quia res spirituales concipimus ad modum rerum corporearum, quæ prius sunt in loco quàm operentur in illo: ita scriptura, & Patres loquuntur de Angelis, quasi forent similiter prius in loco quàm operentur in ipso, quàmvis revera utrumque simul ac semel fiat. Quod etiam sancti Patres docent: unde idem D. Damascenus ibidem ait: *Angelus in loco esse dicitur, propterea quòd ibi operatur.* Unde transitus ejus de loco ad locum fit per operationem ejus in hujusmodi locis.

Obijc. 2. Angeli omnes creati sunt in calo empyreo, ut diximus in qu. præced. Sed ibi non sunt operationi: non enim assignari potest quid produxerint. Ergo non sunt in loco per operationem.

Resp. supponendo, quòd ut suo loco explicabimus, agendo de præsentia Angelorum respectu totius universi, & de eorum custodia respectu nostri, proprii Angelorum effectus sunt lux, & influxus in hæc inferiora. Dicimus ergo quòd omnes Angeli in instanti suæ

creationis produxerunt lumen in cælo Empyreo, quod est longè splendidius illo quod recepit ratione suæ creationis: & statim atque beati facti sunt, exornantur insuper illud lumine glorioso, de quo videri possunt ea quæ diximus in tract. de visione Dei qu. 1. a. 1. §. 4. & in §. ultimo ejusdem tractatus.

Explicuimus etiam ibidem miram D. Thomæ doctrinam, quod cælum Empyreum insit in omnes res corporeas intra ipsum inclusas stabilitatem, & permanentiam in suo esse; addimus modò quod hoc non habet nisi ut instrumentum Angelorum tanquam causarum principalium: cum enim præsideant omnibus creaturis universi influunt principaliter, & in ipsum cælum Empyreum, & ipso mediante in omnes alias res stabilitatem illam, & permanentiam. Sic ergo Angeli omnes fuerunt, & beati adhuc sunt in Empyreo per lumen, & influxum.

Dices 1. Empyreum in sua creatione fuit perfectum: Dei enim perfecta sunt opera. Ergo ratione creationis suæ recepit totam lucem quam connaturaliter exigit, totamque virtutem quam habet, influendi in cætera omnia. Nihil ergo recipit ab Angelis.

Resp. concedendo antec. & distin. consequentiam. Ergo ratione creationis recepit totam lucem, & virtutem, quam connaturaliter exigit, ut creatura particularis in se considerata, conc. ut pars universi dicens habitudinem ad alias partes, & cum ipsis connexa, ne sicut enim ipsimet Angeli licet creati sint in seipsis perfecti, nihilominus propter subordinationem, quam Angeli inferiores dicunt ad superiores, exigunt connaturaliter ab eis illuminari: ita cælum Empyreum quamvis ratione suæ creationis in seipso sit perfectum, propter subordinationem tamen, quam ut inferius dicit ad Angelos ut longè superiores, exigit connaturaliter ab eis recipere, & lumen, & influxum prædictum. Quantum verò ad lumen gloriosum, recipit illud ex superabundantia bonitatis Angelorū, qui in hoc sunt similes Deo, quod sicut gloriam suam communicat creaturis intellectuales, quæ solæ sunt ipsius capaces, ita Angeli communicant etiam gloriam suam ipsis quoque corporalibus creaturis, quæ sunt ipsius capaces.

sicut explicuimus loco citato tract. de visione Dei, & adhuc postea magis explicabimus.

Dices 2. Si caelum empyreum tanta luce, tantoque splendore esset ornatum, emitteret ad nos radios, & à nobis videretur, sicut sol & alia corpora.

Resp. ex D. Thoma 1. p. qu. 66. a. 3. ad 4. quantum ad lumen naturale, quod caelum empyreum habet sive ex seipso, sive ab Angelis, non esse condensatum sicut lumen solis, aliorumque corporum caelestium, sed esse rarum, & subtile, & propterea radios non emittit, nec à nobis videtur: sicut docent Philosophi, quod sphaera ignis propter suam claritatem, & subtilitatem à nobis non videtur. Quantum ad lumen gloriae, quod Angelici beati effundunt in caelum empyreum, est ordinis supernaturalis; ideoque à nobis videri non potest.

Dices 3. Idem angelicus Doctor in eodem artic. 3. ad 2. ait: quod sicut *supremi Angeli, qui assistunt, habent influentiam super medios, & ultimos, qui mittuntur, quamvis ipsi non mittantur: Ita caelum empyreum habet influentiam super corpora, quae moventur, licet ipsum non moveatur.* Igitur ejus influxus est uniformis, nec est mutationi obnoxius: & certè non est conveniens, quod ejus influxus sit mutabilis, cum influat stabilitatem, & permanentiam omnibus rebus. Sed si dependeret ab Angelis, foret obnoxius innumeris vicissitudinibus, nec ullam prorsus stabilitatem haberet: tum quia omnes illi Angeli, qui ceciderunt, sive Dæmones, ex ipso instanti sui casus, sive peccati, destitissent à tali influxu in caelum empyreum: tum quia Angeli, qui mittuntur ad ministerium hominum, ab eodem influxu desisterent, quando forent in suo ministerio, illumque postea resumerent. Ergo dicendum est non fuisse conveniens, quod Angeli quidquam influerent in caelum empyreum.

Resp. influxum illum esse uniformem, & invariabilem ex parte caeli empyrei, quamvis sit difformis, & varietur ex parte Angelorum. Dum enim Angeli mali ceciderunt, illico boni Angeli se extendendo ad loca eorum, suppleverunt ipsorum defectum, & prater influxum quem habebant antea, insuper habuerunt influxum omnino similem illi à quo alij cessaverunt. Et modo

illi qui remanent in Empyreo, quando alij sunt apud nos in ministerio, ad eorum loca se extendunt, eorumque suppleant influxum: dum autem istis expleto ministerio ad caelum empyreum redeunt: illi sese retrahunt, & ipsis pristinum locum, & influxum cedunt, & restitunt.

Idemque dicendum est de lumine. Quod nimirum Angeli boni totum illud lumen producant, quod ad ornatum Empyrej producebant mali: & quod boni assistentes producant illud quod producerent ministrantes toto tempore sui ministerij.

Obiic. 3. Si Angeli essent in loco per operationem, sequeretur, quod essent ubicunque operarentur, ut per se patet. Sed hoc est falsum: quia intelligentiae calorum motrices, non sunt in toto caelo, quod movent, sed in sola parte orientis, ut Philosophi docent. Ergo.

Resp. dist. mai. essent ubicunque operarentur, per solam diffusionem effectus à se producti, ne. per applicationem suae virtutis, & operationis ad locum, conc. Diximus enim, quod Angeli sunt similes Deo in hoc quod sicut Deus est in loco per operationem formaliter inmanentem, & virtualiter transeuntem, ita etiam Angeli: unde non sunt in loco, quatenus in eo diffundunt effectus à se productos, sed quatenus per virtutem, & operationem in seipsis manentem applicant se loco ad huiusmodi effectus producendos: intelligentiae autem calorum motrices, licet motum, quem imprimunt, per totos caelos diffundant, nihilominus ad eum imprimendum, virtutem suam, & operationem non applicant nisi ad partes orientis: & ideo non sunt in toto caelo, sed tantum in huiusmodi parte orientis, ut docent Philosophi.

Obiic. 4. Angeli custodes ordinariè sunt praesentes, & comitantur eos, qui curae ipsorum sunt commissi. Non est autem credibile, quod semper circa ipsos aliquid agant. Ergo eorum praesentia non exigit operationem.

Resp. Quod Angeli custodes semper aliquo modo circa nos operantur, vel imaginationem nostram repraesentando; vel bonas cogitationes suggerendo; vel impedien-

Non nociva: sicut enim infinita propemodum sunt pericula, quæ nos latent, ita & ferè infinitæ, & quasi continuæ sunt actiones, quos Angeli boni circa nos exercent. Quando verò nihil circa nos operantur, licet desistant à præsentia quoad locum, non tamen à cura quoad custodiam: nam ut ait D. Thomas 1. p. qu. 113. art. 6. ad 3. *Angelus etsi interdum derelinquat hominem loco, non tamen derelinquit eum quantum ad effectum custodia: Quia etiam, cum est in celo, cognoscit quid erga hominem agatur; nec indiget morè temporis ad motum localem, sed statim potest adesse.*

Obiic. 5. Si Angelus esset in loco per operationem virtualiter ad extra transcurrentem, sequeretur quoddam vellet ab omni externa operatione cessare, nullibi esset. Hoc autem est maximum inconueniens, quod creatura sit, & nullibi sit. Ergo.

Resp. Quod sicut Deus, ut diximus agendo de immensitate, per totam æternitatem ante mundi creationem, nullibi fuit nisi in seipso; & modò non est in spatijs imaginarijs, in quibus nihil operatur, sed ubi spatia illa imaginamur, ibi est in seipso; & si vellet ab omni operatione creaturarum conservativa cessare, in seipso solo remaneret: Ita Angelus in hoc est similis Deo, quod si vellet ab omni operatione externa cessare, nullibi foret nisi in seipso; eo modo quo, si Angeli juxta Græcorum Patrum opinionem, ante mundum fuissent creati, nullibi fuissent nisi in seipsis: Quia sicut Deus est ab omni loco prius independens, sibi que solus sufficit, ita etiam Angelus.

Sicut autem plures Thomistæ in Philosophia docent, quod si Deus quantitatem separaret à substantia aquæ intra vas existentis, adhuc aqua illa intra vas remaneret; non per præsentiam positivam, quia defectu quantitatis non posset illud positivè tangere, sed per præsentiam negativam, sive per indistinctiam; quia non foret distans ab huiusmodi vase: & sicut diximus de immensitate Dei, si per impossibile aliqua creatura poneretur in spatijs imaginarijs, absque ulla operatione Dei in ipsam, non desineret Deus esse præsens huiusmodi creaturæ, non positivè, sed negativè; quia

licet eam non tangeret positive per contactum virtutis, quando quidem in ea nihil operaretur, esset tamen indistans ab ipsa, & ubi talis creatura foret, ibi Deus in seipso esset: ita Angelus desistens operari alicubi, adhuc esset ibi, non per praesentiam positivam, sed per negativam, quia non foret distans, sed ibidem remaneret in seipso. Et in hoc etiam Angelus est similis Deo, sicut in omnibus aliis quantum patitur creaturae conditio.

Ea ferè omnia, quae dicuntur de loco, & motu Angelico, imaginationem transcendunt, sed ipsam debemus corrigere per rationem: unde D. Thomas 1. sent. dist. 37. qu. 3. a. 1. ad 4. ait: *Non reputo inconveniens, quod Angelus sine loco possit esse, & non in loco, quando nullam operationem circa locum habet: nec est inconveniens ut tunc nusquam, vel in nullo loco esse dicatur; sicut etiam non est inconveniens, quod nullo colore coloratus dicatur: sed hoc tamen non est imaginabile, quia imaginatio continuum non transcendit.* Et certe si etiam in illis, quae sensibilibus videmus, necesse est, quod ratio corrigat sensum, sicut dum in aqua videmus baculum curvum, quem scimus esse rectum, à fortiori loquendo de Angelis, quorum natura omnia sensibilia superexcedit, debemus non ad sensus, sed ad solam rationem attendere.

§. II.

Corollaria precedentis doctrinae.

Infertur 1, Quod nullus Angelus est ubique, sed quilibet eorum habet certam activitatis sphaeram intra universum, in qua se per operationem collocare potest. Quia esse ubique per essentiam, itaut sit de essentia rei, quod impleat omnia loca, etiamsi darentur infinita, est proprium solius Dei, & in hoc consistit attributum immensitatis: esse verò ubique itaut res omnia quidem loca, quae dantur de facto impleat, in illis omnibus simul operando, quamvis non possit se ad infinita extendere, non refugnat quidem Angelis, non fuit ta-

men

men conveniens, quod hoc eis concederetur: quia cum universum fuerit conditum ad manifestandam virtutem Dei, ipsi soli reservari debuit, ut impleret omnia: unde ipsemet testatur hoc sibi esse proprium, Jeremiae 23. *Nunquid non calum, & terram ego impleo, dicit Dominus.* De Angelis vero ait D. Damascenus lib. 2. fidei cap. 3. *Cum in calo sunt, non sunt in terra; cum in terram a Deo mittuntur, non manent in calo.* de illis tamen dici potest cum Tertulliano in Apologetico cap. 22. *Totus orbis illis locus unus est:* non quod possint simul ac semel operari, & esse ubique, sed successive.

Infertur 2. Angelum non posse simul, ac semel esse in pluribus locis adequatis: bene tamen in pluribus inadecuatis, etiam non existendo in eorum medio. Locus ille dicitur adequatus, qui totam virtutem activam Angeli ita adequat ut possit quidem Angelus in illo toto operari, proindeque existere, sed non ad majorem locum se extendere: unde patet, quod implicat in terminis, quod Angelus sit simul in pluribus locis adequatis: quilibet enim eorum esset adequatus ex suppositione, & non e'et adequatus, quia Angelus ultra illum se extenderet ad alium. Unde si v. g. Angelus non possit totam activitatem suam ad operandum applicare nisi in tota ista urbe Avenionensi, implicat, quod illam totam impleat, & simul ac semel agros vicinos occupet. Locus vero inadecuatus dicitur, qui totius virtuti Angeli non correspondet: unde potest in eo existens, se ad ulteriorem locum extendere: imò plura loca inadequata simul occupare, non existendo in medio, ut si prædictus Angelus vellet operari in quatuor angulis hujus civitatis, nihil operando in medio, foret in illis angulis, & non in medio. Nec refert, quod D. Thomas 1. p. qu. 52. artic. 2. docet, quod Angelus non potest esse in pluribus locis, ut sunt plura: quia loca illa inadequata se haberent per modum unius, eo quod ad unum adequatum Angeli locum pertinent: unde idem angelicus Doctor ibidem in responsione ad objecta ait: *quia totum illud, cui immediate applicatur virtus Angeli, reputatur ut unus locus eius, licet non sit continuum.*

Inferitur 3. Angelum posse in minori, & minori loco se collocare, etiam in puncto: quia cum virtus ejus sit tota spiritualis, & indivisibilis, potest si velit, eam applicare ad punctum licet indivisibile, ipsoque mediante totum corpus movere. Nam si corpus sphericum tangit planum, in puncto, & mediante hujusmodi puncto corpus illud planum impellit, & movet, à fortiori hoc potest Angelus. Quamvis autem operatio Angeli sit indivisibilis formaliter, ut diximus, est tamen virtualiter divisibilis, quatenus virtutem habet producendi motum divisibilem, qualis est motus rerum corporearum: & sic potest se collocare in loco divisibili: sicut anima rationalis, quamvis sit tota formaliter spiritualis, & indivisibilis, quia tamen est divisibilis virtualiter, informat corpus divisibile.

Inferitur 4. Quod plures Angeli non possunt esse in eodem loco formali adæquato, bene tamen in eodem loco materiali. Locus respectu Angelorum materialis, est in se locus secundum se consideratus, sic enim se habet sicut materia, & est capax recipiendi effectus ab Angelis producendos; dicitur autem formalis, quando consideratur formaliter, & reduplicativè, prout hujusmodi effectus importat v. g. aer ab Angelo illuminatus, prout est aer, est locus ejus materialis, & prout est lucidus est locus formalis.

Igitur plures Angeli possunt esse in eodem loco materiali, plures, & diversos specie effectus producendo, unus quidem lucem, & alter motum: quia sicut non repugnat, quod v. g. aer plures illos effectus recipiat, ita nec quod plures Angeli eos producant. Nequeunt tamen plures esse in eodem loco formali, eandem v. g. lucem in eadem aeris parte producendo juxta totam activitatem suam, sive tanquam causæ ipsius totales: quia ut docent Philosophi, unus idemque numero effectus non potest provenire à pluribus causis totalibus, & adæquatis. Possunt tamen esse in uno, eodemque loco, etiam formaliter sumpto, sed partiali, & inadæquato: quia possunt virtutem suam ita attemperare, ut ad producendum idem v. g. lumen se habeant ut causæ partiales, & inadæquatæ.

Hoc tamen regulariter loquendo, non convenit Angelis bonis, quia cum sint agentia perfecta, & ad producendos effectus, ad quos destinantur, sufficient, debent operari tanquam causæ totales, & adequatæ: & ideo non ponitur nisi unica intelligentia motrix pro quolibet calo. Dixi, Angelis bonis, quia mali possunt pervertere connaturalem, & perfectam operandi modum, & ita affectare se simul eidem corpori applicare, ad producendum partialiter eundem effectum, quem quilibet seorsim totum posset producere: sicut contigisse videtur in illo Energumeno, de quo fit mentio in scriptura sacra, in cuius corpore Dæmonum legio habitabat. Quid enim tam diversum in illo corpasculo, vel in variis ejus partibus potuissent operari. Dixi quoque, regulariter loquendo, quia aliquando ipsi etiam Angeli boni ad denotandam excellentiam effectus, aut etiam in honorem illius propter quem talem effectum producant, plures ut causæ partiales concurrant. Sic propter reverentiam Christi Domini, plures Angeli ministrabant illi, ut eadem scriptura sacra testatur. Et credibile est, quod plures eorum ad idem obsequium concurrebant, ad quod unus eorum fuisset plusquam sufficiens.

Inferitur 5. Quod si loquamur Philosophicè, Angeli non sunt in loco simpliciter, & propriè, sed similiter, dinariè, & metaphoricè: quia Philosophi dicunt aliquid non esse propriè, & simpliciter in loco, nisi circumscribatur ab illo: cum ergo sit proprium corporum esse circumscripivè in loco; ipsa sola sunt in loco, propriè loquendo: quia tamen sicut corpora sunt in loco per contactum quantitatis, ita etiam Angeli per contactum virtutis, ideo per similitudinem, & quandam proportionem ad corpora, possunt dici esse in loco, sive æquivocè, & non univocè: quia licet sit aliqua proportio; modus tamen quo Angeli sunt in loco, non est univocus, sive unius, ejusdemque rationis cum modo quo locantur corpora; sed æquivocus, sive longè diversæ rationis, ut satis patet ex dictis.

At tamen Theologicè loquendo, sive Deus est verè & propriè ubique, per incensam, & posivam suavitatem

122. *Quæstio II. De comparatione*

substantiæ præsentiam ad omnia loca; & ita ea omnia implet per immensitatem suam: ita Angelus in hoc est similis Deo, quod verè & propriè est præsens secundam suam substantiam illi loco in quo operatur, & in hoc sensu propriè, & simpliciter est in loco. Ubi etiam angelicum; sive ubicatio, ratione cuius Angelus ibi est ubi operatur, non est prædicamentale, sed transcendente. Quia juxta Philosophos nihil pertinet ad prædicamentum ubi, nisi quod est in loco circumscriptivè: unde ubi prædicamentale ab ipsis definitur, circumscriptio corporis à circumscriptioe loci proveniens: unde cum Angeli non sint in loco circumscriptivè, eorum ubi nequit esse prædicamentale. Sed secundum Theologos ubi angelicum est ipsamet operatio Angelus connotat locum, ubi operatur, & sic ut ita dicam ubicatur: Quia non sunt multiplicanda entia sine necessitate: & nulla est necessitas distinguendi abicationem Angelus ab ipsius operatione. Dicitur autem ubi transcendente: quia consistit in pura connotatione, quæ transcendit omnia, eoquod nihil est, quod non connotet aliquid aliud.

Infertur ultimò quod Angeli possunt esse in spatiis imaginariis: hoc tamen non convenit bonis, nec permittitur malis. Possunt quidem esse, quia non repugnat quod à qua corpora ad ea transferant, & ea in ipsis licet vacuis moveant: atque ita in eis operentur, ibique se collocent. Non convenit tamen bonis, nec permittitur malis, quia omnes se habent ad universum tanquam partes ad totum: unde sicut debent omnes partes remanere in suo toto, ita Deus vult, quod omnes Angeli remaneant in universo.

Utrumque Angelus possit esse in altero Angelo, vel etiam in anima nostra tanquam in loco, explicabimus agendo de Angelorum illuminatione. Suo quoque loco explicabitur, quomodo animæ à corporibus separantur, sint vel in celo, vel in purgatorio, vel in limbo, aut in quocunque alio loco.

ARTICULUS III.

De motu locali Angelorum.

Similis est ratio de motu Angelorum, sicut de ipsorum loco, quia motus localis nihil aliud est quam transitus de uno loco ad alium: unde ex eodem principio, ex quo inferuntur conclusiones de ipsorum loco, inferuntur quoque de motu locali, scilicet ex hoc quod Angeli sunt in loco per operationem.

§. I.

Breviter explicantur plura ad motum localem Angelorum spectantia.

Mirantur sancti Patres velocitatem Angelorum.

1. Sicut diximus in præcedenti §. quod Philosophicè loquendo, Angelus non est in loco propriè, sed tantùm metaphoricè, si tamen loquantur theologicè sunt in loco suo propriè, & simpliciter, sicut Deus est ubique. Ita dicendum est de motu locali, quod juxta Philosophiam non moventur propriè localiter, benè tamen juxta Theologiam. Diximus quoque, quod modus, quo Angeli existunt in loco, non est univocus, sed potius equivocus cum modo quo corpora locum occupant, idem dicendum est de motu locali.

2. Angeli moventur motu, quo volunt, sive continuo, sive discreto. Motus ille respectu Angelorum dicitur continuus, ut docet D. Thomas 1. p. qu. 53. a. 1. in quo per partes, & successivè mobile deserit terminum à quo, & acquirit terminum ad quem, ut si Angelus existens in hac urbe tanquam in termino, à quo vult recedere, ad agros vicinos tanquam ad terminum, ad quem vult se transferre, hoc faciat paulatim, & successivè, dicitur motus ejus continuus, quia veluti per partes successivas continuatur. Motus autem dicitur discretus, quando mobile deserit totum simul terminum à quo, & statim acquirit totum simul terminum ad quem.

ad quem : ut si prædictus Angelus totam simul civitatem istam defereret, & statim agros vicinos occuparet : sic enim motus ejus foret differens, sive discretus per totam simul unius loci desertionem, & alterius acquisitionem.

Dicimus ergo, quoddam Angeli moventur localiter, prout ipsis placet, sive continuè, sive discretè. Quia si volunt, operantur successivè in locis, & in una parte post aliam, & ita se movent motu continuo : sicut enim dicebamus in §. præcedenti, l'cèt eorum operatio sit formaliter indivisibilis, est tamen divisibilis virtualiter ; atque ita potest Angelus in variis locis successivè, ac per partes effectus suos producere, quod est moveri continuè. Similiter potest hunc in uno loco operari, & immediatè postea totaliter à priori operatione desistendo, operari onem totaliter novam in altero loco exercere, quod est moveri discretè. Nec refert quoddam aliqui dicunt, quoddam motus discretus Angeli exigeret, quoddam Angelus in uno instanti priorem locum defereret & in instanti immediatè sequenti locum posteriore occuparet, quod est impossibile : quia in tempore non dantur duo instantia sibi immediatè succedentia, ut docent Philosophi. Nam quidquid sit de tempore nostro, hoc falsum est de tempore angelico, sive ut meliùs loquar de ipso ævo Angeli, etenim ævum Angeli non constat nisi ex instantibus sibi immediatè succedentibus, sive ex operationibus Angelorum purè spiritualibus, & formaliter indivisibilibus, proindeque instantaneis, ut explicabimus magis agendo de ævo angelico, & de morali, sive instantibus, quibus Angelorum via fuit completa.

3. Motus angelicus non potest fieri in instanti. Quia ad motum illum duo requiruntur, quæ non possunt fieri nisi unum post aliud : scilicet quoddam Angelus se movens transeat de loco in quo erat antea, & quem deserit, ad locum in quo est postea, & quem de novo occupat. Sed illud antea, & illud postea requirunt duo saltem instantia sibi succedentia : fieri enim non potest, quoddam antea, & postea fieri in eodem instanti, sicut nec quoddam prius, & posterius fieri simul, ut per se patet.

Explicatur magis. Ad motum localem duo requiruntur: unum quoddam motor antea locum occuget, quem postea deferere debet: alterum quoddam postea novum locum impleat, quem antea non occupabat. Sed hæc duo nequeunt fieri in eodem instanti, quia implicat, quoddam simul ac semel idem locus occupetur, & non occupetur, & e contra. Ergo requiruntur duo instantia.

Dices. Angelus non movetur localiter, dum est in termino à quo; non enim mutat locum, quamdiu in illo existit. Ergo solùm quando est in termino ad quem. Sed est in termino ad quem in instanti. Ergo movetur in instanti.

Resp. ad antec. Non movetur dum est in termino à quo, dist. non movetur initiativè, ne. completivè, conc. & nego consequentiam. Igitur initium motus localis est ultima occupatio prioris loci, & ejus complementum est prima occupatio novi loci: & cum hæc duo in eodem instanti esse nequeant, ita nec motus. Et quoddam ad motum localem non sufficiat sola occupatio novi loci patet, quia si res aliqua crearetur, novum occuparet locum, nec tamen propterea localiter moveretur. Sed in hoc tota consistit equivocatio, quæ tamen non est nisi circa modum explicandi; quoddam aliqui existimant, quoddam ad motum localem sufficit, ut novus acquiratur locus, connotando præcedentem, qui derelictus est, quod in instanti fieri potest: nos autem dicimus, quoddam requiritur, ut in motu locali tam importetur occupatio loci præcedentis, & derelinquendi, quàm occupatio loci subsequantis, & de novo acquisiti: quæ duæ locorum occupationes non nisi in duobus instantibus fieri possunt. Quia cum motus localis sit transitus de loco ad locum, non est porior ratio, cur in conceptu illius motus importetur porius occupatio unius loci, quàm occupatio alterius; & sic utraque importatur.

Major difficultas est circa illam propositionem D. Thomæ 1. p. qu. 53. a. 3. *Non est possibile, ut aliquid in toto tempore precedente quiescat in uno termino, & postea in ultimo instanti illius temporis sit in alio termino.* Nam contra illam sex folent res præferri instantia. 1. Toto tempore, quo

Sacerdos profert verba consecrationis, substantia panis quiescit sub speciebus, & in instanti terminativo adest corpus Christi. 2. Toto tempore antecedente accessum solis ad nostrum hemispherium aer quiescit sub tenebris, & in ultimo instanti illius quietis illuminatur. 3. Materia prima toto tempore antecedente instantis generationis quiescit sub forma compositi corrumperendi, & in instanti terminativo illius est in termino ad quem, scilicet sub forma compositi de novo geniti. Denique Angelus quiescit ab intellectione, & volitione toto aliquo tempore, absque eo quod cogatur quiescere in ejus instanti terminativo. Ergo propositio illa D. Thomae non est vera. Ut hujusmodi instantiae clare ac facile solvantur, relinquendo plura, quae valde ingeniose à Thomistis fuerunt excogitata,

Otandum est propositionem D. Thomae intelligendam esse juxta subjectam materiam de qua loquitur: unde cum in illo artic. 3. probet motum localem Angeli non posse fieri in instanti, constat ejus propositionem intelligendam esse de motu, & non de mutatione. Discrimen autem inter hæc duo est, quod mutatio est transitus de privativo ad positivum, vel econtra de positivo ad privativum, sive de aliquo non esse ad aliquod esse, vel de esse ad non esse: unde in mutatione aliquid vel incipit, vel desinit. Sed in motu fit transitus de positivo ad positivum, nec est necesse quod aliquid vel incipiat vel desinat, sed id quod transit, & ipsi quoque termini transitus, & supponuntur, & subsistunt.

Sic prædicta exempla non faciunt ad propositum. Nam 1. in consecratione substantia panis non movetur (prout in presenti sumus motum) sed solummodo mutatur: quia in instanti terminativo consecrationis non remanet, sed desinit. 2. Dum aer tenebrosus illuminatur, non est etiam ibi motus, sed simplex mutatio: quia non est nisi transitus de privatione lucis ad ipsam lucem. 3. Quantum ad generationem substantialem, fateor in ea intervenire motum, per quem materia de una forma positiva transit ad aliam: sed falsum est, quod toto tempore præcedente quiescat, quin potius movetur per alterationem, per quam disponitur ad novam formam susceptionem. Denique quantum ad

Angelum

Angelum, si solummodo de non intelligente & non volente fiat intelligens, & volens, non est nisi simplex mutatio: sed si de intellectione, & volitione unius objecti, transferat se ad intellectiōem, & volitionem alterius est motus: sed falsum est, quod tunc in tempore, vel potius instanti angelico præcedente quiescat; etenim sese movet initiative, & in instanti sequenti completivè. Licet ergo propositio D. Thomæ non verificetur de his, quæ simpliciter mutantur, bene tamen de his, quæ verè moventur, sicut dum Angelus movetur localiter.

4. Licet motus angelicus nequeat fieri in instanti, ad ipsum tamen non requiruntur plusquam duo instantia: Unde Angelus, qui in præsentī instanti est in terra, potest in instanti angelico immediatè sequenti esse in calo.

Propterea sancti Patres Angelorum celeritatem admirantur: & præsertim D. Dionysius, qui inter alia plura, quæ tradit in libro de coelesti Hierarchia cap. ult. sic habet. *Pennatos Sanctarum intelligentiarum pedes Theologia finxit. Penna siquidem declarat ad sublimia ducendi velocitatem, & celestis vite cursum, ad anteriora semper atque celsiora promoventem, & superna petendo, terrena fugientem: Penarum enim levitas designat id quod ex nulla parte terrenum est, sed se toto sine admixtione ac gravitate sursum fertur. Nuditas vero calceorumque privatio, virtutem illam abstractam, & expeditam & puram ab omni externo additamento, quæ divina simplicitati, quantum fas est, assimilatur.* Ibidem docet idem Sanctus Angelos in scriptura sacra appellari ventos, flammæ ignis, nubes, Aquilas, rotas igneas, flumina, Equos &c. quia hæc omnia summam denotant velocitatem. Interdum etiam in scriptura ad eandem velocitatem declarandam, Angeli dicuntur in momento operari: nam ut sapientiæ 18. habetur, uno temporis momento Angelus omnia Ægyptiorum primogenita interfecit. Et D. Cyrillus Alexandrinus in commentario in Abacuc, docet Prophetam illum Argeli manibus in puncto temporis in foveam Leonum, ubi erat Daniel, delatum fuisse, ut ei præ-

dium afferret. Quæ omnia intelligi debent non de puncto, & momento Physico, sed morali, siue de brevissima temporis morula.

§. II.

Utrum Angelus possit transire de uno loco ad alium non transiendo per medium Exemplum notatum dignissimum ex augustissimo Eucharistia Sacramento.

Omnes ferè Authores extra Scholam D. Thomæ imaginationem transcendere non valentes, persuadere sibi non possunt, quod hoc sit possibile. Sed quod in hoc imaginatio corrigi debeat, nedum per rationem circa Angelos, sed etiam per fidem circa augustissimum Eucharistia Sacramento, mox explicabitur.

Concl. Angelus potest, si velit de uno loco transire ad alium impertransito medio.

Probatur 1. Angelus est in loco per operationem. Sed si vult, potest in hoc instanti operari in uno loco, & in ista urbe avenionensi, & immediate postea operari in altero loco, v. g. Romæ, nihil prorsus operando in civitatibus, & locis intermediis. Ergo potest ex Avenione se transferre Romam, impertransito medio.

Probatur 2. Et ex ipso Eucharistia Sacramento manifestè ostenditur, transitum illum non esse impossibilem, nec incredibilem, sicut imaginantur aliqui nam quotidie corpus Christi existentis in calo sit præsens omnibus hostiis, quæ consecrantur in terra, & tamen non fit præsens locis intermediis, atque ita veluti transit de calo ad terram impertransito medio. Cur non poterit Angelus naturaliter habere, ex eo quod totus est Spiritus tam quoad substantiam, quam quoad omnem modum, id quod supernaturaliter habet corpus Christi, quamvis remaneat corpus quoad substantiam, quia in Eucharistia se habet ad modum Spiritus.

Imo cum una veritas iuvet ad intelligentiam alterius. Ex hoc quod ingenium verè angelicum, & unum

ex præst-
gentium
stanter
Angelis
mus sim
Eucharis-
tur respo-
dum Ca-
salens
montibus
silit colle
corporal
bus simul
assistat.
Obiicit
partes ex
Ergo nec
movende
mediis:
Angelus
pus de un
medium.
re præter
tempus p
dum de lo
Resp. n
Anima in
necessaria
dispositio
qua est co
non pote
est in loc
voluntate
poteſt, no
est subdit
vero stab
ur dicem
autem ex
continuat
ri interru
reſcientia

ex præstantissimis, quæ unquam fuerunt, quale est ingenium D. Thomæ, nedum credidit, sed etiam constanter assertit, huiusmodi transitum esse naturalem Angelis, facilitatur nostra fides, ut nobis persuadeamus similem ferè transitum fieri supernaturaliter in Eucharistia, respectu corporis Christi. Ad hoc videtur respexisse sponsa, ut præclare observavit Gonetius, dum Cantic. 2. de suo sponso ait: *Ecce iste venit saliens in montibus, transiliens colles*: Salit in montibus, qui supra cæli altitudinem ascendit, transilit colles, qui in instanti sine transitu per medium, fit corporaliter præsens in terra: & in pluribus altari- bus simul adest, absque eo quod corporibus intermediis assistat.

Obiicitur 1. Anima rationalis non potest informare partes extremas corporis, quin informet intermedias. Ergo neque Angelus operari, & esse in locis extremis, movendo se de uno ad alterum, quin sit in locis intermediis: quia sicut se habet anima in informando, ita Angelus in agendo. 2. Angelus nequit transferre corpus de uno loco ad alterum, quin illud transferat per medium. 3. Ipsemet Angelus nequit transire de tempore præterito ad tempus futurum, nisi transeat per tempus præsens, quod est medium. Ergo idem dicendum de loco.

Resp. negando paritatem quoad hæc omnia. Quia 1. Anima informat corpus per suam entitatem, quæ est necessaria, & non dependet ab ipsius voluntate, sed à dispositionibus requisitis in corpore, quarum præcipua est continuatio partium, ideoque interruptio esse non potest in ipsa partium informatione. Sed Angelus est in loco per operationem liberam, quæ ab ipsius voluntate dependet, proindeque ipsam interrumpere potest, non operando in locis intermediis. 2. Corpus est subditum conditionibus loci, juxta ordinem in universo stabilitum, quem Angeli non possunt invertere, ut dicemus agendo de præsentia Angelorum: una autem ex præcipuis locorum conditionibus est ipsorum continuatio; & ideo respectu corporum non potest fieri interruptio occupationis locorum, ut ipsa etiam experientia constat; proindeque non possunt transferri

530 *Questio II. De Comparatione,*
 ab Angelis nisi per medium. Sed Angelus est penitus
 independens ab omnibus loci conditionibus: & ideo
 potest interrumpere occupationem locorum circa me-
 dium. Unde D. Thomas 1. p. qu. 53. a. 2. ait: *Cor-*
pus mensuratur, & continetur sub loco; unde
oportet, quod sequatur leges loci in suo motu: sed
substantia Angeli non est subdita loco ut contenta,
sed est superior eo ut continens: unde in potestate
eius est applicare se loco, prout vult, vel per me-
dium, vel sine medio. 3. Angelus correspondet tem-
 pori per suam existentiam, quæ est necessaria, nec ab
 ejus voluntate dependet: unde sicut propter suam in-
 corruptibilitatem, & immortalitatem, ex quo semel
 creatus est, semper naturaliter correspondet omni
 tempori; ita necessariò correspondet tam presenti,
 quam præterito, & futuro. Sed ut jam sæpè diximus,
 est in loco per operationem liberam, & ab ejus vo-
 luntate dependentem; ex quo fit ut possit prætermi-
 ttere medium.

§. III.

Utrum Angelus possit movere se localiter in infi-
nitum sine categorematicè.

Diximus supra, quòd non possunt Angeli se transfe-
 re extra hoc universum: quia Deus vult eos remanere
 intra ipsum tanquam partes intra suum totum. Sed si
 Deus veller plures ac plures alios mundos producere in
 infinitum sine categorematicè, & licentiam daret Ange-
 lis se transferendi in illos, quaeritur utrum Angeli nunc
 existentes in hoc mundo, possent in instanti immediatè
 sequenti se transferre ad illos novos mundos in quam-
 cunque distantiam.

Archipræsul de Marinis 1. p. qu. 53. art. 2. cap.
 unico, refert duas Thomistarum sententias. Una est,
 quòd distantia foret limitata, ultra quam non possent
 Angeli in illo instanti se transferre. Secunda sententia
 nullos in hoc agnoscit limites: & hanc sequimur cum
 eodem Archipræsule.

Dicimus ergo, quòd in illa suppositione Angeli pos-

sent se
 stantem
 locus ita
 adhuc r
 rematicè
 mus præ
 parte de
 re, quan
 Unum
 tus Ange
 infinita
 diximus
 sine prin
 res & p
 rematicè
 quia non
 dos; sed
 diger phi
 complem
 virtus, q
 in omne
 sed totie
 cam præ

De c
 T
 Ho
 na
 ore
 unde nec
 intellectu
 substanti
 inter por
 semper e
 sunt, vel
 habere et

Angelorum ad corpora.

sunt se transferre in quemcunque locum quantumvis distantem; itaut nullus assignari, vel excogitari posset locus ita remotus, quin possent in alium, & alium adhuc remotiorem se transferre in infinitum sine categorematicè. Quia ex una parte nulla est ratio, cur velimus præfigere terminos motui angelico: & ex altera parte debemus Angelis omnem perfectionem attribuerre, quantum patitur conditio creaturæ.

Unum solum inconueniens obijci posset, quod virtus Angelorum ad operandum & se movendum, foret infinita & illimitata. Sed hoc non sequitur: quia sicut diximus explicando prædeterminationem physicam in fine primi tomi, quamvis causæ secundæ possint plures & plures effectus producere in infinitum sine categorematicè, earum tamen virtus finita est ac limitata, quia non est completa ad huiusmodi effectus producendos; sed toties quoties aliquem ex ipsis producit, indiget physica prædeterminatione tanquam ultimo sui complemento: Ita finita est ac limitata Angelorum virtus, quâ operantur, & sese localiter movere possunt in omnem distantiam; quia ad hoc non est completa, sed toties quoties compleri debet per eandem physicam prædeterminationem.

¶ ¶ ¶ ¶ ¶ ¶ ¶ ¶ ¶ ¶ ¶ ¶ : ¶ ¶ ¶ : ¶ ¶ ¶ ¶ ¶ ¶ ¶ ¶ ¶ ¶ ¶ ¶ :

Q U Æ S T I O I I I.

De cognitione, & dilectione angelica.

THomistæ in Philosophia docent, quod substantia creaturæ nequit esse immediatè per seipsam operativa, sed tantum mediæ antibus potentiis: unde necesse est, quod tam in Angelo quàm in homine intellectus, & voluntas sint potentia realiter ab eorum substantia distinctæ. Docent quoque hoc esse discrimen inter potentias, & operationes, quod potentia sunt semper eadem, ac invariabiles, operationes autem sunt, vel esse possunt variæ, & diversæ, quod locum habere etiam in Angelis patebit ex dicendis: unde cog-

Y y ij

Quæstio I. De cognitione,
nitio, & volitio Angelorum sunt operationes realiter
ab eorum potentiis distinctæ. Et de his agimus in quæ-
stione præsentī.

ARTICULUS I.

De speciebus angelicis.

Docent Philosophi, & breviter exposuimus in tract. de visione Dei, dum ostendimus, quod ipsamet divina essentia habet rationem speciei respectu beatorum: quod species per se ac essentialiter ordinatur ad reddendum intelligibile illud objectum, quod representat: unde cum substantia Angeli non sit per se ac essentialiter ordinata ad reddendas intelligibiles alias creaturas, sed ut in se, & per se subsistat, unde possit Angelus in sua substantia produci, & in ea permanere, etiamsi aliæ creaturæ non essent, uel ab eo intelligibiles non forent: inde fit quod ejus substantia non habet rationem speciei respectu aliarum creaturarum: & sic non intelligit eas per suam substantiam, sed per species ipsi superadditas.

Diximus ibidem, quod juxta commune Philosophorum axioma, ex objecto & potentia paritur notitia: ex objecto quidem ratione speciei, quæ ipsius loco unitur intellectui; ex potentia verò ratione suæ virtutis intellectivæ. Duplici autem de causa requiritur species ab objecto distincta, uel ad supplendum defectum sufficientis spiritualitatis, uel defectum sufficientis præsentia: unde cum res corporeæ non sint sufficienter spirituales, ad hoc ut commensurari possint intellectui angelico, ipsique uniri, requiruntur species earum representativæ, quæ hujusmodi defectum sufficientis spiritualitatis suppleant: Alij autem Angeli, quamvis sufficienter sint spirituales, non sunt tamen sufficienter præsentēs, quia unus Angelus nequit illabi in substantiam, uel intellectum alterius, ipsique uniri, ut dicemus agendo de illuminatione angelica, & ideo requiruntur species, quæ alios Angelos representent, & eorum absentiam suppleant, sive defectum sufficientis præsentia.

Igitur necessaria sunt Angelo species representativæ aliarum creaturarum, ad hoc ut eas cognoscere possit. Non requiruntur autem respectu suæ substantiæ: quia cum sit sufficienter spiritualis, & sufficienter præiens. ipsamet habet rationem, speciei, ut explicabimus postea.

§. I.

Novus, & facilis modus resolvendi difficultates, quæ concernunt species angelicas, iuxta communia Thomistarum principia.

Miror, quod in Authoribus, quos videre potui, ne verbum quidem habeatur de isto modo difficultates præsentis resolvendi: & tamen mihi videtur omnino facilis, & aliunde conformis communibus Thomistarum principiis. Quod utrum revera sit, lector benevolus judicabit.

Igitur notandum est 1. Quod sicut explicuimus in eodem tractatu de visione Dei, species intelligibiles sunt in duplici differentia: aliæ dicuntur impressæ, aliæ verò expressæ: species impressæ reddunt objectum intelligibile in actu primo; species autem expressæ, quæ dicuntur etiam verbum mentis, reddunt illud intelligibile in actu secundo: unde quando objectum actualiter non intelligitur, species impressæ nihilominus subsistunt, & in memoria reservantur, ut possit intelligens ipsis uti quando voluerit: sed species expressæ statim cessant: quod si intelligens velit de novo illud objectum intelligere, necesse est quod de novo ex speciebus impressis eliciat species expressas.

Notandum est 2. Quod hujusmodi species admitti debent in Angelis, juxta principia ab omnibus Thomistis recepta. Omnes enim docent, quod Angelus seipsum cognoscens, habet speciem tum impressam tum expressam sui representativam: Quamvis alij dicant quod ipsamet Angeli substantia habet respectu ipsius rationem utriusque speciei; alij verò dicunt ejus substantiam habere quidem rationem speciei impressæ; sed speciem expressam esse realiter ab ipsa distinctam, ut

explicabimus postea. Sed hoc se habet indifferenter quantum ad propositum.

Similiter debemus in quolibet Angelo admittere species impressas, & expressas, quæ ipsi representent alias res. Etenim Angeli semper quidem sunt capaces intelligendi alias res, & eas considerandi, sed non semper eas intelligunt, & considerant, uel saltem ad hoc non tenentur; non enim naturaliter determinati sunt ad perpetuam, & actualem aliarum rerum considerationem, sicut ad considerationem Dei, & sui, ut explicabimus postea. Igitur debent quidem semper habere species impressas rerum aliarum in actu primo representativas, ut semper sint capaces intelligendi eas; sed non debent semper habere species expressas earum in actu secundo representativas, sicut non semper eas actualiter intelligunt. Unde ut ex sequentibus constabit, species impressæ rerum omnium ab Angelis cognoscibilia semper in eorum memoria resident, & reservantur: sed species earum expressæ uel formantur, uel desinunt, eâ proportionem quâ huiusmodi res actualiter cognoscuntur.

Notandum est 4. Quodd intellectus patibilis aliter datur in nobis, aliter in Angelis. In nobis enim datur intellectus agens, qui species à rebus, mediantribus sensibus acceptas, activitate sua spiritualisat, & sic spirituales factas imprimit intellectui patibili. sive patienti, idest eas recipienti: sed quia ut dicemus in sequenti §. Angeli non recipiunt species à rebus, sed immediatè ab ipso Deo; idcirco nullus datur intellectus agens in Angelis, sed solummodo patiens, sive patibilis qui dicitur talis respectu Dei, quatenus patientis fuit sive recipiens species sibi a Deo infusas ab ipso creationis instanti.

In hoc autem uterque intellectus patibilis, humanus & angelicus convenit, quodd ex speciebus sibi impressis elicit species quæ dicuntur expressæ, eâ proportionem quâ res intelligit: & sic uterque similitudinariè dici potest intellectus agens, quamvis non in eo sensu, quo intellectus agens communiter sumi solet.

Loquimur hîc more Philosophorum, qui memoriam ab intellectu non distinguunt nam juxta veram

Theol
tandam
tur, &

Nota

aliis, c

prædet

duction

statim

semper

Deus u

minatio

sequen

Virum

ti re

illam

lunt

D. 7.

alii T

sunt, h

tus aut

dem A

solim

instan

n h'lon

su temp

mutuar

Com

recep

cies im

omniun

Præde

expres

non ea

Profo

ciesim

Theologiam in ultimo hujus articuli §. expli-
tandam, distinguuntur realiter, & in memoria recipiun-
tur, & conservantur species impressæ.

Notandum est 4. Quoddam Angelis quàm omnibus
aliis creaturis indispensabiliter necessaria est physica
prædeterminatio ad omnes suas operationes, & pro-
ductiones: unde toties quoties Angeli ex speciebus sibi
statim in ipsa creatione impressis, & in sua memoria
semper residentibus, eliciunt aliquas species expressas,
Deus ut author naturæ eis confert physicam prædeter-
minationem ad eas eliciendas.

His prænotatis videbis, ni fallor, amice lector,
quantâ claritate, & facilitate resolvantur, nedum
difficultates ad propositum spectantes, sed etiam ad
sequentes quæstiones.

§. II.

*Utrum omnes Angeli in ipso sua creationis instan-
ti receperint species impressas, & representativas
illarum omnium rerum, quas cognoscere pos-
sunt.*

D. Thomas, omnes ejus discipuli, & communiter
alii Theologi asserunt Angelos, statim atque creati
sunt, hujusmodi species per infusionem recepisse. Sco-
tus autem, ejus discipuli, & quidam alij fatentur qui-
dam Angelis statim fuisse inditas species rerum univer-
salium, imò etiam illorum individuorum, quæ in illo
instanti creationis eorum, simul cum ipsis creata sunt,
nihilominus species illorum singularium, quæ decur-
su temporis ab ipsis cognoscuntur, ab eisdem rebus
mutuari.

Concl. Angeli omnes in ipso suæ creationis instanti,
receperunt per infusionem à Deo, omnes omnino spe-
cies impressas, & in actu primo representativas rerum
omnium quas cognoscunt, & in æternum cognoscent:
Prædeterminati quoque fuerunt ad eliciendas species
expressas rerum omnium quæ tunc erant præsentēs, sed
non earum omnium quæ futuræ erant.

Probatur prima pars conclusionis, quantum ad spe-
cies impressas ex illo Ezechielis 28. *Tu signaculum*

Quaestio III. De cognitione, similitudinis, plenus sapientiā, & perfectus decor: & paulo post subditur: perfectus in viis tuis, donec inventa est iniquitas in te. Quae verba continent exprobrationem lucifero factam, quod male usus fuerit tot perfectionibus quibus ab ipso primo suae creationis momento praeditus fuerat: inter quas numeratur plenitudo sapientiae, ad quam necessario requiruntur species. Ergo Lucifer (& idem est de omnibus aliis Angelis) ab initio suae conditionis habuit species rerum omnium à se intelligibilium sibi inditas, non verò illas successu temporis à rebus accepit. Et cum hoc intelligi nequeat de speciebus expressis, ut videbimus in secunda parte conclusionis, superest ut intelligatur saltem de impressis.

Dices, locum illum intelligendum esse de speciebus repraesentativis rerum in universali, quantum ad genera, & species, sed non in particulari quantum ad individua.

Sed contra. Repraesentatio rerum in communi quae non se extendit ad singularia, est imperfecta, & semiplena, non autem plena, & perfecta: sicut enim si quis in communi tantum cognosceret dari diversa animalium genera in mundo, sed nullum ex huiusmodi animalibus in particulari agnosceret, ejus cognitio foret semiplena, & imperfecta, utpote indistincta & confusa, non autem plena & perfecta quoad omnes animalium rationes clarè, distinctè, & in particulari sumptas: ita imperfecta & semiplena tantum forent species, quae ipsi ad cognitionem inservirent, utpote quae res in communi repraesentarent, & non in particulari. Igitur si Angelus recepisset solummodo species repraesentativas rerum in communi, & illas species, quae debent res in particulari repraesentare, ab eisdem rebus successu temporis emendicaret, non fuisset conditus plenus sapientia, & perfectus in viis suis, sicut asserit scriptura sacra.

Prob. 2. ex D. Dionysio cap. 7. de div. Nominibus, qui ut refert D. Thomas 1. p. qu. 5. art. 2. ait. *Angeli non congregant divinam cognitionem à rebus divisibilibus, aut à sensibus. Cum igitur res corporeae sint res divisibiles, Angeli non accipiunt ab eis*

species
in so De
nylius il
ra nostr
unitate
tem ac
nam sa
simili m
juxta co
divina r
nec ang
lus sibi
produci
à Deo
jutorio.
Prob
ram cap
citate,
los sum
ritione
su: bi
nribus
mente A
in speci
fuerunt
Respo
ribus ar
autem
August.
no, qua
Sed n
Augusti
bus ang
Sicut e
tiones
ut fater
ribus a
Quia lo
geli h
in ipso
beati:

species earum representativas, sed eas habent sibi ab ipso Deo inditas. Et quod notatu dignum est, D. Dionysius ibidem rationem conclusionis nostræ tradit. in xta nostrum primum principium, dicens: *De fieri unitate ad divinam & plusquam sapientem mentem ac rationem, quantum fieri potest, per divinam sapientiam efformatur.* Igitur mens angelica simili modo res intelligit sicut mens divina, quantum juxta conditionem creaturæ fieri potest. Sicut ergo mens divina nullas prorsus species à rebus creatis accipit; ita nec angelica: sed omnes species impressas habet Angelus sibi à Deo infusas, species verò expressas ipsemet producit ope prædeterminationis physicæ sibi etiam à Deo collatæ, absque ullo aliarum creaturarum adjutorio.

Prob. 3. ex D. Augustino lib. 2. de Genesi ad litteram cap. 8. ut refert etiam D. Thomas in artic. jam citato, cætera, inquit D. Augult. *Quæ infra Angelos fiunt, ita causantur, ut prius fuerint in cognitione rationalis creatura, ac deinde in genere suo*: bi D. Augustinus loquitur de omnibus rebus inferioribus Angelo: non potuerunt autem esse creatæ in mente Angelorum nisi in esse intentionali, quod habent in speciebus. Ergo omnium hujusmodi rerum species fuerunt infusæ mentibus angelicis instanti creationis.

Respondent adversarij, res illas fuisse creatas in mentibus angelicis quantum ad rationes communes, non autem quantum ad rationes particulares. Alij dicunt D. Augustinum loqui de cognitione rerum in verbo divino, quæ non convenit nisi Angelis beatis.

Sed neutra responsio satisfacit. Non prima: Quia D. Augustinus asserit res illas fuisse prius creatas in mentibus angelicis, ac deinde in genere suo, sive in seipsis. Sicut ergo in seipsis creatæ sunt nedum secundum rationes universales, sed etiam secundum particulares, ut fatentur omnes: simili modo creatæ fuerant in mentibus angelicis. Secunda etiam solutio non satisfacit. Quia loquitur D. Augustinus de cognitione, quam Angeli habuerunt per sapientiam in illis creatam, proinde in ipso creationis instanti, in quo Angeli nondum erant beati: sic enim subdit: *Conditio cæli prius erat in*

Quaestio III. De cognitione,
verbo Dei secundum genitam sapientiam: deinde
facta est in creatura spirituali, hoc est in cognitio-
ne Angelorum secundum creatam in illis sapien-
tiam. Cognitio autem rerum in verbo, de qua ibi lo-
 quitur D. Augustinus, est cognitio naturalis, quam
 habuerunt omnes Angeli ab instanti creationis, præter
 quam Angeli beati in instanti suæ glorificationis, præter
 ferunt aliam cognitionem supernaturalem in eodem
 verbo divino, ut infra dicemus ex D. Thoma qu. 62.
 a. 1. ad 3. dum explicabimus cognitionem matutinam,
 & vespertinam Angelorum.

Prob. 4. loquendo generaliter de omnibus rebus ex
 angelico Doctore artic. 2. jam citato. Idem constituen-
 dus est ordo (servatâ tamen proportionem) inter sub-
 stantias spirituales, sicut inter substantias corporeas,
 quantum ad id quod dicit perfectionem: Quia divina
 providentia non minorem, sed potius maiorem curam
 habet de perfectione rerum spiritualium quam corpo-
 rationalium; nobiliores enim creaturas præfert minus nobi-
 libus, ut experienciâ in omnibus rebus constat: Sed
 inter substantias corporeas hic est ordo à divina pro-
 videntia stabilitus, ut inferiores, quales sunt subluna-
 res, non habuerint in instanti suæ creationis potentiam
 materiæ totaliter ab ipso Deo completam per suam
 formam; sed hæc potentia successivè recipiat ab aliis
 agentibus varias formas: superiores verò, quales sunt
 cœlestes, in instanti creationis ab ipso Deo receperunt
 potentiam materiæ ita totaliter completam, ut nullam
 prorsus aliam formam successû temporis recipiat ab
 ullo alio agente. Ergo etiam talis debuit esse ordo sub-
 stantiarum spiritualium, ut inferiores, quales sunt ani-
 mæ rationales, habeant potentiam intellectivam, quæ
 in instanti creationis non fuit completa naturaliter; sed
 successivè completur per species intelligibiles, quas ac-
 cipit à rebus: superiores verò, quales sunt Angeli, suam
 potentiam intellectivam in ipso instanti creationis ha-
 buerint ita completam ab ipso Deo per formam sibi
 connaturaliter debitam, sive per species intelligibiles si-
 bi infusas, ut nullam ex huiusmodi speciebus recipiat
 successû temporis ab ullis creaturis sive corporeis, sive
 spiritualibus, & nequidem ab aliis Angelis.

Et hoc
 modo
 substan-
 tiam
 anima
 corpori
 perit ei
 fatione
 frustra
 periores
 absolut
 subfiter
 lem con
 à Deo
 cum in
 Circa
 sus lect
 de Ang
 Prob
 suæ crea
 tem, lo
 compo
 etualis
 quantu
 plicand
 quod ill
 gelorum
 & resp
 get. Se
 Reipub
 suos am
 suos co
 aliorum
 Atque
 ra culli
 cederet
 species
 secund
 Simi
 tiam ex
 supra e
 do de p
 præfide

Et hoc etiam (inquit D. Thomas ibidem) ex ipso modo essendi huiusmodi substantiarum apparet. Substantia enim spirituales inferiores (scilicet Anima) habent esse affine corpori, inquantum sunt corporum forma; & ideo ex ipso modo essendi competit eis, ut à corporibus & per corpora suam perfectionem intelligibilem consequantur; alioquin frustra corporibus unirentur: substantia verò superiores (idest Angeli) sunt à corporibus totaliter absoluta, immaterialiter, & in esse intelligibili subsistentes; & ideo suam perfectionem intelligibilem consequuntur per intelligibilem effluxum, quo à Deo species rerum cognitarum acceperunt simul cum intellectu naturali natura.

Circa istas rationes, plura dici possent, quæ curiosus lector videre poterit apud salmanticenses tract. 7. de Angelis disp. 5. dub. 2.

Probaturs secunda pars conclusionis. Angeli in ipso suæ creationis instanti amicitiam contraxerunt ad invicem, societatem inierunt, & cœlestem rempublicam composuerunt; eo quod sunt ejusdem naturæ intellectualis. Nec refert quod omnes specie infima distinguantur, quia ut ostendimus supra ex D. Thoma, explicando distinctionem illam specificam, tantum abest quod illa specierum diversitas impediat mutuum Angelorum amicitiam, in qua eorum societas fundatur, & respublica, quin potius huiusmodi amicitiam auget. Sed de ratione perfectæ amicitiae, societatis, & Reipublicæ est, ut quilibet amicus cognoscat omnes suos amicos, socius omnes sibi associatos, & civis omnes suos concives. Ergo quilibet Angelus debuit statim aliorum omnium Angelorum actualem habere notitiam. Atque ita conveniens fuit, quod Deus ut author naturæ cuilibet Angelo physicam prædeterminationem concederet per quam ex speciebus sibi impressis eliceret species expressas aliorum omnium Angelorum in actu secundo representativas, & sic eos omnes agnosceret.

Similiter cum omnes Angeli suam statim præsentiam exercuerint supra omnes universi creaturas, ut supra etiam ostendimus, & explicabimus magis agendo de præsentia Angelorum: & de ratione perfectæ præsentiae sit, quod præses actualem notitiam ha-

beat earum rerum quibus præsider: conveniens quoque fuit ut quilibet Angelus ope physica prædeterminationis species expressas eliceret, quibus mediantibus omnes universi creaturas tunc existentes agnosceret.

Sed quia Angeli nequeunt naturaliter cognoscere res futuras, quousque factæ sint præsentibus, ut explicabimus postea ex professo: Idcirco conveniens quidem fuit quod statim reciperent species impressas huiusmodi rerum futurarum in actu primo repræsentativas, per quas sunt capaces suo tempore cognoscendi illas: sed dari non debuit prædeterminatio physica ad eliciendas species expressas, quibus eas de facto cognoscerent, quousque factæ sint præsentibus.

§. III.

Soluntur obiectiones.

Obiic. Apostolus ad Ephesios cap. 3. ait: *ut innotescat Principatibus, & potestatibus, in celestibus, per Ecclesiam, multiformis gratia Dei.* Ubi plures expositores asserunt, quod ipsimet Angeli didicerunt ab Apostolis plures, & varias circumstantias mysteriorum gratiæ; non quidem ipsum actum cognitionis recipiendo, sed species huiusmodi circumstantiarum repræsentativas, sicut dum Magister suos Discipulos instruit.

Resp. quod hunc locum magis explicabimus, quando agemus de illuminatione Angelorum. Interim dico, quod receperunt huiusmodi notitiam ab Apostolis & ab Ecclesia non effectivè, sed occasionaliter: quia per Apostolorum prædicationem, & Ecclesiæ sanctæ fundationem, & propagationem plura gratiæ mysteria, quæ erant futura, facta sunt præsentia, v. g. conversio gentilium: licet autem Angeli revelationem habuissent huiusmodi conversionis, & aliorum mysteriorum quoad substantiam, adhuc tamen plures eorum circumstantias nesciebant, quæ dum factæ sunt præsentibus, ipsis innotuerunt, sicut variæ conditiones eorum, qui conversi sunt: non quod species expressas huiusmodi circumstantiarum repræsentativas aliunde acceperint Angeli; sed

quia eas
mus.

Obiic.

Deus no-

eius vi-

raliter

sensus v

etiam ca

aliter in

Ergo.

Resp.

nihil ali

tem divi

licas ex a

tur, qua

ro sit præ

At verò

illam cog

& immu

humanæ

quàm in

mentes an

sam, &

pressam,

tes autem

præ, qui

metapho

per suis

per suas

Obiic.

tur, sun

creationis

finite, q

Resp. c

repræsent

primo, co

lummodo

do de præ

cundæ po

nitum fin

uita, quia

quia eas in seipsis formaverunt, sicut jam explicuimus.

Obiic. 2. D. Augustinus 12. de Trinit. cap. 7. ait: *Deus non ad tempus videt, nec aliqui novi fit ex eius visione, atque scientia, cum aliquid temporaliter ac transitorie geritur: sicut inde afficiuntur sensus vel carnales animalium, & hominum, vel etiam caelestes Angelorum.* Sed mentes Angelicæ non aliter immutantur quàm de novo recipiendo species. Ergo.

Resp. quodd ex ipsis terminis patet, D. Augustinum nihil aliud velle, quàm statuere discrimen inter mentem divinam ex una parte, & mentes humanas & angelicas ex altera: quodd mens divina nullatenus immutatur, quando in tempore aliquid geritur, sive ex futuro sit præsens; quia semper omnia ab aeterno cognovit. At verò mentes humanae & angelicæ sicut de novo rem illam cognoscunt, ita ad ipsius præsentiam afficiuntur, & immutantur: sed tamen diversimodè, quia mentes humanae recipiunt de novo speciem tam impressam quàm impressam, huius rei repræsentativam; sed mentes angelicæ semper habuerunt speciem ejus impressam, & de novo non produciunt nisi speciem ejus expressam, quam in seipsis, & à seipsis recipiunt. Mentis autem angelicæ dicuntur sensus caelestes, non propriè, quia certum est Angelos non habere sensus, sed metaphoricè & similitudinariè, quatenus sicut homines per sensus suos rerum notitiam acquirunt, ita Angeli per suas mentes,

Obiic. 3. Ea quæ ab Angelis in aeternum cognoscuntur, sunt infinita. Ergo si species eis infusa in ipso creationis instanti ea omnia repræsentarent, forent infinita, quod tamen negant Thomistæ.

Resp. concedo antec. & dist. consequ. si ea omnia repræsentarent tam in actu secundo, quàm in actu primo, conc. quodd essent infinita: si repræsentent solummodo in actu primo, ne. sicut enim diximus agendo de prædeterminatione physica, quamvis causæ secundæ possint plures & plures effectus producere in infinitum *simpliciter* categorematice; earum tamè virtus non est infinita, quia non est completa nisi in actu primo; & quo.

ties aliquis ex huiusmodi effectibus produci debet, toties requiritur ut virtus illa compleatur per physicam praedeterminationem ei superadditam: Ita species Angelis infusae non sunt infinitae, licet infinitorum objectorum sint representativae, quia non sunt nisi species impressae, & solummodo in actu primo representativae; & quoties aliquod ex huiusmodi objectis representari debet in actu secundo, toties requiritur, ut Angelis praedeterminatio physica conferatur, ad producendam expressam illius objecti in actu secundo representativam.

Obiic. 4. Perfectio, quae attribuitur inferiori, multo magis debet attribui superiori. Sed abstrahere species intelligibiles à rebus est perfectio, quae beneficio intellectus agentis convenit animae rationali licet inferiori. Ergo à fortiori debet convenire Angelo tanquam superiori.

Resp. dist. mai. Si perfectio illa sit conformis naturae rei superioris, sicut inferioris, conc. si non sit conformis, ne. abstrahere autem species intelligibiles à rebus est perfectio, quae conformis est naturae animae nostrae, non autem naturae Angeli, ut satis patet ex dictis. Et ideo attribui debet Animae, sed non Angelo.

Quar. 1. Utrum implicet, quod Angelus intelligat per species à rebus acceptas.

Resp. quod nulla mihi videtur in hoc implicantia: nec D. Thomas quidquam dicit, quod eam convincat, vel insinuet. Et certè si species à rebus acceptae ita spiritualisari possunt, ut intellectui nostro, qui totus spiritualis est, uniri possint, ipsique ad rerum notitiam inservire: cur Deus non poterit per suam potentiam absolutam easdem species ad talem spiritualitatis gradum perducere, ut intellectui angelico uniri possint, & ipsi ad rerum notitiam similiter inservire?

Quar. 2. Utrum species Angelis infusae sint eorum proprietates.

Resp. quod aliqui Thomistae affirmant: alij communiter negant. Et istud est probabilius. Quia proprietates hoc habent ex ipsa rerum natura, quod semper inseparabiliter comitantur suam essentiam. Species autem infusae Angelorum non habent hoc ex natura

sua:

sua : quia Angelo non conveniunt nisi quatenus est pars hujus universi : quod si foret pars alterius universi , non convenirent ipsi , sed infunderentur ei aliæ species representativæ rerum illius alterius universi. Quia tamen ex suppositione quod Angelus ad hoc universum pertineat , exigit ex natura sua , quod tales ipsi species fuerint intuitivæ : idcirco hujusmodi species dicuntur ei connaturales , quare forent ejus proprietates.

§. IV.

Vtrum superiores Angeli intelligant per species magis universales , quam inferiores. Mirum quod Philosophus hanc veritatem agnoverit , & ex nostro primo principio intulerit.

Negant Scotus , & alij , qui dicunt Angelos desumere species suas ab objectis. Affirmant D. Thomas , omnes ejus discipuli , & communiter alij Theologi.

Concl. Angeli intelligunt per species universales , & eò universaliores , quod ipsi sunt in natura superiores.

Probat conclusionem D. Thomas 1. p. qu. 50. artic. 3. in primis ex D. Dionysio cap. 10. cœlestis Hierarchiæ , ubi ait : *Superiores Angeli participant scientiam magis in universali quam inferiores.* Quæ verba Doctor angelicus magis citat secundum sensum , quam secundum corticem litteræ , ut observat optimè Joannes à S. Thoma : & quamvis non fiat ibi expressa mentio de speciebus ; attamen quia species correspondent scientiæ , cui inserviunt , idcirco Doctor angelicus jure optimo Dionysium intellexit etiam de ipsis speciebus , sicut observavit quoque idem Joannes à S. Thoma.

Probat 2. D. Thomas ibidem ex libro de causis , qui attribuitur Aristoteli , ubi dicitur , quod *Angeli superiores habent formas magis universales.* Et quod mirum est , nedum Philosophus solo naturali lumine ductus , nostram conclusionem tradit , sed etiam ipsam infert ex nostro primo principio. Sic enim habet in eodem libro de causis prout refertur tomo 4. operum D. Thomæ juxta editionem Parisiensem , lectione 10.

Omnis intelligentia plena est formis: verumtamen ex intelligentiis sunt quæ continent formas plus universales, & ex eis sunt quæ continent formas minus universales: Quod est quoniam forme quæ sunt in inferioribus per modum particularem, sunt in intelligentiis primis per modum universalem &c. Et in primis intelligentiis est virtus magna, quoniam sunt vehementioris unitatis, quam intelligentiis secunda universales inferiores: & in intelligentiis secundis inferioribus sunt virtutes debiles, quoniam sunt minoris unitatis, pluri-
multiplicitatis. Quod est, quia intelligentia, quæ sunt propinqua uni vero puro, sunt maioris quantitatis, & maioris virtutis; & intelligentia, quæ sunt longinquiores ab uno puro, sunt minoris quantitatis, & debilioris virtutis.

Probat 3. Doctor angelicus ibidem hoc discursu, qui etiam fundatur in nostro primo principio. Dicendum, quod ex hoc sunt in rebus aliqua superiora, quod sunt uni primo, quod est Deus, propinquiora, & similia. In Deo autem tota plenitudo intellectua-
lis cognitionis continetur in uno, scilicet in essentia divina, per quam Deus omnia cognoscit. Quæ quidem intelligibilis plenitudo in intelligibilibus creaturis inferiori modo, & minus simpliciter invenitur. Vnde oportet, quod ea quæ Deus cognoscit per unum, inferiores intellectus cognoscant per multa: & tanto amplius per plura, quanto amplius intellectus inferior fuerit. Sic igitur, quando Angelus fuerit superior, tanto per pauciores species universitatem intelligibilium apprehendere poterit. Et ideo oportet, quod eius forma sint universaliores, quasi ad plura se extendens unaquaque earum. Et hoc per exemplum aliquammodo in nobis perspicui potest. Sunt enim quidam, qui veritatem intelligibilem capere non possunt, nisi eis particulatim per singula explicetur: & hoc quidem ex debilitate intellectus eorum contingit. Alii vero, qui sunt fortioris intellectus ex paucis multa capere possunt.

Obiic. 1. Cognoscere res in universali est cognoscere

imperfectius, quàm cognoscere eas in particulari. Sed cognoscere eas per species universales est cognoscere in universali, & cognoscere per species particulares est cognoscere in particulari. Ergo Angeli superiores imperfectius cognoscerent quàm inferiores, quod est absurdum.

Resp. dist. ma. Cognoscere in universali, ex parte rei cognita, concedo quodd hoc est cognoscere imperfectius: ex parte medij cognoscendi, nego. & similiter distinguenda est minor. Nam Angeli superiores cognoscunt res magis in universali, ex parte medij cognoscendi, sive mediantibus speciebus magis universalibus: sed ex parte rei cognita cognoscunt magis in particulari: quia per huiusmodi species magis universales repræsentantur res magis distinctè, clarè, & in particulari, quàm per species minùs universales: & sic Angeli superiores longè perfectius res cognoscunt quàm Angeli inferiores. Sicut Deus cognoscit omnia perfectissimè & tamen cognoscit ea universalissimè ex parte medij cognoscendi, scilicet essentiæ suæ, quæ universalissimè repræsentat omnia; cognoscit autem particularissimè ex parte rei cognita, quia essentia divina repræsentat omnia maximè distinctè & in particulari. Solutio est D. Thomæ in artic. jam citato ubi ait: *Decendum, quodd cognoscere aliquid in universali, dicitur dupliciter. Vno modo ex parte rei cognita, ut scilicet cognoscatur solum universalis natura rei: & sic cognoscere aliquid in universalis est imperfectius: imperfectè enim cognosceret hominem, qui cognosceret de eo solum quod est animal. Alio modo ex parte medij cognoscendi, & sic perfectius est cognoscere aliquid in universali: perfectior enim est intellectus, qui per unum universale medium potest singula propria cognoscere, quàm qui non potest.*

Obic. 2. Species desumunt suam unitatem specificam ab objectis quæ repræsentant, ut docent Philosophi. Sed non possunt unitatem specificam desumere à pluribus objectis earum specificativis, ut per se patet. Ergo nec potest una species universalis plura objecta particularia repræsentare.

Resr. diff. maiorem, & eam concedo de speciebus quæ sunt à rebus acceptæ, sicut sunt species, quæ intellectui nostro deserviunt: nego de speciebus, quæ sunt ab ipso solo Deo derivatæ, sicut species angelicæ. Ratio discriminis est: quia species à rebus acceptæ, sicut sunt ab eis causatæ, ita suam ab ipsis unitatem specificam desumunt: sed sicut species angelicæ, non causantur à rebus, quas repræsentant, sed ab idæis divinis, & à specie increata derivantur, ita non desumunt suam unitatem specificam ab ipsis rebus, sed à specie increata: & sicut ipsa species increata, sive essentia divina, quamvis sit maximè una, plura tamen, imò etiam infinita repræsentat: ita species angelicæ, quod sunt universaliores, eò magis ad illam divinam unitatem accedunt, & nihilominus plura repræsentant.

Infer ex dictis, quod primus, & supremus omnium Angelorum unicam habet speciem universalissimam, per quam omnia cognoscit, quæ ad ipsius statum pertinent. Cum enim omnes Angeli per suam substantiam, & seipsos, & Deum cognoscant, ut dicemus postea, non indigent ad hoc aliqua specie, quæ ab ipsorum substantia distinguatur. Unde primus Angelus Deum, & seipsum cognoscit per suam substantiam, & unicam habet speciem, per quam cognoscit omnes universi creaturas, tam spirituales, sive omnes alios Angelos, quàm corporeas: secundus Angelus duas habet species, unam per quam cognoscit Angelum supremum, & alteram, per quam cognoscit omnes alios Angelos, omnesque creaturas universi: tertius Angelus habet tres species, duas per quas cognoscit duos Angelos superiores, & tertiam per quam cognoscit cætera omnia: & sic dicendum est de omnibus aliis Angelis. Quod si Deus produceret Angelum superiorem illo, qui modò est supremus, tunc cuilibet Angelo superadderetur una species: sicut enim ille qui modò est primus, fieret secundus, ita haberet duas species, unam quæ cognosceret alium de novo supremum; & alteram quæ cognosceret cætera omnia: & quia secundus fieret tertius, haberet tres species, duas repræsentativas duorum Angelorum superiorum, & tertiam repræsentativam omnium aliarum rerum: & idem dicendum foret in illa

funt
quod
infini
mus
infini
vis en
jorem
quam
men d
rem p
test h
tician

Nih
bus,
Thom
Not
bere n
rum,
Docto
ci poss
habue
cierun
nent;
rumpi
anima
consta
rituale
proliu
biles,
import
desiste
quas co
quia sp
itaut q
confide
Nota

suppositione de omnibus aliis Angelis. Nec refert, quod cum Angelorum multitudo sit prope modum infinita, ut diximus in quaest. 1. hujus tractatus, infimus omnium Angelorum informaretur prope modum infinita multitudo specierum intelligibilium: Quamvis enim paucitas hujusmodi specierum in Angelis majorem dicat perfectionem, pluralitas tamen earum quamvis minorem perfectionem importet, nullam tamen dicit imperfectionem: Imò in hominibus majorem perfectionem dicit: quanto enim plures species potest homo acquirere, tanto majorem habet rerum notitiam, & est perfectior.

§. V.

Singularis doctrina de memoria angelica.

Nihil ferè de memoria angelica invenio in Authoribus, quæ tamen de ipsa dico, ex principiis doctrinæ Thomisticæ infero.

Notandum est 1. Quod illi communiter dicuntur habere memoriam angelicam, qui nihil obliviscuntur eorum, quæ semel didicerunt, sicut refertur de nostro Doctore angelico: Quia Angeli nihil prorsus oblivisci possunt eorum omnium, quorum aliquando notitiam habuerunt: oblivio enim provenit ex corruptione specierum intelligibilium, quæ ad rerum notitiam pertinent; quamvis autem in nobis hujusmodi species corrumpi possint variis de causis, propter dependentiam animæ ab ipsa dispositione corporis, ut experientia constat: non tamen in Angelis, qui cum sint toti spirituales, & ab omni corpore, & materia exempti, & prorsus independentes, sunt etiam omnino incorruptibiles, & quoad substantiam suam, & quoad omnia quæ important. Unde licet Angeli possint ad libitum suum desistere ab actuali consideratione plurium rerum quas cognoscunt; non propterea obliviscuntur earum: quia species hujusmodi rerum semper in eis subsistunt, itaut quoties volunt toties iterum res illas actualiter considerare possint, ut mox explicabimus magis.

Notandum est 2. quod sicut explicavimus in qu. ult.

ma præcedentis tractatus de Trinitate, Imago SS. Trinitatis reperitur & in homine, & in Angelo, quantum ad tres illas potentias, memoriam, intellectum, & voluntatem; & quod memoria realiter distinguitur ab intellectu, sicut ibidem explicuimus ex nostro doctissimo, & in operibus D. Thomæ versatissimo Bergomensi, & paulo fufius explicandum est. Sic igitur habet in concordantiis dictorum, & conclusionum D. Thomæ, dubio 866. Dicendum, quod sicut ipse ibi distinguit (scilicet in 1. dist. 3. qu. 4. artic. 1.) hoc *nomen*, *potentia*, *sumitur dupliciter*, scilicet *uel secundum quod Philosophi communiter accipiunt*, idest pro principio operativo: & sic quia memoria non habet operationem distinctam ab operatione ipsius intellectus, ideo Philosophi secundum essentiam potentia, sive ut est potentia cognoscitiva, non posuerunt eam distinctam ab eo. Vel sumitur pro qualibet proprietate anima continente naturam eius, sive ordinetur ad actum, sive non, sive ut est principium intelligentiæ: & sic quia receptibilitas, sive retentio habitualis est quidam proprietatis anima, continens naturam eius in quantum est possibilis, sicut omne quod habet esse ab alio, ideo ponitur quidam potentia anima: & dicitur memoria, quæ non habet actum, sed esse principium intelligentiæ, uel recipere, uel habitualiter retinere species intelligibiles est sibi loco actus: & sic ponitur in primo sententiarum esse potentia distincta ab intellectu possibili, non autem primo modo. Sic Bergomensis conciliat varia Doctoris nostri angelici testimonio, in quibus quandoque negat memoriam ab intellectu distingui, quandoque econtra asserit esse distinctam.

Notandum igitur 3. Quod sicut in anima nostra, ita etiam in Angelo, memoria non distinguitur quidem ab intellectu prout est potentia activa, quia non habet actionem sibi propriam ab intellectus actione distinctam: Sed tamen realiter ab ipso distinguitur prout est potentia passiva, sive receptiva specierum intelligibilium, quia proprium munus memoriæ est huiusmodi species retinere, & conservare. Unde quamvis lo-

quæ
intell
juxta
Ang
mem
specie
Angel
serva
tellig
pressi
No
quam
ciden
nes s
man
specie
actio
à quo
& sub
memo
huius
gelice
nus in
intell
tenus
patien
No
facile
rerum
aliqui
test, q
difficul
dum el
sunt co
confide
rum co
actione
species
in quib
objecta i
totum co

quando juxta Philosophos, dicantur species imprimi intellectui patibili, ut insinuavimus supra, a tramen juxta veritatem Theologicam dicendum est; quod in Angelis dantur tres illæ potentia realiter distinctæ, memoria, intellectus, & voluntas: & quod omnes species, quæ in ipso creationis instanti fuere infusæ Angelis, fuere impressæ memoriæ angelicæ, ibique reservantur: & quod dum Angelus aliquid actualiter intelligit, elicit ex illis speciebus impressis speciem expressam hujusmodi rei repræsentativam.

Notandum 4. Quod cum in doctrina D. Thomæ, quam Thomistæ explicant in Philosophia, unum accidens non possit transire de una potentia ad aliam, omnes species impressæ semper in Angelorum memoria remanent, nec transire possunt ad intellectum: sed quia species expressæ se habent sicut intellectiones, qualunt actiones immanentes, sive remanentes intra principium à quo producuntur, ideo hujusmodi species remanent, & subjectantur in intellectu, qui eas ex speciebus in memoria residentibus exprimit; nec nisi in intellectu hujusmodi species reperiuntur. Sic revera memoria angelica dici potest mens patiens, sive patibilis, quatenus in se recipit, & retinet omnes species impressas: & intellectus angelicus dici potest intellectus agens quatenus producit omnes species expressas, & intellectus patiens, sive patibilis quatenus eas in se recipit.

Notandum denique, quod ex his videtur clarè, & facile explicari posse, quomodo Angeli possint habere rerum memoriam, sive ipsarum recordari, quamvis aliqui Thomistæ, de quibus aliunde dubitari non potest, quin forent doctissimi, aliquando dixerint hanc difficultatem esse prorsus inexplicabilem. Igitur dicendum est, quod plura sunt in mundo, quæ Angeli possunt considerare si volunt, vel etiam ab actuali eorum consideratione desistere, sicut sunt v. g. individua rerum corruptibilium, vel particulares plurium hominum actiones. Quando hæc objecta considerant, formant species expressas eorū ope physica prædeterminationis in quibus tanquam in verbo mentis, & spiritali speculo objecta illa intuentur: quando autem cessant ab actuali eorum consideratione, cessant quoque species illæ ex-

pressæ, sed semper in eorum memoria remanent species impressæ huiusmodi objectorum: & quando ea iterum actualiter considerare sive eorum recordari volunt, Deus ut author naturæ semper paratus est physicam illis prædeterminationem conferre, cuius ope de novo species expressas huiusmodi objectorum forment, & in speciebus illis tanquam in speculis & imaginibus spiritualibus hæc omnia contemplantur.

§. VI.

Difficultas non mediocris circa testimonia D. Thomæ, qua non videtur satis explicari ab Authoribus,

Ex dictis in paragr. præcedentibus huius articuli, & præsertim de memoria angelicâ, oritur non mediocris difficultas circa testimonia D. Thomæ, de qua tamen nihil dicunt Authores, quos videre potui. Pro ipsius autem resolutione.

Notandum est 1. Quod D. Thomas Quodl. 5. artic. 9. sic habet. Manifestum est, quod omnis operatio intellectus procedit ab eo, secundum quod est factus in actu per speciem intelligibilem; quia nihil operatur nisi secundum quod est actu: unde necesse est, quod species intelligibilis, quæ est principium operationis intellectualis, differat à verbo cordis, quod est per operationem intellectus formatum: Quamvis ipsum verbum possit dici forma, vel species intelligibilis, sicut per intellectum constituta; prout forma artis, quam intellectus adinvenit, dicitur quadam species intelligibilis.

Ex hac autoritate habemus, quod tam in Angelis, quam in nobis species intelligibiles sunt in duplici differentia: Aliæ sunt impressæ, & istæ sunt intellectus principium: Aliæ verò expressæ, seu verbum mentis, & istæ sunt ejusdem intellectus terminus: Unde realiter ab invicem distinguuntur.

Not. 2. Quod idem angelicus Doctor ibidem ad 1. ait: Dicendum quod intellectus intelligit aliquid dupliciter: uno modo, formaliter; & sic intelligit specie

specie intelligibili, quâ fit in actu: alio modo, sicut instrumento quo utitur ad aliud intelligendum: & hoc modo intellectus verbo intelligit, quia format verbum ad hoc quod intelligat rem. Verum est igitur id quod sæpè diximus, quod quoties Angelus aliquid de novo cognoscit, toties ex suis speciebus impressis elicit speciem expressam, seu format verbum mentis, in quo huiusmodi rem intelligit.

Not. est 3. Quod idem Sanctus Doctor 1. p. qu. 93. a. 7. in corp. tradit hoc axioma: *verbum in anima nostra sine actuali cogitatione esse non potest, ut Augustinus dicit 14. de Trinit. (cap. 7.)* Idem angelicus Doctor ibidem ad 3. ait: *Dicendum quod sicut Augustinus probat 24. de Trinit. (in eodem cap. 7.) intelligere dicimur & velle seu amare aliqua, & quando de his cogitamus, & quando de his non cogitamus: sed quando sine cogitatione sunt, ad solam memoriam pertinent.* Eandem doctrinam tradit qu. 10. de verit. artic. 3. Nihil ergo verius, & doctrinæ D. Thomæ conformius, quam quod sæpè diximus, quod dum Angelus (nam de ipso eadem est ratio quantum ad hoc sicut de Anima nostra) vult aliquid actualiter considerare, & quamdiu illud considerat, tamdiu in eo subsistit species expressa, seu verbum quod format ad huiusmodi rei representationem: sed statim atque vult cessare ab actuali consideratione illius, desinit quoque species expressa, seu verbum illam representans: & in sola memoria remanet species impressa ejusdem rei representativa: & quando vult Angelus iterum eam considerare, sive ipsius reminisci, necesse est ut iterum etiam ex specie impressa eliciat novam speciem expressam, seu de novo formet verbum, quo huiusmodi rem sibi ipsi representet, eamque in tali verbo velut in speculo actualiter consideret.

Sed difficultas in hoc superest, quod D. Thomas quodl. 7. artic. 3. ad 2. sic expressè loquitur: *Dicendum quod quando aliquid incipit esse præsens, Angelus de novo cognoscit illud non factâ aliquâ innovatione in ipso Angelo, sed re cognoscibili, in qua est aliquid quod prius non fuit, quod sine ea*

Quest. III. De cognitione, cognita non cognoscitur. Et qu. 16. de malo, artic. 7. ad 13. ait: Dicendum, quod hoc quod Daemon non cognoscit id quod est futurum, non provenit ex eo quod intellectus suus sit in potentia; sed ex eo quod singulare futurum nondum participat formam speciei, cuius similitudo actu praeexistit in intellectu Daemonis.

Quomodo, quaeso, hæc testimonia conciliari possunt cum præcedentibus, si enim Angelus, quando aliquid de novo cognoscit, producit, & recipit in se de novo speciem ejus expressam, & verbum: Ergo aqualiter immutatur in seipso: atque ita falsum est, quod tunc non fiat in ipso aliqua innovatio. Similiter, si speciem illam expressam, illudque verbum non habebat antea, quando rem illam nondum cognoscebat: Ergo erat in potentia ad huiusmodi speciem, & verbum: atque ita falsum est quod respectu futurorum intellectus ejus non sit in potentia.

Sed in primis hæc difficultas ab omnibus solvi debet. certum est enim, quod dum Angelus aliquid de novo cognoscit, producit & recipit in seipso actum illius cognitionis: atque ita de non cognoscente fit cognoscens, & de cognoscente in potentia fit cognoscens in actu. Igitur fit in eo aliqua innovatio, & intellectus ejus erat in potentia.

Dico igitur, quod in autoritate ex quodl. 7. de sumpta D. Thomas negat innovationem fieri in Angelo, quæ proveniat ab extrinseco, per receptionem speciei impressæ ab ipsa re quam cognoscit: sed non negat innovationem, quæ proveniat ab intrinseco, per actum cognitionis, & speciem expressam seu verbum, quod Angelus ipse producit in seipso. Quod patet ex objectionem quam ibi solvit: sibi enim ita objicit in 2. argumento: *Per hoc quod particulare quod erat futurum, fit præsens, non fit aliqua innovatio in intellectu angelico, cum nihil accipiat à re extra.* Ergo quando in responsione ad illud 2. argum. dicit, non fieri tunc aliquam innovationem in Angelo, negat solummodo innovationem proveniente ab extrinseco, sive ab ipsa re cognita. Hoc etiam patet ex 1. p. qu. 55. artic. 1. ubi asserit Doctor angelicus, quod quia An-

angelus semper actualiter habet species objectorum representativas, potest ea cognoscere, absque aliqua, inquit, mutatione, uel receptione precedenti. Negat ergo quoddam quando Angelus res de novo cognoscit, fiat aliqua immutatio, uel receptio precedens, siue per species impressas, quæ præcedunt cognitionem tantquam ipsius principium, quia Angelus omnes species impressas semper habuit ab ipso primo suæ creationis instanti: sed non negat, quin fiat aliqua immutatio, uel receptio subsequens, siue per species expressas, & verbum mentis, quæ subsequuntur cognitionem, tantquam ipsius terminus; & toties de novo producantur, quoties aliquid de novo cognoscitur.

Similiter in autoritate deprompta ex qu. 16. de malo, D. Thomas negat solummodo Angelum esse in potentia, quæ reducatur ad actum per aliquod agens extrinsecum: sed non negat, quin sit in potentia, quæ reducatur ad actum per ipsummet Angelum. Hoc patet ex objectione, quam ibi solvit: sibi enim ita obijcit in 13. argum. *Si Demones non cognoscunt ea, quæ non habent causam determinatam, quando sunt futura, cognoscunt autem ea quando sunt præsentia, videtur sequi, quod eorum intellectus reducatur de potentia in actum. Sed hoc videtur impossibile, quia nihil reducitur de potentia in actum nisi ab aliquo excellentiori: non est autem ponere aliquod creatum excellentius intellectu angelico.* Igitur angelicus Doctor in responsione ad illud 13. argumentum, negat intellectum Angeli ita esse in potentia, ut in actum reduci debeat per aliquod agens extrinsecum, & creatum: sed non negat, quin ita sit in potentia, ut in actum reduci debeat per seipsum, & per ipsum Deum physicè prædeterminantem. Patet etiam ex 1. p. qu. 58. artic. 1. ubi D. Thomas quaerit, *utrum intellectus Angeli quandoque sit in potentia, quandoque in actu.* Et quaestionem resolvit, distinguendo duplicem potentiam, scilicet habitualem, & actuaalem: & negat intellectum Angeli esse in potentia habituali, quia nimirum semper habet species impressas, quæ ipsi habitualiter siue in actu primo representant omnia, quæ naturaliter cognoscere potest: sed asserit econtra

quod est in potentia actuali; quia nimirum non semper habet species expressas, quæ res actualiter, sive in actu secundo representant: secundo modo, inquit, intellectus Angeli potest esse in potentia ad ea quæ cognoscit naturali cognitione: non enim omnia quæ naturali cognitione cognoscit, semper actu considerat.

'ARTICULUS II.

De objecto cognitionis angelicæ.

Objectum angelicæ cognitionis est duplex, scilicet spirituale, & materiale: de utroque agimus in hoc articulo.

§. I.

Primum Angelus cognoscit seipsum per suam substantiam, nedum tanquam per speciem impressam, sed etiam expressam, seu verbum.
Author retractat sententiam, quam hucusque docuerat.

Omnes Thomistæ, & communiter alij Theologi, docent Angelum seipsum cognoscere per suam propriam substantiam tanquam per speciem impressam: sed verum substantia ipsius in illa cognitione sit etiam species expressa, seu verbum mentis, inter se dissentiunt. Cajetanus 1. p. qu. 27. a. 1. §. ad tertium, & alij etiam ex gravioribus Thomistis, quamvis pauci ut testatur Archipræsul de Marinis 1. p. qu. 28. art. 1. cap. 1. docent Angelum in sui cognitione non formare verbum, sed substantiam ejus habere rationem speciei expressæ, seu verbi. Hanc opinionem probabilem censet Nazarius 1. p. qu. 27. artic. 1. controu. 2. Eam que secutus sum ego in præcedenti tract. de SS. Trinitate qu. 1. artic. 4. §. 2. & in universitate docui, quoties dictavi tractatum de Angelis: sed quia modò ad examinem revocando, & bene ponderando ea quæ dicuntur

& pro, & contra huiusmodi opinionem, invenio eam auctoritati D. Thomæ oppositam, ipsam libenter hinc retracto. Unde pro altera opinione, quæ communis est inter Thomistas, sit.

Conclusio. Quilibet Angelus seipsum cognoscit per suam substantiam tanquam per speciem impressam; non tamen tanquam per speciem expressam, seu verbum; sed in propria sui cognitione format huiusmodi *verbum*.

Prima pars conclusionis probatur. Diximus enim in tractatu de visione Dei, & etiam initio articuli præcedentis, quod species impressa realiter distincta à substantia objecti cognoscibilis duplici tantum de causis requiritur, vel ad supplendum defectum sufficientis spiritualitatis, vel sufficientis præsentiae. Sed neutra de causa requiritur in cognitione, quam Angelus habet de sua substantia: est enim sufficienter spiritualis; cum substantia Angeli sit in eodem gradu spiritualitatis cum intellectu suo; imò intellectus Angeli totam spiritualitatem suam desumat ab eius substantia, à qua dimanat tanquam proprietas ab essentia: est etiam sufficienter præsens; cum Angeli substantia semper uniatæur cum intellectu suo, tanquam cum sua proprietate, quæ ab ipsa dependet, ipsique semper inhaeret. Ergo non requiritur species impressa realiter distincta, sed ipsamet Angeli substantia habet rationem talis speciei impressæ in cognitione, quam habet Angelus de seipso.

Secunda pars conclusionis probatur 1. auctoritate D. Thomæ 4. contra gentes cap. ij. ubi sic habet: *Perfectior est intellectualis vita in Angelis, (scilicet quam in hominibus) in quibus intellectus in sui cognitionem non procedit ex aliquo exteriori, sed per se cognoscit seipsum: nondum tamen ad ultimam perfectionem vita ipsorum pertingit: quia licet intentio intellecta sit in eis omnia in-
trinseca, non tamen ipsa intentio intellecta est eorum substantia: quia non est idem in eis intelli-
gere, & esse.*

Ubi Doctor angelicus duo dicit: unum, quod Angelus cognoscit se per seipsum, scilicet per suam substantiam, tanquam per speciem impressam; aliud, quod

propterea ejus substantia non est intentio intellecta, si-
ve species expressa, & verbum.

Respondetur, quod per intentionem intellectam D.
Thomas intelligit ipsammet actionem intellectivam ab
Angelo productam, quam certum est ab ejus substantia
distingui.

Sed quamvis hanc responsonem ego darem, quando
tenebam opinionem oppositam; nihilominus dum au-
thoritatem illam volui videre in fonte, inveni quod
hæc expositio sustineri nullatenus rotest. Sic enim
paulo post ibidem subdit angelicus Doctor. *Dico au-
tem intentionem intellectam, id quod intellectus
in seipso concipit de re intellecta. Qua quidem in
nobis neque est ipsa res qua intelligitur, neque est
ipsa substantia intellectus: sed est quedam simili-
tudo concepta in intellectu de re intellecta quam
voces exteriores significant: unde & ipsa intentio
verbum interius nominatur, quod est exteriori
verbo significatum.* Hoc testimonium est ita evidens,
& convincens, ad probandum, quod D. Thomas per
intentionem intellectam, quam dicit ab ipsa Angeli
substantia distingui, significat speciem expressam, seu
verbum, ac proinde Angelum in sui cognitione forma-
re verbum, ut me ad retractionem coegerit.

Probari communiter solet eadem pars conclusionis
rationibus, quæ quia sunt falsæ, erant mihi occasio
tenendi sententiam oppositam. Præcipua hujusmodi
rationum hæc est. Si substantia Angeli foret species
expressa, seu verbum, sequeretur quod foret etiam sua
intellectio. Hoc autem est falsum secundum omnes.
Ergo & illud. Probatur sequela majoris. Inter substan-
tiam Angeli & ipsam speciem expressam, seu verbum
mediat intellectio; cum ab ipsa substantia procedat, &
ipsum verbum producat. Non potest igitur substan-
tia Angeli sibi identificare speciem expressam, seu
verbum, quin sibi etiam identificent intellectioem
suam.

Patet quod hæc ratio falsa est. Nam sicut inter sub-
stantiam Angeli & speciem expressam, seu verbum
mediat intellectio, ita inter eandem substantiam, &
speciem impressam mediat intellectus; cum à substan-

ria pro
idem
præxi
men
identific
identific
identific
propter
cendum
tificare
prius &
rellectus
tenent
non poss
sibi idem
prella, &
intellect
ex parte
sibi reali
terea sibi
etiam si
non pro
re intelle
Prob.
ter, qua
sophi de
ctionis
bum re
potest.
tia non
mi. de
senter eb
liter non
verbum
dent. Se
servare
Angelo
tia cons
sideratio
& tamen

zia procedat, & aliunde præcedat speciem impressam; idcirco enim impressa dicitur, quia intellectui jam præexistenti imprimitur, & in ipso subiectatur. Et tamen secundum omnes substantia Angeli sibi realiter identificat speciem impressam, quin propterea sibi identificet suum intellectum. Ergo similiter posset sibi identificare speciem expressam, seu verbum, quin propterea sibi identificaret intellectiorem suam. Dicendum est ergo quod aliquid non potest sibi identificare posterius, quin sibi identificet prius, quando prius & posterius sunt ejusdem ordinis: unde cum intellectus, & intellectio sint ejusdem ordinis, quia se tenent ex parte ipsius cognoscentis: ideo substantia non posset sibi identificare intellectiorem suam, quin sibi identificaret suum intellectum. Sed quia species impressa, & expressa seu verbum, sunt diversi ordinis ab intellectu, & intellectione, etenim se tenent econtra ex parte rei cognitæ: inde fit, quod licet substantia sibi realiter identificet speciem impressam, non propterea sibi identificat suum intellectum; & similiter etiam si identificaret sibi speciem expressam, & verbum, non propterea sequeretur quod sibi deberet identificare intellectiorem suam.

Prob. igitur vera ratio. Illa distinguuntur realiter, quæ ab invicem separari possunt: ut enim Philosophi docent, nullum est majus signum realis distinctionis quam separabilitas. Sed species expressa seu verbum representans substantiam Angeli ab ipsa separari potest. Ergo realiter distinguuntur, atque ita substantia non habet rationem illius speciei, seu verbi. Prob. mi. de essentia speciei expressæ, seu verbi est ut representet objectum in actu secundo, ita ut si objectum actualiter non consideretur, statim cesset illa species, seu verbum, ut ostendimus ex D. Thoma in par. præcedenti. Sed si Deus veller, posset in rerum natura conservare substantiam Angeli, & nihilominus denegare Angelo suum concursum ad actuale ejusdem substantiæ considerationem. Tunc ergo cessante actuali consideratione, cessaret species illa expressa, seu verbum, & tamen substantia subsisteret, & sic ab invicem sepa-

rarentur. Et hæc est vera intelligentia prædictæ authoritatis D. Thomæ, in qua asserit, quod Angeli substantia non est sua species expressa, sive suum verbum, quia in Angelo non est idem esse, & intelligere: Idest quia fieri potest, quod Angelus habeat esse, & tamen non habeat actualiter suum intelligere.

Dices, hanc etiam rationem esse falsam. Nam essentia divina habet rationem speciei expressæ, seu verbi respectu beatorum, ut diximus agendo de visione Dei: & tamen etiam si omnes beati ab ejus visione desisterent nihil propterea desineret de essentia divina, neque ab ipsa separaretur. Ergo idem dicendum servatâ proportionem de substantia Angeli.

Sed contra est, quod quando dicimus speciem expressam, seu verbum talem, ac tantam habere connexionem cum actuali representatione, & consideratione, ut ipsa cessante illud etiam cesset, loquimur de representatione, & consideratione objecti primarij, non autem secundarij: cum enim ut Philosophi docent, species illa & verbum non specificetur, nec consequenter dependeat ab objecto secundario, sed tantum à primario: sequitur quod non definit, etiam si desinat objectum secundarium, dummodo subsistat primum. Unde cum essentia divina seipsam primario representet soli intellectui divino, & secundario intellectui beatorum; inde fit quod etiam si beati desinerent videre Deum, nihil propterea desineret ex parte divinæ essentiae: sed si per impossibile Deus desinere posset ab actuali contemplatione sui, ipsa quoque essentia divina desineret prout est species expressa, seu verbum representans ipsum. Cum igitur species expressa seu verbum representans Angeli substantiam, respiciat illum ut objectum primum: inde fit, quod si Angeli ab actuali sui contemplatione desisteret, cessaret quoque illa species, seu verbum; atque ita ab Angeli substantia separaretur.

Obiicit contra 1. par. em conclusionis 1. D. Thomas 4. contra gentes cap. 51. ait: *Manifestum est, quod essentia divina potest comparari ad intellectum creatum ut species intelligibilis quæ intelligit: quod non contingit de essentia alicuius alterius.*

substantia separatio. Ergo essentia Angeli, qui est substantia separata, scilicet ab omni materia, non potest habere rationem speciei impressæ, respectu sui intellectus, qui est creatus.

Resp. negando consequentiam, quia D. Thomas ibi loquitur de visione beatifica, & solummodo probat, quod proprium est solius Dei, quod ejus essentia habeat rationem speciei intelligibilis, nedum respectu sui proprii intellectus divini, sed etiam intellectus alieni creati, nimirum beatorum: substantia verò Angeli est quidem species impressa respectu sui proprii intellectus, ut patet ex autoritate ejusdem D. Thomæ, quam ex eodem l. b. 4. contra gentes pro conclusione nostra retulimus, sed non potest esse species impressa respectu intellectus alieni.

Obiic. 2. substantia creata non est immediatè operativa, ut docent Thomistæ in Philosophia. Sed species impressa est immediatè operativa, nam immediatè cum intellectu concurret ad productionem intellectiōnis. Ergo substantia Angeli nequit esse species impressa.

Resp. omittis variis solutionibus ad mia. species impressa est immediatè operativa, dist. quando capax est ita operari, conc. & ideo diximus in tract. de visione Dei, quod essentia divina in ratione speciei immediatè concurret cum intellectu Beatorum ad visionem beatificam: quando non est capax ita operandi, nego: & ideo licet Angeli substantia sit species impressa respectu intellectus sui, quia tamen cum sit substantia creata non potest esse immediatè operativa, ideo non concurret activè ad intellectiōnem sui, sed intellectum solummodo determinat ad hujusmodi intellectiōnem.

Obiic. 3. species impressa subordinatur intellectui, & ab ipso dependet, ut si que tanquam suo subjecto inhaerret. Sed substantia Angeli non subordinatur, neque dependet, neque inhaeret intellectui suo. Ergo respectu ipsius non est species impressa.

Resp. verum esse, quod hæc conveniunt speciei respectu intellectus, quando species illa est accidens: Sed falsum est, quando est substantia, ut pater in essentia divina, quæ est species respectu intellectus beatorum.

Unde substantia Angeli ita est species impressa respectu intellectus sui, ut ei non subordinetur; sed ipsum potius sibi subordinet: nec ab eo dependeat, vel ipsi ut subiecto inhareat; sed ipsum contra à se dependentem reddat, ipsumque sustentet. Quamvis substantia & intellectus Angeli sint in seipsis, & mutuam aliquam habent dependentiam, sed diversimodè. Nam ut ait D. Thomas qu. 8. de veritate, artic. 6. ad 6. *Nihil prohibet aliquid esse in altero, & illud in eo, diversis modis, sicut totum in partibus, & e converso: Essentia enim Angeli est in intellectu eius, sicut intelligibile in intelligente; intellectus autem in essentia sicut potentia in substantia.*

Obiic. contra secundam partem conclusionis. Angeli substantia habet sufficientem spiritualitatem, & praesentiam, ut seipsam intellectui suo praesentet, & representet tam in actu secundo, quam in actu primo: unde sicut Angelus suam substantiam semper actualiter cogit, ita ipsa substantia semper actualiter seipsam ei representat. Ergo ipsa per seipsam gerit vices nedum speciei impressae, sed etiam speciei expressae, seu verbi.

Resp. ad antec. substantia Angeli habet ut seipsam intellectui suo etiam in actu secundo representet, dist. Essentialiter, ne. accidentaliter, conc. & nego consequentiam. Nam substantia quidem Angeli est essentialiter capax representandi seipsam intellectui suo, sive representandi se in actu primo; & hanc capacitatem, & aptitudinem non potest Deus ab ipsa separare; & propterea per seipsam, & non per aliquid superadditum est species impressa. Sed non habet essentialiter, sed accidentaliter tantum, quod seipsam representet in actu secundo, & hanc actuale sui representationem potest Deus ab ipsa separare, sicut & suum concursum Angelo ad actuale sui considerationem denegare, ut iam diximus: & ideo substantia Angeli non habet per seipsam, quod sit species expressa, seu verbum; sed hoc est ei superadditum; quatenus ex ipsa tanquam specie impressa intellectus elicit speciem expressam, & format verbum, quod non est substantia, sed accidens.

Inferes ex dictis, quod sicut Angeli suam cognoscunt substantiam per eandem substantiam tanquam per speciem, ita & per illam cognoscunt omnes suas proprietates; quia sicut ipsa substantia est forma intelligibilis seipsam representans intellectui, ita est forma intelligibilis illi representans ea quæ continet, & quorum est radix, & origo: substantia autem Angelî suas proprietates continet, & est illarum radix, & origo. Ergo.

§. II.

Quanam obiecta comprehendant Angeli, & utrum inferiores comprehendant superiores.

Supr. 1. Quod sicut explicuimus in tract. de visione Dei, qu. 3. artic. 3. de ipsius incomprehensibilitate, comprehensio in rebus spiritualibus dicitur per analogiam ad eam, quæ in rebus corporeis reperitur; eoquod in hoc statu viæ præpter dependentiam intellectus nostri a sensibus explicamus sicut & concipimus res spirituales ad modum rerum corporearum. In rebus autem corporeis comprehensio sumitur dupliciter: primo prout idem est ac asscurio, quæ infecutionem terminat; quod enim in infecutes tandem attingimus, dicimur comprehendere: secundò pro continentia, & inclusione totali unius quanti intra aliud, v. g. vini intra dolium itaut unum terminis alterius undequaque claudatur. Similiter ergo in rebus spiritualibus comprehensio sumitur dupliciter, ut notat D. Thomas 1. p. qu. 12. a. 7. ad 1. primò latè, & minùs propriè pro asscutione, obtentione, & possessione illius, quod appetebatur, in quo sensu visio beata dicitur comprehensio, & ab ipsa beati appellantur comprehensores, juxta illud Apostoli ad Philipp. 3. *sequor autem si quo modo comprehendam*: & 1. ad Corinth. 9. *Si currite, ut comprehendatis*. Quamvis enim Deus sit revera incomprehensibilis, possidetur tamen à beatis. Secundò sumitur comprehensio strictè, & propriè pro adæquatione ipsius cognoscentis cum ipsa re cognita; attingendo illam quantum attingibilis est, itaut tota &

totaliter in intellectu ipsius cognoscentis includatur: & sic comprehensio sumitur in presenti.

Supp. 2. Quod sicut in eodem loco tract. de visione diximus, comprehensio proprie & strictè sumpta est cognitio rei quantum cognoscibilis est. In qua definitione omnes conveniunt. sed in hoc Doctores differunt, quod quidam volunt eam esse intelligendam ex parte cognoscibilitatis activae, itaut ad hoc quod aliquis comprehendat aliquid, nece se sit, quod illud cognoscat, quantum cognoscibile est activè, itaut nullus sit intellectus, qui possit illud perfectiori modo cognoscere: & hic sensus communiter rejicitur, & jure optimo: sequeretur enim, quod nullus esset intellectus creatus, vel existens, vel possibilis, qui quantumcunque foret perfectus, posset quidquam comprehendere, quia illud semper cognosceretur modo in infinitum perfectiori ab intellectu divino: unde nequidem maximus Angelorum comprehenderet v. g. formicam, nec aliam quantumvis minimam creaturam. Cum igitur comprehensio spiritualis explicari debeat juxta proportionem comprehensionis corporeae: sicut ridiculum foret dicere, quod ad hoc ut dolium comprehenderet vinum, nece se foret, quod esset tantae capacitatis, ut non posset dari, vel excogitari dolium majus: ita absurdum est, quod ad hoc ut intellectus aliquid comprehendat, nece se sit quod ita sit perfectus, ut non possit dari alius perfectior. Dicendum est ergo, quod definitio intelligi debet ex parte cognoscibilitatis passivae, itaut ad veram comprehensionem sufficiat, quod tantum cognosceatur, quantum ex natura sua cognosci postulat: sicut ad hoc quod vinum comprehendatur à dolo, sufficit, quod tanta sit doli capacitas, quantum exigit vini quantitas. Vno verbo ad comprehensionem requiritur, & sufficit, quod tanta sit cognoscibilitas activa ipsius comprehendentis, quanta est cognoscibilitas passiva ipsius rei comprehensae.

His suppositis certum est, quod quilibet Angelus comprehendit seipsum: quia tanta est cognoscibilitas ejus activa, quanta est passiva; cum sint in eodem gradu. Certum est quoque, quod quilibet Angelus comprehendit omnia sibi inferiora, & quod Angeli super-

riores comprehendunt inferiores : quia cognoscibilitas a^{ct}iva superiorum nedum est tanta , sed etiam major , quàm cognoscibilitas passiva rerum inferiorum , cùm sit in gradu superiori. Tota difficultas est de Angelis inferioribus respectu superiorum , utrum eos comprehendant.

Triplex est tam Thomistarum quàm aliorum sententia. Prima absolute asserit , omnes Angelos se invicem comprehendere , & ipsos etiam inferiores comprehendere superiores , ita Salmanticenses & alij. Secunda id absolute negat , ita Serra , & alij. Tertia distinguit , & fatetur , quòd Angeli inferiores ex seipsis quidem non comprehendunt superiores ; benè tamen ut ab eisdem superioribus illuminati , ita Joannes à S. Thoma.

Concl. Angelus inferior non comprehendit superiores.

Prob. comprehensio est cognitio rei quantum cognoscibilis est , itaut tanta esse debeat cognoscibilitas activa ipsius comprehendentis , quanta est cognoscibilitas passiva ipsius rei comprehensa. Sed cognoscibilitas activa Angeli inferioris non est tanta , quanta est cognoscibilitas passiva Angeli superioris , sed minor , cùm sit in gradu inferiori , ex quo ipse Angelus dicitur inferior. Ergo non comprehendit superiorem.

Dices 1. Quòd ad hoc ut omnes Angeli sese mutuo comprehendant , sufficit quòd conveniant in gradu generico intellectualitatis , quamvis in gradu specifico differant.

Sed contra est autoritas , & ratio D. Thomæ , qui 4. sent. dist. 4. qu. 2. artic. 3. ait : *Dicendum quòd comprehendere dicitur quasi simul prendere , idest capere : Et ideo illud propriè comprehenditur , quòd simul capitur , idest cum omnibus quæ eius sunt.* Et paulò post subdit : *Sicut autem dicitur corporaliter aliquid in altero contineri , quia non excedit continens ex ulla parte secundum quantitatem dimensionum , ut vinum in dolio ; ita dicitur contineri aliquid ab aliquo spiritualiter , quòd subsistat virtutis eius , Et in nullo excedit ipsam.* Ex his formatur duplex argumentum. 1. Id quòd comprehenditur in nullo debet excedere comprehendentem. Sed si excedit in sum in gradu specifico , excederet in aliquo , &

quidem in eo, quod est unicuique rei maxime proprium, & essenziale. Ergo non debet in hoc excedere. 2. Comprehensio spiritualis debet explicari sicut corporalis. Sed ad comprehensionem corporalem non sufficit, quod duo sint in eodem gradu generico corporeitatis, sicut sunt vinum, & dolium, sed debent esse in eodem gradu, ut ita dicam, specifico, itaut quantitas vini nullatenus excedat quantitatem dolij. Ergo similiter ad comprehensionem spirituales, non sufficit, quod omnes Angeli sint in eodem gradu generico intellectualitatis, quatenus genericè in hoc conveniunt, quod sunt substantiæ intellectuales completæ, & perfectæ: sed debet Angelus comprehendens esse in eodem, vel superiori gradu specifico intellectualitatis respectu Angeli comprehensij; itaut cognoscibilitas passiva istius nullatenus superexcedat cognoscibilitatem activam alterius.

Dices 2. Angelum inferiorem sibi relictum esse in inferiori gradu intellectualitatis; sed ut illuminatum à superiori elevari ad gradum intellectualitatis ipsi æqualem, & sic ipsum comprehendere illuminationis beneficio.

Sed contra. Quia ut dicemus agendo de illuminatione, quamvis illuminatio Angeli superioris elevet inferiorem, non tamen usque ad æqualitatem: cognitio enim Angeli inferioris etiam ut illuminati non est ita perfecta sicut Angeli superioris eum illuminantis. Ergo semper remanet in gradu inferiori; atque ita ipsum non comprehendit.

Obiit. 1. D. Thomas 2. contra gentes cap. 99. de substantiis seperatis, sive Angelis loquens ait: *Cum intellectus earum sit perfectus naturali perfectione, utpote totus in actu existens, oportet quod suum obiectum, scilicet ens intelligibile, universaliter comprehendat.* Ergo quilibet Angelus omnes alios comprehendit.

Resp. D. Thomam ibi loqui de comprehensione non strictè sed latè sumpta pro simplici cognitione: quia loquitur universaliter de omni ente intelligibili, proindeque etiam de Deo, qui est ens maxime intelligibile.

Objectiones aliæ fieri possunt ex hoc quod D. Augustinus ait, quod ad hoc ut aliqua res comprehendatur, sufficit quod nihil lateat videntem : & ex hoc quod D. Thomas docet, quod si beati viderent omnia possibilia, Deum comprehenderent. Sed earum solutiones videantur in tract. de visione Dei, qu. 3. artic. 3. de incomprehensibilitate Dei, §. 3. & qu. 4. artic. 2. §. 2. de visione rerum possibilem.

§. III.

De cognitione Angelorum circa præterita, præsentia, & futura.

Difficultates circa hæc tria sunt valde intricatæ juxta communem modum eas explicandi : sed juxta nostram principialem stabilita, uno verbo clarè, & facile resolui possunt.

1. Circa præterita certum est, quod ea cognoscunt Angeli, quando voluerunt ad ipsa attendere, dum erant præsentia : quia eorum quæ semel cognoverunt, semper recordantur, quoties volunt, ut diximus agendo de memoria angelica. Certum est quoque, quod naturaliter cognoscere possunt ea præterita, quæ aliquod sui vestigium reliquerunt : quia vestigium illud comprehendunt, si ad illud attendere volunt, eo quod comprehendunt omnia sibi inferiora, ut diximus in paragr. præced. unde ex vestigiis rerum præteritarum cognoscunt eas quantum cognoscibiles sunt. Difficultas solummodo est utrum Angeli cognoscere naturaliter possint præterita, quando noluerunt attendere ad ipsa, dum erant præsentia, & aliunde nullum sui vestigium reliquerunt. Omnes Thomistæ, & communiter alij Doctores docent, quod non possunt ea cognoscere. Quia præterita prius non cognita, & quorum nullum superest signum, se habent respectu intellectus angelici ac si nunquam fuissent : unde de ipsis eodem modo Philosophandum est ac de futuris, & nondum existentibus, de quibus mox dicemus, ab angelis naturaliter cognosci non posse.

2. Quantum ad præsentia, quæstio est de singulari-

bus rerum materialium, & quidem certum est quòd ea omnia cognoscunt si volunt, ut probavimus supra, ex eo quòd omnes Angeli rebus omnibus materialibus praesident. Sed difficultas est, per quas species ea cognoscant, quod facile colligitur ex nostris principiis. Si enim loquamur de speciebus impressis, quae fuerunt infusa Angelis in instanti suae creationis, huiusmodi species, haec singularia in actu primo representant, nedum quoad rationes communes, sed etiam clarè, & distinctè quoad omnes rationes particulares, quod probavimus supra ex eo quòd species angelicae sunt similes speciei divinae, quae omnia clarissimè, & maximè distinctè in particulari representat. Si verò loquamur de speciebus expressis, quae haec singularia in actu secundo representant, & quas producant Angeli ope physicae praedeterminationis, dum actualiter illa singularia considerant; tunc vel Angelus si vult producat unam speciem expressam, & format unum verbum pro uno singulari intelligendo, vel pro pluribus simul, vel etiam ad libitum suum plures huiusmodi species, & plura verba. Nec refert, quòd singularia rerum materialium sunt sibi invicem valdè contraria, ut calor & frigus, nullam enim contrarietatem habent in mente angelica, sicut nec in divina, imò neque etiam in mente nostra, ut experientia constat.

3. Circa futura certum est, Angelos naturaliter cognoscere futura necessaria, qualia sunt ea, quae continentur in causis naturaliter ad eorum productionem determinatis, atque adeo de lege Dei ordinaria impedibilibus. Sic Angeli multò melius quàm Astrologi norunt Eclipses futuras, cursus planetarum, & tempestates inde secuturas, & alia similia: habent enim universalem, & mirabilem scientiam causarum naturalium, & consequenter effectuum ex illis naturaliter, & necessaridè provenientium. Certum est etiam Angelos posse futura contingentia, & libera, sive à causis contingentibus & liberis dependentia, cognoscere cognitione quadam conjecturali, ex aliquibus indiciis, & signis solummodo propabilibus deducta, atque adeo incertà, sicut Medicus ex tactu pulsus, inspectione urinae, & aliis indiciis praecognoscit sanitatem infirmi. Nam cum

diuturnà

divinitatē obervatione, & plurium annorum experientia sciunt, quæ ut plurimum voluntates hominum inclinare soleant, & quænam ex suasionibus, tentationibus, occasionibus, & aliis huiusmodi sequantur, prædicta futura conjectantur. Divinitas solummodo est, utrum hæc futura certò, & infallibiliter virtute sua naturali scire possint.

Et dicimus cum omnibus Doctoribus, quod non possunt, v. g. nequeunt cognoscere ista futura, talis consentit sanctis inspirationibus, & erit bonus: alius e contra tentationibus succumbet, & erit malus. Pater ex scriptura, & Patribus, in quibus asseritur solius Dei proprium esse futura cognoscere. Isaia 41. *Annunciate quæ ventura sunt in futurum, & si scimus quia Deus estis vos.* Et cap. 46. *Quoniam ego sum Deus, & non est ultra Deus, nec est similis mei: Annuncians ab exordio novissimum, & ab initio quæ necdum facta sunt dicens.* D. Chrysostomus homilia 18. in 1. cap. Joannis, de futurorum prædicatione loquens, ait: *hoc vel maxime Dei opus est, quod neque Demones imitari possunt, quamvis materiem in modum admittantur. In miraculis enim sæpe sub veritatis umbra decipi possumus: Prædictio futurarum immortalis Dei duntaxat opus est.* Tertullianus in apologetico cap. 28. sic gentes alloquitur. *Id meum, opinor, testimonium Divinitatis, veritas divinationis.*

Ratio est. Quia Angeli non cognoscunt nisi ea quæ pertinent ad ordinem universi, cuius ipsi sunt partes, ut explicatur in præcedentibus paragr. Et ratio uno verbo est, quia tantum Angeli notitiam habent rerum universi, in quantum ipsi totius universi gubernationi præsident: undi si res ad ordinem universi non pertineant non pertinent quoque ad Angelorum notitiam. Sed futura non pertinent ad ordinem universi. Ergo ea non cognoscunt. M. Prob. Quia ut diximus ex D. Thoma, explicando modum, quo Angeli sunt in celo empyreo tanquam in loco, totum universum est unum unitate ordinis, quæ unitas in hoc consistit, quod creaturæ in universo existentes vel in alias influunt: si sunt superiores, vel aliarum influentias recipiunt, si

sunt inferiores : unde cum futura , quamdiu sunt pura , ac praecise futura , nihil omnino sint , proindeque nec influere , nec influentias possint recipere : inde fit , quod non pertinent ad ordinem universi

Sic facile praeveniuntur obiectiones. Nam idcirco Deus cognoscit futura non autem Angelus : quia Deus cognoscit omnia , nedum prout pertinent ad ordinem universi , sicut cognoscit Angelus , sed quocunque modo se habeant. Quamvis etiam Angeli habeant species impressas futurorum in actu primo representativas ; quia tamen nequeunt ea cognoscere , nisi ex illis speciebus impressis eliciant species expressas , seu forment verbum mentis in quo haec futura in actu secundo representantur : & Deus ipsis denegat suum concursum , sive praedeterminationem physicam ad huiusmodi species eliciendas , & verbum illud formandum : Ideo Angeli sunt quidem semper in actu primo capaces cognoscendi futura : sed non cognoscunt ea in actu secundo , quousque fiant praesentia.

Præcipua obiectio est , quod Dæmones , & illi homines qui dicuntur divini , videntur quandoque futura praenuntiare , sicut & secreta cordium penetrare. Sed ad hanc objectionem fusè respondebimus , quando demonstrabimus vanitatem Astrologiae iudicariae , & omnis generis divinationum.

§. IV.

Virum Angeli penetrare valeant secreta cordium.

Secreta cordium dicuntur cogitationes mentis humanae & angelicae , quae ad extra non manifestantur : Mens enim metaphorice cor dicitur , quia sicut cor est principium vitae sensitivae , ita mens est principium vitae intellectivae. Certum est autem , quod si Angelus suas cogitationes vult manifestare alteri , vel homo ipsi Angelo , sufficit quod eas ad ipsum dirigat , & tunc statim ab ipso percipiuntur , ut dicemus agendo de locutione Angelorum. Certum est quoque , quod si aliqua vel minima nostrarum cogitationum signa redundant in nos

De dilectione Angelica.

52

Extra corpora, statim Angeli ex huiusmodi signis in nostrarum cogitationum notitiam deveniunt, quantum naturaliter fieri potest, quia huiusmodi signa corpora comprehendunt. Et certè si homo videns in alterius facie vel ruborem, vel pallorem, vel cognoscens alias similes corporis dispositiones, ex ipsis devenit in notitiam passionum animæ, & cogitationum mentis ejus, ut iracundiæ, vel timoris, & similibus: à fortiori hoc præstant Angeli. Tota difficultas est de secretis cordium, quæ homines, vel Angeli intra seipsos retinent, & quorum nihil extra redundat.

Durandus dicit Angelos penetrare huiusmodi secreta, si præsentia sint, non autem si sint futura. Omnes modò Doctores generaliter loquendo de huiusmodi secretis, negant ea posse naturaliter cognosci ab Angelis; sed tantùm si Deus ea voluerit ipsis revelare.

Concl. Angeli penetrare naturaliter nequeunt secreta cordium.

Probari posset conclusio pluribus testimoniis scripturæ, & Patrum: sed hæc sufficiant utpote evidentia. 2. paralipom. 6. Salomon sic Deum alloquitur. *Redde unicuique secundum vias suas, quas nosti eum habere in corde suo: Tu enim solus nosti corda hominum.* Et Jeremia 17. *prævarum est cor hominis, & inscrutabile: Quis cognosceret illud. Ego Dominus scrutans cor, & probans renes.* Quem locum explicans D. Hieronymus ait: *Melius est ut simpliciter accipiamus, quòd nullus cogitationum secreta cognoscat nisi solus Deus.* Et paulò post subdit: *si nuper de salvatore dicitur, videns autem cogitationes eorum Iesus: nullusque potest videre cogitationes eorum, nisi solus Deus.* Ergo Christus Deus est. D. Chrysologus serm. 50. Pharisaum, cujus cor Christus penetraverat, ut habetur lucæ 7. sic alloquitur. *Cape eius Divinitatis insignia: audi eum pectoris tui penetrasse secretum: Aspice eum ad cogitationum tuarum latebras pervenisse: intellige eum cordis tui tacita nudare consilia.* In illis locis sermo est de secretis præsentibus, ut per se patet. Ergo penetrare secreta necdum futura, sed etiam præsentia, solius

Dei est; proindeque nec homini, nec Angelo convenire potest.

Prob. 2. ex D. Thoma, qui solita subtilitate suadendum conclusionem, sed etiam ipsius rationem in Scriptura sacra invenit. Explicans enim illud 1. ad Corinth. cap. 2. *Quis enim hominum scit quae sunt hominis, nisi spiritus hominis qui in ipso est?* Lect. 2. sic habet. *Manifesta est ratio, quare homo ea quae in corde alterius latent, scire non potest: quia cognitio hominis a sensu accipitur; & ideo ea quae sunt in corde alterius, homo cognoscere non potest, nisi quatenus per signa sensibilia manifestantur, secundum illud 1. Reg. 16. Homo videt ea, quae foris patent: Deus autem intuetur cor. Sed nec Angelus bonus, nec malus ea quae in corde hominis latent, scire potest; nisi in quantum per aliquos effectus manifestantur. Cuius ratio accipi potest ex verbo apostoli, qui dicit ea ratione, spiritum hominis cognoscere, quia in corde hominis latent, quia in ipso homine est: Angelus autem neque bonus, neque malus illabatur menti humana, ut in ipso corde hominis sit, & intrinsecus operetur, sed hoc solius Dei proprium est. Unde solus Deus est conficius secretorum cordis hominis; secundum illud Ioh 16. Ecce in calce testis meus, & in excelsis conicius meus.*

Explicatur magis haec ratio. Non enim fundatur in hoc praecise, quod solus Deus operatur in nostra mente: nam etiam ipse solus creat animam nostram rationalem; cum ad creandum non possit creatura concurrere etiam tanquam instrumentum, ut diximus in fine primi, agendo de physica praedeterminatione, & tamen quilibet Angelus naturaliter cognoscit animam nostram, & ejus potentias tanquam proprietates: Imò, quia Angelus haec omnia comprehendit, consequenter cognoscit ea quantum sunt cognoscibilia in ordine naturali, & physico: quia haec omnia pertinent ad ultimum ordinis naturalis complementum. Sed in hoc insuper fundatur ratio, quod solus Deus cum voluntate nostra est causa secretorum, quae sunt actiones liberae: de ratione autem libertatis est, ut causa

libera
itaque
autem h
secreta
ficuti ve
nifestare
na sua o
nifesta,
vati. En
quandiu
de ipsius
habet in
minori
Obiic
cognos
intellect
magis ip
tentias,
autem ea
ceret o
Ergo co
Resp.
tam cog
est in ore
morali
ros ab al
hensione
lis est di
tur, sicut
cognoscit
geli verò
nem un
tel. Angel
tra profet
habet, o
bet ut pa
juvat, ut
Dum aut
sue intra
vat, nec
pertinent

libera suos actus liberos habeat in suo pleno dominio, ita ut de ipsis ad libitum disponere possit: non haberet autem homo cogitationes mentis suae, siue cordis sui secreta in suo dominio, & dispositione, si non posset sicuti vellet, huiusmodi secreta vel occultare, vel manifestare: si enim impedire non posset, quin ex natura sua omnibus Angelis, & bonis & malis fierent manifesta, essent ut ita loquar juris publici, & non privati. Ergo libertas exigit, ut tandiu occulta maneant, quandiu ipse homo voluerit, & non manifestentur, nisi de ipsius beneplacito, & consensu. Quod si hoc locum habet in homine, à fortiori etiam in Angelo, qui non minori, sed perfectiori gaudet libertate.

Obiic. 1. Comprehensio est cognitio rei quantum cognoscibilis est. Sed quia libet Angelus comprehendit intellectum, & voluntatem alterius Angeli, & multò magis ipsius hominis. Ergo cognoscit huiusmodi potentias, quantum sunt cognoscibiles. Non cognosceret autem eas, quantum cognoscibiles sunt, nisi cognosceret omnes actus earum tam liberos quam necessarios. Ergo cognoscit hac omnia.

Resp. Ad mai. Comprehensio est cognitio rei quantum cognoscibilis est, dist. Quantum cognoscibilis est in ordine naturali, & physico, conc. in ordine morali, & libero, ne. Quia libertas eximit actus liberos ab aliena cognitione, proindeque etiam à comprehensione: nisi fuerit comprehensio perfectissima, qualis est divina, quae nullam prorsus exceptionem patitur, sicut patitur comprehensio angelica: Quia Deus cognoscit omnia, quovis modo se habere possunt. Angeli verò non cognoscunt nisi ea quae pertinent ad ordinem universi: cogitationes autem liberae, quas homo, uel Angelus vult intra se continere, & nullatenus ad extra proferre, non pertinent ad ordinem universi, sed se habent, quasi non essent. Intantum enim aliquid se habet ut pars universi, inquantum alias universi partes iuvat, uel ab eis iuvatur, ut diximus in §. praeced. Dum autem homo, uel Angelus cogitationes mentis suae intra seipsum solum retinet, nec per illas alios iuvat, nec ab aliis iuvatur. Et sic nihil prosunt, neque pertinent ad ordinem universi.

Obiic. 2. Cor sumitur quandoque pro intellectu, aut voluntate, & cogitatio cordis pro actu illius, aut istius potentiae: pro intellectu, & actu ejus sumuntur cor, & cogitatio Lucae 24. *cogitationes ascendunt in corda vestra*: Pro voluntate autem & ejus actu Actorum 8. *si forte remittatur tibi cogitatio cordis tui*. Et hoc est quod diximus initio paragr. Quod per secreta cordis intelliguntur cogitationes mentis, quia mens importat intellectum, & voluntatem; & sub nomine cogitationis intellectus subintelligitur etiam affectus voluntatis, quae ipsam naturaliter subsequitur. Sed ratio nostra non convincit de actibus intellectus, sed solummodo de actibus voluntatis. Ergo non explicat generaliter, quomodo secreta cordum sunt impenetrabilia. Prob. mi. quia, ut docent Philosophi, sola voluntas est potentia formaliter libera. Ergo ratio nostra, quae in libertate fundatur, non valet nisi pro actibus voluntatis.

Resp. ne. mi. ad cuius prob. dist. antec. sola voluntas est potentia formaliter libera: libertate essentiali, tunc libertate participata, ne. Nam licet soli voluntati conveniat formalis libertas secundum suam essentiam, attamen convenit etiam intellectui per participationem, quatenus actus intellectus exercentur per liberam applicationem voluntatis: unde cognosci nequeunt ut exerciti, nisi cognosceretur haec libera voluntatis applicatio: & propterea sicut voluntas ipsa habet ad occultandas liberas applicationes suas, ita & ad occultandos actus intellectus.

Dices 1. Ergo saltem quando actus intellectus & voluntatis sunt pure naturales, & necessarij, sicut motus primè primi, & intellectiones, ac volitiones stellarum, ut dicemus in tract. de actibus humanis, non debent esse secreti, cum non sint liberi.

Resp. negando consequ. ad hoc enim ut ex natura sua sint secreti, sufficit quod sint liberi in hoc sensu, quod procedunt à potentia per se libera, licet per accidens ejus libertas sit immodita, sicut in motibus primis, & in hominibus stultis.

Dices 2. Motus etiam corporis sunt hoc modo liberi, scilicet libertate participata, exercentur enim per libe-

ram vol-
nes, qu-
Ergo tal-
Resp.
in seip-
fuordinar-
nem, liv-
à volunta-
cauli, à
geli, quò-
procedan-
rante. Fu-
art. 4. ac-
eunt mo-
nem pha-
tur à vo-
pars ant-
obediens
ult.) Ne-
quod est
nu, quò-
volunta-
sacient ap-
eius dirve-
Adhuc
bus intell-
seipis, &
cognoscat
beram ip-
Resp. i-
quia mot-
suam nedu-
etiam ab a-
que rerum
gelis natu-
etiam quò-
à solo Dec-
raliter imp-
Sequitur
sive creatio
Aum secret-

nam voluntatis applicationem : & tamen fatentur omnes, quod motus illi sunt Angelis naturaliter cogniti. Ergo talis libertas non sufficit ad rationem secreti.

Resp. Quod Angeli cognoscunt motus illos corporis, in seipsis quoad eorum substantiam, sed non prout subordinantur voluntati quoad liberam ipsius applicationem, sive cognoscunt motus illos, sed nesciunt utrum à voluntate procedant : Quod si non est alia naturalis causa, à qua procedere possint, & ex hoc inferant Angelis, quod procedunt à voluntate, adhuc nesciunt, utrum procedant ab ipsa uel liberè, uel purè naturaliter operante. Fundatur hæc solutio in D. Thoma 1. p. qu. 57. art. 4. ad 3. ubi ait: *Non oportet quod Angeli cognoscunt motum appetitus sensitivi, & apprehensionem phantasticam hominis, secundum quod moventur à voluntate, & ratione; quia etiam inferior pars anime participat aliquantulum rationem, sicut obediens imperanti, ut dicitur in 1. Ethic. (cap. ult.)* Nec tamen sequitur, si Angelus cognoscit quod est in appetitu sensitivo, uel phantasia hominis, quod cognoscat id quod est in cogitatione, uel voluntate : quia intellectus, & voluntas non subiacent appetitui sensitivo, & phantasia, sed potest eis diversimodè uti.

Adhuc replicabis, quod idem poterit dici de actibus intellectus, quod scilicet Angeli cognoscant eos in seipsis, & quoad eorum substantiam, quamvis non cognoscant eos ut subordinatos voluntati, & quoad liberam ipsius applicationem.

Resp. nego consequentiam. Ratio discriminis est : quia motus corporis quoad substantiam, & entitatem suam nedum à Deo, & voluntate nostra dependent, sed etiam ab aliis causis, ut astrorum influentis, aliarumque rerum corporarum impressionibus, quæ ab Angelis naturaliter cognoscuntur. Sed actus intellectus etiam quoad entitatem, & substantiam suam dependent à solo Deo, & voluntate nostra, quæ sunt causa naturaliter impenetrabiles Angelis.

Sequitur ex dictis. Quod licet omnes Angeli ab ipso suæ creationis instanti habeant species impressas omnium secretorum cordis representativas; Deus tamen

ipsis denegat praedeterminationem physicam necessariam ad eliciendas species expressas, sine quibus haec secreta actualiter cognoscere nequeunt. Quid si aliquod secretum ad aliquem Angelum dirigitur, Deus ut auctor naturae huic Angelo physicam praedeterminationem concedit, per quam elicit speciem expressam, seu format verbum mentis, in quo secretum illud cognoscit, ut dicemus agendo de locutione angelica.

ARTICULUS III.

De modo cognitionis angelicae.

Duas sequentes huius articuli difficultates paucis expedio, quia non sunt alicujus momenti pro fide, vel moribus: tertiam paulo fufius explicabo, quia iuvat ad intelligentiam SS. Patrum.

§. I.

Utrum Angelus possit simul ac semel intelligere plura ut plura.

Negat D. Thomas 1. 2. qu. 58. artic. 2. Negant quoque omnes Thomistae: sed plures alij. affirmant: ut autem resolvatur difficultas, quantum opus est pro Theologiae candidatis.

Notandum est 1. quod tunc plura cognoscuntur ut plura, quando cognoscuntur sine ulla subordinatione ad unum intelligibile: tunc vero cognoscuntur plura, non ut plura, sed ut unum, quando subordinantur, & referuntur ad unum intelligibile: quia ut communiter dicitur, ubi est unum propter aliud, ibi est unum tantum.

Norandum est 2. Quid juxta principia in tractatu de actibus humanis explicanda, homo, & similiter Angelus, non potest habere nisi unicum finem ultimum. Et cum aliunde omnia fiant in virtute finis ultimi; ita ut quidquid intelligitur, & quidquid diligitur, hoc totum ad ultimum finem referatur, vel formaliter, vel

virtualiter.

Virtualiter, uel saltem habitualiter : unde fit quod omnes tam Angeli, quam hominis intellectiones, & volitiones uni ultimo fini subordinentur : atque ita se habeant ad modum unitus.

Notandum est 3. Quod sicut homo iustus habet Deum pro suo fine ultimo : homo uero peccator habet pro suo fine ultimo bonum proprium, ut explicatur fuscè in eodem tract. de actibus humanis : Ita similiter Angelus bonus, & malus. Cum igitur omnes Angeli in primo suæ creationis instanti fuerint boni, omnes uniformiter operati sunt, subordinando, & referendo suas omnes intellectiones ad Deum ut suum finem ultimum : & sic omnia referebant ad unicam primam veritatem : unde non intelligebant plura ut plura, sed ut unum. Sed Dæmones, quando peccaverunt, & ex Angelis bonis facti sunt mali, operati sunt difformiter ; & omnia quæ intellexerunt, ad suum proprium bonum retulerunt : unde eorum intellectiones fuerunt disparatæ, imò contrariæ, & plura ut plura intellexerunt, sed non simul & semel sed successivè : nunc autem omnia intelligunt ad modum unius, sive per relationem ad suum ultimum finem, nimirum suum bonum proprium. Angeli uero boni, qui perseveraverunt, semper operati sunt uniformiter, sive semper omnia intellexerunt per modum unius, ea omnia referendo ad Deum ut ultimum finem : & in hoc sunt similes Deo, qui omnia intellexit, & operatus est propter semetipsum.

S. II.

Utrum in Angelis sit discursus.

Affirmant Scotistæ : negant Thomistæ : pro resolutione difficultatis.

Notandum est, quod discursus dupliciter sumi potest ; uel secundum quid, & improprie ; uel simpliciter, & proprie : discursus secundum quid, & improprie sumptus dicit solummodo successionem actuum ; itaut modò formetur una intellectio, & postmodum altera : & non est dubium, quin Angeli ita discurrant, quia nunc cognoscunt ea quæ sunt præsentia, & postea

cognoscant ea quae erant futura, quando similiter facta sunt praesentia. Discursus autem simpliciter, & proprie dictus nedom importat successionem actuum, sed etiam causalitatem: itaut sint plures actus, quorum unus sit causa alterius, sicut notitia principiorum est causa notitiae conclusionum: & sic intellectus ab uno actu velociter transit, & veluti currit ad alterum, sive discurret.

Dicimus igitur, quodd Angelus in hoc est similis Deo, quodd sicut Deus non discurret formaliter, sed tantum virtualiter, uel eminenter, ut diximus initio tractatus de scientia Dei; non enim format plures actus, per quorum alios cognoscat principia, & causas, & per alios cognoscat conclusiones, & effectus: sed unico simplicissimo actu, & intuitu cognoscit conclusiones in principiis, & effectus in causis: Et ille unicus actus tantam virtutem habet hanc omnia simul penetrandi, quantam haberent plures actus, quos eminenter in se continet: Ita similiter Angelus, servata nihilominus proportionem, unico simplici actu, & intuitu penetrant ea, quae cognoscunt: Quamvis etiam plures de huiusmodi objectis conceptus simplices formare possint, si velint.

Hoc probat D. Thomas I. p. qu. 58. a. 3. ex D. Dionysio cap. 7. de divinis nom. ubi ait: *Angeli non congregant divinam cognitionem à sermonibus diffusis*; Id est suam cognitionem, quae divinae similis est, non congregant à discursibus, sive sermonibus mentalibus: unde non est eis discursus formalis, sed virtualis.

Probat etiam in corp. eiusdem articuli hanc egregiam ratione. *Dicendum, quodd sicut sapius dictum est, Angeli illum gradum tenent in substantiis spiritualibus, quem corpora caelestia in substantiis corporeis*: nam & caelestes mentes à Dionysio dicuntur. Est autem hac differentia inter caelestia & terrena corpora, quodd corpora terrena per mutationem, & motum adipiscuntur suam ultimam perfectionem: corpora verò caelestia statim ex ipsa sua natura suam ultimam perfectionem habent. Sic igitur & inferiores intellectus, scilicet hominum

per quos
in op
tu ad
aliud
cogniti
omnes
locum
tim in
pictum
Et ideo
nos ea
telligi
primor
veritat
runt, r
git ex
enim ha
sicut A
rum tot
tuendo
Sicut
ponendo
& ictu
causis; it
veniunt,
statim co
qu. 58. a.
intelle
vinorum
dus serm
profecto
sunt appr

De

De hui
I. p. qu.
ut de co

¶ dilectione Angelica.

477

per quemdam motum, & discursum intellectu-
lis operationis perfectionem in cognitione verita-
tis adipiscuntur: dum scilicet ex uno cognito in
aliud cognitum procedunt: si autem statim in ipsa
cognitione principii noti inspicerent, quasi notus,
omnes conclusiones, consequenter, in eis discursus
locum non haberet. Et hoc est in Angelis: quia sta-
tim in illis quæ primò naturaliter cognoscunt, ins-
piciunt omnia quacunque in eis cognosci possunt:
Et ideo dicuntur intellectuales; quia etiam apud
nos ea quæ statim naturaliter apprehenduntur, in-
telligi dicuntur; unde intellectus dicitur habitus
primorum principiorum. Anima verò humana, quæ
veritatis notitiam per quemdam discursum acqui-
runt, rationales vocantur: Quod quidem conti-
git ex debilitate intellectualis luminis in eis: si
enim haberent plenitudinem intellectualis luminis,
sicut Angeli, statim in primo aspectu principio-
rum totam virtutem eorum comprehenderent, in-
tuenso quidquid ex eis syllogisari potest.
Sicut Angelus non discurret, ita nec intelligit com-
ponendo, vel dividendo: sed sicut unico simplici actu,
& ictu videt conclusiones in principiis, & effectus in
causis; ita cognito aliquo subiecto, omnia quæ illi con-
veniunt, aut repugnant, per unicum simplicem intuitum
statim cognoscit: unde D. Dionysius à D. Thoma 1. p.
qu. 58. art. 4. relatus ait cap. 7. de diu. nom. *virtus
intellectualis Angelorum resplendet perspicaci di-
vinorum intellectuum simplicitate.* Et D. Bernar-
dus serm. 5. in canticis de Angelo loquens dicit: *Sola
profectò sua vicinitate, ac vivacitate natura suf-
ficat apprehendere summa, & infima penetrare.*

§. III.

*De cognitione matutina, & vespertina
Angelorum.*

De huiusmodi cognitione ita loquitur D. Thomas
1. p. qu. 58. art. 6. *Dicendum, quòd hoc quòd dici-
tur de cognitione matutina, & vespertina in An-*

Questio III. De cognitione,
gelis introductum est ab Augustino (scilicet 4. super
Genesim ad litteram, & ij. de civit. Dei, ut citat idem
D. Thomas ibidem in argum. Sed contra) qui sex
dies, in quibus Deus legitur fecisse cuncta, intel-
ligi vult non hos usitatos, qui solis circuitu pera-
gantur, cum sol quarto die factus legatur: sed unum
diem, scilicet cognitionem angelicam sex rerum
generibus presentatam. Sicut autem in die consu-
ta mane est principium diei, vespere autem ter-
minus; ita cognitio ipsius primordialis esse rerum
dicitur cognitio matutina, & hac est secundum
quod res sunt in verbo (scilicet in verbo divino, per
quod omnia facta sunt) cognitio autem ipsius esse rei
creatæ secundum quod in propria natura consistit,
dicitur cognitio vespertina: nam esse rerum fluit à
verbo sicut à quodam primordiali principio: & hic
effluxus terminatur ad esse rerum, quod in propria
natura habent,

Idem Doctor angelicus ibidem ad 1. art. Dicendum,
quod vespere & mane non accipiuntur in cognitio-
ne angelica secundum similitudinem ad admixtio-
nem tenebrarum; sed secundum similitudinem
principii & termini. Unde non dicunt ullam imper-
fectionem in cognitione angelica; in Angelis enim,
seclusa eorum culpa, non possunt esse tenebræ erroris
vel ignorantiae, ut magis explicabimus postea.

Ibidem ad 2. insinuat, quod ex mane, & vespere fit
una dies: In qua subintelligitur meridies tanquam me-
diū inter duo extrema: Sed quia meridies pervenit
ad summam perfectionem lucis, & ideo representat
visionem Dei quæ principium quidem habet in beatis,
sed nunquam habebit finem: Ideo non fit mentio de
cognitione meridiana Angelorum, quæ posset quidem
commemorare cognitionem eorum matutinam, sed non
vespertinam; & aliunde utramque in infinitum super-
excedit.

Idem sanctus Doctor 1. p. qu. 62. a. 1. ad 2. ait:
Dicendum, quod Angelus duplicem habet verbi
cognitionem: unam naturalem, & aliam gloriæ.
Naturalem quidem, quia cognoscit verbum per
suam similitudinem in sua natura relucētem, (quia

tit ex
 cognos
 tra, &
 noscit
 cha, vel
 Cogniti
 suam e
 in verb
 fesset
 cogniti
 sua crea
 sunt be
 per con
 gratia p
 ut finem
 naturalis

Dilec
 to expl
 dilectio.

Virum
 turat

Adver
 cendo le
 quam co
 naturæ
 devenire
 naturæ
 habentes
 effectibus
 non Dei

ut explicabimus in sequenti articulo, Angelus seipsum cognoscendo cognoscit etiam Deum ut autorem naturæ, & communi saltem ac veluti genericâ notitiâ cognoscit cetera omnia ab ipso Deo per verbum suum facta, uel factibilia, & ad ordinem universi pertinentia: Cognitionem verò gloriæ, quâ cognoscit verbum per suam essentiam: & utraque cognoscit Angelus res in verbo: sed naturali quidem cognitione, imperfectè; cognitione verò gloriæ, perfectè. Prima ergo cognitio rerum in verbo adfuit Angelo à principio suæ creationis: secunda verò non, sed quando facti sunt beati per conversionem ad bonum (scilicet per conversionem immutabilem ex confirmatione in gratia proveniente ad summum bonum, sive Deum, ut finem ultimum tam ordinis supernaturalis quàm naturalis) & hac propriè dicitur cognitio matutina.

ARTICULUS III.

De dilectione angelica.

Dilectio naturaliter cognitionem sequitur: & ideir-
to explicatâ cognitione angelicâ, superest explicanda dilectio.

§. I.

Virum Angeli semper felici necessitate seipsos naturaliter contemplantur, & diligant, & Deum in seipsis.

Advertendum est, quòd Angeli naturaliter cognoscendo seipsos, cognoscunt etiam Deum in seipsis, tanquam causam in effectibus suis: si enim nos possumus naturæ nostræ viribus ex creaturis tanquam effectibus devenire in notitiam Dei tanquam causæ, & Authoris naturæ: à fortiori Angeli utpotè longè sublimiorem habentes rerum omnium notitiam, ex seipsis tanquam effectibus omnium nobilissimis deveniunt in cognitionem Dei.

Imò cum Angelorum substantia sit perfectissima similitudo Dei, quantum creaturæ conditio capax est similitudinis divinæ, sicut explicuimus in nostro primo principio ex illis Ezechielis verbis, *tu signaculum similitudinis*: Inde fit, quod sicut substantia cuiuslibet Angeli se habet ut species seipsam representans eidem Angelo, ita etiam est species representans Deum ut authorem naturæ in illo nobilissimo effectu suo, & purissimo speculo: quia, ut ait D. Thomas 1. p. qu. 36. art. 3. *ipsa natura angelica est quoddam speculum divinam similitudinem representans.*

Advertendum est etiam, quod cum quilibet Angelus comprehendat seipsum, sive cognoscat se quantum naturali er cognoscibilis est; ita etiam Deum ex seipso cognoscit, quantum naturaliter cognosci potest, sive habet perfectissimam cognitionem ipsius Dei ut authoris naturæ. Et quia cognitionem subsequitur amor inde fit, quod quilibet Angelus Deum, & seipsum perfectissime diligit, quantum dilectio naturalis se extendere potest. Tota difficultas in presenti est, utrum amor ille sit necessarius & quoad specificationem, & quoad exercitium: dicitur amor necessarius quoad specificationem, quando aliquis ita amat, ut non possit odisse, amor enim & odium sunt diversæ speciei: dicitur autem necessarius quoad exercitium, quando ita amat, ut non possit non amare, sive non possit ab amoris exercitio cessare.

Concl. Angeli semper necessitate felicissima determinati sunt ad sui, & ipsius Dei contemplationem, & amorem, necessitate quoad specificationem, & quoad exercitium.

Prob. 1. & inferitur ex nostro primo principio. Angeli sunt similes Deo quantum patitur creaturæ conditio. Sed Deus semper naturaliter ad contemplationem, & amorem sui necessitatur quoad specificationem, & exercitium; ita ut nec seipsum odisse, nec unquam ab amoris sui exercitio cessare possit. Ergo similiter Angelus ad contemplationem, & amorem sui necessitatur. Cum hoc tamen discrimine, quod Deus cum non referatur ad alium quam ad seipsum, ad contemplationem, & amorem sui necessitatur, sed non ullius al-

terius
quam
ita nec
ut mul
amoren
tas, qu
cit ut A
necessa
per ad
Prob
angelic
tim 1.
sicut sa
nent in
lestia
tes a l
gradus
compar
corpor
nem na
so Deo
instant
cessive
nem na
mus ag
buerunt
creation
perfect
mobili
thorem
fuerit,
bet attr
Prob
tes cap
operati
lia sem
v. g. h
cordis.
non deb
geli sun
cum non

terius : at verò Angelus , cùm referatur ad Deum tanquam medium , uel finis intermedius ad finem ultimum , ita necessitatur ad contemplationem , & amorem sui , ut multò magis necessitetur ad contemplationem , & amorem Dei. Sed ut communiter dicitur , felix necessitas , quæ cogit ad bonum : Illaque felicissima , quæ facit ut Angeli non quidem cogantur , sed naturaliter , & necessario , quàmvis maximè sponte suâ ferantur semper ad optimum.

Prob. 2. Et infertur ex altero principio , quod ab angelico præceptore variis in locis traditur , & præsertim 1. p. qu. 58. a. 3. ubi sic habet. *Dicendum quod sicut sapius dictum est , Angeli illum gradum tenent in substantiis spiritualibus , quem corpora celestia in substantiis corporeis : nam & caelestes mentes à Dionysio dicuntur.* Et ibidem homines , qui gradum infimum tenent in substantiis spiritualibus , comparat corporibus infimis , sive sublunaribus. Sed corpora celestia suam ultimam , & summam perfectionem naturalem , cuius sunt capaces , receperunt ab ipso Deo ut authore naturæ statim in ipso suæ creationis instanti ; corpora verò sublunaria eam acquirunt successivè. Ergo licet homines suam ultimam perfectionem naturalem successivè acquirere debeant , ut dicemus agendo de statu naturæ puræ : Angeli tamen debuerunt eam ab ipso Deo habere statim in primo suæ creationis instanti. Ultima autem , & summa naturalis perfectio creaturæ intellectualis est , adhærere Deo immobilitèr , ita contemplando , & amando ipsum ut authorem naturæ , ut semper in hoc felicissimo exercitio fuerit , & nunquam ab illo cessare possit. Ergo hoc debet attribui omnibus Angelis.

Prob. 3. ratione ejusdem D. Thomæ 2. contra gentes cap. 97. Omnis substantia vivens habet aliquam operationem vitæ in actu ex natura sua , sicut animalia semper nutriuntur , licet non semper sentiant ; & vita v. g. hominis essentialiter exigit perpetuum motum cordis. Ergo cùm perfectio , quæ attribuitur inferiori non debeat denegari superiori , dicendum est quod Angeli sunt etiam in actu continuo vitæ ex natura sua : & cùm non sit in eis nisi vita intellectiva , quæ consistit in

cognitione, & amore; debent esse in perpetuo motu mentis, & semper aliquod objectum cognoscere, & diligere. Nequeunt autem naturaliter cognoscere, & amare Deum in se absolute consideratum, superest ergo ut ipsum contemplantur, & ament in effectibus suis, inter omnes autem effectus Dei, propria cuiuslibet Angeli substantia est objectum respectu ipsius connaturalissimum, & ab ipso penitus inseparabile. Ergo quilibet Angelus seipsum semper, & naturaliter, & in seipso Deum cognoscit, & amat.

Obiicitur. Nihil est capax necessitandi ad amorem sui, nisi summum bonum clarè visum ut docent Thomistæ in tract. de beatitudine. Sed Angelus non est summum bonum: & licet Deus etiam ut author naturæ sit summum bonum, non potest tamen naturaliter esse clarè visum. Ergo Angelus ad huiusmodi amorem non necessitatur.

Resp. ad ma. Nihil est capax necessitandi nisi summum bonum clarè visum, dist. ex parte objecti cogniti, conc. ex parte modi cognoscendi, ne. Licet enim solum summum bonum clarè visum sit capax per se, ac ratione sui necessitare voluntatem ad sui amorem: attamen quamvis bonum non sit clarè visum, vel etiam non sit summum bonum; si tamen ex ipso cognoscendi modo non apprehendatur in eo nisi ratio boni, voluntas ad ejus amorem necessitatur; ut patet in moribus primis, in quibus non apprehenditur summum, sed particulare bonum, & tamen quia sic apprehenditur, ut in eo non consideretur nisi sola ratio boni, voluntas ad ejus amorem pro tunc necessitatur. Quia igitur Deus ut author naturæ physice prædeterminat omnes Angelos ad hoc ut in amore sui, & ipsius Dei nullam apprehendant rationem mali, sicuti revera nulla est, sed potius rationem boni, & quidem talis, ac tanti, quale, ac quantum creaturis concedi potest; ideo ad illud exercitium necessitantur, felicissimè, ut jam dixi, necessitate.

Instabis. Angelus potest apprehendere aliquam rationem mali in exercitio perpetuo, & necessario amoris sui, & Dei, ut v. g. impedimentum exercitij libertatis in tali actu; & multò magis impedimentum ne

omni conatu, & affectu feratur in Deum, si occupetur circa seipsum.

Resp. ne. antec. & quantum ad libertatem, dico, quod quando objectum iudicatur dignum amore necessario, nulla potest apparere ratio boni in libertatis exercitio circa illud objectum; ut patet in visione beatifica; nam quia beati nullam apprehendunt rationem mali in perpetuo huiusmodi visionis exercitio; sed potius omnem rationem boni, cuius creatura sit capax tam per gratiam, quam per naturam, idcirco non possunt sub pretextu cuiuscunque libertatis velle cessare ab huiusmodi exercitio: unde cum Angeli in exercitio amoris sui, & ipsius Dei cognoscant, imò comprehendant inesse rationem omnis boni, cuius creatura quantumvis perfectissima, potest naturaliter esse capax, nullam apprehendere possunt rationem boni in exercitio libertatis, ratione cuius à tali amore cessare possent.

Quantum ad aliud impedimentum dico, quod sicut charitas non impeditur, nec minuitur in amore Dei ex amore proximi; quia non diligitur proximus nisi propter Deum: ita contemplatio, & amor, quem habet Angelus de seipso, non impedit illum, quem habet de Deo; quia non contemplatur, nec diligit seipsum nisi propter Deum: unde ut dicemus in seq. paragr. amor, quo Angelus naturaliter, & necessario diligit Deum, non est amor concupiscentiae, sed vera, ac pura amicitiae.

Obiic. 2. Debemus Angelis attribuere modum nobilissimum acquirendi perfectionem suam, utpotè creaturis omnium nobilissimis. Sed nobilior est modus obtinendi ultimam, & summam perfectionem suam moraliter, & meritorie proindeque libere, quam pure naturaliter, & physice, proindeque necessario: Unde adulti qui obtinent gloriam titulo meritorum, magis aestimantur, quam parvuli qui eam non obtinent, nisi solo titulo hereditatis. Ergo modus ille tribui debet Angelo.

Resp. concedendo maiorem: Ad minorem dico, eam veram esse, quando agitur de perfectione supernaturali, & gratuita; unde in qu. seq. ostendemus, quod Angeli in primo suae creationis instanti meruerunt gra-

tiam, quam ab ipso Deo receperunt. Sed dico minorem illam esse falsam, dum agitur de perfectione naturali, uel connaturaliter debita. Et de hoc habemus exemplum evidens in ipso Deo. Modus enim, quo suam perfectionem habet, est nobilissimus omnium qui excogitari possint; & tamen perpetuam sui contemplationem, perpetuumque amorem non habet moraliter, meritorie, & libere, sed naturaliter, physice, & necessario: ita quia quantum ad propositum, Angelus est ita similis Deo, ut quod naturaliter convenit Deo, connaturaliter conveniat Angelo, dicendum est, quod perfectissimus modus quo Angelus habere possit omnem suam perfectionem naturalem, uel saltem connaturaliter debitam, est ut ipsam habeat sicut habet Deus, naturaliter, & necessario, necessitate, ut semel & iterum dixi, omnium felicissimam.

S. II.

Insinuat egregia D. Thoma doctrina quod Angeli semper naturaliter diligunt Deum plusquam seipsos, & super omnia.

Dixi, insinuat, quia doctrinam illam resumemus, & fuse explicabimus in tract. de actibus humanis, quando agemus de triplici rerum omnium inclinatione, quarum maxima est obediendi Deo in omnibus.

Interim Doctor verè angelicus sic habet 1. p. qu. 60. artic. 5. Dicendum, quod quidam dixerunt, quod Angelus naturali dilectione diligit Deum plusquam se, amore concupiscentia: quia scilicet plus appetit sibi bonum divinum, quam bonum suum: & quodammodo amore amicitiae inquantum scilicet Deo vult naturaliter Angelus, maius bonum quam sibi: vult enim naturaliter, Deum esse Deum, se autem vult habere naturam propriam: sed simpliciter loquendo, naturali dilectione plus diligit se, quam Deum; quia intensius, & principalius naturaliter diligit se quam Deum.

Sed falsitas huius opinionis manifestè apparet, si

quis in rebus naturalibus consideret, ad quid res naturaliter moveatur. Inclination enim naturalis, in his quae sunt sine ratione, demonstrat inclinationem naturalem in voluntate intellectualis natura. Unumquodque autem in rebus naturalibus, quod secundum naturam hoc ipsum quod est, alterius est, principalius, & magis inclinatur in id cuius est, quam in seipsum. Et hac inclinatio naturalis demonstratur ex his, quae naturaliter aguntur: Quia unumquodque sicut agitur naturaliter, sic aptum natum est agi, ut dicitur in 2. physic. Videmus enim quod naturaliter pars se exponit ad conservationem totius corporis; sicut manus exponitur ictui, absque deliberatione, ad conservationem totius corporis. Et quia ratio imitatur naturam, huiusmodi imitationem invenimus in virtutibus politicis. Est enim virtuosus civis, ut se exponat mortis periculo pro totius Reipublicae conservatione: Et si homo esset naturalis pars huius civitatis, hac inclinatio esset ei naturalis. Quia igitur bonum universale est ipse Deus: & sub hoc bono continetur etiam Angelus, & homo, & omnis creatura; quia omnis creatura naturaliter id quod est, Dei est: sequitur, quod naturali dilectione etiam Angelus, & homo, plus & principalius diligit Deum, quam seipsum. Alioquin si naturaliter plus seipsum diligeret quam Deum, sequeretur quod naturalis dilectio esset perversa: Et quod non perficeretur per charitatem, sed destrueretur.

¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶ ¶¶¶

QUESTIO IV.

*De Angelorum perfectione in esse gratiae,
& gloriae.*

Hucusque de Angelorum perfectione in esse naturæ, nunc agendum est de perfectione ipsorum in esse gratiæ, & gloriæ.

ARTICULUS I.

de Angelorum beatitudine,

Duplex est Angelorum beatitudo, scilicet naturalis, & supernaturalis: de utraque agimus in hoc articulo.

§. I.

Virum Angeli fuerint in ipsa creatione statim beati, sua beatitudine naturali.

Concl. omnes Angeli statim in ipso suæ creationis instanti fuere beati sua beatitudine naturali. Ita D. Thomas 1. 2. p. qu. 62. a. 1. & alij Doctores communiter.

Probatur, uel potius patet ex dictis. Naturalis Angelorum beatitudo, est ultima perfectio ad quam possunt naturæ suæ viribus pervenire, sive perfectissima operatio, quæ naturaliter potest Angelo convenire, scilicet cognitio, & dilectio super omnia ipsius Dei ut authoris naturæ. Sed constat ex dictis in parag. præcedent. Quod Angeli in ipso suæ creationis instanti huiusmodi actus elicerunt. Ergo statim fuerunt naturaliter beati.

Ob. si omnes Angeli fuissent semel naturaliter beati,

semper in illa beatitudine permanent. Sed non omnes in ea permanserunt. Ergo non omnes eam habuerunt. ma. prob. ex illo communi Theologorum axioma, quod desumitur ex D. Dyonisio, & suo loco magis explicabitur, naturalia in Dæmonibus remanserunt integra. Ergo beatitudo naturalis in eis remaneret. Mi. non est minus evidens: Quis enim dicat Dæmones esse naturaliter beatos, cum certum sit eos esse infelicitissimos.

Resp. ne, ma. & dist. prædictum axioma, naturalia in Dæmonibus remanserunt integra, prout sunt purè, ac præcisè naturalia, conc. prout supernaturalibus subordinata, ne. Dæmones enim cum debuissent omnes suas naturales perfectiones subordinare, & referre ad Deum ut authorem supernaturalem, tanquam ad finem simpliciter ultimum, eas omnes rerulerunt ad seipsos, sive ad suum bonum proprium ut ultimum finem, ut dicemus agendo de ipsorum peccato. Ad hoc autem ut dici possent beati etiam beatitudine naturali, deberent Deum cognoscere, & amare ut authorem naturæ sine ulla deordinatione circa ipsum ut authorem gratiæ.

Dices, cognitio, & amor Dei purè, ac præcisè ut authoris naturæ sunt naturalia purè ac præcisè sumpta: & tamen non possunt remanere in Dæmonibus: Quomodo enim compati possent maculam peccati, quam contraxerunt Dæmones, & summum illud odium, quod contra Deum conceperunt. Ergo nulla solutio.

Resp. negando, quòd hæc non remaneant in Dæmonibus. Licet enim cognitio, & amor Dei ut authoris naturæ compati nequeat maculam peccati contra eundem Deum ut authorem naturæ commissi; bene tamen peccati commissi contra Deum ut authorem gratiæ: dicemus autem postea, quòd Angeli peccare non possunt directè, & per se nisi contra Deum ut authorem gratiæ; & solummodò indirectè, & per accidens contra ipsum ut authorem naturæ: unde si essent in puris naturalibus constituti, essent omnino impeccabiles. Similiter amor, & odium circa eandem personam compati nequeunt, si sint ejusdem rationis & ordinis; bene tamen si sint diversæ rationis, diversique ordinis: nam experientiâ constat, quòd sub diversa consideratione unum, eundem-

que hominem diligimus propter aliquas bonas qualitates, & odio habemus propter malas. Amor autem, & odium Dæmonum versatur circa Deum sub diversa consideratione, & sunt diversi ordinis, & diversæ rationis: nam odio habent Deum ut iudicem propter pœnas, quas ipsis infligit: & diligunt ipsum, ut autorem naturæ, propter perfectiones naturales, quas eis contulit, & adhuc in ipsis conservat: amor eorum est necessarius, & physicus; odium est morale, & liberum. Unde Doctor angelicus 1. p. qu. 60. a. 5. ad 5. de Dæmonibus loquens, ait: *Illi qui non vident essentiam eius (scilicet Dei) cognoscunt eum per aliquos particulares effectus, qui interdum eorum voluntati contrariantur; & sic hoc modo dicuntur odio habere Deum: cum tamen in quantum est bonum commune omnium, unumquodque naturaliter diligat plus Deum, quam seipsum.*

Idemque dicendum est de gaudio, & delectatione, tristitia, & dolore: fieri enim non potest, quin de cognitione, & amore Dei ut authoris naturæ valde gaudeant, & delectentur: sed incomparabiliter magis tristantur, & dolent de privatione gloriæ, seu visionis beatificæ, ratione cuius ipsum longè nobiliori modo cognoscerent, & diligerent, scilicet ut autorem supernaturalem gratiæ, & gloriæ.

§. II.

Virum Angeli fuerint creati in sua beatitudine supernaturali.

Concl. Angeli non fuerunt statim in ipsa creatione beati, sua beatitudine supernaturali. Ita communiter Doctores cum D. Thoma 1. p. qu. 62. a. 1.

Prob. 1. quia supernaturalis Angelorum beatitudo est ultima, & summa perfectio, ad quam pervenire possunt viribus gratiæ, seu clara Dei visio: Quæ cum non sit naturæ debita, & aliunde sit finis simpliciter ultimus omnis creaturæ intellectualis, non debuit statim conferri. Hæc est ratio D. Thomæ loco citato. 2. Ne Angeli beatitudinem illam perfectioni suæ attri-

buere
eam no
gratiæ
modum
bile, u
fuit con
vis mo
lent, n
verunt.
premus
Obiit
paradi
tificus
modi de
dearis si
servari
intellig
de civit
gelorum
nata: se
ex illo
corpore
huiusmo
Resp.
sed grat
creation
gratiæ,
zione oc
visionem
tiam, q
tè antea
credider
vocari ne
gratiæ pe
dicunt;
quam. N
quia nul
semper f
gloria.

buerent, sed soli bonitati divinæ, conveniens fuit, quod eam non obtinerent, nisi postquam beneficio divinæ gratiæ ipsam mervissent. 3. Beatifica visio etiam per modum transeuntis collata reddit subiectum impeccabile, ut dicemus in tract. de beatit. agendo de illa, quæ fuit concessa Moyfi, & D. Paulo. Ergo si Angeli quovis modo in sua creatione visionem beatificam habuissent, nullus eorum peccasset: & tamen multi peccaverunt, & ipse etiam Lucifer, qui erat omnium superemus.

Obiic. 1. dicitur de Lucifero Ezech. 28. *In deliciis paradisi Dei fuisti.* Sed illæ deliciæ sunt amor beatificus, & gaudium de visione beatifica. Ergo huiusmodi deliciis fruebatur ante peccatum. 2. Glossa interlinearis super illud epistolæ Iudæ, *Angelos verò qui non servaverunt suum principatum*, per principatum intelligit spirituales Dei visionem. 3. D. Augustinus ij. de civitate Dei ca. 9. loquens de parte bonorum Angelorum, ait: *eo beatior, quod nunquam peregrinata*: sed peregrinari est carere visione Dei, ut patet ex illo Apostoli 2. ad Corinth. 5. *dum sumus in hoc corpore, peregrinamur à Domino.* Ergo nunquam huiusmodi visione carverunt.

Resp. ad 1. non esse ibi sermonem de deliciis gloriæ sed gratiæ, cuius donis omnes Angeli fuere in sua creatione cumulati, & in amore Dei tam ut authoris gratiæ, quam ut authoris naturæ cum maxima delectatione occupati. Ad 2. dico per illam spirituales Dei visionem non intelligi visionem beatificam, sed notitiam, quæ habetur per lumen fidei, de qua immediate antea sic loquitur Apostolus Iudas, *eos qui non crediderunt perdidit.* Ad 3. dico peregrinationem vocari nedum carentiam gloriæ, sed etiam desertionem gratiæ per peccatum: unde Lucæ 15. de filio prodigo dicitur, *peregrè profectus est in regionem longinquam.* Nunquam ergo Angeli boni peregrinati sunt: quia nullum unquam peccatum commiserunt; sed semper fuerunt in gratia, quamvis non semper in gloria.

ARTICULUS II.

De Angelorum gratia.

De gratia actuali Angelorum, sive de auxiliis divinae gratiae, quae ipsis collata fuerunt, agemus cum omnibus Doctoribus, quando explicabimus ea, quae hominibus fuere collata, propter doctrinae connexionem: nunc solummodo consideramus gratiam eorum habitalem, & sanctificantem.

§. I.

Virum omnes Angeli fuerint in gratia sanctificante creati.

Con. omnes Angeli fuerunt in gratia creati. Ita D. Thomas 1. p. qu. 62. ar. 3. & nunc omnes Doctores cum ipso, quamvis olim aliqui existimaverint, eos in parvis naturalibus fuisse conditos, & postmodum ad ordinem gratiae fuisse elevatos.

Prob. 1. autoritate scripturae, & Patrum. Nam Ezech. 28. Propheta sic alloquitur Luciferum sub persona Regis Tyriorum: *Tu signaculum similitudinis, plenus sapientia, & perfectus decore, in deliciis paradisi Dei fuisti: omnis lapis pretiosus operimentum tuum.* Et paulo post subditur: *Tu cherub extensus, & protegens, & posuisti in monte sancto Dei, in medio lapidum ignitorum ambulasti. Perfectus in visis tuis a die conditionis tuae, donec inventa est iniquitas in te.*

Qui locus iuxta communem SS. Patrum, & Doctorum expositionem sic intelligitur. Quod Lucifer à die conditionis suae luce divinae sapientiae, decore sanctificantis gratiae, & omnium virtutum veluti caelestium margaritarum fulgore fuit decoratus: & in deliciis Paradisi Dei positus, sive praecipuis gratiae donis ornatus.

Sed praecipue notari debet expositio D. Gregorij lib.

32. moralium cap. penult. ubi sic de Lucifero ait: In medio ignitorum lapidum perfectus ambulavit: quia inter Angelorum corda charitatis igne succensa, clarus gloria conditionis exiit. Quem bene extensum, ac protegentem dicit: omne enim quod extensi protegimus, obumbramus: & quia comparatione claritatis suae, ceterorum claritatem obumbrasse creditur, ipse extensus & protegens fuisse perhibetur: Reliquos enim quasi obumbrando operuit, qui eorum magnitudinem excellentiâ maiore transcendit.

Perfectus quoque in viis suis dicitur à die conditionis suae, id est optimè dispositus ad finem propter quem erat creatus, scilicet ad ultimum finem, & beatitudinem supernaturalem, sive gloriam: non poterat autem ad illum rectè disponi, & ordinari, nisi ratione gratiae, & charitatis; cum non possit gloria naturae viribus obtineri, sed solummodo viribus gratiae. Ergo in gratia creatus fuit. Et idem est de omnibus aliis Angelis.

D. Basilii in Psal. 32. exponens illud: verbo Domini caeli firmati sunt, & spiritu oris eius omnis virtus eorum, sic ait: Angelos ab initio verbum opifex omnium condidit: sanctos vero Spiritus sanctus reddidit. Non enim parvi ab initio creati, deinde paulatim exercitati, atque perfecti, sic Spiritus susceptione digni sunt habiti, sed in prima substantiae suae constitutione statim simul inditam habuere sanctitatem. Et D. Augustinus lib. 12. de civit. Dei cap. 9. loquens de Deo Angelorum creatore, dicit: simul in eis & condens naturam, & largiens gratiam.

Prob. 2. Ratione. Dicemus enim agendo de statu innocentiae, quod primus homo fuit creatus in gratia. Ergo etiam Angelus. Non enim maior est ratio de illo, quam de isto. Præterea, ut argumentatur D. Thomas a. 3. jam citato, videmus quod omnia, quae processu temporis per opus divinae providentiae creata a Deo operante sunt producta, in primarum conditione producta sunt, secundum quasdam feminales rationes, ut Augustinus dicit super

Genesim ad litt. sicut arbores, & animalia, & alia huiusmodi. Manifestum est autem, quod gratia gratum faciens hoc modo comparatur ad beatitudinem, sicut ratio seminalis in natura ad effectum naturalem, unde 1. Ioan. 3. gratia semen Dei nominatur. Sicut igitur secundum opinionem Augustini ponitur, quod statim in prima creatione corporalis creatura, indita sunt ei seminales rationes omnium naturalium effectuum, ita statim à principio Angeli sunt creati in gratia.

Ob. 1. Quod Christus Ioan. 8. de Diabolo ait: Ille homicida erat ab initio. Ergo nunquam gratiam habuit. 2. Dicitur etiam de Diabolo in iure canonico ex decreto Papae Joannis 16. qu. 2. cap. visis litteris, dolet satis, & erubescit, charitatem quam in calo nequivit habere, homines constantes ex lutea materia tenere in terra. 3. D. Gregorius lib. 32. moral. cap. penult. explicans illud Ezech. 28. foramina tua in die qua conditus es, preparata sunt. Sic habet. Huius lapidis (sive Luciferi) in die conditionis sua foramina preparata sunt, quia videlicet capax charitatis est conditus. Igitur non est creatus cum gratia, & charitate, sed solummodo cum capacitate utramque recipiendi. 4. Gratia medium tenet locum inter naturam, & gloriam: Debuit ergo Angelus prius perfici in natura, postmodum in gratia, & tandem in gloria.

Resp. ad 1. Illud, ab initio, non sumi physice, sed moraliter, idest statim post creationem suam. Quod patet ex hoc quod Christus ibidem immediate subdit. Et in veritate non stetit. Fuit ergo aliquando in veritate, proindeque sine peccato; sed non perseveravit. Ad 2. dicit glossa canonem illum esse intelligendum de charitate perseverante, ita ut habere eadem sit ibi ac tenere, sive retinere. Et quod hic sit verus sensus, constat ex ipsis terminis: Dolet enim Diabolus, quod charitatem, quam habuit, non tenuit, sive in ea non perseveravit; quamvis natura ejus nulli infirmitati foret obnoxia: & tamen videt homines, quorum natura immuneris infirmitatibus obnoxia est, charitatem constanter tenere, sive in illa perse-

ve
rat in
ex hy
stus J
ego v
tum el
Lucife
contra
thorice
quæ ex
tur de
firmatu
charite
sed non
Unde i
Quia
Tibus
lapidis
ma arti
medium
semper
quam
Christo
habuit

Vtrum
per
ab
mo f
runt.

Duple
militan
ria, &
Angelus
rem natu
non rece
quæ est a
hac fuer

verare. Quod autem dicitur, non potuit, non denotat impotentiam absolutam, sed hypotheticam, sive ex hypothesi, & suppositione malitiæ suæ, sicut Christus Judæis in sua malitiâ obstinatis ait, Joan. 8. *Quo ego vado, vos non potestis venire.* Ad 3. Dico certum esse, quoddam D. Gregorius non negat absolutè, Luciferum charitatem habuisse; sibi enim evidenter contradiceret, cum oppositum expressè asserat in auctoritate, quam pro nostra conclusione retulimus, & quæ ex eodem libro, & capite desumitur: sed loquitur de charitate consummata, sive in qua fuisset confirmatus per gratiam, si perseverasset: habuit ergo charitatem inchoatam, & ut ita dicam semiplenam, sed non plenam, & consummatam, sicut Angeli boni. Unde idem D. Gregorius ibidem immediatè subdit: *Quâ, nimirum charitate, si repleti voluisset, stantibus Angelis tanquam positis in regis ornamento lapidibus potuisset inherere.* Ad 4. dico ex D. Thoma artic. jam citato ad 3. Quoddam quamvis gratia sit medium inter naturam, & gloriam, non propterea semper requiritur, quoddam natura sit prior tempore quàm gratia, sed sufficit prioritas naturæ; ut patet in Christo, qui simul in primo suæ conceptionis instanti habuit naturam, gratiam, & gloriam.

§. II.

Utrum omnes Angeli gratiam sanctificantem receperint per propriam dispositionem, sive per actum charitatis, quem omnes statim cum summo fervore iuxta capacitatem suam exercerunt.

Duplex est in hac difficultate sententia tam Thomistarum, quàm aliorum. Prima est Capreoli, victoriæ, & quorundam modernorum asserentium, quoddam Angelus in sua creatione movebatur in Deum ut authorem naturæ, sed non ut authorem gratiæ, atque ita non recepit gratiam per dispositionem propriam, quæ est actus charitatis. Et negari non potest, quia hæc fuerit sententia D. Thomæ qu. 16. de malo. artic.

4. unde ipsam probabilem reputamus. Secunda est opposita, quam tenent communiter Thomistæ, alijque Doctores: & quia ista secunda sententia evidenter colligitur ex eodem angelico Doctore in sua Theologia summa, quæ est ultimum ipsius testamentum, ideo eam tanquam probabiliorem amplectimur. Unde sit.

Concl. omnes Angeli statim in sua creatione receperunt gratiam sanctificantem, per suam propriam dispositionem, sive per proprium charitatis actum, quem tunc omnes cum summo fervore juxta capacitatem suam exercuerunt.

Prob. 1. Quia D. Thomas 1. p. qu. 95. a. 1. ad 5. ait. *Dicendum, quod cum motus voluntatis non sit continuus, nihil prohibet etiam in primo instanti sue creationis primum hominem gratia confuisse.* Si hoc præstitit homo, ergo etiam Angelus: atque ita se ad gratiam disposuit, quæ dispositio præcipue in charitatis actu consistit, ut dicemus in tract. de justificatione. 2. Idem angelicus Doctor asserit, Angelos eâ proportionem, quâ fuerunt perfectiores in naturalibus, fuisse similiter perfectiores in gratuitis, quia sese perfecti orïætu, & cum majori fervore in Deum ut ultimum finem suum converterunt, ut dicemus in sequ. paragr. Ergo cum illa conversio non fiat nisi per charitatem, per illam sese disposuerunt ad hujusmodi gratuita recipienda. 3. Idem sanctus Doctor 3. p. qu. 34. a. 3. distinguit sanctificationem parvulorum, & adultorum in hoc, quod parvuli non sanctificantur per proprium actum, sed per alienum, nempe in fide Ecclesiæ; unde in sua sanctificatione nullum actum eliciunt, sed solummodo habitum gratiæ sanctificantis recipiunt: Adulti verò sanctificantur per suum actum proprium, nimirum charitatis, quem eliciunt in eodem instanti, in quo habitum gratiæ recipiunt. Dicit autem sanctificationem istam adultorum esse nobiliorem sanctificatione parvulorum: quia actus perfectior est habitu; & quod est per se perfectius est illo quod est per aliud. Cum igitur Angeli nunquâ fuerint parvuli, sed semper ut ita dicam adulti: & aliunde nobilior sanctificationis modus ipsi attribui debeat: Dicendum

est, quod omnes sese ad suam sanctificationem disposerunt, per proprium charitatis actum, quem in instanti suae creationis elicerunt.

Ob. 1. Duæ operationes diversi ordinis nequeunt produci ab Angelo in eodem instanti. Sed conversio in Deum ut authorem naturæ, & ut authorem gratiæ sunt duæ operationes diversi ordinis; cum illa sit naturalis, & ista supernaturalis. Ergo non potuit Angelus eas simul ac simul elicere in uno eodemque suæ creationis instanti. 2. Si omnes Angeli semel charitatis actum eliciissent, semper in illo exercitio perseverassent; quia immobiliter adherent. 3. Actus charitatis radicaliter provenit à gratia; proindeque ad ipsam subsequitur tanquam effectus ad causam. Ergo ad eam non disponit, cum dispositio debeat præcedere formam.

Resp. ad 1. Verum esse quod Angelus nequit duas operationes in eodem instanti elicere, si sint operationes disparatæ; sed falsum est, quod non possit eas simul elicere, si sint subordinatæ. Conversio autem in Deum ut authorem naturæ subordinatur conversioni in ipsum ut authorem gratiæ. Unde D. Thomas 1. p. qu. 62. a. 7. ad 3. ait. *Dicendum, quod duæ operationes non possunt esse simul unius potentie, nisi una ad aliam ordinetur: cognitio autem & dilectio naturalis ordinantur ad cognitionem, & dilectionem gloriæ: unde nihil prohibet in Angelo esse & cognitionem, & dilectionem naturalem, & cognitionem, & dilectionem gloriæ.* Ad 2. dico Angelos non adhesisse immobiliter statim post electionem semiplenam, quæ fuit in primo instanti, sed tantum post electionem plenam, quæ fuit in secundo, ut explicabimus postea ex professo. Ad 3. dico hanc difficultatem esse eandem cum illa, quæ agitari solet de contritione, utrum à gratia justificante procedat, & simul ad ipsam disponat, eamque resolvemus in tractatu de justificatione.

§. III.

*Angeli non meruerunt gratiam; bene
tamen gloriam.*

Quamvis Angeli omnes ad receptionem gratiae sese disposuerint per proprium charitatis actum in ipso suae creationis instanti elicitum, gratiam tamen non meruerunt. Quia juxta commune Theologorum axioma in tract. de merito explicandum, principium meriti non cadit sub merito; gratia autem est principium omnium meritorum tam in Angelis, quam in hominibus: unde non potest sub merito eorum cadere. Imò quamvis Christus Dominus modo omnium perfectissimo gratiam receperit, eam tamen non meruit, ut dicemus in tract. de Incarnatione.

Licet autem Angeli gratiam non meruerint; bene tamen gloriam in illo ipso suae creationis instanti, per illum actum charitatis, quem tunc omnes elicuerunt; imò etiam per omnem alium actum charitate illa formatum, ut v. g. per actus fidei, & spei, quos similiter omnes tunc elicuerunt, & ad charitatem ordinaverunt. Quia, ut docet D. Thomas 1. p. qu. 62. artic. 5. & explicabimus magis in praedicto tract. de merito; Meritum beatitudinis non solum in Angelo, sed etiam in homine esse potest per unicum actum; Quia quolibet actu charitate informato homo beatitudinem meretur. Sed quomodo intelligi debeat id quod idem angelicus Doctor ibidem subdit: Relinquitur, quod statim post unum actum charitate informatum Angelus beatus fuit: Explicabitur in art. sequ. agendo de instantibus angelicis.

§. IV.

Quomodo Angeli cognoverint mysteria gratiae.

Respondet D. Thomas 1. p. qu. 57. artic. 5. Dissendum, quod in Angelis est cognitio duplex. Una quidem naturalis, secundum quam cognoscunt res,

tum
myster
enim
enim
nes al
minus
tate d
Corint
tus hon
novit
Est a
beatos
bo. Et
tia: n
secund
dum i
lavit D
riores
contem
Dei vi
stant;
rum q
runt;
ecrum
Q
noverim
stanti
Resp
& ut au
ipsum v
creatos
sanctific
mysteri
erat quo
eorum o
tem, q
plures p
cognove
Quam
cognosce
fusus, hoc

tum etiam per species innatas : & hac cognitione mysteria gratiæ Angeli cognoscere non possunt, hac enim mysteria ex pura Dei voluntate dependent. Si enim unus Angelus non potest cognoscere cogitationes alterius ex voluntate eius dependentes, multo minus potest cognoscere ea, quæ ex sola Dei voluntate dependent : Et sic argumentatur Apostolus 1. Corinth. 2. Quæ sunt hominis, nemo novit nisi spiritus hominis, qui in ipso est : Ita & quæ sunt Dei, nemo novit, nisi spiritus Dei.

Est autem & alia Angelorum cognitio, quæ eos beatos facit, quia vident verbum, & res in verbo. Et hac quidem visione cognoscunt mysteria gratiæ : non quidem omnia, nec aequaliter omnes, sed secundum quod Deus voluerit eis revelare : secundum illud Apostoli 1. Corinth. 2. Nobis autem revelavit Deus per spiritum suum. Ita tamen quod superiores Angeli perspicacius divinam sapientiam contemplantur, plura mysteria, & altiora in ipsa Dei visione cognoscunt, quæ inferioribus manifestant, eos illuminando. Et horum etiam mysteriorum quadam a principio sua creationis cognoverunt; quadam verò postmodum, secundum quod eorum officiis congruit, edocentur.

Quæres quamnam in particulari mysteria gratiæ cognoverint Angeli per fidem in primo suæ creationis instanti.

Resp. quod omnes cognoverunt 1. Deum ut trinum, & ut authorem supernaturalem : quia in ordine ad ipsius visionem creati fuerunt. 2. Cognoverunt se creatos fuisse in gratia : quia hoc pertinet ad maiorem sanctificationis perfectionem. 3. Cognoverunt omne mysterium Incarnationis quoad substantiam : quia hoc erat quoddam generale principium, ad quod omnia eorum officia destinabantur, scilicet ad hominum salutem, quæ per Incarnationem dari debuit. Sed quoad plures particulares circumstantias huius mysterij, eas cognoverunt successu temporis.

Quamvis autem dicat D. Thomas, quod Angeli non cognoscunt mysteria gratiæ per species innatas, sive infusas, hoc intelligendum est de speciebus expressis, qui-

bus actualiter huiusmodi mysteria gratiæ: eas enim nequeunt ex speciebus expressis elicere, nisi ea proportionem, qua Deus vult huiusmodi mysteria eis revelare. sed semper manet, quod species impressas in actu primo representativas eorum omnium, quæ de mysteriis gratiæ cognoscituri erant extra visionem beatificam, habuerunt sibi infusas in ipso creationis instanti: sicut habuerunt semper species impressas representativas in actu primo secretorum cordium; sed Deus eos non prædeterminat ad eliciendas species expressas huiusmodi secretorum in actu secundo representativas, nisi quando ad eos diriguntur, ut explicuimus supra.

§. V.

Utrum gratuita fuerint Angelis concessa iuxta proportionem perfectionum naturalium.

Concl. Supernaturalia gratiæ dona fuere Angelis concessa iuxta proportionem naturalium perfectionum: Itant quod superiores fuerunt in suis naturalibus perfectionibus, eò excellentiora gratiæ, & virtutum dona ab ipso Deo receperint. Ita communiter Theologi cum D. Thoma I. p. qu. 62. artic. 6.

Prob. 1. Autoritate Patrum. D. Basilus in lib. de Spiritu sancto cap. 16. ait: *Neque enim calorum virtutes suapte natura sancta sunt: nam si hoc esset, nullâ re differrent à Spiritu sancto: sed iuxta proportionem, quâ se invicem superant, à Spiritu habent sanctificationis mensuram.* D. Damascenus lib. 2. de fide cap. 3. Per verbum Dei, inquit, creati sunt Angeli; & per sanctificationem Spiritus sancti perfecti; proque sue dignitatis, & ordinis ratione, illuminationem, & gratiam participant.

Prob. 2. Rationibus D. Thomæ artic. 6. jam citato, ubi sic discurret. Dicendum, quod rationabile est, quod secundum gradum naturalem Angelis data sint dona gratiarum, & perfectio beatitudinis. Cuius quidem ratio ex duobus accipi potest. Primo quidem ex parte ipsius Dei, qui per ordinem sue sapientiæ

sapientia diversos gradus in angelica natura constituit. Sicut autem natura angelica facta est a Deo ad gratiam, & beatitudinem consequendam; ita etiam gradus natura angelica ad diversos gradus gratiae, & gloriae ordinari videntur: ut puta si edificator lapides polit ad constituendam domum, ex hoc ipso quod aliquos pulchrius, & decentius aptat, videtur eos ad honoratiorem partem destinare. Sic igitur videtur, quod Deus Angelos, quos altioris natura fecit, ad maiora gratiarum dona, & ampliolem beatitudinem ordinaverit.

Secundo apparet idem ex parte ipsius Angeli. Non enim Angelus est compositus ex diversis naturis, ut inclinatio unius naturae impetum alterius impediat, aut retardet; sicut in homine accidit, in quo motus intellectiva partis aut retardatur, aut impeditur ex inclinatione partis sensitivae: Quando autem non est aliquid quod retardet, aut impediatur, natura secundum totam suam virtutem movetur: & ideo rationabile est, quod Angeli qui meliorem naturam habuerunt, etiam fortius, & efficacius ad Deum sint conversi. Hoc autem etiam in hominibus contingit: quia secundum intensiorem conversionis in Deum datur maior gratia, & gloria. Unde videtur, quod Angeli qui habuerunt meliora naturalia, habuerunt plus de gratia, & gloria.

Obiic. 1. D. Augustinus lib. ij. de civitate Dei cap. 13. de Angelis loquens ait: *aqualis felicitatis omnes ab initio creati sunt.*

Resp. fuisse aequalis, quoad substantiam, sed non quoad modum: Id est pariter omnes creati sunt beati suâ beatitudine naturali ex tunc consummata, & etiam beatitudine supernaturali ex tunc consummata: sed non omnes in eodem gradu. Vult enim solummodo D. Augustinus ibi ostendere discrimen inter bonos Angelos, & malos, in eo quod illi in ea felici conditione, in qua creati sunt, perseverarunt; isti verò ab ipsa ceciderunt: sed non intendit explicare discrimen huiusmodi felicitatis.

Obiic. 2. Si Angeli juxta maiorem naturae suae per-

fectionem efficacius ad Deum conversi fuissent, & maiorem gloriam obtinuissent, sequeretur quod inaequalitas gloriae non proveniret ex sola inaequalitate gratiae, sed etiam naturae. Quod est contra doctrinam ejusdem angelici Praeceptoris expositam in tract. de visione Dei qu. 3. a. 2. §. 1.

Resp. Quod sicut ibidem diximus, verum est quod in Angelis inaequalitas etiam naturae sicut & gratiae contribuit ad inaequalitatem gloriae; sed illa materialiter, ista formaliter: Quia major perfectio naturae fuit occasio, & materia veluti magis disposita, quam Deus ex suo beneplacito sumere, & instituire voluit ad maiorem gratiae perfectionem recipiendam, & maiorem gloriam obtinendam: sed tamen sola major perfectio gratiae fuit ratio formalis, sive totalis causa proxima, & immediata illius gloriae perfectioris.

Obiic. 3. Si gratuita eo perfectiora concessa fuissent Angelis, quod perfectiora sunt eorum naturalia, sequeretur, quod cum efficacia divinae gratiae auxilia sint perfectiora, quam auxilia solummodo sufficientia, Angelis superioribus concessa fuissent auxilia efficacia, & Angelis inferioribus solummodo sufficientia: atque ita non cecidissent nisi aliqui ex inferioribus, & omnes superiores permansissent. Quod tamen est falsum: quia ut dicemus postea, aliqui ex omnibus Angelorum ordinibus ceciderunt, & etiam ipse Angelorum omnium supremus, nempe Lucifer.

Resp. doctrinam D. Thomae esse intelligendam de gratia habituali, & sanctificante, alijsque donis ipsam concomitantibus: unde D. Basilius ait: *sanctificationis mensuram*. Non est autem intelligenda de auxilijs actualibus divinae gratiae: quia, cum propter rationes inferius explicandas, conveniens fuerit, quod Deus aliquos ex superioribus Angelis permitteret cadere; & e contra aliquos ex inferioribus perseverantes redderet; ita conveniens fuit, quod illis superioribus non conferret nisi auxilia sufficientia, istis vero inferioribus concederet efficacia; atque ita proportionem perfectionum naturalium non servaret.

Quaeres, utrum idem dicendum sit de hominibus, si in statu innocentiae perseverassent: cum ratio propter

Quam D. Thomas denegat hominibus id quod attribuit Angelis, cesseret pro illo statu innocentiae, in quo nullum esset impedimentum gratiae ex aliqua inclinatione perversa partis sensitivae, sicut est modo.

Resp quod hoc examinabitur agendo de illo statu innocentiae. Interim cum Salmanticensibus dico, esse valde probabile, quod tunc etiam hominibus gratuita fuissent concessa, juxta proportionem perfectionum naturalium, sicut concessa fuerunt Angelis.

ARTICULUS III.

De Aëvo, tempore, & instantibus angelicis.

De his plura disputantur à Theologis, in quibus immorari nolo; quia non sunt quaestiones nisi ferè de terminis: Et aliunde non sunt ullius ferè utilitatis pro candidatis Theologiae: Quamvis ad hoc saltem ipsi inserviant, ut ea intelligant, quae de istis difficultatibus in libris dicuntur, vel in Thesis agitantur.

§. I.

De Aëvo angelico.

1. Tres sunt mensurae durationis rerum, scilicet aeternitas, aëvum, & tempus. Aeternitas est duratio rei omnino immutabilis, qualis est solus Deus, & de ipsa agimus in tract. de attributis. Tempus est mensura durationis rerum, quae e contra sunt mutabiles quoad omnia, sive tam quoad substantiam, quàm quoad operationes, vel accidentia, quales sunt res sublunares, & corruptibiles de quibus agunt Philosophi. Aëvum tenet medium locum, & est mensura durationis rerum, quae sunt immutabiles quoad substantiam, sed mutabiles sunt quoad operationes, vel accidentia.

2. Aëvum est duplex, aliud materiale, aliud spirituale: Aëvum materiale est mensura durationis corporum

caelestium, quæ quamvis sint materialia, nihilominus sunt immutabilia quoad substantiam suam, utpote incorruptibilia; sed mutantur quoad accidentia, diversimodè recipiendo motum, & lucem. Avum illud explicare pertinet ad Philosophos. Avum spirituale, est avum Angelorum, qui sunt puri spiritus, & immutabiles in sua substantia, utpote incorruptibiles & immortales; mutari tamen possunt in aliquibus ex operationibus suis. Et de hoc avo angelico agimus in præfenti.

3. Duratio est permanentia rei in suo esse; & mensura durationis est, id quo dignoscitur quantum res duret, sive in suo esse permaneat, ut explicuimus agendo de aternitate Dei in artic. ult. tract. de attrib. unde non est necesse, quod Angeli substantia realiter distinguatur, sed solummodo virtualiter à sua duratione, & ab ipsius mensura. Et quamvis Philosophi aliter loquantur de rebus corporeis: nihilominus ita loqui debemus de Angelis, juxta nostrum primum principium, ut accedant ad simplicitatem Dei, quantum creaturæ conditio patitur. Igitur ipsamet Angeli substantia quatenus in seipsa permanet, est sua duratio; & quatenus est incorruptibilis, est mensura suæ durationis; quia ex ipsius incorruptibilitate dignoscitur, quod semper durabit, sive in suo esse in aeternum permanebit.

4. Angeli dicuntur æviterni ab ipso avo ratione cuius in aeternum permanebunt. Illud autem avum angelicum est duplex: unum intrinsecum, quod est propria cujuslibet Angeli substantia; aliud extrinsecum, quod est avum Angeli omnium supremi, quod quidem avum in illo supremo Angelo intrinsecè residet, cum sit ejus substantia, sed alios omnes extrinsecè denominat, & veluti afficit, tanquam eorum omnium mensura. Quia propter admirabilem totius universi ordinem omnia reducuntur ad id, quod est primum in suo genere. Unde D. Thomas 1. 2. p. qu. 10. a. 6. ait: *cum unumquodque mensuretur simplicissimo sui generis, ut dicitur 10. metaph. oportet quod esse omnium æviter-norum mensuretur esse primi æviter-ni, quod tanto simplicius est, quanto prius.*

5. Lucifer in primo creationis instanti fuit mensura omnium aliorum Angelorum; quia in illo instanti erat sanctus sicut omnes alij, & aliunde, ut ostendimus postea, erat omnium supremus: sed statim atque cecidit, hac dignitate privatus fuit, & alter, qui loco ipsius supremus mansit, eâ decoratus fuit: Quia sicut diximus in qu. præcedenti, & magis explicabimus in sequenti, licet Lucifer omnes suas naturales perfectiones in seipsis purè, ac præcisè sumptas retinuerit, non tamen ut subordinatas gloriæ, ad quam omnes Angeli ab ipso primo suæ creationis instanti fuere destinati. Unde angelicus Doctor opusc. 39. de instantibus, cap. 5. ait: *Supposito quod Lucifer fuisset maximus Angelorum; si sterisset, in eo foret avum ut in subiecto: sed quia eius natura non est perfecta perfectione gloriæ, non est in eo aliquid quod sit aliis mensura; sed in eo qui magis inter omnes est gloria particeps.*

§. II.

De tempore Angelico.

1. Quatuor sunt genera operationis angelicæ, ut patet ex dictis in variis locis hujus tract. Prima omniumque nobilissima est ipsa visio Dei beatifica. Secunda est cognitio, & amor, quo Angeli seipsos, & Deum ut authorem naturæ cognoscunt, & diligunt necessariò. Tertia est, quæ liberè cognoscunt, & diligunt alias res extra se. Quarta est actio formaliter immanens, & virtualiter transiens, ratione cujus aliquem effectum ad extra producant in corporibus, in quibus se collocant, vel localiter moventur, aut movent. Diximus de visione Dei in ejus tract. qu. 4. artic. 2. §. 5. quod indifferenter asserere possumus, eam mensurari æternitate participata, vel etiam ipsa æternitate essentiali. De operationibus secundi generis dicimus, eas mensurari ævo: quia cognitio, & amor, quibus Angeli seipsos, & Deum ut authorem naturæ semper necessariò contemplantur, & diligunt, quantum naturaliter possunt, tam sunt immutabiles quam propria

eorum substantia. Operationes autem tertij, & quarti generis mensurantur tempore: quamvis enim non sint corruptibiles utpotè omnino spirituales, sunt tamen in entitate sua mutabiles: quia liberum est Angelis, ut eas vel exerceant, vel ab earum exercitio desistant.

2. Tempus respectu rerum corporearum, definitur à Philosophis, mensura motus secundum prius, & posterius; ideoque necessariò successionem importat, cum id quod est prius, non possit simul esse cum eo quod est posterius. Unde servatà proportionem Theologi dicunt in Angelis tempus constare pluribus eorum operationibus sibi succedentibus, quæ sunt instantia angelica in sequ. parag. explicanda.

3. Docent quoque Philosophi duplicem esse quantitatem, nimirum continuam, & discretam: quantitas continua constat partibus invicem unitis, & continuatis quæ component unum totum: quantitas discreta constat unitatibus ab invicem separatis, & discretis, quæ faciunt numerum. Theologi servatà quoque proportionem docent, tempus angelicum esse continuum, & discretum: nam quia operationes angelicæ utpote spirituales, sunt indivisibiles, & ab invicem distinctæ sicut unitates in numero, ideo dicuntur facere numerum, sive tempus discretum: Instantium autem dicuntur componere tempus continuum, in quantum ita sibi immediatè succedunt, ac si forent aliquo nexu unitæ, & sic continuatæ. Etenim statim atque Angeli aliquam ex suis operationibus liberis exercuerunt, possunt ab ea desistere, & aliam exercere. Unde in eis tempus continuum, & tempus discretum non differunt secundum rem, sed solummodo secundum rationem, sive diversam considerationem.

§. III.

*De instantibus angelicis. Omnium Angelorum
via tribus instantibus fuit
completa,*

1. Numerus instantium, ex quibus tempus angelicum constituitur, desumitur ex diversitate operationum, quas Angeli liberè producant, & quæ non possunt esse simul, sed solummodo successivè, una post aliam: unde etiam si Angelorum operationes sint plures, si tamen simul eliciuntur, & uni principali subordinantur, non faciunt nisi unicum instans angelicum.

2. Ad hoc ut operationes angelicæ constituent diversa instantia, sufficit quod sint incompatibiles vel quoad substantiam, vel saltem quoad modum, itaut simul ac semel elici non possint, vel saltem eodem modo, sed successivè tantum: sic enim important essentiam temporis angelici, quæ in successione consistit.

3. Via bonorum Angelorum fuit completa tribus instantibus. Primum fuit instans creationis: secundum instans perseverantiæ: & tertium gloriæ. Quia tres fuerunt in eis operationes, quæ sive quoad substantiam, sive tantum quoad modum distinguantur, non poterunt esse simul, sed tantum successivè. Nam in instanti creationis operatio Angelorum non potuit esse peccaminosa; cum tunc Angeli peccare non potuerint, ut ostendimus in qu. sequ. In instanti autem perseverantiæ eorum operatio peccaminosa esse potuit: sic enim Angeli boni perseveraverunt, ut tamen peccare potuerint, sicut illi qui ceciderunt. Sed fieri non potest, quod aliquis in operatione sua sit incapax peccati, & simul ac semel ipsius capax, ut per se patet. Ergo operationes illæ exigunt necessarid successione: proindeque constituunt duo instantia. Similiter in instanti perseverantiæ Angeli nondum erant in gratia confirmati, quandoquidem tunc cadere poterant: In instanti verò gloriæ fuerunt in gratia confirmati, quandoquidem, ut dicemus in tract. de beatitudine, visio

Dei reddit beatos simpliciter, & absolute impeccabiles. Sed evidens est, quoddam aliquis nequit simul ac semel esse & non esse confirmatus in gratia: cum hæc duo sint contradictoria. Ergo duæ illæ operationes essentialiter successionem exigunt, & sic diversa constituunt instantia: atque ita post instans perseverantiæ, quod est secundum, datur instans gloriæ, quod est tertium. Dantur ergo tria instantia viæ bonorum Angelorum, scilicet creationis, perseverantiæ, & gloriæ.

4. Via quoque malorum Angelorum fuit tribus instantibus completa. Quorum primum fuit instans creationis: secundum culpæ: tertium damnationis. Quia tres fuerunt eorum operationes, quæ non potuerunt simul elici, sed successive tantum, una post aliam. Ergo constituerunt tria instantia. Etenim in primo creationis instanti bene egerunt, & meruerunt: in secundo contra male egerunt, & peccaverunt: constat autem quoddam hæc duo sunt ita incompatibilia, ut non potuerint in eodem subjecto reperiri, nisi successive unum post aliud. Ergo sunt ibi duo instantia. Et cum in illo instanti peccati Demones nondum essent obstinati in malo; dum enim mali Angeli peccaverunt, poterant perseverare sicut boni; inde fit quoddam addi debet tertium instans, scilicet damnationis, in quo fuerunt omnino obstinati in malo, & prorsus incapaces facienda quidquam boni, ut explicabimus in quæ. seq. sic ergo fuerunt tria instantia viæ malorum Angelorum, scilicet creationis, culpæ, & damnationis.

5. Instans creationis Angelorum fuit omnino indivisibile per comparisonem ad instans nostri temporis, ut apertè colligitur ex D. Thoma 1. p. quæ. 63. a. 6. ubi ait: *Circa hoc duplex est opinio. Sed probabilior, & sanctorum dictis magis consonans est, quod statim post primum instans sue creationis diaboli peccaverit.* Ratio est, quia instans creationis ad hoc erat destinatum, ut Deus perfectos redderet Angelos: cum igitur Deus non indigeat tempore ad perficienda opera sua: Dicendum est quoddam hæc præstitit in unico instanti indivisibili.

Si obijcias, quod de Lucifero dicitur Ezech. 28. *Im*

*medio lapidum ignitorum ambulasti, perfectus in
vis tuis a die conditionis tua, donec iniquitas in-
venta est in te. Sed ambulatio requirit aliquam mo-
ram. Ergo aliqua mora fuit inter creationem diaboli,
& ejus lapsum.*

Resp. ex D. Thoma in eodem artic. 6. ad 1. *Di-
cendum, quod per motus corporales, qui per tempus
mensurantur; quandoque in sacra Scriptura in-
telliguntur metaphorice motus spirituales instan-
tanei: Et sic per ambulationem intelligitur motus
liberi arbitrii tendentis in bonum.* Per pluralitatem
autem viarum intelligitur pluralitas actuum subordi-
natorum, quos in primo creationis instanti Angelos
omnes elieuisse, & ad Dei amorem retulisse, diximus
in qu. præc.

6. Secundum instans fuit etiam omnino indivisibile
sicut primum. Quia concessum fuit omnibus Angelis
ad deliberandum de statu suo: unde cum Angeli non
indigeant aliqua morâ temporis ad deliberandum, sed
hoc facere possint in unico instanti indivisibili; eoquod
sicut explicuimus agendo de modo cognitionis angeli-
cæ, Angeli non discurrunt formaliter, & successive
sicut homines, sed discurrunt solummodo virtualiter,
& omnia quæ pertinent ad illud objectum quod con-
siderant, unico actu, & ictu penetrant: non fuit ali-
qua ratio, propter quam eis concederetur plusquam
unum instans ad deliberandum.

Nec refert quod in nostro tempore duo instantia sibi
immediate non succedunt, sed pars post instans: Quia
non debet sumi tempus angelicum per comparisonem
ad nostrum, nisi in his in quibus convenire possunt:
non possunt autem convenire in hoc quod pars sequa-
tur post instans: hoc enim ideo fit in tempore nostro,
quia constat nedum instantibus indivisibilibus, sed
etiam partibus divisibilibus: in tempore autem angelico
non sunt nisi instantia indivisibilia, quæ consistunt in
operationibus spiritualibus, proindeque formaliter in-
divisibilibus: unde hujusmodi instantia sibi immediate
succedunt.

7. Instans tertium glorificationis in bonis, & dam-
nationis in malis duravit ab initio mundi usque nunc,

& in aeternum perseverabit : quia instans angelicum nihil aliud est quam illa praecipua operatio Angeli , cui subordinantur aliae operationes , quae simul ab eodem Angelo producuntur : unde cum Angeli boni omnia referant ad visionem Dei , quae in aeternum subsistet ; & econtra Dæmones omnia referant ad considerationem sui boni proprii , cui semper adhærebunt : Inde fit quodd utrumque instans glorificationis , & damnationis erit aeternum. Et quamvis sit indivisibile formaliter , est tamen divisibile virtualiter , & aequivalenter , & sic infinitis temporibus correspondet. Hinc ortum est commune proverbium de instanti angelico. Dum enim promittitur , quodd aliquid factum erit in uno instanti , & tamen postea necesse est multum temporis in hoc infumere , instans illud vocamus instans angelicum , alludendo ad hoc quodd huiusmodi instans potest durare in aeternum.

§. IV.

Exponitur difficilis autoritas D. Thoma.

D. Thomas 1. p. qu. 62. 2. 5. in corp. statuit , & probat hanc conclusionem. *Dicendum , quodd Angelus post primum actum charitatis , quo beatitudinem meruit , statim beatus fuit.* Idemque ait qu. sequ. artic. 6. Ex quo videtur evidenter sequi , quodd tota bonorum Angelorum via dupliciter tantum instanti completa fuit , quorum primum fuit instans meriti , secundum verò instans praemij. Et ita tenuerunt aliqui ex celeberrimis Thomistis , inter quos est Cajetanus.

Resp. quodd hæc autoritas est proculdubio difficilis , vera tamen est expositio , quam tradunt communiter alij Thomistae , quodd nempe actus meritorius in bonis Angelis fuit unicus quoad substantiam , & duplex quoad modum , quodd sufficit ad hoc ut constituat duo instantia , ut diximus initio paragr. precedentis : Etenim Angeli boni eundem in substantia charitatis actum , quem in primo suae creationis instanti elicuerant , in secundo instanti suae perseverantiae continuave-

stant, sed diuersimodè; nam in primo instanti exercuerunt ipsum cum sola libertate exercitij, & ita meruerunt, ut peccare non potuerint; in secundo verò instanti exercuerunt illum etiam cum libertate specificationis, & ita meruerunt, ut potuerint etiam peccare, ut dicemus in sequ. qu. artic. 2.


Confirmatur hæc expositio ex ipsomet Doctore angelico quolib. 9. a. 8. ubi rejecta opinione eorum, qui dicebant Angelos in primo suæ creationis instanti fuisse beatos, subdit: *Alii verò dicunt, quòd fuerunt conditi in gratia omnes; & in ea quidam perseverantes; beatitudinem meruerunt: Alii verò contra eam agentes, facti sunt miseri. Et hæc opinio nihil difficultatis habet; unde præ cæteris mihi magis placet.* Ubi sanctus Doctor clarè insinuat duplex fuisse instans meriti, unum creationis, & alterum perseverantia. Et notatu dignum est, quòd nunquam dixit D. Thomas, unicum fuisse instans meriti: sed unicum actum meritorium, cum quo stat ut ille unicus actus duo constituat instantia, ut jam explicuimus.

Dices, adhuc superest difficultas. Quia D. Thomas in 2. sent. dist. 5. qu. 2. a. 2. ad 1. expressè ait: *Dicendum, quòd non est necessarium meritum præcedere præmium tempore, sed naturâ.* Potuit ergo idem esse instans meriti consummati, & præmij.

Resp. D. Thomam ibi loqui, non ex mente propria, sed aliorum, fateor tamen quòd eorum opinionem ut probabilem defendit: sed in summa Theologia, cui standum est tanquam ultimo ipsius testamento, ex propria mente loquens, oppositum docet. Sic enim habet 1. p. qu. 62. a. 5. ad 2. *Instantia diuersa in his quæ ad Angelos pertinent, non accipiuntur nisi secundum successionem in ipsorum actibus. Non autem potuit simul in eis esse actus meritorius beatitudinis, & actus beatitudinis qui est fructus; cum unus sit gratia imperfecta, & alius gratia consummata: unde relinquitur, quòd oportet diuersa instantia accipi, in quorum uno meruerit beatitudinem, & in alio fuerit beatus.*

Mirum autem videri non debet id quod diximus, eundem in substantia fuisse actum meritorium honorum

Angelorum in primo, & secundo instanti, quamvis differret in modo libertatis: quandoquidem cum doctissimis Thomistis suo loco ostendemus, beatissimam virginem eundem in substantia charitatis actum, quem elicit in ultimo instanti vite sue, continuare in patria: quamvis modus sit ita diversus, ut tunc esset liber, nunc autem sit necessarius.



QUÆSTIO. V.

De culpa, & poena Dæmonum.

Tentativa Auctoris circa intricatissimas huius quæstionis difficultates, quas in favorem studentium novo, & singulari modo exponit.

Difficultates, quæ in hac quæstione agitari solent, semper mihi visæ sunt intricatissimæ: Etenim valde difficilia sunt ea, quæ tradit D. Thomas, & longè difficiliora ea quæ communiter traduntur à Thomistis: unde in favorem studentium conatus sum adinvenire novum, & singularem modum exponendi, cum tanta claritate, & facilitate, quantam materia patitur: propterea resolutionem voco tentativam. Utrum autem intentum meum sit assecutus, lector benivolus iudicabit.

ARTICULUS I.

De privilegiis innocentia angelica.

I. Privilegia innocentia angelica sunt eadem servatâ proportionem ac privilegia innocentia humana, unde solummodo insinuabimus ea, quæ fusiùs explicantur, dum agemus de statu innocentia.

2. Hujusmodi privilegia ad hoc veluti principium reducuntur : Quod quandiu Angelus , & homo in illa innocentia , in qua fuerunt creati , perseverassent , Deus in remunerationem suæ fidelitatis , & obedientiæ , eos reddidisset exemptos ab omni prorsus defectu , & miseria : ita ut quandiu benè regulati fuissent quantum ad partem superiorem , adhærendo Deo ut suo fini ultimo , & evitando mortale peccatum , tandiu Deus eos conservasset benè quoque regulatos quantum ad partem inferiorem : & sic benè regulati fuissent quoad omnia.

3. Homo innocens exemptus erat ab omni miseria mentis , & corporis. Angelo innocenti non fuit necessaria exemptio miseriorum corporis , cum nullum habeat corpus : sed liberatus erat à miseriis mentis : miseriæ illæ sunt defectus , vel ex parte intellectus , qualis est error , aut ignorantia , vel ex parte voluntatis , quale est veniale peccatum. Unde Angelus , & homo antequam suam perdidissent innocentiam peccando mortaliter , nulli erant obnoxij nec errori , nec ignorantiae , nec peccato veniali.

4. Pars superior , & inferior non sumuntur in Angelo ex parte animæ , & corporis , sicut in homine , sed ex parte solius mentis : quæ dicitur pars superior quatenus versatur circa finem ultimum , & pars inferior quatenus versatur circa media : eoquod media subordinantur fini sicut inferiora suo superiori. Cum igitur solus Deus sit finis ultimus , & omnes creaturæ sint media ad ipsum ordinata : ex hoc quod Angelus fuisset benè regulatus quantum ad partem superiorem , sive circa Deum , fuisset quoque benè regulatus quantum ad partem inferiorem , sive circa omnes creaturas.

ARTICULUS II.

De Angelorum impeccabilitate.

Conveniunt in hoc Doctores , quod nullus ex Angelis peccavit in primo instanti creationis ; Etenim

ipse etiam diabolus tunc fuit bonus, & ita diffinitum fuit in Concilio Bracarenfi 2. cap. 7. his verbis, si quis dicit, diabolum non fuisse prius bonum Angelum, &c. Anathema sit: cum enim tunc omnes gratiam sanctificantem receperint, & actum charitatis elicuerint, cum quibus incompatible est mortale peccatum, constat quod non peccaverunt mortaliter, & cum aliunde ex privilegiis innocentie non possent peccare venialiter quin prius peccassent mortaliter, sequitur quod nullatenus peccaverunt.

Quarunt hic Doctores, utrum possibilis sit aliqua creatura, quæ ex propria natura sua sit absolute, & simpliciter impeccabilis, etiam circa ordinem supernaturalem: sed quia hæc difficultas dependet ex altera, utrum scilicet dari possit creatura, cui gratia, & gloria sint connaturales; ideo utramque resolvemus, quando agemus de elevatione creaturæ intellectualis ad ordinem supernaturalem.

§. I.

Egregium principium pro clara, & facili resolutione sequentium difficultatum. Quod nempe si Deus non potest de potentia ordinaria permittere peccatum, nequit etiam illud permittere de potentia extraordinaria, & absoluta.

Probatur hoc principium hæc unica, sed efficaci ratione. Quando aliquid de potentia Dei ordinaria fieri nequit, & sit de potentia ejus extraordinaria, & absoluta, hoc vel attribuitur soli Deo, vel saltem attribuitur ipsi ut causæ principali, & creaturæ ad summum ut ipsius instrumento v. g. quia ignis non potest juxta potentiam Dei ordinariam, & leges à divina ipsius providentia stabilitas non comburere, multòque minùs potest refrigerare, si contingat quod de potentia ipsius extraordinaria, & absoluta, non comburat, sed refrigeret, ut contingit in fornace Babylonis, hoc reputatur miraculum; soli quoque Deo attribuitur ut causæ totali; vel ad minùs ut causæ principali, quæ uti potest quolibet instrumento ad quemlibet effectum, & usa est igne ut instrumento ad effectum illum ita naturæ suæ repugnantem.

Et ratio est, quia cùm talis effectus esset præter, & supra naturam creaturæ, imò etiam contra ipsius existentiam, non proveniret ab intrinseco ipsius, sed ab extrinseco, scilicet à Deo: hoc est autem discrimen inter causam principalem, & instrumentum, quoddam causa principalis operatur ab intrinseco, instrumentum verò ab extrinseco, ut explicuimus in tract. de visione Dei, dum ostendimus, quoddam oculus corporeus elevari nequit ad videndum Deum. Ergo Deus esset causa saltem principalis, & creatura non foret nisi solummodo ipsius instrumentum.

Ita si non possit in creatura intellectuali reperiri peccatum de potentia Dei ordinaria, & Deus vellet de sua potentia extraordinaria, & absoluta, quoddam in ea reperiretur: huiusmodi peccatum attribueretur Deo vel ut causæ totali, vel saltem ut principali, & non attribueretur creaturæ nisi ad summum ut instrumento. Certissimum autem est, quoddam Deus nullatenus potest esse causa peccati. Ergo.

Dices 1. Quoddam attribueretur Deo permissio peccati, sed non ipsummet peccatum permissum.

Sed contra est, quoddam ipsummet peccatum foret in creatura præter ejus naturam, imò contra ipsius existentiam. Ergo non proveniret ab intrinseco ipsius creaturæ, sed tantum ab extrinseco: proindeque creatura non foret principalis causa peccati, sed ipsum solummodo reciperet, vel foret instrumentum respectu ipsius; & semper maneret, quoddam Deus esset causa ejus vel totalis, vel saltem principalis.

Dices 2. Quoddam Deus potest immutare leges à sua providentia stabilitas: & quoddam illa immutatio nullam inferret violentiam creaturis; eoquoddam inest ipsis inclinatio generalissima ad obediendum Deo in omnibus, quæ dicitur potentia obedientialis. Possit ergo Deus post illam immutationem permittere peccatum, quoddam ante illam permittere non potuisset.

Sed contra. Licet verum sit, quoddam Deus immutationem illam facere potest, nullam creaturis inferendo violentiam, semper tamen manet tota vis argumenti: quia sicut illa immutatio proveniret à Deo vel totaliter, vel principaliter, ita ipsi attribueretur ad quoddam

ex ea sequeretur : sicut quando Deus denegat igni suum concursum ad comburendum , uel etiam utitur ipso ut instrumento ad refrigerandum , immutat quidem leges suæ providentiæ , sed illi attribuitur id quod ex illa immutatione sequitur , scilicet negatio calefactionis , uel refrigerium : similiter si providentiam suam ita immutaret , ut ex illa subsequeretur peccatum , huiusmodi peccatum ipsi attribueretur. Prædicta autem inclinatio generalissima , siue obediæntialis potentia nullo modo concernit peccatum : quia peccare non est Deo obedire , sed potius contra ipsius voluntatem agere.

S. II.

Si Angeli fuissent in puris naturalibus creati , forent impeccabiles.

Conclusio illa communis est inter Thomistas , quos sequuntur plures alij Doctores ; Suares autem , & quidam alij tenent oppositum.

Pr. 1. & infertur ex nostro primo principio. Angelus est similis Deo , quantum patitur creaturæ conditio : & hoc ei conveniret etiam si in puris naturalibus fuisset creatus , quia similitudo illa provenit nedum ex supernaturali beneficio , sed etiam ex naturali ejus conditione. Sed conditio creaturæ non patitur , quod Angelus sit absolutè , & simpliciter impeccabilis sicut Deus ; bene tamen quod sit impeccabilis secundum quid , & in ordine naturali. Ergo hoc ipsi denegari non debet.

Prob. 2. & infertur ex altero principio , quod explicuimus supra qu. 3. a. 3. §. 1. & sumitur ex D. Thoma 1. p. qu. 58. a. 3. *Angeli illum gradum tenent in substantiis spiritualibus , quem corpora celestia in substantiis corporeis , nam & caelestes mentes à Dionysio dicuntur.* Homines verò se habent sicut corpora sublunaria : & hoc eis conveniret etiam in puris naturalibus , quia provenit ex naturali eorum conditione. Sed celi creati sunt ita in suis perfectionibus naturalibus completi , ut in suis operationibus sint indefectibiles , & ab initio mundi usque modò nunquam defecerint , nec unquam defecturi sint : corpora

verò

Verò sublunaria non sunt creata in tota sua perfectione naturali, sed eam successivè acquirunt; unde in suis operationibus deficere possunt, & multoties deficiunt. Ergo similiter Angeli in puris naturalibus creati, fuissent statim ita perfecti, ut forent omnino in omnibus suis operationibus indefectibiles, proindeque impeccabiles: homines verò in statu naturæ puræ conditi non fuissent nisi successivè perfecti; & interim potuissent deficere, proindeque peccare.

Prob. 3. & inferitur vel potius patet ex dictis in eodem paragrapho. Ostendimus enim, quodd Angeli necessitantur & quoad specificationem, & quoad exercitium ad amorem Dei ut authoris naturæ; itaut nedum ipsum non possint odisse, sed nequidem ab actuali, & perpetuo amoris ejus exercitio desistere: & actuale illum, ac perpetuum amorem eliciunt cum tali tantoque fervore, qualem & quantum juxta suam naturalem capacitatem habere possunt: & hoc eis conveniret in puris naturalibus, propter rationem jam dictam, quia provenit ex naturali eorum conditione. Ergo in puris naturalibus peccare non possent, neque mortaliter, neque venialiter: quia tunc peccatum mortale foret destructio amoris Dei ut authoris naturæ, & peccatum veniale foret diminutio fervoris hujusmodi amoris: in Angelis autem nihil de hujusmodi amore vel destrui posset: vel diminui.

Obiic. 1. Si Angeli in ordine naturali fuissent impeccabiles, Deus fecisset eis injuriam, ut ita loquar, elevando ipsos ad ordinem supernaturalem, in quo peccare possunt, & de facto multi peccaverunt. Melius enim eis fuisset, in ordine purè naturali creari, in quo suæ naturali beatitudine fruerentur sine ullo periculo eam periculi, quàm creari in ordine supernaturali, in quo destinabantur ad beatitudinem supernaturalem, sed cum periculo eam non obtinendi, sicut plures non obtinuerunt.

Resp. negando consequentiam. Sicut enim nulla est injuria, sed maximum potius beneficium, quodd homini concessa est libertas, quæ denegata est lapidi; quamvis ex hoc sequatur, quodd lapis est impeccabilis, homo verò peccare potest, imò innumeri ex hominibus pec-

cant. ita nulla prorsus est injuria, sed e contra maximum beneficium, quod Angeli non fuerint relictī in ordine naturali, sed ad supernaturalem elevati, quamvis in illo fuissent impeccabiles, & in isto peccare potuerint, imò plures peccaverint. Quia melius est destinari ad maximum bonum, etiam cum periculo deficiendi, & ad illud non perveniendi, quam remanere in minimo bono, etiam cum certitudine illud nunquam amittendi. Praesertim si periculum illud per libertatem vitari potest. Beatitudo autem naturalis est minimum bonum creaturae intellectualis, in comparatione ad beatitudinem supernaturalem, quae est maximum ipsius bonum. & aliunde Deus nulli Angelorum denegavit auxilium necessarium ad evitandum praedictum periculum, & beatitudinem illam supernaturalem obtinendam: quod quidem auxilium non fuit nisi sufficiens, sed quantum est ex parte Dei fuisset efficax: itaut si Demones beatitudinem suam de facto non sint consecuti, hoc non contigerit ullo modo ex defectu divini auxilij, sed ex solae eorum culpa.

Unde D. Augustinus 12. de civit. Dei cap. 1. ait: *Nec ideo cetera in hac creatura universitate meliora sunt, quia misera esse non possunt. Neque enim cetera membra corporu nostri ideo dicendum est oculis esse meliora quia caca esse non possunt. Sicut ergo melior est natura sentiens, & cum dolet, quam lapis, qui dolore nullo modo potest: ita rationalis natura praestantior est etiam misera, quam illa quae rationis, vel sensus est expers: & ideo in eam non cadit miseria.*

Obiic. 2. Si Angeli in puris naturalibus conditi fuissent impeccabiles, nihil meruissent, nec liberi fuissent; quia omnia eorum opera fuissent necessaria. Hoc autem non est admittendum; quia libertas, & meritum sunt maximae perfectiones, quae Angelis denegari non debent. Ergo.

Resp. quantum ad meritum, concedendo quod tunc nihil meruissent: quia meritum non datur in puris creaturis, nisi ad obtinendam beatitudinem suam tanquam premium; unde quia tunc Angeli in sua naturali beatitudine fuissent creati, non fuisset eis necessarium

ullum meritum : sicut nunc sancti , quando suam beatitudinem obtinuerunt , nihil merentur. Dixi in parvis creaturis : quia alia est ratio de Christo , qui ab instanti suæ conceptionis suâ beatitudine fruebatur , & tamen merebatur , ut dicemus in tract. de incarnat. Quantum verò ad libertatem , dico quòd licet tunc Angeli necessitati fuissent ad contemplationem , & amorem Dei , & sui , fuissent tamen liberi in consideratione , & amore aliarum creaturarum : sicut nunc beati circa Deum , & seipsos , necessitantur , sed liberi remanent circa alias creaturas. Quomodo autem conciliari possint libertas , & impeccabilitas , dicemus postea.

Obiic. 3. Non implicat , quòd Deus tunc de sua absoluta , & extraordinaria potentia denegaret Angelis prædeterminationem efficacem ad observanda præcepta naturalia , & daret solummodo prædeterminationem sufficientem , cum qua possent quidem huiusmodi præcepta servare , sed non servarent de facto , atque ita peccarent.

Resp. hoc negando. Quia cum prædeterminatio illa efficax foret Angelis tunc debita de potentia Dei ordinaria , si de potentia ipsius extraordinaria , & absoluta denegaretur , & loco ipsius non concederetur nisi prædeterminatio sufficiens , atque ita subsequeretur peccatum ; huiusmodi peccatum non Angelis , sed ipsi Deo attribueretur , ut satis patet ex parag. præcedenti.

§. III.

Angeli modò non possunt peccare circa ordinem naturalem , directè , & per se ; sed tantum indirectè & per accidens.

Conclusio ista docetur ab omnibus qui tenent præcedentem.

Probatur , vel potiùs explicatur. Et quidem quòd directè & per se non possint modò Angeli peccare contra finem naturalem , docet D. Thomas , & tradit rationem in præc. parag. explicatam , qu. 16. de malo , artic. 3. ubi loquens de Diabolo ait : *Quidquid dici potest , quod ad ordinem naturæ pertineat , in hoc*

eius malum consistere non potuit. Malum enim non invenitur in his, quæ sunt semper actu, sed solum in his, in quibus potentia potest separari ab actu, ut dicitur in 9. metaph. Angeli autem omnes sic constituti sunt, ut quidquid pertinet ad naturalem perfectionem eorum, statim à principio suo creationis habuerint; tamen erant in potentia ad supernaturalia bona, quæ per Dei gratiam consequi poterant: unde relinquitur, quod peccatum Diaboli non fuerit in aliquo quod pertinet ad ordinem naturalem, sed secundum aliquid supernaturale.

Quod autem possint Angeli peccare per accidens, & indirectè contra ordinem naturalem, patet: quia lumen naturæ dicat, obediendum esse omni legitimo superiori: unde cum Deus & author supernaturalis sit legitimus superior, Angelus ipsi non obediens, peccat etiam contra dictamen luminis naturæ. Certum est etiam, quod Dæmones sunt mendaces, imò ut vulgò dicitur, Diabolus est pater mendaciorum, hominibus quoque suadent furta, homicidia, aliaque similia peccata, quæ sunt contra naturam. Ergo saltem indirectè, & per accidens peccant contra naturam.

Explicatur magis hoc exemplo. Damnati, & desperantes necessariò diligunt suum esse secundum se consideratum; unde non possunt illius destructionem appetere directè, & per se, sive ratione sui: sed nihilominus huiusmodi destructionem appetunt, ut eximantur à miseriis; atque ita directè, & per se appetunt exemptionem miseriorum, indirectè verò, & per accidens sive ratione alterius, destructionem sui esse; non secundum se considerati, sed ut miseriis obnoxij. Ita Dæmones necessariò diligunt Deum ut authorem naturæ, & totum id quod ad ordinem purè naturalem, & secundum se consideratum quovis modo pertinet, ad ipsum referunt; atque ita directè, & per se, sive ratione sui nunquam contra huiusmodi ordinem peccant. Sed odio habent Deum ut authorem supernaturalem, & propter illud odium omnia quæ possunt, peccata committunt, & ad ea committenda homines inducunt: quod est peccare directè, & per se, ac ratione sui contra ordinem supernaturalem, indirectè verò, & per acci-

dens, ac ratione alterius contra ordinem naturalem, quatenus nimirum subordinatur ordini supernaturali.

Obiic. gratia non destruit naturam, sed eam perficit. Sed si Angeli in pura natura constituti forent omnino impeccabiles circa ordinem naturalem; elevati verò ad ordinem gratiæ possent contra ordinem naturalem peccare, quamvis indirectè tantùm, & per accidens, gratia non perficeret, sed potius destrueret eorum naturam, uel saltem ipsius perfectionem diminueret. Ergo hoc dici non potest.

Resp. negando, quòd Angeli sint ex natura sua omnino impeccabiles circa ordinem naturalem. Nam quamvis contra ipsum peccare non possent, ex suppositione quòd in natura pura conditi remanerent: nihilominus si ad ordinem supernaturalem eleventur, sicut defacto elevati fuerunt, adhuc quidem ex natura sua habent, quòd contra ordinem naturalem peccare non possint directè, & per se, sed semper manet, quòd contra ipsum peccare possunt, per accidens, & indirectè. Et sic gratia ex hac parte perfectionem naturæ angelicæ nec destruit, nec diminuit; & ex altera parte ipsam elevat, & perficit.

§. IV.

Utrum Angeli fuerint impeccabiles in primo suæ creationis instanti.

Triplex est Doctorum sententia. Prima omnium Thomistarum, qui docent Angelos in illo instanti peccare non potuisse, neque de potentia Dei ordinaria, neque etiam de potentia extraordinaria, & absoluta. Secunda est Scotistarum, qui tenent econtra eos potuisse peccare de utraque potentia. Tertia media est Suarez, & aliorum asserentium eos fuisse impeccabiles de potentia ordinaria, sed tamen potuisse peccare de potentia extraordinaria, & absoluta.

Concl. Angeli nullatenus peccare potuerunt in primo suæ creationis instanti.

Prob. 1. Angeli non potuerunt tunc peccare de potentia Dei ordinaria. Ergo neque de potentia extraor-

dinaria, & absoluta, proindeque nullo modo. Consequenter patet ex dictis in 1. §. ubi ostendimus, quod si Deus non potest permittere peccatum de potentia ordinaria, non potest etiam illud permittere de potentia extraordinaria, & absoluta. antec. prob. Nunquam Deus produxit creaturam, quam permiserit peccare in primo suae creationis instanti, nec unquam talem creaturam produceret. Ergo signum est, quod de potentia ordinaria hoc fieri non potest. Antecedens admittitur ab omnibus: certum est enim, quod quamvis Angelorum multitudo sit innumerabilis, nullus tamen eorum in primo instanti peccavit, sicut nec etiam primus homo. Consequentia probatur. Quia si de potentia ordinaria potuisset Deus permittere, quod Angeli peccarent, conveniens fuisset, quod permisisset aliquos eorum peccare, sicut permisit in secundo instanti. Cum ergo non permiserit, signum est quod permittere non potuit. Prob. antec. Rationes propter quas Deus hoc permisit in secundo instanti sunt, ut ex hoc dignoscatur miseria creaturae sibi relictae, & necessitas auxiliorum divinae gratiae; & detur occasio humilitatis, aliarumque virtutum, quas exercent iusti, dum aliorum peccata considerant. Sed omnes illae rationes multo magis urgent pro primo instanti, nam si Deus potuisset in illo permittere aliquos ex Angelis peccare, & de facto permisisset, ita ut nequidem pro unico instanti in bono stetissent, sed statim cecidissent, multo magis ex hoc dignosceretur miseria creaturae, & necessitas gratiae; multoque major daretur occasio humilitatis, aliarumque virtutum, ut per se patet. Ergo.

Prob. 2. loquimur hic de Angelis, ex suppositione quod Deus statim in eorum creatione elevavit eos ad ordinem supernaturalem, ut fatentur omnes. Sed illa suppositione facta Angeli fuerunt impeccabiles in primo instanti. Ergo. prob. 3. Quamvis enim gratia sanctificans non sit connaturaliter debita, nec Angelo, nec homini, in illa tamen suppositione non potuit Deus de potentia ordinaria denegare illam Angelis. Ergo ipsi non potuerunt mortaliter peccare. Consequentia patet. Quia fatentur omnes, quod gratia sanctificans est incompatible cum peccato mortali, saltem de poten-

tia Dei ordinaria. Antec. prob. Illud non potest fieri de potentia ordinaria, quod est contra leges à divina providentia stabilitas, sicut quia juxta leges providentiae, ignis debet comburere, non potest ipsi de potentia ordinaria denegari concursus ad comburendum. Sed si Angelis denegata fuisset gratia sanctificans in primo instanti creationis, hoc fuisset contra leges providentiae. Ergo hoc non potuit fieri de potentia ordinaria. Prob. iii. ex dictis supra, dum ostendimus Angelos fuisse creatos in gratia, & praesertim ex his D. Thomae verbis 1. p. qu. 62. a. 3. in corp. Manifestum est, quod gratia gratum faciens, hoc modo comparatur ad beatitudinem, sicut ratio seminalis in natura, ad effectum naturalem, unde 1. Ioan. 3. gratia semen Dei nominatur. Sicut igitur secundum opinionem Augustini ponitur, quod statim in prima creatione corporalis creatura, indita sunt ei seminales rationes omnium naturalium effectuum, ita statim à principio sunt Angeli creati in gratia. Sicut ergo ita factum est in ordine naturali juxta leges providentiae, ita etiam in ordine supernaturali.

Nec refert si dicatur, quod Deus potuit de potentia extraordinaria, & absoluta denegare in primo instanti gratiam Angelis etiam ad ordinem supernaturalem elevatis: uel eos pro illo instanti relinquere in natura pura. Licet enim hoc uerum sit, non propterea sequitur, quod peccatum in eis permittere potuerit: Quia juxta principium supra stabilitum, si Deus peccatum permittere non potest de potentia ordinaria, nequit etiam permittere de potentia extraordinaria: & aliunde Angeli in pura natura constituti, fuissent impeccabiles.

§. V.

Ratio D. Thomae tum egregia expositione omnium facillima, & clarissima ex Archipraesule de Marinis.

Prob. 3. nostra conclusio ratione communi desumpta

ex D. Thoma 1. 2. qu. 63. a. 5. ubi sic habet. *Dicendum est, quod impossibile fuit Angelum in primo instanti peccasse per inordinatum actum liberi arbitrii: Quamvis enim res aliqua in primo quo esse incipit, simul incipere possit operari, tamen illa operatio qua simul incipit cum esse rei, est ei ab agente à quo habet esse, sicut moveri sursum inest ei à generante: unde si aliqua res habeat esse ab agente deficiente, quod possit esse causa defectiva actionis, poterit in primo instanti in quo incipit esse, habere defectivam operationem, sicut si tibia qua nascitur clauda ex debilitate seminis, statim incipiat claudicare: Agens autem quod Angelos in esse producit, scilicet Deus, non potest esse causa peccati: unde non potest dici quod diabolus in primo instanti suae creationis fuerit malus.*

Mirum est quot, & quanta dicantur circa istam, & alias rationes D. Thomae, & à Thomistis, & ab adversariis, quae quidem sunt ingeniosissima, sed aliunde intricatissima: & ideo relictis aliis explicandi modis, placet ille quem tradit illustrissimus scholae nostrae S. Thomae in universitate reparator, & utriusque cathedrae tam Philosophiae quam Theologiae fundator Archiepiscopus noster felic. memoriae de Marinis in comment. praedicti artic. 5. cap. 4. sic ergo formatur argumentum juxta mentem Doctoris angelici. Omne agens intendit producere perfectissimum effectum sibi possibilem: & praesertim Deus, cujus, ut dicitur Deuterono. 32. *perfecta sunt opera*, & qui est agens omnium perfectissimum: & praesertim etiam respectu Angelorum, quos sicut produxit sibi similes, quantum creaturae conditio pati potest, ita eos reddidit perfectos, quantum possibile est. Unde productio causae non est consummata, quousque effectum suum perduxerit ad omnem perfectionem ipsi possibilem juxta conditionem naturae suae: sic verificatur illud commune Philosophorum axioma, *qui dat esse dat consequentia ad esse*. V. g. ignis duas habet operationes, prima est calefactio, secunda est quies in sua sphaera: Et quia ignis generans statim in primo instanti tribuitigni genito virtutem calefactivam perfectam per ip-

sam actualem calefactionem, ideo in eodem instanti terminatur ex hac parte ipsius activitas; & licet prima calefactio tribuatur igni generanti, sequentes tamen calefactiones tribuuntur igni genito: sed quia ignis genitus secundam operationem quiescendi in sua sphaera non habet in primo suae productionis instanti, sed movetur sursum ut ad sphaeram illam pertingere possit, ideo actio ignis generantis ex hac parte non cessat, nec est completa, sed ignem genitum movet, ut ipsum ad suam perfectionem perducatur; sic verificatur illud aliud Philosophorum axiom^a, *gravia, & levia moventur a generante*. Quod si ignis genitus ad suam sphaeram perveniret, prima quies tribueretur igni generanti: quietes vero subsequentes, attribuerentur igni genito: cumque ad hoc omne agens ex natura sua sit institutum, si aliquis in hoc defectus contingeret, non effectui attribueretur, sed ipsi agenti, quod non potuisset perficere id quod intendit, & ad quod est institutum.

Cum igitur omnes Angeli fuerint statim capaces in primo suae creationis instanti operationis ita perfectae, ut ex una parte foret libera, & meritoria, & ex altera non posset esse defectibilis, & peccaminosa; itaut Angeli forent saltem pro semel liberi, & impeccabiles, cum non possint esse tales pro semper, sicut fuit Christus; debuit Deus juxta leges à sua providentia stabilitas statim Angelos ut author specialis praedeterminare ad hujusmodi actionem eliciendam, sicut ignis generans ignem statim causat primam ejus calefactionem.

Et quamvis Deus non sit astrictus legibus suae providentiae; atque ita absolute potuisset creare substantiam Angelorum, denegando suum concursum ad illam operationem eliciendam necessarium; non tamen propterea permittere, quod ex hoc subsequeretur peccatum: quia peccatum illud non Angelis, sed ipsi Deo attribueretur, ut satis patet ex dictis in paragraphis praecedentibus.

Obiectionis difficillima nova, & facilis solutio.

Obiic. 1. homo peccare potest in primo instanti usus rationis. Ergo etiam Angelus peccare potuit in primo instanti suæ creationis, quod respectu ipsius est veluti primum instans usus rationis: non enim est potior ratio de uno quàm de alio.

Confirmatur. Anima rationalis inficitur originali peccato statim in ipso suæ creationis instanti. Ergo Angelus statim infici potuit actuali peccato.

Resp. argumentum illud semper mihi visum esse difficillimum: omissis autem variis solutionibus, do unam, quæ facilis erit, pro Theologiæ Candidatis. Igitur conc. antec. & ne. consequ. Ratio discriminis est, quia omnes homines fuere moraliter inclusi in Adamo tanquam in suo capite, ut explicabimus agendo de originali peccato: unde sufficiens fuit, quod Deus primum hominem nedum ut personam particularem, sed etiam ut caput totius generis humani prædeterminaverit statim in ipso suæ creationis instanti, ad illam actionem ita perfectam, ut esset libera, & meritoria, & tamen non posset esse defectibilis, & peccaminosa: Sic enim censetur, moraliter loquendo, eam cuilibet homini non in se, sed in suo capite concessisse; unde post illam primam actionem potuit in quolibet homine permittere actionem peccaminosam. Nullus verò fuit Angelus, in quo tanquam in suo capite alij essent moraliter inclusi, & à quo descenderent, & prius pro seipsis operantem præsupponere possent: unde necesse fuit, quod cuilibet eorum in sua propria persona concederetur illa prima actio, quæ foret libera, & tamen non posset esse peccaminosa.

Ad confirm. similiter Resp. conc. antec. ne. consequ. discrimin est, quia peccatum originale non est proprium actum, sed alienum, nempe ipsius Adami: & operatio illa, per quam huiusmodi peccatum transfudit in posteros, non fuit prima eius operatio, in qua

Deus non potuit permittre peccatum, benè tamen in subsequentibus. Sed peccatum Angelorum in primo instanti, fuisset per proprium actum: & actus ille fuisset prima eorū operatio. Fundatur hæc solutio in D. Tho. ma qu. 16. de malo artic. 4. ad 21. ubi ait: *Dicendum, quod anima in primo instanti suæ creationis efficitur mala, non per actionem propriam sed per unionem ad corpus infectum: unde non est similis ratio de Angelo, qui non potuit fieri malus nisi per proprium actum.*

§. VII.

Alterius non minus difficilis obiectionis nova etiam, & facilis solutio.
Insinuatur concordia libertatis, & impeccabilitatis angelica.

Pro clariori & obiectionis, & solutionis intelligentia. Advert. 1. Quod quando Deus prædeterminat efficaciter aliquem ad actum charitatis, prædeterminatus sub illa formali reduplicatione est impeccabilis: quia ex illa efficaci prædeterminatione sequitur infallibiliter huiusmodi actus charitatis; & cum tali infallibilitate non potest compati peccatum. Ita docet angelicus Doctor 2. 2. qu. 24. a. 11. his verbis. *Charitas impeccabilitatem habet ex virtute spiritus sancti, qui infallibiliter operatur quodcumque voluerit: unde impossibile est hæc duo simul esse vera, quod spiritus sanctus velit aliquem movere ad actum charitatis, & quod ipse charitatem amittat peccando.*

Adu. 2. Quod prædeterminatio efficax est quidem infallibilis, non tamen necessitans; imò efficax non esset, si necessitaret: quia Deus efficaciter prædeterminans vult quidem, quod effectus sequatur infallibiliter; sed non vult quod sequatur necessariò, sed contra quod sequatur liberè: unde non adimpleretur divina voluntas, proindeque non foret efficax, si cum infallibilitate, & impeccabilitate non conciliaretur libertas. Ita docet sanctus Doctor 1. 2. qu. 10. a. 4. ad

1. ubi ait: *Dicendum, quod voluntas divina non solum se extendit ut aliquid fiat per rem quam movet, sed ut etiam eo modo fiat, quo congruit naturae ipsius: Et ideo magis repugnaret divinae motioni, si voluntas ex necessitate moveretur, quod sua natura non competit, quam si moveretur libere, prout competit natura sua.*

Advert. 3. Quod sicut explicabimus magis in tract. de incarnatione, duplex est libertas opposita necessitati, sive libertas indifferentiae, altera quoad specificationem, & contrarietatem, altera quoad exercitium, & contradictionem: libertas illa dicitur specificationis, & contrarietatis, ratione cuius aliquis potest indifferenter facere bonum, vel malum, quae sunt diversae speciei, & inter se contraria; libertas vero exercitij, & contradictionis est illa, ratione cuius aliquis non potest facere malum, neque peccare, sed solummodo facere bonum; & nihilominus potest indifferenter vel bonum opus facere, vel illud suspendere; huiusmodi autem exercitium, vel ejus suspensio sunt contradictoria.

Adu. 4. Quod sicut explicuimus fuse agendo de praedeterminatione in fine primi tom., ad libertatem indifferentiae quantum ad exercitium, sufficit, quod dum ponitur actus, simul ac semel subsistat potentia ad suspensionem ipsius, non quidem potentia positionis, ratione cuius de facto poneretur illa suspensio; sed potentia possibilitatis, ratione cuius licet sit infallibile, quod huiusmodi suspensio non ponetur de facto, est tamen revera ponibilis, sive possibilis. Deus igitur qui praedeterminans efficaciter, vult quod actio infallibiliter sequens sit libera, excludit quidem potentiam positionis ad suspensionem ejus, quia si de facto suspenderetur actio, non sequeretur infallibiliter, ut per se patet; sed tantum abest, quod excludat potentiam possibilitatis ad huiusmodi suspensionem, quin potius e contra vult, quod subsistat; quia sine ipsa nequit stare libertas; & aliunde actio non definit infallibiliter poni, dummodo revera non ponatur de facto ipsius suspensio, quantumvis sit ponibilis, & possibilis. His praenotatis.

Obiic. 2. Angeli in primo creationis instanti merve-

runt, exercendo actum charitatis, & observando huius virtutis praeceptum, quod tunc fuit eis impositum, ut dicemus artic. seq. Ergo potuerunt demereri, & peccare. Antecedens est nostra doctrina; consequentia probatur. Angeli non potuerunt mereri in illo primo instanti, nisi in illo fuerint liberi libertate indifferentiae; hæc enim sola est vera libertas, sine qua nullum dari potest meritum, ut dicemus in tract. de merito. Sed si Angeli fuerunt ita liberi, potuerunt peccare. Ergo. prob. mi. libertas illa saltem exigebat, ut dum actum charitatis exercebant, possent saltem illum suspendere. Sed si potuerunt illum suspendere, potuerunt peccare. Ergo. prob. mi. posse suspendere actum, qui præcipitur, est posse transgredi ipsummet praeceptum. Sed posse transgredi praeceptum, est posse peccare, ut per se constat. Ergo.

Resp. quodd hæc obiectio non minùs difficilis est, imò magis quam præcedens; tangit enim unam ex maximis totius Theologiæ difficultatibus, scilicet de concordia libertatis, & impeccabilitatis: sed quia Angeli fuere liberi, & simul impeccabiles pro semel tantum, siue in solo primo instanti suæ creationis, Christus verè pro semper, siue in tota vita sua, ideo concordia illa solummodo hîc insinuat, & in tract. de incarn. accuratissimè explicabitur.

Igitur conc. antecedens, & ne. consequentiam. Ad cuius prob. dist. ma. Non potuerunt mereri, nisi fuerint liberi, libertate indifferentiae, quoad specificationem, & contrarietatem, ne. quoad exercitium, & contradictionem, conc. Non enim fuit necesse quodd possent benè, & malè agere, proindeque peccare; sed sufficit, quodd exercitium amoris possent suspendere: hæc enim libertas plusquam sufficiens est ad meritum, ut pater in Christo, qui nunquam potuit nisi bonum facere, & nihilominus meruit perfectissimè.

Ad rationem subiectam dico ad maiorem. Libertas illa exigebat, ut Angeli possent suspendere actum charitatis, dist. ut possent illum suspendere, potentiâ positionis, itaut de facto illum suspenderent, ne. ut possent illum suspendere, potentiâ possibilitatis, itaut licet infallibile foret, quodd non erant illum revera sus-

penfuri, verè tamen suspendere potuissent si voluissent, conc. & similiter distinguenda est mi. posse enim potentia positionis suspendere actum, qui præcipitur, est posse peccare; sed posse illum suspendere solâ potentia possibilitatis, hoc nullatenus est posse peccare. Quod constabit ex solutione sequentis argumenti.

Igitur majorem illam ultimi argumenti, posse suspendere actum qui præcipitur, est posse transgredi præceptum, proindeque peccare, sic distinguo. Si voluntas præcipientis sit, quodd actus ille non possit suspendi, conc. quodd posse ipsum suspendere, est posse præceptum transgredi, proindeque peccare: si contra præcipientis actum velit, quodd possit suspendi, ne. Tantum enim abest, quodd tunc posse suspendere talem actum, sit posse transgredi præceptum; quin potius hoc est observare præceptum modo, quo præcipientis vult, ut observetur. Cum igitur Deus præciendo Angelis actum charitatis in primo creationis instanti, volverit quidem quodd Angeli infallibiliter talem actum ponerent, sed volverit etiam ad hoc ut essent liberi in ipsius exercitio, quodd ita ipsum ponerent, ut ad ipsum suspendendum potentiam haberent, non quidem potentiam positionis, quæ infallibilitatem actus impediret, eum de facto suspendendo, sed potentiam possibilitatis, quæ infallibilitatem exercitij charitatis minimè impedit: inde fit, quodd tantum abest, ut potentia possibilitatis ad suspendendum charitatis actum foret in Angelis peccaminosa in primo instanti; quin potius cum esset omnino conformis voluntati Dei, non poterat non esse bona, & perfecta.

Exemplum evidens est, quod insinuavimus in secundo notabili, & magis explicuimus agendo de prædeterminatione, scilicet in ipso Deo efficaciter prædeterminante, eadem enim est ratio ac de ipso efficaciter præcipiente: sicut enim prædeterminans efficaciter ad charitatis actum, vult quidem, quodd actus ponatur infallibiliter, sed quia vult etiam quodd ponatur liberè, vult consequenter, quodd simul cum actu subsistat potentia possibilitatis ad oppositum, sine qua libertas stare non posset: Unde voluntas Dei prædeterminantis non foret efficax, si talis potentia possibilitatis non

remaneret: ita quia voluntas Dei efficaciter præcipientis est, ut actus quidem fiat infallibiliter, sed etiam ut fiat liberè, ad quod requiritur potentia possibilitatis ad ejus suspensionem, voluntas Dei præcipientis non fuisset efficax in Angelis, si talis potentia in eis non remansisset. Sic igitur ex una parte erant liberi, & ex altera parte erant impeccabiles, utpote in omnibus, & per omnia conformes divinæ voluntati.

Explicatur adhuc magis. Quando Deus imposuit Angelis præceptum amoris, voluit ut illud observarent, non tanquam servi, sed tanquam filij, proindeque non coactè, & necessario, sed spontè, & liberè: voluit ergo quòd actum illum suspendere possent potentia possibilitatis, & nihilominus illum defacto infallibiliter ponerent: & quod eis præcepit, hoc ipsemet per efficacem prædeterminationem ipsis præstitit, juxta illud D. Augustini, da quod jubes, & jube quod vis. Igitur prædeterminavit eos ut agentia libera, dando ipsis per unam eandemque prædeterminationem, ipsum actum, & simul ac semel potentiam suspendendi ipsum: quomodo autem hoc fieri possit, explicuimus satis agendo de prædeterminatione. Nihil ergo ibi fuit, aut esse potuit, vel peccati, vel peccaminosi, ubi nihil fuit, nec esse potuit, nisi quod Deus voluit, imò etiam fecit.

Quæ supersunt ex tractatu de Angelis, remittuntur ad sequentem tomum.

Tomus tertij.

FINIS.



CONT.

